



L, VIII, 186,

186



DOMINICI CAVALLARII

I N

REGIA NEAPOLITANA ACADEMIA

ORDINARII PROFESSORIS

INSTITVTIONES

IVRIS CANONICI

QVIBVS VETVS ET NOVA ECCLESIAE
DISCIPLINA ENARRATVR

IN VSVM PRIVATI AVDITORII CONSCRIPTAE;

Editio tertia auctior & emendatio.



N

NEAPOLI MDCCLXXVII:
APVD SIMONES.

Publica auctoritate.

Prima salus est rectae fidei regulam custodire, & a constitutis Patrum nullatenus deniare.

Hormisda papa episcopis Hispaniae ap.
Gratianum can. IX. C. 25. q. 1.

ANTONIO GÜRTLER

EPISCOPO THENARVM

E T

MARIAE CAROLINAE AVSTRIACAE

APVLIAE ET SICILIAE REGINAE
A CONFSSIONIBVS.

DOMINICVS CAVALLARIVS
F.



X quo primum tempore, Praesul
amplissime, Te propius cognoui,
vera esse animaduerti, quae de te
constans virorum bonorum relatio
praedicabat: nempe, Te esse opti-
mis sanctissimisque moribus praeditum, omni
doctrinarum genere excultum, in primis ve-
ro ita comparatum, vt intelligeres & reapse
praestares, hominis esse homini benefacere. Tu
enim ope consilio omnibus praesto esse soles,
praesertim vero litteratos viros sinu excipis
a 2 tuo,

tuo, & eorundem commoda promoues, probe intelligens, litteras tutela quadam & honore indigere, quo magis magisque promouentur. Atque hinc merito selectus es, ut tamquam proprius presbyter Mariae Carolinae Austriacae Reginae nostrae confessionibus praeeses. Quod quum talis & tantus sis erga omnes, me tamen peculiari honore adficere consueuisti, & amicitia tua dignum putasti. Hinc ne ego semper vacuus ad te venirem, ecce meas *iuris canonici institutiones* nomine tuo exornatas ad te defero; quo munere meae aduersus te obseruantiae publicum volui superesse testimonium. Eas vero, quaecumque sint, benigne excipias oro, summaeque laudi mihi cessurum puto, si intellexero, eas tibi viro summo & in ecclesiasticis rebus apprime ex-culto aliquatenus placere. Vale vir optime, teque diu incolumem serua.

Ad

Ad cupidam sacrorum canonum iuuentutem

A V C T O R.

Institutiones canonicae, quas stilo fusiore & multis quaestionibus insertis in publicum emissi, longiores visae sunt, quam ut secundum praesentes mores in usum scholarum possent adhiberi. Quapropter consilium iniui contracta methodo elementa ecclesiasticarum regularum tradere, quibus adolescentes iuris candidati, qui auditorium meum frequentant, uterentur. Nec enim videtur probandus mos ille, qui iamdiu obtrinet, artium & scientiarum elementa, scripto excipienda, tironibus tradere. Quae scripto exhibentur, solent esse contractiora, nec multum expolita; coguntur enim professores ad temporis rationem se accommodare: ut mittam, non omnes adolescentes recte scribere, quae ab ore dictantis excipiunt.

Has autem institutiones ita adornare visum est, ut veterem & nouam ecclesiae disciplinam breui verborum compendio exhiberent. Piaculum duxi, neglectis originibus & veteribus canonibus, nouae tantum disciplinae regulas sistere; ex qua forma Lancellotus suas ferme institutiones coagmentauit. Sanctitas certe & maiestas iuris canonici in antiquitate splendescit. Vetus enim disciplina puritate & candore suo animos percellit, demonstratque, quae fuerint ecclesiae tempora feliciora. Falsum quoque est, quod multi dictitant, antiquos canones cum honore esse sepultos. *Ve enim desueuerint canones de rebus indifferentibus;*

tamen canones de moribus stabunt aeternum. Quid quod multos ex recentioribus canonibus potius tolerat, quam inculcat ecclesia, feliciora tempora expectans, quibus saniores regulas reducat? Et ita auctore Fleuryo (praef. ad instit. iuris ecclesiast.) longe magis consentaneum est pro regula sectari, quod ecclesiae placuit & per duodecim saecula observatum est, quam quod quinque posterioribus saeculis ecclesia toleravit, atque emendare satagit.

Porro id etiam curavi (quatenus pro ingenii tenuitate licuit) canonum & mutatae disciplinae rationes & causas exhibere. Et profecto canonum sententia summopere splendet, & animos sanctitate sua occupat & perstringit, si eorundem rationes innotuerint. Qua eadem ratione civilis sapientia tum perfecta videtur, si legum rationes & causae ex civitatum formis & populorum moribus depromptae animo obversentur. Quin canonum & legum ratio eo etiam nomine utilis est, quod ad rectam interpretationem conducit, & ulterius excurrrens, veluti novas rei canonicae & civilis regulas inuehit: ex ratione enim canonis & legis, quatenus verba ampliore vel strictiore sensu accipi debeant, intelligitur: & inde veluti novae regulae promanant.

Quod vero ecclesia in republica nata est, non contra, civitatis iura proposui, quae de rebus spiritualibus statuunt; principum enim est, ecclesiam & religionem tueri, & qui canones legibus civilibus confirmantur, in vim nomo-canonis adsurgunt. Quin etiam id operae pretium esse duxi, ex theologiae & iuris publici scitis sacerdotii & imperii fines distinguere, & quid factum sit,

N

ut multa, quae civilis potestatis erant, tandem inter ecclesiae iura translata sint, seu potius translata credantur.

Iam institutiones istas in tres partes partitus sum pro triplici iuris obiecto, personis nempe, rebus, & iudiciis: qua partitione nihil aptius ad ius, siue civile, siue canonicum in artem redigendum. Exhibet prima pars personas ecclesiasticas, earumque officia, mores & instituta, ut & sollemnem earum inaugurandarum rationem: item ascetas & monachos, quorum tractatio bonam iuris canonici occupat partem. Altera pars agit de rebus ecclesiasticis, atque ita complectitur sacramenta, dies festos, ieiunia, ecclesias, sepulturas, hospitalia, bona ecclesiastica, & ex bonis exorta beneficia, & ecclesiarum & clericorum a tributis exemptiones. Et tertia demum pars exhibet iudicia & poenas ecclesiasticas.

Prodeunt nunc hae institutiones tertiis curis recensitae, atque ideo ampliores & emendatiores. Sane plura capita veluti ex integro addita, multi errores, qui in antecedentes editiones irrepserant, emendati: nouae obseruationes non vno loco additae: & multa, quae tirones poterant retardare, in subiectas adnotationes reiecta. Et quod magis est, praeter generalem capitum recensitionem etiam rerum praecipuarum index accessit: qua additione libellus vrilior euasit. Rem ipsam praecedit recensio capitum totius operis, ex qua veluti ex tabella tirones vniuersae materiae conspectum habere possunt.

RE C E N S I O

CAPITVM TOTIVS OPERIS.

PROLEGOMENA.

<u>CAP. I.</u>	<u>DE natura & origine iuris canonici .</u>	<u>pag. 1</u>
<u>CAP. II.</u>	<u>De variis canonum speciebus .</u>	<u>5</u>
<u>CAP. III.</u>	<u>De sacrorum canonum publicatione & receptione .</u>	<u>10</u>
<u>CAP. IV.</u>	<u>De legibus principum circa res ecclesiasticas .</u>	<u>14</u>
<u>CAP. V.</u>	<u>De iure canonico veteri & codicibus , quibus continetur .</u>	<u>17</u>
<u>CAP. VI.</u>	<u>De iure canonico nouo eiusque codicibus .</u>	<u>24</u>
<u>CAP. VII.</u>	<u>De iure canonico nouissimo .</u>	<u>38</u>

P A R S I.

De personis ecclesiasticis.

<u>CAP. I.</u>	<u>De ecclesia .</u>	<u>45</u>
<u>CAP. II.</u>	<u>De variis christianorum ordinibus .</u>	<u>50</u>
<u>CAP. III.</u>	<u>De ecclesiastica hierarchia .</u>	<u>54</u>
<u>CAP. IV.</u>	<u>De externa ecclesiae politia .</u>	<u>59</u>
<u>CAP. V.</u>	<u>De episcopis eorumque in regenda ecclesia potestate .</u>	<u>63</u>
<u>CAP. VI.</u>	<u>De episcoporum officio .</u>	<u>66</u>
<u>CAP. VII.</u>	<u>De visitatione dioecesis .</u>	<u>69</u>
<u>CAP. VIII.</u>	<u>De metropolitanis .</u>	<u>73</u>
<u>CAP. IX.</u>	<u>De auctoritate & usu pallii .</u>	<u>75</u>
<u>CAP. X.</u>	<u>De patriarchis .</u>	<u>79</u>
<u>CAP. XI.</u>	<u>De Romano pontifice .</u>	<u>85</u>
<u>CAP. XII.</u>	<u>De Romanae ecclesiae cardinalibus .</u>	<u>89</u>
<u>CAP. XIII.</u>	<u>De legatis ecclesiasticis .</u>	<u>93</u>
<u>CAP. XIV.</u>	<u>De coadiutoribus .</u>	<u>99</u>
<u>CAP. XV.</u>	<u>De Chorepiscopis .</u>	<u>101</u>
<u>CAP. XVI.</u>	<u>De praelatis inferioribus .</u>	<u>104</u>

CAP.

CAP. XVII.	<i>De presbyteris, archipresbyteris & parochis.</i>	107
CAP. XVIII.	<i>De diaconis, archidiaconis & diaconissis.</i>	110
CAP. XIX.	<i>De clericis minoribus & attonsis.</i>	115
CAP. XX.	<i>De canonicis.</i>	121
CAP. XXI.	<i>De irregularitatibus.</i>	128
CAP. XXII.	<i>De sacrorum ministrorum electione.</i>	140
CAP. XXIII.	<i>De regia in electiones episcoporum potestate.</i>	148
CAP. XXIV.	<i>De ordinandorum examine & electionis confirmatione.</i>	154
CAP. XXV.	<i>De sacris ordinationibus, & primo de materia & forma, aliisque adnexis sollemnibus.</i>	157
CAP. XXVI.	<i>De sacrae ordinationis ministro.</i>	162
CAP. XXVII.	<i>De ordinum susceptoribus.</i>	167
CAP. XXVIII.	<i>De sacrae ordinationis effectibus.</i>	170
CAP. XXIX.	<i>De ordinibus gradatim suscipiendis & eorundem intersitiis.</i>	172
CAP. XXX.	<i>De temporibus ordinationum.</i>	175
CAP. XXXI.	<i>De titulo ordinationis.</i>	178
CAP. XXXII.	<i>De episcoporum translationibus & renuntiationibus.</i>	182
CAP. XXXIII.	<i>De sanctitate & virtutibus clericorum.</i>	185
CAP. XXXIV.	<i>De habitu & tonsura clericorum.</i>	189
CAP. XXXV.	<i>De saecularibus negotiis, a quibus clerici se debent abstinere.</i>	192
CAP. XXXVI.	<i>De clericorum caelibatu.</i>	196
CAP. XXXVII.	<i>De ascetis.</i>	203
CAP. XXXVIII.	<i>De origine & progressu monachorum.</i>	206
CAP. XXXIX.	<i>De probatione vitae monasticae praemittenda.</i>	216
CAP. XL.	<i>De monachorum professione.</i>	219
CAP. XLI.	<i>De votis & exercitiis monasticis.</i>	226
CAP. XLII.	<i>De clericatu monachorum.</i>	230
CAP. XLIII.	<i>De statu monachorum.</i>	235

P A R S II.

De rebus ecclesiasticis.

<u>CAP. I.</u>	<u>De sacramentis generatim.</u>	242
<u>CAP. II.</u>	<u>De baptismo, ubi de materia, forma & ministro.</u>	251
<u>CAP. III.</u>	<u>De suscipientibus baptismum.</u>	256
<u>CAP. IV.</u>	<u>De baptismi collatione, ubi de suscipientibus.</u>	261
<u>CAP. V.</u>	<u>De effectibus & necessitate baptismi.</u>	265
<u>CAP. VI.</u>	<u>De ritibus baptismum consequentibus.</u>	269
<u>CAP. VII.</u>	<u>De confirmatione.</u>	271
<u>CAP. VIII.</u>	<u>De sacramento eucharistiae, & primum de materia & forma.</u>	277
<u>CAP. IX.</u>	<u>De ministro eucharistiae, eamque suscipientibus.</u>	381
<u>CAP. X.</u>	<u>De effectibus & necessitate eucharistiae.</u>	286
<u>CAP. XI.</u>	<u>De missarum celebratione.</u>	290
<u>CAP. XII.</u>	<u>De sacramento poenitentiae, & primum de materia.</u>	301
<u>CAP. XIII.</u>	<u>De indulgentiis.</u>	315
<u>CAP. XIV.</u>	<u>De forma & effectu sacramenti poenitentiae.</u>	318
<u>CAP. XV.</u>	<u>De ministro sacramenti poenitentiae.</u>	320
<u>CAP. XVI.</u>	<u>De subiecto & necessitate sacramenti poenitentiae.</u>	324
<u>CAP. XVII.</u>	<u>De sacramento extremae unctionis.</u>	326
<u>CAP. XVIII.</u>	<u>De sponsalibus.</u>	337
<u>CAP. XIX.</u>	<u>De sacramento matrimonii.</u>	334
<u>CAP. XX.</u>	<u>De iis, qui nuptias contrahere vetantur.</u>	340
<u>CAP. XXI.</u>	<u>De relaxandis matrimonii impedimentis.</u>	351
<u>CAP. XXII.</u>	<u>De diuortiis.</u>	552
<u>CAP. XXIII.</u>	<u>De secundis nuptiis.</u>	556
<u>CAP. XXIV.</u>	<u>De dierum festorum celebratione.</u>	359

CAP.

CAP. XXV.	<i>De ieiuniis .</i>	363
CAP. XXVI.	<i>De sacrosanctis ecclesiis & altaribus.</i>	369
CAP. XXVII.	<i>De asylo ecclesiarum .</i>	377
CAP. XXVIII.	<i>De sepulturis .</i>	383
CAP. XXIX.	<i>De Monasteriis .</i>	387
CAP. XXX.	<i>De hospitalibus .</i>	389
CAP. XXXI.	<i>De oblationibus .</i>	393
CAP. XXXII.	<i>De praediorum ecclesiasticorum adquisi- tione .</i>	396
CAP. XXXIII.	<i>De decimis & primitiis .</i>	405
CAP. XXXIV.	<i>De recto rerum ecclesiasticarum usu.</i>	412
CAP. XXXV.	<i>De rerum ecclesiasticarum procuracione.</i>	416
CAP. XXXVI.	<i>De rebus ecclesiasticis non alienandis.</i>	420
CAP. XXXVII.	<i>De natura & origine beneficiorum ec- clesiasticorum .</i>	423
CAP. XXXVIII.	<i>De beneficiariorum assiduitate .</i>	429
CAP. XXXIX.	<i>De vetita beneficiorum multitudine .</i>	433
CAP. XL.	<i>De beneficiorum collatione .</i>	436
CAP. XLI.	<i>De mandatis apostolicis, reservatio- nibus & praeventionibus .</i>	440
CAP. XLII.	<i>De commendis beneficiorum .</i>	449
CAP. XLIII.	<i>De laica beneficiorum collatione .</i>	452
CAP. XLIV.	<i>De iure patronatus .</i>	454
CAP. XLV.	<i>Quibus conferenda beneficia .</i>	461
CAP. XLVI.	<i>De coniungendis ecclesiis & benefi- ciis .</i>	466
CAP. XLVII.	<i>De renuntiandis & permutandis be- nificiis .</i>	471
CAP. XLVIII.	<i>De pensionibus ecclesiasticis .</i>	476
CAP. XLIX.	<i>De pectio clericorum .</i>	480
CAP. L.	<i>De immunitate a tributis ecclesiarum bonis & clericis concessa .</i>	485

P A R S III.

De iudiciis ecclesiasticis .

CAP. I.	<i>De iurisdictione ecclesiae propriae .</i>	493
CAP. II.	<i>De iurisdictione ecclesiastica in caus- is civilibus laicorum .</i>	497
		CAP.

CAP. III.	<i>De iurisdictione ecclesiastica in causis civilibus clericorum.</i>	504
CAP. IV.	<i>De iurisdictione criminali ecclesiastica.</i>	508
CAP. V.	<i>Qui clerici & monachi fori privilegium habeant, & an illud possint eiurare.</i>	514
CAP. VI.	<i>De foro competenti.</i>	519
CAP. VII.	<i>Quibus in causis clerici apud iudicem laicum conuentiuntur.</i>	528
CAP. VIII.	<i>De causis episcoporum.</i>	533
CAP. IX.	<i>De conciliis.</i>	537
CAP. X.	<i>De regia in synodo potestate.</i>	556
CAP. XI.	<i>De iudicibus ordinariis.</i>	562
CAP. XII.	<i>De iudicibus delegatis.</i>	567
CAP. XIII.	<i>De fidei inquisitoribus.</i>	572
CAP. XIV.	<i>De arbitris.</i>	578
CAP. XV.	<i>De iudiciis & eorum ordine generatim.</i>	583
CAP. XVI.	<i>De ordinario iudicio civili ecclesiastico, in primis de citatione.</i>	587
CAP. XVII.	<i>De contumacibus.</i>	591
CAP. XVIII.	<i>De exceptionibus & mutuis petitionibus.</i>	593
CAP. XIX.	<i>De litis contestatione.</i>	597
CAP. XX.	<i>De iureiurando propter calumniam.</i>	599
CAP. XXI.	<i>De probationibus.</i>	601
CAP. XXII.	<i>De summano iudicio.</i>	609
CAP. XXIII.	<i>De veteri iudicio criminali ecclesiastico.</i>	610
CAP. XXIV.	<i>De purgatione canonica & vulgari.</i>	613
CAP. XXV.	<i>De hodierno iudicio criminali ecclesiastico.</i>	618
CAP. XXVI.	<i>De sententia & re iudicata.</i>	627
CAP. XXVII.	<i>De sententiae executione.</i>	632
CAP. XXVIII.	<i>De appellationibus.</i>	635
CAP. XXIX.	<i>De in integrum restitutione.</i>	647
CAP. XXX.	<i>De apostasia.</i>	
CAP. XXXI.	<i>De haeresi.</i>	652
CAP. XXXII.	<i>De schismate.</i>	658
CAP. XXXIII.	<i>De simonia.</i>	660

CAP. XXXIV.	<i>De poenis & censuris ecclesiasticis generatim.</i>	667
CAP. XXXV.	<i>De excommunicatione.</i>	673
CAP. XXXVI.	<i>De interdicto.</i>	686
CAP. XXXVII.	<i>De suspensione.</i>	691
CAP. XXXVIII.	<i>De absolutione a censuris.</i>	694
CAP. XXXIX.	<i>De depositione & reliquis poenis ecclesiasticis.</i>	699
CAP. XL.	<i>De exemptionibus de potestate episcoporum.</i>	709

E R R O R E S E M E N D A T I O N E S .

<u>Pag. 105 v. 5 legitima</u>	<u>legitime</u>
<u>112 (b) v.13. ap.</u>	<u>apud</u>
<u>268 v.17 nondum o-</u>	<u>nondum primis sacculis o-</u>
<u>mnino</u>	<u>mnium</u>
<u>279 v.23 Druuen</u>	<u>Drouuen</u>
<u>294 (a) v.3 a monachis</u>	<u>monachi inuenerunt</u>
<u>inuentum est</u>	
<u>305 (c) v.12. ecclesia</u>	<u>ecclesia</u>
<u>323 v.16 andexa</u>	<u>adnexa</u>
<u>333 v.14 iureiurandi</u>	<u>iurisiurandi</u>
<u>361 (d) v.2 opifficia</u>	<u>officia</u>
<u>400 v.40 spiritualia</u>	<u>spiritualia</u>
<u>511 v. 9 L. 11.</u>	<u>L. 1.</u>
<u>511 (b) L. V.</u>	<u>cir. L. 1.</u>
<u>512 v. 4. Antioffiod.</u>	<u>Antiffiod.</u>
<u>553 v.29 foranei</u>	<u>foranei</u>
<u>595 v.31 matuo</u>	<u>mutuo</u>
<u>600 v.23 inscriptio</u>	<u>subscriptio</u>
<u>634 enim quotidianis</u>	<u>nec enim quotidianis</u>

A D D E N D A .

Par. I. cap. 21. §. 9. in fine haec addenda. Apud nos clerici in causis criminalibus non coguntur apud laicos iudices vera & proprie sic dicta testimonia dicere, sed tantum actuarii actum facere debent de omnibus, quae
a cle-

a clericis narrantur : qui vsus Regis nostri litteris pridie Kal. Iulias anno cīdīccclxx. ad Delegatum iurisdictionis datis confirmatus est.

Pag. 209. (e) post verba aperte calumniatur haec addenda sunt. Gyrouagi sedem stabilem non habebant, sed per totam vitam vagabantur, propriis voluptatibus & gulae illecebris seruientes, *reg. Bened. cap. 1.*

Par. II. cap. 41. post §. XIII. addi debet §. XIV., & qui eo loci exstat, in sequentem locum transferri debet.

§. XIV. Reseruaciones beneficiorum regulis Romanae cancellariae comprehensae morte summi pontificis exspirant, & inde donec a nouo pontifice instaurentur, ius ordinariorum antistitum in integrum restituitur. Sed in regno nostro, vbi regulae illae anno cīdīccclxix. morte Clementis xiii. extinctae sunt, amplius vires non habuerunt, etsi per Clementem xiv & Pium vi. hodiernum pontificem de more excitatae sint. Etenim litteris Regis nostri nonis Martii eiusdem anni ad Cameram Regalem datis vetitum est, regulas Romanae Cancellariae sine ipsius Regis expressa venia in vsum deduci: eidemque Camerae etiam datum, vt si futurus pontifex (vacabat tum sedes Romana) eas restitueret, de iisdem audito Coronae aduocato relationem faceret. Inde earum regularum apud nos nulla vis fuit. At tandem xv. Kalendas Iunii huius currentis anni cīdīccclxxvii. suis litteris Rex iussit, executioni mandari collationes beneficiorum interim a sede apostolica factas, quae suspensae & effectu vacuae diu steterant: deinceps vero pontificias collationes effectum sortiri, si constaret, illis data fuisse beneficia, quos Rex litteris suis apud sedem apostolicam commendauerat. Quod recentioribus litteris tum obtinere Rex declarauit, si non obstarent regalia rescripta vario tempore edita, quibus multae collationes pontificiae sine effectu esse iubentur.

Pag. 612. (a) in fine haec addenda. Lapsu temporis Leo iv. requisitos per Siluestri Romanam synodum testes bona fide probauit, & ita inualuit disciplina, ad damnandos clericos duorum aut trium testimonia non sufficere.

AD INSTITVTIONES

IVRIS CANONICI.

PROLEGOMENA.

C A P V T I.

De natura & origine iuris canonici.

§. I.



Ecclesia a Iesu Christo ad hominum spirituale salutem collecta, certum regimen ad sui conseruationem requirit: est enim societas, quae aeternum stare debet: & societates sine regimine quā consistent? Hinc Christus discessurus ex hoc mundo ad patrem, in ecclesia regimen instituit: dedit nempe apostolis eorumque successoribus eius administrandae & regendae plenam potestatem, Ioan. XX. v. 21., Actor. XX. v. 28.

§. II. Haec autem ecclesiae regendae potestas apostolis eorumque successoribus demandata, circa tria versatur, *doctrinam, mores, disciplinam*. Doctrina continet dogmata fidei: mores sunt actiones christianorum, quae ad sanctissimam doctrinam componi debent: & disciplina complectitur ritus liturgicos & exteriorem ecclesiae administrandae formam. In haec tria non eodem modo se exferit ecclesiae potestas: doctrinam enim & morum regulas custodit, & in dubiis explicat: disciplinam vero pro locorum & temporum adiunctis disponit. Sub nomine πολιτικας *politiae* Chrysostomus *de sacerdotibus lib. IV. cap. 5.* intelligit mores & disciplinam: quod nos breuitatis causa subinde faciemus.

§. III. Statuta omnia, ad fidem & politiam spectantia

Pars I.

A

tia

tia, olim modelto *canonis* nomine ecclesia nuncupauit. Est *canon* Graeca vox, artificum instrumentum ad lineas dirigendas significans: at vsu scriptorum ad omnia, quae tamquam regulae haberi possunt, translata est, quod Donatus *lib. I. praenot. cap. 1.* pluribus illustrat. Etiam ecclesia inde vsque a primis saeculis ad fidei & politiae regulas denotandas vocem *canonis* adoptauit: & inde libri veteris & noui testamenti, quod eiusmodi regulas continerent, *canonici* dicti sunt.

§. IV. Quamuis autem vno *canonis* nomine venirent & fidei & politiae regulae; tamen ea duo patres in synodis seorsum tractare consueuerunt. Franc. Florens *disser. de orig. iur. canonici par. I.* Et hinc quae fidei erant, *diaturniores descriptionibus* & symbolis complecti consueuerunt; canonibus vero, quae pertinebant ad politiam. Haec autem distinctio ordinis gratia facta est; nam proprie loquendo, a dogmatis canones ea tantum ratione differunt, qua conclusiones a principiis distant suis. Sane morum praecepta a doctrina deriuantur: & disciplina eo spectat omnis, vt doctrina in vsum deducatur. Atque ex ea distinctione tandem theologiae christianae studium in duas abiit facultates, vnā *theologiam* stricte sic dictam, quae doctrinam christianam complectitur, & *iur. canonicum*, cui cessit politia.

§. V. Est ergo ius canonicum, quod etiam *ecclesiasticum* & *pontificium* appellatur, facultas, quae regulas tradit, quibus christianorum mores componi debent, & ecclesiastica disciplina disponitur & ordinatur (a).

§. VI. Primis tribus saeculis, quatenus a persecutionibus licuit, plures synodi celebratae sunt, quibus canones conditi ad fidem adserendam & disciplinam dispo-

n-

(a) Definitio ista integram iuris canonici naturam exprimit, sed quatenus antiquis & ex parte etiam recentioribus canonum codicibus continetur. Scilicet exorto tandem in ecclesia regno iudiciali regulae permultae prodierunt, quae tantum sollemnem iudiciorum ordinem praescribunt, nec dignae sunt, vt augusto canonis nomine donentur, quamuis bonam magnamque partem decretalium conficiant.

PROLEGOMENA. CAP. I.

3

mendam. Et interim multae etiam regulae factis ipsis & assiduis moribus receptae, vt omnia ordine & decen- ter in ecclesia fierent. Canones vero in conciliis conditi non multi fuerunt, nec in omnibus ecclesiis seruati; vt non immerito dici possit, ecclesiam primis tribus saeculis ferme verbo Dei & moribus stetisse. Magno numero scribi coeperunt canones post pacem ecclesiae datam, quando publice conuenire episcopis licuit, & pacatus re- rum status postulauit fidem confirmare, & inualescentes abusiones euellere, & augustiorem constituere politiam.

§. VII. Iam vero ab his conciliorum canonibus & antiquis ecclesiarum moribus praecipue desumpti videntur *canones apostolici* sic vulgo dicti, qui etsi supposititii sint, nec apostolos, nec S. Clementem Romanum pontificem auctores habeant (b); tamen continent mores & disciplinam, quae primis saeculis praesertim in ecclesia Orientali vi- gebant. Sunt numero octoginta quinque, in quem nu- merum multorum priuata opera paulatim excrenerunt, quod Dupinus *prolegom. in Bibliam tom.II.* obseruat (c).

Ex-

(b) Multis sane argumentis constat, sic dictos apostolicos ca- nones esse supposititios. Principio eos canones apostolis aut S. Clementi non tribuerunt Eusebius & Hieronymus, qui aposto- lorum opera recensent, nec quisquam alius, qui canonem li- brorum sacrorum consignauit. Deinde multa in iis continentur, quae longe post apostolos instituta sunt, qualia concilia metro- politanorum annua, distinctio bonorum ecclesiae ab iis, quae episcoporum erant, ordines minores: quae omnia apostolis ignota fuerunt. Porro in controuersis de tempore celebrationis paschae & de baptismo haereticorum, quae secundo & tertio saeculo ecclesiam agitarunt, canones apostolici in medium pro- ducti non sunt: & tamen canon VII. aperte habet, pascha non esse cum Iudaeis ante vernum aequinoctium celebrandum: & canones XLVI. & XLVII. baptismum ab haereticis datum tam- quam nullum traducunt. Plura in hanc sententiam Beueregius in *iudic. de canonib. apostol.*, Nat. Alexander *diff.XVIII. in 1. saec.* alique congesserunt.

(c) Contendunt Albaspinæus, Petrus de Marca & Beuere- gius, canones apostolicos ante synodum Nicaenam collectos fuisse, laudantque in eam sententiam Nicaenam aliasque quarti

4 AD INSTITVT. IVRIS CANONICI

Exeunte saeculo quinto quinquaginta tantum priores apud Orientales cogniti videntur, quos inde latinitate donatos codici suo Dionysius Exiguus inferuit. Sed medio saeculo sexto iam omnes octoginta quinque collecti erant, eosque Ioannes Scholasticus in collectionem coniecit suam: & ab hoc tempore Graeci octoginta quinque canones tamquam ab apostolis conditos tenent. In Occidentis vero ecclesiis tantum quinquaginta priores, quos Dionysius Latinos fecerat, quatenus admitti poterant, recepti sunt.

§. VIII. Similiter sic dictae *constitutiones apostolicae*, octo libris comprehensae, longe post apostolos magna ex parte collectae videntur ex variis *διδασκαλίαις, διδάχαις & διατάξαι* doctrinis & constitutionibus, quae sub apostolorum & apostolicorum virorum nomine olim incerta fide circumferebantur, itemque ex aliis ecclesiasticis regulis, quae ante synodum Nicaenam siue in conciliis conditae, siue moribus ecclesiarum receptae erant (d): disciplina

saeculi synodos, & veteres eiusdem & anterioris aetatis scriptores, qui canones apostolicos sub generali *canonum* nomine, & quandoque etiam sub ipso *canonum apostolicorum* titulo confirmant & laudant. Sed canones in antiquis synodis confirmati, aut alias a scriptoribus memorati, non euincunt, syllogen canonum apostolicorum exeunte tertio saeculo aut quarto ineunte exstitisse; sed solum probant, tum fuisse veteres quasdam regulas, siue vsu & traditione, siue scripto constarent. Et sane non semper ac in antiquis monumentis confirmantur & memorantur antiquae regulae, ex aduerso respondent canones apostolici eandem doctrinam continentes. Sit exempli loco canon Nicaenus XIII., quo ex veteri regula statuitur, ultimo & necessario viatico non esse priuandos, qui corpore egrediuntur; & tamen nullus inter apostolicos in eandem sententiam canon reperitur. V. Nat. Alexandr. *diff. XVIII. in 1. saec.*

(d) Quo primum tempore collectae fuerint constitutiones apostolicae, non convenit inter eruditos. Sed praeferenda videtur Ioannis Pearsonii sententia, qui in *vindic. Ignat. par. I. cap. 4.* tenet, octo libros apostolicarum constitutionum coagmentatos fuisse medio tempore inter Epiphanium & auctorem operis imperfecti in Matthaeum, qui post Theodosium imperatorem scripsit. Sane auctor iste primus est, qui eas constitutiones veluti plu-

na enim his libris comprehensa exhibet vetustiores ecclesiarum ritus : itemque sunt in iis quaedam capita , quae merae sunt methodi gratia factae connexiones , quibus una alteri didascalia & constitutio subnecteretur . Dum vero auctor , quicumque fuerit , eiusmodi libros confarcinabat , multa addidit , detraxit , corrupit , vt ad suae aetatis rationes & doctrinam , quam profitebatur , conuenerent . Ita libri apostolicarum constitutionum in multis articulis exhibent veterem ecclesiae Orientalis disciplinam , & quod spectat ad fidem , saepe orthodoxiam non sapiunt , & a recta morum regula aliquando aberrant .

C A P V T II.

De variis canonum speciebus .

§. I. **I**Vs , quo regitur ecclesia , aut *diuinum* , aut *humanum* est . Et diuinum quidem a Deo profectum est vel rectae rationis lumine , vel speciali voluntate , quam signo externo manifestauit . Hinc in *naturale* , & *positiuum* , vt appellant , dispesci solet . Vtrumque libris veteris & noui testamenti continetur , quamuis naturale etiam per rectam rationem innotuerit . Sed non omnia , quae veteri testamento comprehensa sunt , christianos adstringunt . Nam moralia tantum praecepta , quae sunt ipsum ius naturale , etiam christianos obligant ; non vero caerimonialia & iudicialia , quorum illa Christum venturum plerumque designabant ; haec vero res ciuiles Iu-

A 3

daeo-

pluribus libris comprehensas proponit . Et licet Epiphanius indicare videatur , suo tempore iam collectas apostolicas constitutiones ; tamen si diligenter illius loca expendantur , ad rem non facere apparebit : laudat nimirum singulari numero *apostolicam constitutionem* : & si aliquando *apostolicas constitutiones* dicat , librorum numerum non addit : quae probant , Epiphanium ad peculiare constitutiones spectasse .

6 AD INSTITVT. IVRIS CANONICI

daeorum dirigebant. Hinc cessare oportebat vmbras, illius, quem figurabant, aduentu; etsi initio christianae religionis indulgentia quadam ad lucrandos fratres ex Iudaeis multos Mosaicos ritus ecclesia retinuerit: & diuersa reipublicae forma apud christianos recepta, qui stare poterant Iudaeorum leges ciuiles? Quod si aliqua iudicialia Iudaeorum praecepta ecclesia adoptarit, ea ecclesiae auctoritate, non vi sua regulam inter christianos facere potuerunt. Verum in nouo testamento leges ciuiles nullae sunt, sed tantum praecepta moralia & ritualia; non enim ad instituendam rempublicam Christus missus est.

§. II. Ius humanum ecclesiasticum est, quod apostolis vita defunctis pro recta morum & disciplinae institutione vel expresse constituit, vel vsu sensim ecclesia recepit (a). Nempe christiani a regula morum aberrare coeperunt, & noui ritus subinde instituendi erant: atque hinc necessarii noui canones, qui morum regulam restituerent, & novos ritus inueherent. Fons autem praecipuus, unde hoc ius humanum ecclesiasticum emanauit, est Dei verbum, maxime noui testamenti. Atque ex his regulis labentibus annis ab ecclesia conditis praecipue ius canonicum constat.

§. III. Est vero ius canonicum, non secus ac ciuile Romanum, aut *scriptum*, aut *non scriptum*. Scriptum, quod etiam *constitutionis* nomine venit, expressa ecclesiae iussione constituitur, quamuis non scribatur. Non scriptum, quod alias *consuetudo* dicitur, moribus christianorum inducitur, quamuis inde scriptis demandetur. Itaque scripti & non scripti iuris appellationes non ab intrinseca vtriusque iuris differentia, sed ab eo, quod frequentius accidit, desumtae sunt.

§. IV. Ius canonicum scriptum est tripertitum, hoc est collectum ex canonibus conciliorum, decretalibus pontifi-

tifi-

(a) Ita referimus ad ius humanum ecclesiasticum solas regulas, quae post obitum apostolorum in ecclesia vel expressa auctoritate conditae sunt, vel vsu inualuerunt: quamuis non desint, qui ab apostolis constituta potius humani, quam diuini iuris esse dicant.

eificum, & dictis sanctorum patrum, *can. 1. D. 20.* Omnia generalis *canonis* nomine veniunt; sed distinctionis causa generale canonis nomen restrictum est ad regulas conciliorum, & propria nomina duabus reliquis speciebus data sunt.

§. V. Vt vero ordine de singulis iuris canonici scripti partibus agamus; nomine conciliorum intelligimus conuentus catholicorum antistitum, qui ad tractandas res ecclesiasticas rite euocati sunt. Quos conuentus, quod ex diuersis locis in eandem viam locumque antistites conueniunt, Graeci *συνοδος* dixerunt. Vfus synodorum in ecclesia ab apostolis inualuit, idque ex natura regiminis ecclesiastici, eoque etiam a patribus traducta Christi promissio, qua se adfuturum professus est, ubi duo vel tres de eius nomine cogerentur.

§. VI. Sunt vero concilia vel generalia, vel particularia. Generalia sunt, ad quae omnes totius christianae orbis antistites conuocantur, quibusque pontifex Romanus aut per se, aut suorum legatorum ministerio praest. Et quamuis reapse non omnes episcopi conueniant, non tamen minus generalia reputantur, quod generalis inditio sufficit. Particularia vero vel sunt dioecesana, vel prouincialia, vel episcopalia. Dioecesana celebrantur ab episcopis vnius dioecesis, seu plurium prouinciarum: dioecesis enim in antiquis monumentis saepe plurium prouinciarum ambitum comprehendit: ad quam conciliorum speciem reuocari possunt concilia *nationalia*, quae deletio Occidentis imperio ab vnius aut plurium regnorum aut nationis episcopis habita sunt. Prouincialia concilia episcopi prouinciae sub metropolitano, & episcopalia vnius ecclesiae clerici sub episcopo componunt.

§. VII. Cuiusvis vero generis concilia sint, pro iure suo canones condunt; & si mediis saeculis receptum sit, synodos prouinciales, nisi de adsensu pontificis canones non posse condere; ius hoc ad restringendam episcoporum potestatem ex falsis decretalibus natum est. Sed canones pro synodorum amplitudine variam vim habent: nam per vniuersam ecclesiam obligant synodorum generalium canones, particularium vero fines ecclesiarum non excedunt, nisi ab aliis ecclesiis recipiantur: qua ratione multi lo-

8 AD INSTITVT. IVRIS CANONICI

cales canones per omnem ecclesiam coeperunt obligare .

§. VIII. Praeterea inter ecclesiasticos canones censentur summorum pontificum decretales, quibus siue sponte sua, siue ab alijs consulti Romani pontifices de rebus fidei & disciplinae decernunt. Ius a Christo datum Petro & in pontifices Romanos transfusum pascendi oues & agnos, & fratres confirmandi, etiam canonum condendorum videtur continere potestatem. Id tamen verum est, istiusmodi decretales non ab vnus pontificis arbitrio, sed in synodo Romana olim conditas fuisse. Et si solius pontificis praeserant nomen, id factum est propter sedis apostolicae amplitudinem, penes quam summa erat rerum agendarum, vt aperte docet Iulius papa *ep. ad Oriental. ap. Athanas. apol. II.* Successu temporis auctoritate creuerunt cardinales, & in eos ius Romanae synodi transfusum creditur; quamuis hodie pontifices, posthabito cardinalium adsensu, tantum eorum consilium requirant. Christ. Lupus in *can. VII. dictatus Gregorii VII.*

§. IX. Sunt autem pontificum constitutiones seu decretales aut generales, aut particulares. Generales sunt, quas sponte sua vel ab alijs consulti ad rectum ecclesiae regimen in consilio episcoporum, aut in consistorio cardinalium, emiserunt, aut nunc Romani pontifices emittunt. Constitutiones sponte sua a principibus emissae iure Romano appellantur *edicta*; sed huius generis pontificiae constitutiones *decreta* & *decretales epistolae* appellantur, quod iis decernatur quidquid ecclesias in fide & disciplina tenere oportebat. Particulares sunt, quae ad species singulares decidendas a pontificibus emittuntur: & hinc saepe dictae *epistolae decretales*: & quoniam ad aliorum consultationes vt plurimum emissae sunt, *rescripta* etiam audierunt. Quoniam vero pontifices rescribentes id intellexerunt, vt in similibus speciebus eadem decisiones obtinerent, *cap. 19. ex. de sent. & re iudicata*, hinc rescripta, etsi particularia, vim canonis generalis habent: qua in re contrarium iure civili statutum erat. V. Iac. Gothofr. in *L. 9. C. Th. de diuers. rescript.*

§. X. Postrema canonum species sunt dicta *sanctorum patrum*, hoc est eorum scriptorum ecclesiasticorum, qui scientia & vitae integritate olim claruerunt. Huiusmodi

patrum dicta vim canonis non habent : quin omni auctoritate non adiectis rationibus destituuntur , quod totidem verbis Augustinus docet , *can. 5. D. 9.* Ad canonis constitutionem non tam scientia & sanctitas , quam auctoritas est necessaria . Itaque ut dicta patrum vim canonis habeant , necesse est , ut ea ecclesia probet & recipiat : in qua specie valet illud , ea nostra facimus , quibus auctoritatem nostram impertimur , *L. 1. §. 6. C. de vet. iur. enucleando.* In dictis patrum probandis Occidentali Orientalis ecclesia praeiuit , ut videre est in concilio Trullano , quo multa patrum Graecorum opuscula inter canones censentur & confirmantur .

§. XI. Et haec de iure canonico scripto : non scriptum tacito christiani populi consensu inducitur in iis rebus , quae rectae fidei & bonis moribus non aduersantur . Sunt autem ecclesiasticae consuetudines aut generales , aut particulares , quarum illae omnium , hae usu particularium ecclesiarum inualescunt . Sic generalis erat consuetudo , ut christiani die dominico stantes orarent , & ieiuniis abstinerent , Tertullian. *de corona cap. III.* , August. *ep. LXXXVI. ad Casulan.* ; idque ob Christi resurrectionis memoriam , quae christianos laetos esse iubebat . Contra speciali consuetudine Sabbati ieiunium in ecclesia Romana seruabatur , multaeque aliae in veteri & noua disciplina peculiares consuetudines occurrunt . Ceterum si quae generales consuetudines ab initio seruatae sint , nec in conciliis tale quid institutum inueniatur , eas ab apostolis originem habere Augustinus *lib. IV. de bapt. cap. 24.* docet .

§. XII. Iam consuetudinis ecclesiasticae tanta vis est , ut regulam constituat , *can. 5. D. 11. , can. 7. D. 12.* Quid enim interest , utrum ecclesia expressa iussione sibi canones condant , an rebus ipsis & factis ? Hinc per vniuersam ecclesiam obligant generales consuetudines , in peculiaribus vero locis particulares . Et in particularibus ecclesiarum moribus nihil melius , quam viuere ex regulis ibi receptis , si contingat , christianos in illis locis versari , quod Augustino interroganti Ambrosius respondit apud Gratianum *can. 11. D. 12.* Atque ex hac consuetudinis vi factum , ut in antiquis monumentis nomine *canonis* etiam veniant receptae consuetudines , quod Stephanus Balutius ,
Nat.

Nat. Alexander, Boëmerus alique obseruant.

§. XIII. Porro ea est consuetudinis vis, vt etiam ipsos canones tollat. Vulgatum est, contrariis consuetudinibus leges exolescere. Sed distinguendi sunt canones de ritibus ab iis, qui mores componunt. Etenim ritus & cetera omnia, quae sunt iuris positiui, facile contrariis moribus desuescunt: ritus enim externi liberas habent obseruationes, ac propterea pro locorum & temporum adiunctis mutabiles sunt. Sic hodie non amplius in pascha & pentecoste sollempnis baptismus datur, nec obtinent sollempnes poenitentiarum stationes, aliaque antiquitatis instituta, quae contrariis moribus exoleuerunt. Verum in canonibus, qui mores componunt, nulla praescriptio est, nulla vis consuetudinis efficere potest, vt exoleant. Aeterna lex non subiacet mutationi. Et quidquid contra bonos mores inualuit, non tam consuetudo, quam erroris vetustas est, *can. 8. D. 8.*

C A P V T III.

De sacrorum canonum publicatione & receptione.

§. I. **L**egibus humanis nullam vim inesse, antequam ad notitiam eorum, quibus feruntur, perueniant, seu publicentur, in compertis est. Scilicet lex, quae ignoratur, quæ in vsum a subditis deducitur? Sola lex naturalis, quae a natura ipsa animis inserta est, externa publicatione non indiget. Publicatio autem legum humanarum ita facienda est, vt illae in notitiam populi, cui feruntur, facile possint peruenire. Et hinc praecipua cura haec fuit apud Graecos & Romanos, vt conditae leges tabulis, aut columnis inscriptae publice proponerentur, vt ita in omnium notitiam peruenirent.

§. II. Quod vero spectat ad ecclesiae canones, ii etiam canonica auctoritate in omnibus ecclesiis, pro quibus conditi sunt, debent publicari, vt ita facile ad omnium
noti-

notitiam perueniant: quae publicandi ratio vsu antiquitatis probatur . Sane statuta concilii Arelatensis 1. , Nicaeni , Sardicensis , Ephesini aliorumque in singulis ecclesiis & prouinciis publicata sunt : quod veterum productis testimoniis Petrus de Marca *de C. S. & I. lib. II. cap. 15.* probatum dedit . Ipsae quoque pontificiae decretales in ecclesiis, pro quibus conditae erant, publicari solebant. Siric. papa *epist. ad Himerium Tarrac. cap. XV. V.* Petr. Coustant *praef. ad epist. Roman. pontific. n. XLVII.* Publicatio autem decretalium duplici ratione fiebat, nam vel communicabantur cum episcopis in synodum coactis, vel singulis earum exempla mittebantur . Innocent. 1. *epist. ad Alexandr. Antioch.*

§. III. Verum post multa saecula inualuit noua publicandarum decretalium ratio, qua tantum Romae publice proponuntur, eaque facta publicatione omnes etiam longe distitas ecclesias obligari, plerique doctores, praesertim Itali, contendunt. Haec nouitas videtur excogitata ad eludendas ciuiles leges, quibus in plerisque prouinciis cautum est, nouas decretales aliaque pontificia rescripta non manifestari & in vsum deduci, nisi ex ciuilis potestatis adsensu & auctoritate . At quum leges ita manifestari debeant, vt illi, quibus imponuntur, notitiam habere queant, qui canones & decretales vno loco publicatae etiam absentes obligare possunt, praesertim quod ad obligationem non sufficiant incerti de earum publicatione rumores?

§. IV. Vt vero conditi canones & decretales rite & ordine in ecclesiis publicentur, & in vsum deducantur, praecedere debet ciuilis potestatis adsensu; qui tum deum concedi solet, si instituto ex publica auctoritate examine constet, nihil inde inuehi, quod receptam disciplinam inuerrere & ciuitatem turbare queat (a). Obtrinet regii

(a) Zegerus Bernardus van-Espenius *de publicat. legum ecclesiast. par. V. cap. 1.* post alios doctores regii adsensu necessitatem extendit etiam ad bullas dogmaticas, illas nempe, quae de christiana fide decernunt: non quod christiana fides indigeat regia

regii huius auctoritas in plerisque catholicis provinciis, quamvis non ubique eodem nomine dicatur (b). In regno Neapolitano *regii exequatur* nomine venire solet, sollemnique edita lege cauetur, non licere in regno rescripta, bullas aliaue pontificia scripta publicari, nisi in scriptis regia auctoritate publicatio permittatur, *pragm. V. de citationib. (c)*. Et quamvis Romani pontifices regium adsensum publicationi & executioni bullarum & rescriptorum Romanorum praemittendum veluti sacrilegum & libertari ecclesiasticae aduersum damnarint; tamen principes immoti nihil de iuribus suis imminui passi sunt, constatque, pontificias bullas, quibus usus regii adensus damnabatur, id effecisse, ut ille fortius constabileretur. Atque ita iure publico cauetur, pontificias bullas

regia auctoritate, ut christianos ad adsensum adstringat; sed potius quod ex modo publicationis & formulis, quae bullis adici solent, in rempublicam & ecclesiam incommodum aliquod possit imminere, veluti si contra minus credentes audientia inquisitionis iudex statueretur. Et hinc publici magistratus, dum eiusmodi bullas expendunt, non christianae doctrinae iudices & arbitri constituuntur; sed potius iudicant de facto, expenduntque, num publicandi modus & adiunctae formulae praesenti reipublicae statui conueniant.

(b) Hispani verbo *iuris retentionis* vel *supplicationis*, Mediolanenses verbo *pareatis* utuntur. Et Belgae *placitum regium* dicunt.

(c) In Siciliae regno necessitas regii adensus in publicandis & in usum deducendis bullis & rescriptis pontificiis ab eo ferme tempore inualuit, quo regiones nostrae in regni formam abierunt. Et licet in Siculo vespere regnum in duo abierit; tamen necessitas regii adensus in regno Neapolitano etiam sub Andegauensibus stetit, & deinceps semper perdurauit: quin etiam latis legibus constabilita est, etsi Romani pontifices in hoc regno regium adsensum maiori vi, quam in aliis provinciis oppugnarint: qua de re auctor *historiae ciuilis regni Neapolitani lib. XXXIII. cap. 5.* multa habet. Similiter in regno Siciliae necessitas regii adensus integra stetit, receptasque in eo regno regii illius adensus concedendi formulas Marius Curellus refert.

las aliosque canones non obligare , nisi ex regia auctoritate publicati fuerint .

§. V. Iam vero canones & decretales ad meram disciplinam pertinentes, tum videntur christianos obligare, si post publicationem rite factam ab ecclesiis recipiantur: quod Petrus de Marca *de C. S. & I. lib. II. cap. 16.*, Franciscus Florens *diff. de orig. iuris canonici par. I.* alii-que docent. Scilicet gladius spiritualis, quo potestas ecclesiastica armatur, non semper exserit vires suas, & in multis articulis potius in mera admonitione, quam in coactione consistit. Gregor. Nazianz. *in apologet.*, Chrysostom. *hom. III. in act. apostolor.* Quo fit, vt disciplina, quae liberas habet obseruationes, christianis inuitis obrudi non debeat. Accedit auctoritas antiquitatis, vnde constat, multos etiam generalium conciliorum de disciplina canones ab ecclesiis non fuisse receptos, aut vim suam non habuisse, antequam recepti fuerint. V. Florent. *cit. differ. (d)*. Verum contra est de canonibus, qui fidem & morum doctrinam continent; hi enim consensu christianorum opus non habent, sed vi sua statim a publicatione omnes adstringunt, saltem pro ea parte, quae ad doctrinam & morum regulas spectat. Sunt nimirum ipsa euangelica doctrina clarius explicata, & aliquando poenis instructa.

§. VI. Ius autem expendendi, an canones de disciplina, siue a conciliis, siue a pontificibus conditi, vtiles vel parum conuenientes ecclesiis sint, ad eos pertinet, quorum interest, canonem ferri, aut non ferri, ideoque ad ecclesias siue synodos prouinciarum, siue episcopos & ceteros de clero, qui conuentibus ecclesiasticis solent interesse: quod multis antiquitatis exemplis constat. V. Petr. de Marca *loc. cit. cap. 17.* Eorum nempe est expendere, an canones sint ecclesiis vtiles, qui eas pro iure suo regunt & administrant.

§. VII.

(d) Ita distant sacri canones a legibus civilibus, quae vbi perlatæ sunt, ciues etiam inuitos obligant. Subditis nimirum obsequendi gloria relicta est, vbi se & sua in vnius aut plurium imperium commiserunt.

§. VII. Non solum autem ecclesiis licet expendere novos canones & decretales, antequam in vsum deducantur; sed regibus quoque ea sollicitudo maxime incumbit; idque quod canonum & ecclesiasticae disciplinae sunt defensores, & publicae tranquillitatis custodes & supremi moderatores. Et constat quidem, principes decreta synodalia expendere consuevisse, licet inquisitio diuerso modo procederet, prout vel de fide & iudiciis canonicis, vel de disciplina ageretur. Decreta fidei & canonica iudicia expendebantur extraordinaria inquisitione, tantum vt innotesceret, an synodi in hoc rerum genere rite & iure cognouissent; de fide enim & canonicis iudiciis disquirere tantum episcoporum est. Contra, canones exterioris disciplinae, quibus ritus sacramentales non continentur, maturo examine principes discutebant: tales enim canones res ciuiles saepe contingunt, & aliquando negotiis eam formam tribuunt, quae publicae tranquillitati & receptis moribus aduersatur (e). V. Petr. de Marca *de C. S. & I. lib. II. cap. 10. n. 9.*

C A P V T IV.

De legibus principum circa res ecclesiasticas.

§. I. **D**E rebus sacris etiam saeculi principes leges condunt, quas cum canonibus collectores suis codicibus inseruerunt. Quapropter merito videndum, quam vim habeant de rebus sacris principum constitutiones. Quamuis apud gentes sollemne fuerit religionis & reipublicae curam vni eidemque personae demandari; tamen
apud

(e) Ipsae synodi dum editos de disciplina canones principibus confirmandos offerebant, eos aliquando rogabant, vt quae minus recta viderentur, emendarent: quod ex litteris concilii Moguntini ad Carolum M. & litteris concilii Cabilonensis 11. ad eundem Carolum datis constat.

apud christianos ea duo inter se distincta sunt, & totidem constituunt regimina, a se inuicem non pendentia, *sacerdotium* nempe, & *imperium*, quorum hoc temporalibus & ciuitati, illud religioni & ecclesiae praest. Quae distinctio ex Christi seruatoris instituto nata, auctoritate & exemplis apostolorum consecrata est, inde a patribus semper inculcata, & ab ipsis principibus christianis agnita & probata est. V. Petr. de Marca *lib. II. de C. S. & I. cap. 1. (a)*.

§. II. Quamuis autem ecclesiae & religionis administratio cohaereat sacerdotio; tamen christiani principes etiam in res ecclesiasticas habent potestatem, non quidem iure sacerdotii, sed iure ciuitatis, quatenus ad eos pertinet ecclesiam & religionem, quae externa vi destituitur, rueri. Vix est, ut respublica sine religione stet, & conseruetur; si enim demas numinis omnia moderantis metum & in altera vita etiam punientis, ciuiles leges homines in officio difficile continebunt. Quapropter antiqui populorum ductores congressus cum diis fingeant, ut eorum nomine latae leges acceptiores & firmiores essent.

Et

(a) Verum huic ecclesiae doctrinae non per omnia conueniunt recentiores haeretici; sacerdotio enim tantum tribuunt verbi praedicationem & sacramentorum administrationem; ecclesiae vero externum regimen ad saeculi principes spectare contendunt, idque ne respublica in republica nascatur, dum duo ponuntur capita a se inuicem non pendentia: quemadmodum post alios sectarios Io. Franc. Buddeus *lib. V. theol. dogm. cap. 4. §. 26.* ratiocinatur. Nam eorum non moror sententiam, qui principibus episcopatum tribuunt, adeo nempe doctrina ista indoli christianae religionis aduersatur. Sed non ex eo, quod sacerdotium & imperium a se inuicem non dependent, in monstrum biceps euadit respublica: etenim quamuis ecclesia & respublica ex iisdem hominibus coalescant; tamen veluti corpora distincta habenda sunt propter varios, ad quos diriguntur, fines: & hinc fit, ne duo capita sint in republica; nam qui ecclesiae praesunt, tamquam ciues spectati, pars ciuitatis sunt, & ciuili potestati subiacent: contra ipsae summae potestates tanquam christiani & in iis, quae ad religionem spectant, pars ecclesiae sunt, & sacerdotio subiecti.

Et deinde non pro se quisque tantum, sed & pro mandata sibi potestate Deo seruire debet, vt perspecte Grotius *de iure belli ac pacis lib. II. cap. 15.* obseruat. Hinc ad principum officium certe spectat ecclesiam & religionem tueri, vt etiam respublica firmior euadat, & turbæ, quæ ex causâ religionis oriri possunt, cohibeantur. Ad rem Augustinus *lib. III. contra Cresconium cap. 51.*, in hoc reges, sicut eis diuinitus præcipitur, Deo seruiunt, in quantum reges sunt, si in suo regno bona iubeant, mala prohibeant, non solum quæ pertinent ad humanam societatem, verum etiam quæ ad diuinam religionem. Ex qua doctrina manauit illud Isidori, debere principes rationem Deo reddere etiam propter ecclesiam, quam a Christo tuendam susceperunt, *can. 20. C. 23. q. 5.*

§. III. Hoc autem iure tuitionis christiani principes semper vsi sunt, & ecclesiæ matri semper fuerunt adiutorio, siue eius iudicia vi exsequentes, siue synodos indicentes, & locum synodis habendis dantes, siue hæreticorum turbas cohibentes. Praesertim vero eluxit principum christianorum in ecclesiam obsequium in legibus promulgandis, quibus fidem & disciplinam ab ecclesiâ explicatam, aut statutam confirmarunt, poenis ciuilibus subinde adiunctis: cuius generis leges apud omnes christiani nominis gentes occurrunt. Quin saepe principes ultra processerunt, & mentem canonum aliquibus additionibus suppleuerunt, quo nomine Ioannes Scholasticus Iustinianum commendat apud Petrum de Marca *de C. S. & I. lib. II. cap. 11.* Legibus vero ciuilibus canones ciuile robur consequuntur, & *νομοκρατορες* fiunt, seu sacrae regulæ simul & leges, quibus ecclesiastica disciplina nititur & regitur. Et hinc qui in canones per leges confirmatos peccant, duplici se crimine adstringunt, quatenus ecclesiasticam & ciuilem laedunt potestatem.

§. IV. Sed praeter leges in fidei & disciplinae confirmationem conditas, principes pro iure suo leges iubent, quæ eo ipso, quod ad rectum ciuitatis regimen spectant, politiam ecclesiasticam constituunt. Exemplo esse potest Constantini M. lex de non ordinandis curialibus, *L. 3. C. Th. de episc.* Erant *curiales*, qui curiae seu collegio curialium adscripti, ad onera patriæ suæ vna cum bonis suis erant

erant adstricti: & quoniam per clericatum onera ista declinabantur, ne curiales clerici fierent, sancitum est. Sane ecclesia nata est in republica, non contra: & ita possunt principes de externa disciplina, quae ad ritus sacros non spectat, disponere, ne respublica damnum sentiat (b). Et in hac causa canones in legem consequentiam feruntur, ut e contrario in rebus fidei & ritibus sacramentalibus leges in canonum consequentiam promulgantur.

C A P V T V.

De iure canonico veteri & codicibus, quibus continetur.

§. I. **T**Res veluti aetates iuris canonici Occidentalis statui possunt, quarum prima *ius canonicum vetus*, altera *nouum*, tertia *novissimum* continet. Ius vetus canones per octo plus minus saecula ab ecclesia conditos sistit, complectiturque puriorem ecclesiae disciplinam:

Pars I.

B

nam:

(b) Hisce limitibus inclosa regum de rebus sacris potestas summo cohaeret imperio. Sed negari non potest, quandoque eos ius tuitionis egressos, iura sacerdotum usurpasse & de ipsa fide contra ecclesiae doctrinam statuisse. Eo nomine notatur Heraclius imperator, qui *exhoris* seu formulam promulgavit, quae habebat, ne quis unam, aut duas in Christo operationes confiteretur, & quae unam in Christo voluntatem ex placitis Monorheletarum adferebat.

Iam principum edicta contra fidem & disciplinam interiorem, qua ritus sacramentales constituuntur, omnino nulla sunt, & ab ecclesia semper reiecta. At quid si leges principum canonibus de exteriori disciplina aduerfentur, aut aliquid libertati christianae aduersum continere videantur? Vetus ecclesia in his causis consuevit principes exorare, ut ipsi leges suas rescinderent. Conc. Chalced. *act. IV.*, Gregor. *M. lib. II. ep. 62. vet. edit.* Quod indicat, legibus istis viam constituisse suam.

nam : nouum exhibet disciplinae mutationem , & originem ducit a falsis decretalibus , quas Isidorus Mercator siue Peccator in ecclesiam inuexit ; continetur vero collectione falsi istius Isidori , aliisque nouis collectionibus , praesertim Concordia Gratiani & sequentibus decretalium compilationibus . Et demum nouissimum exhibet quidquid in conciliis & a Romanis pontificibus post editos decretalium codices in re ecclesiastica constitutum est .

§. II. Vfus redigendorum canonum in codices ab auctis numero canonibus originem habet : nec enim facile erat synodorum acta versare ad eos ediscendos . Sunt eiusmodi codices duplicis generis , nam vel temporum ordinem sequuntur , vel materiarum . Qui temporum ordinem sequuntur , exhibent canones per continuam seriem numerorum eo ordine , quo a patribus conditi sunt ; sed qui sequuntur ordinem materiarum , in certa capita tribuunt vniuersam materiam , & sub singulis capitibus de vna re tractantes canones collocant . Materiarum vero ordo non semper est idem ; nam aliae collectiones canones integros , aliae tantum summas & breuiationes continent : nec desunt codices , qui cum canonibus leges ciuiles , quae de rebus sacris statuunt , habent admixtas , dicti proinde *nomo-canones* .

§. III. Iam vero celebriores ecclesiae olim proprium canonum codicem habuerunt , in quem praeter canones generalium synodorum coniecti erant peculiare locorum canones , & quotquot ab aliis ecclesiis recipiebant . Ante saeculi quinti medietatem habebat Orientalis ecclesia vno codice canones , quibus vtebatur , comprehensos ; synodus enim Chalcedonenfis potius ex codicis consequentia , quam ex ipsis conciliis canones recitauit . Continebat vero codex iste canones duarum synodorum generalium , Nicaenae nempe & Constantinopolitanae , & quinque particularium , Ancyrae scilicet , Neocaesariensis , Gangrensis , Antiochenae & Laodiceae , perpetua numerorum serie & seruatō ordine temporum digestos , exceptis canonibus Nicaenis , qui in tantae synodi reuerentiam omnibus praepositi sunt , quamuis Ancyranis & Neocaesariensibus posteriores .

§. IV. Publico ecclesiae Orientalis vsu , nullis factis accessio-

accessionibus, ita instructus codex diu stetit. Sed incunte fortasse saeculo sexto alii canones per temporum consequentiam accesserunt, veluti octoginta quinque canones apostolis tributi, item canones Sardicenses, tres posteriores concilii Constantinopolitani, (in veteri codice tres tantum descripti erant) item canones Ephesini, & viginti septem concilii Chalcedonensis. V. Beuereg. *prolegom. in pandect. canon. n. IX.* Accesserunt etiam saeculo septimo canones Carthaginenses & concilii Constantinopolitani sub Nectario habiti, multorum quoque Graecorum patrum epistolae canonicae, & vnus canon ex concilio sub Cypriano in causa baptismi ab haereticis collati editus: quae omnia synodus Trullana *can. II.* recenset. Et porro deinceps accesserunt canones synodorum Trullanae & Nicaenae II., itemque canones conditi in duobus conciliabulis, quae Photius Constantinopolitanus patriarcha celebravit. Ita auctus codex etiam temporis seruabat consequentiam, sed deinceps inter Photii & Zonarae aetatem temporum consequentia mutata est: nam concilia omnia generalia secundum ordinem temporum simul collocata sunt, inde eorum ordine sequuntur particularia, quae ordine suo patrum opuscula excipiunt (a). Exhibet codex iste vniuersam ferme Graecorum rem canonicam, nullisque spuris laborat monumentis (b).

B 2

§. V.

(a) Sequitur codex iste canonum Graecorum temporis consequentiam; at collectio Ioannis Scholastici, qui imperante Iustiniano floruit, secundum materias adornata est. Videns nimirum Ioannes, plures exstare ad eandem rem pertinentes canones diuersis locis collocatos, e re ecclesiastica esse iudicauit, similes similibus adiungere & sub propriis titulis collocare. Atque haec Scholastici collectio sub nomine *concordiae canonum* a Nicolao pontifice indicatur, *can. ult. D. 16.* Et ipse Scholasticus ex hac ipsa collectione inde *νομοκανον* suum concinnauit.

(b) Codex iste canonum Graecorum sub titulo *Συνodus* suae *Pandectae canonum* Graece & Latine editus est Oxonii anno MDCLXXII. curante Guiljelmo Beueregio, qui, vt opus daret absolutissimum, Balsamonis, Zonarae & Aristeni commentaria inseruit, & de suo prolegomena & eruditas obseruationes adiecit.

§. V. Habent praeterea Graeci duos *νομοκανονες*, seu collectiones, quae leges canonibus collatas complectuntur. Eorum vnum Ioannes Scholasticus aetate Iustiniani, alterum Photius concinnauit. Et Scholasticus quidem canonum in vnoquoque titulo sententiam expressit, inde integra legum capita ex codice & praesertim Iustiniani nouellis petita, quibus canones confirmantur, subiecit. Photius vero sub singulis capitibus indicat canones expressa sententia, & porro expressa sententia leges laudat. Sed Photii *νομοκανον* est veluti compendium totius iuris canonici Orientalis, tantique sit a Graecis, vt omnibus collectionibus etiam ipsi codici canonum illum praemittere soleant.

§. VI. Suis quoque canonum codicibus celebriores Latinae ecclesiae olim vtebantur. Et Romana quidem suum canonum codicem habuit, in quo primum tantum Nicaeni canones latinitate donati & Sardicenses perpetua serie digesti & praefixo concilii Nicaeni nomine collocati videntur (c). Inde canones in concilio Chalcedonensi conditi & confirmati itidem in Latinum versi accesserunt, exceptis canonibus concilii Constantinopolitani, vnoque Chalcedonensi, quibus ecclesiae Constantinopolitanae praerogatiua in tres dioeceses statuebatur (d). Quicumque vero fuerit

(c) Sane Innocentius I. *epist. ad Theophilum Alexandr.* professus est, ecclesiam Romanam non alios a Nicaenis canones agnoscere: & interim saepe ad canones Sardicenses prouocauit: quae non alia ratione componi possunt, quam si dicatur, canones Sardicenses Romae perpetua cum Nicaenis serie & praefixo concilii Nicaeni nomine fuisse digestos. Et reapse plures exstant veteres canonum collectiones, in quibus canones Sardicenses Nicaenis perpetua serie & praefixo concilii Nicaeni nomine subduntur. Hinc intelligitur, cur Romani pontifices obiectis canonibus Sardicensibus sub nomine Nicaenorum appellationes ab Africanis ecclesiis ad ecclesiam Romanam inuehere adlaborarunt. Et profecto iniuria ab haereticis recentioribus exprobratur, Zosimum pontificem Nicaenos canones scientem prudentem corrupisse, vt appellationes a synodis Africanis ad sedem Romanam propugnaret & induceret.

(d) Ita concinnatus vetus ecclesiae Romanae codex num hodie

fuerit codex iste Romanus, potius priuato studio, quam pontificum auctoritate videtur concinnatus, & interpretationem canonum Graecorum obscuram & summa confusione inuolutam exhibebat, vt Dionysius Exiguus *praef. in cod. canon.* testatur.

§. VII. Confusione praeae translationis optimi quique offensi nouam & sinceriores exoptabant Graecorum canonum interpretationem. Hinc nouum canonum codicem ineunte ferme sexto saeculo Dionysius Exiguus (e), natione Schythes, sed moribus & lingua Romanus, perfecit, in quo Graecos canones sincere versione editos dedit. Coniecit in suum codicem Dionysius seruatō temporum ordine quinquaginta priores canones apostolicos, canones, qui tum in Graeco codice exstabant, item Chalcedonenses, Sardicensis & Africanos (f). Quibus omnibus pontificum Romanorum a Siricio vsque ad Anastasium II. statuta decretalium addidit: idque merito, nam decretalibus pontificiis etiam res ecclesiastica regebatur. Hinc duas partes codex Dionysianus continet, quarum prima canones, altera decretales exhibet. Elaboratus quidem fuit codex iste priuato studio, at vsu ecclesiae Romanae statim receptus est,

B 3

teste

die exstet & qualis sit, inter viros doctos non conuenit. V. *comment. nostra de iure canon. in proleg. cap. V.*

(e) Plerique docent, Dionysium Exigui cognomine dictum fuisse ob corporis paruitatem. Sed magis est, de more monachorum & ob summam, qua pollebat, humilitatem cognomen illud sibi adoptasse: quae est elegans Caroli Blasii coniectura.

(f) Canones Africani apud Exiguum referuntur sub hac inscriptione, *synodus apud Carthaginem Africanorum*, constatque haec collectio canonibus conciliorum Africanorum, qui perpetua numerorum serie decurrunt. Quis vero huius collectionis auctor fuerit, inter doctos disputatur. Sed in compertis esse videtur, collectionem istam canonum Africanorum esse purum putum Dionysii Exigui opus, qui illud decerpit ex actis sextae synodi Carthaginensis, & ea ratione concinnauit, vt suo codici apte conueniret: quod Petrus de Marca *de veterib. collectionib. canonum cap. IV.* contendit, & Petrus Constantinus *praef. ad epist. Romanor. pontif. n. CX. & seqq.* solidius & solidius propugnauit.

teste Cassiodoro *diuin. lection. cap. XXIII.*, magnique etiam fuit in aliis Occidentis ecclesiis, & tempore Caroli M. non sine additamentis & mutationibus in Galliis etiam probatus & admissus est.

§. VIII. Suos proprios canonum codices etiam habuerunt reliquae Occidentis ecclesiae, veluti Africana, Hispaniensis, Gallicana: quod multis probat Espenius *comm. in canones iur. vet. post. edit.* Et codex quidem canonum Africanus anno ccccix. in plenaria synodo Carthaginienfi conditus videtur ex canonibus Nicaenis & synodis Africanis, quae post Nicaenam synodum vsque ad eum annum celebratae erant, itemque ex ipsius plenariae Carthaginienfis synodi canonibus (g): quae collectio deinceps canonibus posteriorum synodorum sub Aurelio habitatum locupletata est. Codex ecclesiae Hispaniensis an. dclxiii., quo synodus Bracarenfis i. celebrata est, iam erat elaboratus, creuitque deinceps multis accessionibus. Amplissima certe collectio in duas partes tributa, quarum prima canones conciliorum, quae olim in ecclesia celebrata fuerant, altera summorum pontificum decretales complectebatur. V. Constant. *praefat. ad epist. Roman. pontif. n. CXLI.* Et demum in ecclesiis Gallicanis erant varii codices canonum, quorum vnum aut alterum aliae atque aliae ecclesiae adhibebant: quod Iac. Sirmondus *praef. ad conc. antiq. Galliae* obseruauit. Stetit varietas ista codicum in ecclesiis Gallicanis vsque ad Carolum M., a cuius aetate

(g) Mos erat apud Afros, synodorum anteriorum canones in posterioribus repetere & gestis inferere: in qua repetitione antiqui canones confirmari solebant, aliquibus aliquando adiectis, aut detractis, idque frequenter sine praecedentium synodorum, in quibus primum fuerant constituti, mentione. Id etiam factum in plenaria synodo sexta Carthaginienfi anno ccccix. celebrata ad causam appellationum ad summum pontificem tractandam. Atque hinc magna nata est confusio in canonibus Africanis: etenim iidem canones in diuersis conciliis reperiuntur, & nunc vni, nunc alii synodo adiudicantur, adeo vt saepe non facile discerni possit, qua in synodo hic vel ille canon conditus fuerit.

te codex Dionysianus sensim in Gallia receptus est (h).

§. IX. Interpretatio Latina canonum Graecorum, quae in Hispania obtinebat, & interpretis vitio & librario- rum negligentia, & obscura & parum sincera visa est. Ergo Martinus Bracarenfis nouam collectionem ex Graecis synodis dedit, in qua facili methodo, quae clericis & laicis vtiliora videbantur, Latina dictione complexus est. Sed hoc nouo opere verbis Graecis Martinus non adhae- sit, sed quae obscura videbantur, latius diduxit, alia omisit, alia mutauit, & alia ipse de suo adiecit, prout disciplinae in Hispania obtinenti vtilius esse duxit (i). Omnia capitula ex canonibus Orientalibus hausta ipse Mar- tinus profitetur: & tamen nonnulla ex synodis Hispanien- sibus & Africanis deprompta sunt: & sunt porro non pau- ca, quae vnde desumpta sint, non constat.

§. X. Porro sexto saeculo in Africa Fulgentius Fer- randus, diaconus Carthaginiensis, *Breuiationem* seu *indicu- lum canonum* edidit, vbi vniuersam ferme canonicam di- sciplinam ad certos titulos redegit, singulisque titulis de vna eademque re tractantes canones indicauit, non inte- gros retulit. Cresconius quoque Africanus episcopus in vsum ecclesiae Africanae exeunte saeculo septimo cano- num nouum codicem edidit sub titulo *Concordia canonum*. Exhibet concordia ista disciplinam canonicam in certos titulos tributam, sub quibus integri canones & pontifi- cum decretales, quae ad vnā eandemque materiam pertinent, collocantur & disponuntur. Concordiae prae-

B 4

fixit

• (h) De hisce veteribus codicibus canonum, ecclesiae nempe Africanae, Hispaniensis & Gallicanae plura diximus in *proleg. comment. de iure canon. cat. V. §. 26. & seqq.*

(i) Hoc consilio Martinus canonibus Graecis aliquando fal- sam sententiam tribuit, cuius rei canon 1x. Ancyranus exem- plum praeber. Nimirum permittit hic canon diaconis, qui in ordinatione protestantur, se sine vxoribus viuere non posse, vxo- rem ducere, *propterea quod episcopus eis licentiam dederit*. At Martinus *cap. XXIX.* in contrariam sententiam canonem de- torfit, quasi statuerit, non ordinari diaconum, qui testetur, se in castitate viuere non posse.

C A P V T VI.

De iure canonico nouo eiusque codicibus :

§. I. SEquitur ius canonicum nouum, quod ineunte no-
no saeculo exortum, eundo sic excreuit, vt fer-
me totius veteris disciplinae faciem in ecclesiis Occiden-
tis immutarit. Inualuerunt hae nouitates non expref-
sa ecclesiae voluntate, sed hominibus nequam occasionem
praebentibus, qui communi ignorantia abusi, sub larua
venerandae antiquitatis ex integro conficta vulgarunt mo-
numenta, aut genuina multis adsutis laciniis conspur-
carunt. Sane initio noni saeculi in Germania, quae tum
in Galliis veteri descriptione censita erat, prodiit noua
canonum collectio spuriorum & interpolatorum monu-
mentorum instructissima, cuius auctor Isidorus quidam
Mercator, seu potius Peccator, vt habent vulgatae con-
ciliorum editiones. Quis vero fuerit Isidorus iste Pec-
cator, in tanta antiquitatum ecclesiasticarum luce adhuc
ignoratur (a).

§. II. Fictitia monumenta a Peccatore relata maxi-
mam

(a) Medio nono saeculo credebant episcopi Gallicani, Isido-
rum Mercatorem esse Isidorum Hispalensem, cuius eruditio
& sanctitas ea aetate magni fiebant. *Isidorus Hispalensis epi-
scopus*, inquit Hincmarus Remensis *ep. VII. cap. 12.*, *collegis
cum epistolis Romanae sedis pontificum a S. Clemente usque ad
sanctum Gregorium*. Sed sordes verborum, quae aliquoties in
fictitiis monumentis occurrunt, & concilia Isidoro posteriora,
quae a Mercatore laudantur, aut referuntur, aperte arguunt,
tanti facinoris auctorem non esse Isidorum Hispalensem, qui eo
certe non processisset; vt tot spuria monumenta pararet in ec-
clesiasticae disciplinae perniciem.

nam partem Romanis pontificibus adscribuntur : etenim decretales pontificum a diuo Clemente ad Siricium ferme omnes sunt adulterinae : sequentium vero pontificum multae decretales sunt genuinae , inter quas tamen permultae supposititiae interiiciuntur . Sed ex ipsis genuinis decretalibus aliquas Peccator interpolauit , & adlatis laciniiis conspurcavit (b). Fictitia vero ista monumenta ex veterum verbis & sententiis Mercator vt plurimum confarcinauit , quod indicat , eum fuisse virum , prout tempora ferebant , satis doctum . Sed ipsa veterum fragmenta in rem suam vertens aliquando interpolauit , si quando animaduertit , illa pontificibus , quorum nomen mentiebatur , non conuenire .

III. Iam vero fictitiae decretales in multis articulis exhibent disciplinam a veteri multum diuersam ; at duo praecipua sunt , in quibus discrimen iuris veteris & noui continetur : quod Petrus de Marca *de C. S. & I. lib. III. cap. 6. n. 1.* obseruat . Vnum , vt nulla synodus

(b) Non conuenit inter doctos , qua ratione , quoue consilio falsus Isidorus tot fictitias decretales confarcinavit . Petrus de Marca *de C. S. & I. lib. III. cap. 5. n. 3.* suspicatur , falsas decretales fuisse confectas ad restaurandam tum laborantem in Galliis Romani pontificis auctoritatem . Contra Dupinus & Espenius tenent , Peccatorem falsis decretalibus spectasse ad ampliandam , conculcatis iuribus synodorum prouincialium , sedis apostolicae auctoritatem , praesertim in excutiendis & definiendis episcoporum causis . Et vt alios mittam , Fleury tant facinoris consilium id fuisse opinatur , vt episcopi & clerici accusati & oppressi , quorum tempore Mercatoris magna copia erat , maioris auctoritatis fulcro sustinerentur . Sane ipse impostor eam prouinciam in praefatione suscepisse profitetur , vt episcopis & clericis accusatis & oppressis succurreret . At si id impostor spectauit , vna opera etiam pontificis auctoritatem ampliare videtur voluisse . Qui enim vt episcopus accusatis auxilio esset , toties inclamat , non posse episcopos inconsulto pontifice damnari , nec synodos prouinciales sine eius adsensu haberi ; is procul dubio videtur vna fidelia duos parietes voluisse dealbare , hoc est & episcopis accusatis auxilio esse , & pontificis iura ultra fines a patribus positos producere .



dus provincialis episcoporum criminales causas incon-
 sulta sede apostolica definiat : alterum, vt nulla synodus
 praeter illius sedis auctoritatem celebretur : quae duo ad
 nauseam vsque inculcant falsae decretales. Nouitates ve-
 ro, quas exhibent falsae decretales, ad solam disciplinam
 spectant ; nam alias illae nihil rectae fidei & bonis mo-
 ribus aduersum continent .

§. IV. Principio decretalibus Isidorianis multum detulerunt Gallicani antistites , veterum pontificum nomine perstricti : nec enim in summa illius aetatis ignorantia falsariam manum agnouerunt . Sed inde iis denegarunt canonicam auctoritatem duabus rationibus : nimirum quod decretales istae non essent in codice canonum, Dionysiano scilicet : & quod iis per sequentes canones in multis articulis derogatum esset . Hisce rationibus Gallicani antistites Romanis pontificibus, falsas decretales propugnantis (c), resistere, quod experientia edocti erant, nouarum decretalium admissione iura episcoporum periclitari , in primis vero non posse synodos prouinciales inconsulta sede apostolica episcopos deponere, nec aliquod concilium sine consensu pontificis posse celebrari . Sed deinceps perturbato statu ciuitatis Gallicani antistites in synodo Remensi anno MCCCCXVII. celebrata in caussa Arnulphi archiepiscopi falsarum decretalium auctoritatem agnouerunt : & falsus Isidorus in omnes Occidentis ecclesias penetrauit, vbi eius putidae merces tamquam genuinae receptae sunt . Et ita in multis articulis mutata ecclesiastica disciplina & inuersa episcoporum iura . V. Constant. praef. in epist. Roman. pontif. n. 157. Verum in ecclesiam Orientalem putidae Isidorianae merces non intrarunt .

§. V. Impostura falsi Isidori per multa saecula latuit; sed

(c) Quamvis Nicolaus papa, falsas decretales contra episcopos Gallicanos tuendas suscepit; tamen certum est, eas incisiis pontificibus fuisse confarcinatas. Sane aetate Leonis IV., qui anno 1000 XLVII. ad Petri cathedram evasit, ignotae erant Romanae falsae decretales, *can. 1. D. 20.* Et si illas Nicolaus papa graui scripta epistola propugnauit; *can. 1. D. 19.*, ad bona fide fecit, quod crederet genuinas esse.

fed vbi studia bonarum artium in Occidente nouam faciem induerunt, sensim detecta est (d), conuenitque hodie inter criticos, Isidorianas decretales omnino esse supposititias. Et quamuis Franc. Turrianus in iis tuendis eruditionem suam demonstrauerit; non tamen obtinuit, vt in suam sententiam aliquis eruditorum iret. Contra eum scripsit improbum opus Dauid Blondellus Calvinianus, cui nomen fecit *Pseudo-Isidorus & Turrianus vapulantes*. Detecta quidem est impostura, at non simul sublata, quae inde emerfit, disciplina (e). Illud interim verum est, detecto Mercatore nihil de dignitate Romanae sedis decessisse; legitima enim pontificis iura non tali auxilio indigent, non defensoribus istis.

§. VI. Argumenta autem, quae demonstrant, decretales Siricio antiquiores, opera Mercatoris in scenam productas, esse supposititias, tam aperta sunt, vt mirum sit, imposturam tamdiu latere potuisse. Sane earum non meminerunt octo priores synodi oecumenicae, non ipsi Romani pontifices octo priorum saeculorum, non Hieronymus alique veteres patres, non Dionysius Exiguus, qui superiorum Romanorum pontificum decreta, qua valuit cura

(d) Circa tempus concilii Basileensis Cardinalis Cusanus de *concord. cath. lib. III. cap. 2.* nonnullas Siricio antiquiores decretales ita exagitauit, vt ceteras omnes redderet suspectas. Inde post Georgium Cassandrum multi ex catholicis imposturam agnouerunt, & alii magnis argumentis impugnarunt, in primis Antonius Contius, vt mittam Baronium aliosque, qui saltem vt suspectas traduxerunt. Interim vero quum permulti catholici in controuersis cum Lutheranis & Calvinianis ad decretales Siricio antiquiores prouocarent; atque haeretici responderent, eas esse figmentum Mercatoris ad augendam summi pontificis potentiam excogitatum; diligentius in illas inquisitum est, & tandem communi eruditorum calculo conclusum, pseudepigraphas esse & adulterinas & posteriore aetate confarcinatas.

(e) Dum critici ad apocrypha ablegant Siricio antiquiores decretales, id tantum de relatis a Mercatore intelligunt: nam & primi pontifices multas decretales reapse scripserunt, illas nempe, quas veteres scriptores meminerunt, aut alias constet esse genuinas.

cura & diligentia, collegit, nec quisquam alius ante novum saeculum scriptor. Porro decretales istae vbiq̃ue exhibent suppositionis indicia: scripturam sacram laudant ex Hieronymi versione: habent sententias ex C. Theodosiano & Iustiniani constitutionibus desumptas: & ex fragmentis veterum scriptorum, qui post Siricium floruerunt, aperte apparent confarcinatae. Item de rebus & statu eorum temporum, quibus scriptae circumferuntur, ne vnum quidem verbum habent: contraria continent antiquis canonibus: & omnes eodem stilo, eoque barbaro, qui primis ecclesiae saeculis minime convenit, exaratae sunt. Paucis. Antiquiorum pontificum nomen tantum praeferunt: cetera posteriorem redolent aetatem. V. Nat. Alexandr. *diff. XXI. in 1. saecul.* & Petr. Constant. *praef. in epist. Roman. pontif. n. CLIX. seqq. (f).*

§. VII. Ad ius canonicum novum spectant regum Francorum *Capitularia*, quae erant leges in comitiis regni conditae, ad reipublicae & ecclesiae regimen pertinentes; dictaeque sunt *capitularia*, quod per capita seu capita erant digestae. Comititia regni ex episcopis, comitibus & aliis regni ordinibus constabant. Verum in iis, quae spectabant res mere spirituales, laici, qui in hisce synodis intererant, partem non habebant: nam ad res spirituales statuendas, seorsum a ceteris ordinibus episcopi & abbates conveniebant, quod tradit Hincmarus Remensis *ep. III. cap. 35.* Condita ab episcopis de rebus ecclesiasticis capitularia, inde principis auctoritate confirmabantur; atque ita vim nomo-canonis acquirebant. Obtinuit capitularium auctoritas & in Gallia & in Italia. V. Steph. Balut. *praef. in capitul.* Studio Ansegisi abbatis & Benedicti Levitae capitularia praesertim Caroli M. & Ludouici Pii nono saeculo in septem libros abierunt, quorum priores quatuor

(f) Ex eadem officina, qua falsae decretales, videntur prodisse capitula, quae sub Hadriani papae nomine ad Angilramnum episcopum Metensem data sunt, quod Ballerinii fratres *de veterib. collectionib. canon. par. III. cap. 6.* docent. Saltem ex falsis decretalibus desumpta sunt.

tuor Ansegiso, reliqui tres Benedicto debentur : quibus inde quatuor appendices accesserunt .

§. VIII. Post editas falsas decretales multi condiderunt canonum collectiones . Et in primis Regino monachus Benedictinus in usum Germanorum , Burchardus vero in usum ecclesiae Wormatiensis per materias canones collegerunt (g). Item exeunte saeculo vndecimo Iuo Carnotensis, vir pietate & peritia canonum insignis, duas edidit collectiones per materias, quarum vnam ampliolem vulgo dicunt *Decretum Iuonis*, alteram breuiorem ipse auctor *Panormiam* appellauit Qui ex genio Latini sermonis *Pannormiam* potius appellatam voluissent (h), ad saeculi ruditatem non attendunt .

§. IX. Fuerunt & alii, qui post mentitum Isidorum canonibus colligendis vacarunt (i), sed, iis omissis, transeamus ad codices, qui a multis saeculis receptum ius canonicum exhibent . Et hi quidem codices sunt numero quinque, *Decretum Gratiani*, *Decretales Gregorii IX.*, *Sextus*

tus

(g) Nomen Burchardi Itali & Galli in *Brochardum* deflexerunt : & inde factum, vt quae ex eo in compilationem Gregorianam dimanarunt, tamquam ex *Brochardo* vel *Brocardico* proponantur .

(h) Scilicet *Panormia* vox ibrida est, vtpote quae ex Graeca & Latina voce coalescit : & voces ibridae Latinis auribus sunt ignotae .

(i) Generatim de canonum collectionibus, quae post Mercatorem ad Gratianum vsque emerferunt, siue editae, siue ineditae sint, obseruarunt viri docti, eas nihil aliud continere, quam antiquarum collectionum capita, alio tamen ordine disposita, & modo breuius, modo fusius expressa, & plus minus apocryphis monumentis abundare, tantumque de nouo exhibere canones, qui cuiusque collectoris aetati respondent . Sic erant huius mediae aetatis homines comparati, vt alieno scribere & cogitare ingenio, quam suo mallent : quod Petrus Constantius praef. ad epist. Romanor. pontific. recte obseruat . Illud magis dolendum, quod nouis suis elucubrationibus novos errores addiderunt, & canonicam disciplinam fecerunt implicatiorem . Ceterum eiusmodi omnes mediae aetatis ante Gratianum collectiones. Ballarini fratres de *ueterib. collect. canon.* enarrant .

us decretalium, Clementinae & Extrauagantes. Vt a primo exordiar, Gratianus monachus Benedictinus circa saeculi decimi secundi medium nouam noua methodo edidit canonum collectionem; sane non meros canones collegit, quod hactenus reliqui collectores fecerant, sed ad certas propositas materias & quaestiones in vtramque partem canones aliaque veterum fragmenta, quae inter se contraria videbantur, coniecit, eaque adiectis propriis observationibus in concordiam studuit reuocare. Hinc factum nomen operi *Concordia discordantium canonum*, quamvis vulgo *Decretum Gratiani* dici soleat.

§. X. Iam Concordiam suam in tres partes Gratianus partitus est, quarum primam personis, alteram iudiciis, tertiam rebus ecclesiasticis addixit. Quae partitio non est improbanda: sed dum particularia persequitur, adeo confusione laborat, vt qui quaerit in Gratiano ordinem, venietur in siluis delphinos, in fluctibus apros, quod Io. Molinaeus recte videtur obseruasse (k). Primam & tertiam partem Gratianus tribuit in distinctiones, quod ferme adhibitis distinctionibus canones in concordiam reuocare studeat; tertiam vero, vt a prima distingueret, de consecratione inscripsit: secundam vero partem diuisit in *causas*, seu species, vnde varias elicit quaestiones, quibus canones subnectit.

§. XI. Fragmenta ad hoc opus confarcinandum Gratiano suppeditarunt sacra scriptura, canones omnis generis conciliorum, decretales pontificum & genuinae & supposititiae, sanctorum patrum sententiae, & libri iuris civilis: in quibus omnibus colligendis autographa de more saeculi non consuluit, sed ex antiquioribus collectionibus sua vt plurimum compilauit. Ex his fragmentis multa sub *Paleae* inscriptione referuntur, de cuius epigraphes

(k) Ordinem praesertim Gratianus interruptit frequentibus digressionibus, quibus leui quadam occasione suborta interruptitur proposita materia, adeo vt Gratianea Concordia a proposito perpetua discordia videatur. V. Berard. *praef. in Grat. canones. obs. IX.*

graphes ratione non idem omnibus. Sed illud ad veritatem propius accedit, paleas esse adiectiones posteriori manu factas. *Espen. dissert. prooem. in decret. Gratiani cap. IV.* Sane obseruant Romani correctores, in vetustis Gratiani exemplaribus paucas admodum paleas, nec omnes in omnibus, nec eodem ordine reperiri; & in vetusto quodam codice in margine appictas exstare.

§. XII. In compilandis fragmentis istis innumera peccata Gratianus admisit. Passim monumenta suppositicia exhibuit, genuina non recte retulit, nec suis auctoribus tribuit: saepe peccauit in nominibus propriis: saepe pro integris sententiis summas & breuiationes retulit: Graecorum fragmenta siue canones ex variis versionibus, quasi essent diuersorum auctorum, exhibuit: multa interpolauit, mutilauit, addidit, in partes dissectuit, corrupit. *V. Anton. August. lib. 1. de emendatione Gratiani dial. 1. & Douiat lib. IV. praenot. cap. 2. (l).* Erat nimirum Gratianus antiquitatum ecclesiasticarum imperitus, & critice de more saeculi ignorabat. Et quae compilauit, fragmenta non ex autographis, sed ex aliorum collectorum Mercatoris, Burchardi, Iuonis & similium lacunis excerptis; atque adeo aliorum errata omnia adoptauit praeter illa, quae ipse addidit.

§. XIII.

(l) Errata ista omnia spectant ad historiam & antiquitatem, res nempe facti, in quibus discernendis peritia antiquitatis & artis criticae necessaria est. At sunt multa in opere Gratiani, quae fidei doctrinae & regulis morum videntur aduersari. Exempla prostant in *pr. D. XIII. & can. 2. C. 19. q. 2.* praesertim vero in *D. 1. de poenit.*, vbi postquam quaesuit, vtrum sola cordis contritione peccata remittantur, an praeterea necessaria sit peccatorum confessio sacerdoti facienda, in medium adductis pluribus patrum fragmentis concludit, liberum cuique esse, cui velit ex his duabus opinionibus adhaerere; nam utraque fautores habet sapientes & religiosos viros. Aduersatur doctrina ista scripturarum testimoniis & constanti patrum traditioni, quae ad peccatorum post baptismum remissionem etiam confessionem necessariam edicunt. At non propterea Gratianus haeresis arguendus, utpote qui imprudentia, non malitia in huiusmodi rebus lapsus videtur.

§. XIII. Quamuis autem tot erroribus Concordia Gratiani referta esset; tamen eam statim editam, posthabitis aliorum collectionibus, plausibiliter & scholae & fora receperunt. Hinc Gratianus κατ' ἑξοχήν *magister* dictus; & qui eius sarraginem praelegebant, *bacillarii* appellati, a baculo nempe, seu *bacillo*, quo, veluti quodam doctrinae haud vulgaris indicio, donabantur. Ipsi Romani pontifices etiam ex Gratiano canones laudabant, & inde caussarum petebant decisiones. Placuit Gratianus propter scholasticam in vtramque partem tractandi methodum, quae ea aetate vsurpabatur, & propter addita ratiocinia, quibus discordantes canones conciliare videbatur. Nam qui eum praecefferant, collectores negotium lectoribus faciebant, tantum exhibentes alia aliis congesta, sibi quae aduersantia monumenta.

§. XIV. Quoniam vero indignum videbatur, ut vndique receptissimum opus adeo conspurcatum haberetur, de eo emendando cogitatum est. Primi ad Gratiani emendationem animum adiecerunt Antonius Contius iuriconsultus & Antonius Demochares Parisiensis theologus. Inde idem opus emendandum susceperunt Romani pontifices, qui selectissimis viris tantam prouinciam demandarunt, qui *Romani correctores* vulgo dici solent. Opus sub Pio IV. susceptum, sub Pio V. continuatum, & tandem sub Gregorio XIII. absolutum fuit. Verum Romana ista emendatio non omnino viris doctis adrisit: quod correctores saepe mutarint inscriptiones, textui quandoque addiderint, quandoque detraxerint; quorum omnium etsi in adiectis notis aliquando rationes explicuerint; saepe tamen in genere monuerunt, quod aliquid mutatum esset, & aliquando nullam addiderunt admonitionem: quo factum, ut incerti lectores sint, an sint genuina Gratiani, quae modo legunt. V. *Espen. diff. in Grat. cap. II. §. 5.* Quid quod intacta relicta est falsarum decretalium prouincia? Eodem ferme tempore, quo Romani correctores Gratianum emendabant, eidem operi curas suas impendebat vir summus Ant. Augustinus, qui ea de re dialogos *de emendatione Gratiani* duobus libris comprehensos composuit. Accesserunt inde Balutius & Espenius, & nouissime Berardus: sed adhuc multa restant emendanda.

§. XV. Iam Concordia Gratiani, utpote priuata auctoritate collecta, origine sua vim iuris canonici non habet; nec pontifices ei umquam vim canonicam conciliarunt (m). Quapropter Ant. Augustinus alique pro contentis in Gratiani opere hanc tradunt regulam, *fragmenta Gratiani eam vim habent in decreto, quam haberent extra decretum*. Sed generalis Gratiani receptio si non vim canonicam, multam tamen auctoritatem eius fragmentis conciliasse videtur (n). Et parum abest, quin dicam, eadem fata habuisse Gratianum, quae iuri Romano contigerunt, quod ubi veluti postliminio reuocatum est, nulla publica auctoritate, sed tantum vsu in plerisque Europae regnis obtinuit. Illud interim certum est, ad disciplinae mutationem multum Gratianum contulisse; nam recepto eius opere falsae decretales praesertim obtinuerunt: nouumque etiam ius ex ipsis Gratiani interpolationibus & distinctionibus exortum.

§. XVI. Post Gratianum ius canonicum nouum magis magisque se explicuit; noua enim disciplina nouas regulas postulabat; & reapse Romani pontifices de rebus nouis frequentes emittere coeperunt decretales (o). Ex his de-

(m) Et sane errant, qui docent, Concordiam Gratiani a Romanis pontificibus Eugenio III. & Gregorio XIII. fuisse receptam & vi canonica donatam: qua de re pluribus diximus in *proleg. comment. de iure canon. cap. VII. §. 15.*

(n) Quaecumque Gratiano auctoritas ex vsu accesserit, spectauit tantum ea capita, quae ecclesiae doctrinae & bonis moribus erant consentanea, non item errores siue in fide, siue in morum regulis, quibus vsu nullum pondus conciliari potuit.

(o) Causae, unde iuris noui tot regulae emerferunt, ex Petri de Marca *de C. S. & I. lib. III. cap. 6. n. 4.* recensione hae sunt. Principio iudiciaria potestas in plerisque causis iudicandis a synodis prouincialibus in pontifices translata, & sollemnis iudiciorum ordo, qui contra veterem simplicitatem formulis actionum & tritura forensi fuit obstrictus & inuolutus, nouas multasque parauit constitutiones, quibus res, quae apud pontificem erant disceptandae, & modus disceptandi praescriberentur. Verberem quoque nouis canonibus & decretalibus materiam suppeditauit beneficiorum collatio ab ordinatione seiuncta, ut & no-

decretalibus aliisque canonibus partim priuatis curis, partim legitima pontificum auctoritate plures compositae collectiones, quarum quinque sunt celebriores. V. Douiat. *praemot. lib. IV. cap. 26.* Quae quidem quinque collectiones apud veteres interpretes aut nomine *primae*, *secundae*, *tertiaae*, *quartaae*, *quintaae compilationis*, aut nomine libri *primi*, *secundi*, *tertii*, *quarti*, *quinti* laudari solent. Earum primas quatuor Antonius Augustinus, quintam Innocentius Cironius euulgauit.

§. XVII.

va de poenitentiis & matrimoniis disciplina. Item multiplicatae per Europam nouae monachorum & religiosorum familiae, iisque, vt & collegiis canonicorum, indultae a potestate ordinariorum exemptiones, ab antiquis diuersas pepererunt regulas, variasque caussarum figuras pontificibus decidendas proposuerunt.

His caussis ab archiepiscopo vere illustrissimo adlatis duas aut tres alias subiiciemus, vnde emanarunt tot canones & decretales, quibus aut leges ciuiles abrogantur, aut alias legum sententiae, seu glossatorum placita confirmantur. Et primo quidem peccati cognitio a foro interno ad forum externum a pontificibus traducta nouos inuexit canones & decretales ad peccati materiam amputandam, seu ad ius aequius inducendum: cuius generis sunt canones de vsucapionibus & praescriptionibus. Porro conditae sunt decretales ad iuris ciuilis emendationem, si quando illud a lege diuina recedere videretur: quo spectat Alexandri III. decretalis in *cap. 10. ex. de testamentis*, vbi tollitur sollemnitas septem, aut quinque testium in testamentis & aliis vltimis voluntatibus necessaria, quod iuris ciuilis dispositio a lege diuina, duos tantum testes requirente, recederet. Emisssae quoque decretales ad iuris ciuilis nodos & controuersias decidendas. Nimirum vbi ius ciuile in Bononiensi & aliis scholis explicari coeptum est, multae de eius intelligentia emerferunt controuersiae, quas pontifices veluti pro iure suo, siue ab aliis consulti, siue incidenter decidendas sibi sumserunt. Et hinc ius nouum a mente iuris Romani, vt plurimum alienum, emerfit: nam pontifices maximi eiusmodi controuersias dirimentes, non tam ex ipsis fontibus, quam ex glossis, quae magnae erant auctoritatis, plerumque decisiones hauriebant suas: quod Cuiacius, Janus a Costa alique obseruarunt. Et quis nescit, quot & quales fuerint in interpretando iure ciuili glossatorum errores?

§. XVII. Iam ex tot decretalium codicibus, quin etiam ex nonnullis sibi inuicem aduersis decretalibus nata confusio, excitatumque fuit noni codicis desiderium, quo breuius & per omnia sibi cohaerens ius complecteretur. Quapropter Gregorius ix. anno cccccxvii. pontifex creatus opera vsus Raymundi Pennafortiensis ex quinque exstantibus decretalium codicibus & aliis extrauagantibus & propriis constitutionibus nouum codicem in quinque libros tributum euulgauit sub titulo *Decretalium Gregorii IX. papae compilatio* (p). Sed non omnes & integras decretales continet compilatio ista; nam pontifex Raymundo mandauit, vt ex decretalibus, quas compilabat, *refecaret superflua*. Hinc factum, vt decretales hoc codice comprehensae saepe obscurae sint; nam Raymundus, qui iudicio Antonii Contii imperitior erat Triboniano, interdum pro superfluis abscidit vtilia.

§. XVIII. Post editas Gregorianas decretales diu cessatum a nouis collectionibus; nouellae enim constitutiones, quae in diem edebantur, statim singulis, ad quos pertinebant, decretalium titulis adnecti solebant. Sed Bonifacius viii. ex canonibus duorum conciliorum generalium Lugdunensium, quorum primum sub Innocentio iv., alterum sub Gregorio x. celebratum est, & ex aliorum pontificum post Gregorium ix. decretalibus & propriis constitutionibus nouum codicem confecit. Decretales vero huic nouo codici insertae veluti ex integro

C 2

com-

(p) Haec collectionis Gregorianae inscriptio a puriore latinitate non abhorret. Scilicet *compilare* est plures diuersi generis res in vnum cogere seu coaceruare: & Raymundus decretales & canones ex quinque exstantibus collectionibus decerpit, & in vnum librum compilauit.

Factum vero est nomen Compilationi Gregorianae a decretalibus, parte nempe potiore operis, qua pontificum decretales exhibentur. Sane apud Gregorium etiam capita ex sacra scriptura, ex canonibus apostolorum & multorum conciliorum, item ex patribus & aliis auctoribus petita occurrunt. Verum capita ex decretalibus pontificum deprompta ferme duplo plus numerum ceterorum capitum superant.

compositae sunt; idque compositores ipsius summi pontificis mandato perfecerunt. Dolendum interim, quod in multis scire non licet, quae fuerint decretalium istarum genuinae sententiae; non enim existant autographa; at interpolationes a Raymundo factae (quod existant quinque decretalium codices, vnde sua Raymundus decerpserit) pro maxima parte innotescunt. Quinque libris constat haec Bonifacii collectio, non secus ac Gregoriana, & auctoritate pontificia emissæ est sub nomine *Sexti decretalium*, quod tamquam sextus liber quinque Gregorianis accederet.

§. XIX. Sequuntur *Clementinae*, quae est collectio continens concilii generalis Viennensis canones & Clementis v. decretales. Compositus ipsius Clementis auctoritate fuit codex iste, eumque pontifex sub nomine *Septimi decretalium* vulgare destinauerat; sed morte praeuentus est, & ita confectum codicem Ioannes xxii. sub nomine *Clementinarum* anno cccccxvii. probauit, & in publicum emisit. Canones & decretales huic codici etiam interpolati & mutati ex ipsius Clementis mandato videntur inserti, quod vulgatae glossae auctor narrat (q).

§. XX. Demum vltima iuris canonici noui pars duabus *Extrauagantium* collectionibus continetur, quarum prima continet Ioannis xxii. viginti constitutiones; altera continet plurimum pontificum ab Urbano iv. ad Sixtum iv. decretales: & hinc sub nomine *Extrauagantium communium* indigitatur. Neutra harum collectionum pontificia auctoritate suscepta aut probata prodiit: atque hinc dictae *Extrauagantes*, quasi iis comprehensae constitutiones extra iuris corpus vagarentur. Sed inde vsu receptae antiquum *Extrauagantium* nomen retinuerunt.

§. XXI. Iam quinque enarrati codices, Gregorianus nempe, Sextus decretalium, Clementinae & duae Extra-
va-

(q) Ex sententia glossae in proem. *Clementin.* ideo compositores constitutiones concilii Viennensis maximam partem mutarunt & interpolarunt, quia patuit, aliquas ex illis inepte, aliquas prolixè, aliquas defectiue compositas, aliquas etiam non expedire.

vagantium collectiones in Occidentis ecclesiis velut loco iuris canonici communis habentur, quo ecclesiastica regitur disciplina. Etenim Gregorius ix., Bonifacius viii. & Ioannes xxii., qui decretalium Compilationem, Sextum decretalium & Clementinas ediderunt, codices suos vi canonica auxerunt, & in foris & scholis valere iusserunt: & quae auctoritas origine sua defuit duabus Extravagantium collectionibus, ea per receptionem & usum conciliata est (r). Tum vero canones & decretales noui iuris in ecclesiis Occidentis obligant, si recentiora ecclesiastica statuta, peculiares mores & publicae leges non aduersantur: canonibus enim posterioribus & contrariis moribus antiquiores canones abrogantur & desuescunt, & legibus publicis statuta politia aut numquam aliquibus decretalibus locum fecit, aut eas temporis lapsu reiecit.

§. XXII. Quin tanta fuit iuris canonici noui auctoritas, vt canones & decretales, quibus negotia ciuilia diriguntur, etiam in foro ciuili in multis articulis obtinuerint, & legibus ciuilibus, quae contrarium statuebant, praelatae sint. Scilicet eiusmodi constitutiones saepe ad euitanda peccata editae videbantur, saepe etiam de rebus indifferentibus statuunt (s). Primi generis decretales ea sum-

ma

(r) Scriptores Galli post glossographum ad *cap. 16. de elect.* in 6. docent, Sextum decretalium in Gallia non fuisse receptum, idque ob grauissima dissidia, quae inter Bonifacium viii. & Philippum Pulchrum Regem intercesserunt. Sed Io. Douia-rius *praenot. lib. IV. cap. 24. n. 7.* tradit, parem in Gallia esse auctoritatem Sexti decretalium & Gregorianae Compilationis, quatenus scilicet cum regiis iuribus & constitutionibus & libertatibus ecclesiae Gallicanae constitutiones eo libro comprehensae non pugnant.

(s) Canones & decretales pontificum, quibus siue ad euitanda peccata, siue ad ius aequum inducendum leges ciuiles corriguntur, veluti dominatum sapientes & ad euertendam principum iurisdictionem editas Io. Petrus de Ferrariis saeculo decimo quarto exeunte in *praxi aurea* exagitauit: quam sententiam alii, in primis Iustus Henningius Boehmerus *iur. eccles. lib. I. tit. 2. §. 38. & seqq.*, amplexi sunt. Verum haec sine ratione dicta videntur; nam huius generis canones & decreta-

ma ratione legibus ciuilibus praelatae sunt, quod peccati occasio euitari deberet. Et inde nata practicorum regula: *seruandum esse ius canonicum, quoties agitur de peccato vitando*. Omnibus de re ciuili canonibus & decretalibus supra leges ciuiles auctoritatem conciliauit aequitas, quam neglectis iuris ciuilis apicibus, in iis contineri interpretes putabant: eoque multum etiam contulit opinio illa, quae habebat, a spiritali pendere ciuilem potestatem.

C. A P V T VII.

De iure canonico nouissimo.

§. I. **R**eliquum modo est *ius canonicum nouissimum*, quo nomine intelligimus regulas omnes de moribus christianorum componendis & ecclesiastica disciplina, quae post euulgatas canonum & decretalium collectiones hodierno corpore iuris canonici comprehensas conditae sunt. Quae quidem regulae in plerisque articulis a simplicitate veterum canonum recedunt. Reserri vero possunt ad quatuor summa capita, canones nempe conciliorum, decretales summorum pontificum, regulas Romanae cancellariae, & pacta conuenta inter pontifices & reges seu nationes, quae *concordata* dici solent.

§. II. Exortis & receptis falsis decretalibus ecclesiastica disciplina in diem lapsa est, induitque in pluribus articulis formam a veteri multum diuersam; at postquam pontifices Auenione sedere coeperunt, & multo magis in schismate Auenionensi, quod anno MDCCCLXXVIII. erupit, & longo

les nullum dominatum sapiunt, tantumque videntur prodiisse ad peccati occasionem tollendam, aut ad ius aequius inducendum: quod exemplo canonum de praescriptionibus facile posset demonstrari. Quamuis alia fortasse inquisitio erit, si quaeratur, num ex regulis ciuilibus sapientiae eiusmodi regulae scriptae fuerint: qua de re egimus in *proleg. comment. de iure canon. cap. IX. §. 2.*

& longo tempore Dei ecclesiam vexauit, vltimum veluti exitium passa est. Dissidentes pontifices in summa aemulatione partes suas augere studentes, vitia suorum dissimularunt, canonum omnino eneruarunt vim tot privilegiis & indulgentiis ab eorum obseruantia concessis: quin quum mutuis diris & execrationibus seipsos deuouerent, censuras ecclesiasticas verterunt in ludibrium. Ecclesiae vnitas tandem in synodo Constantiensi redintegrata est: at ecclesiastica disciplina, etsi reformari deberet, & reformatio honorum omnium voto expeteretur, corrupta & in statu suo iacuit.

§. III. Dum disciplinae corruptione & malis clericorum moribus ecclesia laborabat, in scenam prodiit Martinus Lutherus, qui obtentu repurgandae ecclesiae, eam miseris modis dilacerauit. Tempestas ista ab ecclesiae catholicae communione bonam Germaniae partem & regiones septemtrionales auulsit, & aliquot alias prouincias a contagione non prorsus immunes reliquit. Tot tantique exciti rumores catholicos excusserunt, vt serio ad solida studia, & ad morum & disciplinae emendationem conuerterentur. Relictis inanibus verborum formulis & sophismatis, intermissa sacrae scripturae, antiquitatum ecclesiasticarum & linguarum studia resumta sunt (a). Hinc non tantum fides a sophismatis defensa, verum etiam perspecta vetus ecclesiae disciplina, & detectae omnium abusuum origines & occasiones.

§. IV. Ad excitos rumores compescendos & ad doctrinae christianae confirmationem concilium Tridentinum, licet aliquanto tardius, quam opus erat, a Paulo III. summo pontifice indicitur, & non sine turbis & interruptionibus celebratur. Res fidei magna libertate & tractatae & definitae: at quae pertinebant ad disciplinam

C 4

latae.

(a) Quo tempore haeresis Lutherana erupit, semina litterarum & bonarum artium in Italia iacta erant, & in diem progrediebantur longius; at necessitas tuendae religionis studia fecit acriora, & a rebus profanis etiam ad sacras animos conuertit.

Iatae. Et quamuis ex omnium voto disciplina reformatā non fuerit; tamen multa decreta edita sunt, quibus plures ex veteribus canonibus renouati, episcoporum potestas aliquatenus restituta, multa priuilegia reiecta, exemptiones restrictae (b). Temporis dura conditio non permisit integram disciplinae reformationem, quae non vnus, sed plurimum conciliorum opus erat. Post concilium Tridentinum plures in catholicis prouinciis synodi celebratae sunt ad disciplinae instaurationem & decretorum Tridentinorum executionem, inter quas eminent Mediolanenses a S. Carolo habitae.

§. V. Fidei regulae in concilio Tridentino editae in catholicis prouinciis, vt par erat, omnes admissae & probatae sunt; at decreta, quae spectant ad disciplinae instaurationem, aut non publicata, aut si publicata, non omnia recepta, quod regis iuribus, ecclesiarum moribus & iuribus populorum multa aduersa continerent. In Gallia decreta ista non fuerunt vmquam auctoritate regis probata aut publicata. In Germania praelati & principes catholici disciplinae decreta receperunt, sed saluis suarum prouinciarum & imperii Germanici iuribus, saluis item pactis conuentis inter Nicolaum v. pontificem & Fridericum III. imperatorem & nonnullos alios principes. Et in Hispania, Belgio, regno Apuliae & in aliis Regis Catholici prouinciis publicata quidem sunt Regis Philippi II. auctoritate decreta disciplinae, verum ea moderatione, vt nullius vsus essent quae

(b) Non desunt, qui tenent, in concilio Tridentino episcoporum potestatem depressam potius, quam exaltatam: quod constare aiunt praesertim ex decretis illis reformationis, quibus episcopis conceditur, vt *tamquam delegati sedis apostolicae* procedant. Verum vbi priuilegia & exemptiones ab episcoporum potestate omnino aboleri arduum & difficile visum fuit, inter contraria studia excogitatum est eureka, quo, saluis exemptionibus, episcopi saltem potestate delegata in monachos aliosque exemptos augerentur. Salutarem formulam Sebastianus Pighinus, vnus ex Rotae Romanae auditoribus, suggestit, teste Paulo Veneto *hyst. conc. Trid. lib. II. n. 26.* Ita veluti restituta episcoporum potestas in exemptos, quamuis e re ecclesiastica magis fuisset, priuilegia & exemptiones omnino aboleri.

quae regia iura & vasallorum laederent (c). Hinc in regniis Regi catholico subiectis passim a magistratibus & regiis censoribus adnotata capita, quae ex sententia Regis admissa & probata non erant. Ea capita apud nos Franciscus Villanus, cancellariae regens, recensuit (d): quae de re auctor *historiae civilis regni Neapolit. lib. XXXIII. cap. 3.* multa concessit.

§. VI. Maxima pars iuris canonici nouissimi in decretalibus pontificum continetur. Nimirum pontifices vestigia suorum decessorum sequentes, pro re nata varias ediderunt constitutiones, vel edicentes ad ecclesiae regimen, vel de facto consulti respondentes: quae *bullae* nomine a sigillis, quibus donatae erant, dici consueuerunt (e). Nouis pontificibus nouas semper addentibus constitutiones, adeo bullae nouissimi iuris excreuerunt, ut numero longe

vin-

(c) Limitatio ista publicationi concilii addita non est; nam in ecclesiae venerationem placuit Regi in proponendo populis concilio nihil quidquam excipi.

(d) Recensuit quidem Villanus capita Tridentinae reformationis, quae regiis iuribus & praerogatiuis subditorum aduersabantur, sed non omnia, etsi ea de re duas recensiones ediderit. Verum ex sententia Regis non tantum adnotata capita, sed generaliter quae regiis iuribus aduersa erant, admissa non censentur; etsi aliquot ex non adnotatis capitibus auctoritas per usum conciliata videatur. In capitibus vero adnotatis & non admissis, reiectio videtur spectasse non integra capita, sed tantum eas particulas, quae regiis iuribus & praerogatiuis subditorum aduersabantur. Nos non recepta capita suis locis, prout se dabit occasio, proponemus.

(e) Apud Latinos *bulia* id proprie est, quod instar pilae in aquis intumescit & cito dirumpitur. Et hinc quae apud Romanos ex collo praetextatorum & triumphantium in pectus incumbebant insignia, quod extuberanti forma essent elaborata, *bullae*, indice Vossio, fuerunt nuncupata. Inde imperatorum sigilla etiam bullae dicta sunt, vel quod extuberantibus essent iconibus; vel quod diplomatis, ut olim bullae collo Romanorum, appenderentur. Bullarum seu sigillorum usus etiam a Romanis pontificibus receptus est, eaque, quo de genuinitate constaret, decretalibus appensae ipsi decretalibus nomen dederunt,

42 AD INSTITVT. IVRIS CANONICI

vincant ipsas decretales receptis codicibus comprehensas. Spectant bullae istae vel ad fidem, vel ad disciplinam, & quandoque etiam de rebus temporalibus disponunt. Sed istae nouissimi iuris bullae tum demum obligant in christianis prouinciis, si ex ciuilibus potestatis adensu publicatae & receptae sint.

§. VII. Ex canonibus & decretalibus ad ius ecclesiasticum nouissimum pertinentibus nulla ecclesiae auctoritate compilatio composita & publicata est, licet e re christiana fuisset, codicem concinnari, qui canones & necessarias constitutiones exhiberet. Verum non defuerunt, qui priuata industria vel secundum materias, vel temporis consequentiam ex canonibus iuris nouissimi codices coagmentarent. Et prodiit sane opera Petri Matthaei *liber septimus decretalium*, quasi qui quinque libris Gregorianis & Sexto Bonifacii VIII. accederet (f): & studiis Laërtii & Angeli Cherubini, itemque Angeli a Lantusca & Ioanne Paulo a Roma *Bullarium* Romanum compositum est, quo temporis ordine bullae praesertim recentiorum pontificum exhibentur (g).

§. VIII.

(f) Septimus decretalium a Petro Matthaeo compositus, constat decretalibus, quas summi pontifices a Sixto IV. ad Sixtum V. ediderunt. Haec collectio, non secus ac antecedentes, etiam in quinque libros diuiditur, sed in titulorum ordine ab anterioribus collectionibus recedit, & novos magno numero titulos exhibet. Monent viri docti, Matthaeum in conscribendo hoc libro, nullum habuisse delectum, vtilia praetermisisse & collegisse minus necessaria. V. Doujat. *praenot. lib. IV. cap. 26. n. 3.* Eum vero librum Lugdunenses bibliopolae anno MDCLXI. post Extrauagantes communes ediderunt.

(g) *Bullarium* collectio decretalium est secundum temporis ordinem digesta. Eius primus auctor Laërtius Cherubinus Romanus iurisperitus, qui decretales pontificum, quas inuenire potuit, a Leone M. vsque ad Sixtum V. collegit, perfectumque opus *Bullarii* titulo donauit, & sub auspiciis Sixti V. anno MDCLXXXVI. in lucem emisit. Inde secundis curis Laërtius in eandem rem incubuit, & alias bene multas decretales adiecit, & Paulo V. pontifici obrulit. In his curis Laërtio successit filius Angelus Maria Cherubinus, monachus Casinensis, qui mul-

§. VIII. Iuris canonici nouissimi partem etiam *regulae Romanae cancellariae* constituere dicuntur . Sunt *regulae* istae edicta quaedam pontificia , quibus officiales ad expediendas litteras in cancellaria secundum supplicantium varias formas instituuntur , reservationes beneficiorum continentur , & res iudiciales ordinantur . *Regulae* cancellariae omnes , prout nunc habentur , sunt duae supra septuaginta , caeque sensim conditae sunt , pluresque pontifices adgnoscent auctores : quin immo in aliorum regulis aut mutarunt aliquid , aut addiderunt successores (b) . Non sunt perpetuae , sed temporales : obligant enim tantum viuente , qui eas publicauit , pontifice , eoque mortuo extinguntur (i) : licet altero die post noui pontificis adsum-

multarum decretalium & praesertim Pauli v. , Gregorii xv. , Urbani viii. & Innocentii x. accessione opus paternum locupletauit , & sub nomine *Magni Bullarii* in quatuor tomos distinctum anno MDCCXXXIV. Romae typis euulgauit . His adiectus ab Angelo a Lantusa & Ioanne Paulo a Roma strictioris obseruantiae sodalibus tomus quintus , quo omissae Urbani viii. & Innocentii x. & sequentium pontificum vsque ad Clementem x. decretales complectuntur .

(h) *Negotia Cancellariae* olim viae vocis oraculo & stilo regebantur . Primus Ioannes xxii. regulas certas scripto consignauit , quibus id tantum egit , vt officiales instrueret , qua ratione litteras in Cancellaria secundum supplicantium varias figuras deberent expedire . V. Gornes. *comment. in prooem. regul. cancell.* Inductas a Ioanne regulas pontifices sequentes diuersimode auxerunt vsque ad Nicolaum v. , qui vtiliores decessorum suorum regulas collegit , & multas iudiciales adiecit , easque ad eum ferme statum , in quo nunc habentur , perduxit . Qui post Nicolaum secuti sunt , pontifices paucas mutarunt , aut addiderunt paucas .

(i) Origine sua tantum temporales fuisse videntur *regulae* de reservationibus beneficiorum , quae reliquis additae omnium vnam conditionem effecerunt . Sed non omnes *regulae* , quae beneficiorum reservationes continent , morte pontificis expirare censentur , sed tantum quae purae & simplices sunt , & temporarias reservationes continent : nam *regulae* , quae reservationes in corpore iuris comprehensas sistunt , aut bullis pontificiis confir-

44 INST. IVR. CAN. PROL. CAP. VII.

functionem reuiuiscant; eo namque die aliquibus additis & detractis eas noui pontifices solebant publicare.

§. IX. Regulae Romanae cancellariae non omnes in christianis prouinciis obligant, sed eae tantum, quae receptae sunt, & quae alias cum iure communi & ordinario conueniunt. In hoc Neapolitano regno omnes ferme admissae & receptae erant, tantumque reiectae, quae libertatem patronorum & iura patronatus deminuebant: quod Carolus Gagliardus *instit. canon. lib. I. tit. 7.* obseruat. Verum hoc tempore nulla apud nos est earum auctoritas. Nempe ubi anno MDCCCLXIX. morte Clementis XIII. summi pontificis regulae illae extinctae sunt, placuit Regi nostro nonis Martii eiusdem anni earum examen Regali Camerae committere, & praeterea prohibere, ne illae sine Regis expressa venia in usum iterum deducerentur. Ergo sollemne examen institutum: consultatio in totum regulis illis aduersa ad Regem missa perhibetur: at Regis oraculum nondum prodiit.

§. X. Demum iuris canonici nouissimi partem constituunt pacta conuenta, vulgo *concordata*, inter ecclesiasticam & ciuilem potestatem, quibus plures hodiernae disciplinae articuli reguntur. Ea dubio procul inuexit plus nimio extensa episcoporum & summorum pontificum potestas, quae multas & frequentes controuersias peperit, pactis demum & transactionibus consopitas. Habent praeque regiones Occidentis suas peculiare conuentiones siue cum Romano pontifice, siue cum episcopis initas. In regno nostro conuentiones inter pontifices & reges nostros pluries habitae sunt: verum hodie ferme vigent pacta inter Benedictum XIV. & Carolum olim Regem nostrum anno MDCCCXLI. inita, quibus de immunitate rebus ecclesiasticis, locis sacris & clericis competente, de qualitatibus ordinandorum, de piorum locorum administratione, de causis fori ecclesiastici, de foro misto aliisque negotiis agitur.

INSTI-

firmatae sunt, aut continuas fixasque reservationes complectuntur, perpetuae reputantur, & mortuo pontifice etiam obligare dicuntur, Rigant. *comm. in proem. regul. cancell. n. 73. & seqq.*

INSTITVTIONVM

IVRIS CANONICI

P A R S I.

De personis ecclesiasticis.

C A P V T I.

De ecclesia.

§. I.



Ecclesia Graecum nomen est, & si verbo verbum reddas, Latine dicitur *euocatio*. Frequens huius vocis vsus fuit in Graecorum democratiis, in quibus populi conuentus ad res publicas tractandas euocati, *ecclesiae* dicebantur.

A Graecis vox *ecclesia* in christianos deriuata est, designatque christianorum conuentum, qui sub suis pastoribus ad vitam aeternam adsequendam exercentur. Qua notione ecclesia pars est alterius maioris societatis, quae eos continet omnes, qui per gratiam vocati, Deo seruiunt, siue iam optata fruuntur beatitudine, siue viatores adhuc sunt.

§. II. Iam ecclesia ex capite & membris conflata, vnum corpus constituit. Ecclesiae princeps caput Christus est, qui ecclesiam suam, etsi mortuus sit, non dereliquit, & sedens ad dexteram patris, eam regit, protegit, viuificat. Membra vero sunt fideles, qui per baptismum initiati, capitis Christi doctrinam profitentur. Et quoniam *fides sine operibus mortua est*, ii tantum ad interiorrem ecclesiae compagem pertinent, qui ex caritate viuunt, & praecepta christianae religionis seruant. Non tamen

tamen propterea mali nullam habent in ecclesia partem; nam suo modo etiam ad eam pertinent; scilicet sunt pars corporis ecclesiae, sed interiore eius spiritu non viuunt; sunt membra mortua, sed adhuc corpori adhaerentia; sunt paleae immistae tritico.

§. III. Finis autem ecclesiae omnino spiritualis est, spectatque exercitium pietatis, & deinceps beatae aeternaeque vitae consecutionem. At quoniam fideles, qui ecclesiam componunt, terreno corpore sunt inuoluti, nec sapiunt, nisi per sensus; hinc Christus se humanae aptavit imbecillitati, & ecclesiam suam mediis sensibilibus collegit & auxit. Instituit nempe *sacramenta*, hoc est signa sensibilia, quibus gratiam attexit suam, ut signis sensibilibus fideles attollantur ad spiritualia, quae per signa illa significantur. August. *hom. LXXXVI. in Ioan.* & Chrysost. *hom. LXXXIII.*

§. IV. Iam quae in terris adhuc se exercet, Christi ecclesia visibilis est, veluti ciuitas monti insidens, & lucerna supra candelabrum posita: errantque profecto Lutherani & Calviniani, qui ecclesiam ex solis iustis compingentes, eam praedicant inuisibilem. Sane ecclesia mediis sensibilibus exercetur, & ad eius corpus etiam mali & peccatores pertinent; atque adeo sub aspectum cadere debet. Fratrem quoque fraterna admonitione non emendatum Christus ad ecclesiam deferri iussit, Matth. *XVIII. 17.* Sed si ecclesia esset inconspicua, quo christiani non emendatos fratres deferre poterant? Visibilis autem ecclesia usque ad saeculi stabit consummationem, Matth. *XVI. 18.* & *XXVIII. 20.*, in quo distat ab aliis societatibus, quae mediis humanis innixae, post multas vicissitudines tandem fatiscunt.

§. V. Visibilis autem Christi ecclesia ex diuina auctoritate praepositos habet suos, qui sacra potestate aucti eam regunt & administrant, & spiritalibus poenis in fontes animaduertunt. Et errant profecto recentiores haeretici, qui agnoscunt quidem ecclesiasticum ministerium diuina auctoritate institutum; at eius potestatem omni coactione destitutam ministerio verbi & sacramentorum administratione coſcrcent. Verum potestas illa tota spiritalis est, ad animarum curationem spectans: atque ideo
gladium

gladium spirituale constituit, vt Cyprianus appellat *ep. LXII. al. IV. ad Pompon.* Ceterum qui spiritali potestate ecclesiae praelunt, principes quidem & capita illius sunt, sed ministerii tantum; nam verum & principale ecclesiae caput Christus est, qui interiorē in membra, quo viuunt, spiritum infundit. Sed inter principes ministerii, qui pari consortio praediti honoris & potestatis missi sunt, vnus ceteris omnibus, tamquam centrum ecclesiasticae vnitatis, praelatus est, in quo pontificis Romani primatus continetur, qua de re inferius.

§. VI. Porro visibilis & in terris degens Christi ecclesia *sancta, catholica, apostolica, vna* est, quibus epithetis ab haeticorum conuenticulis, qui commune christianorum nomen retinebant, ecclesia distinguitur. Ecclesia est *sancta* ob capitis sanctitatem, doctrinam sanctam, cultum sanctum, & sanctitatem & caritatem, quae interiorē eius compagem constituunt. *Apostolica*, quod ministerio apostolorum propagata, doctrinam apostolicam profitetur, & ministros habet non interrupta serie ab apostolis descendentes. *Catholica*, quia per vniuersum orbem diffusa est, vt Optatus *lib. II. contra Parmenian.* & Augustinus *serm. XLVI. de pastoribus* explicant.

§. VII. Vna quoque est ecclesia, nam idem credunt christiani omnes, & secundum eadem praecepta vitam debent instituere: item vnum est caput; eadem sacramenta, eadem gratia & caritas, quibus membra viuificantur. Vnitas autem ecclesiae spectatur etiam quatenus certis locis inclusa est. Scilicet ecclesia ipsa vniuersalis in multos coetus particulares dispescitur, qui sub pastoribus suis adunati ecclesias plures constituunt, ex quibus particularibus ecclesiis, quae mutuis foederibus inter se connexae sunt, ecclesia vniuersalis sub ministeriali capite, pontifice nempe, qui vnitatis centrum est, coalescit.

§. VIII. Harmonia vero & vnitas inter ecclesias commercio litterarum *canonicarum*, seu *formatarum* fouebatur & explicabatur. Erant eiusmodi litterae *communicatoriae, commendatitiae, dimissoriae*. Communicatoriae dari solebant christianis in ecclesiae communionē manentibus, vt quocumque irent, in communionem cum ceteris fidelibus admitterentur, & hospitio exciperentur. *Commendatitiae*

tiae ex probabiliore sententia scribi solebant in commendationem illustrium personarum, siue clericorum, siue laicorum, qui earum fide & auctoritate non solum in negotiis tractandis ab omnibus adiuuabantur, sed etiam lautius excipiebantur. Et demum dimissoriae solis dabantur clericis, qui in aliam dioecesim domicilii ibi constituendi causa concedebant, iisque testabatur episcopus, clericos illos a nexu cum ecclesia sua soluisse, & licentiam dare, vt alienae ecclesiae se adscriberent. Omnes huiusmodi litterae *formatae* dicebantur, quod peculiari forma & signis, ne qua fraus irreperet, erant inscriptae. Commercio formatarum vnitas & harmonia inter ecclesias explicabatur: quod ita Optatus *contra Parmen. lib. II.* expressit: *totus orbis commercio formatarum in vna communione societate concordat.*

§. IX. Foedera, quibus particulares ecclesiae inter se coalescunt, ad promouenda mutua commoda & vniuersalis ecclesiae vnitatem spectant. Hinc vnius ecclesiae legalia acta ab omnibus aliis rata haberi consueuerunt, adeo vt ab vna ecclesia eiectus, vel depositus, nullibi ad communionem & ordinum officia admitti debeat, donec sententia lata non reuocetur. Conc. Nicaen. *can. V.*, Antioch. *can. III. & VI.* Inde etiam clerici vni ecclesiae addicti, nisi bona cum venia proprii episcopi inter clericos alterius ecclesiae referri prohibentur. Conc. Nicaen. *can. XVI.*, *can. apostol. XV. seq.* Christiani quoque peregrinantes in alienis ecclesiis ad communionem non admittuntur, nisi proprii episcopi testimonio instructi, se cum ecclesia sua communicare demonstrent. Conc. Antioch. *can. VII.* Et vbi in vna ecclesia fides & religio in discrimen adducitur, ceterae ecclesiae earumque pastores praesto esse debent: quo casu locum habet Cypriani sententia, *episcopatus vnus est, cuius in solidum singuli partes tenent.*

§. X. Iam christiana ecclesia etsi in republica nata sit, & fere iisdem, quibus respublica, hominibus constet, tamen societas est ab ea diuersa: spectat enim diuersum a republica finem, aeternae nempe vitae consecutionem. Per se igitur consistit ecclesia, nec quo sit & perseueret, reipublicae auxilio indiget: & in hoc distat a ceteris collegiis, quae sunt in ciuitate, & ad eundem, quo ciuitas,

ciuitas, finem spectant. Sane numquam sic floruit status christianorum, quam primis tribus saeculis, quando ethnici in christianos saeuiebant: quod Hieronymus & Chrysostomus agnoscunt.

§. XI. Quamuis autem etiam sine reipublicae auxilio ecclesia per se consistere possit; tamen si per leges publicas probetur, multas consequitur praerogatiuas; per publicam enim approbationem ecclesia, non secus ac alia collegia, personam induit in ciuitate; iuris communis fruitur exercitio, conuentus christianorum palam celebrantur; & praeterea ubi publica accedit probatio, ecclesia validior euadit: nam in sui auxilium libere potest aduocare ciuilem potestatem, qua spiritualis potestas sustinetur, & contumaces metu poenarum externarum ad officium reuocantur. Vbi vero ecclesia auxilium a ciuilibus potestatibus implorat, earum officium est ecclesiae aduocanti praesto esse. Et ita ciuiles potestates Deo seruiunt, qui iis tuendam ecclesiam demandauit suam.

§. XII. Verum enimvero hac externae potentiae imploratione tantum peccatorum conuersionem spectauit & spectat ecclesia. Et quamuis non admittat christiana religio coactionem; tamen utile ecclesia duxit contra rebelles filios moderatam implorare coactionem, ut metu poenarum excitati errorem suum agnoscerent, & in matris sinum reuenterentur. Hinc fini religionis aduersatur implorare auxilium potestatis ciuilis ad mortem contumacibus inferendam. Non est ecclesiae poenas cum sanguine poscere. August. *lib. III. contra Cresconium*. Quod si olim ob causas ecclesiasticas reos capite damnarint magistratus, aut imperatores gladio suas leges contra haereticos armarint; facta haec sunt insciis & minime probantibus bonis episcopis. Sed temporis lapsu diceres pristinae mansuetudinis plures episcopos oblitos; nam ipsi occidendos, quin etiam cremandos, tradere consueuerunt haereticos, & quos haeresi infectos reputabant.

C A P V T II.

De variis christianorum ordinibus.

§. I. **C**hristiani omnes, qui ecclesiam componunt, pro varia, qua spectantur, ratione, varios ordines constituunt. Summa diuisio ab ecclesiae regimine desumpta, est, quod alii praesint, alii subsint, seu quod alii *clerici*, alii *laici* sint (a).

§. II. Clerici sunt, qui certo sollemnique ritu initiati aliquod publicum munus in ecclesia gerunt, siue praesint, siue ministrent (b). Dicti sunt clerici a voce graeca κληρος, quae proprie sortem significat, translate vero partem siue hereditatis, siue territorii, quae in diuisione alicui obueniebat, idque quod eiusmodi diuisiones per sortes instituebantur. V. Petr. de Marca *diff. de discrimine clericor. & laicor. cap. II.* Ex hac translata του κληρου notione Hieronymus *epist. II. ad Nepotian.* altaris ministros clericos dictos adfirmat, *vel quia de sorte sunt domini, vel quia ipse dominus fors, idest pars clericorum est*: quasi di-

(a) Antiqui scriptores eandem clericorum & laicorum proponunt diuisionem, quamuis verbis plures ordines recensere videantur. Sane Eusebius *demonstr. euang. lib. VII. cap. 2.* in tres classes christianos partitur, *praefectos, fideles, catechumenos*: Hieronymus vero in quinque, *episcopos, presbyteros, diaconos, fideles, catechumenos*. Sed in his partitionibus Eusebius & Hieronymus ex vno laicorum duos faciunt ordines; Hieronymus vero clericos in tres classes distinguit.

(b) In scripturis sanctis vox *clerici* non occurrit ad denotandos christianos sacro ministerio addictos; *clerici* enim in illis sunt christiani omnes, 1. Petr. V. v. 3., ad Ephes. I. v. 11. quasi qui sorte in veritatis adgnitionem selecti sint. Sed secundo saeculo vox *clericus* ad altaris ministros denotandos restricta est.

diceret, vel quia pars domini sunt, vel quia ipse dominus eis in partem & hereditatem cessit (c). Clerici quoque in antiquis monumentis appellantur *canonici*, a canone, hoc est matricula & albo ecclesiae, in quo erant eorum nomina descripta; quod pluribus Binghamus *orig. eccles. lib. II. cap. 1. §. 10.* illustrat. Sed lapsu temporis inducta clericorum communi vita, *canonici* nomen ad clericos in commune viuentes restrictum est.

§. III. Laici nullo sacro officio in ecclesia donantur; & tamquam ecclesiae plebs habentur: dictique sunt laici a graeco *λαος plebs*, quasi qui plebem ecclesiae constituunt, & in rebus sacris a clericis pendere debent (d). Ita
ver-

(c) Haec interpretatio vocis *clerici* ex moribus Iudaicis derivatur. Apud Iudaeos sacerdotes & Levitae, qui in triburum in partitione terrae Chanaan non venerunt, Deum veluti in sortem & partem consecuti sunt: atque ita decimas, primitias & reliquas obventiones Deo debitas ex divina delegatione adquisuerunt. V. Ioan. Cleric. in *Numer. cap. XVIII. v. 20.* Et hoc sensu Deus erat *κληρος* sacerdotum & Levitarum, & ipsi ex eadem ratione *κληρος* Dei dicebantur. Simili ratione ex sententia Hieronymi apud christianos altaris ministri audierunt *clerici*, vel quia solum dominum partem habent, eumque solum debent possidere; vel quia ipsi pars domini existentes, aliarum partium expertes, & altari seruientes, ex oblationibus, ut olim sacerdotes & Levitae ex decimis, habent sustentationem.

Instituti vero christianis magis videtur convenire alia clericorum originatio, quae eos veluti divina vocatione ad sacrum ministerium electos interpretatur: quani vocis *clerici* notionem auctor quidam sub nomine Hieronymi apud Gratianum *can. 7. C. 12. q. 1.* proponit. Certe vox *κληρος* translata notione etiam eos denotat, qui non sortium iactu, sed electione & vocatione ad sacrum ministerium vocati sunt: quod in *commen. de iure canonico par. 1. cap. 2. §. 3.* pluribus explicuimus.

(d) Iam vero laici a clericis iure diuino distinguuntur, & errant profecto Salmasius, Boëthmerus alique, qui distinctionem inter laicos & clericos iuri ecclesiastico tribuunt. Sane apostolus *Actor. XX. 28.* aperte episcopos a grege distinguit: & Petrus *ep. 1. V. v. 2.* presbyteros hortatur, ut gregem Dei pascant, eique non coacte, sed sponte provideant. Porro antiquissimo-

verbum *laicos* tantum sonat, laicos non esse in officio, non notam quandam seruitutis inurit. Quo sensu ab antiquis dicti

rum patrum testimoniis constat, clericos a laicis vel a prima ecclesiae aetate fuisse distinctos. Ignatius martyr in epistolis suis saepe ab episcopo, presbyteris & diaconis populum diuersum proponit. Et Clemens Alexandrinus tradit, Ioannem apostolum post obitum Domitiani ex Patmo insula Ephesum rediisse, & in vicinis locis in clerum cooptasse, quos Spiritus sanctus designauerat. Tertullianus quoque adhuc in ecclesia in opere *de praescriptionibus cap. XLI.* haereticos sui temporis fugillat, quod mutabilia haberent sacerdotia: *alius*, inquit, *hodie episcopus, cras alius; hodie diaconus, qui cras lector; hodie presbyter, qui cras laicus; nam & laicis sacerdotalia munera iniungunt.*

Vt vero tanti dogmatis veritas magis elucescat, obseruare oportet, sacerdotium christianorum duplicis esse generis, vnum laxioris ambitus, quo potestas quoduis religionis officium exsequendi continetur; alterum stricte sic dictum, cui inest ecclesiae gubernatio & potestas offerendi proprie sic dicta sacrificia, quae in oblatione & immutatione victimae consistunt. Qua posita distinctione distant quidem clerici a laicis ratione proprie sic dicti sacerdotii, nam alias omnes christiani sacerdotes sumus, 1. *Petri II. v. 9.*, *Apocalyp. I. v. 6.* Ad rem Origenes *hom. IX. in cap. 16. Leuit.*, *si membra mea ab omni concupiscentia carnis mortificauero; si mundus mihi crucifixus sit, & ego mundo, holocaustum obtuli ad altare Dei, & ipse meae hostiae sacerdos efficior.* Hoc autem improprie sic dictum sacerdotium christiani in baptismo accipiunt: quae patrum doctrina est.

Verum distinctioni clericorum & laicorum iure diuino inductae grauitur aduersatur Tertullianus *exhortat. ad castit. cap. VII.*, vbi distinctionem inter ordinem & plebem ecclesiae auctoritati tribuit: *nonne & laici sacerdotes sumus? scriptum est: regnum quoque nos, & sacerdotes Deo & patri suo fecit. Differentiam inter ordinem & plebem constituit ecclesiae auctoritas, & honor per ordinis confectum sanctificatus.* Sed doctrinam de sacerdotio omnibus communi non sine emphasi de more suo Tertullianus videtur proposuisse, idque constat quod ex scripturis argumentatur, quae de sacerdotio laxioris ambitus sunt intelligendae. Hinc dum improprium sacerdotium ad proprium ele-

dicti sunt etiam *idiotae*, quod vitam agerent in ecclesia priuatam, nulloque officio distinctam, siue docti, siue indocti essent. Etenim apud veteres *idiotae* proprie est priuatus homo, nullo publico munere auctus.

§. IV. Iam ad pietatis exercitia fideles, *relati*, alii sunt *saeculares*, alii *ascetae*. *Saeculares* sunt, qui christianam profitentur religionem, sed ad vitam perfectam non contendunt: dictique sunt *saeculares* non quia viuunt secundum saeculi praecepta, sed quia terrenis curis inuoluti continuum in christianis virtutibus proficiendi studium non sectantur. Contra *ascetae* sunt, qui ad iustitiam & euangelica praecepta vitam addunt duriolem, rigidi euangelicae virtutis sacerdotes, siue clerici, siue laici sint. Hinc dicti *ascetae*, voce a philosophis mutuata, apud quos, vt probat Valeſius, *ascesis* virtutis & abstinentiae designabat exercitationem. Nomine *ascetarum* continentur etiam monachi, qui tamen ascels addunt, certae regulae professionem & vitam communem.

§. V. Porro christianorum alii sunt iusti, alii peccatores. Iusti innocentiam in baptismo partam delictis grauioribus non macularunt, aut si macularunt quidem, per poenitentiam in Dei gratiam restituti sunt. Ex his iustis vbique diffusis & spiritali vnitate deuinctis spiritalis ecclesia coalescit. August. *lib. VII. de baptis. cap. 51.* Peccatores vero, qui ad ecclesiam spectant, per humanitatem quidem graua peccata admiserunt, at parati sunt ad poenitentiam subeundam, aut actu eam tolerant. Extra ecclesiam enim sunt rebelles & contumaces peccatores.

elevauit, veluti necessarium consequens deduxit, differentiam inter ordinem & plebem ecclesiae auctoritate inductam fuisse: in quo turpiter errauit.

C A P V T III.

De ecclesiastica hierarchia.

§. I. **N**omine *hierarchiae* intelligimus personarum ecclesiasticarum ordinem episcopis, presbyteris & ministris constantem, cui iure diuino regimen & ministerium ecclesiae commissum est. Trid. *ses. XXIII. can. 6. (a).*

§. II. Sunt episcopi summi sacerdotes, qui apostolis in regenda ecclesia succedunt, & non tantum patres gignunt, verum etiam totius religionis curam habent & inspectionem, a qua inspectione *episcopi* nomen factum est. Presbyteri vero sunt secundi ordinis sacerdotes, qui sub episcopis constituti vi suae potestatis, excepta ordinatione, fere omnes obeunt sacerdotii partes; dictique sunt *presbyteri* ab auctoritate, quasi senes, non aetate, sed moribus & sapientia. Atque hae sunt receptae *episcopi* & *presbyteri* notiones; nam alioquin hae voces ab antiquis con-

(a) Recentiores haeretici, qui christianum sacerdotium tantum in ministrando constituunt, omnique potestate priuant, *hierarchiae* vocem a patribus Tridentinis consecratam reprobant, eamque tamquam veteribus patribus minus cognitam, & ad mundi pompam compositam traducunt: & ita ministrorum ordinem potius *hierodiaconiae*, aut *hieroduliae*, quam *hierarchiae* nomine dictum vellent. Sed quum Christi sacerdotium praeter ministerium etiam imperium spirituale complectatur; ab ingenio ecclesiae non videtur abhorreere vox *hierarchia*, qua ministerio adiuncta significetur sacra pontificum potestas: a qua loquendi ratione veteres patres non longe distant. Sane Origenes *hom. XI. in Ierem.* & Chrysostomus *de sacerdot. lib. III. cap. 15.* ecclesiae praeposituram *αρχή*; episcopos vero Eusebius *lib. VII. cap. 38.* & Chrysostomus *loc. cit. cap. 14.* *αρχοὶ* dixerunt, vt mittam Latinos, qui episcopos ecclesiae principes & praepositos appellant.

confundi solent; sane etiam episcoporum est auctoritas, & inspectio pariter presbyteris competit.

§. III. Iam inter episcopos, vno excepto Romano pontifice, qui iure diuino in vniuersam ecclesiam primatum obtinet, ex diuina institutione nulla est praerogativa; omnes pari consortio praediti honoris & potestatis missi sunt. Verum iure humano gradus hic hierarchiae faciem induit augustiorem: inter episcopos enim inducti sunt *metropolitani* & *patriarchae*. Metropolitani sunt episcopi ciuitatis in prouincia principis, qui vniuersae prouinciae tenent sollicitudinem: patriarchae vero, qui pluribus prouinciis praesunt. Et vbi potestas ordinis a potestate iurisdictionis veluti distincta habita est, recepti sunt praelati episcopis inferiores, qui quasi episcopalem iurisdictionem sine ordinatione consecuti sunt.

§. IV. Quamuis autem episcopi, excepto summo pontifice, aequali potestate a Christo missi sint; tamen differentia inter episcopos & presbyteros ex dominica auctoritate instituta est: qua in re olim Aërius & deinceps Albigenes, Waldenses, & tandem Lutherani & Caluini errarunt, qui omnes tenent, ab ecclesiastica potestate profectam esse distinctionem inter episcopos & presbyteros, vt inter plures pari potestate ecclesiam administrantes, schismatum occasiones tollerentur. Sane constanti ecclesiae traditione inde vsque ab apostolis episcopi & presbyteri tamquam duo distincti gradus exhibentur. V. Nat. Alexand. *saec. IV. hist. eccles. diff. 44. §. 2.* Item non interrupta in multis ecclesiis series episcoporum ab apostolis deriuatur. Petau. *lib. I. de ecclesiast. hierarch. cap. 2.* Quod plane demonstrat, ordinem episcoporum ex diuina institutione a presbyteris distingui (b).

§. V.

(b) Rei dignitas postulat, vt hic quaedam Hieronymi verba expendamus, qui in *comm. in cap. I. epist. ad Titum & epist. LXXXV. ad Euagrium* episcoporum & presbyterorum distinctionem non diuinæ auctoritari, sed ecclesiasticae consuetudini tribuere videtur. *Idem est presbyter, qui & episcopus*, sunt verba prioris loci, & *antequam diaboli instinctu studia in religione fierent, & diceretur in populis, ego sum Pauli, ego A-*

§. V. Verum enimvero etsi iure diuino discrimen episcoporum a presbyteris institutum sit; tamen initio praedicationis euangelicae non omnes ecclesiae integram habuisse videntur hierarchiam, episcopis, presbyteris & diaconis

pollo, ego autem Cephas, communi presbyterorum consilio ecclesiae gubernabantur. Postquam vero unusquisque eos, quos baptizauerat, suos esse putabat, non Christi, in toto orbe decretum est, ut unus de presbyteris electus superponeretur ceteris, ad quem omnis ecclesiae cura pertineret, ut schismatum semina tollerentur: quam sententiam deinceps Hieronymus confirmari variis scripturarum locis, quibus iidem episcopi & presbyteri vocantur, & hierarchia veluti episcopis & diaconis constans describitur: & demum concludit, consuetudinis ecclesiasticae esse, quod episcopi presbyteris sint maiores.

Sunt quidem verba ista Hieronymi impeditissima, talia tamen quae possunt cum catholico dogmate conciliari. Ante omnia obseruandum, eundem hunc Hieronymum agnoscere discrimen inter episcopum & presbyterum, & quidem ex dominica veritate inductum, quod discrimen in ordinatione positum adserit. *Quid facit, excepta ordinatione, episcopus, quod presbyter non faciat? cit. ep. LXXXV. ad Euagr.* Deinde Hieronymus exaequat presbyteros episcopis, qui aetate apostolica in plerisque locis ecclesias regebant. At episcopi isti meri videntur fuisse presbyteri, qui episcopali potestate aucti erant, dum apostoli per prouincias discurrebant ad propagandum euangelium. Sane si reapse vnum ex episcopis & presbyteris ordinem faceret, ordinationem non excepisset, & presbyteros potius apostolis, quam episcopis exaequasset. Nec obstat, quod in hac interpretatione presbyteros Hieronymus ipsis presbyteris aequaret: nam episcopi aetate apostolica, etsi secundi ordinis sacerdotes, ecclesias in omnibus regebant: in quo differebant a presbyteris quarti saeculi, quando regimen ecclesiae erat penes primi ordinis sacerdotes. Itaque sortem presbyterorum commendaturus Hieronymus, prouocat ad ecclesiae gubernationem, quae plerumque penes presbyteros aetate apostolica residebat. Et si addat, consuetudini ecclesiasticae, non dominicae auctoritati deberi, quod episcopi presbyteris sint maiores; id pro ea parte dictum est, quae spectat ad ecclesiae gubernationem, non vtriusque ordinis intimam naturam, ut constat ex eo, quod Hieronymus aperte presbyteris ordinationem adimat.

conis constantem. Nempe apostoli, & qui ad munus apostolatus initio adsumti sunt, in ecclesiis, quas fundabant, plerumque non morabantur, sed, earum cura presbyteris demandata, euangelium praedicaturi, alio transcurrebant, quod Epiphanius *haer. LXXV.* obseruat. Presbyteri autem isti ecclesiis praepositi, excepta ordinatione, munia omnia pastoris obibant, & ab inspectione & cura etiam *episcopi* dicebantur: apostoli vero ordinationi presbyterorum commissas ecclesias saepe inuisebant. Sed non diu post communis per presbyteros administratio sublata est: & hinc proprie sic dictus episcopus singulis ecclesiis datus, qui omni ecclesiae etiam ipsis presbyteris praeesset: quod extrema apostolorum aetate in multis ecclesiis ad tollenda schismata factum est.

§. VI. Iam ab ea regiminis forma, quae tandem presbyterium in omnibus ecclesiis episcopo ad tollenda schismata fecit obnoxium, manauit regula iuris ecclesiastici, vnum tantum episcopum debere esse in vna ciuitate; nam pluribus constitutis in vna ciuitate episcopis, ecclesia in partes scinderetur. Hinc antiqui omnes scriptores ecclesiastici vnum episcopum cum presbyterio vni ecclesiae semper exhibent praesidentem. Et Nicaeni patres *can. VIII.* statuerunt, vt episcopi ex catharis, seu Nouatianis, qui ad ecclesiam catholicam reuertebantur, meri sint presbyteri, aut chorepiscopi, ne in vna ciuitate duo essent episcopi. Quod si vnitas ecclesiae postulet, in vna ciuitate duos constitui episcopos, ex indulgentia admitti debet. V. Bingham. *orig. eccles. lib. II. cap. 13.*

§. VII. Secundus hierarchiae gradus proprie sic dictos complectitur presbyteros, seu secundi ordinis sacerdotes; qui in explicandis sui ordinis officiis ab episcopo pendere debent. Conc. Laodic. *can. LVII.* Atque haec presbyterorum ab episcopo dependentia constituit ecclesiae ordinem & honorem, *quo saluo salua pax est*, inquit Tertullianus *de bapt. cap. XVII.* Iure diuino inter presbyteros nulla est praerogatiua; at iure ecclesiastico quidam inter eos gradus instituti sunt, & inde exorti *archipresbyteri, parochi, poenitentarii*: quibus iure proprio & perpetuo mandata sunt officia, quae ante promiscue ab omnibus presbyteris ex episcopi iussione exercebantur.

§. VIII.

§. VIII. Vltimus hierarchiae gradus continet *diaconos*, seu tertii ordinis sacerdotes, qui episcopis & presbyteris in regenda ecclesia deferuiunt. Diaconi ab apostolis instituti sunt, iisque instituendis mensarum seruitium & temporalium procuratio dedit occasionem, *Aclor. VI. v. 1. seqq.*; at vna opera iis commissum sacrum ministerium, quod vniuersa antiquitas testatur. Hinc Cyprianus ait, apostolos sibi constituisse diaconos *episcopatus sui & ecclesiae ministros*. Et errat profecto Salmasius, qui adfirmat, ab apostolis diaconos tantum temporalibus addictos.

§. IX. Ex apostolica institutione diaconorum fors aequalis; at ecclesiae auctoritate vnus inter eos caput extulit, dictus propterea *archidiaconus*. Quin vbi ecclesia numero fidelium creuit, officia quaedam ex ipso diaconatu excerpta sunt, quae in alios clericos coniecta *minores clericos* induxerunt. Varius pro varia ecclesiarum disciplina fuit clericorum minorum numerus; at in ecclesia Latina quinque ordines constituti sunt; *hypodiaconi* nempe, *acolythi*, *exorcistae*, *lectores* & *ostiarii*, quamuis temporis lapsu hypodiaconi in maiorem ordinem euaserint. His tandem accesserunt clerici nullo ordine insigniti, sed tantum sola tonsura & habitu in numerum clericorum relati.

§. X. Atque haec satis esse possent ad varios clericorum ordines dignoscendos; sed maioris claritatis gratia subiiciamus receptas clericorum partitiones. Ratione officii clerici vel sunt *in sacerdotio*, vel *in ministerio*. Qui sunt in sacerdotio, curam animarum habent, quales episcopi & presbyteri: qui sunt in ministerio, episcopis & presbyteris ministrant, quales diaconi & clerici minores. Porro a dignitate spectati clerici vel sunt *maiores*, vel *minores*. Maiores, qui *sacri* etiam vocantur, sunt episcopi, presbyteri, diaconi, & ex noua disciplina hypodiaconi: minores acolythi, exorcistae, lectores, ostiarii. Et demum clerici vel sunt *in ordine*, vel *in officio*, conc. Chalced. *can. II.*, vel tantum habitu & tonsura in censum clericorum veniunt. Qui sunt in ordine, vi suae ordinationis munia obeunt ecclesiastica, veluti episcopi, presbyteri, diaconi, clerici minores, & proprie *clerici* & *ordinari* dicebantur: qui vero erant in officio, sine ordine aliquod ecclesiasticum munus explicabant, & proprie erant

erant in *canone* seu matricula ecclesiae, & *promoueri* debebantur, quales diaconissae, defensores, paramonarii. V. Thomass. *de ver. & noua eccl. discipl. par. I. lib. 2. cap. 34.* Demum clerici solo habitu & tonsura insignes nec ordine, nec officio augentur; sed sollemni habitus clericalis susceptione ad ordines suscipiendos praeparantur.

C A P V T IV.

De externa ecclesiae politia.

§. I. **E**Xterna ecclesiae politia in praesenti est ipse ecclesiarum status & dispositio, qua illae certis finibus includuntur; & episcopatus ecclesiis metropolitaniis, hae patriarchalibus subsunt. Summis ecclesia in hac sua ordinanda politia exemplum a republica. Nempe quum ecclesia in republica nata sit, optimum iudicauit in ordinanda politia, & in prima ecclesiarum fundatione, & inde in mutationibus publicas formas imitari. Sane Romani imperii notitia cum ecclesiastica collata demonstrat, eminentiores ferme omnes in imperio ciuitates maioribus etiam in ecclesia donari praerogatiuis. Bingham. *orig. eccles. lib. IX. cap. 1. §. 3. seq.* Porro si aliquae ciuitates crescebant in imperio, etiam crescebant ecclesiastici honores: & controuersiae de iuribus ecclesiarum ex dignitate ciuitatum dirimebantur. Conc. Taurin. *can. II.* Quae omnia supponunt, ecclesiarum externam politiam ad imperii exemplum fuisse constitutam. Et synodus Chalcedonenfis *can. XVII.* aperte statuit, *ut si qua ciuitas ab imperatoria auctoritate innouata est, vel deinceps innouata fuerit, ciuiles & publicas formas ecclesiasticarum quoque paroeciarum ordo consequatur.*

§. II. Quo tempore illuxit orbi christiana religio, imperium Romanum in prouincias diuidebatur, vna excepta Italia, quae in undecim regiones diuisa erat. Plin. *lib. III. cap. 3.* Prouincia plures complectitur ciuitates ab vna metropoli pendentes. Sub Hadriano etiam ipsa Italia

Italia abiit in prouincias. At deinceps tempore Constantini M. pluribus inter se adnexis prouinciis exorta est partitio in dioeceses. Itaque quidquid imperii Romani erat, quarto saltem exeunte saeculo in centum viginti prouincias tribuebatur, quae vario numero inter se connexae tredecim dioeceses constituebant; quod constat ex *notitia imperii*: qui liber circa tempus Arcadii & Honorii creditur scriptus. Item ab eodem Constantino profecta est imperii diuisio in *Oriente* & *Occidentale*, limitesque in Illyrici & Thraciae finibus positi sunt. Petr. de Marca *de C. S. & I. lib. I. cap. 4.*

§. III. Huic imperii partitioni respondet regimen politicum. Tempore apostolorum & deinceps inter Romanos & Graecos pleraeque ciuitates proprium veluti senatum, qui *βουλη senatus*, aut *ordo* & *curia* dicebatur, habebant; eminebatque inter decuriones *defensor ciuitatis*, seu *dictator*, qui in ciuitatis territorio iurisdictionem exercuisse videtur. In ciuitatibus prouinciarum principibus superior erat magistratus, qui *proconsul*, *praeses*, aut alio nomine dictus, vniuersam prouinciam regebat. Et sub Constantino M. singulis dioecesibus praepositus est adhuc amplior magistratus, qui in omnem dioecesim imperium habebat.

§. IV. Ex hac civili politia ecclesiasticam facile cognosces. Etenim in minoribus ciuitatibus, vbi cum senatu *defensor ciuitatis*, aut *dictator* rem ciuilem procurabat, ecclesia episcopum constituit, qui cum presbyteris rem spiritualem regeret: & in ciuitatibus prouinciarum principibus, vbi proconsules aut praesides in re civili ius dicebant, ecclesia metropolitanos posuit, qui rebus ecclesiasticis totius prouinciae praessent; & demum in ciuitatibus dioecesium principibus constituti sunt patriarchae, episcopi nempe, qui totius dioecesis in spiritualibus inspectionem haberent. Ita triplicis generis natae ecclesiae, episcopales, metropolitanae & patriarchales, quae inter se connexae & subordinatae erant, non secus ac ciuitates inferiores in imperio a maioribus pendebant.

§. V. Constitutio ista ecclesiarum episcopalium ad civilis politiae imitationem facta induxit regulam iuris canonici, qua vetatur in paruis oppidis & villis constitui
epi-

episcopatus. Conc. Sardic. *can. VI.*, Athanas. *ap. II.* Et decebat. quidem tantum in frequentibus ciuitatibus, quae in imperio habebant proprium magistratum, episcopum constitui, ne vilescat episcopi nomen & auctoritas. Sed non semper haec regula obtinuit: nam ante & post synodum Sardicensem episcopi in vicis & exiguis oppidis inueniuntur. Bingham. *orig. eccles. lib. II. cap. 12.* Quod si in pago aliquo populus admodum creuerit, in eo episcopum ordinari canones Africani permittunt, conc. Carthag. *II. can. V.*, nec enim in hac specie vilescit sacerdotium.

§. VI. Porro ex imperii diuisione in Occidentale & Orientale ecclesia in *Occidentalem* & *Orientalem* tributa est. Nomine ecclesiae Occidentalis veniebant ecclesiae ambitu Occidentalis imperii comprehensae, quae octo aut nouem constituiebant dioeceses, *Macedonicam* nempe, *Dacicam*, *Illyricianam*, *Italicam* stricte sic dictam, *urbicariam* siue *Romanam*, *Gallicam*, *Hispanicam*, *Britannicam* & *Africanam*. Ecclesia vero Orientalis continebat ecclesias Orientalis imperii, & quinque dioecesibus constabat, *Orientali* nempe stricte sic dicta, cuius metropolis erat Antiochia, *Aegyptiaca*, *Asiana*, *Pontica* & *Thracica*. V. Petr. de Marca *de C. S. & I. lib. I. cap. 4.*

§. VII. Quamuis autem ecclesia ad exemplum ciuili regiminis externam suam politiam ordinarit; non tamen ita ciuilibus formis se aditrixit, ut ab iis numquam discederet. Libertatis, non necessitatis erat publicas formas imitari. Ita in multis regionibus ecclesiastica politia ciuili non responderet. Et quidem in Occidente multae erant ciuiles dioeceses, vnus tamen patriarcha: & in urbicaria dioecesi, quae decem constabat prouinciis (a), nulli erant metropolitani praeter Romanum pontificem, qui iure me-

(a) Prouinciae, quae componebant Romanam dioecesim, erant Picenum suburbicarium, Campania, Tuscia & Vmbria, Apulia & Calabria, Brutium & Lucania, Samnium, Valeria, Sicilia, Sardinia, & Corsica. Calabria olim erat in regione Hydruntina, sed lapsu temporis Calabriae appellatio imperatorum Graecorum ambitione Brutiis haesit: quod septimo saeculo primum factum videtur.

metropolitico simul & patriarchali eas ecclesias regebat. Item in Africa, quae sex constabat provinciis, sedes metropoliticae non ciuitati erat adfixa, sed episcopos ordinatione seniores sequebatur, excepta Africa proconsulari, quae Carthagine sedem primatis fixam habebat. Hinc metropolitani in Africa *senes* dicebantur, *can. 100. cod. Afric.* V. Dupin. *de antiqua eccles. discipl. diss. 1. §. 9.* Sed temporis lapsu etiam metropoles Romanae dioecesis, veluti Regium, Capua aliaeque metropolitae acceperunt.

§. VIII. Semel ad reipublicae formam expressa ecclesiastica politia, vna cum ciuitatum mutationibus etiam mutari solebat; statuit namque synodus Chalcedonenfis *can. XVII.*, vt si pro reipublicae necessitatibus ab imperatore ciuitatum formae mutentur, *ciuiles & publicas formas ecclesiasticarum quoque parochiarum ordo consequatur.* Hinc ambitiosi episcopi diuisiones prouinciarum ab imperatoribus exorabant, vt ita propriae ecclesiae ad altiorem gradum attollerentur. Verum mutatio ecclesiarum non semper ciuiles mutationes secuta est; siquidem in tot ciuitatum mutationibus indignum visum fuit, mutabilia esse sacerdotia. Innoc. I. *ep. ad Alexandr. Antiochen.* Deinceps imperio Romano Occidentis euerso, & ex eius ruinis non sine ingenti motu variis exortis regnis, variam fortunam politia ecclesiastica experta est: sortem enim ciuitatum quandoque consecutae sunt ecclesiae, quandoque perseuerarunt immutatae.

§. IX. Quamuis autem secundum antiquas regulas ecclesiastica politia ciuilem consequatur; institutio tamen ecclesiarum episcopaliū, metropolitanarum & patriarchalium semper ad ecclesiam pertinuit. Tantum ciuilis politia exemplar praebuit, quibus in locis ecclesia episcopatus & ecclesiasticas metropoles institueret, aut etiam secundum politiam ciuilem *in principis reuerentiam ipse canon erigebat*, inquit Christianus Lupus *schol. in can. VII. dist. Greg. VII.* Et hinc mutata per principes ciuili politia, mutationem ecclesiasticam ecclesiae patres inducere solebant; in synodo enim Chalcedonenfi ad patriarchatum euasit ecclesia Constantinopolitana, quamuis iampridem in ordine ciuili Constantinopolis creuisset.

§. X. Iam vero in synodo cuiusque prouinciae episcopatus

patus excitabantur, ita tamen vt illius episcopi consensus accederet, in cuius paroecia ponebatur noua cathedra, *can. 53 Cod. Afric. V. Lupum loquitur*. At lapsu temporis ius erigendi episcopatus & ecclesiasticas metropoles in Occidente ad Romanum pontificem deuolutum est occasione falsarum decretalium, in quibus adferitur, S. Petrum & Clementem, illius successorem, non solum episcopos; verum etiam metropolitanos, archiepiscopos, primates & patriarchas instituisse, *can. 2. D. 80., can. 1. D. 99.* Quisquis vero sit, qui ecclesias episcopales & alias maiores excitat, sine principis consensu id facere non debet, quod talis ecclesiarum mutatio civilem politiam adficit.

C A P V T V.

De episcopis eorumque in regenda ecclesia potestate.

§. I. **C**hristus seruator noster ecclesiam, quam in terris collegit, non vnus aetatis esse voluit; sed aeternum duraturam promisit. Hinc apostolis dedit suis, vt eam regerent & ordinarent, & in suimet ipsorum locum alios substituerent. Missi sunt apostoli eadem potestate, qua Christus ipse a patre missus erat, Ioan. XX. v. 21. Itaque in apostolatus ministerium apostoli alios adsumserunt, sibi que constituerunt successores: qui non *apostoli*, sed *episcopi* modesto nomine dici voluerunt; quamvis enim *apostoli* nomen natura sua modestum sit; (est enim missus) tamen apostolorum miraculis & sanctitate augustius euasit. Spectauit vero successio ista tantum regimen ecclesiasticum, non ea, quae apostolorum propria fuerunt.

§. II. Omnis christiani sacerdotii plenitudo in episcopatu continetur. Nempe Christus ipse summus sacerdos est, omni sacerdotii plenitudine auctus: Christus autem apostolos eadem potestate, qua ipse a patre missus erat, misit: & vniuersa apostolorum potestas in episcopos descendit.

scendit. Hinc Cyprianus *de unit. eccles.* omnibus episcopis idem sacerdotium ex aequo tribuit, *episcopatus, vnus est, cuius singuli in solidum partem tenent.* Et antiquior scriptor Ignatius martyr *epist. ad Trallian.* episcopis Christi attribuit personam, *reuerentur omnes episcopum, vt Iesum Christum, existentem filium patris (a).*

§. III. Iam episcopis competit potestas, qua pro iure suo sacra omnia obeunt munera, & gladium exercent spirituales. Est episcopatus plenitudo sacerdotii, qua vniuersa spiritualis potestas continetur. Et apostolos & eorum in episcopatu successores eadem potestate, qua ipse a patre missus erat, Christus misit. Fecit quidem multitudo officiorum, vt episcopalis potestas in plures riuulos dispergeretur; at nihil de fontis plenitudine decessit. Inferiores sacerdotes episcopi vices implere intelliguntur, vtpote qui in partem sollicitudinis, non in plenitudinem potestatis vocati censentur.

§. IV. Vulgata & recepta doctrina est, quae in episcopali potestate ea, quae *ordinis* sunt, a iurisdictione discescit. Spectat potestas ordinis ea, quae characterem episcopalem requirunt, iurisdictio vero externam ecclesiae politiam & administrationem, quam episcopi per solam confirmationem adquirunt (b). Et hinc praelati inferiores

(a) Plenitudo ista sacerdotii, recta ab ipso Christo, non a Romano pontifice in episcopos descendit. Sunt sane episcopi apostolorum successores; apostoli autem recta a Christo sacerdotium acceperunt. Porro docet Paullus, ecclesiae regimen per Spiritum sanctum episcopis fuisse demandatum, *Actor. XX. 28.* Et Cyprianus *epist. LXIII.* scribit, *episcopos ecclesiis dominicis in toto mundo diuina dignatione praepositos.* Et quamuis Optatus *lib. VII. contra Parmenian.* & Leo M. *serm. III. anniuers. adsumptionis suae* teneant, per Petrum ceteris apostolis clauis fuisse transfusas & communicatas; tamen hac doctrina id dicere voluerunt, apostolis datas clauis indiuisa consensione cum capite esse administrandas, vt ecclesia vna monstraretur. Ad rem Augustinus *tract. L. in Ioan.* adfirmat, Petrum, *quando clauis accepit, ecclesiam sanctam significasse.*

(b) Ignota veteribus fuit distinctio ista episcopalis potestatis, & tum demum inualuit, quum confirmatio episcoporum ab ordi-

res, qui ordinis episcopalis expertes sunt, sola iurisdictione augmentur.

§. V. Potestas episcopalis origine sua nullis locorum finibus coercetur. Sane apostolos in mundum vniuersum ad euangelium praedicandum Christus misit. Marc. XVI. v. 15. In eandem vineam multi missi sunt laborantes. Et reapse apostoli indiuulsa caritate & consensione ecclesiam administrarunt, & non sine signis & portentis ubique praedicarunt euangelium. Hinc doctrina illa de vno per vniuersam ecclesiam episcopatu, qui concordia multorum episcoporum vniuersitate diffunditur. *Nemo fraternitatem seducat, inquit Cyprianus de unitate ecclesiae, nemo fidei veritatem perfida praeuacuatione corrumpat: episcopatus unus est, cuius a singulis in solidum pars tenetur.*

§. VI. Administratio ecclesiae ab episcopis in solidum confusionem inducebat, praesertim quod episcopi in regimen ecclesiae, non in caritatem apostolis successerint. Hinc e re ecclesiastica visum est, singulorum episcoporum potestatem certis finibus coercere, nec in alienis ecclesiis eos posse sacris operari, nisi ex proprii episcopi auctoritate, quod passim canones apud Gratianum *caus. IX. q. 2.* inculcant, & patres Tridentini *ses. VI. de ref. eap. 5.* confirmarunt. Fines autem, quibus singulorum episcoporum potestas includitur, *paroeciae & dioecesis* nomine in antiquis monumentis designantur (c), quamuis
VOX

ordinatione separata est. Nempe ex noua disciplina episcopus per confirmationem electionis pastor ecclesiae constituitur: atque hinc receptum, posse episcopos confirmatos, etsi non ordinatos, ecclesiam in omnibus administrare, iis tantum exceptis, quae *apostolus* ab ordinatione pendunt. V. Espen. *par. I. tit. 14. §. 5.*

(c) Vox *paroecia* origine sua domorum viciniam significat, immo etiam vicos vni ciuitati addictos. Hinc & ecclesiae a presbyteris administratae & episcopatus paroeciae nomine recte designantur. Quin lae accepta voce etiam prouinciae & plurium prouinciarum tractus antiquis *paroeciae* dicuntur. V. Carol. Dufresne *glossar. med. & infimae latinit. v. parochia in additionib.* Hinc intelligis *can. XVII.* Chalcedonensem, quo statuitur, vt ciuiles & publicas formas, *ecclesiasticarum paroeciarum* ordo con-

vox *diocesis* saepe integrum plurium prouinciarum tractum denotet.

§. VII. Vetantur quidem episcopi in casibus ordinariis ultra paroeciae suae fines spirituales potestatem exercere; at si salus ecclesiae periclitetur, pristinam potestatem induunt, & vbique episcopos agunt: quae Cypriani doctrina est in *epist. LXVIII. ad Stephanum*. Salus ecclesiae est suprema lex ecclesiastica, & necessitate urgente iura humana non adstringunt; quin potius vniuersa ecclesia velut vnus episcopatus reputatur. Hinc Athanasius ab exilio redux in diuersis ciuitatibus ad curam suam minime pertinentibus fecit ordinationes, quod tradit Socrates *lib. II. cap. 24.*; periculum enim erat, ne ecclesia perfidia Arianiana obrueretur.

C A P V T VI.

De episcoporum officiis.

§. I. **O**fficia omnia episcoporum ab ecclesiae cura dimanant, ambituque suo omnes religionis functiones amplectuntur; nulla enim sacri ministerii pars est, quam non continet episcopatus: ceteri ministri episcopis adiutorio esse intelliguntur, vocati potius in partem sollicitudinis, quam in plenitudinem potestatis. Et primum quidem episcoporum officium est verbi Dei praedicatio: christianae enim religionis fundamentum est doctrinae evangelicae professio: & fieri profecto non potest, ut in Christum homines credant, nisi Christus praedicetur. Tam proprium apostolatus reputarunt apostoli verbi ministerium, ut mensarum seruitium, quo a praedicatione distra-

sequatur. *Diocesis* est diuisa habitatio seu administratio: hinc regiones & ecclesiae omnes, quae seorsum reguntur, eo nomine venire possunt; etsi vsu Graecorum & legum ciuiliū vtriusque codicis *dioceses* sunt integri prouinciarum tractus.

straherentur, in diaconos reiecerint: *non est aequum nos detelinquere verbum Dei, & ministrare mensis, Actor. VI. v. 2.* Et hinc factum, vt antiqui patres thronum episcopi doctrinae & doctoris sedem appellarent.

§. II. Feliciter per quinque priora saecula episcopi hanc prouinciam exornarunt: nec aliud sunt Basilii, Ambrosii, Augustini, Chrysostomi & aliorum episcoporum *homiliae, sermones, tractatus*, quam conciones ad populum habitae. Saeculo sexto remissiores in praedicando episcopi facti sunt, donec tandem fere conticuerint; praebueruntque silentio causam frequentes in Europam barbarorum incurfiones, absentia episcoporum ab ecclesiis suis, doctrinae in multis episcopis defectus, ecclesiarum opulentia, qua episcopatus veluti dignitas commodis adfluens, non onus censebatur, & demum mendicantes, qui artem praedicandi sectabantur, & nulli certae ecclesiae addicti, quocumque mittebantur, praedicabant.

§. III. Interim numquam destitit ecclesia nouis latis canonibus episcopos ad praedicationis officium reuocare. Mediis enim saeculis nulla ferme synodus celebrata est, in qua de concionibus habendis tractatum non sit. V. Thomass. *de vet. & noua eccl. discipl. par. II. lib. 3. cap. 85.* Sed harum synodorum canones magis praedicationi consuluisse, quam adegisse videntur episcopos ad praedicandum; statuunt enim, vt episcopi vel per se, vel per alios conciones instituunt (a). Verum Tridentina synodus *ses. XXIV. de res. cap. 4.* indifferentiam istam sustulit, statuitque, episcopos per se teneri ad praedicandum, nisi legitimo impedimento vetentur.

§. IV. Quo casu iusta causa impedimento est, ne episcopi ipsi conciones habeant, eorum est seligere, quos ad praedicandum mittant. Sine venia episcopi nemo aliquid eorum, quae ad ecclesiam pertinent, potest operari,

E 2

quae

(a) Dignus adnotatione est canon quidam synodi Lateranensis sub Innocentio III., quo inter causas, quibus episcopi a praedicatione excusantur, recensentur *multiplices occupationes*, cap. 15. *ex. de offic. ordin.* Non ita fecissent apostoli, qui omnes alias abiecerunt curas, vt praedicationi insisterent.

quae antiqua regula est. Conc. Laodicen. *can. LVII*. Et in specie de praedicationibus vetera monumenta, quae saepe praesbyteros sistant praedicantes, semper potestate ab episcopo habita id factum esse testantur. Porro statuerunt Tridentini patres *ses. XXIV. de ref. cap. 4.*, vt episcopi in ecclesia cathedrali, si per se minus possint concionari, pro arbitrio, in aliis ecclesiis, si parochi impediti sint, praedicatores constituent, impensis tamen eorum, qui eas praestare tenentur, vel solent. At hoc decreto derogatum non est immemorabili consuetudini, quae alii ab episcopo in ecclesiis non cathedralibus tribuit seligendi praedicatoris facultatem, praesertim quando qui nominant, alunt etiam praedicatores. Fagnan. *ad cap. inter cetera ex. de off. ordin. n. 28.*

§. V. Ex regulis quoque Tridentinis vetantur regulares sine venia episcopi etiam in ecclesiis suorum ordinum praedicationes habere. Regulares vi suorum priuilegiorum, quae lapsa iam disciplina de plenitudine potestatis pontificiae obtinuerant, diu insciis aut inuitis episcopis munia pastoralia exercuerunt & praedicationes habuerunt. Sed Tridentini patres, quod spectat ad praedicationem (vt nunc nihil dicam de aliis ministeriis) priuilegia regularium abrogarunt edito decreto, vt *nullus saecularis, siue regularis etiam in ecclesiis suorum ordinum contradicente episcopo praedicare praesumat*. Trident. *loc. cit. (b)*.

§. VI. Proximum episcoporum officium est sacramentorum administratio. Quo christiani sumus, non sufficit in Christum credere, sed insuper sacramenta sunt administranda, vt gratia dari, augeri & deperdita recuperari possit. Hinc episcoporum, ad quos cura ecclesiae spectat, est sacramenta administrare. Integram hanc prouinciam ferme

(b) Hoc decreto abrogatum est eiusdem synodi *caput II. ses. 5. de ref.*, quo permittebatur regularibus in ecclesiis suorum ordinum praedicare, modo id facerent de licentia suorum superiorum regularium, & se episcopis silterent, & ab iisdem peterent benedictionem. Editus fuit iste canon nondum frequentibus episcopis, & est ex iis, quos a patribus Tridentinis temporum iniuria extorsit.

CAP. VI. DE EPISCOPORVM OFFIC. 69

ferme olim episcopi per se procurarunt, sed postquam latifundia & feuda ecclesiis accesserunt, & regimen politicum spiritali adnexum est; administratio sacramentorum, quae ab episcopali charactere non pendet, ferme parochis & inferioribus presbyteris cessit. Item episcoporum est christma, oleum sanctum, ecclesias, sacras virgines consecrare, quamvis nonnullas benedictiones etiam presbyteri possint facere.

§. VII. Porro episcoporum officium est continuas fundere preces; praedicatio enim ab oratione seiuncta nihil operatur: publicas preces praere, alios ad orandum inducere, orationum formulas concipere, libros eo spectantes euulgare, publicas preces extra ordinem indicere: item pauperum, viduarum & omnium miserabilium curam specialem habere; bona & redditus ecclesiarum tamquam Deo intuenti procurare: dissidentes christianorum animos in concordiam adducere; quaestiones ecclesiasticas in dioecesi exortas ex sacra scriptura & canonibus decidere: canonum sapienter veniam indulgere: & contra christianos contumaces poenas spirituales irrogare. Sed horum officiorum pleraque suis locis fusius explicantur.

C A P V T VII.

De visitatione dioecesis.

§. I. **I**Nter officia episcoporum censetur etiam frequens paroeciarum perlustratio. Nisi medici aegrotos conueniant, aptam morbis non adhibebunt medicinam. Per se autem debent episcopi ecclesias inuisere, nisi ex iusta causa impediuntur, *can. 11. C. 10. q. 1.*, Trident. *sess. XXIV. de ref. can. 3.* Quando autem episcopi impediuntur, opera presbyterorum, diaconorum, decanorum, aut archidiaconorum paroecias perlustrant, *cir. can. 11., cap. 1. ex. de off. archid. (a)*: qui omnes visitatores delegata
epi-

(a) Apud Graecos ad paroecias inuisendas stabile & perpetuum

episcopi potestate visitationem perficiebant; at mediis saeculis negligentia episcoporum vniuersa archidiaconorum & decanorum potestas euasit ordinaria. Vbi stabat ordinaria ista archidiaconorum & decanorum potestas, eam Tridentini patres *loc. cit.* restrinxerunt; statuerunt enim, vt deinceps ex consensu episcopi notarium adiumentum, per seipsum tantum ecclesias inuisant, & vnus mensis spatio acta visitationis ad episcopum transmittant.

§. II. Finis autem visitationis ecclesiarum est inductio & restitutio sanae doctrinae, morum compositio, totius pastoralis curae explicatio & lapsae disciplinae renouatio. Vt vero rectius finis visitationum posset obtineri, cogebantur synodi ex clericis, nobilibus & laicis singularum regionum, vbi episcopus residens de vita clericorum generale plebis testimonium exquirebat, de moribus laicorum interrogabat, & ex optimis viris septem seligebat testes, *synodales* dictos, quos delato iureiurando de vitiis eius loci propriis, & de clericorum & laicorum officiis sigillatim interrogabat, vt ex Regionis formulis constat. Temporis lapsu synodi non amplius habitae sunt, tantumque episcopi visitantes sine iureiurando de omnibus, quae pertinent ad visitationem, inquirunt, *cap. 1. §. 4. de censib. in 6.*

§. III. Iam vero pro iure suo episcopi inuisunt personas & res omnes dioecesis, quatenus tamen spectant religionem. Tam late patet visitatio, quam cura pastoralis. Praesertim vero ad clericos, monachos & alias miserabiles personas spectat episcopi visitantis sollicitudo. Quin de monachis statuit synodus Aurelianensis, *vt non semel, sed saepius in anno episcopi visitent monasteria mona-*

tuum officium videtur institutum, quique eo donabantur *παιδοδύται* *circulatores* audierunt, quod nulli ecclesiae essent additi, sed omnes circumirent, vt Zonaras obseruat. Cui institutioni causam videtur dedisse synodus Laodicensis *can. LVII.*, quae episcopos in vicis & pagis creari vetuit, eorumque loco constitui iussit *παιδοδύτας*, qui per pagos & vicos vice episcoporum curarent.

CAP.VII. DE VISITAT. DIOECESIS. 71

monachorum, can. 29. C. 18. q. 2. Nec tantum personae, verum etiam ecclesiae omnes earumque bona episcoporum visitationi subsunt, ut & hospitalia aliaque pia loca. Vtraque enim potestas ecclesiastica & civilis curam hospitalium episcopis demandauit. Conc.Chalced. can.VIII., L. 46. §. 3. C. de episcop. & clericis.

§. IV. Haec autem tam late patens episcopi visitantis potestas lapsu temporis multum decreuit; inductae enim sunt de plenitudine pontificiae potestatis monachorum, capitulorum, ecclesiarum, hospitalium, quin singulorum clericorum ab episcopi potestate exemptiones. Et praeterea multa hospitalia & alia loca pia absque episcopi auctoritate fundata sunt, quae episcopis subiecta non censebantur. Sed Tridentini patres multis editis decretis dederunt episcopis, ut tamquam apostolicae sedis delegati visitarent capitula & ecclesias omnes exemptas, itemque clericos exemptos, & monachos extra monasterium degentes, quo casu delinquant. V. *Espen. part. I. tit. 17. cap. 3.* Porro episcopis facta est potestas visitandi hospitalia & collegia seu confraternitates laicorum (non tamen quae *quous* sub regum protectione sunt sine eorum licentia) & pia omnia loca, etiamsi eorum cura ad laicos pertineat. Trident. *ses. XXII. de ref. cap. 8.* Sed hoc decretum in plerisque prouinciis & in hoc nostro regno admissum non fuit. Ceterum apud nos ex pactis conuentis inter Benedictum XIV. & Carolum olim Regem nostrum *cap. V. art. 1.* episcopi tantum in spiritualibus possunt inuifere ecclesias, capellas, hospitalia & confraternitates a laicis gubernata, quae omnia *extauritae* vulgo dicuntur.

§. V. Pastorali muneri satis non faciunt episcopi, si semel in vita paroeciam suam perlustrant. Inductio sanae doctrinae & disciplinae iam lapsae emendatio certe vnius visitationis opus non sunt. Quoties visum fuerat, episcopi in veteri disciplina paroecias suas circumuibant. Sed iure nouo singulis annis visitatio facienda est, nisi id veret dioecesis amplitudo, quo casu maior pars quotannis, tota biennio perlustrari debet. Trident. *ses. XXIV. de ref. cap. 3.*

§. VI. Iam episcopis visitantibus paroecias suas debentur alimenta, quae *procuracionum* nomine veniunt. Procuraciones illae debent esse frugales, ut pastores decet

animarum (b). At mediis saeculis visitatorum rapacitate, fastu, gula in immensum excreuerunt; episcopi enim non vt pastores animarum decebat, paroecias circumibant, sed superbo comitatu, secumque canes & aues venatorias deferebant. His malis tandem Tridentina synodus medicinam quaesivit; statuit enim, visitatores modesto comitatu ecclesias circumire, nihil etiam sponte oblatum occasione visitationis accipere praeter victualia, quae frugaliter & modeste pro temporis necessitate ministranda sunt, gratuitas vero omnino esse visitationes, si consuetudo ferat, vt nihil exigatur. *Trid. ses. XXIV. de ref. cap. 3.*

§. VII. Potestas episcopi visitantis spectat praesertim ea, quae notoria sunt, nec longo indigent examine: proceditque sine formulis iudicialiis, sed sola summaria cognitione, irrogatque potius correctiones, quam poenas ordinarias. Respuit enim longiores moras & exactam cognitionem visitatio. Inde est, quod exemptio non excludit visitationem, quae magis in corrigendo, quam in iudicando consistit: & decreto synodi Tridentinae *ses. XXIV.*

(b) Interpretes originem procurationum episcopis visitantibus debitarum ab eo iure reperunt, quo laborantibus praestari debent alimenta. Plausibilis certe sententia, cui tamen illud obstat, quod procurationes mediis saeculis inualuerint, quando perpetuos & opimos redditus episcopatus habebant: & alias certi iuris erat, clericos, quibus est ad vitam satis, ex bonis ecclesiasticis vivere non posse. Itaque magis est, vt origo procurationum repetatur ab imperio sacro, & institutione beneficiorum, quae feudorum sapiunt naturam. Scilicet subditi & vasalli in signum subiectionis praestabant principi eiusque ministris & domino feudi iter facientibus hospitium & cibaria, quae *mansiones* & *paratae* dicebantur. V. Car. Dufresne *glossar. med. & infim. latinis. v. procuratio*. Quum vero imperium sacrum in totam dioecesim episcopi exercerent, & bona ecclesiastica iure quodam feudi beneficiariis dedissent; exemplo principis & domini feudi, dum paroecias inuisebant, procurationes exigere coeperunt: quod Boëthius *iur. eccles. lib. III. tit. 39. §. 90. seqq.* pluribus illustrat. Et inde nata doctrina illa, *magis in signum & professionem subiectionis, quam visitationis operam procuraciones deberi.*

XXIV. de ref. cap. 10. a correctione in uisitatione facta interposita appellatio executionem non suspendit: at hoc decretum apud nos receptum non est (c).

C A P V T VIII.

De metropolitans.

§.I. **M**etropolita seu metropolitanus in rebus ecclesiasticis est episcopus ciuitatis in prouincia principis, qui vniuersae prouinciae in spiritualibus praeest. In antiquis monumentis appellatur etiam *primae cathedrae*, aut *primae sedis episcopus*, *primas* & *exarchus prouinciae*, & in Africa *senex* ob primatum non sedi, sed aetati tributum. V. Bingh. *orig. eccles. lib. II. cap. 16. §. 5. seq. (a).*
§. II.

(c) Vt vero sancta episcoporum uisitantium consilia eo melius procederent, olim ministri regii, quos *missos dominicos* appellabant, comitari solebant episcopos: atque ita armata manu ad pietatem inducebantur, qui episcoporum admonitionibus non cedebant, *capitul. reg. Franc. lib. II. cap. 26.*

(a) Quae fuerit prima metropolitanorum origo, inter doctos non conuenit. Iacobus Vsserius, Beueregius & in primis Petrus de Marca de C. S. & I. lib. VI. cap. 1. contendunt, eos ab apostolis institutos fuisse: contra ex ueriori sententia Dupinus *diff. I. de antiqua eccles. discipl.* metropolitanarum originem a moribus ecclesiarum repetit: quasi nempe ecclesia factis ipsis se accommodauerit receptis populorum moribus, qui ad ciuiles metropoles confluabant, siue ad iudicia expedienda, siue ad merces comparandas. Sane synodus Antiochena *can. IX.* ob eam rationem statuit, omnes episcopos scire debere, metropolitanum curam totius prouinciae habere, *quod in metropolim undequaque concurrant omnes, qui habent negotia.* Promouit quoque potestatem metropolitanorum auctoritas apostolorum vel uirorum apostolicorum, qui ecclesias in ciuilibus metropolibus fundarunt, vel datis litteris instituerunt. Quod si in scriptis apostolicis ecclesiae designentur per prouincias, in quas ea aetate

Ro-

74 INSTITVT. IVRIS CAN. PARS I.

§. II. Potestas regendae prouinciae ex antiquis moribus & regulis potius penes synodum prouincialem, quam penes solum metropolitanum residebat. Etenim omnes vnus prouinciae episcopi vnum componebant corpus, cuius caput erat metropolitanus, membra vero episcopi comprouinciales. Ita nihil magni momenti in suis paroeciis praeter metropolitani sententiam episcopi faciebant, & vicissim absque omnium sententia res magni momenti non agebat metropolita, *can. XXXV. apost.*, conc. Antioch. *can. IX.* Ergo bis in anno synodus prouincialis erat celebranda, vt omnium rationabili decreto res ecclesiasticae tractarentur, & plurimorum sententia obtineret. Conc. Nicaen. *can. V. & VI.* Sed labentibus annis synodi prouinciales rariores factae sunt, & ius administrandae prouinciae sensim ad solum metropolitanum deuolutum est, *cap. 52. ex. de sentent. excommunicationis.*

§. III. Iura metropolitanorum plura in antiquis canonibus proponuntur. Et primum quidem metropolitani cum episcopis prouincialibus episcoporum electiones dirigebant, eosque ordinabant. Conc. Nicaen. *can. IV. & VI.*, Laodic. *can. XII.* Item (ii) synodum prouincialem indicebant. Conc. Antioch. *can. XX.* Et quemadmodum metropolitani erat synodum indicare, ita episcoporum erat statim tempore conuenire, & in synodo suffragium ferre: & hinc episcopi prouinciae *suffraganei* dicti sunt. Ad metropolitanum quoque (iii) spectat de delictis episcoporum iudicare, & de appellationibus ab eorum sententiis cognoscere, idque, si causae sint grauiores, in prouinciae synodo, *can. apost. XXV.*, conc. Chalced. *can. IX.* Porro (iv) cura totius prouinciae incumbit metropolitanis, vt in omnibus paroeciis omnia recte fiant; & hinc totam prouinciam vel eius partem circumeunt & inuisunt, *cap. 1. de censib. in 6.* Et demum (v) episcopis, qui ab ecclesiis

Romanum imperium diuidebatur; id tantum probat, fuisse distinctas ecclesias per prouinciarum distinctionem, non vero etiam arguit, ab apostolis in metropolibus institutos fuisse episcopos, qui toti prouinciae praesent, quod Dupinus *loc. cit.* recte obseruat.

CAP.VIII. DE METROPOLITANIS. 75

elefiiis fuis difcedere coguntur , litteras *formatas* dabant .

§. IV. Haec metropolitānorum iura temporis decurfu ferme abolita funt , & eorum acceffione fedes Romana creuit . Itaque epifcoporum electiones , confirmationes & confecrationes auctoritate pontificis expediuntur , quamquam in multis prouinciis epifcoporum nominatio ex nouis inftitutis ad principes pertineat . Item cauffae maiores epifcoporum , in quibus de eorum deponitione , translatione & ceffione agitur , pontifici referuatae funt : quod ius coepit a falſis decretalibus , in quibus faepe inculcatur , non poſſe prouinciae ſynodos deponere epifcopos , ſede Romana inconſulta . Et ſecundum praefentem diſciplinam minores tantum epifcoporum criminales cauffae a ſynodo prouinciali , vel iudicibus in ea electis iudicantur & puniuntur . Trident. *ſeſſ. XXIV. de ref. cap. 5.* Nec iure nouiſſimo metropolitani inuiſunt prouincias , niſi cauffa prius expenſa & probata in ſynodo prouinciali . Trident. *loc. cit. cap. 3.*

§. VI. Quaecumque vero fuerit & nunc ſit metropolitani poteſtas , non complectitur ordinarias epifcoporum functiones , ſed eſt epifcopali poteſtate ſuperior , qua epifcopi a ſacris canonibus deuii coërcentur . Certe patres Antiocheni *can. XI.* dum vniuerſae prouinciae iuram metropolitae committunt , addunt , *unumquemque epifcoporum habere ſuae parochiae poteſtatem .*

C A P V T IX.

De auctoritate & uſu pallii .

§. I. **M**ORibus praefentibus metropolitani pontificalis officii plenitudinem poſt acceptum *pallium* poſſunt explicare . *Pallium* initio veſtis imperialis fuiſſe videtur , quae ab imperatoribus dabatur patriarchis ad Chriſti ſacerdotium condecorandum . V. Petr. de Marca *de C. S. & I. lib. VI. cap. 6.* & Thomaff. *de veteri & noua eccleſ. diſcipl. par. I. lib. 2. cap. 53.* Et ita erat praef-

praeclarum indumentum, quo totum corpus ad talos usque operiebatur, cappis hodiernis haud absimile. Sed inde pallium in exiguam abiit fasciam de candida lana in modum circuli contextam, quae humeros cingit, habetque ab utraque parte duas lineas in pectus & humeros impendentes cum quatuor purpureis crucibus intextis ante & retro, a dextris & sinistris, tribusque aciculis aureis confuitur & adligatur. Ita Innocentius III. *lib. I. de myster. missae cap. 63.* pallium describit. Sed hodie sex & nigri coloris cruces sunt.

§. II. Semel acceptum pallium de adfensu imperatoris patriarchae metropolitanis mittebant. Vigilius papa *ep. I. ad Auxanum*, Gregor. M. *lib. VII. ep. 5.* Nefas videbatur, imperialem vestem, imperatore infcio, aliis dare, praesertim quando usus purpurae & regiae vestis priuatis erat interdictus. Sed inde ubi ob haeresim iconoclastarum dissidia inter Romanos pontifices & imperatores exorta sunt, pontifices sine principis adfensu sibi sumserunt, & aliis pallium dederunt. Quin imperio Graeco a Latinis occupato, in synodo Lateranensi statuit Innocentius III., ut deinceps patriarchae Orientales a Romano pontifice pallium acciperent, illudque a papa acceptum suffraganeis impertirent suis, *cap. 23. ex. de priuileg.* Sed isti omnes patriarchae Latini & Latinorum fuerunt, non aliorum, quod Franc. Florens *tract. de auctorit. & usu pallii recte* obseruat.

§. III. Iam vero Romani pontifices, quo primum tempore aliis pallium dare coeperunt, tanto honore metropolitanos, qui ad eorum consecrationem pertinebant, ornarunt, itemque Occidentis insigniores metropolitanos, quibus vices suas in prouinciis demandabant. Digna nempe res erat, ut qui vices summi pontificis in ecclesiis sustinebant, pontificio etiam eminenter ornatu. Ita factum est, ut pallium concessum praecipuis Occidentis metropolitanis, qui ad pontificis consecrationem non pertinebant, pontificiam legationem etiam adferret. Gregor. M. *lib. XII. ep. 31.* Hinc sexto saeculo metropolitani pallii habendi erant cupidissimi, illudque meritis exigentibus, precibus petentium & saepe etiam regum fatigati parce admodum pontifices concederent. Eximia dignitas
vica-

vicariatus apostolici pallio intexta passim & sine delecta non erat tribuenda. Pallio autem & vicariatu sedis apostolicae accepto, metropolitani, qui summa libertate in ecclesiis administrandis vsi erant, arctius sedi apostolicae propter acceptum vicariatum adhaeserunt, & veluti pontificis vicarii facti sunt. Et ita pontifices suam patriarchalem potestatem per Occidentis prouincias magis magisque produxerunt.

§. IV. Verum labentibus annis vicariatus sedis apostolicae a pallio distractus est: & metropolitani omnes Occidentis a summo pontifice pallium acceperunt, immo necessitati illius petendi subiecti sunt (a). Praeuiuit huic novitati Bonifacius legatus pontificius in synodo Gallicana anno 1000. habita: certe vero medio saeculo octauo omnes Occidentis metropolitani pallium iam adepti erant: quem receptum morem synodus octaua generalis *can. XVII. apud Anastas. Biblioth.* confirmauit (b). Petentes ve-

ro

(a) Pallium priuilegio summorum pontificum etiam multis episcopis concessum est. Episcopis vero concessum pallium, eos a metropolitanorum iurisdictione non eximebat: quod pontifices exprimebant in concessione, licet non desuerint episcopi, qui pallio accepto a metropolitani potestate se subducos putarent.

(b) Sed qua tandem ratione metropolitani omnes pallium acceperint, immo necessitati petendi subiecti fuerint, dictu facile non est. Petrus de Marca *de C. S. & I. lib. VI. cap. 7.* id euenisse docet calliditate & astutia, vt metropolitani Occidentis magis obnoxii fierent summo pontifici, eique praecipuo quodam iure subiicerentur: idque probat ex facto episcoporum Galliae, qui licet in synodo Gallicana anno 1000., rem promouente Bonifacio episcopo, summi pontificis legato, statuerint, vt episcopi in vnitatem & subiectionem Romanae ecclesiae viuerent, & metropolitani a summo pontifice pallia peterent; tamen inde in ambiguo fuerunt, an pallia petere deberent, veriti ne nouitate illa ad insolitam quamdam reuerentiam in sedem apostolicam adigerentur. Contra Ludouicus Thomassinus *de vet. & noua eccles. discipl. par. I. lib. 2. cap. 55.* tenet, ipsos metropolitanos sponte sua necessitati petendorum palliorum se subiecisse, receptosque semel mores deinceps in concilio generali fuisse confirmatos: additque, petitionem illam pallio-

rum

ro pallium metropolitani summo pontifici primum canonicam obedientiam iurato promiserunt, deinceps etiam fidelitatem ei similem, quam vasalli dominis suis in recipiendis feudis promittere tenentur.

§. V. Virtus pallii in noua disciplina prorsus insignis est. Continetur nimirum in pallio *pontificalis officii plenitudo cum archiepiscopalis nominis appellatione*, vt Innocentius III. in *cap. 3. ex. de auctoritate & usu pallii* loquitur (c). Et ita ante pallii receptionem vetantur metropolitani munia pastoralia obire, & ipsum nomen *archiepiscopi* sumere, vtut fuerint consecrati. Quod non est ita accipiendum, quasi pallium ipsum conferat potestatis plenitudinem; sed ita, potestatis in ordinatione iam receptae exercitum tantum post acceptum pallium posse explicari. Nouum profecto non est, ecclesiam modum imponere pote-

rum a Romano pontifice, quam auctore Bonifacio synodus Gallicana decreuerat, libertatis potius quam seruitutis fuisse argumentum. Sed videtur non posse negari, in palliorum petitione, quam synodus Bonifacii a metropolitanis expressit, insolitam quamdam obedientiam erga summum pontificem fuisse inuolutam: nam pallium etsi tum non deferret apostolicum vicariatum; tamen metropolitanos Galliae, qui tum nulli patriarchae subiecti erant, summo pontifici tamquam patriarchae eiusque synodo addicebat. Ceterum libenter adgnosco, non machinis & artibus eo deuentum, sed potius quod Gallicanae ecclesiae status ita postulabat: quod *par. I. comment. de iure canonico cap. 9.* pluribus explicuimus.

(c) Vnde plenitudo ista pontificalis potestatis pallio accesserit, nodus est vindice dignus. Omissis aliorum sententiis, mihi plenitudo ista potestatis pallio intexta a vicariatu sedis apostolicae, quem pallium deferre solebat, videtur repetenda. Sane qui vicariatum sedis apostolicae cum pallio olim accipiebant, saltem patriarchalia iura pallio referebant accepta, nec ea, nisi pallio accepto, poterant explicare. Sequentibus temporibus vbi vicariatus sedis apostolicae a pallio distractus est, plenitudo potestatis in pallio contenta, quae erat patriarchalis, sic accepta fuit, quasi esset pontificalis seu pastoralis. Cui dogmati magis adhaeserunt pontifices, postquam necessitas petendi pallii omnibus metropolitanis iniecta est.

potestati vtut iure diuino datae. Et ita quod spectat ad pontificalium vsum melior videtur conditio episcoporum, quam metropolitaram; illorum enim officia pastoralia nulli externo ornamento sunt addicta.

§. VI. Iam pallium intra tres a consecratione menses metropolitani petere *fortiter* debent, *can. 2. D. 100.*, consueta formula *instante*, *instantius*, *instantissime*: idque ex antiqua disciplina descendit, qua metropolitani percupidi erant pallii, quo apostolicus vicariatus dabatur. Petitum pallium in altari sepulturae S. Petri benedicitur, & inde conceditur: quae disciplina saeculo vndecimo exeunte iam recepta erat, *cap. 4. ex. de electione*. Ipsi metropolitani per se pallia petere debebant, quamuis iam pridem obtinuerit, vt vicaria alterius opera pallium petatur.

§. VII. Pallium semel acceptum personae cohaeret, nec alius eo vti potest. Hinc pallium non commodatur, & quisque cum eo sepeliendus, *cap. 3. ex. de auctorit. & vsu pallii*. Accepto autem pallio non semper vtuntur metropolitani, sed tantum certis locis, diebus & officiis, *can. 6. & 8. D. 100.*, *cap. 1. & 5. ex. eod.*: qua in re a Romano pontifice distant: etenim Romanus pontifex *semper & ubique* vtitur pallio, idque ex ea ratione factum Innocentius III. adfirmat, quod Romanus pontifex potestatis plenitudine auctus est, ceteri vero episcopi in sollicitudinis partem vocati sunt, *cap. 4. ex. eod.*

C A P V T X.

De patriarchis.

§. I. **P**atriarcha, qui olim dicebatur *archiepiscopus*, in re ecclesiastica episcopus est, qui integrae dioecesi praeest, hoc est pluribus inuicem coniunctis prouinciis. Hinc patriarchalia iura sunt metropoliticis ampliora. Et sane patriarchae ordinant metropolitanos, *conc. Chalced. can. XXVIII.*, indicunt synodum dioecesanam, eique praesunt. Item ad patriarcham a metropolitani & synodi

synodi provincialis sententia appellatur, *L. 29. C. de episc. audient.*, *novel. CXXIII. cap. 22.*; & cessantibus metropolitans patriarcha etiam in episcopos dioecesis animaduertit. Nec aliquid magni momenti agere licet metropolitanis, antequam patriarcha consulatur. *Conc. Chalced. act. V. (a).*
§. II.

(a) Quae fuerit prima patriarcharum origo, acerrime inter viros doctos concertatur. Baronius, Valesius, Pagius ab apostolis institutos patriarchas contendunt. Contra Dupinus moribus ecclesiarum ante synodum Nicaenam receptis patriarcharum institutionem tribuit. Item Balsamon & recentiores Graeci in synodo Nicaena patriarchas institutos autumant: & demum Launojus, Balsagnus & Caueus in synodo Constantinopolitana anno CCCLXXXI. id contigisse propugnant. In tanta virorum doctissimorum discrepantia videtur vltima sententia praeferenda, quae patriarchas ante synodum Constantinopolitanam ignotos pronuntiat. Sane constans est canonum Nicaenorum sententia, caussas omnes prouinciales in synodo prouinciae esse finiendas, qua de re plura habet Dupinus *diff. II. de antiq. eccles. discipl. cap. 1. & 2.*: nec appellationes a synodis prouincialibus ad patriarchas ordinariae euaserunt, nisi postquam synodus Constantinopolitana *can. II.* ecclesiam Orientalem in dioeceses partita est, & Theodosius Iunior dioecesis concilium ordinario iure haberi permisit, *L. 45. C. Tb. de episc. & clericis*. Porro toto ferme quarto saeculo metropolitani ab episcopis comprouincialibus fuerunt ordinati, idque secundum canones Nicaenos. *V. Beuereg. in can. VI. conc. Nicaen. n. 7.*

Huic autem sententiae grauitur videtur ob stare canon VI. Nicaenus, quo ex iam receptis ecclesiarum moribus confirmatur potestas episcopi Alexandrini per Aegyptum, Lybiam & Pentapolim, & similiter exemplo ecclesiae Alexandrinae confirmatur iam vsu recepta episcopi Romani potestas. Sed potestas episcoporum Alexandrini & Romani tempore synodi Nicaenae recepta, etsi per plures prouincias diffusa, metropolitica potius erat, quam patriarchalis. Sane per Aegyptum & prouincias Romanae dioecesis diu nulli fuerunt metropolitani: & ita episcopi Alexandrinus & Romanus etiam in prouinciis suarum dioecesium episcopos ordinabant: quod de episcopo Alexandrino aperte testatur Epiphanius *haer. LXXVIII.* Tantum prouinciae amplitudine, non iuribus metropolitans episcopi Romanus & Alexandrinus a ceteris metropolitans distabant. Quod si Hieronymus

§. II. Iam vero ante synodum Chalcedonensem sex videntur fuisse in vniuersa ecclesia patriarchatus, Romanus nempe, Alexandrinus, Antiochenus, Ephesinus in dioecesi Asiana, Caesariensis in Pontica, & Heracliensis in Thracica (b). Sed in ipsa synodo Chalcedonenſi *act. XV. & can. XXVIII.* ex Ephesino, Caesariensi & Heracliensi constitutus fuit Constantinopolitanus patriarchatus, idque absentibus & inde etiam repugnantibus Romanis legatis. Creuerat in ordine ciuili Constantinopolis, & noua Roma euaserat. Et ita ecclesiastica politia ciuilem imitante iustum visum fuit, etiam in ordine ecclesiastico augeri sedem Constantinopolitanam. Interim Romani pontifices prospicientes, quo erat euasura ambitio episcoporum regiae vrbs, huic nouitati aduersati sunt, canonesque Nicaenos conculcatos proclamarunt. Sed temporis lapsu Constantinopolitanus patriarchatus ab vniuersa ecclesia cognitus & probatus est.

§. II. Item in eadem Chalcedonenſi synodo Hierosolymitanus patriarchatus institutus est. Hierosolymitana ecclesia merus initio fuit episcopatus; sed quia ibi iacta sunt nostrae religionis fundamenta, semper summo honore habita est. Hinc elati episcopi Hierosolymitani coeperunt cum episcopis Caesariensibus, quibus vtpote metropolitanis suberant, de primatu contendere. Nihil vero profecerunt vsque ad Theodosium iuniorem, a quo Iuuenalis episcopus Hierosolymitanus rescriptum impetrauit, quo sedi Hierosolymitanae tres Palaestinae, duae Phoeniciae

Pars I.

F

& Ara-

nymus *epist. LXI. ad Pammach.* & Innocentius 1. *epist. ad Alexandr. Antiochen.* alique veteres a canonibus Nicaenis patriarchalem potestatem repetant; id dixerunt bona fide, re diligentius non expensa. Attendebant nempe ad sui temporis disciplinam, & quid simile in canonibus Nicaenis inuenientes, ab ea synodo patriarchas institutos dicere potuerunt.

(b) Episcopi Ephesinus, Caesariensis & Heracliensis. veri nominis fuerunt patriarchae, licet apud veteres quandoque *exarchi* dicantur: errantque profecto, qui eis tribuunt *exarchi* dignitatem, quam patriarchali inferiorem faciunt: quod multis Dupinus *de antiq. eccles. discipl. diff. I. §: 11.* probatum dedit.

& Arabia, quae prouinciae ad Antiochenam ecclesiam pertinebant, subiiciebantur. Hinc de violatis ecclesiae suae iuribus conquestus Antiochenus patriarcha, contrario eiusdem principis rescripto in pristinum ius restitutus fuit. Contrariis rescriptis, seu potius ambitione Iuuenalis exorta controuersia vsque ad synodum Chalcedonensem perstitit, in qua ex partium consensu statutum, vt episcopus Hierosolymitanus tres Palaestinas, Antiochenus vero Phoenicias duas & Arabiam haberet. Conc. Chalced. *act. VII.* Et ita ex vno Antiocheno duo emerferunt patriarchatus (c).

§. IV. Potestas patriarchalis Romani pontificis origine sua per totum Occidentem non videtur extensa, sed tantum Romana dioecesi, quae decem constabat prouinciis, & Romam in metropolim habebat, includebatur. Sane Romani pontifices in Gallia, Hispania, Africa & Italica dioecesi stricte sic dicta, cuius metropolis erat Mediolanum, metropolitanos per plura saecula non ordinarunt. V. Dupin. *diff. I. de antiq. eccles. discipl.* §. 13. Porro nec ante receptos canones Sardicenses (quod sero tandem factum est) ex toto Occidente ad Romanum pontificem in causis ecclesiasticis prouocatum fuit (d). Sed temporis

(c) Romani pontifices ab initio patriarchatu Hierosolymitano consenserunt, contra aduersati sunt Constantinopolitano: & tamen causa ecclesiae regiae urbis potior videri possit. Cur tam varie? Iam pellucebat, quo tandem erant euasuri episcopi Constantinopolitani imperatorum potentia freti. Quidquid vero huius rei sit, ab hoc tempore quinque hoc ordine numerati sunt patriarchatus, Romanus, Constantinopolitanus, Alexandrinus, Antiochenus & Hierosolymitanus.

(d) Rei dignitas postulat, vt aliquid addamus de ecclesiis suburbicariis, quibus potestas patriarchalis pontificis olim inclusa dicebatur. Conc. Nicaen. *can. XI. ex antiqua versione*, Rufin. *lib. I. hist. cap. 6.* Ecclesias suburbicarias Salmasius, Jac. Gothofredus alique intra centesimum ab vrbe lapidem, quae regio ad praefecti urbi iurisdictionem pertinebat, includunt: contra Sirmondus & Dupinus per Romanam dioecesim, quae decem prouinciis vicario urbis subiectis constabat, extendunt; nec desunt, qui ecclesias suburbicarias eadem esse cum ecclesiis

ris progressu, vicariis perpetuis institutis, palliorum petendorum metropolitanis iniecta necessitate, falsis decretalibus, missis in prouincias frequentibus legaris ampla potestate instructis, per totum Occidentem Romanus patriarchatus productus est.

§. V. Fines quoque Constantinopolitani patriarchatus in synodo Chalcedonensi positi & patriarcharum ambitione & imperatorum potentia longe lateque producti sunt: quod praecipue contigit sub Leone Isauro, qui ira percitus in pontifices, quod impia eius edicta de frangendis sacris imaginibus reiecerint & impugnarint, quidquid intra Siciliam & Thraciam imperii Graeci erat, throno Romano subtraxit, & Constantinopolitano addixit. Hinc nedum Illyricum, Epirus, Achaia & Macedonia; verum etiam Sicilia & pleraeque maritimae suburbicariae ecclesiae, quae erant in imperio Graeco (in mediterraneis regionibus imperabant Longobardi) Constantinopolitanam dioecesim auxerunt. Item Bulgaria post multas concertationes circa noni saeculi medium throno Constantinopolitano cessit, quod multis Dupinus enarrat. Suburbicariae ecclesiae steterunt sub Constantinopolitano patriarcha usque ad Nortmannos, qui deuictis Saracenis & Graecis subtractas ecclesias throno Romano restituerunt.

F 2

§. VI.

ecclesiis Occidentis docent. Tot inter ambages media Sirmondi sententia videtur praefenda. Etenim antiqui ecclesias suburbicarias eodem sensu, quo prouincias suburbicarias, dixerunt: prouinciae vero suburbicariae non aliae quam prouinciae Romanae dioecesis veteribus erant, L. 1. C. Tb. si per obreptionem fuerint impetrata. V. Dupin. cit. diff. §. 9.

Potestas quidem patriarchalis summi pontificis per totum Occidentem non extendebatur; at sedes apostolica ecclesias omnes Occidentis eminenti potestate regebat. Versabatur potestas ista sedis apostolicae in ferendis canonibus ad fidei & disciplinae confirmationem & obseruantiam, in relationibus accipiendis & discutiendis, & in maioribus causis non sine illius scientia finiendis. Et de hac potestate loqui videntur veteres patres, dum solidum Occidentem summo pontifici tribuunt: qua de re in *comment. de iure canonico par. 1. cap. 10.* abunde diximus.

§. VI. Iam a patriarchis proprie sic dictis distant *primates*, qui pluribus quidem praesunt metropolitanis, sed Romano pontifici tamquam patriarchae subiecti sunt. Hoc sensu accepti *primates* instituti sunt in ecclesiis Occidentis, iisque instituendis falsae decretales causam praebuerunt, quod Petrus de Marca *diff. de primatib. n. XXIII.* obseruat. Nimirum deleta Occidentis Romano imperio mutata est ciuilis politia, & tot emerferunt metropoles, quot regna fuerant instituta. Quoniam vero ecclesiastica politia ciuilem consequebatur, iustum visum est, regnorum principes ciuitates etiam in ordine ecclesiastico potestate augeri. Hanc disciplinam promouit Isidorus Mercator, qui in suis putidis mercibus passim crepat, apostolica auctoritate fuisse constitutum, ut in nobilioribus ciuitatibus instituantur *primates*, *can. 1. D. 99.*, quos (ne quidquam de potestate sedis apostolicae deminueret) veluti medios inter metropolitanos & pontificem describit, *can. 7. & 15. C. 2. q. 6.*, eosque etiam *patriarchas* appellat. Vsurpauit autem Mercator hac in re vocem *primatis* contra veterem receptam notionem: *primatis* enim nomine apud veteres metropolitanus veniebat (e). Receptis in Occidente falsis decretalibus ex earum formula instituti sunt *primatus* Bituricensis, Cantuariensis, Lugdunensis, Tolctanus, Pisanus, Bariensis alique, quibus a metropolitanis appellationes concessae, & ius anteferendae crucis datum. Sed hodie tantum primas Lugdunensis appellationis iura conseruat, ceteris vero tantum reliqua est quaedam honoris praerogatiua.

CA-

(e) Generatim *primas* is dicitur, qui primum ac praecipuum locum alicubi occupat. Sed in re ecclesiastica vsu scriptorum olim *primates* erant metropolitani, nisi adiuncta aliud innuerent. V. Dupin. *diff. 1. de antiq. eccles. disciplina* §. 2. Interim mentitus Isidorus *primatis* nomen ad magnarum urbium episcopos designandos usurpauit & *Primas dioecesis* in *can. IX. & XVII. concilii Chalcedonensis* ex versione Dionysii Exigui Mercatori occasionem videtur dedisse ad *primatis* vocem in ampliorem sensum attollendam, quod forte crediderit *primates dioecesis* cum *primatibus* *αρχιεπισκοπαις* dictis eisdem esse.

C A P V T XI.

De Romano pontifice.

§. I. **R**omanus pontifex episcopi, metropolitani, patriarchae & successoris S. Petri personam in ecclesia sustinet. Nos de eo tractaturi, tantum successoris S. Petri spectamus praerogativam, qua sit, ut in uniuersam ecclesiam primatum obtineat. Ac S. quidem Petrum eminenti supra ceteros apostolos potestate fuisse donatum, in euangelio consignatum est. Sane Christus se supra Petrum ecclesiam suam aedificaturum conceptis verbis edixit, Matth. XVI. v. 18.: Petro regni caelorum clauces promisit, Matth. eod. v. 19.; eique ter rogato an se amaret, agnorum & ouium curam commisit, Ioan. XXI. v. 15. *seqq.*, hoc est nedum fidelium, sed etiam pastorum curam demandauit, ut eum locum patres interpretantur. Et quamuis quod Petro Christus promisit, aliis etiam apostolis reapse dederit, Ioan. XX. v. 21. *seq.*, & ecclesiam suam supra omnes apostolos fundarit, *ad Ephef. II. v. 20.*; exploratum tamen est, aliquid praecipuum Petro fuisse collatum, quod passim ecclesiae patres agnoscunt.

§. II. Quo igitur natura ecclesiastici primatus Petro concessi intelligatur, quid praecipuum prae reliquis apostolis Petrus habuerit, conitare debet. Sunt qui putant, omnes apostolos parem honoris & potestatis gradum accepisse, sed ceterorum potestatem fuisse personalem, quae cum ipsis desineret, Petri vero *realem*, quae in successoribus transfret. Verum ita attolluntur pontifices supra reliquos episcopos, non Petrus super apostolos. Magis euangelio congruere videtur, omnes apostolos ratione apostolatus pares fuisse, sed Petrum positum fuisse veluti centrum ecclesiasticae vnitatis, eoque nomine ceteris fuisse praelatum. Sane apostolos pari potestate, sed ad vnā ecclesiam administrandam, Christus misit. Et ita necesse erat ad magis firmandam vnitatem, vnum constituere,

qui esset ecclesiasticae vnitatis centrum & principium . Selegit ergo Petrum, eumque totius ecclesiae fundamentum constituit, cui ratione vnitatis ceteri omnes subiicerentur . Ad rem Cyprianus *lib. de unit. ecclesiae*, *hoc vtiq; erant ceteri apostoli, quod fuit Petrus, pari consortio praedicti honoris & potestatis, sed exordium ab unitate proficiscitur, ut ecclesia una monstraretur.*

§. III. Haec vero Petri supra ceteros apostolos praerogatiua dubio procul personalis non fuit, vt cum illo extingueretur . Etenim primatum non propter Petrum, sed propter vnā semperque duraturam ecclesiam Christus instituit . Ita perpetua primatus continuatio, non secus ac ipsius institutio, iuris diuini est . Verum modus successionis, seu quisnam episcoporum mortuo Petro, in primatu erat successurus, ab ipsius Petri arbitrio & ecclesiae auctoritate manauit, quod theologi adgnosunt . Multas quidem ecclesias Petrus fundauit, sed ex omnibus ecclesiam Romanam, quae primatus praerogatiuam consequeretur, selegit : quam ecclesiae Romanae praerogatiuam vniuersa antiquitas, synodi nempe, patres & imperatores adgnosunt & praedicant . V. Nat. Alexandr. *diff. IV. in 1. saec. hist. eccles.* §. 2. & 4. Non alienum a ratione ecclesiae & Petro visum, ibi esse centrum christianae religionis, vbi altiores radices egerat superstitio (a).

§. IV.

(a) Primatus ratione pontifex Romanus iure meritoque episcopi *oecumenici* nomine donari potest . Et reapse synodus Chalcedonenfis Romanum pontificem *papam* & *patriarcham oecumenicum* appellauit . V. Christ. Lupum *schol. in can. II. de status Gregor. VII.* Sed Romani pontifices quamuis oblatum titulum minime respuerint; non tamen eo ipsi se condecorarunt . Gregor. M. *lib. IV. ep. 16.* Metuebant pontifices, ne oecumenici titulum alii falso acciperent, eoque significari crederent, vnum esse in vniuersa ecclesia episcopum, quando primatum tantum pontificis significabat . Interim saeculo sexto Constantinopolitani patriarchae *episcopi oecumenici* titulum & ab aliis datum acceperunt, & ipsi sibi usurparunt, in primis Ioannes IV. cognomento *Ieiunator*, non quod se totius sub caelo ecclesiae, sed quod amplissimae suae diaecesis dicerent oecumenicos, quod

CAP. XI. DE ROMANO PONTIFICE. 87

§. IV. Multa autem Romani pontificis sunt iura, quae ex primatu descendunt, aut ei labentibus annis accesserunt. Et primum (1) debent pontifices etiam ratione primatus fidem tueri, & canonum obseruantiam promouere; ecclesiae enim vnitas ex fidei integritate promanat, & canonum obseruantia promouetur. II. condunt decreta & decretales ad fidem confirmandam, & disciplinam suae instaurandam, suae mutandam. III. ex necessitate aut vtilitate ecclesiae canones de rebus mobilibus relaxant: qua potestate pontifices olim summa prudentia vsi sunt; tantumque posteriori aetate inualuit, vt etiam ex priuatis causis canonum veniam concederent; qua de re optimi quique conqueruntur. Petr. de Marca *de C. S. & I. lib. III. cap. 14. seqq.* IV. synodis generalibus habendis praestant auctoritatem, & in iis per se, vel per suos legatos praesident cum relationis & suffragii praerogativa (b). V. appellationes ab omnibus prouinciis suscipiunt: quod ius demum post admissos canones Sardicenses receptum est.

§. V. Quanta demum cumque sit primatus eminentia, certe pontifices supra canones non extollit, vt eorum obseruantia iure soluti sint. Sane primatus ecclesiasticus potius exempli & laboris est, quam imperii, praecipitque Christus aperte, vt qui vellet inter discipulos esse maior, fieret sicut minor, & potius aliis ministrare,

F 4

quam

quod Anastasius Bibliothecarius testatur. Verum Romani pontifices in primis Gelasius II. & Gregorius M. praeuidentes ad totius ecclesiae patriarchatum episcopos regiae vrbs spectare, eum titulum tamquam *profanum, temerarium & stultum* damnarunt. Gregor. M. *lib. IV. ep. 16. & 58.* Et vt magis Graecam ambitionem Gregorius M. rerunderet, *seruum seruorum Dei* seipsum inscripsit, teste Ioanne Diacono *lib. IV. vit. Greg. M. cap. 58.* Quo titulo deinceps Romani pontifices vsi sunt.

(b) Plerique iuris ecclesiastici periti etiam docent, pontificis maximi esse conciliorum generalium indictionem: quod etiam multi ex veteribus professi sunt, & vsus recentiorum synodorum in Occidente habitaram, quae a Romanis pontificibus omnes indictae sunt, confirmat. Sed hac de re alibi commodius.

quam sibi ministrari intendat, Luc. XXII. 26. Ipsi quoque Romani pontifices saepe professi sunt, se contra canones & patrum statuta nihil posse, *can. 7. & 9. C. 25. q. 1.* Hinc totius antiquitatis sententia fuit, pontifices in graua crimina lapsos ipso iure excidere pontificatu, & ad laicam transire communionem. Christ. Lupus in *can. XIX. dictatus Gregor. VII.* Inuitis itaque sacris canonibus & ipsis etiam pontificibus docuit Gratianus, pontifices non necessitate obsequendi, sed ad exemplum subiici canonibus. Quae sententia inde magis magisque dilatata ecclesiasticae disciplinae admodum nocuit.

§. VI. Sed an pontifices iudiciis ecclesiasticis subsint? Certi iuris est, pontifices synodorum particularium iudiciis non esse subiectos. Etenim contra receptum in ecclesia ordinem est, vt inferior in superiorem sententiam dicat. Verum ea fuit pontificum humilitas, vt de criminibus accusati primatum suum synodo Romanae quandoque subiicerent, in hoc ipso monitum Christi sequentes, qui voluit, vt maior inter discipulos suos tamquam minor appareret. Et si in frequentibus & magnis mediocum saeculorum turbis synodi particulares in legitimos pontifices iudicio non consentientes sententiam dixerint; eiusmodi iudicia, vtpote vi potius, quam iure suscepta, vacua & irrita fuerunt. At si agatur de synodis generalibus, quae vniuersam ecclesiam repraesentant, non videtur posse negari, earum iudicio pontifices subesse: in quam sententiam conueniunt omnes, sed in eo dissident, vtrum synodi tantum declarent, an etiam iudicent, veluti iudices superiores, pontifices esse criminosos & poenis ecclesiasticis obnoxios (c).

CA-

(c) Ecclesiae Romana & Gallicana sexto & sequentibus saeculis videntur tenuisse, pontifices humanis iudiciis non subiaccere, sed vnius Dei iudicio esse reſeruatos, *can. 14. C. 9. q. 3. Auit. Viennens. ep. XXXI.* Atque hinc illud, quod in supposititiis synodi Sinuesanae actis recitatur: prima sedes a nemine iudicatur.

C A P V T XII.

De Romanae ecclesiae cardinalibus.

§. I. **I**N monumentis ecclesiasticis inde usque a quinto saeculo vox *cardinalis* occurrit, qua proprii & ordinarii ecclesiarum rectores videntur designati, iis oppositi, qui vel ad tempus ecclesias regebant, vel eidem ecclesiae tamquam auxiliares erant additi. Sane Gelasius papa episcopum *cardinalem* opponit episcopo *visitatori*, *can.* 4. *D.* 24.; cumque episcopus visitator ecclesiae vacanti daretur, quousque proprius episcopus constituebatur, *can.* 16. & 19. *D.* 61.; consequitur, episcopum cardinalem fuisse proprium & ordinarium episcopum, qui perpetuo ecclesiae adstringebatur. Et apud Gregorium M. pluries sermo est de episcopis & presbyteris cardinalibus, quos tamquam proprios & ordinarios ecclesiarum rectores describit. Itaque *cardinales* dicti videntur a *cardinibus*, quod fixi & immobiles essent tamquam cardines, & circa eos ecclesiae, veluti valvae circa cardines, voluerentur.

§. II. Quaelibet ecclesia olim cardinales habuit suos: omnes enim habebant suos episcopos & parochos & diaconos diaconiarum rectores. Murator. *diff. LXI. antiq. Ital.* Sed inde aucta cardinalium Romanorum dignitate, sensim ceterae ecclesiae desierunt titulares suos appellare cardinales, cessitque is titulus non sine ingenti dignitatis accessione ecclesiae Romanae. Ceterum ad hunc usque diem aliqui canonici ecclesiae Neapolitanae cardinalis titulo decorantur, licet ad nominis invidiam declinandam sponte sua ut plurimum tanto elogio se abstineant. Mazoch. *append. ad diff. de eccles. Neap. diff. IV. par. 1. cap. 2.*

§. III. Romani cardinales vel episcopi, vel presbyteri, vel diaconi sunt. Et quod spectat ad cardinales episcopos, olim Romae unus fuit episcopus cardinalis: in una ecclesia plures esse episcopos antiquis regulis verabatur. Sed temporis lapsu ex septem Romam adiacentibus
cui-

cjuitaribus septem episcopi, retentis ecclesiis propriis, ecclesiae Lateranensi addicti sunt, vt quotidie per vices sacra facerent, & pontifici celebranti adfiderent, idque octauo saeculo sub Stephano iv. iam erat inductum, vt ex *libro pontificali* constat. Hinc septem isti episcopi duarum ecclesiarum erant cardinales; sed ratione Romani cardinalatus *Romani episcopi, episcopi collaterales & hebdomadarii* dicti sunt. Inde per Callistum ii. duae cardinalitiae episcopales ecclesiae in vnam coaluerunt, & sex superstites fuerunt episcopi cardinales.

§. IV. Presbyteri Romani cardinales fuerunt paroeci vrbis, qui saeculo quinto videntur fuisse octo supra viginti, quot erant Romani tituli, hoc est ecclesiae paroeciales, quod Panuinius obseruat. Propriis autem titulis praecerant presbyteri cardinales, verum post saeculum decimum in quatuor collegia, singula septenum cardinalium, abierunt, vt ad exemplum basilicae Lateranensis, quae suum habebat cardinalium episcoporum collegium, in quatuor aliis patriarchalibus basilicis sacra facerent.

§. V. Demum diaconi Romani cardinales ex diaconis, qui diaconias regebant, originem habent. Erant *diaconiae* tum Romae, tum alibi domus veluti hospitales, in quibus pauperes & omnes miserabiles personae omni subsidiorum genere fouebantur. Sua singulis diaconiis erant sacella, & quia regebantur a diaconis, *diaconiarum* nomen sortitae sunt. Romae quatuordecim fuerunt diaconiae in regionibus vrbis sitae: & hinc quatuordecim diaconi cardinales, qui a regionibus diaconiarum *regionarii* initio dicti sunt, diaconi nempe *primae, secundae, tertiae regionis*. Quatuordecim his diaconis inde alii quatuor accesserunt, quorum munus erat basilicae Lateranensi & pontifici deservire. Lapsis tandem diaconiis, nomen diaconiae oratoriis haesit: & ita post saeculum decimum diaconi cardinales de titulo diaconiae dicti sunt, nempe *cardinalis diaconus S. Theodori, S. Hadriani*. Addidit tandem Leo x. nouam diaconiam S. Onuphrii in Vaticano, & exorti sunt nouemdecim diaconi cardinales.

§. VI. Subductis itaque rationibus Romani omnes cardinales episcopi, presbyteri & diaconi tres supra quingenta fuerunt. Stetit is numerus vsque ad Honorium

II., a cuius tempore deminutus est, sensimque incertus euasit. Supra modum vero creuit numerus cardinalium in schismate Auenionensi, dum vnusquisque dissidentium pontificum adlectione cardinalium rem promouebat suam. Inde synodi Constantiensis & Basileensis decreuerunt, vt *cardinales numerum viginti quatuor non excederent*, idque ne in tanto fastu aucti numero ecclesiae graues essent. Quem modestum numerum non bono ecclesiae, sed propriae salutis conseruandae studio Leo x. supra modum ampliauit (a). Leonis exemplum inde secuti sunt Paulus III. & Paulus IV., quorum postremus vsque ad septuaginta cardinales auxit, quem numerum vtpote septuaginta Moisaicis senioribus respondentem Sixtus v. firmum decreuit.

§. VII. Iam vero cardinalium dignitas est amplissima, haecenus vt supra patriarchas reputentur: ad quam dignitatem sensim peruenerunt variis causis & occasionibus. Praesertim auxerunt cardinalitiam dignitatem frequentes & amplissimae sedis apostolicae legationes cardinalibus commissae: negotia serme omnia ex omnibus ecclesiis Romam deuoluta, & in consistorio cardinalium tractari solita: pontificis electio ad solos cardinales restricta: schisma Graecorum: & opinio melioribus temporibus inaudita, reges etiam in temporalibus pontifici subesse. Sic aucta cardinalium dignitate episcopi aliarum ecclesiarum retento episcopatu inter Romanos cardinales transierunt (b).

Quae-

(a) Scilicet coniuratio in pontificem detecta est, cuius princeps vnus cardinalium erat. Hinc Leo reliquorum fidem suspectam habens, multiplici cardinalium creatione sibi censuit consulendum. Thomass. *de vet. & noua eccles. discipl. par. I. lib. 2. cap. 114. n. 13.*

(b) Quo primum tempore aliarum ecclesiarum episcopi inter Romanos cardinales cooptrati sunt, iis vna ex cardinaliis episcopalibus ecclesiis dabatur, ne vno eodemque facto aufererent in cardinales, & in presbyteros aut diaconos decrescerent. Sed tempore Bonifacii VIII., si vera obseruat Barbosa *lib. I. iur. eccl. cap. 3. n. 17.*, coeperunt externi episcopi, retenta propria ecclesia, ad cardinales presbyteros aut diaconos transire: qui mos praeposterus est, & in adiuncto inuoluit contradictionem.

Quaecumque vero sit cardinalium dignitas, moribus & institutis ecclesiasticis debetur; & praepostere nimis factum est, ut dignitate episcopali amplior haberetur.

§. VIII. Potestate & dignitatis accessione auctos cardinales necesse quoque erat signis splendescere externis. Et quidem rubro pileo Innocentius iv. ornauit cardinales: quod factum in concilio Lugdunensi nonnulli opinantur, ut magis in Fridericum ii. incitarentur, quasi parati esse deberent ad sanguinem fundendum pro ecclesiae libertate. Tum Paulus ii. eisdem rubrum pannum concessit, quo equitantes sternerent equos. Haec honoris insignia cardinalibus ex clero saeculari primum data sunt; at Gregorius xiv. *bul. sanctissimus* etiam regularibus rubrum pileum concessit. Et ne externis signis tituli deessent convenientes, Urbanus viii. cardinalibus *eminentiae* titulum concessit, quum antea *illustrissimi* dicerentur, cauitque sub poena excommunicationis, (quasi de enormi crimine ageretur) ne quisquam alius praeter imperii electores ecclesiasticos eum titulum usurparet.

§. IX. Iam ex noua disciplina, qua synodi Romanae celebrari desierunt, cardinales senatum ecclesiae Romanae constituunt, qui dicitur *cardinalium consistorium*: Negotia omnia maioris momenti antea in synodis tractari solita in hoc consistorio tractata sunt: quae disciplina saeculo decimo secundo erat recepta: & hinc S. Bernardus *ep. LXXXIX.* ait, cardinalium esse orbem iudicare. Qua posita disciplina cardinales omni virtutum genere debent effulgere: recteque statuit synodus Tridentina *ses. XXIV. de ref. cap. i.*, episcoporum qualitates in cardinalibus requiri. Ceterum ex nouissima disciplina cardinales in consistorio iudices non sunt, sed meri consiliarii, liberumque pontifici est eorum admittere, vel reicere suffragium. Ex cardinalibus quoque plures compositae sunt *congregationes*, ut vocantur, quae alicuius generis negotia tractant, veluti congregatio *sacrorum rituum*, *indieis*, aliaeque tum ordinariae, tum repentinae, de quibus nouissime Espenius *part. I. tit. 22.* fuse commentatus est.

C A P V T XIII.

De legatis ecclesiasticis.

§. I. **S**Vnt legati alieni muneris vicarii. Vfus legatorum in re ciuili receptissimus in ecclesia etiam inuauit, quod necessaria alterius operæ erat episcopis, qui propter absentiam rebus agendis interesse non poterant. Hinc ecclesiae omnes legationis iure donantur: & reapse in antiquis monumentis saepe occurrunt exempla legatorum ab episcopis vel synodis ad alios episcopos vel synodos missorum ad ecclesiasticam iurisdictionem exercendam; vel negotia tractanda, de quibus legatis Petrus de Marca *de C. S. & I. lib. V. cap. 2.* multa congeffit.

§. II. Sed inter legatos ecclesiasticos eminent legati pontificii, ii scilicet, qui a summo pontifice mitti consueverunt. Sunt vero pontificii legati vel *missi*, vel *perpetui*, seu *nati*. Legati missi pro arbitrio pontificum & necessitatibus ecclesiae mittuntur vel ad negotia tractanda, vel ad explicandam iurisdictionem. Negotiorum legati non tantæ sunt dignitatis, quantæ legati missi ad exercendam iurisdictionem: hi enim quod vices pontificis in iurisdictione sustinent, plena donantur legatione, & iisdem prærogatiuis vtuntur, quæ ipsi pontifici, si præsens esset, competerent. Eminent vero inter legatos iurisdictionis, qui ad generales synodos mittuntur.

§. III. Ad negotia quoque tractanda Romani pontifices ad imperatores & reges mittere legatos consueverunt: suntque eiusmodi legati duplicis generis, alii enim mittuntur, prout negotia poscunt, & cum ipsis negotiis eorum officium finitur; alii assiduam in aula ducunt moram, omnibus negotiis præfecti. Assidui apud principes legati veteribus *apocrisarii* & *responsales* dicti, quod responsa seu mandata eorum, vnde missi erant, exsequebantur. Primus ad Marcianum imperatorem Leo M. responsolem misisse

sisse videtur (a). Nulla autem iurisdictione aucti erant responsales; tantumque ecclesiarum negotia tractabant, nisi specialiter a pontifice, vel principe aliqua iurisdictione mandaretur. Petr. de Marca *de C. S. & I. lib. V. cap. 17. n. 3.* Moribus praesentibus, qui sunt apud principes, nuntii apostolici etiam apocrisariorum vices sustinent.

§. IV. Legati perpetui, seu *nati* in prouinciis apostolicas sustinent vices, quod eas tenent ecclesias, quae perpetuo adnexum habent apostolicum vicarium; dictique sunt *nati*, quod cum ipsis ecclesiis sine noua pontificis concessione legationem consequuntur. Sola ecclesia Romana legatos natos habuit, videnturque initio inducti frequentibus pontificum legationibus, quibus amplissimarum ciuitatum episcopi a pontificibus augeri solebant, vt exemplo esse possunt ecclesiae Thessalonicensis & Arelatensis, quarum perpetuas legationes Stephanus Balutius enarrat *in addit. ad lib. V. Petri de Marca*. Quae assidue sunt facile abeunt in morem. Sed posteriori aetate expressis priuilegiis multae ecclesiae perpetuum vicarium sedis apostolicae consecutae sunt.

§. V. Iura legatis perpetuis propria erant iura ipsa patriarchalia pontificis Romani, sed quae saluam mittentis potestatem relinquerent. Ergo legati isti sibi subiectos ordinabant metropolitanos: metropolitani, nisi ipsis consultis, episcopos non ordinabant, Leo M. *epist. IV. ad Anastas. Thessal. edit. Quesn.*: synodum indicebant dioecesanam, eique praeerant; & exortas controuersias in synodo finiebant, nisi grauiores essent causae, quas ad sedem apostolicam referre oportebat, *cit. epist. IV. Leonis M.*: item episcopis & clericis ad longinqua profecturis dabant litteras formatas, *epist. I. Vigil. ad Auxanum*: & sacrorum canonum

(a) Praeter Romanum pontificem ad imperatores mittebant apocrisarios alii patriarchae, non vero reliqui inferiores episcopi, quod ex Iustiniani *nouella VI. cap. 3.* aperte constat. Sed temporarias legationes ad principes omnes ecclesiae decernere poterant, vt videre est in synodis Africanis, a quibus contra ethnicos, haereticos, aut ob alias ecclesiarum necessitates saepe ad imperatores legati missi sunt.

num obseruantiae in suis prouinciis inuigilabant .

§. VI. Iam legatis siue missis, siue natis per plura saecula Romani pontifices suam eminentem in omnem ecclesiam & patriarchalem potestatem explicarunt, integram plerumque relinquentes metropolitanorum & episcoporum iurisdictionem, *can. 5. & seq. C. 25. q. 2.* Verum lapsu temporis creuit legatorum Roma missorum potestas, & ipsa iura metropolitanorum & episcoporum ad se transtulit, quod a tempore Nicolai I. incoepisse videtur. Atque ita frequentes missi sunt legati, qui etiam metropolitam & episcopalem pontificis potestatem per vniuersam ecclesiam explicarent (*b*), praesertim quando corrupti clericorem mores potentiorum medicinam postulabant .

§. VII. Noua potestatis accessione auctis legatis, & aucta cardinalium dignitate, legati missi pontificis vel simpliciter *missi*, vel *a latere* audierunt. *Missi* ex mandato pontificis exercent legationem, sed non sunt de numero cardinalium: legati vero *a latere* sunt cardinales, qui apostolica legatione augentur. Aucta cardinalium dignitate, indignum visum fuit, vt legati ex ordine cardinalium sumti eodem cum ceteris legatis iure censerentur (*c*).

§. VIII.

(*b*) Inuexit huiusmodi nouas legationes plenitudo pontificiae potestatis, quae secundum opinionem aetate Nicolai I. & deinceps receptam ita residebat in pontifice, vt ceteri episcopi pontificis ministri & vicarii censerentur, vocati tantum in partem sollicitudinis, non in plenitudinem potestatis. V. *Espen. par. I. tit. 21. cap. 2.* Qua recepta sententia summi pontifices etiam veri episcopi & metropolitani totius ecclesiae habebantur. Et ita sponte sua frequentiores factae & noua potestate auctae legationes: nam legati missi sunt, qui etiam pontificis episcopalem & metropolitam in omnes ecclesias explicarent potestatem. Atque hinc vniuersa ferme concidit episcoporum, metropolitanorum & synodorum prouincialium potestas: quod *Fleuryus disc. IV. in hist. eccles.* obseruat.

(*c*) In veteri disciplina legati omnes pontificis *a latere* censebantur. At posteriori aetate legationes istae solis cardinalibus commissae sunt. Nempe cardinales nouo iure strictius adhaeserunt pontifici, eiusque *coadiutores* & *collaterales* in regenda ecclesia loco synodi Romanae euaserunt.

§. VIII. Quamuis vero pontifices aliquando mandatis peculiaribus novos legatos aditringerent; tamen vniuersam ferme mandarunt pontificiae potestatis plenitudinem. Explicabant vero legati sibi commissam potestatem in synodis episcoporum & metropolitaram, quod dicis caussa factum videtur, ne episcopis & metropolitans omnino ablata iurisdictio videretur, siquidem vnus legati suffragium totius synodi suffragiis acquiualebat. V. Petr. de Marca *lib. VI. de C. S. & I. cap. 30. n. 4.* Quin potestas legatorum, quae origine sua erat delegata, euasit ordinaria, *cap. 10. ex. de officio legati, cap. 11. eod. in 6.*, institutumque fuit legationis officium propria donatum iurisdictione. Et ita deinceps tantum necesse fuit solam legati qualitatem exprimere, vt de eius iurisdictione constaret, quum antea ex legationis formulis potestas legatorum conferetur.

§. IX. Non omnes legati iure decretalium aequalem habent potestatem, nec omnia, quae pontificis absoluunt potestatem, legationis officio continentur. Sane legati a latere maiorem obtinent potestatem, minorem missi, minimam nati. Minimam tandem legatorum perpetuorum potestatem voluerunt pontifices, vt aliorum legatorum, quos pro arbitrio mittebant, amplificarent potestatem. Franc. Florens *in tit. de officio legati*. Generaliter legati causas omnes siue per actionem, siue accusationem, siue appellationem delatas iure ordinario audiunt & definiunt in quouis loco intra legationis fines, *cap. 7. ex. de off. legati*. Sed legati a latere egressi ab vrbe ad instar proconsulum statim legationis sumunt insignia, & ante ingressam & post egressam prouinciam voluntariam exercent iurisdictiōem. Ita absoluunt vbique & quoscumque excommunicatos ob violentiam in clericos manuum iniectiōem, *cap. 4. & 9. ex. eod.* Porro liberas & simplices beneficiorum renuntiationes admittunt, conferuntque in prouincia legationis beneficia cum ordinario collatore concurrentes, *cap. 11. eod. in 6.*, idque etiam inconsulto patrono ecclesiastico, *cap. 6. ex. eod.*, non tamen inconsulto patrono laico, *cap. 28. ex. de iurepatron.* Reseruant quoque sibi beneficia, non tamen capitulorum dignitates, *cap. 4. de off. leg. in 6.*, nec pendente vna reseruatiōe
aliam

aliam facere possunt, *cap. 3. eod. in 6.* Quae omnia ceteris legatis denegantur; tantumque missi, non item nati, in sua prouincia absoluunt sibi subditos excommunicatos ob violentam in clericos manuum iniectiōem, *cap. 9. ex. eod.* Ceterum multa legatis etiam a latere fuerunt denegata, qualia translationes episcoporum, episcopatum coadunatio, aut dinisio, primatiarum institutiones & huius generis alia. Franc. Florens. *loc. cit.* Hinc speciali concessione opus est, ut legati exerceant, quae officio legationis non continentur.

§. X. Fastus omnis abesse debet a legatis sedis apostolicae: repraesentant enim eum, qui eo ipso quò eminet super omnes episcopos, fieri debet sicut minor. Verum mediis saeculis tanto fastu, comitatu & equitatu legati prouincias circumuiere, ut fidem omnem superet. Ipsi reges legatis obuiam ibant, loco cedebant, in illorum praesentia stabant, eosque comitabantur. Quin, etiam legatis exemplo episcoporum ecclesias suas visitantium decretae procurationes: quod institutum Dei vexauit ecclesiam: etenim mali legatorum mores procurationes verterunt in improbas rapinas. Certe ait Ioannes Saresburiensis *lib. V. de nugis curial. cap. 16.*, legatos interdum in prouinciis ita debacchari, ac si ad ecclesiam flagellandam egressus sit satan a facie domini. Hinc exciti principes statuerunt, ut ipsis non petentibus, aut saltem non consentientibus legati in sibi subiectas prouincias non intrarent.

§. XI. Dum legati Roma missi prouinciis procuratorum copia graues erant, permultae legationes hereditariae fuerunt institutae, in primis vero legatio hereditaria Regum Sicularum, qui legati perpetui sedis apostolicae, & quidem summa aucti potestate, creati sunt. Saracenis per Nortmannos Sicilia expulsis, aegre tulerunt Siculi, & multo magis Rogerius Calabriae & Siciliae comes, episcopo Traynensi ad vitam in eius insulae ecclesias legationem pontificiam fuisse demandatam. Ergo Urbanus II. Rogerium eiusque heredes sedis apostolicae vicarios perpetuos constituit (d). Ita Siculi Reges miro exemplo legati nati

(d) Legatio pontificia Regum Sicularum initio videtur spectasse

nati sedis apostolicae euaserunt, auctique sunt spiritali potestate in Siciliam vniuersam, idque Siculi *Monarchiam* vocant. Labentibus annis inuisa semper fuit pontificibus praerogatiua ista Regum Siculorum (e); sed magnis animis semper Reges resistere, excitosque toties motus Benedictus XIII. edita tandem bulla, quae vim concordiae habet, perpetuum videtur composuisse.

§. XII. Iam immensa legatorum potestas sensim decreuit, eoque redactae sunt legationes, vt ecclesiarum pacem non perturbent. Sane statuerunt Tridentini patres *ses. XXIV. de ref. cap. 20.*, vt legati etiam a latere episcoporum iurisdictionem non impendant. Item receptis moribus legati procurationes ab ecclesijs non exigunt. Et legati, qui cum potestate *quasi legati* a latere resident apud principes, non omnes praerogatiuas possunt explicare ob limitationes publica auctoritate mandatis adiici solitas. Neapoli residens nuntius apostolicus apocrisarii speciem apud Regem sustinet, colligit redditus camerae apostolicae, & ex delegatione de redditibus camerae, itemque de iis, qui ab episcoporum iurisdictione subtracti sunt, ius dicit.

CA-

etasse ecclesias omnes, quae in ditione comitis Rogerii positae erant. Rogerium enim eiusque heredes Vrbanus II. legatos constituit in locis eorum imperio subiectis, *in terra potestatis vestrae*: & tum praeter Siciliam aliae etiam regiones in Calabria Rogerio suberant. Sed deinceps sub Gulielmo I. Rege ad solam Siciliam regia legatio restricta est: qua *de in commen. de iure canon. par. I. cap. 3. §. 1.* fusius egimus.

(e) Magno argumentorum apparatu cardinalis Baronius *tom. XI. annalium* legationem Regum Siculorum impugnauit, bullamque Urbani II. velut supposititiam, saltem interpolatam, traduxit. Hinc tomus iste annalium a Philippo III. graui edito proscriptus est. Et nostro hoc saeculo Dupinus scripto peculiari opere omnia Baronii argumenta profigauit.

C A P V T XIV.

De coadiutoribus.

§. I. **S**enio aut mala valetudine confectos episcopos aliosque ecclesiae ministros gradu abicere suo, ipsisque viventibus alium constituere pastorem, inhumanum, immo iniustum visum est, *can. 1. & 3. C.7. q.1.* Ergo inde usque a primis saeculis instituti sunt coadiutores, qui impotentium antistitum vicem sustinerent, & eorum loco ecclesias administrarent. Sunt coadiutores duplicis generis, alii enim dari consueverunt ad tempus, scilicet quousque impotens praelatus viuit, alii vero perpetui, qui mortuo antistiti etiam succedunt. Datur vero successio coadiutoribus vel sola electione & designatione, ita vt ordinatio post impotentis episcopi mortem celebretur; vel ab initio etiam episcopus consecratur: quo casu duo in eadem ecclesia sunt episcopi.

§. II. Coadiutores etiam perpetui & qui mortuis episcopis succederent, in veteri disciplina frequentes fuerunt: nec vmquam stantibus veteribus moribus cogitatum est, eiusmodi coadiutores impotentis episcopi mortem desiderare. Tantum aliquibus minus placuerunt hereditarii successores, qui simul episcopi consecrabantur, quod ea ratione contra canones duo in vnam ecclesiam episcopi inferrentur (a). Sed lapsu temporis mutatis moribus omnes here-

(a) Certe toto vitae suae tempore anxius vixit Augustinus, quod nescius canonis Nicaeni Valerio Hipponensi episcopo iam seni datus esset hereditarius coadiutor, eoque viuente etiam ordinatus esset, teste Possidio *vit. August. cap. VIII.* Hinc Eradium, quem ecclesia consentiente sibi delegerat successorem, ordinare noluit. *Quod reprehensum est in me*, inquit idem Augustinus *ep. CX.*, *nolo reprehendi in filio meo. Erit presbyter, ut est; quando Deus voluerit, futurus episcopus.* Mirum inter-

hereditarii successores minus placuerunt, tum ob captandae alienae mortis votum, tum etiam quod viam ad hereditarias successiones in ecclesiis aperirent. Et profecto Tridentini patres *ses. XXV. de res. cap. 7.* coadiutores hereditarios in omnibus beneficiis reprobauerunt, tantumque episcopis & abbatibus in necessitate aut vtilitate ecclesiae a Romano pontifice causa cognita dari permiserunt.

§. III. Iam coadiutores cum spe successionis constitutio iudicio episcopi, qui ea ope indigebat, & auctoritate synodi prouincialis, plebe etiam consentiente fiebat, prorsus eodem modo, quo episcopi eligebantur. Sed iure novo in ecclesia Latina coadiutoris cuiuscumque generis constitutio inter causas maiores relata est, atque ideo solius summi pontificis auctoritate fieri debet, nisi ecclesiae sint remotiores, quo casu auctoritate apostolica ipse episcopus cum adsensu capituli vnum vel plures sibi adiciat coadiutores, vel si episcopus non possit, fortasse quod demens sit, duae capituli partes coadiutorem constituunt: & si episcopus nolit habere coadiutorem, apostolicis rescriptis ecclesiae prouidendum est, *cap. 5. ex. de clerico aegrotante, cap. vn. eod. in 6.* Parochis vero imperitis ad tempus ab episcopo dantur coadiutores. Trident. *ses. XXI. de res. cap. 6.* Constitutus coadiutor ex redditibus ecclesiae, cui inseruit, alendus est; at non potest eiusdem bona alienare, *cit. cap. vn.*

CA-

rim videri posset, quod Augustinus, quin & ipse senex Valerius, in exiguo tum canonum numero canonem Nicaenum ignorarent. Sed non omnes episcopi exemplaria concilii Nicaeni habebant, nec in Africa tum villae erant canonum collectiones.

C A P V T XV.

De Chorepiscopis.

§. I. **P**roximum sub episcopis gradum olim obtinuerunt *chorepiscopi*, hoc est regionum & pagorum in territorio ciuitatum constitutorum episcopi, seu inspectores & rectores: *χωρεπίσκοποι* enim, vnde dicti sunt, regionem significat. Nimirum vbi in pagis & vicis larga facta est ad Christum accessio, ibidemque constitutae & multiplicatae ecclesiae, e re christiana visum est, amplas parochias in minores regiones partiri, eorumque curam demandari chorepiscopis, qui sub episcopo ciuitatis sibi commissam regionem administrarent. Frequentes erant quarto ineunte saeculo in Oriente chorepiscopi; at in Occidente tardius innotuerunt, eorum enim primum meminit synodus Regiensis in Gallia anno ccccxxxı. celebrata (a). Chorepiscopi vero non veri episcopi videntur fuisse, sed potius presbyteri, qui officio regendi ruris regiones augerantur (b).

§ II.

(a) Et sane fictitia est decretalis sub nomine Damasi papae de chorepiscopis ad Africanos: quod vsus chorepiscoporum in Africa non receptus euidenter demonstrat. Thomass. *de vet. & noua eccles. discipl. par. 1. lib. 2. cap. 1.*

(b) Non conuenit inter doctos, vtrum chorepiscopi fuerint meri presbyteri officio chorepiscopi aucti, an potius veri episcopi. Ant. Augustinus, Petrus de Marca, Thomassinus alii que eos ex ordine presbyterorum fuisse contendunt. Contra Beueregius, Blondellus, Caueus, Binghamus alii que chorepiscopos veri nominis episcopos faciunt, licet aliquae episcopales functiones iis per canones interdicerentur. Sed probabilius videtur, chorepiscopos fuisse sacerdotes secundi ordinis, qui officio regendi ruris regiones supra reliquos presbyteros crescebant. Et quidem chorepiscopi a solo episcopo, cui subiecti erant, constituebantur;

§. II. Horum vero chorepiscoporum officium erat, sibi commissae regionis spiritualem curam habere, clericis ibi existentibus praeesse, in ipsorum vitae rationem inquirere, & de ea re ad ciuitatis episcopum referre. Aucti quoque erant quibusdam iuribus & priuilegiis, quae ceteris presbyteris ecclesiarum rectoribus denegabantur. Et quidem in suis ecclesiis de presbyterorum & diaconorum suorum testimonio minores clericos ordinabant. Conc. Antioch. *can. X.* Item in ciuitate coram episcopo & presbyteris vrbani inuitati sacra mysteria celebrabant, conc. Neocaes. *can. XIII.*, quod aliis ruralibus presbyteris denegabatur. Neophytis quoque seu recens baptizatis manus in confirmationem imponebant. Sedebant in conciliis generalibus & suffragia ferebant. Conc. Nicaen. *in subscript.* Et dabant litteras pacificas. Conc. Antioch. *can. VIII.* Haec omnia pro iure suo chorepiscopi faciebant, nisi synodorum aut episcoporum, sub quibus ministrabant, auctoritate eorum potestas limitaretur. Certe vero chorepiscopi diaconos & presbyteros non ordinabant (c), licet ex epi-

conc. Antioch. *can. X.*, contra episcopi a tribus ferme episcopis debebant consecrari. Deinde chorepiscopi in regionibus parociarum, quae suos habebant episcopos, constituebantur: veteres vero canones in vna ciuitate duos esse episcopos vetant, haec ut Nicaeni patres *can. VIII.* iusserint, episcopos Nouatianos ad fidem reuersos pro arbitrio catholici episcopi vel esse chorepiscopos, vel presbyteros, *ne in una ciuitate duo episcopi probentur existere.*

(c) Antiqui canones chorepiscopis presbyteros & diaconos consecrandi potestatem ex consensu episcopi tribuere videntur. Sane synodus Ancyra *can. XIII.* habet, non licere chorepiscopis presbyteros & diaconos creare, nisi eis permittatur ab episcopo per litteras. Et synodus Antiochena *can. X.* vetat, chorepiscopos presbyteris & diaconis manus imponere *διὰ τοῦ ἐν τῇ πόλει ἐπισκοπῶν σὺν τῇ ciuitatis episcopo*, seu vt vertit Dionysius Exiguus, *praeter ciuitatis episcopum.* Itaque ex concessione episcopi ciuitatis licebat chorepiscopis presbyteros & diaconos creare.

Verum canon Ancyranus antiqua laborat corruptione, eiusque vera sententia haec fuisse videtur: chorepiscopis non licere

episcopis creati essent. Conc. Antioch. *can. X. (d)*.

§. III Quamvis autem chorepiscopi presbyteros & diaconos iure creare vetarentur; tamen in Occidente & praesertim in Gallia omnia episcopalia officia attentarunt: quae potestatis extensio tandem eos perdidit in Occidente. Sane ubi ea de re consultus Leo III. respondit, nullum esse & iterandum quidquid episcopalis ministerii chorepiscopi praesumissent, ipsosque deponendos & pellendos in exilium; statuerunt Gallicani episcopi, deinceps non creati chorepiscopos, & iterari functiones episcopales ab iisdem explicatas, ut habetur in capitularibus *lib. VII. cap. 328. & seq.* Sed tam graui sollemnique decreto non obstante retenti chorepiscopi ignauia episcoporum, qui otio & genio indulgentes, in eos sarcinam episcopalem reiciebant, quod Hincmarus Remensis *ep. XLV.* testatur. Quod vero principes occasione chorepiscoporum, quos modica conductos stipe vacantibus ecclesiis praeficiebant, a concedendis electionibus cessarent, teste Flodoardo *lib. III. hist. Rhemens. cap. 10.*, bonam mentem induerunt episcopi, & veluti ex pacto a creandis chorepiscopis cessarunt. Ita saeculo ferme decimo in Occidente nulli erant chorepiscopi; sed in Oriente diutius steterunt, aetate vero Balsamonis omnino desierant.

G 4

CA-

cere presbyteros & diaconos ordinare, sed nec presbyteris ciuitatis aliquid agere sine episcopi concessione in vnaquaque paroecia: quod liquidis argumentis Petrus de Marca *de C. S. & l. lib. II. cap. 14.* probatum dedit. Et ita restitutus canon nihil habet; unde constat, chorepiscopis licuisse presbyteros & diaconos consecrare. Porro verba illa canonis Antiocheni *praeter ciuitatis episcopum* non ita sunt accipienda, quasi permittente episcopo liceat chorepiscopis presbyteros & diaconos ordinare, sed ne id possint sine episcopo, cui ordinanti adsint & operam praestent, ut recte Balsamon interpretatur. Et procul dubio a sensu canonis aberrat vetus Latinus interpres, qui ita habet: *praeter conscientiam episcopi ciuitatis*.

(d) Scilicet quamvis chorepiscopi secundi ordinis sacerdotes fuerint; tamen aliquando episcopi, qui vacabant, ad chorepiscopos ablegati sunt. Conc. Nicaen. *can. VIII.* Quo casu sacerdotii plenitudo quiescebat, tantumque chorepiscopalis vigebat potestas. V. Petr. de Marca *de C. S. & l. lib. II. cap. 13.*

C A P V T XVI.

De praelatis inferioribus.

§. I. **M**Edii inter episcopos & presbyteros in noua disciplina habentur *praelati inferiores*, antistites nempe, qui ordinis episcopalis expertes, quasi episcopalem iurisdictionem in sibi subiectas ecclesias & personas exercent. Eorum tres species distingui solent. Alii habent propriam quasi dioecesim ab omni alia dioecesi prorsus separatam, in qua quasi episcopalem exercerent iurisdictionem. Alii praesunt clero & populo alicuius regionis, quae etsi subtrahitur ab episcopi potestate, tamen in illius dioecesi, a qua vndique circumscribitur, locata est: atque ideo ecclesia ista *in dioecesi*, non vero *de dioecesi* esse dicitur. Et demum alii ab episcopi potestate subtrahuntur certis personis intra septa alicuius ecclesiae aut monasterii seu conuentus existentibus praesunt, quales sunt superiores regulares, & nonnulli praelati saeculares, qui monachis aut clericis alicuius ecclesiae praesunt. V. Card. Petra *ad const. IV. Callisti III. sect. 1. tom. 5. & Benedicti. xiv. de synodo dioecesi. lib. II. cap. 11.*

§. II. Cuiuscumque generis sint praelati inferiores, omnes iure proprio habent iurisdictionem. Ceteris vero praestant, qui separatam quasi dioecesim habent, (*dioecesis* proprie est episcoporum) & vere *praelati nullius* dicuntur, & inter locorum ordinarios censentur, utpote qui nec in aliqua dioecesi, nec de dioecesi esse putantur. Et sane in noua disciplina *ordinarii* nomine tam episcopi, quam praelati nullius intelliguntur, *cap. 3. de officio ordin. in 6.*, quum contra *episcopi* nomine tantum veniant antistites, qui episcopali ordine aucti sunt. Hoc discrimine vsa videtur synodus Tridentina, quae dum aliquid episcopis & praelatis nullius commune esse voluit, *ordinarios locorum* generatim appellat; vbi vero praelatos inferiores exclusos voluit, *episcopi* nomen usurpat. Sed praelati

lati secundae speciei minus proprie dicuntur *nullius*, utpote qui ecclesiam in alicuius episcopi dioecesi habent.

§. III. Praelati inferiores summorum pontificum privilegiis & praescriptione immemorabili, aut centenaria legitima probata constituti sunt lapsa demum ecclesiastica disciplina, nempe postquam episcopalis confirmatio veluti actus ab ordinatione distinctus habita est. Tum absonum non amplius visum, episcopali iurisdictione etiam non episcopos augeri. Et quoniam monasteria & ecclesias, immo integras regiones cum suis populis ab episcoporum potestate saepe pontifices eximebant, res ipsa veluti postulavit excitari praelatos inferiores, qui ab episcoporum potestate subtraherentur in personas & loca exempta exercerent iurisdictionem. Ceterum hac noua praelatorum institutione potestas episcopalis multum eneruata est, occasiones litium inductae, & res canonica intricatior & auctior facta est.

§. IV. Sunt vero praelati inferiores alii monachi & regulares, alii clerici nulla regularis vitae professione adstricti. Item ex praelatis inferioribus alii usu pontificalium aucti sunt, quibus externo cultu exemplar quoddam episcoporum exhibent: contra alii, tanto honore carent. Vile visum praelatis quasi episcopalem iurisdictionem iure proprio exercere, & interim episcopalibus insignibus & vestibus omnino carere. Hinc multi speciali privilegio ornamenta episcopalis dignitatis a summo pontifice impetrarunt. Qua quidem in re praelati, praesertim ex monachis adsumti, videntur contra propriam professionem peccasse: in monachis enim pontificales vestes ambitionem & adrogantiam sapiunt: quod S. Bernardus *epist. XLII.* agnoscit. Utuntur vero praelati inferiores concessis pontificalibus ex privilegii forma & adhibitis limitationibus, quas sacra ritum Congregatio probante Alexandro VII. adiecit. Et ut episcoporum salua semper sit praerogatiua, praelati inferiores in conciliis diuersa ab episcopis mitra utuntur, *cap. 6. de priuil. in 6.*

§. V. Ut vero quae sit inferiorum praelatorum potestas distinctius intelligatur, ea quae ordini episcopali insunt, ab iis, quae iurisdictioni adscribi solent, distinguenda sunt. Et quidem in compertis est, praelatis infe-

rie-

rioribus omnino denegari functiones, quae ab ordine episcopali pendent, qualis est ordinum maiorum collatio. Verum iisdem ex priuilegio licet exercere aliquas functiones episcopis addictas & reseruatas. Et sane abbates vsu pontificalium aucti ex priuilegio in ecclesiis, quas *pleno iure*, hoc est in spiritualibus & temporalibus regunt, post missarum sollemnia & vespertinas & matutinas laudes sollemniter populo benedicunt, *cap. 3. de priuil. in 6.*, item consecrant vasa ad vsum eucharisticum, immo & altaria, & nonnulli etiam sui ordinis ecclesias. Abbates quoque regulares, qui in sacerdotio sunt, & sollemnem abbatis consecrationem acceperunt, suis subditis regularibus pro iure suo primam tonsuram & minores ordines conferunt, *can. 1. D. 69., cap. 11. ex. de aetate & qualitate ordinand.*, Trident. *ses. XXIII. de ref. cap. 10: (a)*, reliqui vero expresso priuilegio indigent.

§. VI. Quod vero spectat ad iurisdictionem quasi episcopalem, multa sunt, quae praelati inferiores etiam vere nullius vetantur exercere, etsi alias iurisdictioni insint. Et in primis vetantur indicere & habere synodum dioecesanam, nisi expresso pontificis priuilegio ad eum conuentum celebrandum augeantur, & priuilegium in vsum deductum sit: itemque vetantur seligere examinatores ad conferendas per sollemne examen ecclesias paroeciales. V. Benedict. *xiv. de synodo dioecef. lib. II. cap. 11.* Atque hinc parochias in quasi dioecesi nullius separata episcopus vicinior, in ecclesia vero exempta, sed in dioecesi existente, episcopus dioecesanus ex forma a Tridentino concilio pro-

(a) In veteri disciplina ignota erat abbatum sollemnis consecratio, & quilibet abbas presbyteratu initiatus *εν ιδιῳ μοναστηριῳ in proprio monasterio*, hoc est sibi subditos monachos lectores creabat. Conc. Nicaen. *11. can. XIV.* At ubi inualuit, vt abbates sollemni ratione consecrarentur, receptum est, vt illi tum possent tonsuram & minores ordines conferre, si post susceptum sacerdotium sollemniter in abbates essent benedicti. Hinc Gratianus citatum synodi Nicaenae canonem in eum sensum traxit, vt abbati post acceptam consecrationem liceret lectores creare.

proposita confert, & simul oeconomos, quousque vacaverint, designat. Nec ea iure exercent, quae canones novae disciplinae & praesertim Tridentini episcopis adducunt. (b). Et porro verantur dare litteras dimissorias ad ordines suscipiendos clericis saecularibus sibi subditis; sed horum omnium ordinationes vel ad episcopum viciniorem, si praelati quasi dioecesim ab omni alia dioecesi separatam habeant, aut ad episcopum dioecesanum, si ecclesia praelati in dioecesi alicuius episcopi existat, pertinent. Trident. *ses. XXIII. de ref. cap. 10.*, Benedict. xiv. *loc. cit.*

C A P V T . XVII.

De presbyteris, archipresbyteris & parochis.

§. I. **Q**ui a Graecis *presbyteri*, a Latinis *seniores* vocantur, magis sapientiae & meritorum, quam aetatis gratia, non secus ac olim Romani *senatores* dixerunt. Ita generali *presbyteri* notione episcopi, quin & reliqui clerici veniunt. Sed in re praesenti strictius *presbyteri* accipiuntur pro secundi ordinis sacerdotibus, quibus sub episcopo ius est ferme omnia ecclesiastica obire ministeria, praeter sacram ordinationem. Et quidem *presbyteri* praedicant, baptizant, praesunt, benedicunt, offerunt, & a peccatis absoluunt.

§. II. Quaecunque vero sit *presbyterorum* potestas, ab episcopo in omnibus officiis dependet, & nisi de eius venia

(b) Eiusmodi sunt causae criminales & matrimoniales, Trident. *ses. XXIV. de ref. cap. 20.*, & monitoria excommunicationis ad res subtractas perditasque reuelandas, Trident. *cap. 3.* Sed usu haec inualuit sententia, quam congregatio interpretando Tridentino addicta probavit, ut primores praelati instar episcoporum de criminibus cognoscant & iudicent, non item de matrimoniis, nisi praeuia in singulis causis summi pontificis delegatione. Card. Petra *ad const. IV. Callisti III. sect. 2. n. 49.*

venia acceptam in ordinatione potestatem explicare vetantur. *Sine episcopo*, inquit Ignatius Martyr. *ep. ad Smyrnaeos*, nemo quidquam faciat eorum, quae ad ecclesiam pertinent. Idem habent apostolici sic dicti canones, Laodicensi, Arelatenses, Toletani alique, quorum omnium vna sententia est, sine episcopi conscientia nihil quidquam presbyteris agere licere. Sane in vna ecclesia tot emergerent independentes plebes, quot essent presbyteri, si isti ab episcopo non penderent.

§. III. Sed in eo magis elucet potestas presbyterorum, quod melioribus saeculis sine eorum consilio nihil magni momenti episcopi faciebant. Nimirum singulae episcopales ecclesiae senatum habebant, qui alias *presbyterium* & *synedrium* dicebatur, & ex episcopo, presbyteris & diaconis urbis constabat. In presbyterio negotia omnia ecclesiastica tractabantur, & hinc presbyteri *praepositi*, *praesides* & *antistites* in antiquis monumentis dicti. Bingham. *lib. II. orig. eccles. cap. 19. §. 14.* Dum cogebatur presbyterium, presbyteri & episcopus sedebant, diaconi stabant; sed episcopi sedes erat sublimior prae sedibus presbyterorum: & hinc sedes episcopi *thronus celsus*, & sedes presbyterorum *throni secundi* dicebantur. Item sedes istae semicirculum conficiebant, in cuius medio erat episcopi thronus (a). Sed temporis lapsu auctoritas presbyterii in capitulum canonicorum ecclesiae cathedralis transiit, sensimque ita decreuit, ut eius pauca supersint vestigia, qua de re in tractatu de canonicis.

§. IV. Ex presbyteris creantur *parochi*, qui iure proprio, sed sub episcopi auctoritate regunt sibi demandatas ecclesias. Vbi in agris & inde in ciuitatibus institutae sunt inferiores ecclesiae, quae ecclesiam episcopalem veluti matrem agnoscunt, earum cura propriis presbyteris perpetuo demandata est: & hinc exortae parochiae, quae sunt

(a) Ex forma ista semicirculi, qua throni erant digesti, Ignatius Martyr *epist. ad Magnesian.* presbyteros *πνευματικὴν σέφρον του πρεσβυτερίου* spirituales coronam presbyterii, & auctor constitutionum apostolicarum *lib. II. cap. 28. της εκκλησιας σερατος ecclesiae coronam* dixerunt.

sunt veluti sacrae quaedam viciniae, & parochi constituti, qui iure officii sui, sed dependenter ab episcopo animarum curam habent (b). In antiquis Latinis monumentis paroeciae saepe dicuntur *tituli*, forte quod inde nomen titulumque suum presbyteri sumerent, aut a titulis martyrum, quibus ecclesiae dedicari solebant.

§. V. Quando autem parochis perpetuo iure competit inferiorum ecclesiarum administratio, eorum profecto est, *onus suas agnoscere, pro his sacrificium offerre, verbi divini praedicatione, sacramentorum administratione, & bonorum omnium operum exemplo pascere*, ut habent Tridentini patres *ses. XXIII. de ref. cap.1.*: idque per se, aut alios idoneos, *si legitime impediti fuerint*. Trident., *ses.V. de ref. cap.2.* Vicissim tenentur parochiani sacramenta a suo proprio parochio accipere, eique in cultu Dei publico adhaerere, adeo ut iubeantur parochi alienos parochianos, nisi in itinere fuerint, a praesepibus suis, quo tempore missa celebratur, excludere, *cap.2. ex. de parochiis*. Ecclesia nempe pastori suo debet adhaerere: nec nisi post inductos mendicantes sancta haec inter parochos & parochianos unitas dissociata est.

§. VI. Ex presbyteris quoque creatur archipresbyter, presbyter scilicet, qui ceteris sui ordinis praeest. Tribus primis saeculis vnus episcopus ecclesiae & presbyteris tamquam presbyteri princeps praefectus erat; verum saeculo quarto ob continua cum haereticis certamina & conciliorum celebrationem distractis a cura interiori, aut absentibus episcopis, vnus ex presbyteris veluti ordinis princeps constitutus est, quē proinde Latini *archipresbyterum*, Graeci *πρωτοπρεσβυτερον* *primum presbyterum* dicunt. Apud Latinos antiquitate ordinationis, apud Graecos vero

(b) Saeculo tertio parochiae rurales in aliquibus locis erant constitutae. Bingham. *orig. eccles. lib.IX. cap.8. §.4.* Distabat vero inter rurales & urbanas ecclesias inferiores; nam illae ab initio proprios presbyteros, qui eas regerent, habuerunt; istae diu in commune a clericis ecclesiae episcopalis administratae sunt, quod contra Petauium probat Valesius *not. in Sozomen. lib.1. cap.15.*

ro episcopi arbitrio vt plurimum archipresbyteri creati sunt. Proxime post episcopum archipresbyter ecclesiae praest, tamquam presbyterorum caput, & absentis episcopi vicem sustinet, *cap. 1. & seqq. ex. de officio archipresbyteri*, praesentis vero curam leuat.

§. VII. Vnus tantum in singulis dioecesebus olim archipresbyter fuit, qui ecclesiae cathedrali addictus erat. At temporis lapsu etiam ruri constituti sunt archipresbyteri, qui ad differentiam vrbano-*rurales* dicti sunt. Nimirum amplae praesertim dioeceses in varias regiones tributae sunt, quae *decaniae*, (quod in iis decem inferiores paroeciae continebantur) & *plebes* audierunt: quae partitiones saeculo octauo in multis locis inualuerant. Singulis decaniis *archipresbyter*, alias *plebanus* dictus, praefectus est: ac proinde archipresbyteri ruralis erat non solum imperiti vulgi sollicitudinem gerere, verum etiam presbyterorum, qui *minores titulos*, hoc est paroecias, habitant, vitam iugi circumspectione custodire, & quae quisque cura diuina officia exercet, episcopo renunciare, *cap. 4. ex. de off. archipresbyteri*.

C A P V T XVIII.

De diaconis, archidiaconis & diaconissis.

§. I. **N**omine *diaconi* in nouo testamento generatim veniunt omnes sacro ministerio addicti, quo sensu etiam episcopi & presbyteri diaconi audiunt, *Actor. I. 25., 2. Cor. VI. 4.* At nunc strictiore sensu diaconi sunt tertii ordinis sacerdotes, qui episcopo & presbyteris ministrant. Diaconorum institutioni mensarum seruitium dedit occasionem; sed eos semel institutos ad ecclesiae ministeria ipsi apostoli adhibuerunt (a). Immo aucto in diem fide-

(a) Instituto apostolorum septem diaconi creati sunt, quem numerum plures ecclesiae, in primis Romana, diu retinuerunt.
Et

fidelium numero ita diaconorum officia excreuerunt, vt sine iis, teste Iſidoro *lib. II. de diuin. offic. cap. 8.*, sacerdotes nomen quidem habeant, non officium.

§. II. Officia diaconorum plura erant, eaque partim in ecclesia, partim extra explicabant: non minus enim in ſpiritualibus, quam in temporalibus eccleſiae miniſtrabant. In eccleſia oblationes ad altare factas recipiebant, offerentiumque nomina publice recitabant, Hieronym. *comment. in Ezechiel. cap. XVIII.*, quae recitatio *nominum oblatio* dicebatur. Card. Bona *lib. II. rer. liturg. cap. 8. n. 7.* Item in multis eccleſiis euangelium legebant, & certis ſollemnibus formulis in qualibet diuini cultus parte proclamabant, catechumenos, poenitentes, fideles ſive ad orandum, ſive ad genua ſtlectenda, ſive ad audiendas lectiones, ſive ad exeundum admonentes: & hinc diaconi *eccleſiae praeco*nes dicti ſunt. Porro de epiſcopi vehia baptizabant, Tertull. *de bapt. cap. XVII.*, & praedicabant, eoſque, qui minus ordinate in eccleſia ſe gerebant, reprehendebant & caſtigabant, *conſt. apoſt. lib. II. cap. 57.*, Chryſoſt. *hom. XXIV. in acta.*

§. III. Quod vero eſt praecipuum diaconorum officium, epiſcopo & preſbyteris in ſacra liturgia miniſtrant, vbi ſanguinem Chriſti laicis tribuebant; corpus vero praefente preſbytero tantum iuſſi & neceſſitate cogente erogabant. Conc. Carthag. *iv. can. XXXVIII.* Haec euchariftiae diſtributio apud veteres dici ſolet *oblatio*; quaſi eam diaconi chriſtianis porrigerent & offerrent. *Sollemnibus adimpletis*, inquit Cyprianus *de lapſis*, *calicem diaconus offerre praefentibus coepit.* Ex qua obleruatione recte explicatur canon ſecundus Ancyranus, quo diaconi, qui immolauerant, prohibentur offerre. Nec enim recte Grotius *diſſ. de adminiſtr. ſacrae coenae vbi preſbyteri non ſunt*, nomine *oblationis* in canone Ancyrano intelligit conſecrationem, quaſi diaconis abſentibus preſby-

Et ſynodus Neocaefarienſis *can. XV.* ſtatuit, diaconos ſeptem eſſe oportere, etiamſi magna ciuitas ſit. Sed apud alios, inquit Sozomenus *lib. VII. cap. 19.*, *haudquaquam definitus eſt numerus diaconorum.*

presbyteris corpus & sanguinem Christi consecrare liceat. Vniuersa enim antiquitas diaconis denegat consecrandi potestatem (b).

§. IV. Extra ecclesiam diaconi iussu episcopi bona ecclesiastica tribuebant, erantque episcoporum subelemosynarii, inquirebantque in pauperum egestates, & episcopo referebant, & acceptas elemosynas illis erogabant. Item inquirebant in populi mores, indicabantque episcopo mala, quibus ipsi mideri non poterant. *Const. apost. lib. II. cap. 44.* Mandata episcoporum ad presbyteros vel alios episcopos deferrebant; suos episcopos comitabantur praesertim in synodis generalibus, vbi scribas & disputatores agebant. Atque ex his omnibus factum, vt diaconi oculi, aures, os, dextra & cor episcopi dicerentur. *Const. apost. loc. cit.*, Isidor. *Pelusiota lib. I. ep. 29.* Sed moribus praesentibus longo saeculorum cursu firmatis collapsa sunt diaconorum officia, & ferme tantum in sollemni missa ministrant, vbi canunt euangelium.

§. V. Inter diaconos vnus fuit reliquis superior, dictus propterea *archidiaconus*. Quando enim in vna ecclesia plures erant diaconi, recta regiminis ratio postulauit, vt vnus arbitrio episcopi electus, reliquis praeponeretur.

Tho-

(b) Exstat apud Ambrosium *lib. I. de offic. cap. 41.* locus quidam, vnde colligi videtur, diaconos in ecclesia Romana sacra mysteria consecrasse. Ibi enim Laurentius diaconus ita Sixtum episcopum suum ad martyrium properantem adloquitur: *Quo sancte sacerdos sine diacono properas? Numquam sacrificium sine ministro offerre consueueras. Quid in me ergo displicuit pater? Cui commisisti dominici sanguinis consecrationem.* Sed sanguinis consecratio in hoc loco est sanguinis distributio, quod ex ipso contextu constat, vt iam vidit cardinalis Bona *lib. I. rer. liturgic. cap. 25.* Cui interpretationi liceat mihi addere, verba sanguinis consecrationem ex vsu Latinorum recte exponi sanguinem consecratum. Saepe enim apud Latinos nomine substantiua vim habent adiectiuorum. Et certe *colli longitudo ap. Phaedrum lib. I. fab. 8.* est collum longum, item iurisperitis in definitione thesauri *depositio pecuniae* est pecunia deposita: & quae sexcenta sunt huius generis alia.

Thomass. *de veteri & noua eccles. discipl. par. I. lib. 2. cap. 17.* Episcopi ministerio archidiaconi negotia ferme omnia explicabant: & hinc quum diaconi episcopi oculi essent, archidiaconus οὐκ οφθαλμος, totus oculus esse debebat, vt Isidorus Pelusiota *lib. I. ep. 29.* obseruat. Quo fiebat, vt archidiaconi magnae essent auctoritatis & industrii ad negotia ecclesiastica procuranda: & hinc posthabitis presbyteris saepe episcopi ex illis electi sunt, cuius rei exempla Caecilianus, Athanasius alique plures suppeditant.

§. VI. Tanta archidiaconi potestas primis quinque saeculis ecclesiae cathedralis ambitu inclusa stetit. Bingham. *lib. II. orig. eccles. cap. 21. §. 9.* At inde distractiores a rebus sacris episcopi facti, totius ferme dioecesis sollicitudinem archidiaconis coeperunt demandare. Hinc facti sunt archidiaconi vicarii quidam generales in depromenda omni episcopali iurisdictione. Competebat autem archidiacono potestas haec episcopi delegatione, at temporis decursu creuit in ordinariam, idque assiduis delegationibus & episcoporum oscitantia videtur contigisse. Ita inualuit, vt a sententiis archidiaconi non metropolitanus, sed episcopus appellaretur, quasi archidiaconi & episcopi audientiae distinctae essent, *cap. 3. de appellationibus in 6.* Sed tandem saeculo decimo tertio insolentia & auaritia archidiaconorum exciti episcopi paulatim iurisdictionem reuocarunt suam, & nouos ad eam explicandam constituerunt officiales, quos pro arbitrio repellerent. Ita sensim decreuit archidiaconorum ordinaria iurisdictione: & in locis, in quibus supererat, ex decretis Tridentinis *ses. XXIV. de res. cap. 20.* illi vetiti sunt in causis matrimonialibus & criminalibus cognoscere: quo decreto & beneficiariae & maiores omnes causas contineri tradunt canonistae. Barbosa *collect. VI.*

§. VII. Quanta demum cumque fuit archidiaconi potestas, per plura saecula in presbyteros, multo magis in archipresbyterum non extendebatur. Certe praeposterum visum est, non presbyterum presbyteris praeesse, & de iis iudicare. Sed tempore addito in ipsos presbyteros & archipresbyteros rebus spiritualibus tantum intentos archidiaconi potestas extensa est: quae disciplina decreto Gra-

Part I.

H

tiani

tiani & decretalibus Gregorii ix. publicatis conualuit (c).

§. VIII. Iam archidiaconi erant ex diaconorum ordine, & si presbyteri ordinabantur, quaesita cadebant potestate. Hinc iniuriam sibi fieri putabant, si presbyteri crearentur, quod Hieronymus *comment. in Ezechiel. cap. XLVIII.* testatur. Sed deinceps officio & potestate archidiaconi retentis, archidiaconi presbyteratu initiati sunt, occurruntque saeculo nono apud Hincmarum Rhemensem *archidiaconi presbyteri*. Vbi coeperunt archidiaconi etiam presbyteris praeesse, indignum fortasse visum est, non presbyterum presbyteris superiorem esse. Et ab hoc demum tempore archidiaconis cura animarum interna ad di potuit.

§. IX. Praeter diaconos fuerunt olim in ecclesia etiam diaconissae, piae nempe vetulae sollemni ritu inter clericos cooptatae (d), vt ea explicarent officia, quae magis

(c) Gratianus *can. 1. D. 25.* ex epistola Isidori ad Ludifredum & Raymundus *cap. 1. ex. de off. archidiaconi* ex concilio Toletano exhibent fragmentum, quo dicitur, archipresbyterum archidiacono esse subiectum. Est quidem hoc fragmentum supposititium; abest enim ab Isidori epistola, vnde acceptum refertur, nec in vilo conciliorum Toletanorum exstat: at saeculo decimo secundo & sequenti huius fragmenti auctoritate potestas archidiaconi supra presbyteros confirmata est.

(d) Sollemnis ritus, quo consecrabantur diaconissae, erat manuum impositio, *const. apostol. lib. VIII. cap. 19.*, conc. Chalced. *can. XV.*, conc. Trull. *can. XIV.* Hinc earum ordinatio saepe dicta est *χρηστια* & *χρηστια* manuum impositio. Et si in canone Nicaeno xix. dicatur, diaconissas nullam accepisse manuum impositionem, id tantum de iis diaconissis dictum videtur, quae habitum sine vlla manuum impositione inter Paulianistas receperant, & inde in ecclesiam catholicam redierant. Verum ea manuum impositio non erat sacramentalis, quae aliquem sacerdotii gradum conferret, sed pia caerimonia, qua mulieres illae cerro muneri in ecclesia obeundo addicebantur. Incapaces prorsus ad christianum sacerdotium mulieres sunt: nec ex manuum impositione aliquis ordo datus infertur: quis enim ignorat, ferme in quouis sacro ritu & benedictione manuum impositiones fuisse viurpatas?

CAP. XVIII. DE DIACONIS ETC. 115

magis seminarum esse videbantur. Ipsi apostoli diaconissas instituerunt, *ad Rom. XVI. v. 1.* Quod ut plurimum ex viduis ecclesiae eligebantur, Ignatius martyr alique veteres eas *viduas*, & earum officium *viduatum* appellant. Eligebantur vero in viduarum vnus viri viduae, sexaginta annos natae, quae liberos enixae fuerant & educauerant: quas qualitates ab ipso apostolo praescriptas Tertullianus *de veland. virginib. cap. IX* recenset, quamuis hisce regulis ecclesia non semper adhaeserit. Bingham. *lib. II. orig. eccles. cap. 22. § 2. seqq.*

§. X. Iam diaconissae adhibebant baptismo seminarum olim per immersionem dari solito, easque sacro oleo ante baptismum ungebant, baptizatas vero suscipiebant, & abstergebant: feminas quoque catechumenas priuatim instituebant, qualiter tempore baptismi interrogatae responderent, & qualiter accepto baptismo viuerent: feminas aegrotantes, ut & confessores & martyres in custodia detentos, visitabant, iisque omnibus seruiebant: portas ecclesiae, per quas alicubi feminae tantum ingrediebantur, seruabant: in ecclesia locum proprium feminis assignabant, & reliquis viduis praesidebant. Quae omnia diaconissarum officia veterum adductis testimoniis Binghamus *lib. II. orig. eccles. cap. 22.* recenset & illustrat. Sed iam inde a multis saeculis diaconissae, quod eorum officia ferme nullius vsus euaserant, in vtraque ecclesia esse desierunt.

C A P V T XIX.

De clericis minoribus & attonsis.

§. I. PRIMIS ferme duobus saeculis praeter diaconos nulli alii fuerunt clerici minores. Scripta apostolica & reliqua primorum saeculorum monumenta episcopos, presbyteros & diaconos tantum memorant. Et ministeria, quae inde clericis minoribus demandata sunt, diaconi aut christiani omnes peragebant. Sed inde satis aucto fide-

lium numero, nec sufficientibus diaconis ad omnia ob-
eunda ministeria, diuersa officia diuersis personis tributa
sunt, exortique initio tertii saeculi ex diaconatu clerici
minores instituti potius ecclesiarum, quam aliquo eccle-
siae generali decreto (a). Hinc pro varietate ecclesiarum
varius fuit clericorum minorum numerus; at in ecclesia
Romana quinque instituti sunt gradus inferiores, *hypodia-
coni* nempe, *acolythi*, *exorcistae*, *lectores* & *ostiarii*.

§. II. Hypodiaconi in veteri disciplina clerici mino-
res fuerunt, ita dicti quod extra sanctuarium proxime
ministrabant diaconis; sanctuarium enim solis maioribus
clericis videtur patuisse. Conc. Laodic. *can. XXI*. Ergo
hypodiaconi sacra altaris vasa & reliqua vtenilia extra
sanctuarium aptabant & disponebant, eaque diuini cultus
tempore diaconis tradebant. Verum inde hypodiaconis
permisum ingredi sanctuarium, & calicem & patenam
ad altare Christi deferre, & diaconis tradere, & pro la-
vandis ante altare manibus episcopo, presbytero & dia-
conis aquam praebere, *can. 1. D. 25*. Item hypodiaconi
fuerunt episcopis a secretis, consiliis & missionibus. In
vtraque ecclesia olim hypodiaconi inter minores clericos
censebantur; sed a multis saeculis in ecclesia Latina creue-
runt inter maiores (b): & in praesenti disciplina in altari
mi-

(a) Nec tantum instituti clerici minores, verum etiam non-
nulla officia tamquam cumulus propriis presbyterorum, diaco-
norum & clericorum ministeriis accesserunt, exortique inde sunt
mulrae clericorum appellationes, veluti *catechistae*, *oekonomi*,
notarii, *apocrisarii*, *cemeliarchae*, *interpretes*, *paramonarii*, *ec-
clesiae defensores*. Scilicet plura erant officia quam ordines, &
pro numero officiorum instituere clericos e re ecclesiasticae vi-
sum non est. Sed aliqua ex his officiis etiam laici exercuerunt.

(b) Opinatur interpretes decretalium hypodiaconos inter ma-
iores clericos numeratos fuisse, quo primum tempore illis lex
continentiae indicta fuit: Indicta autem fuit continentia hypodia-
conis in Occidente a Gregorio M.: & tamen vsque ad nonum
saeculum clerici isti inter minores fuerunt. Itaque magis est
dicere, a nono saeculo in nonnullis ecclesiis hypodiaconos inter
maiores clericos creuisse; tum sub finem saeculi vndecimi ab

ministrant diaconis, dum sollempnis missa celebratur, & in eadem etiam canunt epistolam.

§. III. Hypodiaconis Latini scriptores adiungunt acolythos. Est *acolythus* Hesichio interprete seruus iuuenis siue pedissequus, qui aliquem continuo comitatur, eque ministrat. Hinc opinatur Franc. Duarenus *de sacr. minister. & benefic. lib. I. cap. 14.*, acolythos in ecclesia fuisse institutos, vt episcopos, quocumque irent, comitarentur, eisq; ministrarent. Itaque aetate Cypriani acolythi ab episcopis ad episcopos ecclesiasticas litteras deferrebant. At deinceps etiam acolythis in ecclesia datum, vt luminaria accenderent & deferrent, vnde *cerosferarii* dicti sunt, *can. 1. D. 21.*, & vinum in eucharistiam ministris suggererent. Conc. Chartag. iv. *can. 6.*

§. V. Exorcistae, Latine *adiuratores*, malos daemones impositis manibus & adhibitis adiurationibus ab obsessis expellebant: quod proprio vocabulo dicebatur *exorcizare* (c). Primis tribus saeculis exorcizandi donum omnibus christianis commune fuit. Orig. *lib. VII. contra Celsum*, Tertull. *apolog. cap. XXIII.* Sed eo dono sensim cessante institutus fuit peculiaris ordo *exorcistarum*, quorum munus fuit adhibitis exorcismis malos daemones adiurare, & curare energumenos. Successu temporis potestas expellendo-

H 3

rum

Vrbano 11. inter sacratos clericos generatim fuisse relatos, *cap. 9. ex. de aetate & qual. ordinand.* Continentia apud Latinos hypodiaconis imposita, permissio iis facta ad altare diaconis ministrandi, in primis vero facultas ab Vrbano 11. indulta, vt saltem concedente pontifice vel metropolitano in episcopos eligi possent, *can. 4. D. 60.*, sensim ad maiorem gradum hypodiaconos euexerunt. Ceterum superest adhuc aliquid de antiqua disciplina; nam etiam hodie hypodiaconi, veluti si essent minores clerici, sine manuum impositione creantur.

(c) Ipsi ethnicis notum erat, christianos in adiurandis malis daemonibus verbo *exorcizo* vti consueuisse. Si incantauit, inquit Vlpianus L. 1. D. de tribunalib., si imprecatus est, si; vt vulgari verbo impostorum utar, *exorcizauit*. Quo loco iurisconsultus christianis insensu de more ethnicorum eos *impostores* appellat.

rum daemonum ad maiores clericos deuoluta est, & exorcistae ferme sine officio remanserunt.

§. VI. Lectores clerici minores sunt, qui ex sacris libris aliquid in ecclesia legunt. Sacri codices apud lectores erant, & hinc vrgentibus persecutoribus, vt sibi eos episcopi traderent, saepe ab episcopis responsum, *scripturas lectores habent*. V. Baron. *ad annum* 303. n. 7. 12. & *seq.* Legebant vero lectores de pulpito seu suggesto, loco nempe eleuato in ecclesiae naui constituto. Antequam lectioni initium fieret, ecclesiae praeco sollemni verbo *attendamus* silentium indicebat. Chrysost. *hom. XIX. in acta*.

§. VII. Ostiarii, alias *ianitores* & *aeditui* dicti, clerici etiam minores sunt, qui ecclesiae ianuas custodiebant. Ergo ad ostiarium pertinent clauēs ecclesiae, vt claudat & aperiat templum Dei, & omnia, quae intus & extra sunt, custodiat; fideles recipiat, excommunicatos & infideles eiiciat, *can. 1. D. 25. (d)*.

§. VIII. Iam vero per plura saecula longe maior in ecclesiis fuit diaconorum & minorum clericorum, quam presbyterorum numerus, *epist. Cornelii papae ad Fabium ap. Euseb. lib. VI. cap. 43. & Nouel. III. Iustin. cap. 1.* Nimirum magno caerimoniarum apparatu olim sacra mysteria

(d) Atque hi fuerunt minores ordines, quos ab antiquissimis temporibus ecclesia Romana habet. Ceterae ecclesiae & praesertim Orientales non habuerunt quidem omnes minores clericos Romae receptos; at alios instituerunt ad aliquot officia exercenda. Scilicet ex diaconatu ecclesia minores clericos decerpit, & hinc nihil mirum si pro varietate ecclesiarum varii diuersique fuerint; libertate enim donatae erant ecclesiae, quae pertinent ad disciplinam, aequius melius ordinandi. Sane in multis ecclesiis distincti clericorum ordines erant *Psaltae*, *Copistae*, *Parabolani*. V. Bingham: *lib. III. orig. ecclesiast. cap. 7. & seqq.* *Psaltae*, Latinis *cantores*, erant, qui in cantu ceteris praeibant, vt psalmodia modulatio esset. *Copistae*, Latinis *laborantes*, defunctorum corpora efferebant & sepeliebant. *Parabolani* demum curabant infirmos, ita dicti quod *παράβολον* *ap-709* *rem periculi plenam* tractarent; vt Duarenus & Gothofredus interpretantur.

steria explicabantur, & exteriores functiones non presbyteris, sed ministris erant demandatae. Hinc copioso ministrorum numero opus erat, quum contra interior animarum cura, quae in sacramentis administrandis praecipue consistit, paucos poterat occupare presbyteros. Fleurius *par. I. instit. iur. eccles. cap. 6. n. 5.* Sed inde imminuto sacrorum rituum apparatu, bonis ecclesiasticis non amplius de veteri more communiter administratis, & supra modum aucto missarum priuatarum numero, deminutus est numerus ministrorum, contra presbyterorum creuit.

§. IX. Porro diaconorum & clericorum minorum dignitas in ecclesia diu praeclare stetit. Quilibet enim eorum propria obibat officia, ac vnus vni, non simul vni plures minores ordines conferebantur. Qua stante disciplina non omnes minores ordines maioribus praemitti solebant; vnus enim ex minoribus ordinibus idoneam probationem sufficebat ad maiores; & plures in diaconatu vel in aliquo ordine minore, vnde alimenta suscipiebant, totam vitam transegerunt. Sed ab hac disciplina iampridem desciiuimus, ministrorum officia non amplius omnia a propriis clericis exercentur, omnes minores ordines necessario maioribus praemittuntur, & nemo in diaconatu vel minoribus ordinibus perseuerat (e). Et quamuis synodus Tridentina *ses. XXIII. de ref. cap. 17.* minorum ordinum functiones restitui praeceperit, fructuum parte etiam fabricae in eam rem impensa; non tamen pristini mores adhuc fuerunt restituti; immo stante recepta disciplina non videntur per omnia posse restitui.

§. X. Superest, vt de solius tonsurae clericis agamus,
H 4 qui

(e) Dignitas & officia diaconatus & minorum ordinum ex duabus ferme causis ceciderunt. Vna est mutatio, quae facta est in caerimoniis & apparatu sacrae liturgiae; vbi enim plures ex antiquis ritibus desueuerunt, necessario etiam cadere debebant minorum ordinum officia. Altera est institutio beneficiorum, quae fere sublimioribus officiis proprios redditus addixit; & ita qui fieri poterat, vt clerici minores in suis officiis perseuerarent, eaque magni facerent, quando eorum ratione de ecclesiae redditibus non participabant?

qui nullo proprio officio demandato fiunt per sollemnem habitus clericalis susceptionem & capillorum detonsionem. Primis octo saeculis solius tonsurae clerici ignoti: qui in clerum cooptabantur, simul vnum ex minoribus ordinibus suscipiebant (f). Inde tonsura clericalis veluti quidam ordo ab aliis separatim conferri coepta, eaque sola patuit aditus ad clericatum: qui mores saeculo nono iam recepti erant. Hinc prima tonsura inter sollemnes preces a solis episcopis data, & attonsi clerici privilegiis clericalibus vti coeperunt. Non ergo mirum si ingens talium clericorum numerus creatus est. Sed Tridentini patres *ses. XXIII. de res. cap. 4.* statuerunt, neminem prima tonsura initiandum, nisi constet, non lucri studio, sed propter Deum hoc vitae genus elegerisse. Quam regulam vtinam episcopi in vsum vertissent!

§. XI. Iam clerici omnes inferiores vnum componebant collegium, cui praeerat *primicerius*. Generatim qui princeps erat inter plures eiusdem officii siue sacri, siue ciuilis, *primicerius* dicebatur, idque quia eius nomen primum in *cera* seu catalogo inscribebatur. Iac. Gothof. *ad L. 19. C. Th. de palatin. sacrar. largit.* Erat itaque in ecclesia *primicerius*, qui sub se habebat clericos omnes inferiores, eorumque regebat officia, excessusque vice episcopi castigabat, *can. 1. D. 25.* Demandata quidem primum fuit archidiacono inferioris cleri praefectura; verum quod decursu temporis admodum archidiaconi potestas creuisset, ei *primicerius* veluti *vicarius* fuit substitutus, qui clerum regeret inferiorem. Thomass. *de vet. & noua eccles. discipl. par. 1. lib. 2. cap. 103. n. 10.* Eligebatur vero

(f) Impuberes, immo infantes, ecclesiasticis officiis instituendi a parentibus ecclesiae oblati primum vestem clericalem sine ordine aliquo videntur accepisse; (nec enim per aetatem ostiarii aut lectoris officio fungi poterant) idque ne prorsus saeculares & profani viderentur. Longo post tempore quod in pueris fiebat propter aetatis infirmitatem, in aetate valentibus usurpatum est, sensimque tonsura velut quidam ordo ab aliis separatus omnibus collata est. V. Morin. *de sacr. ordinat. par. III. exerc. 15. cap. 3.*

vero in primicerium vnus ex clericis inferioribus, & in ecclesia Romana *notariorum primicerius* (erant notarii clerici magnae auctoritatis ex hypodiaconis ferme adsumti) etiam omnium clericorum princeps erat. Successu temporis etiam diaconis praesuerunt primicerii, *cap. vn. ex. de off. primicerii*, & absente episcopo archidiaconus, archipresbyter & primicerius regere solebant ecclesiam.

C A P V T XX.

De canonicis.

§. I. **V**Ox *canonici*, qua olim veniebant clerici omnes, utpote qui in *canone* seu ecclesiae matricula erant inscripti, mediis saeculis ad eos tantum clericos restricta est, qui in communè & secundum propriam regulam viuerent. Hoc sensu canonicos tempore Pipini primus Chrodogangus episcopus Metensis instituit: Vixit quidem Augustinus vitam communem cum clericis suis; at Augustiniani clerici praeter euangelium nullam aliam regulam habebant, quod recte Thomassinus *de vet. & noua eccles. discipl. par. I. lib. 3. cap. 4.* obseruat. Nihil melius esse vidit Chrodogangus ad clericalis vitae emendationem, quam clericos nullis nuncupatis votis in vnâ societatem sub certa regula adunare. Hoc vitae genus auide admiserunt ecclesiae, & Carolus M. & Ludouicus Pius promouerunt; synodus vero Aquisgranensis anno 1000. ad institutionem vitae canonicalis regulam edidit pleniorē.

§. II. Ita nati & breui propagati proprie sic dicti canonici, qui pro diuersa ecclesiarum conditione vel sub episcopo, vel sub praeposito, vel sub abbate agebant. Et quoniam vitam viuebant communem, omnium vestis vna, domus vna, mensa vna: omnes seruiebant ecclesiae. Vitam vero profitebantur *canonicam obseruantia ordinis*, non sollemni professione: quin nec omnem cinrabant proprietatem, quando ipsa regula aliquid proprii eos habe-

re permittebat, conc. Aquisgr. *can. CXV*. Hinc canonici diuersi erant a monachis, qui ferme erant laici, & sollemni vitae monasticae & trium votorum professione monachi fiebant.

§. III. Feliciter in promouenda communi clericorum vita cesserunt episcoporum & principum curae; at hoc sanctum institutum non diu stetit. Canonici enim boni aucti in summa saeculi decimi confusione vitam communem relinquere coeperunt, non quidem ecclesiae auctoritate, sed desidia episcoporum & sua ipsorum cupiditate. Et ita vnus ferme saeculi spatio paene in omnibus ecclesiis vita communis clericorum defecit, quod Iuo Carnotensis *ep. LX*. testatur. In saeculum autem reuersi canonici omni vitiorum genere seipsos conspurcarunt, euaseruntque ipsis laicis peiores. *Espen. part. I. tit. 7. cap. 3.*

§. IV. Interim non desuere viri ecclesiae bono nati, qui lapsam canonicam vitam instaurandam susceperunt. Saeculo vndecimo in Italia tantum opus adgressus est Petrus Damianus, in Gallia Iuo Carnotensis. Verum novi isti canonici votis monasticis adstricti sunt, & sub regula Augustini inclaruerunt: quo nomine proprietatis abdicatio videtur indigitata; nam alioquin constat, Augustinum nullam specialem regulam clericis dedisse suis. *Thomass. de veteri & noua eccles. discipl. par. 1. lib. 3. cap. 11.* Ita distat inter antiquos & novos canonicos, nam illi ex canonibus Aquisgranensibus aliquid proprii habere poterant; non item isti. Atque ex hoc demum tempore duplicis generis fuere canonici, *regulares* nempe, & *saeculares*, quorum illi sub praeposito communem vitam & votis adstrictam agunt, hi vero propriis redditibus aucti seorsum viuunt, seruantque canonicum institutum, quatenus patitur vita singularis (a).

§. V. Iam vbi ad saeculum canonici saeculares redierunt,

(a) Non itaque *canonici saeculares* ita vocantur, quod ad saeculi mores viuere possunt, sed vt a regularibus distinguantur. Et ita acceptae voces *canonicus regularis* tautologiam non continent, vt nec *canonicus saecularis* contradictionem habet in adiecto; vtique ex vsu loquendi.

runt, quaecumque ex vita communi oriebantur, immutari necesse fuit. Relicta ergo claustra, communia dormitoria, vestis & mensa non amplius communes. Uniuersa bona inter canonicos tributa, & singulis officiis addicta, quae portiones non secus ac in vita communi *praebendae* dictae sunt. Sed non desierunt canonici saeculares vnum corpus componere, non adeo tamen arctum ac in vita communi. Canoniorum collegium *capituli* nomine venire solet. Et quoniam canonici vel sunt in cathedralibus, vel aliis inferioribus ecclesiis; hinc capitula duplicis generis sunt, alia ecclesiae cathedralis, alia ecclesiarum collegiatarum. Habent vero capitula praepositos suos, qui in multis ecclesiis decani sunt.

§. VI. Ex canonicis alii merum canonicatum, alii obtinent dignitatem. Inter dignitates censentur archidiaconi, praepositi, decani, archipresbyteri, primicerii, cantores, similes. Dignitas generatim est quaedam amplitudo, quae merita consequitur & potestatem: at in hac causa venit beneficium, cui cum praeceminentia adhaeret etiam iurisdictio. Stante vita communi officia canonicorum erant merae delegationes, quae nullam propriam habebant iurisdictionem. *Espen. par. II. tit. 18. cap. 2.* At excussa vita communi merae illae delegationes episcoporum negligentia & canonicorum ambitione perpetuae & propriae euaserunt. Ita in capitulis primum dignitates exortae, inde in nouis capitulis fundatione fuerunt institutae. Variant autem in numero & ordine dignitatum ecclesiarum mores: quin moribus praesentibus iurisdictio dignitatum ferme defecit, iisque tantum in choro digniora loca competunt; & hinc canonistis *ventosae & inanes* audiunt. *Fagnan. ad cap. ad haec ex. de praebend.*

§. VII. Quod vero spectat ad canonicorum officia, ea vel sunt singulorum propria, vel omnibus communia. Vnusquisque canonicus tenetur fungi ministerio ordinis praebendae suae addicti, aliudue proprium explicare officium, cuius ratione vel decani, vel cantoris nomen inter canonicos sustinet. Omnes vero canonici tenentur ad vitae integritatem, castitatem & litterarum studia; haec enim omnia non ex communi vita, quam reliquerunt, proficiuntur, sed clericorum officiis sunt intrinseca. Item

tem canonici omnes tenentur ad horarum canonicarum recitationem, quae etiam ex natura clericatus deriuatur; assiduis enim orationibus clerici vacare debent. Et hinc etiam post abiectam communem vitam ecclesia canonicis inculcat, *ut in choro ad psallendum instituto, hymnis & canticis Dei nomen reuerenter, distincte deuoteque laudent.* Trident. *ses. XXIV. de ref. cap. 12.*

§. VIII. Vt vero labiorum sacrificium rite canonici obirent, *distributiones quotidianas* ecclesia instituit, hoc est certas specierum vel pecuniae praestationes, quae ita- tis horis addictae, cedunt solis canonicis, qui horis canonicis intersunt. Primus Iuo Carnotensis quotidianas distributiones instituit, sed deinceps aliae ecclesiae eas receperunt, intermissaeque restitui statuerunt Tridentini patres *ses. XXII. de ref. cap. 3.* Pane autem instituto quotidiano psalmodiam ecclesia promotum iuit, ut ad quas horas *panis interni refectio non mouebat, panis corporis refectio prouocaret*, ut loquitur Iuo Carnotensis (b): iure enim verendum erat, ne canonici ad saeculum reuersi & bonis aucti sollemnem etiam psalmodiam abiicerent. Et hinc distributionum hoc est ingenium, ut praesentibus in choro tantum accrescant, & pro ea parte, qua praesentes sunt.

§. IX. Omnes autem canonici in ecclesiis suis debent immorari; nec enim alias muneri suo possunt satisfacere, Trident. *ses. XXIV. de ref. cap. 12.*, ubi nulli canonico per-

(b) Ecclesia institutione quotidianarum distributionum imitata videtur piae matris exemplum, quae suorum filiorum infirmitati cedens, eos qua demum cumque ratione impellit ad officium. Certe a mente ecclesiae alienum est, ut canonici tantum statas horas frequentent ad lucrandas distributiones. Nempe voluntarie & ex corde puro offerri debet laudis sacrificium, & superstitiosus est cultus propter temporalia Deo exhibitus. Itaque si quae ex statis horis proueniunt temporalia, ea tamquam medium vitae sustentandae canonici habere debent, alias paratissimi Deo gratis deferuire. Quamuis, quae est hominum inualitia, canonici plerumque ad lucrandas distributiones quotidianas frequentent statas horas, alias non frequentaturi.

permittitur ultra tres menses quolibet anno propriam ecclesiam relinquere. Quo canone non arbitrio canonicorum datur, ut quotannis tribus mensibus possint abesse; sed eorum conscientiae committitur, ut ex honestis causis absque superioris venia pro eo tempore absint, Deo tantum absentiae suae rationes reddituri; nec enim veri speciem habet, voluisse synodum genio canonicorum indulgere. *Espen par. I. tit. 7. cap. 9.* At licet canonicis ultra tres menses abesse ex iusta causa, veluti si absint propter episcopi seruitium ea curaturi, quae spectant ad ecclesiam, *cap. 7. ex. de clericis non residentib.*, modo non sint ultra duos, *cap. XV. ex. eod.*; aut si ex episcopi venia absint theologiae & sacris canonibus in aliquo probato gymnasio operam daturi, *cap. fin. ex. de magistris, cap. 12. ex de cleric. non residentibus.* Ex iustis causis absentes praebendarum fructus faciunt suos, at non exigunt distributiones, quae tantum in choro praesentibus accrescunt, *cap. un. de cleric. non residentib. in 6.*

§. X. Negotia ad canonicos pertinentia in capitulo, hoc est in collegio canonicorum, sunt expedienda. Sunt autem capitula vel *legitima*, vel *indicta*, quorum illa statis certisque diebus habentur, haec vero pro re nata indicuntur. Suffragium in capitulo canonici habent sacris ordinibus initiati, *Clement. 2. de aetat. & qualit. praefc.* Indicitur autem capitulum a decano, aut alio canonicorum principe, idque consueto campanae signo; modo absentes vocandi non sint, quos litteris vel nuntio aduocare oportet. Etenim qui suffragii ius habent, etiam absentes in eadem provincia vocari debent, adeo ut si vnus ex iis, qui suffragium habent, siue praesens, siue absens non vocetur, instantia sua capituli actum nullum reddat, *cap. 38. ex. de elect.* Absentes vero ex legitima causa vires suas vni, aut pluribus canonicis in solidum committere possunt, quorum primi occupantis potior erit conditio; & si omnes simul concurrant, vnus a capitulo electus, aut capitulo non conueniente, primus in scriptura nominatus suffragium feret, *cap. 42. ex. de electione, & cap. 47. eod. in 6.* Coactis inde canonicis negotium expediendum proponitur, habitoque de more tractatu, feruntur suffragia, quibus omnibus simul collatis *ex maio-*

ri & *saniori parte capituli* concluditur, *cap. 1. & 4. ex de his, quae fiunt a maiori parte capituli*. Sed receptis moribus tantum maior pars attenditur, nisi speciali lege aut fundatione aliud caueatur.

§. XI. Inter collegia canonicorum eminet collegium ecclesiae cathedralis, quod in noua disciplina senatum ecclesiae constituit. Per plura saecula presbyteri & diaconi vrbis presbyterium constituerunt, in quo negotia ecclesiastica tractabantur. At inde instituta canonicorum communi vita, clerici domus episcopalis strictius episcopo adhaeserunt, eosque in regenda ecclesia episcopi adhibuerunt in consilium: quam praerogatiuam relicta communi vita canonici isti, quod essent ceteris ditiores & honoratiores, non amiserunt. Ita factum, vt vnum corpus excluso reliquo clero soli canonici ecclesiae cathedralis cum capite episcopo constituerent, nouique huius senatus auctoritate negotia ecclesiastica tractarentur: quae disciplina ab Alexandro III. proponitur, *cap. 4. ex de his, quae fiunt a prael. sine cons. capituli*. Sed lapsu temporis multum dissociata est vnitas capitis & membrorum: & hinc invaluit, vt pleraque negotia a solo episcopo pendeant, alia consensum, alia tantum consilium capituli requirant: qua de re plura habent interpretes (c).

§. XII. Potestas capituli ecclesiae cathedralis sede vacante summa est. Antiquis moribus vacans ecclesia a clero regebatur: & inde clerici Romani, qui mortuo Fabiano pontifice ecclesiam administrabant, se *praepositos* dixerunt, *ep. III. al. VIII. ad cler. Carthag. inter Cyprian.* At inde in Occidente instituti sunt *interuentores* seu *visitatores*, qui erant episcopi a metropolitano ad ecclesias vacantes missi, vt electionem noui episcopi promouerent & dirigerent, interim vero eas administrarent, *can. 16. & 19. D. 61.* Ita auctoritas cleri in regenda ecclesia vacante

(c) Interpretes requirunt capituli consensum in caussis, quarum capituli interest, *cap. ult. ex de his, quae fiunt a praelato sine cons. capituli*, in alienandis rebus ecclesiasticis, *cap. 8. & seq. ex eod.*, & in coniungendis ecclesiis & beneficiis, *Clement. vnic. de reb. eccles. non alienand.*

cante oblanguit, donec tandem abolitis interuentoribus iterum reilituta est. Exercet autem capitulum ecclesiae cathedralis sede vacante propriam iurisdictionem: & antiqua potius presbyterii auctoritas reuiuiscit, quam aliquid de nouo accedit.

§. XIII. Origine sua ecclesiae vacantis regimen ad vniuersum capitulum, in quod senatus ecclesiastici potestas transfusa est, spectat. Verum vt eo melius vacans ecclesia administretur, (segius administrent commissa negotia plures) statuerunt Tridentini patres *ses XXIV. de res. cap. 16.*, vt capitulum sede vacante, si cura temporalium ad ipsum pertineat, vnum aut duos eligit oeconomos, qui interim mensam episcopalem procurent; & ad explicandam iurisdictionem infra octo dies vicarium seu officialem constituat, aut existentem confirmet, qui sit iuris canonici peritus, vel alias idoneus; alias capitulo negligente vicarii deputatio ad metropolitanum deuoluatur; & si ecclesia vacans metropolitana fuerit, aut exempta, tum antiquior episcopus suffraganeus in metropolitana, & propinquior episcopus in exempta oeconomum & vicarium idoneos possint constituere. Vicario electo adhuc capitulum remanet ecclesiae rector, tantumque exercitium iurisdictionis in vicarium deuoluitur. *Espen. par. I. tit. 9. cap. 4.* Sed vicarius & oeconomus regiminis & procurationis suae episcopo poscenti rationem reddent, etsi a capitulo absoluti & liberati sint.

§. XIV. Multa vero sunt, quae dum vacat ecclesia, capitulum eiusue vicarius non facit, vel quod non habet, vel quod canones eius potestatem intra modum coërcent. Non facit, quae sunt ordinis episcopalis, *cap. vn. ne sede vacante in 6.*, licet ad explicanda pontificalia recte externos episcopos aduocet: nec porro facit, quae ex mera pontificis delegatione episcopo competunt. Nihil quoque sede vacante capitulum potest ingouare, nec de iuribus episcopalibus deminuere, *tit. decretalium ne sede vacante aliquid innouetur*: quod ex interregni natura dimanat, in quo nihil innoant, nihil deminuunt, qui gubernant. Ita sede vacante aliquid alienare, beneficia vnire, aut diuidere capitulum prohibetur. Praeterea ex regulis Tridentinis quo primo anno sedes vacat, capitulum

lum coactos tantum beneficio iam adepto, vel mox adepturo, post annum vero omnes ad ordines suscipiendos dimittit. Trident. *ses. VII. de ref. cap. 10.* Apud nos vero pactis conuentis in Benedictum XIV. & Carolum olim regem nostrum *cap. IV. n. 9.* capitulum infra annum a sede vacante de adfensu pleni capituli secretis suffragiis expresso concedit tantum dimissorias ad tonsuram laicis beneficio mox recipiendo coactis, & clericis ad beneficium actu certum ordinem requirens praesentatis, modo utriusque ad episcopo defuncto ab ordinibus reiecti non sint; post annum vero de sacra congregationis concilii expressa venia ad ordines recipiendos dimittit. Demum capitulum sede vacante non confert beneficia, quorum libera collatio ad solum episcopum pertinet, *cap. 2. ex. ne sede vacante*; moram enim ferre potest collatio beneficiorum: & beneficiarii summo episcopi & ecclesiae iudicio sunt eligendi: quae germana huius iuris ratio videtur.

C A P V T XXI.

De irregularitatibus.

§. I. **H**Actenus de singulis clericis eorumque propriis officiis differuimus; nunc de iisdem tractationem instituimus generalem, quae omnibus communia complectatur, veluti irregularitates, electiones, ordinationes & omnibus communia officia. Nomine *irregularitatis* veniunt canonica impedimenta personalia (a), quae vetant quo minus quis ordinetur, aut si iam ordinatus sit, quo minus in susceptis ordinibus ministret. Scilicet inde usque
ab

(a) Personalialia, inquam, impedimenta irregularitatis nomine veniunt, veluti si quis sit criminosus, digamus; nam si ex aliis causis quis ordinari vetetur, veluti quod episcopus proprius non sit, aut quod tempora ordinationibus habendis apta non sint, nulla irregularitas intelligitur.

ab initio christianae religionis ecclesia regulas condere coepit, quae qualitates & virtutes ordinandorum praescriberent, praeciperentque, quomodo clerici ipsi viuere deberent. Quibus qualitatibus destituti in veteri disciplina αλλοτριου του κανονος *alieni a canone* seu regula dicebantur: sed iure nouo barbara voce *irregulares*, & qualitarum canonicarum defectus *irregularitas* audierunt (b).

§. II. Veteris ecclesiae patres ferme hac vna apostolica & generali regula, quae *irreprehensibiles & sine crimine* altaris ministros esse iubet, de irregularitate iudicasse videntur. Conc. Nicaen. *can. IX.* Sed labentibus annis vbi de veteri clericorum sanctitate multum decessit; ecclesia veluti tempori & hominum infirmitati cedens, nonnulla crimina defectusque adnotauit, in quibus poenitentia restituit quidem christianos sacramentorum communioni; at simul eos ad ordines suscipiendos, aut ad susceptorum ordinum vsum habiles non reddit. Hinc regula nouae disciplinae, irregularitatem tantum in casibus iure expressis contractam censeri, *cap. 28. de sentent. excommunic. in 6.*

§. III. Qualitates, quarum defectus facit a canone alienos, vel sunt animi, vel corporis, vel externae in saeculo conditionis. Ratione vitiorum animi a canone sunt alieni omnes criminosi, seu qui crimen aliquod admiserunt: quae est regula apostolica, quae episcopos & diaconos irreprehensibiles & sine crimine esse iubet. Summa scilicet animi puritas in christiano sacerdote requiritur. Criminis vero nomine veniebant omnia grauius delicta post baptismum admissa (c), tam ecclesiastica, quam ciuilia, quae

(b) Primus Innocentius III. *irregularitatis* vocem videtur usurpasse. V. Gonzalez *ad cap. 4. de clerico excomm.*

(c) Crimina ante baptismum admissa abstergebantur vnda saluari, nec vlla supererat macula, quae regeneratos reprehensibiles redderet. Verum si baptismum aliquid ecclesiae regulis contrarium inesset, macula ista irregularitatem importabat; sane *clinici*, hoc est in lecto & infirmitate baptizati, a canone erant alieni; eorum enim fides non erat ex instituto, nisi in hominum raritate eorum esset virtus eximia. Conc. Neocaesar.

quae publicae subiiciebant poenitentiae : parumque intererat, num palam, an clam admitterentur : lex enim ista conscientiam adiciebat, adeo vt qui criminis alicuius conscientia tenebatur, ipse sponte sua a Christi sacerdotio se debebat abstinere. Quin nec publica de crimine peracta poenitentia idoneum ad ordines faciebat, Siric. papa *ep. 1. ad Himer. Tarraccon.*, nec semel amissum restituebat sacerdotium, *can. 1. 9. & 25. D. 50.* Nimirum publica poenitentia abstergebat quidem crimina, at notam quamdam videtur reliquisse, quae praeteritorum criminum memoriam refricabat.

§.IV. Disciplina, quae criminosos omnes, etiam occultos, a canone excludebat, per decem & amplius saecula ferme stetit; at inde apud Latinos sensim mutata est, & ferme solis publicis criminibus irregularitas adhaesit. Saeculis septimo & octauo ingens erat clericorum criminorum numerus, vt disciplinae rigor molliendus videretur. Ergo ex Isidori Mercatoris officina tres prodierunt epistolae, vna sub nomine Callisti i. ad episcopos Galliarum, altera Gregorii M. ad Secundinum, & tertia Isidori Hispalensis ad Massanum, *can. 14. 16. & 28. D. 50.*, quibus contra generalem canonum regulam inculcatur, clericos in crimina lapsos post condignam poenitentiam ordinibus restituendos esse suis. In tanta sacrorum canonum & falsarum decretalium varietate distinctio excogitata est, qua canones ad publica crimina, decretales vero ad occulta referebantur. Thomassin. *de vet. & noua eccl. discipl. par. II. lib. 1. cap. 60.* Noua haec doctrina non statim vsu recepta est; sed tandem quum eam Gratianus post *can. 23. D. 50.* ad canones discordantes conciliandos probasset, sensim conualuit: atque ita recepta doctrina, clericos, quorum publica erant crimina, perpetuo ab ordinibus reiiciendos; contra, quorum crimina erant occulta, post peractam poenitentiam in propriis ordinibus posse permanere. V. Elpen. *par. II. tit. 10. cap. 6.* Non tamen canones per omnia desueti, nam etiam in noua disciplina sunt

can. XII. Ex eadem ratione apud haereticos tincti ferme ab ordinibus excludebantur. Innocent. 1. *ep. XXII.*

CAP. XXI. DE IRREGVLARITAT. 131

sunt erimina occulta, quae a canone excludunt. Trident. *ses. XXIV. de ref. cap. 1.*

§. V. Verum enimvero secundum praesentem disciplinam publica crimina, praesertim quae infamiam irrogant, itemque crimina etiam occulta, quae in iuris noui regulis exprimuntur, perpetuum a canone excludunt. Et quidem infamibus aditum ad sacerdotium non patere, trita est noui iuris regula, *cap. 37. de reg. iur. in 6.* Infamia intelligitur, non tantum quae iure irrogatur, sed & ea quae in facto consistit, seu quae oritur ex vulgato crimine, etiamsi iudex sententiam non tulerit. Itaque hoc nomine a canone sunt alieni haeretici, schismatici, apostatae, & ii, quorum pater auusque haeretici sunt, vel haeretici decesserunt, *cap. 15. de haereticis in 6.*, item scenici, comoedi, foeneratores, seditiosi, publici concubini & eiusdem generis alii.

§. VI. Item secundum praesentem disciplinam ea crimina a canone excludunt, quibus iure nouo irregularitatis nota inuritur, etiamsi occulta sint, & nulla infamia notentur. Eiusmodi in iure expressi criminosi sunt baptismum iterantes, & qui palam baptismi iterationi ministerium impenderint, *cap. 2. ex. de apostatis*: qui nec vocati, nec probati ad ordines furtim obrepserint, *cap. 1. & seq. ex. de eo, qui furtiue ordinem suscepit*: qui maiore excommunicatione vel alia censura obstricti ordines susceperint, vel ordinum iam susceptorum officia exercuerint, *cap. 22. ex. de sententia excomm.*, *cap. 3. ex. de clerico excomm. ministr.*, qui in ordine non suscepto veluti ex officio & sollemniter ministrauerint, *cap. 1. & seq. ex. de clerico non ordinato ministrante*: clerici per saltum promoti, *cap. vn. ex. de clerico per saltum promotio*, itemque simoniaci & homicidae, *cap. 21. ex. de accusationib.* Quod si alia crimina aequalis aut maioris grauitatis admissa dicantur, ea tum irregularitatem inducere dicuntur, si in iure inueniantur expressa, nec valet ab vna expressa specie ad aliam argumentatio, *cap. 18. de sent. excomm. in 6.*

§. VII. Inter crimina, quae hodie a canone excludunt, praecipuum est homicidium & illicita humani membri mutilatio, idque siue publice, siue occulte admittantur. Sunt vero irregulares non tantum homicidae voluntarii,

verum etiam qui non ex voluntate occidunt, modo rei vetitae, aut illicitae operam dederint, puta si clericus chirurgiam exerceat, & inde homo periisse dicatur. Quin si rei licitae opera detur, sed non ex debita diligentia, aut ex artis imperitia, & homicidium admittatur, etiam irregularitas intelligitur: quod de eo responsum est, qui puerum, quem instituebat, ita percussit, vt ex ea percussione expirauerit, vel ex ea in infirmitatem inciderit, ex qua compertum fuit expirasse, *cap. 7. ex. de homicidio*. Item in veteri disciplina erant irregulares, qui ad iustam sui defensionem hominem occiderent, *can. 7. D. 50.*, adeo christianum sacerdotium a sanguine abhorret; at ex regula Clementis v., qui ad sui defensionem occidunt, irregulares non censentur, *Clement. vn. de homic.* Quod si homicidium omnino calu acciderit, & sine vlla culpa, nulla est irregularitas, *cap. 23. ex. de homicidio*.

§. VIII. Immites quoque, qui scilicet iudicia capitalia vmquam exercuerint, aut militiae cingulum susceperint, aut alias ad legitimam sanguinis effusionem aliqua ratione cooperati sint, veluti milites, iudices criminales, carnifices, accusatores, testes & scribae in causa sanguinis, & generatim quotquot in cruentas executiones concurrunt, a canone censentur alieni. Etenim non patitur christianorum mitissima disciplina, vt sacerdotio fungantur, qui vel iuste humanum sanguinem effuderint, vel alias in iudiciis criminalibus ad illius effusionem causam aliquam praebuerint (d). Quia adeo mite est ingenium ecclesiae, vt non permittat, clericos in loco, vbi iudicium sanguinis exercetur, interesse, *cap. 9. ex. ne clerici vel monachi*. Nescio quid seueritatis contrahunt, quotquot cruentas executiones inspectant (e).

§. IX.

(d) Apud gentes etiam religione & sacrorum ministerio indignum visum fuit, vt sacerdotes capitali iudicio homines damnarent. Er inde Titus imperator puras a sanguine manus seruire intendens, pontificatum maximum accepit, ne scilicet alicuius morti subscribere cogeretur. Sueton. in Tit. cap. IX.

(e) Ea mansuetudine & humanitate christiani primis saeculis fuerunt, vt iussu magistratus admissa homicidia & gladiatorum spe-

§. IX. Verum moribus praesentibus non omnes, qui legitimae sanguinis effusioni concurrunt & causam praebent, irregulares habentur. Sane episcopi, qui iurisdictionem criminalem habent, sine metu irregularitatis causas criminales iudicibus suis committunt, *cap. fin. ne clerici vel monachi in 6.*: quod primus Bonifacius VIII. constituit, ut ecclesiae feuda & regalia possent retinere. Veteres certe episcopi potius pro reis apud magistratus intercedebant, quam eos ad iustitiae executionem impellebant. Porro in noua disciplina a canone alieni non censentur clerici, qui sibi illatas persequuntur iniurias, & reos in capitalibus delictis ad iudices deferunt, modo expresse edicant, quod eos poena sanguinis affici non intendunt: quod etiam Bonifacius VIII. constituit, ne alias clerici malitia laicorum, quae in clericos valde creuerat, passim caederentur & compilarentur, *cap. 2. de homic. in 6.* Item non censentur irregulares episcopi, qui clericos degradatos iudici saeculari tradunt puniendos, modo efficaciter intercedant, ut citra mortis periculum sententia moderetur, *cap. 27. ex. de verbor. significat. (f)*. Et demum in multis ecclesiis non censentur irregulares testes & scribae in causa sanguinis, quod remote tantum ad mortem

spectacula vel inspectare nefas ducerent. Tertull. *de spectacul.*, Athenagor. *in legat. pro christian.*, Lactant. *lib. VII. cap. 20.* Et qui quaeſo homines ad humanitatem facti interesse poterant spectaculis, in quibus Romani ex principiis propriae ciuitatis ad bellum institutae ex aliorum miseria & sanguine immaniter effuso summam capiebant voluptatem? Inde christianae religionis apologistae refellebant ethnicorum calumnias, qui coenas Thuestas christianis obiciebant.

(f) Clerici per plura saecula a criminali magistratuum iurisdictione exempti non fuerunt. Hinc euenire non poterat, ut episcopi eos sponte sua magistratibus puniendos traderent. At inde indulta clericorum fere in omnibus criminibus, a potestate magistratuum exemptione, necessitas ipsa coëgit, ut episcopi traderent clericos degradatos magistratibus puniendos; idque ne crimina remanerent impunita, & ne quidquam de ecclesiastica immunitate decederet; creditumque fuit euitari irregularitatem efficaci propofita intercessione, ne ad sanguinem usque procedatur.

mortem concurrunt. Nat. Alexander *theol. dogm. & mor. de sacram. ordinis cap. IV. art. 4.*

§. X. Animi quoque vitio a canone sunt alieni *digami*, seu plurium vxorum mariti: quod ex doctrina apostolica descendit: praecepit enim apostolus, episcopum & diaconum vnus vxoris esse virum, 1. *ad Timoth. III. 2.* & 12., non quod necessario vnus vxoris maritos altaris ministros esse vellet, sed quod ex iis eligi praeceperit, qui vnā vxorem haberent aut habuissent, si mariti ad sacerdotium promouerentur (g). Vna vero haec videtur fuisse ratio, cur apostolus & ex apostoli verbis antiquiores ecclesiae patres a canone digamos eiecerint, quod macula incontinentiae, quam praeseferebant secundae nuptiae, conspersi essent, quod Thomassinus *de vet. & noua eccles. discipl. par. II. lib. 1. cap. 58. n. 8.* agnoscit. Quin ecclesia irregularitatem ab incontinentia manantem produxit longius, eosque a canone etiam eiecit, qui aliqua labe & infamia ex nuptiis redundante erant adpersi, etsi duas vxores non duxissent, quales viduae, repudiatæ, meretricis, ancillae & scenicae mulieris mariti, *can. XVIII. apostol.* Nimirum ex eiusmodi nuptiis nota quaedam infamiae & incontinentiae in maritum redundabat.

§. XI. Ecclesia Graeca ex ratione incontinentiae irregularitatem digamorum metiri perrexit; at apud Latinos praesertim opera Augustini mystica quaedam ratio tamquam causa irregularitatis digamorum excogitata est, nempe *defectus sacramenti*, quod digami pluribus acceptis vxoribus sacramentum conjunctionis Christum inter & ecclesiam (quod maxime in nuptiis sacerdotum erat demonstrandum) non exprimerent. August. *de bono coniug. cap. XVIII.*

(g) Chrysostomus & Theodoretus tenent, ex apostoli sententia tantum polygamos, seu qui plures simul vxores alebant, & diuortia facientes sacerdotio eiectionis fuisse, non item digamos succedaneos, qui defuncta prima vxore alteram duxerant. Sed praevaluit sententia, quae habet, etiam eos, qui mortua prima vxore secundas nuptias contraxissent, ab apostolo indignos fuisse habitos, qui inter ecclesiae ministros censerentur: qua de re plura diximus *in comment. de iure canonico par. I. tit. 21. §. 14.*

XVIII. (b). Mytica haec ratio temporis decursu vtpote ab Augustino profecta conualuit, & deinceps ecclesia Latina ex defectu isto sacramenti irregularitatem digamorum merita est. Exprimitur vero sacramentum coniunctionis Christum inter & ecclesiam in vnus cum vna nuptiis, quae vsu corporis consummatae & perfectae sunt. Et hinc qui viduam a viro suo cognitam ducit, tamquam verus digamus a canone excluditur: contra non censetur irregularis, qui alterius viduam, sed non cognitam sibi copulauit, quod commissio carnis in plures diuisa sacramenti adimit rationem, *cap. 5. ex. de bigam. non ordinand.*

§. XII. Sed in multis speciebus, vbi vera digamia nonprehenditur, eam vel interpretati sunt, vel per similitudinem excogitarunt multi decretalium interpretes & rei moralis scriptores. Censentur digami ab interpretatione clerici sacris ordinibus initiati, qui secundas nuptias aut cum vidua matrimonium attentant, item qui cum vnica, sed ab alio corrupta, puta meretrice, nuptias contrahunt: hi enim omnes huiusmodi coniunctionibus repetendi matrimonii animum prodere vis sunt: atque ideo quasi per interpretationem digami, a canone censentur alieni (i).

Di-

(b) Non conueniebat inter veteres, num is tamquam digamus ab altari esset remouendus, qui duas vxores ante baptismum, aut vnam ante, alteram post illius susceptionem duxisset. Graeci patres & ex Latinis Hieronymus constanter tennerunt, non esse a canone alienum, quia baptismi vnda maculae omnes abstergebantur, *can. XVI. apostol.*, Hieronym. *apol. aduers. Rufin.* & *epist. LXXXIII. ad Ocean.* Contra Latini patres Ambrosius & Innocentius exclusum dixerunt ab altaris ministerio, quasi apostolus cuiuscumque generis digamos a sacerdotio prohiberet. Cui sententiae inde accessit Augustinus *de bono viduit.* *cap. XVIII.*, vbi ex mystica sacramenti ratione eum a canone facit alienum, qui vel duas ante, vel vnam ante, alteram post baptismum vxorem duxisset.

(i) Hos omnes vetus ecclesia a canone excludebat, non quidem quod digamos haberet, sed potius quod essent criminosi, aut reprehensione digni. At interpretes lapsa iam ecclesiastica disciplina, veras rationes non adsequentes, digamiam ab interpretatione excogitarunt, iisque fraudi videntur fuisse Innocentii

Digami vero a similitudine, atque ideo a canone alieni, dicuntur, qui in sacris ordinibus constituti, aut voto sollemni castitatis obstricti virgines sibi in matrimonium copulare audent: itemque qui cum virginibus Deo dicatis matrimonium attentant, ducta nempe a carnali ad spirituale matrimonium similitudine.

§. XIII. Propter animi vitium item alieni sunt a canone *infcii litterarum*. Conc. Tolet. iv. *can. 19.* Quis enim fieri potest, ut in cathedra doctrinae sedeat & doceat, qui ante non didicerit? Scientia autem, qua praediti sint oportet ad clerum promouendi, praecipue est sacrarum litterarum & canonum, & cuique gradu debet respondere. Episcoporum & presbyterorum debet esse omnium eminentissima. Et quia clerici minores in suis gradibus paulatim ad maiores ordines veluti manu ducuntur; hinc ex noua disciplina minoribus ordinibus initiandi saltem Latine scire debent, & ad primam tonsuram sufficit legendi & scribendi peritia.

§. XIV. Demum animi vitio irregulares censentur *neophyti*, hoc est nuper baptizati, 1. *ad Timoth. III. 3.* Pro humana conditione fit, ut recens in aliquam societatem adsciti intumescant, si statim ad summas eius euadant dignitates. Ita non generatim ab omnibus ordinibus, sed tantum a maioribus neophyti excluduntur. Conc. Nicaen. *can. II.*, Sardic. *can. X.* Quod si neophytorum aliquos vberior gratia illustret, etiam ad ipsum episcopatum promouentur. Censebantur christiani neophyti per annum a baptismo, & post *pascha annotinum* (quod festum recurrente anno a suscepto baptismo christiani solebant celebrare) neophyti esse desinebant. Chardon. *in hist. sacrament. lib. I. sect. 1. par. 2. cap. 11.* Inde a multis saeculis, quod ab infantia datur baptismus, irregularitas neophytorum desuevit: & in praesenti disciplina iure neophytorum censentur laici, qui licet dudum baptizati, ab ipso tamen clericatu festinant ad summas in ecclesia dignitates.

§. XV.

III. verba, quibus docet, maioribus clericis, qui more nuptiali secundas mulieres sibi in contubernium adiunxerunt, *tamquam digamis* non licere veniam indulgere, *cap. 4. ex. de bigam.*

CAP.XXI. DE IRREGVLARITAT. 137

§. XV. Vitia quoque corporis a canone excludunt, sed quae sacro ministerio obeundo impares faciunt, aut alias horrori sunt adspicientibus, *cap.1. & ult. ex. de corpore vitiatis, cap.2. ex. de clerico aegrot.* Distamus enim a veteris testamenti regulis, quae omnino corpore integros & sine macula sacerdotes & Leuitas esse iuebant. *Levit. cap. XXI. v. 18. seq.* Et hinc ex antiquissima disciplina claudi etiam ad episcopatum promoti sunt, modo alias essent idonei. Vitio corporis etiam censentur a canone alieni dementes, energumeni & epileptici. *Conc. Tolet. xi. can. 13. (k).* Verum si quis iam clericus epilepsia coepit laborare, non semper vsu ordinis debet prohiberi. V. Iuenin. *diff. de censur. quaest. VI. cap. 1.*

§. XVI. Inter corporis vitia, quae alienos faciunt a canone, censeri potest aetas immatura. Varia fuit ecclesiae disciplina de aetate ordinandorum, quam more suo Thomassinus illustrat: sed praesentibus ecclesiae Latinae regulis hypodiaconi anno aetatis vicesimo secundo, diaconi vicesimo tertio, & presbyteri vicesimo quinto initiantur, sufficitque annum esse incoeptum. *Trident. sess. XXII. de ref. cap.12.* Et prima tonsura & minores ordines pueris adhuc infirmi iudicii conferri non debent, iamque multi episcopi ex mente synodi Tridentinae statuerunt, pueros ante decimum quartum aut certe decimum secundum aetatis annum prima tonsura non initiari. V. Nat. Alexand. *theolog. lib. II. de sacram. ordinis cap.3.* Apud nos vero prima tonsura ante decimum tertium aetatis annum non datur, nisi quis ad eam ratione beneficii ecclesiastici obtinendi, quod redditu saltem patrimonii dimidium exaequet, adigatur: quod pactis conuentis inter Benedictum xiv. & Carolum olim regem nostrum *cap. III. n. 1.* comprehensum est.

§. XVII. Externa demum conditio in saeculo & exercita

(k) Videntur Toletani patres epilepticos cum energumenis seu daemoniis confudisse, quasi epileptici iidem essent ac energumeni: quam doctrinam videntur ex euangelio hausisse, ubi exitiales quaedam corporis aegritudines & epilepsia malignorum spirituum adflatui, quin & insinuationi imputantur. V. Thomass. *de vet. & noua eccles. discipl. par. II. lib. 1. cap. 79. §. 4.*

ercita munera a canone faciunt alienos. Scilicet non omnis conditio in ciuitate cum clericorum officiis bene conuenit. Itaque serui sunt irregulares, nisi domini eos manumittant, aut earum ordinationi consentiant, *can. LXXXII. apost.*, item milites, etiam postquam militia soluti sint, Innoc. I. *epist. XXIII. cap. 6.*, & generaliter omnes, qui officia publica reddendis rationibus obnoxia exercent, quales tutores, curatores alique publicis administrationibus implicati, quos ante redditas rationes ordinari canones vetant, ne ecclesia infametur. Conc. Carthag. I. *can. 8.*, Gregor. M. *lib. II. epist. 62., cap. 1. ex de oblig. ad ratiocinta. (l)*.

§. XVIII. Porro ratione simplicis in saeculo conditionis extra nuptias quaesiti a canone sunt alieni. Olim illegitimos, modo alias digni essent, a clericatu ecclesia non reiecit: quod patrum dictis Gratianus probat *D. LVI*. Sed lapsu temporis in summa clericorum incontinentia, qui filios suos ex concubinis susceptos altaribus admovebant, ecclesia illegitimos irregulares fecit, *can. 1. cit. D. 56., cap. 1. ex de filiis presbyterorum*, vt ita parentum comprimeretur incontinentia, & ab ecclesia tollerentur successiones.

(l) Ratione externae conditionis in ciuitate secundum veterem disciplinam alieni a canone erant decuriones, alias *curiales* dicti, qui curiam seu senatum ciuitatum inferiorum componebant, cuius muneribus & expensis vna cum facultatibus suis perpetuo erant obnoxii, atque ideo suae ciuitatis quodammodo serui. Quo fiebat, vt decurionum conditio & clericatus sibi inuicem obstarent, quod diuersa & perpetua essent vtriusque conditionis officia. Primus Constantinus M. decuriones ordinari vetuit, *L. 3. C. Tb. de episcopis*, idque a sequentibus imperatoribus saepe repetitum est, & ab ecclesia suis canonibus confirmatum. V. Bingham. *orig. eccles. lib. IV. cap. 4. §. 4.* Facultates vero idoneae ad conditionem curialem ad tercentum solidos adscendebant: quam summam qui possidebant, etiam inter clericos cooptari prohibebantur. Itaque in veteri disciplina tantum fortuna tenues, vt loquitur Constantinus *cit. L. 3.*, poterant clericorum consortio sociari. Sed deinceps mutata ciuitatum externa politia, decuriones esse desierunt, liberumque fuit diuibus christiano sacerdotio dedicari.

CAP. XXI. DE IRREGVLARITAT. 139

hones. Sed si illegitimi aut monachi fiant, vel in congregatione canonica regulariter viuant, pro sacris ordinibus, non vero pro praelaturis cessat impedimentum, *cir. cap. 1.*

§ XIX. Effectus iam contractae irregularitatis proprius est, vt directe & primario ordinum susceptionem & eorum iam susceptorum vsum impediat, & quidem in totum & aliquando etiam ex parte, prout in iis sacris canonibus cautum reperitur. Sane aliquando irregularitas tantum ad maiores ordines aditum praecludebat, non item ad minores. Conc. Toletan. 1. *can. 3. 4. & 8.* Et aliquando cadebant ordine suo irregulares, & in inferiorem gradum, in quo ministrare non vetabantur, recidebant, conc. Nicaen. *can. VIII.*, Toletan. *iv. can. 4.* idque *regradari* dicebatur vocabulo a militia desumpto, vbi regradari dicebantur milites, qui in inferiorem militiae gradum deiiciebantur. Ordinum vero susceptionem aut eorumdem vsum irregularitas proprie & directe impedit, quatenus scilicet sunt ordines, aut eorumdem proprie sic dictae functiones. Quo ex regulis nouae disciplinae irregularitates a censuris distare dicuntur (m). V. Espen. *par. II. tit. 10. cap. 1.*

§ XX. Quocumque tandem modo nascantur irregularitates, fere tolli possunt vel ipso iure, vel superioris indulgentia. Quae ex temporario & extrinseco vitio sunt, quales ex defectu aetatis, scientiae, libertatis, sublato vitio statim desinunt. Sed irregularitates, quae ex perpetuo vitio sunt, sola indulgentia tolluntur. Auctoritas canones relaxandi in causa irregularitatis olim erat apud episcopos & prouinciae synodum; at ex noua disciplina in pontifices translata est; tantumque in casibus iure expressis licet episcopis veniam a canone alienis indulgere. Ita episcopi indulgentiam concedunt illegitimis, sed tantum ad

(m) Nimirum censura ordinum susceptionem & eorum iam susceptorum vsum tantum indirecte impedit & veluti per consequentiam. Vt ecce excommunicatio impedit ordinum functiones; quatenus species quaedam ecclesiasticae communionis sunt: suspensio quatenus sunt officia a clericis exercenda: & interdictum quatenus sunt sacramentorum vsus.

ad minores ordines & simplicia beneficia, *cap. I. de filiis presbyter. in 6.*; item veniam dare possunt in irregularitatibus omnibus ex delicto occulto, excepta ea, quae est ex homicidio voluntario, exceptisque aliis apud iudicem deductis. Trident. *ses. XXIV. de ref. cap. 6.* Verum non in omnibus irregularitatibus licet veniam indulgere, in homicidio enim voluntario venia dari non solet: & locus non est veniae, vbi aliquis animi vel corporis vitio omnino impar est ad ordinum functiones, aut alias ad ordines omnino inhabilis est. Et in casibus, vbi licita est indulgentia, iusta causa requiritur.

C A P V T XXII.

De sacrorum ministrorum electione.

§. I. **S**VMMA cura & diligentia adhibenda est, vt optimi quique & canonicis qualitatibus donati in clerum cooptentur. Hinc ecclesia multos seruauit praescriptisque modis, quibus de ordinandorum qualitatibus constaret. Ordinarius vero sacros ministros eligendi modus electio fuit, quae propria notione est designatio idoneae personae plurium suffragiis ex regulis canonicis peracta. Inde vsque ab apostolis per plura saecula nedum episcopi, sed etiam presbyteri & ipsi inferiores clerici cleri & populi suffragiis designari consueuerunt. Tertull. *apol. cap. XXXIX.*, Cyprian. *ep. LXXII.* edit. *Rigaltii (a).*

Spe-

(a) Num in clericorum electionibus populus tamquam iudex verum suffragium laturus conuenerit, an tantum ad bonum electae parti dandum testimonium, magnis animis inter doctos controueritur. Sed magis est, populum in electionibus non verum suffragium habuisse, sed tantum conuenisse ad merita detegenda, & ne episcopus daretur inuitis. Sane Tertullianus *apolog. cap. XXXIX.* testatur, episcopos tantum honorem populi testimonio adeptos fuisse. Et Origenes *hom. VI. in Leuit.*

populi

Spectabat haec disciplina, vt optimi quique eligerentur, (nec enim hominum vitia omnibus latere possunt) & ne episcopus daretur inuitis. Ergo ad eligendos episcopos & populus & metropolitanus & provinciae episcopi in ecclesiam vacantem conueniebant: ille vota & testimonia daturus (b): hi vero iudicaturi & electum consecraturi.

§. II. Modus iste suffragiis & votis totius ecclesiae sacerdotia conferendi sanctus erat; at vbi ecclesia a persecutionibus libera diuitiis & honoribus creuit, hominum malitia in turbas & factiones degenerauit (c). Eiusmodi tumultus & factiones semper ecclesia odio habuit. Exortis vero dissidiis metropolitanus & episcopi debebant populum docere non sequi, *can. 2. D. 62.*: atque ideo eum praeferre, qui maioribus studiis & meritis iuuabatur, *can. 36. D. 63.*, aut aliquem non expetitur, meritis tamen clarum in episcopum inflatae plebi offerre & ordinare. Sidon. Apollin. *lib. IV. ep. 25.*

§. III. Quod vero turbis & populi factionibus electiones episcoporum saepe in longum differri solerent, incommodumque esset metropolitanum & episcopos prouinciae diu in ecclesia vacante immorari; in ecclesiis Occidentis institutus

populi praesentiam adhibitam scribit, vt constaret optimos quosque ad sacerdotia promoueri. Et Cyprianus *ep. LXVIII.* ait, episcopum *eligi plebe praesente, quae singulorum vitam plenissime nouit.* Sed labentibus annis praesertim in Occidente populi testimonia maiorem vim videntur habuisse.

(b) Si omnes vnanimes erant, aliquem dignum vel indignum existimantes, tum sententiam suam vniuersali acclamatione declarare solebant; vna omnes voce clamantes, *αἷος dignus*, vel *αἰσχρὸς indignus*: & simul manus extendebant. Quo factum, vt electiones apud veteres saepe *χειροτονίας elevationis manus* nomine dicantur.

(c) Certe Chrysostomus *de sacerdot. lib. III. cap. 15.* conuenitus cleri & populi ad eligendos episcopos tamquam meras turbas & contentiones describit. Sane haereticos, quarum in vna ecclesia plures & diuersi erant fautores, candidiorum amicitia, & inconstans iudicium plebis, quae sibi similem appetit sacerdotem, saepe turbant electiones, & praesertim in amplioribus ecclesiis aliquando sanguine effuso polluerunt sanctuarium.

stitutus fuit episcopus *interuentor* seu *uifitator*, qui a metropolitano curam & custodiam ecclesiae vacantis interim accipiebat, & electionis negotium procurabat, *can. 16. & 19. D. 61.* Ita ubi inter eligentes de certa persona conueniebat, electionis fiebat decretum, quod ab ipso interuentore & eligentibus subscriptum ad metropolitanum pro confirmatione mittebatur. *Uifitator* vero non ultra annum poterat officium continuare, nec ei licebat populi studiis ad sibi commendatam ecclesiam adspirare, *can. 22. C. 17. q. 1.*

§. IV. Populares electiones diu in vtraque ecclesia steterunt, sed tandem cessarunt, praecipuamque cessationis causam factiones & seditiones videntur dedisse. In primis Iustinianus *nouel. CXXIII. cap. 1. & nouel. CXXVII. cap. 2.* plebem ab electionibus penitus exclusit, easque clericis & optimatibus dedit, ita tamen vt tres eligerent, ex quibus metropolitanus ordinaret digniorem: & si tres tantae dignitatis pares non occurrerent, permisit, vt duos, quin & vnum eligerent: qui eligendi modus vsu ecclesiarum non videtur receptus. Inde synodi septima & octaua generales clerum & populum vniuersum suffragio spoliarunt, electionesque episcoporum metropolitano & prouintiae episcopis dederunt. *Conc. vii. can. 3., conc. viii. can. 22.* Ita decretis ecclesiae saeculo nono in Oriente populi suffragia in constituendis episcopis cessarunt, totumque electionis negotium metropolitano & prouintiae episcopis cessit.

§. V. Verum in Occidentis ecclesiis cleri & populi suffragia in eligendis episcopis, licet nominationibus & eodicillis regiis saepe impedita, etiam post septimae & octauae synodi canones steterunt: quin saeculo decimo secundo etiam episcopi a populo electi inueniuntur: quod ex S Bernardo *epist. XII. & XVII.* constat. At hoc ipso saeculo etiam in ecclesiis Occidentis cessarunt populares episcoporum electiones: & summi pontificis electio ad solos cardinales, episcoporum vero ad collegia canonicorum ecclesiarum cathedralium deuoluta est. Et longo ante tempore cessauerant populares electiones in cooptandis presbyteris aliisque clericis inferioribus, eorumque loco successerunt ad populum denuntiationes, quibus cuique imponitur, vt manifestet, quae nouerit, impedimenta: quae

quae disciplina in *Ordine Romano* proponitur, & praesentibus moribus obtinet.

§. VI. Deuolutis ad collegia canonicorum ecclesiarum cathedralium electionibus episcoporum multi prodierunt canones & pontificum decretales, quibus formae & sollemnitates electionis a capitulis celebrandae constituuntur, & exortae deciduntur controuersiae. Electionis formae plures esse possunt, sed in eligendis praelatis, quorum morte viduae & sine pastore censentur ecclesiae, iure decretalium tres sunt, *scrutinium*, *compromissum*, & diuinitus facta *inspiratio*, *cap. quia propter 42. ex. de elect.*

§. VII. Et scrutinium quidem modus eligendi ordinarius est, ita dictus a scrutatione siue diligenti suffragiorum inuestigatione. Celebratur scrutinium si praesentibus omnibus, qui debent, volunt & commode possunt interesse, tres de collegio fide digni scrutatores electione nullis sollemnibus adstricta adsumuntur, qui ab omnibus etiam a se ipsis secrete & singillatim, & diligenter suffragia seu voce, seu schedulis exquirunt: quae mox in scripturam redacta in commune publicent, ita scilicet ut tantum numerum eligentium expriment. Quo facto collatione habita ille censetur electus, *in quem vel omnes, vel maior & sanior pars capituli consentit*, *cap. 42. ex. de elect.* Sed ne in rixas & turbas suffragiorum ponderatione euaderent electiones, moribus receptis ille censetur electus, in quem maior collegii pars consentit. *Cabassut. theor. & prax. iur. canon. lib. II cap. 24. n. 14.*

§. VIII. Per compromissum electio celebratur, si nemine discrepante a capitulo designentur vnus vel plures idonei clerici, quibus facultas eligendi demandatur, *cap. 8. 39. & 42. ex. de elect.* Electi compromissarii leges compromisso adiectas seruare tenentur, alias electio irrita erit, *cap. 32. ex. eodem*; & si nullae expressae sint leges, eae censentur appositae, quae secundum canones omnibus electionibus insunt. Si in plures compromissum est, ille censetur electus, qui maiorem suffragiorum numerum meruit: in quo a scrutinio differt compromissum. Inductum est compromissum in electionibus, ne frequentibus inter eligentes dissensionibus, electiones in longum traherentur.

§. IX. Electio demum per inspirationem facta censetur,

tur, si suffragia omnia nullo praecedente speciali tractatu veluti a diuino spiritu excitata in vnā personam conueniant, *cap. 42. ex. de elect.* Hinc inspiratio nulla requirit sollemnia, nullam suffragiorum numerationem. Hac forma multi ex veteribus episcopis electi sunt: verum peccatis nostris inspirationes factae sunt rariores: nec hodie facile debent admitti, ne praetextu diuini impulsus, electionum regulis neglectis, aditus tumultuosis electionibus aperiatur. V. Elpen. *par. II. tit. 21. cap. 4.*

§. X. Vna ex tribus formis etiam Romani pontifices eligendi sunt; at eorum electio multa habet peculiaria in eum finem inducta, vt celeriter & sine turbis episcopus omnium princeps constituatur. Et quidem electio pontificis facienda est a cardinalibus vno conclaui inclusis: in quod praesentes cardinales, vbi decem dies expectauerint absentes, ingrediuntur, ibique habitare & certa ratione vivere debent, donec pontificem elegerint, *cap. 3. de elect. in 6., Clement. 2. de elect.* Interim absentibus cardinalibus licet re integra conclaue ingredi, vt & egressis reuerti; at nondum ingressis, aut egressis in absentia nullum est suffragium. Item pontificis electio tum rata erit, si duae cardinalium partes in unum conueniant, *cap. 6. ex. de elect.* Nullus quoque ex cardinalibus etiam excommunicatus, suspensus, aut interdictus ab electione excluditur, vt omnis discordiarum vitetur occasio, *cit. Clement. 2.* Quin etiam vnus ex clericis non cardinalibus & alienigenis eligi potest in pontificem: quamuis ab Urbano II. ad haec tempora semper ex cardinalibus electus fuerit.

§. XI. Quaecumque vero forma electio celebretur, ante omnia praelato iusta persoluenda sunt, & inde ad electionem potest deueniri, *cap. 36. ex. de elect.* Hoc facto conuocandi omnes, qui sunt de capitulo, si suffragium habeant, itemque omnes, qui ex consuetudine suffragii ius sibi quaesierunt, *cap. 3. ex. de causa posses. & propriet.*, modo excommunicatione, aut alia censura obstricti non sint, *cap. 9. ex. de consuetud., cap. 39. ex. de elect.* Vocandi vero sunt non tantum praesentes, sed & in eadem prouincia absentes, *cap. 35. ex. eod.* Absentes vero si ex iusta causa venire impediuntur, vni aut pluribus de capitulo in solidum vices suas possunt demandare, & ex consensu capituli

piculi etiam extraneum sibi in procuratorem constituunt. *cap. 42. ex. eod., cap. 46. eod. in 6.* Quod si eligentium aliquot, immo & vnus non vocentur, electio nulla est, *cap. 36. ex. eod.,* modo contemti contemptusue reclamauerint, *can. 38. ex. eod.*

§. XII. Facta vero conuocatione deinceps dicto die in ecclesia ipsa, cui pastor praeficiendus est, aut alio loco consuero, & quidem libere & palam electio celebrari debet, *cap. 42. §. ult. ex. de electione,* minus enim liberae & clandestinae electiones nomen electionis non merentur, utpote quae spontanea voluntate & palam fieri debet. Vocantur electiones clandestinae, quae celandi animo in priuatis conuenticulis importuno loco & tempore celebrantur.

§. XIII. Porro electionis celebratio in longum differri non debet, ne ex diutina vacatione ecclesia damnum sentiat. Iure veteri intra tres menses electiones episcoporum debebant celebrari, nisi ineuitabilis necessitas differri electionem coëgisset, quod synodus Chalcedonenfis *can. XXV.* statuit: quo trium mensium spatio etiam electus debebat consecrari. Similiter iure decretalium electio episcopi & maiorum dignitatum regularium etiam trium mensium spatio facienda est, *cap. 41. ex. de electione;* ac necesse non est, ut hoc eodem tempore electus consecratur. Si absque legitima causa tempore praescripto electio non fiat, eligentes pro ea vice cadunt electione, & pastoris constitutio deuoluitur ad superiorem, *cir. cap. 41.,* quod est negligentiam praelatorum supplere.

§. XIV. Species electionis, sed extraordinariae, iure decretalium *postulatio* censetur: quae est capituli petitio ad superiorem directa, ut ex indulgentia eum in episcopatum aut dignitatem admittat, qui canonico vetatur impedimento, veluti si in episcopum postuletur triginta annis minor, aut alienae ecclesiae episcopus. Ergo in postulatione ante omnia celebratur electio, inde preces diriguntur ad superiorem, ut per indulgentiam postulatum admittat. Si episcopi postulentur, superior, qui veniam debet indulgere, est summus pontifex, *cap. 4. ex. de postul. praelatorum;* proximi vero superiores, si postulentur inferiores praelati. Quoniam vero a superioris venia pen-

det admissio postulationis, postulatus ante impetratam veniam nullum ius acquirit, & re integra capitulum mutare sententiam non vetatur.

§. XV. Post electionem celebratam electi oportet consensum exquirere, *cap. 34. ex. de electione*; daturque vnus mensis spatium ab electione praesentata, vt electus consentiat; quo elapso iure per electionem quaesito cadit, *cap. 6. eod. in 6.* Electione ab electo admissa, electores amplius non possunt resilire, *cap. 21. ex. eodem*, potestque electoribus etiam inuitis petere a superiore electionis confirmationem. Interim vero electus vetatur administrationi ecclesiae se immiscere, exceptis episcopis & abbatibus extra Italiam, qui a pontifice confirmari debent; ob locorum enim distantiam iis benigne indultum est, vt omnibus suffragiis electi interim ecclesias administrent, *cap. 44. ex. de elect., cap. 5. eod. in 6.*

§. XVI. Penes capitula ecclesiarum cathedralium diu steterunt episcoporum electiones, at labentibus annis collationes paene omnium beneficiorum & electiones episcoporum in sedem apostolicam deuolutae sunt. Electionibus ad pontificem deuoluendis viam videntur muniisse frequentes inter eligentes electosque discordiae ad supremum pontificis iudicium referri solitae, quibus decretales redundant. Primus Clemens v. suae collationi reseruauit cathedrales ecclesias, quae apud Romanam curiam tempore sui pontificatus vacarent, *extrauag. 3. de praebend. in comm.* Inde idem pontifex collationi pontificiae addixit ecclesias, quae clero & populo christiano carerent, *Clement. 5. de elect.* Successerunt alii pontifices in primis Benedictus xii., qui dispositioni pontificis reseruauit omnes parochiales, episcopales & archiepiscopales ecclesias apud sedem apostolicam quandocumque vacantes, *extrauag. 13. de praeb. in comm.* Deinceps vero sequentes pontifices suis cancellariae regulis generatim sibi reseruauerunt ecclesias episcopales, quocumque loco vacarent.

§. XVII. Canonicae episcoporum electiones & beneficiorum collationes in pontificem translatae auxerunt quidem Romanae sedis dignitatem, at ordinem in ecclesia receptum turbauerunt, aliisque incommodis viam aperuerunt. Hinc in synodo Constantiensi anno cccccxv. legati

gati ecclesiae Gallicanae instanter petierunt, canonicas electiones collegiis canonicorum restitui. Sed synodus extinguendo schismati vnice intenta, articulum de episcoporum electionibus & beneficiorum reservationibus futuro pontifici & synodo commisit; at inde electo Martino v. re infecta discessum. Itaque paucis post annis in synodo Basileensi exclamarunt episcopi, rescindi ecclesiarum & beneficiorum reservationes. Et reapse synodus omnes pontificias ecclesiarum & beneficiorum reservationes excidit, excepta ea, quae sexto decretalium libro inserta, pontifici reservabat beneficia, quae in curia vacarent, itemque exceptis illis, quas pontifices in dominio temporali sedis apostolicae facere vellent. Conc. Basileen. *ses. XXII. & XXIII. cap. 5. & 6.*

§. XVIII. Decretum synodi Basileensis, quo ecclesiarum & beneficiorum reservationes excisae sunt, lubens excepit ecclesia Gallicana: illud enim in comitiis Bituricensibus anno MDCCCXXXVIII. probatum, mox regia auctoritate sub nomine *pragmaticae sanctionis* publicatum est. Ita in Gallia canonicae electiones & liberae beneficiorum collationes restitutae. Sed in aliis prouinciis decreta synodi Basileensis non pari veneratione excepta sunt, atque ideo reservationes ecclesiarum & beneficiorum in statu suo perstiterunt. Interim pontifices aegre ferebant pragmaticam sanctionem: contra principes male habebat, sibi subditos canonicos electionibus excidisse, & ecclesiis suorum regnorum episcopos a pontifice pro arbitrio dari. Ergo pactis conuentis vel apostolicis indultis nominationes episcoporum vel regibus concessae, vel capitulis restitutae; at confirmationes pontificibus reseruatae.

C A P . V T XXIII.

De regia in electiones episcoporum potestate.

§. I. **S**Vffragiis populi, quibus eligebantur episcopi, principum consensus accedere debebat, quo non impetrato non poterant consecrari. Sunt principes reipublicae capita, & iura populi exercent vniuersa; ac proinde iure meritoque in episcoporum electionibus praecipuum summorum imperantium debet esse suffragium: quod ipsa ecclesia iustum & aequum esse vidit. *Ut cum voluntate Regis*, inquit synodus Aurelianensis v. anno 1049. celebrata *can. X.*, iuxta electionem cleri & plebis, sicut in antiquis canonibus tenetur scriptum, a metropolitano pontifex, hoc est episcopus, consecratur. Id tamen verum est, initio christianos imperatores integras ferme electiones populo reliquisse (a); at sexto & sequentibus saeculis in Occidente sic inualuit regius assensus, ut omnibus ferme electionibus assentiri deberent (b).

§. II.

(a) Imperatores christiani aliquando populi electionibus se immiscuerunt, saltem si necessitas tuendae ecclesiasticae disciplinae, aut personae electae qualitas, aut subortae turbae imperium principis explicari postulabant.

(b) Et sane in multis Occidentis ecclesiis saeculis sexto & sequentibus regius assensus veluti ordinario iure in omnibus ferme episcoporum & abbatum electionibus erat necessarius. Novae per Europam ex ruinis Romani imperii constitutae & aliquando minus firmae dominationes id profecto postulabant, episcopos & abbates, quorum magna apud populos erat auctoritas, sine regum consensu non constitui. Eo quoque contulerunt feuda, quibus ex regum munificentia ecclesiae & monasteria aucta fuerunt: itemque mos in multis Europae regnis receptus adhibendi in regum consilia & reipublicae administrationem cum reliquis proceribus etiam episcopos. Scilicet necessarium visum est, feudorum administratores & reipublicae administratos sine suffragio principum non creari.

§. II. Ipsa quoque summi pontificis electio etiam imperatoris consensu & confirmatione indigebat: cuius disciplinae primordia ad compescendos tumultus ex ipsorum pontificum admonitione vulgata sunt, *can. 1. D. 98. Deinceps a Gothis Italiae regibus aliquando pontifices electi sunt. Cassiod. lib. VIII. ep. 15., Anastas. Biblioth. in Silverio.* Sed ubi Italia, euerso per Narsetem Gothorum regno, iterum imperio Romano consolidata est, electio summi pontificis confirmationi imperatoris euasit obnoxia. Et ita inter pontificum electiones & consecrationes saepe morae interiectae longiores. Ea tempestate Romani pontificis auctoritas in Occidente summa erat: atque ideo interfuit imperatorum tam longe ab Italia degentium, neminem, quem ipsi non probassent; in pontificem ordinari. Sed a tempore Leonis Isauri imperatorius in pontificis electionem adensus variam habuit fortunam: desit tandem saeculo vndecimo, quum de inuestituris ardebant controuersiae: quod Ioannes Mabillonius *Mus. Ital. tom. I. par. 2. p. 42.* obseruat.

§. III. Consensus vero regius electioni episcoporum accedens non nuda erat caerimonia, sed potius ex causis facta confirmatio, licebatque ideo regibus factam electionem expendere & ex causis reiicere: quod etiam in pontificum electione imperatores faciebant. Ioan. Diac. *vit. Greg. M. lib. I. cap. 39.* Causae vero, quibus licebat regibus electiones excludere, erant illae ipsae, quae eas minus legitimas faciebant vel vitio personarum, vel electionis: eratque etiam inter causas exclusionis, *si electus minus aptus esset seruitio Regis.* Quod vero ex causis licebat regibus electiones reiicere, factum est, ut regius in factam electionem adensus *concessio* vel *danatio* episcopatus diceretur. V. Christ. Lup. *diff. III. prooem. de regia antist. nominat. cap. 6.*

§. IV. Regia potestas, cuius adsensu probari debebant electiones, in Occidente ulterius processit, & ablata clero & populo electionum libertate codicillis suis episcopos designauit, quod ecclesia aegre tulit (c). Sane sub Merouingii

in

(c) Christiani imperatores ad turbas in electionibus frequen-

in Gallia & sub Wisigothis in Hispania principum dilectionis ut plurimum episcopi electi sunt (d). Et quamvis Carolus M. & Ludouicus Pius electiones populo restituerint, *can. 34. D. 63.*, Hinc. Remen. *epist. XII. cap. 3.*; tamen principes isti suas egressi leges, saepe episcopos nominarunt. Vsurpatae etiam regiae nominationes in Anglia & Germania: quin in Germania postquam in abusionem degenerarunt inuestiturae, episcopis & abbatibus dari solitae (e), electiones veluti iura regia habitae sunt. Sed Italiae ecclesiae sub Gothis & Longobardis principibus, praesertim quae a metropoli Romana pendebant, integram ferme electionum libertatem retinuerunt: quod Florus Magister *de elect. cap. VI.* testatur. Toto autem hoc tempore, quo in usum abierant regiae episcoporum nominationes, principes de suo iure saepe remittebant, & vacantibus ecclesiis concedeabant electiones (f).

§. V.

res euitandas, aut consopandas vel sponte, vel ab episcopis & populis interpellari saepe episcopos nominarunt. Deinceps quinto & sequentibus saeculis in Oriente electiones patriarcharum praesertim Constantinopolitani ab imperatoribus factae sunt: quae quando sine vi & ex ecclesiae utilitate fiebant, ab ecclesia improbatas non sunt, Gregor. M. *lib. VI. epist. 6.*, Nicol. 1. *epist. ad Michael. III. imperator.*: quin potius petentibus synodis & episcopis inualuerunt. Distant vero ab his electionibus illae, quibus manu militari populis repugnantibus & inuitis imperatores Constantius, Leo Isaurus & Constantinus Caballinus ad Arianam & Iconoclasticam haereseum constabiliendas episcopos dederunt.

(d) In Hispania concilium Toletanum XII. anno 1561 XXXI. habitum *can. 6.* Regi concessit nominationem episcoporum Hispaniae, ea tamen lege ut omnes nominati ab episcopo Toletano probarentur & consecrarentur. Et ita Hispaniae reges deinceps episcopos nominarunt optimo iure, hoc est iure regio & ecclesiae concessione. Quo distabant a Galliae regibus, qui ecclesiae ferme reluctante & tolerante nominare solebant.

(e) Nomine inuestiturae proprie veniebat concessio feudorum & reliquorum regaliū sollemni baculi & annuli traditione a principibus facta.

(f) Iam vero regis episcoporum nominationibus synodus septima

§. V. Sic episcoporum nominationes in Occidentis ecclesiis processerant: at saeculis vndecimo & sequenti eas abolendas pontifices Leo IX., Gregorius VII. alique magnis animis susceperunt. Ergo multae synodi celebratae, in quibus statutum, ne sine electione cleri & populi episcopi constituentur: & simul damnantur episcoporum electiones a regibus factae. His decretis vinci passi sunt reges Galliae & Hispaniae, qui electiones ecclesiis restituerunt. Et in Germania post diuturna de inuestituris bella episcoporum electiones pactis conuentis inter Callistum II. pontificem & Henricum V. imperatorem ecclesiis cesserunt: tantumque datum imperatori, vt episcoporum & abbatum Teutonici regni electiones in praesentia illius sine vi & simonia fierent.

§. VI. Quamuis vero Romani pontifices regias episcoporum nominationes sublatas euerfasque voluerint; tamen iidem probarunt & admiserunt regium in electionem adsensum, sed post celebratam electionem interponendum: regius enim post factam electionem adsensus non officiebat electionum libertati, & porro regiae dignitati inerat. Itaque reges abdicatis nominationibus, deinceps factas electiones confirmarunt: quod ius regium decretales pontificum frequenter proponunt, *cap. 14. 20. & 28. ex de elect.* Verum non defuerunt reges, qui aliquid ex antiquo iure retinuerunt: nam in regno Galliae saeculo decimo secundo & sequenti electiones ex praeuia regis concessione fiebant: quod idem in Anglia obtinuisse videtur, *cap. 5. de electione in 1. collect.*

§. VII. Iam vero hac ipsa aetate, qua restitutis ca-

K 4

nonicis

prima generalis *can. III.* videtur ob stare, quae damnat electiones, quae saecularium principum auctoritate fiunt, innouatque canonem apostolicum aduersus eos, qui terrenorum principum fauore grassantur ad episcopales sedes, & porro statuit, vt electiones episcoporum ab episcopis ex regulis Nicaenis fiant. Sed hoc canone tantum prohibentur electiones episcoporum, quas vi ac potentia principes faciebant, quales sub iconoclastis imperatoribus plures fuerunt: quod Balsamon in *cit. can. III.* obseruat.

nonicis electionibus Reges optimo iure probandi factas episcoporum electiones fruebantur, regnum Siciliae a Normannis institutum est. Ergo Reges nostri iure regio & pactis conuentis cum sede apostolica factas episcoporum electiones expendebant, easque ex causis reiicere & probare poterant (g). Et pupillo adhuc Friderico II. Innocentius III. illius tutor *vice regia* episcoporum electiones confirmabat, *cap. 18. ex. de electione*. Sed eo rem redegit Innocentius, vt tantum in speciem regium adsensum seruasse videatur: etenim ea lege Constantiae Friderici matri ipsique puero Friderico dedit regni inueltituram, vt Rex requisitus omnino factae electioni consentiret. Nimirum ademit regibus nostris electiones expendendi & ex causis etiam reiiciendi facultatem. Qua de re grandior factus Fridericus ipse conquaestus est.

§. VIII. Sed Siciliae regno ad Andegauos opera & studiis summorum pontificum translato, regius in factas electiones adsensu omnino desit adhiberi: idque pactis inueltiturae a Clemente IV. pontifice Carolo I. Regi datae comprehensum est, tantumque integrum ius patronatus regibus nostris competens remansit. Parum fuit Carolo Andegauorum comiti aliquid de regni iuribus perdere, & regnum tum ceterorum florentissimum acquirere. Abdicato regio in electiones adsensu, integrum Reges nostri vetandi ius retinere, ne qui sibi suspecti, aut alias minus probati essent, in episcopos eligerentur, aut eosdem non admittere, si iam electi & consecrati essent. Hinc emerfit *regium placitum*, vt vulgo dicitur, sine quo Reges nostri passi non sunt, vt electi & consecrati episcopi ecclesiarum suarum regimen susciperent.

§. IX. Regius vero in episcoporum electiones adsensu generatim infirmari debuit, vbi electiones in Romanos

(g) Sane inter Hadrianum IV. pontificem Bencuenti obsecsum & Gulielmum I. Siciliae regem inita pace, inter alios articulos de electionibus episcoporum placuit, clericos personam idoneam eligere, factam electionem omnibus aliis ignotam Regi offerre, Regem vero electionem expendere & probare, si electus nullas pateretur exceptiones.

nos pontifices transierunt. Indignum scilicet visum est, electiones episcoporum a pontifice factas laico regum iudicio subiacere. Et quamuis Reges electionibus assentientes, suo iudicio minime subiicerent peractas a pontifice electiones, sed potius regia iura, quae non patiuntur episcopos ipsis inuitis constitui, exercerent; tamen ubi pontifices sibi electiones episcoporum reseruauerunt, veluti oblauguit regia illarum confirmatio, satiusque visum regibus pati, ut regia iura interquiescerent, quam cum pontificibus manus conferere.

§. X. Ceterum postquam summi pontifices bullis suis & cancellariae regulis electiones episcoporum sedi apostolicae addixerunt, regiae episcoporum nominationes in plerisque regnis restitutae sunt. Nimirum pontificiae ecclesiarum cathedralium, ut & ceterorum beneficiorum reservationes, non minus collegiis canonicorum & ordinariis collatoribus, quam ipsis regibus odio fuere. Ergo pactis conuentis, vel apostolicis indultis, vel iure patronatus nominationes episcoporum vel regibus datae, vel capitulis restitutae; at confirmationes pontificibus reseruatae sunt. Apud nos vero viginti quatuor tantum episcopatus sunt regiae nominationis (h): quod Clemens VII. Carolo V. cuiusque in regno successoribus concessit.

CA-

(h) In Gallia post diuturnas de pragmatica sanctione inter reges & pontifices controuersias tandem pactis conuentis inter Leonem X. & Franciscum I. Regem nominatio episcoporum & abbatum & priorum conuentualium, quorum morte vidua censeretur ecclesia, Regi cessit, pontifici vero confirmatio: tantumque excepti episcopatus, abbatiae & prioratus priuilegio pontificio sibi eligendi praelatos aucti, in quibus canonicae electiones sublatae non sunt. Et in Hispania Rex catholicus episcopos nominat ex iure patronatus, aut potius summorum pontificum priuilegiis. Mariana *hist. Hisp. lib. XXIV. cap. 16. & lib. XXVI. cap. 5.* Pari quoque iure plerique alii reges in nominandis sibi subiectis episcopis vtuntur: quod Michaël Roussellius *hist. pontif. iurisdic. lib. II. cap. 7.* late persequitur. Sed in Germania pactis conuentis inter Nicolaum V. pontificem & Fridericum III. imperatorem & nonnullos alios principes capitulis electiones restitutae sunt.

C A P V T XXIV.

*De ordinandorum examine & electionis
confirmatione .*

§. I. **E** Lecti & probati ad sacrum ministerium tum debent consecrari, si instituto examine, seu *scrutinio*, vt appellant decretales, constet, eos tanto honore dignos esse. Nec enim cito manus sunt imponendae, 1. *ad Timoth. V. 22.*, hoc est nemo debet sine diuturna discussione & examine inter sacros ministros cooptari. Chrysost. *hom. XVI. in 1. ad Timoth.* Valebant quidem in eligendis clericis populi suffragia ad bonorum merita & malorum crimina detegenda; at in re tanti momenti vltiorem diligentiam adhibitam ecclesia voluit, vt factis ipsis constaret, aptos & idoneos esse, qui eligebantur, *can. 2. D. 24.* Qui examine non praemisso ordinantur, *furtive* ordinari dicuntur. Tales olim a clero abiiciebantur, *can. 4. D. 81.*; at iure decretalium ante ordinationem sub excommunicatione proposito interdicto, ne aliquis per furtum accedat, sunt irregulares, tantumque habitu regulari suscepto per pontificem restituuntur; sed interdicto illo omisso, ex venia episcopi in ordinibus susceptis ministrabunt, & ad maiores ordines promouentur, *cap. 1. & seqq. ex. de eo, qui furtive ordinem suscepit.*

§. II. Ordinationi praecedens examen spectat canonicas ordinandorum qualitates, ac praecipue mores & scientiam, cuique gradui propriam. Et boni quidem mores ferme probantur aliorum testimoniis, quae tum sunt idonea, si testes probati & diligentes viri sint, & vitam eius, de quo testantur, cognitam & perspectam habeant. Hinc synodus Meldensis apud Reginonem *lib. I. cap. 369.* statuit, vt nemo ordinetur, nisi in ciuitate, vbi examen instituitur, ad minimum vno moretur anno. Scientia vero exploratur propositis interrogationibus de iis, quae scire clericos oportet, theologiam nempe & sacros canones.

Gradus

CAP. XXIV. DE ORDINAND. ETC. 155

Gradus academici in vile abierunt mercimonium, & vix idoneam fidem de disciplinis faciunt.

§. III. Instituitur autem examen ab eo, cuius est manuum impositio, *cap. 24. ex. de electione*. Et ita episcoporum examen spectabat ad metropolitanum & episcopos prouinciae, metropolitanorum ad patriarchas, & in dioecesibus, vbi nulli erant patriarchae, ad ipsos episcopos prouinciales. Presbyterorum vero & aliorum inferiorum clericorum examen episcopus, cui eorum ordinandorum ius est, debet instituere. Id autem facere debet episcopus accitis sacerdotibus & aliis prudentibus viris, qui legis diuinæ & sacrarum functionum peritia censentur. *Gregor. M. lib. II. ep. 48., Trident. sess. XXIII. de ref. cap. 7.*

§. IV. Examine absoluto minus idonei reijciuntur, electores, qui scientes indignum elegerunt, pro ea vice ipso iure eligendi potestate cadunt, & electio deuoluitur ad superiorem, modo omnes scienter indignum elegerint: nam si maior pars indignum, minor vero dignum eligat, minoris partis electio admittitur, *cap. 22. & seq. ex. de electione*. Quod si in ipsis electionum sollempnibus peccatum sit, sententia opus est, vt eligendi iure capitulum cadat, *cap. 42. & 50. ex. eodem*; nisi confirmatio ad pontificem pertineat, vel electio per appellationem ad ipsum deferatur, quibus casibus ius omne ad pontificem deuolvitur, qui aliquando ad ipsos electores remittere consuevit. *Franc. Florens ad tit. de elect.*

§. V. Quicumque per inquisitionem idonei reperti sunt, ad sacrum ministerium admitti debent. Ita presbyteri & reliqui inferiores clerici statim tempore ordinantur; episcopi vero confirmantur, & inde manuum accipiunt impositionem. Vt vero nunc de episcoporum confirmatione agamus, ea est ipsa concessio episcopatus per superiorem facta, qua ex praeuia causae cognitione probatur facta electio, & electus pastor ecclesiae constituitur, manus impositione in aliud tempus dilata. Per decem ferme saecula episcopi sola manuum impositione constituti sunt, vnoque ferme actu confirmabantur & ordinabantur. Inde confirmatio episcoporum a consecratione distincta est, eodem ferme modo, quo collatio beneficii ab ordinatione infe-

inferiorum clericorum separata est. V. *Espen. par. I. tit. 14. cap. 1.* Et ita iure decretalium, vt episcopus constituitur & omni sacra potestate instructus sit, tres actus, electio nempe, confirmatio & consecratio requiruntur: contra in veteri disciplina episcopi electi tantum solebant consecrari.

§. VI. Sic autem accepta episcoporum confirmatio iure decretalium ad solum metropolitanum spectat: separata enim ab ordinatione confirmatio praesentiam plurium episcoporum minus necessariam fecit. Confirmat vero metropolitanus electiones praeuia causae cognitione, qua in electi qualitates & electionis sollemnia inquirat. At iudicium examinis iure decretalium ad formulas forenses, quae iam ecclesiasticum forum occupauerant, accommodatum est. Ergo metropolitanus specialiter electos & contradicentes vocat, ceteros vero per edictum, *cap. ult. de electione in 6.*, terminoque citationis elapso in electi qualitates & modum electionis inquirat: & lata sententia ad pontificem prouocatur, vnde noua iudicia, quibus libri decretalium abundant.

§. VII. Electionis autem confirmationem electus ipse siue solus, siue cum eligentibus petere debet trium mensium spatio a consensu in electione praestito: quo tempore exacto irrita censetur electio, nisi iusta causa petendae confirmationis fuerit impedimento, *cap. 6. de elect. in 6.* Et deinceps intra tres menses a die confirmationis episcopi debent consecrari: quibus elapsis perceptos fructus restituent, & si intra totidem menses id facere negligant, ecclesiis ipso iure priuantur. Trident. *ses. XXIII. de ref. cap. 2.* Ita contra regulas veteris disciplinae, quae trium mensium spatio episcopos eligi & consecrari praecipiebant, conc. Chalced. *can. XXV.*, diutius sine pastore ecclesiae esse coguntur.

§. VIII. Plures & insignes confirmationis episcopalis effectus sunt. Nexus inter episcopum & ecclesiam, seu spirituale coniugium electione initiatum, ratum fit confirmatione, & manuum impositione completur, *cap. 4. ex. de translat. episc.* Item episcopus in confirmatione omnem sacram accipit iurisdictionem, *cap. 7. ex. de electione*, non vero ea, quae *apud* ordinationi adherent.

Epi-

Episcopus quoque confirmatus statim episcopalibus privilegiis & insignibus utitur, *cap. 27. ex. eodem*: statimque ecclesiae poterat administrationem suscipere. Quae omnia antiquae aduersantur disciplinae, quae episcopi iurisdictionem & omnem sacram potestatem ab ordinatione repetebat, nec inter ordinis & iurisdictionis potestatem distinguebat. Id tantum superest de antiqua disciplina, quod ante consecrationem confirmatus simpliciter non dicitur *episcopus*, sed cum adiuncto *electus*.

§. IX. Sed tandem confirmationes episcoporum in Occidente una cum episcopatum reservationibus ad pontificem Romanum delatae sunt; indignum profecto visum, pontificis iudicium episcopum eligentis a metropolitano confirmari. Et quamvis ex nouissimis institutis nominationes in multis prouinciis cesserint summis imperantibus, & in Germania capitulis electiones restitutae sint; tamen ius confirmandi episcopos omnes penes pontificem remansit. Expediunt vero pontifices confirmationes in consistorio cardinalium praeuia causae cognitione: at sic confirmati ex nouis decretis non possunt suarum ecclesiarum administrationi se immiscere, nisi post acceptas a pontifice litteras, quae de confirmatione, aut consecratione testentur, *extrauag. 1. de elect. inter comm.* Quin apud nos nec possunt se immiscere ecclesiarum administrationi, nisi litterae pontificis sollemni regis decreto donatae sint,

C A P V T XXV.

*De sacris ordinationibus, & primo de materia
& forma, aliisque adnexis sollemnibus.*

§. I. **I**Am electi & probati ad sacrum ministerium proprio sollemnique ritu initiantur, & spirituales potestatem accipiunt: qui ritus a Latinis ecclesiasticis scriptoribus saepe dicitur *ordinatio*, *consecratio* & *benedictio*, a Graecis vero *Χρισπορια* a ritu eleuandarum & imponendarum manuum, qui praecipuus est in maioribus clericis creandis

creandis. Est vero ordinatio proprie sic dicta christianae religionis sacramentum, quo sollemni inauguratione potestas spiritalis ad obeunda sacra ministeria non sine gratiae effusione confertur: quod catholicae fidei dogma est. V. Hallier, *de sacr. elect. & ordinat. par. II. sect. 2. cap. 1.*

§. II. Hoc sensu accepta ordinatio distat ab ordine; nam illa est ipsa sacra caerimonia, iste vero ipsa potestas data, & hinc vulgatum illud *ordines conferre* (a). Plures vero sunt ordines, quorum alii maiores, alii minores. Et maiores quidem sunt episcopatus, presbyteratus, diaconatus, & ex noua disciplina etiam hypodiaconatus. Minores vero in ecclesia Latina sunt acolytatus, exorcistatus, lectoratus & ostiarius: quorum omnium officia ex superioribus satis constant.

§. III. Sacramentum ordinationis ex communi & certa ecclesiae doctrina positum est in creandis episcopis, presbyteris & diaconis. Nam quod spectat ad hypodiaconos & inferiores clericos, magis est, ut ritus, quibus creantur, veri nominis sacramenta dici non possint: quod Ioannes Morinus *de sacris ordinat. par. III. exercit. 11. cap. 1. & seqq.* pluribus demonstrat. Nimirum ritus isti potius ab ecclesia, quam diuina auctoritate instituti sunt: & sacramenta rebus & verbis a Deo institutis constant. Interim etsi saltem tres sint ordines, quibus ratio sacramenti omnino conuenit; non tamen tria sunt ordinationis sacramenta, sed vnum. Omnes enim ordines ad sacerdotium referuntur: atque ideo in illo vnum quodammodo sunt: quod S. Thomas *quaest. XXXVII. supplem. art. 1. ad 2.* obseruat.

§. IV. Ordinatio autem, utpote veri nominis sacramentum, rebus & verbis, seu ut recentiores theologi dicunt, *materia & forma* tamquam elementis constat. Et res quidem seu signum externum, quibus maiores ordines conferuntur, ex apostolica traditione est manuum impositio.

(a) Nomine *ordinis* ex natura adiunctorum aliquando ipsa ordinatio designatur, ut in titulo decretalium *de scrutinio in ordine faciendo*: qua notione ordo etiam recte vnum ex sacramentis esse dicitur. Trident. *ses. XXIII. cap. 3. & can. 3.*

posito. Sane apostoli impositis manibus creantur diaconos, *Aclor. VI. 6.* Patres quoque semper maiores ordines per manuum impositionem datos adserunt: & libri rituales Graeci & Latini cuiusque aetatis in consecrandis sacris ministris semper manuum impositionem praescribunt (b). Minores vero ordines, quibus ratio sacramenti non convenit, apud Latinos instrumentorum traditione, non vlla impositione manuum collati sunt. Conc. Carthag. iv. *can. 5. & seqq.*

§. V. Verba vero, quae elemento addita sacramentum constituunt, ex apostolica traditione preces sunt, quibus rogatur Deus, ut spiritum gratiae suae infundat; & potestatem det ad ministeria commissa obeunda. Certe apostoli ieiunantes & orantes diaconos creantur: & antiqui patres precibus ordinationes factas describunt (c). Quod si praesentibus moribus apud Latinos in creandis maioribus clericis verba, quae ipsam manuum impositionem comitantur, preces non continent, sed potius indicant dari potestatem & Spiritum sanctum, veluti in consecrandis episcopis consecrator dicit: *accipe spiritum sanctum*; id non facit, ut verba ista essentialem ordinationis formulam constituent. Etenim in compertis esse debet, etiam in nova disciplina essentielles ordinationis formulas esse

(b) Ritus imponendarum manuum in creandis sacris ministris ab Iudaeis in ecclesiam videtur derivatus. Sane sollemnis & peruerstus est apud Iudaeos ritus imponendarum manuum in benedictionibus impertiendis. *Genes. cap. XLVIII. v. 13. & seqq.* Moyses extensis impositisque manibus miracula patrabat, & diuinam virtutem & potentiam, cum iis, quibus manum imponebat, communicabat. Et Iudaei presbyteros manibus impositis creantur. V. Selden. *de synedr. lib. II. cap. 7. §. 1.*

(c) Plures manuum impositiones & preces adhibentur in consecrandis presbyteris, sed illae tantum ad intimam ordinationis naturam pertinent, quae apostolicae sunt institutionis, & per omnem ecclesiam seruatae sunt, qualis profecto est illa, quam episcopus, quam sacerdotes manum dexteram super ordinandum extensam tenent, & episcopus stans cum mitra recitat orationem antiquissimam, quae etiam hodie in Pontificali exhibetur. V. Morin. *de sacris ordinat. par. III. exercit. 7. cap. 2.*

esse preces, quae manuum impositioni respondent, eique olim adhaerebant, formulas vero indicantes vsu accessisse ad preces necessarias. V. Nat. Alexandr. *theol. lib. II. de sacram. ordinis cap. 1. art. 6.* Et quâ quæso ad ordinationis intimam constitutionem pertinere possunt formulae, quas antiquitas ignorauit?

§. VI. Sollemnis quoque in consecrandis ecclesiae ministris est traditio instrumentorum, quae fit sub certis formulis, quae potestati cuiusque ordinis propriae respondent. Ita presbytero traditur patena cum pane & calix cum vino sub formula, *accipe potestatem offerendi sacrificium in ecclesia pro uiuis & mortuis in nomine Patris & Filii & Spiritus Sancti.* Et diacono traditur euangelium sub formula, *accipe potestatem legendi euangelium in ecclesia Dei &c.* & ita porro reliquis inferioribus clericis propria instrumenta conceptis verbis traduntur. In ecclesia Latina minores ordines semper traditis instrumentis videntur fuisse collati. Conc. Carthag. *iv. can. V. seqq.* Sed in creandis clericis maioribus per decem priora saecula nulla apud Latinos vsurpata fuerunt instrumenta, quae post saeculum decimum adhiberi coepta sunt: apud Graecos vero semper ignota fuerunt, & nunc etiam ignorantur. Morin. *de sacr. ordinat. par. II. exercit. 2. 7. & 9.*

§. VII. Quae quum ita sint, instrumentorum istae traditiones cum adiectis formulis ad intimam ordinationis naturam iure diuino non videntur pertinere. In veteri enim disciplina tantum per manuum impositionem clerici maiores creabantur, & ecclesia Graeca adhuc ignorat instrumenta. Et si Eugenius *iv. in decreto* ordinationis materiam dixit esse instrumenta, quorum traditione ordines conferuntur, formam vero verba traditionibus respondentia; non propriam & intimam ordinationis materiam & formam voluit indicare, sed peculiare ritus, quos ecclesia Romana addiderat ritui apostolico, hoc est manuum impositioni. Interim assiduo ecclesiae Latinae vsu videntur instrumenta eorumque formulae ad materiae & formae integritatem pertinere, quod viri docti Morinus, Espenius alique obseruant. Scitum est, posse ecclesiam sacramentis ritus & conditiones addere, quibus omissis illa nullius effectus sint,

§. VIII. Praeterea in sacris ordinationibus apud Latinos unctio adhibetur, qua episcopi caput & manus sacro chrismate, manus vero presbyteri oleo catechumenorum precibus adhibitis unguuntur. Ritus iste non est apostolicae institutionis (d), nec umquam a Graecis adhibitus est: & in ecclesia Latina post quintum saeculum sensim invaluit, exemplo fortasse sacerdotum veteris legis, qui dum creabantur, oleo inungi debebant: quod apertis verbis Deus *Leuit. VIII. v. 12.* praecepit (e). V. Morin. *de sacr. ordinat. par. III. exercit. 6. cap. 2.*

§. IX. Celebrari autem debent sacrae ordinationes in ecclesia, & quidem in publico Dei cultu tempore sacrae liturgiae. Et ex veteris disciplinae regulis ordines maiores in altari & sanctuario, minores vero extra sanctuarium conferebantur: qui mores apud Graecos adhuc vigent. V. Morin. *loc. cit. cap. 6.* Scilicet creabantur clerici in locis, ubi tempore liturgiae interueiebant. At ex praesenti ecclesiae Latinae usu minores ordines & primam tonsuram etiam extra ecclesiam conferre licet.

Pars I.

L

CA

(d) Innocentius III. in *cap. vii. ex de sacra unctione* usum unctionis in consecrandis episcopis & presbyteris ab exemplo apostolorum arcessit & deriuat, idque auctoritate decretalis sub nomine Anacleti papae in *can. 1. D. 75.* Sed decretalis ista posterioris aetatis figmentum est, ex officina Mercatoris vulgata.

(e) Sollemnis apud Iudaeos & ethnicos, in sacris olei usus fuit: & ita quidquid Deo diisue dicabant, oleo adspergebant. V. Spencer. *de legib. Hebraeor. ritualibus* & Ioan. Cleric. *not. ad Iudic. IX. 9.* Hinc Iudaei oleo inungebant sacerdotes, qui Deo consecrabantur. Sed gentes indifferenti ritu in stupidam proruerunt superstitionem, siquidem res omnes, quas ungebant, adorabant: quod ethnicae superstitionis caput Reinerus Verwey *de unctionibus gentilium* pluribus illustrat. Interim quamuis ecclesia multos Iudaeorum ritus suos fecerit; non tamen in consecrandis sacerdotibus initio oleum adhibuit, fortasse quod ex vetusta disciplina christiani omnes in baptismo oleo ungi soleant: qua unctio late dictum sacerdotium consequebantur. Tertull. *de bapt. cap. VII.*

CAPVT XXVI.

De sacrae ordinationis ministro.

§. I. **M**inister sacrae ordinationis, praesertim si de maioribus clericis creandis agatur, solus episcopus est, quae est ecclesiae doctrina. Presbyteri simul cum episcopo in creandis alijs presbyteris tantum manus imponunt; ut ipsi ordinationes maiorum clericorum omnino facere vetantur. *Quid facit, excepta ordinatione, episcopus*, inquit Hieronymus *ep. LXXXV. ad Euagr.*, *quod presbyter non faciat?* Et ad episcopum consecrandum ferme tres episcopi requirantur, quod pluribus illustrat Thomassinus *de vet. & noua eccles. disciplina par. II. lib. 2. cap. 12.*, sed ad creandos presbyteros & ceteros inferiores clericos vnus episcopus sufficit. Quod vero spectat ad clericos minores, ii saltem extra ordinem a presbyteris creari possunt: quo iure vtuntur presbyteri cardinales in parochiis, quas Romae tenent, & ordinum abbates consecrati, si ordinandi subditi sint & regulares. Conc. Nicaen. II. *can. XIV.*, Trident. *ses. XXIII. de ref. cap. 10.*

§. II. Sed episcopi non promiscue omnes possunt ordinare, sed tantum sibi subditos, itemque eos, qui sui ordinis & conuentus principes sunt, vt quilibet a proprio episcopo ordinetur. Itaque ius ordinandi episcopos prouinciae erat penes metropolitanum & episcopos prouinciales. Conc. Nicaen. *can. IV.* Et institutis patriarchis ius ordinandi metropolitanos intra fines dioecesis illis cessit. Conc. Chalced. *can. XXVIII.* Patriarchae autem ab episcopis & metropolitanis propriae dioecesis ordinabantur. *Novell. Iustin. CXXXI. cap. 3.* Ipsum quoque episcopum Romanum finitimi episcopi consecrabant, inter quos episcopus Ostiensis primas partes tenebat. Sed tandem in Occidente ius episcoporum consecrandorum vna cum electionum confirmationibus ad Romanum pontificem deuolutum est.

§. III.

§. III. Porro quod spectat ordinationes inferiorum ministrorum & primam clericatus dationem, inter veterem & novam disciplinam distat. Et veteri quidem disciplina in promovendis ad altiore gradum clericis, proprius episcopus erat, qui primus clericatum contulisset. Conc. Nicaen. *can. XVI.*; Sardic. *can. XV.*, Chalced. *can. XX.* Sane clerici omnes in ordinatione episcopo ordinanti, & ecclesiae, cui eos addixerat ordinatio, perpetuum erant adstricti, ac proinde sine proprii episcopi venia nec ad aliam ecclesiam transire, nec ab alio episcopo poterant ordinari. Sed laici a quocumque episcopo poterant ordinari, modo de eorum integra vita constaret. Conc. Il-
 liber. *can. XXIV. V.* Hallier. *de sacris electionib. & ordinationib. par. II. sect. 5. cap. 3. art. 1.* Constat verò de moribus peregrinorum aut diutina eorum in aliquibus locis praesentia, aut fama, quae de eorum moribus increbuerat, aut litteris formatis, quas laici a suis episcopis acceptas secum deferebant.

§. IV. Per decem & amplius saecula stetit haec disciplina, inde mutata est, receptumque, ut quadruplici titulo proprius ad dandos ordines episcopus esset, *origine* nempe, *beneficio*, *domicilio*, *cap. 3. de tempor. ordinat. in 6.*, itemque *familiaritate* (a). Episcopus originis est ille, in cuius dioecesi ordinandus natus est: episcopus beneficii est, in cuius dioecesi ordinandus habet beneficium, mo-

L 2

do

(a) Post saeculum decimum inuitis sacris canonibus frequentes evaserunt ordinationes sine titulo, hoc est sine certa ecclesia: atque inde ingens numerus clericorum inertium & vagantium emerfit, qui ab alienis episcopis ad maiores ordines curabant promoueri. Intermissus quoque est litterarum formatarum usus, & saepe laici nullo testimonio de bene acta vita proprias relinquebant ecclesias: episcopi vero sine delectu tonsuram dabant, tantum ad clericorum numerum augendum. Fleuryus *disc. VII. in hist. eccles. n. 8.* Et ita ad evitandam confusionem necesse fuit novas praescribere regulas de episcopis, qui ordines & ipsam tonsuram conferrent, sensimque proprius ad ordines conferendos episcopus quadruplici titulo esse incoepit, *origine* nempe, *beneficio*, *domicilio* & *familiaritate*...

do in fraudem declinandi proprii episcopi collatum non sit : episcopus domiciliū est, in cuius dioecesi domiciliū ordinandus constituit, quod ex animo & coniecturis perpetuo in loco commorandi constitutum intelligebatur, *L. 7. C. de incolis*. Et demum episcopus familiaritatis est, qui alienum subditum integro triennio inter suos familiares habet, eique sine vlla fraude statim beneficium confert, *Trident. sess. XXIII. de res. cap. 9.*

§. V. Noua haec disciplina, qua quadruplici titulo episcopus proprius ad ordines conferendos censetur, licet ad euitandam confusionem inducta sit; non tamen ordinem omnino restituit, nec incommoda omnia sustulit (b). Ergo Innocentius XII. edita decretali *speculatores* talibus regulis episcopi proprii coëgit potestatem, quibus ordinem in ecclesia necessarium tantisper restituit. Statuit nimirum, vt clericus tum demum titulo beneficii in aliena dioecesi impetrati possit ad maiores ordines promoueri, si proprii episcopi tam originis, quam domiciliū bono testimonio idoneus probetur; & beneficium, quod in pace possidetur, tanti sit redditus, vt per se secundum summam in dioecesi definitam ad honestam sustentationem sufficiat. Subditum quoque ratione originis illum Innocentius intelligi voluit, qui naturali natiuitate, quae sortita non sit, in dioecesi, vbi ad ordines promoueri desiderat, natus est: attendi vero originem patris, si quis ex accidenti in aliquo loco nascatur. Et domiciliū in caus-

sa

(b) Sane origo, beneficium, domiciliū, familiaritas simul concurrebant, non se inuicem excludabant: atque ideo vnus idemque laicus aut clericus poterat a pluribus episcopis ordinari, nec requirebatur, vt episcopus, qui ex vno titulo ordines conferebat, ab aliis episcopis iidem propriis consensum haberet. Inepti ergo ad ordines conuolabant, examen episcopi, cui eorum vita cognita erat, declinabatur, cogeanturque ipsi episcopi in propria ecclesia eos pati clericos, quos numquam ordinauerant. Ipse titulus beneficii, qui ab antiqua disciplina non est alienus (siquidem beneficia vi sua adligant ecclesiae) in noua disciplina promouit confusionem, quando in pluribus dioecesibus facile potest vnus plura obtinere beneficia.

sa ordinationis constitutum intelligi ad minimum decennii in aliquo loco mora, vel translatione maioris partis fortunarum in locum cum instructis aedibus, & idonea mora, qua animus perpetuae habitationis manifestetur, addito in vtroque casu iureiurando ad perpetuae habitationis confirmationem. Qua ratione constituto domicilio necessarium esse voluit episcopi originis proprium testimonium, si ordinandus ea aetate a patria discesserit, ut ibi aliquod impedimentum contrahere potuerit.

§. VI. Iam vero clerici Graeci ecclesiae catholicae addicti, qui Latinis episcopis in Italia & insulis adiacentibus subiecti sunt, & *Italo-Graeci* dicuntur, ordinantur ab vno ex duobus episcopis Graeci ritus, quorum vnus Romae, alter in oppido S. Benedicti Besidiarum dioecesis in Calabria citeriori moratur (c). Qui quidem episcopi pontificia auctoritate constituti sunt ad Italo-Graecos, qui a propriis Latinis episcopis ordinari non poterant (d), ordinandos. Et ita Graeci ritus clerici necessariis documentis instructi ad vnum ex duobus Graecis episcopis pro iure suo ad recipiendos ordines accedunt.

§. VII. Et haec quidem spectant clericos & laicos, nam ratione regularium is eorum episcopus in causa ordinationis proprius est, in cuius dioecesi exstat monasterium, vbi stabiles tanquam de familia commorantur, atque ita ab eo debent ordinari: quam regulam, abrogatis regularium privilegiis, Tridentini patres *sess. XXIII. de ref. cap. 8.* confirmarunt: qui itidem ex regula veteris iuris permiserunt abbatibus consecratis, ut regularibus sibi subditis primam tonsuram & minores ordines conferre possent. Trident. *loc. cit. cap. 10.* Inde hoc ius variam habuit fortunam variis editis pontificum decretalibus, quae vel libertati regularium vel ecclesiasticae disciplinae fauerent. Sed tandem prodiit declaratio sacrae congregationis concilio interpretando addictae a Clemente VIII. probata,

L 3

qua-

(c) Clemens VIII. Romae Graecum episcopum, & Clemens XII. alterum Graecum episcopum, qui in oppido S. Benedicti residet, instituit.

(d) Vetantur episcopi Latini Graeco ritu clericos creare.

qua cauetur, vt regularium superiores dimittant subditos suos regulares tantum ad proprios episcopos, qui praesentes sint, & ordinationes habeant; iis vero absentibus, aut ordinationes non habentibus, ad quemcumque episcopum, modo ab ipso ordinatore circa scientiam examinentur, & superiores regulares consulto non differant ordinationes suorum subditorum ad tempus, quo proprius episcopus absit, vel nullas ordinationes habeat.

§.VIII. Quod si episcopus proprius ex iusta causa, quominus habeat ordinationes, impediatur, potest suis subditis dare litteras dimissorias, vt ab alienis episcopis ordinentur; & ordinati ad dimittentem reuertantur (e). Concedi debent litterae dimissoriae tantum dignis, atque ideo praeuio examine probatis. Trident. *ses. XXIII. de ref. cap. 3.* Integrum vero est episcopis ad se dimissos & a proprio episcopo probatos nouo examini subiicere. V. Fagnan. *ad cap. cum secundum ex. de praebend. n. 56.* Concessae vero dimissoriae, nisi certo tempore includantur, concedentis morte vim suam non amittunt, quamuis qui dedit, re integra datas litteras recte reuocabit. Barbosa *de offic. epis. par. II. alleg. 7. n. 25.*

§.IX. Litteras dimissorias ad ordines pro iure suo episcopi concedunt, etiam si tantum confirmati sint, non item consecrati, modo ecclesiarum sibi commissarum administrationem susceperint. Vicarius vero generalis tantum ex speciali episcopi delegatione ad ordines suscipiendos dimittit, aut si episcopus in longinquis regionibus diu moretur, *cap. 3. de temporib. ordin. in 6.* Et capitulum sede vacante certo modo etiam dimissorias litteras concedit, quod supra *cap. XX. §. 14.* explicatum est. Et deum inferiores praelati etiam nullius vetantur dare litteras dimissorias clericis saecularibus; & horum omnium ordinatio vel ad viciniore episcopos, vel ad dioecesanos per-

(e) Hoc sensu in noua disciplina litterae dimissoriae accipiuntur. Nam ex veteribus regulis illae dabantur clericis, quos episcopus a vinculo ecclesiae suae omnino soluebat, eosque a se dimissos ad alias ecclesias perpetuo transire permittebat. Conc. Trullan. *can. XVII.*

CAP. XXVII. DE ORDINVM SVSC. 167
pertinet. Trident. *sej. XXIII. de ref. cap. 10. V. Benedict. xiv. de synodo oecum. lib. II. can. 11.*

§. X. Quod si alienus episcopus, inuito aut infcio proprio episcopo, clericalem tonsuram aut ordines conferat, iure nouissimo a collatione ordinum per annum, ordinati vero a susceptorum ordinum exercitio, quamdiu proprio ordinario expedire videbitur, suspensi dicuntur. Trident. *loc. cap. 8. (f).*

C A P V T XXVII.

De ordinum susceptoribus.

§. I. SOLI homines & quidem mares secundum institutionis legem & oeconomiam ordinibus possunt initiari (a), si nullo canonico impedimento laborent, & porro iis qualitatibus instructi sint, quae altaris ministros decet. Et quidem ordinibus initiandi debent esse baptizati,

L 4

ti,

(f) In veteri disciplina si quis alienum clericum vsurparet & ad ordines promoueret, *unpos irrita & infirma* erat ordinatio. Conc. Nicaen. *can. XVI.*

(a) Mulieres a Deo ad subiectionem factae censentur: sacerdos vero ecclesiae praest: & nativo quodam pudore a docendo publicisque functionibus, quales sunt sacerdotales, mulieres repellantur, adeo vt turpe duxerit apostolus, eas in ecclesia loqui & docere, *ad Hebr. V. v. 1. seq.* Hinc recte obseruat auctor: sic dictarum constitutionum apostolicarum *lib. III. cap. 9.*, apud ethnicos in vsu esse diis feminas sacerdotes creare. Et si in veteribus monumentis occurrant *episcopae, presbyterae, diaconissae*, non inde sequitur, apud christianos mulieres sacerdotio dedicari consueuisse. Sane *episcopae & presbyterae* erant vxores eorum, qui ad episcopatum vel presbyteratum promoti erant. Et *diaconissae* vel erant diaconorum vxores, vel piae quaedam feminae, quae officio, non ordinatione proprie sic dicta inter clericos censebantur.

ti, *cap. 3. ex de presbyt. non baptiz. (b)*, itemque confirmati, & in legitima aetate constituti (*c*), item morum innocentia & sanctitate praediti (*d*), & porro sanctorum scientia cuique ordini propria sufficienter imbuti (*e*). Nimirum Christi sacerdotium status quidam caelestis est, cui grauiamunera incumbunt; ac proinde tantum perfecti christiani & scientia sanctorum imbuti eo debent initiari.

§. II. Sed qui alias ordini suscipiendo idoneus censetur, is promotioni suae debet consentire, repugnatque profecto christianis institutis, vt omnino repugnantes & inuiri ad ordines promoneantur. Consensus autem ad ordines suscipiendos requisitus ille est, qui ex libera voluntate

(b) Certe pro monstro est, vt altari ministrent, qui nondum aquis salutaribus regenerati sunt: & hinc ante baptismum dati ordines nullius effectus reputantur. Conc. Nicaeu. *can. XIX., cap. 3. ex de presbytero non baptizato*. Et deinde perfecti tantum christiani ad ordines promouendi: & ante confirmationem christiani ex antiquis regulis perfecti non censentur: quod *Albaspinaeus obser. lib. 1. cap. 15.* multis docet. Sed non eadem qua baptismus necessitate in ordinandis confirmatio requiritur: nam conuenit inter theologos, male quidem agere, qui non praemissa confirmatione ad ordines festinant; ac non propterea infirmam & nullam esse ordinationem.

(c) De aetate ad ordines secundum praesentem disciplinam necessaria *cap. XXI. §. 16.* dictum est.

(d) Veteres patres ipsam ferme baptismalem innocentiam in sacris ministris requirebant: & ipsa occulta crimina ab ordinibus excludebant. Et quamuis lapsa ecclesiastica disciplina occultis peccatores ad ordines ferme promoti sunt; tamen ex mente ecclesiae tantum inculpatae vitae viri Christi sacerdotio initiari debent. Et procul dubio sacrilegii rei sunt, qui grauioribus criminibus polluti ordines suscipiunt.

(e) Scientia praesertim in clericis necessaria est diuinarum scripturarum & sacrorum canonum. Inde enim dogmatum nostrorum habetur plena cognitio: inde apia concionibus suppeditatur materies: inde regulae pro componendis moribus, pro ecclesiae regimine & pro curandis animorum morbis hauriuntur. Plura de clericorum disciplinis diximus *in comm. de iure canonico par. 1. cap. 36.*

tate procedit: sufficitque etiam coactus, puta si quis metu poenae, aut alterius mali consentiat, alias non consenturus, modo externa vis absit omnis. Voluntas enim coacta voluntas est. Er officia ecclesiastica pro modo suo etiam publica censentur, ac proinde saltem clerici ad maiores ordines suscipiendos etiam metu poenae cogi posse videntur, *can. 31. C. Afric.* At ubi nullus omnino consensus est, & ordinandi prorsus inuiti sunt & actibus externis repugnant, ordines conferri non debent, & collati omnino nulli sunt & inanes, *cap. 3. ex. de baptismo.*

§. III. Iam vero in veteri disciplina multi siue laici, siue clerici non sponte sua, sed potius aperta vi inflatae plebis, aut ab ipsis episcopis facta, & obtorto collo rapiti ordines acceperunt. August. *ep. CCIV. al. CLXXIII. ad Donat.*, Origen. *lib. VIII. contra Celsum*. Quin ii sacro ministerio praecipue digni censebantur, qui ordinabantur inuiti, *L. 31. C. de episcop. & clericis (f)*. At qui ita obtorto collo ad sacerdotia rapiebantur, non quidem omnino erant inuiti, & ex contemptu sacri ministerii ordines refugiebant, etsi externis actibus & in contraria repugnarent, ordinationem euitaturi; sed potius ordinari nolebant, quod se tanto ministerio impares reputarent, vel quod vitae solitariae addicti quiete delectarentur. Deinceps minime placuerunt coactae ordinationes, & non minus legibus civilibus, quam sacris canonibus ab ordinationibus vis omnis sublata est, *noyel. II. Leonis & Maiorani in append. C. Th.*, Simplic. papa *epist. II. ad Ioan. Rauennat.*, conc. Aurelian. *III. can. 7.*, inualuitque disciplina, ut tantum libere consentientes ordinentur.

§. IV. Porro perfecti christiani, qui canonicis donantur qualitatibus, tum recte ad ordines promouentur, si diuina

(f) Vnum tantum videtur fuisse effugium ad vim declinandam, si nempe vi correpti per Iesu Christi nomen iurassent, se ordinationi non consentire. *Basil. epist. canon. ad Amphib. can. X.* Et hinc intelligitur, cur eorum, qui obtorto collo ad sacerdotia rapiebantur, os teneri solebat, ne iureiurando testarentur, se ordinari nolle. *Epiph. epist. ad Ioan. Hierosolym.*

diuina vocatio praecedat. Sane sacerdotium est status caelestis, tribuitque gratiae auxilia tanto muneri consentanea, nec recte hunc statum induimus, nisi Deus vocatione sua sancta nos eligat inter altaris ministros. Vocat autem Deus ad ordines vel peculiaribus apertisque signis, quemadmodum apostoli alique apostolici viri vocati sunt, vel signis, quae rebus ipsis intexta sunt, qualia conscientiae puritas, animus lenis, alienatio a rebus terrenis, recta intentio Deo seruiendi, oblectatio in lectione scripturarum, aliaeque huius generis signa. Scilicet variis inditis inclinationibus Deus ad varia munera homines effingit. Vt vero haec non aperta signa euadant certiora, exorandus Deus, ut quales nos esse iussit, manifestet. Quod si quis nulla praecedente vocatione ad ordines irrepserit, is assiduis orationibus & bonis operibus curare debet, ut diuina vocatio saltem subsequatur, & si non plantatus in domo domini, apte tamen translatus videatur.

C A P V T XXVIII.

De sacrae ordinationis effectibus.

§. I. **E**ffectus sacrae ordinationis, qui propria illius vi producuntur, duo ferme sunt, *gratia & character*: quem duplicem effectum sacris ordinationibus tribuendum catholicae fidei doctrina est. Trident. *ses. XXIII. can. 3.* Et gratia quidem, quae per manus impositionem effunditur, vi sua ministerium sanctitatem augeat, eumque aptum & idoneum ad ecclesiae ministeria obeunda efficit, tantoque muneri vires suppeditat. Sane Chrysostomus *hom. I. in Timoth.* gratiam, quam iubente apostolo excitare Timotheus debebat, ita interpretatur: *hoc est gratiam, quam accepisti ad ecclesiae institutionem & ad omne religionis obsequium.*

§. II. Alter ordinationis effectus *character* est, cuius nomine venit nota quaedam spiritalis & indelebilis in anima impressa, qua ordinatus acceptam retinet potestatem.

tem. Intima characteris constitutio ignoratur, at reapse ordinatione, non minus quam baptismo, notam in anima imprimi, veteres patres tenuerunt, eamque comparant signis, quae in monetis principum insculpta erant, & notis militaribus, quae in manibus militum imprimi consueverant. August. *contra epist. Parmen. lib. II. cap. 13.* Semel vero vi sacramentorum impressus character numquam deletur: & hinc ordines iterum eidem dari non possunt. Conc. Carthag. III. *can. 38., can. 97. C. 1. q. 1.* Quamvis ecclesia pro potestate sua characteris ordinatione impressi efficaciam possit comprimere & omni vi spoliare.

§. III. Christiani ordinibus siue maioribus, siue minoribus semel initiati perpetuo ecclesiae ministerio erant adstricti, nec poterant renuntiare clericatui, & vitam saecularem amplecti. Conc. Chalced. *can. VII., Turon. 1. can. V., Triburien. can. XXVII. (a).* Stetit per duodecim & amplius saecula obligatio perpetua ad clericatum, quod obseruat Thomassinus *de vet. & noua eccles. discipl. par. II. lib. 1. cap. 14.*; at inde paulatim inualuit, vt clerici minores impune ad saeculum redirent, tantumque perpetua stabilitate maiores tenerentur. Auctus clericorum numerus, desueta ferme minorum clericorum officia, & redditus ecclesiastici maioribus ferme clericis addicti disciplinae induxerunt mutationem. Ceterum etiam in noua disciplina praecipit ecclesia, vt ii tantum tonsura clericali initientur, quorum spes est, clericatum elegerint, vt perpetuum Deo seruiant, Trident. *sess. XXIII. de ref. cap. 4. & ult.*; vt hinc constet, ecclesiam etiam hodie omnium clericorum desiderare stabilitatem.

CA-

(a) Ordinatio species erat consecrationis, quae clericos Deo dicabat, & sacrilegii quoddam genus erat, quod Deo sacrum habebatur, profanare. Hinc excommunicabantur clerici, qui eiurassent clericatum, & ad sanctum propositum non redirent; & ex legibus ciuilibus curiae addicebantur, L. 39. C. *Tb. de episcopis*, & eorum bona in ecclesiam, cui erant addicti, transcribebantur, L. 55. C. *de episcopis*.

C A P V T XXIX.

De ordinibus gradatim suscipiendis & eorundem interstitiis.

§. I. **A**ntiqua est ecclesiae disciplina moribus recepta, quae initio facto ab inferioribus ordinibus per progressionem ad sacerdotium iubet adscendere. Cyprian. *ep. LII. al. IV. ad Antonian.* Etenim inferiora ministeria rudem sensim expoliunt animum, instillantque morum sanctitatem, & veluti manu ducunt ad scientiam sacerdotio necessariam. Quam disciplinam synodus Sardienensis *can. X.* confirmavit, quo cauetur, ut diuites & scholastici de foro, qui erant ex ordine aduocatorum, per gradus ad episcopatum promoueantur, ut nempe prius lectores, tum diaconi, inde presbyteri creentur.

§. II. Dum ordines gradatim suscipiuntur, non cito progrediendum, sed in unoquoque gradu diutius immorandum, ut fides & morum probitas & constantia & moderatio cognosci possit. Conc. Sardic. *can. X.* Ars omnium difficillima est cura animarum, & longo potius usu & experientia, quam meditatione acquiritur. Et absolum profecto est, ut quis momento temporis animarum antistes euadat; quando omnes artes longo usu comparantur. Spatia temporis inter vnum & alterum ordinem intericienda *ordinum interstitia* posterior aetas appellauit.

§. III. Varia fuit ecclesiae disciplina de temporis in singulis gradibus diuturnitate. Satis longa in Occidente post saeculum quartum erant interstitia: clerici usque ad annum tricesimum in varias stationes tributis annis stipendia in minoribus gradibus faciebant, anno tricesimo diaconi, & si vltra quinquennium bene ministrassent, presbyteri creabantur, *can. 3. D. 77.* Sed iure nouissimo alias interstitia definita sunt. Minores ordines per temporum interualla conferendi, nisi aliud episcopo videatur, Trident. *ses. XXIII. de ref. cap. 11.*, pendetque ab
epi-

episcopi sapienti consilio, quanto quisque tempore in eorum quolibet permaneat. Hypodiaconi non initiantur, nisi annus exactus sit a postremi ordinis minoris susceptione, Trident. *loc. cit.*, & inter ipsos maiores ordines ad minus anni spatium intericiendum est. Trident. *loc. cit. cap. 13. & 14.*

§. IV. Verum enimvero ordinata ad sacerdotium progressio in veteri disciplina non necessario postulabat omnium ordinum susceptionem. Etenim non tantum ex minoribus ordinibus vnus pluresue non conferebantur; verum etiam ipsi maiores ordines omitti solebant (a). Et sane presbyteratus, vbi diaconi in episcopos eligebantur, in ecclesia Romana omittebatur: quod Io. Mabillonius *comment. praeuius in ordinem Romanum §. XVIII.* & Franc. Pagius *breuiar. chron. in Sabiniano papa* pluribus probant. Plura quoque existant exempla eorum, qui adhuc laici, vel ex ordinibus minoribus ad presbyteratum vel episcopatum, omisis ordinibus intermediis, promoti sunt. Scilicet vetus ecclesia ordines ad vsum conferre solebat; & si quis maiori gradu dignus erat, statim eo donabatur, vt plurimum omisis ordinibus intermediis, idque quia inferiores gradus maioribus inesse credebantur.

§. V. Sed temporis lapsu mutata est disciplina, & omnes ordines etiam minores ad vim & veluti integritatem

(a) Sane Martinus Turonensis & Felix Nolanus ambo exorcistae in presbyteros creuerunt. Et Origenes, Macedonius anachoreta, Paulinus, Augustinus alique adhuc laici presbyteratu initiati sunt. Antonius adhuc lector Fussalensis episcopus creatur. August. *epist. CCLXI. ad Caesarin.* Et Nectarius statim a baptismo Constantinopolitanus episcopus ordinatus est. Socrat. *lib. V. cap. 8.* In his aliisque exemplis opinatur Thomassinus *de vet. & noua eccles. discipl. par. I. lib. 2. cap. 36.* in eadem liturgia omnes ordines maiores fuisse collatos, tantumque scriptores supremi gradus meminisse, quod veteribus omnibus notum esset, inferiores gradus non posse praetermitti. Sed secundus libellus ordinis Romani vnā & pro diaconis & pro presbyteris electis in pontifices praescribit ordinationem: atque adeo suspicari non patitur, plures sacros ordines in vna liturgia conferri consueuisse.

tem maiorum coeperunt pertinere. Ita factum, vt omnes continua serie praemitti debeant, nec amplius ordinum omissiones audiantur (b). Et hinc nouum ius inuectam, ne scilicet ordines *per saltum*, hoc est ex intermediis vno vel pluribus omissis, conferantur. Per saltum ordinati suppletis prius ordinibus omissis indulgentia episcopi in ordine suscepto ministrabant, & ad maiores ordines promouentur, *cap. vn. ex. de cler. per salt. promot.* modo in ordine per saltum suscepto non ministrauerint, nam si ministrauerint, summus pontifex tantum veniam indulget. Trident. *ses. XXIII. de ref. cap. 14.*

§. VI. Iam statuta interstitiorum tempora episcopi ex iusta causa contrahunt, veluti si satis probata sit fides ordinandorum, aut si necessitas vel utilitas ecclesiae suadeat. Conc. viii. oecum. *can. 3.*, Trident. *ses. XXIII. de ref. cap. 11, 13. & 14.* : nec probari potest episcoporum facilitas duos aut omnes minores ordines ex nulla causa simul conferentium, quasi Tridentini patres eorundem interstitia ipsorum arbitrio remiserint. Verum non licet episcopis indulgere, vt duo sacri ordines eodem die conferantur, *cap. 15. ex. de temporibus ordinat.* Quin etiam iis non licet duobus consequentibus diebus, qui fictione canonica pro vno reputantur, duos sacros ordines con-

(b) Graeci nono saeculo ex moribus iamdiu receptis omnes inferiores ordines praemittebant; at Latini hac ipsa aetate diaconos omisso presbyteri gradu episcopos creabant. Vitio certe Latinis vertebat Phorius, quod diaconos ad episcopatum proueherent presbyteratu omisso, quod Nicolaus papa *ep. LXX.* testatur. Calumniari Graecos Ratramnus reposuit: at Aeneas Parisiensis episcopus factum non negat, vsumque probare conatur, vel quod presbyteratus eminenter in episcopatu continetur; vel quod Romani Hieronymo assentiantur, presbyteros ab episcopis minus secernenti. Sed deinceps saeculo vndecimo in ecclesia Romana disciplina mutata est, ordinumque omissiones veritae sunt: obseruatque Franc. Pagius *breuiar. hist. chron. in Subitiano*, ex diaconis in pontifices electis primum Gregorium vii. prius presbyteratu initiatum, & sequenti die in pontificem fuisse consecratum.

conferre, veluti si quis sabbato ordinationis ad vesperam diaconus, & sequenti die dominica presbyter continuato ieiunio ordinetur, *cap. 13. ex. eod.*

CAP V T XXX.

De temporibus ordinationum.

§. I. **P**ER tria priora & amplius saecula ordinationes clericorum etiam maiorum nullis certis diebus fuerunt adstrictae, sed, prout opus erat, quilibet ordinabatur. Christ. Lupus *schol. in quaedam decreta S. Leonis IX. dett. III.* Sed post pacem ecclesiae datam sensim invaluit in ecclesia Latina, ut ordinationes episcoporum, presbyterorum & diaconorum die dominica haberentur: quae disciplina initio quinti saeculi iam recepta erat. Leo M. *ep. XI. edit. Quesn. (a).*

§. II.

(a) Verba Leonis M. sunt: *ut his qui consecrandi sunt, numquam benedictio nisi in die dominicae resurrectionis tribuatur, cui a vespera sabbati initium constat adscribi.* Nomine dominicae resurrectionis non diem paschae, sed quamlibet diem dominicam Leo M. intelligit, idque de more veterum, qui, ut observat Quesnellus *diff. VI. de ieiunio sabbati*, quamlibet dominicam resurrectionis diem, diem vero paschae sanctum pascha & paschalem festiuitatem dicere solebant.

Porro eadem epistola Leo M. docet, ex apostolica traditione esse die dominica sacerdotales, hoc est episcoporum & presbyterorum, & *Leuiticas* ordinationes celebrari: & hinc Dioscoro Alexandrino inculcat, ut etiam die dominica ordinationes habeat. Sed primis saeculis quouis die altaris ministri etiam episcopi creati solebant. Et fortasse Leo M. mores in Romana ecclesia tum receptos apostolicam traditionem dixit, quod familiare Leoni esse, Quesnellus & Antonius Pagius observant. Nec vlla esse potest fides pontificalis Romani, quando celebratas a Romanis pontificibus etiam post Constantinum ordinationes mensi Decembri addicit.

§. II. Haec vero disciplina de consecrandis qualibet dominica presbyteris & diaconis non diu integra stetit. Enim ante finem saeculi quinti presbyterorum & diaconorum ordinationes sabbatis quatuor sollemnium anni temporum & sabbato mediae quadragesimae, & quidem circa vesperam, addictae sunt. Gelai. papa *ep. IX. ad episc. Lucaniae cap. 11.* Optimum certe vñum pontificibus in statis ieiuniorum temporibus ordines conferre, vt ita ecclesia accederet ad mores apostolorum, qui ieiunantes & orantes manus diaconis imposuerunt. Sed lapsu temporis sabbati mediae quadragesimae ordinatio in sabbatum sequens ante dominicam passionis transit. V. Christ. Lupum *schol. in cit. decr. III.*

§. III. Praeter quinque sollemnia ordinationum tempora a Gelasio recensita, a multis saeculis etiam sabbato sancto presbyteri & reliqui interiores clerici creantur. Ex veteri disciplina sabbatum magnum & dies paschae baptismo sollemni & eius caerimoniis erant addicta, atque ideo in iis ordinationes celebrari non poterant. V. Quesnel. *not. in cit. ep. XI. Leonis M* Inde saeculo decimo secundo inter legitima sacrandis ministris tempora sabbatum sanctum relatum est, *cap. 3. ex. de temporibus ordinationum (b).* Atque ex hoc tempore sex apud Latinos (c) fuerunt ad habendas ordinationes stata tempora, quatuor nempe sabbata quatuor temporum, sabbatum *Sistentes*, & sabbatum sanctum, in quibus non noctis tempore

(b) Nimirum saeculi decimi secundi scriptores *dominicanam resurrectionis*, quae a vespera sabbati incipiebat, apud Leonem M. pro sollemnitate paschali falso videntur accepisse: nec animaduertentes Gelasiano decreto antiquae derogari disciplinae, nouum habendis ordinationibus diem induxerunt, praesertim quod baptismi sollemnitas, si quae supererat, ferme paroeciarum presbyteros occuparet.

(c) Graeci ex antiquissima disciplina nullum habendis ordinationibus diem additum habent, *cap. 9. & 11. ex. de tempor. ordinat.* Quin nec poterant Graeci formam celebrandarum ordinationum a Leone M. propositam admitttere; nam praeter vñam paschae vigiliam nulla sabbata ieiunant.

pore (d), sed horis matutinis inter missarum sollempnia ordines conferuntur.

§. IV. Sed quod spectat ad episcoporum consecrationes, eae quouis die dominica etiam hodie celebrantur, & quidem hora diei tertia. Haec vero hora saeculo ferme nono praestituta est, quod tum apostoli spiritum sanctum acceperant. Celebrantur etiam in natalitiis apostolorum: & diebus festis, si summus pontifex id speciatim indulserit, ut ex pontificali Romano constat.

§. V. Statis ad habendas ordinationes temporibus praecipue creari debent presbyteri, diaconi & hypodiaconi. Nam minores ordines diebus dominicis & festis conferri possunt, ita tamen ut *unum, aut duos ad minores ordines* episcopi promoueat, ut Alexander III. rescripsit, *cap. 3. ex. de tempor. ordinationum*: quod ita intelligunt interpretes, licere iis diebus etiam plures minores clericos creare, modo generales non celebrentur ordinationes.

Pars I.

M

Vt

(d) Ex veteris disciplinae regulis sacrorum ministrorum consecratio potius nocte, quam claro die solebat celebrari, incipiebatque sancta caerimonia a vespera sabbati, & usque ad matutinas diei dominicae horas poterat continuare. Leo M. *epist. XI. edit. Quesn.*, Gelas. papae *epist. IX. ad episcop. Lucaniae cap. 11*. Varias mysticasque huius instituti rationes Quesnellius, Hallierius alique adsignant; sed potissima videtur fuisse difficultas continuandi ieiunii usque ad dominicae diei lucem: V. Lupum *sch. in decret. III. Leon. IX.* Nimirum ieiunis per ieiunos conferri ordines ecclesia voluit, & quidem die dominica in sacra liturgia. Itaque & consecratores & consecrandos a vespera feriae sextae usque ad lucem dominicae diei ieiunos esse oportebat; nam secundum legalem synagogae legem sole occidente ecclesia diei initium faciebat. Hinc ne continuatio ieiunii satis incommodo esset, nox sabbatum sequens habendis ordinationibus destinata est: atque ideo missa, in qua ordines dari consueverant, noctis tempore celebrabatur. Sed post saeculum decimum tertium sensim vesperinae ieiuniorum missae apud nos celebrari desierunt, & ita generales presbyterorum, diaconorum & inferiorum clericorum ordinationes una cum missis ad matutinas sabbati horas transferunt.

Vt vero presbyteri, diaconi & hypodiaconi extra tempora ordinari possint, indulgentia opus est, quam solus pontifex concedit.

C A P V T XXXI.

De titulo ordinationis.

§. I **O**rdinatio omnis ad *titulum* fieri debet, seu cum designatione ecclesiae, cui ordinatus debet inservire (a). Nimirum antiqua est disciplina, quae clericos omnes certis ecclesiis adstringit, vbi perpetuo deferuiant, ne confusio in ecclesiam inducatur: quam disciplinam synodus Chalcedonenfis *can. VI.* confirmavit, quo *αυτοί* seu irritae & vanae declarantur ordinationes *αβσolutae*, hoc est sine titulo peractae (b). Alio nomine ordinatio ad titulum *loco fundata*, & ipsi clerici *locales* dicebantur. Leo M. *ep. II. ad Rustic. edit. Quesnel.*

§. II. Ecclesia autem, cui in ordinatione clerici debebant addici, erat ecclesia ciuitatis, vel pagi, vel martyrium, vel monasterium. Conc. Chalced. *can. VI.* Ecclesiae pagorum erant paroeciae, quae tertio saeculo in agris erant institutae. Martyrii nomine veniebant oratoria

(a) Nomine *tituli* apud ecclesiasticos scriptores veniunt ecclesiae a titulis fortasse sanctorum, quibus dicebantur, vel quia inde nomen titulumque suum clerici desumebant.

(b) In veteri disciplina reperiuntur aliqui sine titulo ordinati, quales Hieronymus, Macedonius notissimus anachoreta & Paulinus Barcinonensis, qui sine titulo presbyteri consecrati sunt. Haec & alia similia ordinationum sine titulo exempla ob bonum ecclesiae vniuersalis facile possunt excusari. Nempe saepe summi viri ordines respuebant, quod vitam solitariam aut liberam amarent. Vt ergo ordinationi consentirent, aliquid de rigore disciplinae episcopi remittere aequum iudicarunt, atque adeo eos absolute ordinare, qui sapientia & pietate sua ecclesiae seruirent vniuersae.

ria super martyrum sepulcra extrui solita, ad quae sacrorum causa aliquando vniuersus populus conueniebat. Et monasteria habebant etiam sua oratoria, in quibus causa monachorum sacra celebrabantur. Institutis beneficiis saepe canones iubent, clericos ad *titulum beneficii* ordinari, sed beneficium idem est ac titulus ecclesiae; nam beneficia perpetuo ecclesiis clericos addicunt.

§. III. Facta ad titulum ordinatio clericos ecclesiae & episcopo perpetuum adstringebat: & ita clerici omnes vna & perpetua in ecclesiis suis lege immorari tenebantur, conc. Arelat. 1. *can.* 21., Carthag. III. *can.* 37., nec eas sine proprii episcopi venia poterant relinquere, & ad alias ecclesias proficisci, *can.* XV. *apostolor.* Et in hunc finem olim inductae erant *litterae dimissoriae*, quibus episcopi clericos ecclesiis suis addictos dimittebant, & in alias ecclesias transire patiebantur. Conc. Trullan. *can.* XVII. Multo minus licebat clericis de loco in locum vagari; semper enim ecclesia clericos instabiles & vagantes damnavit. Nec permittebatur, ut duabus ecclesiis vnus clericus eodem tempore adscriberetur, nisi in villis ob hominum penuriam. Conc. Chalced. *can.* X., Nicaen. II. *can.* 15. Ecclesiae vero suae addicti clerici ab eadem accipiebant victualia; iustum enim erat, ut qui altari seruiebant, de ipso altari viuerent.

§. IV. Disciplina, quae clericos omnes ad titulum ordinari praecipiebat, ordinatosque in designata sibi ecclesia perpetuum immorari, per vndecim ferme saecula stetit. Sed deinceps sensim abruptus est nexus ecclesiam inter & clericos, frequentesque euaserunt sine titulo ecclesiastico ordinationes: quae innouatio facta est postquam beneficia seorsum ab ordinatione data sunt. Ergo synodus Lateranensis sub Alexandro III. ad disciplinae reparationem statuit, ut si episcopus presbyterum aut diaconum sine certo titulo ordinaret, *tamdiu ei necessaria vitae subministraret, donec in aliqua ecclesia ei conuenientia stipendia militiae clericalis assignet: nisi talis ordinatus de sua vel paterna hereditate subsidium vitae possit habere, cap. 4. ex. de praebend.* Hoc decreto synodus Lateranensis ordinationes ad titulum restituere intendebat, poena alendi sine titulo ordinatos episcopis irrogata.

§. V. Sed quis crederet! hoc ipsum decretum occasionem videtur praebuisse, vt titulus ordinationis pro maxima parte remitteretur. Nimirum onere alendi clericos sine titulo ordinatorum secundum canonem Lateranensem episcopi soluti erant, quo casu ipsi ordinati de sua vel paterna hereditate alimenta haberent. At canonis sententiam non intelligentes eius aetatis interpretes, inde concluderunt, posse episcopos etiam sine ecclesia clericos ordinare, modo ipsi clerici diuites essent (c). Ita inductus *patrimonii titulus*, receptumque, licere episcopis pro arbitrio ad ecclesiae vel patrimonii titulum clericos ordinare, *cap. 23. ex. de praebend.* Hinc solutus est nexus ecclesiam inter & clericos, clericorum vagantium & inertium frequentia innumerabilis emerfit, & exinde titulus ordinationis, qui antea denotabat ecclesiam, cui clerici perpetuum deseruirent, acceptus fuit pro redditibus, vnde clerici haberent alimenta. *Espen. par. II. tit. 9. cap. 6.*

§. VI. His incommodis tandem Tridentini patres obuiam iuerunt edito decreto, quo statuitur, neminem saecularem clericum ad sacros ordines deinceps promoueri, nisi ecclesiasticum habeat beneficium ad vitam sufficiens, quod resignari non possit, nisi aliunde resignantibus sit ad vitam satis; patrimonium vero vel pensionem habentes non ordinari, nisi pro necessitate, aut commoditate ecclesiarum; insuper pensionem aut patrimonium esse sufficientia, nec posse alienari, nisi tantumdem patrimonii aut beneficii adquiratur. *Trident. ses. XXI. de ref. cap. 2.* Cui disciplinae iidem patres maius robur addere volentes, deinceps *ses. XXIII. de ref. cap. 16.* renouato canone vi. Chalcedonensi, statuerunt, neminem deinceps clericum ordipari, qui certae ecclesiae non adscribatur, vbi muneribus

(c) Accessit huic iuandae sententiae versio canonis vi. Chalcedonensis apud Gratianum *can. 1. D. 70. : neminem absolute ordinari . . . nisi in ecclesia ciuitatis, siue possessionis.* Nempe nomine *possessionis* intellexerunt patrimonium, quum tamen *possessio* eo loci (vt etiam apud bonos auctores) vicum siue pagum significat: *καμν* enim, cui respondet possessio, in canone Graeco vicum denotat, opponiturque ciuitati.

neribus fungatur suis, ne instabilis & incertus vagetur. Satis erant haec decreta ad disciplinam sustinendam; at episcopi faciles iudices in aestimanda necessitate aut vtilitate ecclesiarum plures crearent clericos, quam seruitium earum postulabat. Ergo iterum redierunt incommoda, tandemque apud nos pactis conuentis inter Benedictum xiv. & Carolum olim Regem nostrum *cap. IV. n. 1. & 3.* placuit, omnes ordinari ad titulum beneficii, tantumque in vera necessitate, aut vtilitate ecclesiarum licere patrimonii titulo clericos creare.

§. VII. Iam absolutae ordinationes ex sententia veterum canonum *exruptae irritae & vacuae* erant. Conc. Chalced. *can. VI., can. 2. D. 70.* Irrita vero & vacua in veteri disciplina videtur fuisse ordinatio, quae nulla esset ab initio, vt Zonaras & Balsamon recte interpretati sunt; quamuis post saeculum decimum secundum coeperint Latini irritas & vacuas ordinationes sic interpretari, quae vacuae vsu essent, sed quae ab initio valerent. At iure decretalium nec vsu vacuae pronuntiantur absolutae ordinationes, sed tantum coguntur episcopi alere maiores clericos absolute ordinatos, qui de suo non habent, vnde viuunt, *cap. 4. ex. de praebend.* Tridentini patres *sess. XXI. de ref. cap. 2. antiquorum canonum poenas* renouarunt: quibus verbis renouatum ius decretalium, non antiquos canones reuocatos, sacra concilii congregatio declarauit apud Fagnanum, quo iure nunc vtimur. Sed si clerici per fraudem falsum titulum obtrudant, tum ordinati clerici ab ordinibus susceptis suspenduntur (d).

CA-

(d) Sed non tantum in inferioribus clericis, verum etiam in episcopis ordinationes absolutae vsurpatae sunt, & hinc exorti episcopi *titulares*, qui ordinantur ad ritulum ecclesiae, cui nec intendunt, nec possunt deferuire. Et ita dicuntur *titulares* non a titulo, seu ecclesia, sed a nudo episcopi titulo, seu nomine, vel potius dicuntur *titulares*, vt lucus a luce deriuatur. Initio creati ritulares episcopi quadam oeconomia & indulgentia in ecclesiis, quas barbari, electis propriis episcopis, occupauerant: quod enim spes erat, deperditas vrbes recuperandi, vbi mortui erant electi episcopi, censuit ecclesia, novos episcopos crea-

C A P V T XXXII.

De episcoporum translationibus & renuntiationibus.

§. I. **S**ancta & indiuisa esse debet episcopi & clericorum omnium cum ecclesia sua coniunctio, nec quauis ratione facile solubilis. Et hinc episcopi & clerici semel ecclesiis suis adscripti eas relinquere vetantur, & ad alias transire. Sane propter tumultum & seditiones edixit synodus Nicaena *can. XV.*, *ut de ciuitate in ciuitatem non episcopus, non presbyter, non diaconus transferatur.* Quam eandem regulam synodus Antiochena *can. XXI.* & Sardicensis *can. I. & II.* confirmant. Nullus certe inventus est, qui de ciuitate maiore ad minorem transire postulauit; atque hinc merito concludendum, ambitione agi episcopos, qui sedem mutare appetunt.

§. II. Quod si iusta causa episcopum transferri suadeat, tum translatio permittenda est. Conc. Carthag. *iv. can. 27.* Veritae enim translationes tum sunt, si ab avaritia & ambitione, non si ab ecclesiae utilitate proficiantur. *Non mutat sedem*, inquit Pelagius *ii. can. 35. C. 7. q. 1.*

re. Sed inde lapsa omni spe deperditas vrbes recuperandi, in nudum episcopi nomen etiam pro iis vrbeis, quae populo christiano carebant, Latini episcopos crearunt, tantum ad personas decorandas. Ambitu eorum, qui ex religione quaeffum faciunt, magno numero creuerunt umbratiles episcopi, & praesertim mendicantes, ad professam religionem veluti excutiendam, ad tantum nomen conuolarunt. Espen. *par. I. tit. 15. cap. 3. n. 17.* In compertis interim est, absolutas episcoporum ordinationes sacris canonibus aduersari. Et recte Fagnanus ad *cap. ex parte ex. de cleric. non resident.* adfirmat, *creare episcopos titulares sine rationabili causa, & eo tantum fine, ut ea dignitate alicuius persona qualificetur, seu decoretur, abasione est:*

7. q. 1., qui non mutat mentem, idest qui non causa a-ritiae, aut dominationis, aut propriae voluntatis, vel suae delectationis migrat de ciuitate in ciuitatem, sed causa necessitatis, aut utilitatis mutatur. Et reapse sexcenta exsunt in antiquis monumentis exempla episcoporum synodi auctoritate ab vna ad aliam sedem translatorum.

§. III. Peraetas sine causa translationes Nicaeni patres irritas fecerunt; at synodus Sardicensis vltius processit, & ne laica quidem communione in fine translatos episcopos donari voluit, hoc est, nec in morte a peccatis absolui, & in ecclesiae pacem restitui. Ita facinus translationis inter crimina relatum, quibus etiam in morte vetus ecclesia absolutionem denegabat. Quarto saeculo opera Arianorum passim episcopi ad augendas partes haereticorum transferebantur; & hinc synodus Sardicensis seuerissima poena translationes transfixit (a).

§. IV. Porro episcopi non minus, quam reliqui clerici vetantur proprio arbitrio eiurare episcopatum, & deinceps vitam ducere priuatam. Nexus enim ecclesiam inter & episcopum in ordinatione contractus natura sua perpetuus erat, nec tam commodum episcopi, quam ecclesiae salutem spectabat. Sed si ecclesiae necessitas aut utilitas urgeat, episcopi recte abeunt episcopatu: *Longo est gloriosius*, inquit Augustinus ep. CCXXXVIII., *episcopatus sarcinam propter ecclesiae vitanda pericula deposuisse, quam propter regenda gubernacula suscepisse*. Sex autem canonicae cessionis episcopatus causae ab Innocentio III. recensentur cap. 10. ex. de renuntiatione, in quibus vna viget utilitas ecclesiae; nimirum conscientia criminis grauioris, cui illigata est irregularitas, corporis debilitas se-

(a) Per plura saecula Romae inauditae translationes, vbi primum eius rei exemplum sub finem noni saeculi dedit Formosus ab ecclesia Portuensi translatus in Romanam. Sed eo nomine Formosus cadauer e sepulcro erutum & degradatum Stephanus VII. in Tiberim proiecit: qua infanda barbarie odio potius priuato, quam canonibus Sardicensibus satisfecit: Formosus enim potius ecclesiae necessitate, quam ambitione in ecclesiam Romanam translatus est.

nio vel morbis inuecta, defectus scientiae in episcopis necessariae, contumacia gregis, qui ex propria malitia a pastore suo dissidet, reparatio scandali occasione episcopi suborti, & irregularitas. Quibus addi potest studium procurandae pacis ecclesiae; salus enim ecclesiae est suprema lex ecclesiastica.

§. V. Iam ex canonicis causis admissae episcopatus cessiones simplices & purae esse debent, non in alicuius personae gratiam & fauorem conceptae. Edicunt certe canones, ne episcopi sibi eligant successores. Conc. Antioch. *can. XXIII.*; officia enim ecclesiastica eius generis non sunt, ut qui ea tenent, pro lubitu disponere possint. Origen. *hom. XXII. in Numer.* Verum non videtur negatum optimis episcopis, qui pro bono ecclesiae abeunt episcopatu, legitimis superioribus commonstrare, quem ad ecclesiam gubernandam iudicant aptionem.

§. VI. Veteri stante disciplina cessiones & translationes episcoporum iudicio conciliorum prouincialium ex iusta causa fiebant. Speciatim vero in translationibus praecedere debebat canonica electio, & principum consensus etiam erat necessarius. Thomass. *de vet. & noua eccles. discipl. par. II. lib. 2. cap. 62.* Verum circa saeculum decimum sensim nouum ius inualuit, ut cessiones & translationes episcoporum sola pontificum auctoritate decernerentur. Falsae decretales, quae concilia prouincialia sine consensu pontificis haberi non patiebantur, & metropolitani officio suo non recte fungentes, cessiones & translationes episcoporum longo usu pontifici videntur reseruasse. Nouo huic iuri vim addidit Innocentius III. duabus praesertim decretalibus, quibus iure diuino depositiones, cessiones & translationes episcoporum pontifici docet reseruatas, *cap. 2. & 3. ex. de translat. episc. (b).*

CA-

(b) Ius hoc diuinum duabus praesertim rationibus Innocentius adstruit: vna quod ex antiquitate & decretis patrum constat, Christum sibi & vicariis suis speciali priuilegio episcoporum translationes reseruasse: altera, quod inter ecclesiam & episcopum sit spirituale coniugium diuina tantum auctoritate, qua in terris funguntur pontifices, non secus ac carnale, dissol.

C A P V T XXXIII.

De sanctitate & virtutibus clericorum.

§. I. **H**Actenus de sacris ordinationibus, dicendum nunc de clericorum officiis, quae eorum vitam spectant & morum institutionem. Etenim non satis est, quemlibet clericum sui ordinis officium explicare; sed etiam necesse est, ut gradu suo dignam ducat vitam, & ab iis absteat, quae vel a sacro ministerio distrahunt, vel notam quamdam sacerdotio inurunt. Longe distat sacerdotium a plerisque artibus mechanicis, quae plerumque usu praeceptorum artis continentur, nec aliquid a morali artificum vita mutantur; nam sacerdotium requirit etiam vitae sanctitatem & in actionibus externis decorum. Et haec est vita moralis clericorum, ad quam instituendam & formandam tot canones ecclesia condidit, & patres tot egregios commentarios elucubrarunt.

§. II. Vita clericorum sic debet esse comparata, ut omnino sancta sit. Ecclesiasticum ministerium requirit in ministrantibus angelicam puritatem. Deinde sacerdotes moribus & exemplo suo debent ceteris christianis in vita instituenda praelucere. Et recte observavit Nazianzenus *orat. I. de fuga*, antistitem improbitatem facilius christianorum

soluendum. Sed benigna interpretatione rationes istas oportet accipere. Nam ex antiquitate non constat, episcoporum translationes iure diuino pontifici fuisse reservatas. Et forte Innocentius spectauit ad fictam, & inde posteriori manu corruptam, Anteri decretalem apud Gratianum *can. 34. Q. 7. q. 1.* Porro si ex carnali coniugio de spiritali inter ecclesiam & episcopum iudicandum, vix est, ut summi pontificis auctoritate decerni possint cessiones & translationes episcoporum; non enim iure pontifices irritum fecere possunt carnale coniugium ratum & consummatum.

norum animos occupare, quam pestem per aërem diffundi. Hinc in veteri disciplina criminosi clerici, etiam si crimen occultum esset, statim cadebant sacerdotio, nec vlla supererat spes ad gradum amissum recuperandum. Sed lapsu temporis inualuit, ut criminosi clerici praesertim si agatur de criminibus occultis, quibus irregularitas attexta non est, post condignam poenitentiam ordinibus & ministerio suo vtantur, *cap. 4. ex. de tempor. ordinat. cap. 4. ex. de cleric. coniugatis.*

§. III. Nec tantum integri vitae scelerisque puri clerici esse debent, verum etiam actionibus suis nullam occasionem praebere de se male suspicandi. Non satis est illis bonam coram Deo seruare conscientiam, sed etiam apud homines rebus honestis studere debent. Bona vita ipsis necessaria est, aliis etiam bona eorum fama. Et hinc sacris canonibus cauetur, ne episcopi & reliqui clerici ad virgines & viduas soli accedant, sed grauib. viris stipati. Conc. Carthag. III. *can. 25.* Et veteres canones vetant, clericos domi habere mulieres, quae non sint de eorum propinqua cognatione. Conc. Nicaen. *can. III. Arelat. II. can. 3. (a).* Quod si clerici adhibito studio recte actio-

(a) In hac parte officii clericalis, quae etiam in externis actionibus honestatem postulat, clerici in veteri disciplina diu peccarunt, quod domi suae alerent mulieres *subintroductas*, quae alias dicebantur *agapetae* & *sorores*, a dilectione nempe & sororio consortio, quod prae se ferebant. Erant subintroductae neque uxores, neque concubinae, sed tertii generis mulieres, quas clerici pietatis studio, seu potius praetextu, domi suae fouebant. Itaque clerici cum agapetis eadem domo morabantur, saepe etiam vno dormiebant lectulo, & interim suspiciosos alios vocabant, quod male cogitarent, quod Hieronymus testatur *epist. XXII. ad Eustoch. cap. 5.* Ipsae quoque ecclesiae virgines saepe sibi quaerebant vel ex clericis, vel ex laicis agapetos. Cypr. *ep. LXII. al. IV.* Consuetudo ista prorsus infamis erat, ubi clerici speciosas adolescentulas sibi in agapetas adiungere coeperunt. Interim plures canones agapetas habere clericis interdixerunt, conc. Nicaen. *can. III.*, Ancyran. *can. XIX.*, tantumque synodus Nicaena clericis permisit secum habere matrem, vel sororem, vel amitam, vel alias mulieres, quae su-

spi.

actiones suas componant, & tamen, quae est hominum improbitas, alii etiam male opinentur, in hac specie contentis sinistris opinionibus, conscientiae puritate debent seipsos consolari. August. *de bono viduitat. cap. XXII.*

§. IV: Integra vita & a suspitionibus libera facit, ut clerici fugere debeant vitia quaedam, quae criminum sunt seminaria secundissima. Ergo vetantur clerici aleis ludere, *can. apost. XLI. : aleae* autem nomine veniunt ludi omnes, qui ab ancipiti fortunae euentu pendent, quique criminum maximorum causa sunt, & familias pessumdant. Item clerici a crapula & ebrietatibus, quae mentem alienant, debent abstinere: & hinc sic dicti apostolici canones deponi iubent clericos ebrietatibus vacantes, *cit. can. XLI.* Item clerici vetantur etiam tabernas intrare, nisi in itinere fuerint, *can. 2. & 4. D. 44.* Vetantur quoque clerici ludis scenicis & spectaculis interesse, *L. 34. C. de episc. aud.* Erant theatra apud ethnicos Veneris templa & christianae religioni omnino aduersa: & quamvis sub imperatoribus christianis multum de veteri superstitione & licentia deposuerint; tamen leuitatem & ad peccandum illecebras retinuerunt (b).

§. V.

spicionem effugiant. Quin synodus Moguntina seu potius Nannensis anno 1000. etiam clericis interdixit secum habere matrem, amitam, sororem, quia instigante diabolo cum illis, aut saltem cum earum pedissequis, scelus constat admissum, *cap. 1. ex. de cohabit. clericor. & mulier.*

Inde usque a primis saeculis apud christianos fuerunt agapetae, quae initio fuerunt viduae aetate signatae, atque adeo eiusmodi consortium innocens erat, quod ex Tertulliano *de monog. cap. XVI.* constat. Videntur inter clericos receptae agapetae a moribus Iudaeorum, apud quos sollemne fuit, ut mulieres magistros comitarentur, & de substantia sua eisdem ministrarent. *Consuetudinis Iudaicae fuit*, inquit Hieronymus *in Matth. lib. IV. cap. 27.*, *nec ducebatur in culpam more gentis antiquo, ut mulieres de substantia sua victum atque vestitum praeceptoribus ministrarent.* At mos, qui initio nec inter christianos turpi macula laborabat, inde per humanam infirmitatem in pestem degenerauit.

(b) Mediis saeculis in tanta morum corruptione eo ventum,

§. V. Vitae sanctitati addere clericos oportet virtutum omnium apparatus, vt ita per omnia ornatī & perfecti sint. Ergo clerici debent esse hospitales, parati scilicet ad peregrinos excipiendos & fouendos, Hieronym. *ep. 11. ad Nepotian.*; & in omnibus actionibus, speciatim in gestibus & verbis, pudici. Item clerici omnes, & praelertim episcopi & beneficiarii, sobrii & frugales in victu, & in vestibus ciuilibus modesti esse debent, vt necessariis tantum contenti, delicias in cibis non quaerant, nec pompas in vestibus. Et certe clericorum vocationi cum mundanis pompis non bene conuenit: & nefarium omnino est, Christi & pauperum patrimonium in superfluos & vanos sumtus impendi. Ad rem patres synodi iv. Carthaginensis *can. 15.*, vt *episcopus vilem suppellectilem & mensam ac victum pauperem habeat, & dignitatis suae auctoritatem fide & vitae meritis quaerat.* Digna certe christiano sacerdotio doctrina.

§. VI. Praeterea animi magnitudine & zelo clerici praediti sint, oportet, vt in causis Dei & religionis defensione pugnaces sint & fortes, quatenus tamen eorum vocatio finit & permittit. Et hinc, vbi agitur de tuenda religione, nullis inimicorum calumniis, conuiciis, insidiis cedere vmquam debent, exemplo Athanasii & Basilii, qui in fide Nicaena tuenda fortes & constantes fuerunt, nec vllis minis vinci passi sunt. Aliis quoque virtutibus clerici instructi esse debent, sed prudentia praefertim iis est necessaria: immo Christi sacerdotium prudentia destitutum damno potius, quam vtilitati christianorum cedit. Nimirum officia omnia clericorum ex cura animarum, quae ars est omnium difficillima, deriuantur: & hinc summa prudentia & arte ad eas regendas opus est: qua de re egregias regulas Nazianzenus *orat. I.* proponit.

CA:

vt etiam in ecclesiis ludi darentur theatrales, & ei insaniae in quibusdam anni festis ipsi clerici inferirent. Hinc Innocentius *iii.* tantam turpitudinem a domo Dei procul esse iussit, & clericos a ludibriis abstinere, *cap. 12. ex. de vit. & honest. clericor.*

CAPUT XXXIV.

De habitu & tonsura clericorum :

§. I. **D**Ecorum in omnibus actionibus necessarium etiam in externo corporis cultu exprimere clericos oportet. Primis quinque saeculis clerici, non secus ac reliqui christiani, receptis apud Iudaeos & gentes vestibus vsi sunt (a): tantum in earum vsu modestiam, proprio statui convenientem, expresserunt. V. Thomass. *de vet. & noua eccles. discipl. par. I. lib. 2. cap. 43. & seq.*

§. II. Mutatio vestis clericalis in Occidente contigit, postquam Longobardi Italiam, & reliquae barbarae gentes alias Occidentis prouincias inuaserunt; non quod ipsi clerici aliquid in hac parte mutassent, sed quod dum barbari nouis curtisque vestibus vterentur, ii antiquum vestiendi morem retinuerint. Fleuryus *instit. iur. can. par. I. cap. 5.* Itaque exeunte saeculo sexto clerici iam propriis vestibus utebantur, quod pluribus probat Thomassinus *loc. cit.*

(a) Sane durus per tria priora saecula christianorum status certe non sinebat, vt christiani, & praesertim clerici, qui summa cura ad supplicia quaerebantur, propriis & distinctis vestibus vterentur. Porro antiqui scriptores, qui de re vestiaria christianorum mentionem faciunt, clericos receptis vestibus indutos exhibent. Tertull. *de pallio.* V. Heinec. *exercit. I. de habitu apostolorum sacerdotali cap. 1. §. 6.* Immo saeculo quinto adhuc clerici communibus vestibus utebantur: Caelestinus enim summus pontifex *epist. II. ad episcopos Viennens. & Narbon. par. 1.* acerbè carpit episcopos Gallicanos, qui, vestibus communibus reiectis, se nouo amictu induebant. Vnde hic habitus in ecclesiis Gallicanis, vt tot annorum tantorumque pontificum in alterum habitum consuetudo vertatur? Discernendi a plebe vel ceteris sumus doctrina, non veste; conuersatione, non habitu; mentis puritate, non cultu. Memoranda certe verba, quae vtinam aliquando clerici intelligant!

cit. cap. 46. Nec enim erat ex ecclesiae grauitate mores barbarorum imitari, praesertim quod tum Romani pontifices imperio Graeco addicti, a Longobardis diffident. Similiter apud Graecos saeculo septimo clerici propriis vestibus erant donati, conc. Trull. *can. XXVII.*, quas tamen monachi magno numero ad episcopatum & clericatum adsumti sensim proprias clericorum fecerunt.

§. III. Porro quod spectat ad capillorum cultum & tonsuram, clerici per quinque priora & amplius saecula, non secus ac reliqui christiani, modesto tantum vsti sunt capillitio, non vllam peculiarem tonsuram gerere consueverunt. Hieronym. *lib. XIII. in Ezechiel. cap. 44. (b).*

§. IV. Sed temporis lapsu modesta breuisque clericorum coma abiit in tonsuram, quae detonso & inde etiam raso superius capite, inferius capillorum circulum relinquit (c). Certe Isidorus Hispalensis *de offic. eccles. lib. II.*

(b) Certe primis tribus saeculis, quando ad internecionem praesertim clerici quaerebantur, nulla capitis nota clericos insignes fuisse in compertis est. Et Optatus *lib. II. contra Parmen.* vitio vertit Donatistas, quod catholicorum sacerdotum capita raderent. Praeterea initio quinti saeculi corona clericali clericos non fuisse donatos constat illustri Hieronymi testimonio, qui *lib. XIII. in Ezechiel. cap. 44.* docet, clericos non rasos capitibus, sicut sacerdotes Isidis atque Serapis, esse debere, nec rursus more luxuriosorum & barbarorum & militum comam demittere; sed ira capillos attondere, vt operta sit cutis.

(c) Id ex tonsura monachorum videtur deriuasse. Nimirum vt plurimum monachi casta informitate & inaequaliter capillos ad cutem tondebant, vt ludibrio hominibus essent. Paulin. *ep. VII.*, Saluian. *de gubernat. Dei lib. VIII.* Sic detonsi monachi tandem perspecta eorum sanctitate fuerunt admirationi, & ad clerum adsumti pristinum capillorum cultum seruauerunt, eosque alii clerici coeperunt imitari. Ne vero informis tonsura clericos deformaret, eam in meliorem formam adornauerunt, quae aequaliter detonso superius capite, inferius capillorum circulum relinquit. Interim etsi clericalis corona non admodum antiqua esset, tamen eius auctorem statim S. Petrum fecerunt, Gregor. Tyronens. *de glor. marty. lib. I. cap. 28.*, eamque a tonsura Pauli, quae ab Oriente per Theodorum monachum in Angliam

II. cap. 4. & synodus Toletana IV. anno 1546. *can. 41.* tonsuram clericorum ita debere esse docent, ut detotum superius toto capite, inferius sola circuli corona relinqueretur. Interim aequalis in omnibus clericis tonsura videretur fuisse, nec adhibebatur nouacula, quae verticem capitis omnino denudaret; sexti enim & septimi saeculi scriptores caput superius tonsum, non rasum memorant. Saeculo octauo clericorum capiti nouacula accesserat, & desuper caput in modum sphaerae radebatur. Et ex hoc tempore videntur clerici totum caput superius rasisse, donec tandem inductum, ut cuique ordini tonsura responderet, *cap. 15. ex. de vit. & honest. cleric.*

§. V. Iam vero postquam clerici habitu & tonsura a laicis distincti sunt, ad eorum officium pertinuit, habitum & tonsuram clericalem tamquam insigne propriae vocationis deferre. Hinc praecepit Alexander III., ut clerici, qui barbam & comam nutrent, etiam inuiti a suis archidiaconis tonderentur, *cap. 7. ex. de vit. & honest. clericor.* Et decretis synodi Tridentinae *ses. XXIII. de ref. cap. 6.* fori privilegio priuantur clerici, qui ecclesiis non deseruiunt, nec habitum & tonsuram clericalem deserunt; quod ius apud nos pactis conuentis inter Benedictum XIV. & Carolum olim Regem nostrum confirmatum est, *cap. IV. n. 8.*; placuit enim clericos primae tonsurae & minores quotannis apud episcopum probare debere, se habitum & tonsuram clericalem detulisse, & vitam vixisse clericalem, alias eorum nomina ab albo clericorum expungi, & clericalibus privilegiis non gaudere.

CA.

gliam allata totum caput radebat, nulla corona relicta, distinxerunt. Beda *lib. IV. cap. 1.* Et ne mystici sensus deessent, tonsura significari dixerunt regale Christi sacerdotium, aut spinam Christi coronam.

C A P V T XXXV.

*De saecularibus negotiis, a quibus clerici
se debent abstinere.*

§. I. **I**ntegra vita scelerisque pura & omnium virtutum apparatus veram clericorum honestatem constituit. Verum sunt quaedam ciuilia negotia, a quibus clerici alieni esse debent, non quod ipsa turpia sunt, sed quod a sacro ministerio distrahunt. Et sane, vt vere obseruat apostolus 2. *ad Timoth. II. v. 4.*, *nemo militans Deo, implicat se negotiis saecularibus, vt placeat ei, cui se probauit.* Quibus verbis spectauit Paullus ad leges militares, quae milites negotia ciuilia suscipere prohibebant. Tam amplum est sacerdotis ministerium, vt totum hominem requirat, nec facile ad alia negotia distractionem concedat.

§. II. Principio instituto clericorum non conuenit negotiationi quaestuosa, quae lucri causa exercetur. Conc. Carthag. III. *can. 15.*, *cap. 6. ex. ne clerici vel monachi.* Sane dedecet clericos ab altaris ministerio distrahi, & negotiationibus quaestum facere: praesertim quod negotiatio quaestuosa auaritiae & turpis lucri macula adspargitur. Bene Hieronymus: *negotiatorem clericum, & ex inope diuitem, ex ignobili gloriosum, quasi quamdam pestem fuge*, *can. 9. D. 88.* Verum si redditus ecclesiae admodum exigui sunt, clericis ad alimenta procuranda modestam negotiationem canones permittunt, modo a sacro ministerio non distrahantur, *cap. 1. ex. eod.*

§. III. Vetantur quoque clerici temporalia laicorum negotia procurare, & eorum ministri & procuratores fieri. Conc. Carthag. III. *can. 15.*, conc. Chalced. *can. III. (a).*

Qui

(a) Conquestus est olim Cyprianus *de lapsis*, multos sui temporis antistites diuina procuracione contempta rerum saecularium fieri

Qui Deo & ecclesiae se in seruitutem addixerunt, laicorum negotia sine macula non procurant.

§. IV. Clerici quoque omnino debent abstinere a sordidis quibusdam opificiis & muneribus, quae moribus nostris vilia & turpia sunt, & christianum dedecent sacerdotem, qualia officia tabernariorum & pistorum, aut eorum, qui artem ludicram exercent, priuanturque clericaribus privilegiis, qui hisce officiis clericatum dedecorant, *cap. vn. de vita & honest. cleric. in 6., Clement. vii. eod. (b).* Verum artificiola honesta, quae integrum hominem non occupant, clericos non dedecent, praesertim si ecclesiae redditus exigui sunt. Conc. Carthag. iv. *can. 52. & seq.*

§. V. Inter saecularia exercitia clericis interdicta censetur etiam venatio, quae & a ministerio ecclesiastico distrahit, & pro mansuetudine morum duritiam instillat. Et merito canones damnant episcopos, presbyteros & diaconos, qui loco pauperum accipitres, falcones, canes (instrumenta omnia venationis) alebant, *can. 1. & seqq. D. 34. (c).* Recepta vero sententia est, quietam venationem,
Pars I. N

feri administratores; at mediis saeculis morbus adeo creuit, ut clerici laicorum ferme omnia negotia procurarent, praesertim quae scriptura opus habebant: laici enim vel ipsas primas litteras & scribere nesciebant.

(b) Veteri stante disciplina, qua ministri omnes ab ecclesia recipiebant victualia, clerici sordidis opificiis ferme suam conditionem non deturparunt. Sed inde institutis beneficiis & aucto clericorum numero, quorum multi erant sine beneficio, non defuerunt, qui sordidis, aut statui suo parum convenientibus opificiis, aut procurandis laicorum negotiis se dederunt, ad alimenta comparanda.

(c) Canones, quibus vetantur clerici esse venatores, in Gallia & Germania conditi sunt, vel saltem ad illas regiones pertinent. Romani olim venationibus non dediti, sed Germani & Galli ex gentis suae instituto venationes exercebant. Tacit. *de morib. German. cap. XV.* Hinc clerici venatores ex Gallia & Germania prodierunt: nam clerici in sancto instituto mores gentis suae non deposuerunt. Promouit hanc venandi inclinationem copia fundorum & siluarum ecclesiis tradita, in quibus
iure

nem, quae retibus & laqueis fit, clericis permitti, modo a sacro ministerio non distrahat. V. Nat. Alexand. *theol. lib. II. de sacram. ordin. cap. 5.*

§. VI. Porro ab instituto clericorum aliena sunt publica & ciuilia munera, quae distrahunt a sacro ministerio, & aliqua etiam eorum vocationi aduersantur (d). Et in primis vetantur clerici esse tutores & curatores, tantumque presbyteris & ceteris inferioribus clericis permiffum est tutelas legitimas suscipere (e). Conc. Chalced. *can. III., nouel. CXXXIII. cap. 5.*

§. VII. Multo magis a sacerdotio militia praesertim castrensis abhorret (f); ecclesiae enim arma non sunt temporalia, sed spiritualia, castae nempe preces & in contumaces excommunicatio: & omnino alienum est a sacerdotii mansuetudine, vt clerici arma tractent, & in bello sanguinem effundant. Quo spectant vulgatae regulae, *ecclesia sanguinem non sitit, clericus a canone est alienus, si sanguinem vel iusto effundat*. Verum mansuetudine sacerdotii non obstante, clerici & in primis episcopi & abbates mediis saeculis arma tractarunt, & in milites saeculi conuersi in expeditionibus imperatores & reges debuerunt comitari:

iure Germanico non omnibus communis erat venatio, sed fundis inhaerebat, & partem proprietatis constituerebat: quod Boetius *iuris eccles. lib. V. tit. 24.* pluribus illustrat.

(d) Sententiam ecclesiae, qua ciuilia & publica munera a clericis habentur aliena, christiani imperatores confirmarunt, qui ne clerici a cultu summae diuinitati debito abstraherentur, eos a publicis muneribus exemerunt, L. 2. C. *Tb. de episcop.*

(e) Antiqua est ecclesiae regula in quodam concilio Africano statuta, ne quis de clericis & Dei ministris tutorem vel curatorem testamento suo constituat. Cyprian. *ep. LVII. al. I. ad eler. Furnit.* Spectabat vero haec regula ad solos testatores: nam clerici tutores tum testamento dati, quod non adhuc a publicis muneribus essent immunes, non videntur ob clericatum potuisse munus declinare.

(f) Nominę militiae apud Romanos veniebant omnia ciuilia & militaria munera. Et hinc militia triplex, palatina nempe, castrensis siue armata, & cohortalis. V. Iac. Gothofr. *ad L. 63. C. Tb. de decurionib.*

ri: idque propter feuda (g), quae principes saepe ex politicis rationibus ecclesiis & monasteriis dederunt. Quod vero temporis lapsu vasalli aere potius, quam corpore coeperunt militiam regibus praestare, episcopi & abbates non amplius feudorum ratione ad militiam coguntur.

§. VIII. Item ab instituto clericorum exercitium misti imperii seu civilis iurisdictionis, & multo magis ipsum merum imperium abhorrent. Non est ecclesiae poenas cum sanguine poscere: quod adeo verum est, ut olim non postrema officii pastoralis pars fuerit pro reis criminum grauiorum apud magistratus deprecari. Verum mediis saeculis vna cum feudis nedum iurdictio, sed & ipsum ius gladii ecclesiis accessit: & ipsi episcopi aut per se, aut per substitutos iudices, quos *balliuos* dicebant, ius gladii exercebant. V. Boehler. *iur. eccles. lib. III. tit. 20. §. 70. seqq.* Quin clerici vicecomites & balliui dominorum saecularium facti sunt, ad mistum & merum imperium explicandum. Hinc non parua in sacerdotum labes, praesertim ubi desuevere populorum leges & mores ipsa capitalia crimina multis & publicis poenitentibus expiandi. Sed deinceps haec labes ex parte absterfa est, cautumque, ut clerici ius gladii non exercerent, *cap. 5. & 9. ex. ne clerici vel monachi*. Hinc inualuit, ut ecclesiarum praelati, qui iure feudi merum habebant imperium, officiales laicos ad illud explicandum constituerent: qua constitutione ex regulis nouae disciplinae a canone alieni non censentur, *cap. ult. eod. in 6.*

§. IX. Munus aduocati quoque minus congruit clericorum vocationi. *Const. apost. lib. II. cap. 6., L. 41. C. de episc.* Id enim ferme totum hominem requirit, & tricus & malitiis adsuescit. Sed temporis lapsu ubi ignorantia Occidentis regiones occupauit, & ferme soli clerici latine sciebant, clerici forensibus disceptationibus se implicarunt, & in iudiciis saecularibus fuerunt adsores. Ergo in synodo Lateranensi sub Alexandro III. statutum, ut saccrati clerici, & qui stipendiis viuunt ecclesiasticis, coram

N 2

sae-

(g) Feudorum seruitia erant militaria & equestria.

saeculari iudice aduocati in negotiis saecularibus fieri non praesumant, nisi proprias, aut ecclesiae suae, aut miserabilium hominum causas persequantur, *cap. 1. ex. de postul.*

§. X. Sed an medicinae professio clericis conueniat? Medicina theoretica, in primis physiologia, etiam in studiis ethicis & doctrina morum vsum habet, & ita eius aliqua notitia a clericis non videtur aliena. At quod spectat artis vsum, non conuenit clericorum vocationi medicinam facere, & assidua circuitione ad praescribenda remedia infirmos inuisere. Mediis interim saeculis celebriores episcopi & monachi medici fuerunt, & apud nos medici insigniores fuerunt monachi Casinenses & episcopi Salernitani, Monachi autem & clerici ad diuitias parandas faciebant medicinam. Ergo Honorius III. ad theologiae studia amplianda statuit, ne presbyteri & qui in dignitate ecclesiastica erant, medicinae addiscendae vacarent, *cap. 10. ex. ne clerici vel monachi*. Sed eo quoque nomine clerici chirurgiam exercere vetantur, ne forte mortis causam praebentes, a canone sint alieni, *cap. 19. ex. de homio.*

C A P V T XXXVI.

De clericorum caelibatu.

§. I. **I**nter ceteras maiorum clericorum virtutes censetur etiam caelibatus, quo fit, vt nuptias contrahere vetentur, & vxoribus ante ordinationem ductis se debeant abstinere. Certe grauissima matrimonii munera functiones sacerdotii impediunt, & maritos saecularibus negotiis addicunt, 1. *Cor. VII. 33.* Et praeterea decebat, vt christiani sacerdotes, qui purissimam victimam contrestant, omnino virgines & continentes essent (a). Sed hac
in

(a) Ipsi deorum sacerdotes profitebantur castitatem, quorum aliqui vel penitus se cuiabant, vel potu cicutae aliisque remediis

in re par non est omnium ecclesiarum disciplina, & non omni aetate caelibatus lege sacerdotes adstricti sunt.

§.II. Et quidem ex antiquissima disciplina clerici maiores potestate contrahendi matrimonii post susceptos ordines deieci sunt: quae disciplina ante synodum Nicaenam in vtraque ecclesia erat recepta, & inde a Paphnutio episcopo in eadem synodo *της εκκλησιας αρχαια παραδοσις vetus ecclesiae traditio* dicta est, teste Socrate *lib. I. cap. 11.* Hinc synodus Neocaesariensis *can. I.* edixit, presbyterum, qui vxorem acceperit, ordine suo deiici debere. Et canon apostolicus xxvii. post clericatum tantum cantoribus & lectoribus nuptias contrahere permittit. Haec tamen in re satis benigna erat ecclesiae Orientalis disciplina (b), quae diaconis in ordinatione protestantibus, se sine vxoribus viuere non posse, nuptias ex episcopi venia contrahere permittebat. Conc. Ancy. *can. IX.*

§.III. Verum quod spectat ad nuptias ante sacros ordines contractas, caelibatus primis saeculis non aliquo canone indictus videtur, sed potius quisque pro religione & arbitrio suo vxore utebatur, vel in caelibatu vivebat: quod Dupinus *biblioth. saec. IV. par. 3.*, Natalis Alexander *saec. IV. hist. eccles. diff. 19.* alique agnoscunt. Sane constat, clericos cum suis vxoribus ante ordinationem ductis habitare consuevisse, *can. apost. VI.*, conc. Neocaes. *can. VIII.*, haecenus vt saeuientibus persecutionibus multi eo nomine ad Christum renuntiandum impellerentur, vt suis vxoribus & liberis consulerent. Euseb. *lib. VIII. cap. 9.* Et qui cum vxoribus habitabant, matrimonio uti potuisse videntur (c), etsi multi sacerdotii sanctitate du-

N 3

eti

diis frigescabant. V. Potter. *archaeol. lib. II. cap. 3.* Adeo nempe verum est, Christi sacerdotibus proprium esse debere caelibatum.

(b) *Ecclesiae*, inquam, *Orientalis*: nam apud Latinos ne episcopi quidem indulgentia poterant diaconi matrimonio copulari. Hinc Martinus Bracarensis *par. I. can. 39.* canonem Ancyranum interpolauit, traduxitque in eam sententiam, vt non liceret episcopo ordinare diaconum, qui se in castitate viuere non posse contestaretur.

(c) Multis sane constat monumentis, maritos clericos, qui
cum

et illarum vsui renuntiarent, & cum vxoribus veluti fororibus vitam ducerent.

§. IV. Haec erat ecclesiae Orientalis disciplina tempore synodi Nicaenae, in qua nihil de antiquis moribus mutatum est, etsi multi episcopi essent, qui continentiae legem maioribus clericis vellent imponere (d). At paullo post

cum suis vxoribus habitabant, matrimonio vfos fuisse, saltem vti potuisse: nec recte Baronius, Pagius, Schaefftratus aliique statuunt, eos tempore ordinationis ex pacto caelibaturn professos esse, & coniugale consortium in sororium conuertisse. Etenim dum Pinytus Gnossiorum in Creta episcopus clericis suis caelibaturn imponere volebat, a Dionysio Corinthiorum episcopo admonitus fuit, ne tam graue onus *τοῖς ἀδελφοῖς fratribus* imponeret, sed humanae infirmitatis rationem haberet: quod ex litteris Dionysii apud Eusebium *lib. IV. cap. 23.* constat. Nec recte sentiunt, qui *fratres*, quibus Pinytus imponere intendebat caelibaturn, fidelium multitudinem interpretantur: nam incredibile est, Pynitum, hominem diuinarum scripturarum notitia atque intelligentia conspicuum, compellere voluisse plebem omnem christianam ad castitatis professionem, & tam aperte haereticis nuptias damnantibus fauisse: quod Nat. Alexander *saec. IV. hist. eccles. diff. 19.* recte obseruat. Item Clemens Alexandrinus *strom. lib. III.* adfirmat, licuisse presbyteris & diaconis matrimonio vtī. Nonatus quoque presbyter Carthaginienſis sine reprehensione vxorem cognoscebat: calce enim impacta vxoris vterum percussit, qua fetus ex vtero fusus est: & tamen Cyprianus *ep. XLIX. al. LII. ad Cornel.* solam abortionem, non vsum matrimonii accusat. Et vt alia mittam, dum maioribus clericis permisit ecclesia cum suis vxoribus habitare, inde aperte videtur constare, matrimonii vsum vetitum non fuisse; nam alias continuis criminibus mariti fuissent obiecti, sororio illo consortio nihil impediēte:

(d) In synodo Nicaena tractatum fuit de indicenda episcopis, presbyteris & diaconis castitate ab vxoribus, quas ante ordinationem duxissent, multique in hanc sententiam pendebant: at intercedente Paphnurio episcopo, qui nec nuptias contraxerat, nec vmquam ad mulieres accesserat, & nouam regulam veluti duram traducente, de antiquis moribus nihil mutatum, atque singulorum arbitrio relictum, vt ab vxorum consuetudine se ab-

post in plerisque ecclesiis Orientis maiores clerici ab vxoribus suis, quas ante ordinationem duxerant, abstinere iussi sunt. Certe Hieronymus *contra Vigilantium* obseruat, in Orientali proprie sic dicta dioecesi, in Aegypto & vniuerso Occidente clericos omnino caelibes vixisse. *Quid facient Orientis ecclesiae? quid Aegypti & sedis apostolicae, qui aut virgines clericos accipiunt, aut continentes, aut si uxores habuerint, mariti esse desistunt?* Et Epiphanius *expos. fidei catholicae n. XXI.* adfirmat, sacerdotium ex virginum & monachorum ordine constare, aut ex laicis creari sacerdotes, *qui a suis vxoribus continent, aut secundum vnas nuptias, in viduitate versantur.* Videntur episcopi, qui in synodo Nicaena tenebant, clericos ab suis vxoribus abstrahendos, ad ecclesias suas reuersi sibi subiectis presbyteris & diaconis continentiam imperasse.

§. V. Non diu in sancto proposito clerici maiores in Oriente stetisse videntur: adulto enim quinto saeculo multi episcopi in episcopatu liberos ex iustis nuptiis suscipiebant, & qui illarum vsu abstinebant, potius voluntate & religione sua, quam vlla lege ad id impellente faciebant, teste Soerate *lib. V. cap. 22.* Videtur tum laxata disciplina multitudine agapetarum, seu spiritualium fororum, quibus adiuncti clerici conspurcabant sacerdotium: tutiusque visum est, clericos vti legitimis vxoribus, quam sub nomine agapetarum domi habere concubinas. Deinceps solis episcopis perpetua continentia indicta est (e), presbyteris vero

abstinerent, si ita magis placuisset. Rem Socrates *lib. I. cap. 11.* & Sozomenus *lib. I. cap. 23.* distincte narrant, & ex *historia tripartita* Gratianus suam fecit, *can. 12. D. 31.* Veluti falsam & a Socrate confictam hanc historiam Baronius traducit, suspectam vero Valesius habet. Sed ex meliøre sententia Christianus Lupus, Natalis Alexander & Dupinus velut authenticam tuentur. Vt enim recte Dupinus obseruat, caelibatus clericorum ad disciplinam pertinet: & quæ disciplinae sunt, pro temporum & locorum ratione varias habent obseruationes; ac proinde nihil officit Latinorum caelibatui, quod magna synodus Nicaena matrimonio vti clericos maiores non vetuerit.

(e) Atque ex hac disciplina si coniugati ad episcopatum pro-

vero & diaconis vsus antea contracti matrimonii permiffus, modo quo tempore sacra myfteria contrectant, ab vxoribus abftineant. Quae difciplina in concilio Trullano *can. XIII.* ftatuta ad haec vsque tempora apud Graecos perfeuerat (f).

§. VI. Haec fuerunt fata caftimoniae clericalis apud Orientales; at in ecclefiis Occidentis fynodus Nicaenae tempore epifcopi, presbyteri & diaconi ex iam recepta difciplina vel vsu matrimonii antea initi fe debebant abftinere (g). Et quidem Siricius fummus pontifex *epift. ad Himer. Tarrac. cap. VII.* veluti graue facinus deplorat, quod in Hispania plures sacerdotes & diaconi ex propriis coniungibus liberos procreaffent, iubetque, epifcopos, presbyteros & diaconos, qui deinceps tales inuenirentur, ab omni ecclefiaftico honore perpetuum effe deieftos: quam eandem difciplinam fequentes pontifices Innocentius 1. *ep. ad Victric. cap. VIII.* & *ep. ad Exuper. cap. I.* & Leo M. *epift. XII. ad Anastaf. Thessal. cap. 4. edit. Quesn.* confirmarunt. Et patres Africani apostolicam doctrinam & antiquos mores cultodire volentes, ftatuerunt, *vt epifcopi, presbyteri & diaconi, vel qui sacramenta con-*

tre-

mouentur, ab vxoribus deinceps feperantur; iftae vero monafterium ingrediuntur, aut diaconiffae ordinantur, fi tantae dignitati earum vita & pietas refpondeat, vt continentia continuis lapfibus non obiciatur. Conc. Trull. *can. XLVIII.*

(f) Illud eft intolerabile, quod fynodus Trullana vitio vertit Latinis, quod presbyteros & diaconos ab vsu matrimonii ante ordinationem contracti prohiberent. Saepe infirmi in eos, qui bene valent, indignantur.

(g) In Hispania ante fynodum Nicaenam fynodus Illiberitana *can. XXXIII. in totum epifcopis, presbyteris & diaconis, vel omnibus clericis pofitis in monasterio* ab vxoribus ante ordinationem ductis indixit continentiam. Clerici *in ministerio pofiti* patribus Illiberitanis videntur fuiſſe illi, *qui sacramenta contrectabant*, vt habet fynodus Carthaginienſis *II. can. 2.*, feu qui vafa & alia instrumenta ad vsum sacramentorum aptabant & disponebant, quales hypodiaconi. Verba vero *in totum* videntur indicare, antea clericos Hispanos tantum eo tempore ab vxoribus ſuis abſtinuiſſe, quo ſacra myſteria celebrabant.

*tractant, pudicitiae custodes, etiam ab vxoribus se abstine-
re.* Conc. Carthag. II. *can. 2.* Quam eandem continen-
tiam sequentia Africana concilia & deinceps reliqua in
Occidente celebrata maioribus clericis imponunt (h).

§. VII. Quod spectat ad clericos minores, lectores
& cantores in ecclesiis Orientis post acceptum ordinem
nuptias contrahebant, *can. XXVII. apostol.*, conc. Chal-
ced. *can. XIV.* Et in Africa lectores quum ad annos pu-
bertatis veniebant, cogebantur aut vxores ducere, aut con-
tinentiam profiteri, ceteri vero clerici maturiore aetate
continentiae subiiciebantur. Conc. Carthag. III. *can. 19.*
Vnus vero iam antea contracti matrimonii minoribus cle-
ricis ferme nullibi videtur interdictus, exceptis hypodia-
conis, qui in multis ecclesiis tam Orientis, quam Occi-
dentis quarto saeculo ab vxoribus etiam ante ordinatio-
nem ductis se abstinebant, conc. Illiber. *can. XXXIII.*,
Epiph. *haer. LIX. de catharis*, Leo M. *ep. XII. cap. 4. ed.*
Quesn. Verum deinceps apud Latinos minoribus omnibus
clericis etiam post susceptos ordines facultas ineundi matri-
monii data est, exceptis hypodiaconis, qui ad perpetuum
caelibatum adstricti sunt: quod saeculis quinto & sexto
factum est. V. Morin. *de sacris ordinat. par. III. exerc.*
12. cap. 5.

§. VIII. Iam si clerici maiores post ordinationem nu-
ptias

(h) Maiores clerici, qui ex maritis promoti sunt, etsi per-
petuae continentiae apud Latinos addicti; tamen vxores domi
habere permittebantur, tantumque debebant coniunctionis pri-
stinae contubernium in sororium amorem commutare, L. 44. C.
Tb. de episc. & clericis, Leo M. *ep. II. ad Rustic. edit. Quesn.*
Videntur Occidentis sacerdotes minus suspecti de incontinentia
fuisse, quam Orientales corpore calidiores. Interim variae ad-
hibebantur cautiones ad lapsus euitandos: erant in eadem do-
mo marito & vxori diuersa conclauia: cautiore quoque ad se
propius vxores accedere non permittebant, *can. 18. D. 32.*, &
episcopi assiduo & indiuiduo clericorum suorum comitatu sti-
pati viuere debebant. Conc. Turon. II. *can. 12.* Rectius demum
placuit, vt si mariti ad episcopatum promoueantur, vxores mo-
nasticam vitam in monasteriis profiterentur, *cap. 6. ex. de con-
uersione coniugat.*

nuptias attentabant, aut deprehensi essent cum vxoribus suis antea ductis dormiisse, & filios generasse, gradu & officio suo perpetuum cadebant, non tamen extra ecclesiae communionem abiiciebantur. Conc. Neocaes. *can. I.*, Agath. *can. IX.*, Siric. papa *ep. ad Himer. Tarrac. cap. VII.* Et ita ad laicam communionem redacti, deinceps tamquam laici vivebant, conc. Aurel. *III. can. 2.* Quod si clerici extra nuptias contra castitatem peccassent, & fornicationis aut adulterii rei essent, non solum perpetuo deponebantur, verum etiam ecclesiae communionem eiekti poenitentiae solebant addici. Conc. Neocaes. *can. I.* Ceterum etsi peccarent clerici, qui vxoribus suis utebantur; tamen inde nati filii erant legitimi (i).

§. IX. Recepit quidem ecclesia Latina disciplinam, quae tantum caelibes, aut maritos, qui inde in caelibatu viuant, ad sacros ordines iubet promoueri; at mediis saeculis aurum istud versum est in scoriam. Plus profuit Graecis disciplina relaxata, quam Latinis professio virtutis. Etenim in tot tantisque mediorum saeculorum turbis, quibus Occidentis prouinciae oppressae sunt, clerici maiores, immo etiam monachi, professae continentiae oblit, vel nuptias attentarunt, vel palam aluerunt concubinas. Post saeculum decimum Romani pontifices & multi episcopi magnis animis lapsam disciplinam instaurare, & incontinentes clericos ad continentiam restituere studuerunt; at carnales clerici aegre ferentes e luto incontinentiae emergere, infremere, tumultuari, & rationibus & auctoritatibus resistere coeperunt. Hinc hydra semper reuixit, nec ex omni capite potuit obtruncari (k).

Sensim

(i) Nimirum attentata post ordinationem a clericis maioribus matrimonia, etsi sacrilega essent; tamen in veteri disciplina valebant; qua de re diximus in *commentariis de iure canonico par. I. cap. 3. §. 12.*

(k) In aliquibus locis certo percolato censu concubinae clericis permixtae. Sane in Anglia anno 1534. episcopi Regi Henrico 8. concesserunt *iustitias de focariis sacerdotum, quae res postea cum summo dedecore terminabatur; accepit enim Rex pecuniam infinitam de presbyteris pro suis focariis redimendis, quae*

Sensim ergo decreuit morbus, remeavitque tandem vetus disciplina, quae a patribus Tridentinis *ses. XXIII. de ref. cap. 13.* & *ses. XXIV. can. 9.* confirmata tantum virgines aut post nuptias continentes ad sacros ordines admittit.

C A P V T XXXVII.

De ascetis.

§. I. **S**Vpereft, vt de ascetis & monachis agamus: quae tractatio, longe lateque diffusa vita monastica & in tot familias monachis distinctis, bonam iuris canonici partem occupat. Vox *ascesis* philosophorum propria fuit, qua ii designabant virtutis & abstinentiae ad vitia coërcenda exercitationes. Et sane apud gentes *ascetae* erant rigidi virtutis sacerdotes, qui vitam duriores ad philosophiae regulas exactam ducebant; vt bene enim probat Io. Franc. Buddeus *diff. de ασκησι philosophica in analect. philosophiae*, gentes vitam asceticam seu philosophicam nedum in doctrina, sed praecipue in vsu & exercitatione virtutum positam tenebant. Fuerunt inter gentes multi ascetae tum ex barbaris, tum ex Graecis philosophis, quorum

quemadmodum Matthaeus Parisiensis in *bist. Angl.* loquitur. Sordidissimum hunc censum inde a manibus regiis extortum (quod nefas dictu est) episcopi, & praesertim archidiaconi & decani sibi tribuerunt. Christ. Lup. *diff. de Latinor. continentia cap. 8.*

Sub regibus Andegavis in regno Neapolitano adeo multi clerici alebant concubinas, vt contenderent, eas fori exemptione gaudere, tamquam quae ad suas familias pertinerent: & quod mirum, Rex Robertus edictis de concubinis noluit clericorum concubinas obligari. Quin saeculo decimo quinto concubinae presbyterorum annum censum Regi pendebant; idque praesertim in Calabria vltiori obtinebat; cuius rei monumentum exstat in Regiae Camerae archiuo *Camera VI. litt. E. ordine 1. n. 2.*

quorum nomina in annalibus philosophiae celebrantur.

§. II. At vita ad virtutis regulas exacta praecipue apud christianos exulta fuit. Est christiana religio vera philosophia, quae, gentium erroribus emendatis, ad verum summumque bonum adsequendum viam adaperuit, in quo ethnica deficiebat philosophia: palam enim fecit, esse alteram vitam eamque aeternam, in qua iusti mercedem accipiunt & coronantur. Hinc non tantum christiani curabant esse iusti, sed etiam eorum multi durius vitae genus excolebant, vt ad perfectionem contenderent. Atque hi nomine ethnicae philosophiae retento *ascetae* & *philosophi* audierunt. Salmas. ad Tertull. *de pallio* (a).

§. III. Iam vero quemadmodum varia sunt durioris vitae exercitia, ita varia fuerunt & nunc etiam sunt genera ascetarum. Alii non minus quam Pythagorici carne & rebus vitam habentibus se abstinabant, non ex anili fabula de animarum transmigratione, sed vt corpus in seruitutem redigerent. Orig. *contra Celsum lib. V.* Alii abstinabant a nuptiis, non quia eas improbabant, sed quia *se spodonatus obsignabant propter regnum Dei*, vt Tertullianus *lib. II. de cultu seminar.* loquitur. Alii plus aequo cibis abstinabant, & ieiuniis corpus macerabant, quorum aliqui in hebdomada magna eo seueritatis perueniunt, vt per duos, tresue, quatuorue dies, aut etiam per integram hebdomadam ieiunia prorogarent. Epiph. *exposit. fid. cathol. n. XXII.*

§. IV. Inter antiquos ascetas illustriorem locum obtinebant sacrae ecclesiae virgines & viduae, quae se Christo dicabant, perpetuam promittentes castitatem. Gentibus, immo etiam Iudaeis, virginitas opprobrio fuit; at apud christianos statim celebrata & inter asceticas virtutes.

(a) Christiani philosophi alio nomine *gnostici* dicebantur. Certe Clemens Alexandrinus in scriptis suis omnibus christianum philosophum *γνωσκον* appellat: quod nomen alii veteres etiam vsurpant. Sane *gnosticus* homo est scientia & cognitione praeditus; & christiana religio veram sapientiam continet: profanaruntque profecto sanctum *gnostici* nomen haeretici illi, qui sub hoc nomine noti sunt.

tes relata est. Etenim stimulis carnis, quo natura fert, resistere, magna ascesis est, eorumque propria, qui durum vitae genus profitentur. Edebant autem virgines propofiti sui publicam in ecclesia professionem, & ab episcopo consecrabantur, sacrumque velamen accipiebant, idque in Africa anno aetatis vigesimo quinto, conc. Carthag. III. *can. 4.*, in Gallia anno quadragesimo, conc. Agath. *can. XIX.*, & in Oriente etiam anno decimo sexto aut decimo septimo, Basil. *epist. canon. can. XVIII.* Virgines autem per consecrationem inter personas ecclesiasticas censebantur, & ecclesiae canonici inferebantur, Socrat. *lib. I. cap. 17.*, & hinc *canonicae* audierunt. Viuebant vero in domibus paternis, & a parentibus suis, vel necessitate ita postulante, ab ecclesia accipiebant alimenta. Conc. Carthag. III. *can. 33.* Quod si contra professionem inde minus caste viuerent, aut nuptias attentarent, excommunicabantur, & per publicam poenitentiam in ecclesiae restituebantur communionem. Conc. Ancyran. *can. XIX.*, conc. Chalced. *can. XVI.*

§. V. Plures aliae species ascetarum fuerunt & esse possunt, quas Binghamus *orig. eccles. lib. VII. cap. 1. §. 3.* & plenius Meierus *de ascetis* recensent. Illud vero hic observandum, ascesim natura sua ab hominum consortio non abhorre, & non minus in solitudine, quam in ciuitate exerceri posse. Valef. *not. in Euseb. de martyribus Palaest. cap. XI.* Generatim tamen primis ferme tribus saeculis christiani philosophi in ciuitatis frequentia vixerunt, nec cogitarunt vmquam de amplectenda solitudine. Christiana certe religio omnes tamquam fratres amare iubet, atque ideo potius in hominum frequentia, quam in solitudine ascesim inculcat. Vita monastica, quae ascesi addidit solitudinem, in ecclesia serius innotuit: inducta vero vita monastica omnes monachi fuere ascetae, non e conuerso omnes ascetae fuerunt monachi.

CAPVT XXXVIII.

De origine & progressu monachorum.

§. I. **N**omine *monachorum* in veteri disciplina veniebant, qui a frequentia ciuitatum separati (a), vel soli, vel in commune & sub praeposito vitam asceticam & poenitentem ducebant (b).

§. II. Vita ascetica vel in solitudine, vel in communione etiam apud gentes & Iudaeos exulta est, idque quo melius ascetae philosophiae vacarent, aut magis inter sodales suos humanitatem exercerent (c). Quae vero fuerit

(a) Sane poenitentia solitudinem videtur postulare; nec enim status plangentis in ciuitatum frequentia potest obtineri. Hinc Antonius anachoretarum parens, teste Sozomeno *lib. I. cap. 13.*, dicere solebat, monachos extra solitudinem monachi grauitatem amittere, non secus ac pisces aquis egressi vitam amittunt.

(b) Primaevi christiani, qui in Palaestina in communione vixerunt, a monachis longe erant diuersi; etenim christiani primaevi vivebant in ciuitate, & communis eorum vita tantum eo spectabat, vt omnia communia haberent. Thomass. *de vet. & noua eclef. discipl. par. I. lib. 3. cap. 2. n. 3.*

(c) Et quod spectat ad gentes, Druidae in solitudine morabantur, singulis vero annis simul conueniebant, quo conuentu summam exercebant potestatem, teste Caesare *lib. VI. de bello Gallico*. Vitam quietam & solitariam Pythagoram, Democritum, Anaxagoram coluisse Tullius *lib. III. de orat. memoriae* prodidit. Item Pythagorei domus recessus habuerunt, quo qui ad certam aetatem perueniebant, se recipiebant, vbi communem ducebant vitam, & se mutuo adiuuabant. Poterant quidem eiusmodi philosophi ab instituto recedere, sed tam inominatus erat hic recessus, vt deficientes sollemni funere tamquam mortuos deplorarent. V. Des Landes *histoire critique de la philosophie lib. III. chap. 14.*

Verum in excolenda in solitudine, vel in communione vi-

sit apud christianos vitae monasticae origo, non vna est omnium sententia. Sed praestat adfirmare, primis ferme tribus saeculis nullos fuisse monachos, qui medio saeculo tertio saeuiente Deciana persecutione primum exorti sunt. *Bingh. orig. eccles. lib. VII. cap. 1. §. 4.* Nimirum multi ex Aegypto christiani aestum tempestatis euitaturi, in Thebaidem aliasque solitudines & montes secesserunt, unde finita persecutione noluerunt redire: quod sancta quiete perfuncti ibi Deo melius seruire posse experti sunt. Primus itaque solitariae vitae inter christianos auctor *Paulus, illustrator Antonius*, vt loquitur Hieronymus *epist. XXII. ad Eustoch. cap. 16.* Antonius vero nullum aedificauit coenobium, in quo simul solitarii viverent; coenobia enim & vita communis monachorum tempore Constantini M. a Pachomio in Thebaide instituta sunt, quod ex *actis Pachomii cap. LXXVII. apud Papebroch. die 14. Maii* aperte constat.

§. III.

ta philosophica Iudaei ceteris gentibus celebriores. Certe Esseni in coenobiis sub praefecto vitam agebant communem, in quam post triennii probationem neophyti admittebantur. Omnes vestibus induti candidis Deum colebant, non iurabant, non mentiebantur, se abstinebant ab vxoribus, & orationibus & virtutibus vacabant.

Longe durius vitae genus ducebant *θεραπευται*, hoc est *Dei cultores*, vt eos appellat Philo Iudaeus, qui peculiarem de iis libellum sub titulo *de vita theoretica*, seu *de supplicum virtutibus* conscripsit. Etenim quasi essent vita defuncti, facultatibus & saeculo relictis, in villas solitarias secedebant, vbi singuli in separatis aedibus, quas dicebant *monasteria*, sex diebus habitabant, cibum post solis occasum sumebant, septimo vero die in commune *αγνησιον* sacellum ad senioris sermonem audiendum conueniebant, eoque finito, panem sale & delicatesiores hyssopo conditum manducabant. Essenorum & therapeutarum instituta Io. Clericus *proleg. histor. eccles. sect. 1. cap. 4. seq.* plenius recenset. Vtrum vero therapeutae Esseni, an christiani fuerint, an ab vtrisque diuersi, inter eruditos non conuenit. Sed eorum instituta Iudaicam potius, quam christianam religionem sapiunt, ac proinde recte videntur sentire, qui eos Essenos duriores faciunt. V. Scaliger. *lib. VI. de emendat. & Cleric. loc. cit. cap. 5.*

§. III. Instituta in Aegypto vita monastica breui per Orientem propagata est. Sed in Occidente post saeculi quarti medium monachi sordescabant & odio erant. *Qua- usque*, inquit Hieronymus *ep. XXIV. ad Paulam ex Romanorum sententia, genus detestabile monachorum urbe non pellitur?* Sensim vero opera Athanasii, qui persecutionem Arianorum declinans, Romam venit, vbi vitam Antonii adhuc viuentis a se conscriptam cum multis communicavit, & inde exemplo & scriptis Hieronymi, viri alias ad solitudinem facti, monachorum ignominia in gloriam versa est: erantque Romae tempore Hieronymi crebra virginum monasteria (d) & innumerabilis monachorum multitudo, Hieron. *ep. XVI. ad Princip.* Nec minori zelo Athanasius quum Treuiris exularet, vitam monasticam videtur commendasse. Deinceps opera S. Martini Gallia monachos excepit: praecipue vero vita monastica in Occidente splendorem & augmentum suum debet S. Benedicto, qui circa annum 10xxx. aerae christianae Casinense monasterium aedificauit, vnde regula Benedictina per vniuersum Occidentem propagata est.

§. IV. Monachi omnes fere ab ipsa monachatus origine duplicis fuerunt generis, *solitarii* nempe, & *coenobitae*: illi in priuatis cellulis viuebant, nulli praeposito subiecti, & hinc *anachoretae* dicti; isti vero vitam communem sub abbate ducebant (e).

§. V.

(d) Non minus mares, quam feminae monasticam vitam, quae pro altero baptismo habebatur, amplexae sunt. In Oriente quarto saeculo iam erant virginum conuentus. *Basil. de instit. monach.* Et Chrysostomus *hom. VIII. in Matth.* choros virginum in Aegypti solitudinibus degentes laudat. Ita inualuit differentia inrer *virgines ecclesiasticas* & *monasticas*, quarum illae in domibus paternis viuebant, hae vero communem ducebant vitam, & non secus ac reliqui monachi, propriis laboribus viuebant.

(e) Sed ab ipso ferme vitae monasticae initio emerferunt duo spuria monachorum genera, *Sarabaitae*, & *Gyronagi*. *Sarabaitae* bini vel terni sine praeposito viuebant, de propriis laboribus ad communia alimenta partem conferebant, reliquum sibi

§. V. Vitae monasticae natura in continua acesci & poenitentia consistit, recteque Hieronymus obseruat, monachos *non docentis, sed plangentis* statum sustinere, *epist. LIII. ad Ripar.* Hinc monachi saeculo, diuitiis, nuptiis & voluptatibus renuntiabant, unde *continentes & renuntiantes* in antiquis monumentis etiam dicuntur; & ad magnum poenitentiae negotium implendum in solitudines secedebant. Et sane principio non tantum cellae solitariorum, sed etiam ipsa coenobitarum monasteria longe a frequentia ciuitatum in montibus & speluncis fuerunt aedificata. Quin etiam ipsae monialium domus initio in solitudinibus & agris fuerunt. Chrysostom. *hom. VII in Matth.*, Hieronym. *ep. XVI. ad Princip.* Verum Basilius M. monachos solitudinibus abstraxit, & in urbibus Ponto finitimis monasteria posuit, vt opera monachorum ab Ariana perfidia eas illaefas seruaret. Sozomen. *lib. VI. cap. 17.* Hoc exemplo deinceps in urbibus, aut prope eas monasteria aedificata, atque ita a prima simplicitate sensim descuerunt, & paullatim urbana aedificia imitata sunt, donec eo ventum, vt longe superarent. Sed omni aetate qui lapsam monasticam vitam restituere curarunt, in solitudine suas primas sedes posuerunt. Vbicumque vero aedificentur monasteria, episcopi auctoritate opus est. Conc. Chalced. *can. IV.*, Trident. *ses. XXV. regularib. cap. 3.* Immo statutis populorum non aedificantur, nisi publica auctoritas praecedat.

§. VI. Vita solitaria & coenobitica vt inter se diuersae, ita propria habebant commoda & incommoda. Erat solitaria magis tranquilla & quieta, ac animos magis Deo

Pars I.

O

con-

sibi reseruabant, continua inter se iurgia serebant, & in omnibus affectabant singularitatem. *Apud hos* (Sarabaitas nempe) *affectata sunt omnia*, inquit Hieronymus *ep. XXII. ad Eustoch. cap. 5.*, *laxae manicae, caligae follicantes, vestis crassior, crebra suspiria, visitatio virginum, detractio clericorum, & si quando dies festus aduenerit, saturantur ad vomitum.* Marcus Antonius de Dominis hanc descriptionem mendicantibus appingit; sed apage; aperte calumniatur.

coniungebat; sed quod virtus in comparationem non veniret, fastu non carebat, & praeterea assiduis tentationibus erat obnoxia. Contra coenobitica magis actiuosa & vtilis censebatur, minusque tentationibus subiecta, sed a tumultu erat minus libera (f). Hinc Basilii vitam solitariam & coenobiticam quodammodo sociavit: nam prope coenobia priuatas cellulas aedificandas curauit, vt nec contemplatio communicationis, nec vita coenobitica contemplationis indigeret. Gregor. Nazianz. *vit. Basil. & erat. XXI.* Et ab hoc tempore coenobia distinctas habere cellas, in quibus discedentes, seu vt posteriores Latini dicunt, *inclusi* & *reclusi* philosopharentur. Locus iste cellulis interspersus *laura*, quasi vicus & platea, dicebatur. Et quoniam vita solitaria durior erat vita coenobitica, hinc in cellulas tantum emeritis coenobitis ex abbatibus & episcopi consensu discedere licebat. Conc. Trull. *can. XLI.* Inclusi vero tantum *propter communem* utilitatem lauris egredi permittebantur. Conc. Trullan. *can. cit.*

§. VII. Iam monasticae regulae peculiare omnes erant, & singula monasteria suam propriam, quae arbitrio abbatum mutari poterat, videntur habuisse. Luc. Holsten. *praef. in cod. regul. cap. III.* Stetit haec disciplina vsque ad S. Benedictum, qui primus aut inter primos sollemnis professionis formam praescripsit, qua ad perpetuam regulae obseruantiam monachi adstricti sunt, quod Mabillonius *praef. ad I. part. saecul. IV. Benedict. n. 53.* obseruat. Ita castigata vaga illa mutandae regulae libertas, qua monasteria utebantur (g). Peculiares vero regulae hominibus instituendis magis conueniebant, quam nunc generales, quibus viuunt integrae ordinum familiae variis locis & prouinciis dispersae.

§. VIII. Ex veteribus institutis monasteria nullos possidebant

(f) Coenobitae simul in vno conclauui vivebant.

(g) Admodum celebris fuit regula Benedictina, adeo vt eodem spiritu, quo sacri canones, conscripta censeretur. Hinc a sede apostolica tamquam inter regulas eminentior commendata, & dinceps post S. Benedictum monasteria ferme omnia Occidentis, veteribus regulis excussis, ad eam conuersa sunt.

sidebant reditus, atque ideo incognita tum monastica mendicitate, monachi omnes manibus suis operabantur: quo labore victum sibi parabant, & in solitudine positi Sanae tentationibus occurrebant. Hieronym. *ep. IV. ad Rustic.*, Cassian. *instit. lib. X. cap. 23*. Sane otiosi in solitudine vitiis contabescunt, & continuis carnis tempestatibus sunt obnoxii. Sic vero proprius vitae monasticae habebatur labor manualis, ut monachi Aegyptii non laborantes tamquam alieni cupidos fraudatores traducerent. Socrat. *lib. IV. cap. 23*. Ipsae moniales etiam opere manuum vivebant. August. *de morib. eccles. cap. XXXI*. Et quamvis monachorum multi in Africa melius iudicarent, monachos orationi & lectioni vacare, & oblationibus fidelium vivere, quam assiduis laboribus occupari; tamen Augustinus contra sensit, editoque excellenti libro *de opere monachorum* vitae monasticae veluti intrinsecum probavit manuum laborem.

§. IX. Verum temporis lapsu fama sanctitatis monachorum late diffusa, monachi praesertim in Occidente statos reditus fundosque acquirere coeperunt, sensimque eo ventum, ut immensi essent monasteriorum reditus. Quin principes eousque in monachos fuerunt liberales, ut etiam feuda & regalia eis concesserint. Hinc debilitatus & tantum non abiectus labor manualis, & cecidit monachorum disciplina: nam inde victus lautior, vestis pretiosior, aedificia elegantiora, negotiorum temporalium tractatio, & superiores a curis monasticis distracti, immo propter feuda in milites conuersi. Ad rem Arnoldus abbas Lubecensis *supplem. Helmoldi lib. III. cap. 9.*, *ex temporalium abundantia dum coeperunt monachi carnaliter vivere, coeperunt etiam carnaliter sapere, refrinxit caritas, subintravit mundialitas*. Contulerunt etiam ad perdendam monasticam disciplinam plures aliae causae, veluti publicae calamitates, & exemptiones ab episcoporum potestate; sed praecipua tantae ruinae causa fuit rerum temporalium acquisitio. Espen. *par. I. tit. 32. cap. 1.*

§. X. Interim collapsa monastica disciplina reparatores semper habuit suos. Nono saeculo curis Caroli M. & Ludouici Pii monachatus splendor ferme restitutus; multum tamen veteris licentiae superfuit, nec restitutus la-

bor manualis, in quo vigor monasticae disciplinae consistebat. Deinceps variis reformationibus restituta est disciplina monastica curis illustrium virorum, qui vel renouarunt regulam Benedictinam, vel nouas regulas excogitarunt. Hinc saeculo decimo & sequentibus nati Cluniacenses, Camaldulenses, Grandimontenses, Carthusiani & Cistercienses: qui omnes, non secus ac anteriores monachi, initio austeritate, sanctitate & neglectu rerum temporalium floruerunt; sed inde acquisitis opibus in deterius prolapsi sunt: & hinc monachorum historia continua est virtutis & corruptionis alternatio.

§. XI. Per decem ferme saecula inter monachos nulla fuit ordinum diuersitas, sed omnes & Orientales & Occidentales vnus instituti esse censebantur. Mabillon. *praefat. ad 1. part. saec. IV. Benedictinorum* n. 52. Variæ quidem pro monasteriorum varietate erant regulæ; at omnes eodem redibant, & quæ essentiam vitæ monasticae constituunt, omnibus inerant. Apud Orientales monachi adhuc sunt vnus ordinis, nec vestibus inter se distinguuntur. Verum in Occidente circa decimum saeculum ordinum diuersitas primum inualuit, ieceruntque distinctionis semina Cluniacenses, qui vnâ ex pluribus monasteriis instituerunt congregationem, qua ab aliis monachis se distinxerunt. Inductam diuersitatem inde Camaldulenses, Carthusiani & Cistercienses auxerunt; Mendicantes vero perfecerunt, qui in multos ordines abierunt, moribus, institutis, vestibus & exercitiis etiam pietatis distinctos. Ne vero in nouas familias, quæ in diem instituebantur, superstitio irreperet, cauit Innocentius III. in synodo Lateranensi, vt nouæ regulæ non inueniantur; sed quicumque conuertere velit, vnâ ex receptis & probatis seligat, *cap. 19. ex. de religiosis domib.* Et ita ad nouam religionem fundandam necessaria deinceps fuit pontificis confirmatio.

§. XII. Iam vero ad vndecimum vsque saeculum monastica vita toties lapsa & restituta naturam semper retinuit suam, nimirum a saeculi turbis secessionem; at deinceps perseverante veteri instituto, in plerisque nouis ordinibus vita monastica nouam recepit formam, qua vel clerici vitam monasticam superinduerunt, vel regulares alio-

aliorum salutem coeperunt curare, quin & fidem armis propagare & tueri. Hinc vita monastica a primæua natura & instituto multum discessit: nouique religionum ordines in *clericales, militares, mendicantes, & pios operarios* partiti possunt. Religiosi clerici sunt canonici regulares, qui, lapsa canonica vita a Chrodogango instituta, in vitam communem & monasticis votis adstrictam sæculo vndecimo coalescere coeperunt, & deinceps multiplicati variis reformationibus in varias abierunt familias. Sed de canonicis regularibus supra vberius dictum est.

§. XIII. Religiosi milites tribus votis, non secus ac reliqui regulares, adstricti, fidem & religionem armis contra infideles propugnare profitentur, non obstante quod monachis quæ minime conueniant. Initio tres eorum ordines fuerunt, *Templarii* nempe, *Hospitalarii*, & *Teutonici*, qui omnes tempore sacrarum in terram sanctam expeditionum instituti sunt, quod Iacobus de Vitriaco *histor. Hierosolym. cap. LXIV. & seqq.* pluribus narrat. *Templarii* ita dicti, quod prope templum domini aedes haberent suas, initio peregrinos in itinere tueri susceperunt: at deinceps ordo auctus euasit generalis ad terræ sanctæ & religionis defensionem. *Hospitalarii* initio in nosocomio S. Ioannis Eleemosynarii Hierosolymis fundato infirmis ministrarunt, sed postea, quod res christiana in Palaestina ope indigeret, milites etiam receperunt, & tandem totus ordo equestris euasit. *Teutonici* quoque initio in hospitali ad solos Teutonicos excipiendos Hierosolymis erecto deseruiebant, at inde in obsidione Prolemaidis, vt auxilio essent Teutonicis militibus, militiam etiam susceperunt.

§. XIV. Ita nati tres isti militares ordines, qui breui ex genio sæculi supra fidem numero & diuitiis aucti, & a pontificibus probati sub regula S. Augustini, tamquam canonici regulares, vixerunt. Quouique res christiana in Palaestina stetit, inter victorias & clades variam subierunt fortunam. Sed anno MDCCXCI. capta Acri ciuitate, & virtute christianorum attrita, natale solum reliquerunt, nouas sedes quaerere coacti. *Templarii* per omnem Europam se diffuderunt, vbi vsque ad inuidiam bonis aucti, tandem a Clemente v., rem Philippo Pub-

erō Galliae rege promouente, omnino deleti sunt. Hospitalarii initio Cyprum, inde Rhodum concesserunt, vnde tandem impetu Turcarum expulsi, beneficio Caroli v. anno c100xxx. Melitam insulam acceperunt, vbi adhuc sedem habet magnus ordinis magister, & *Equites Melitenses* appellantur. Ordo iste per multas Eurōae regiones extenditur, & in octo *linguas* seu regiones tribuitur. Teutonici in patriam reuersi sunt, vbi bonis aucti tantum nobiles Germanos in suam societatem admittunt. Horum ordinum militarium exemplo deinceps alii ordines militares instituti sunt.

§. XV. Mendicantes sunt religiosi, qui mendicato pane viuunt, & clericis in adiutorium dati monastica instituta profitentur, quatenus iis demandatae hierarchicae functiones patiuntur. Sunt mendicantes vel ex regula, vel ex constitutionibus, quorum illi ex regulae statutis nec in commune reditus & fundos habere possunt; isti vero reditus non possident propter ordinum constitutiones, quae regulae redituum possessionem permittenti derogarunt. *Espen. par. I. tit. 29. cap. 4.* Primi iique celebriores mendicantes sunt *Fratres minores*; *Praedicatores*, *Carmelitae*, & *Augustiniani* (h), ex quibus fratres minores mendicantes ex regula, ceteri sunt ex constitutionibus. Huic mendicanti-

(h) Fratrum minorum institutor S. Franciscus Assisiensis, qui nouum ordinem anno c100ccviii. in rigida instituit paupertate, discipulosque suos labore, eoque deficiente, eleemosynis vivere praecepit. Praedicatores eodem ferme tempore S. Dominicus nobilis Hispanus sub regula S. Augustini instituit. Carmelitae initio fuerunt eremitae sub finem saeculi decimi secundi a Bertoldo Calabro in monte Carmelo collecti, quibus Albertus patriarcha Hierosolymitanus regulam dedit ferme cum Basiliana conuenientem, quam inde Honorius iii. probauit. *V. Nat. Alexand. hist. saec. XIII. cap. 7. art. 5.* Propter Saracenorum incurfus inde in Occidentem Carmelitae commigrarunt, vbi ab Innocentio iv. inter ordines religiosos relati sunt. Et demum Augustiniani auctoritate Alexandri iv. emerferunt, qui varios eremitarum coetus in vnam sub regula S. Augustini societatem coëgit.

dicantium quadrigae inde plures alii accesserunt, veluti *Minimi S. Francisci de Paula* alique, quibus pontificum bullis priuilegia mendicantium concessa sunt.

§ XVI. Regula S. Francisci, ad cuius exemplum postea reliqui mendicantes redituum etiam in commune possessionem ciurarunt, tum stipem emendicare permittit, quum ex manuum laboribus deficiunt alimenta, *reg. Franc. cap. V. & VII.* Verum mendicantes opus manuum, quod vix stare poterat cum studiis litterarum & ecclesiae ministerio, ab ipsis in cleri adiutorium adsumto, abiecerunt, & emendicata stipe sibi quaerere coeperunt alimenta (i).

§ XVII. In paupertate instituto mendicantium ordine spes erat, vt diutius staret incorruptus. Verum quis crederet? ipsa summa mendicitas causa praecipua fuit, vt ab instituto deficeret. Scilicet breui in immensum numerum creuerunt mendicantium familiae, ad quas alendas fidelium eleemosynae non sufficiebant. Porro in tanta fratrum multitudine pauci erant, iique vita perfectiores, qui summam paupertatem aequo animo sustinerent. S. Thom. *opusc. XVII. cap. 16.* Ita in ipso suae institutionis exordio ceciderunt mendicantes, eorumque malos mores S. Bonaventura & Matthaeus Parisiensis viuis coloribus depingunt. Sed lapsa mendicantium disciplina reparatores habuit suos, & hinc nati noni ordines, quales *Minores obseruantiae, Capucini, Discalceati Augustiniani, Discalceati Carmelitae.*

§ XVIII. Experientia edocti mendicantes, eleemosynas

O 4

nas

(i) Hanc regularium mendicitatem tamquam improbam & euangelicae perfectioni contrariam Gulielmus de S. Amore acerrime perstrinxit, tum exemplo Christi & apostolorum, qui illud vitae genus respuerunt, tum etiam quod nefas esset, corpore validos eleemosynis sustentari. Sed hanc sententiam tamquam nefariam Alexander IV. damnavit. Et sane viri religiosi ad opus manuum non tenentur, quando studiis & ecclesiae ministerio occupantur: quam doctrinam S. Bonaventura & S. Thomas proponunt. Interim non negat S. Thomas 2. 2. *quest. 187. art. 4.*, nefas esse eleemosynis viuere religiosos corpore validos, qui nulli vtilitati ecclesiae sunt.

nas ad tantas regularium familias alendas non sufficere, consultius iudicarunt, temporalium in commune possessionem admittere. Ergo plures sedis apostolicae prodierunt bullae, quae temporalium possessionem mendicantibus concederent; & in pluribus ordinibus noua statuta antiquioribus constitutionibus, quae statos redditus reiecerant, derogarunt, & regulam restituerunt. Hanc inductam disciplinam Tridentini patres *ses. XXV. de regular. cap. 3.* probarunt, qui omnibus monasteriis & virorum & mulierum etiam mendicantium bona immobilia possidere concesserunt, fratribus Capucinis & Minoribus de obseruantia exceptis, qui in sua puritate Franciscanam regulam adoptauerant. Sed semel concessa temporalium & reddituum possessione, mendicantes ad summas diuitias transierunt, utinam semper bonis artibus quaesitas! Et tamen mendicantes esse & nominari non desierunt.

§. XIX. Quod demum spectat pios operarios, eo nomine intelligimus viros religiosos, qui ad vota monastica aliquod pium opus addunt, quique nec mendicantes origine sua, nec milites sunt. Tales censentur religiosi ordinis sanctissimae Trinitatis *de redemptione captiuorum*, qui a Ioanne de Matha & Felice anachoreta Valesiensi instituti, praeter monastica vota profitentur captiuorum a manibus infidelium redemptionem; & religiosi S. Mariae de Mercede a Petro Nolasco instituti, qui ad redimendos captiuos etiam seipsos tradunt obsides.

C A P V T XXXIX.

De probatione vitae monasticae praemittenda.

§. I. **D**Vrum & irreuocabile vitae genus non est sine matura discussione suscipiendum. Hinc ex antiquis institutis probatio, quam dicunt *nouitiatum*, vitae monasticae praemittenda est. Venit nomine probationis diligens examen, quo voluntas eius, qui conuerti desiderat, exploratur, an serio velit & possit vitam monasticam

cam profiteri. Interest vero examen praemitti non minus postulantium, quam monachorum, ne fera utroque capiat poenitentia, vel quod inauspicato durum & perpetuum vitae genus induerint, vel quod quietis & pacis monasticae perturbatores receperint.

§. II. Iam vero qui vitam monasticam profiteri desiderant, non statim ad probationem admittendi, sed ubi constat, eos ex animo conuerti velle, & nulla esse impedimenta, quae propositum impedian. Ergo qui libere possunt & volunt, ad probationem admittuntur, & in cella ad hoc opus separata sub *seniore*, quem *magistrum novitiorum* dicunt, in monasticis asperitatibus exercentur, & in regula & ordinis constitutionibus instituuntur, ut ita deliberent, an religionis onus subire velint, & monachi de eorum vocatione iudicent. In primis vero exploranda causa conuersionis, nam inde constat, unde vitae singularis accessit desiderium, *noyel. V. Iustin. cap. 2.* In separata cella fortasse candidati instituendi, ne forte videntes defectus monachorum, religionem profiteantur, quamvis ad regulam viuere non intendant. Quin ex bulla Innocentii XII. in Italia & adiacentibus insulis monasteria rigidae obseruantiae probandis novitiis addicta sunt.

§. III. Schola autem probationis ad monasticam vitam non vnus horae, aut diei negotium est (a). In Occidente ex regula Benedictina vnus anni spatium probatio inclusa: quam disciplinam patres Tridentini *sess. XXV. de regul. cap. 15.* probarunt; sed integra reliquerunt statuta ordinum, quae longiorem praescribunt probationem. Integer vero annus ex noua disciplina necessarius est ad probationem, adeo ut si ante annum edatur, nullius effectus sit. *Trident. loc. cit. (b).* Currit vero annus iste

a mo-

(a) Monachi Orientales, & praesertim Aegyptii, tres annos probationi statuerunt, teste Sozomeno *lib. III. cap. 33.*, quod tempus Iustinianus seruandum edixit, *noyel. V. cap. 2.* At regula Benedictina *cap. LVIII.* vnus anni spatium inclusit probationem. Medium vero iter tenens Gregorius M. *lib. VIII. ep. 23.* ante biennii probationem neminem tondendum permisit.

(b) Iure decretalium ad vim monasticae professionis non pertine-

a momento ad momentum, & debet esse continuus, nec ei potest renunciari.

§. IV. Quousque durat probatio ante professionem emissam, liberum est tironibus vitae monasticae a proposito discedere, & aliud vitae genus suscipere: quod regulae monachorum supponunt, & Tridentini patres *loc. cit. cap. 16.* confirmarunt. Hinc in veteri disciplina novitii tempore probationis vestes monasticas non induebant, sed in proprio habitu & tonsura persistebant, *reg. Bened. cap. LVIII, novel. V. Iustin. cap. 2.* Stante novitiorum libertate ad saeculum redeundi, nefas videbatur iis tradere vestes monasticas. Sed iam mutata est disciplina, & novitii in Occidente probantur in veste & tonsura monastica (c), quam dum suscipiunt, probatio coepta intelligitur. Ita minor facta libertas novitiorum ad saeculum redeundi: nam prout sunt mores, abiectio monasticae vestis nescio quid turpitudinis solet in desertores deriuare.

§. V. Sollemnis eorum, qui monasticam vitam profiteri cupiebant, mos fuit, ante probationem, vel ea nondum impleta, de rebus suis disponere, eas vel in pauperes erogantes, vel in monasterium inferentes, vel parentibus relinquentes, ut ita nudi Iesum Christum sequerentur. Verum nil magis vitae monasticae tironibus nocuit, quam praeceptum rerum suarum irrevocabilis facta largitio. Facti inde sunt minus liberi, & seipsos ad edendam profelsio-

tinebat probatio, nec necessario integra praemitti debebat: novitius enim & monasterium ei poterant renunciare, *cap. 16. ex. de regularib.* Hinc & apud Benedictinos & postea apud Mendicantes saepe sine probatione, aut ea non impleta monachi fiebant, & ita sanctissimi ordines inutilibus & malis monachis grauati.

(c) Mutatae apud Latinos disciplinae causa omissa olim probatio videtur fuisse. Nimirum saeculo decimo secundo & sequenti monachi ab ipsa petitione creabantur, atque adeo vestes & tonsuram monasticam sumebant: inde ubi canones probationem vrgere coeperunt, remansit recepta consuetudo, ut initio probationis monasticus habitus sumeretur. V. *Esper. par. 1. tit. 25. cap. 3.*

professionem, ne in saeculo mendici viuerent, coegerunt. Hinc statuerunt Tridentini patres *ses. XXV. de regul. cap. 16.*, vt nulla obligatio, aut renuntiatio ante professionem facta etiam cum iureiurando vel ad pias causas valeat, nisi intra duos menses proximos ante professionem cum licentia episcopi vel eius vicarii fiat; & iure facta tantum post professionem suum effectum sortiatur: itemque voluerunt, ne ante professionem quocumque nomine a nouitiorum parentibus, propinquis, vel curatoribus monasterio aliquid de illorum bonis, excepto victu & vestitu, tribuatur, ne ex hac causa discedere impediatur. Ita libertati nouitiorum plene prouisum. Constitutio generalis est, sed vulgo ad irreuocabiles dispositiones & intuitu vitae monasticae factas restringitur, quales donationes inter viuos, officiorum publicorum & beneficiorum renuntiationes.

C A P V T XL.

De monachorum professione.

§. I. **P**Robationis tempore exacto, candidati inter monachos per professionem cooptantur. Est professio certae probataeque religionis promissio aperte adhibitisque sollemnibus, vel factis ipsis declarata. Hinc professio monastica duplex est, sollemnis, & tacita, prout consuetis sollemnibus, vel tacitis signis editur. Ita iure decretalium gestatio per annum vestis monasticae pro professione censetur, *cap. 22. ex. de regularib.* Sed in plerisque prouinciis non amplius tacitae professiones admittuntur, & monachi tantum sollemni professione creantur, qua professurus palam in oratorio & viua voce formulam voti recitat, adhibitis aliis sollemnitatibus secundum receptos ordinum ritus.

§. II. In professione monachi habitum suae religionis sollemniter induunt, & in monachos attendantur. Et ad vestem quod spectat, initio monachi Pachomiani proprias vestes

vestes easque asperas & duras videntur induisse, Cassian. *de institut. renunt. lib. I.*; sed monachi Occidentales saltem lapsu temporis etiam proprias susceperunt (a), quae nigrae erant & in omnibus vniformes: tandem vero saeculo decimo in Occidente coeperunt monachi vestibus inter se distingui, quae diuersitas creuit eundo, & iam singuli ordines proprias & coloribus distinctas vestes habent. Vestem monasticam Graeci *habitum angelicum* dicunt, fortasse quod patres vitam monasticam saepe *angelicam* appellarent.

§. III. Porro simul cum veste qui vitam monasticam profitentur, monasticam tonsuram sumunt: quae ex noua disciplina in regularibus clericatu initiatis parum a tonsura clericali distat (b).

§. IV. Vt vero iure edatur monastica professio, multa requiruntur. In primis necessarius est eius, qui convertitur, consensus: quid enim durum & perpetuum vitae genus obtruditur inuitis? Et hinc vi metuque edita professio nulla est, *can. 9. C. 20. q. 1.*, modo metus & coactio sint non vani hominis, sed constantis, puta si mors aut corporis cruciatus inferatur (c).

§. V.

(a) Monachi Occidentales communibus, sed modestis vestibus olim utebantur; praesertim vero pallium, quod erat philosophorum vestis, induerunt: quamuis non defuerint, qui catenati & supersticioso amictu incederent. V. Bingham. *origin. eccles. lib. VII. cap. 3. §. 6.*

(b) Generatim olim monachi modesto erant capillitio, inter longam comam & caluitium medio: sed paullo post capillos inaequaliter & ad curam tondere coeperunt, vt ita hominibus despiciatui essent. Paulin. *epist. VIII.*, Saluian. *de gubern. lib. VIII.* Sic composita monastica tonsura distabat a tonsura clericorum, quae aequaliter detonso superius capite, inferius capillorum circulum relinquebat. Apud Orientales septimo saeculo monachi integrum caput videntur rasisse. Beda *lib. IV. cap. 5.* Verum lapsu temporis, vbi multi monachi in sortem domini vocati sunt, monastica tonsura in clericalem degenerauit. V. Thomass. *de vet. & noua eccles. discipl. par. I. lib. 2. cap. 28.*

(c) Medijs saeculis nil frequentius, quam monasticae professiones per vim factae, quae ex multorum sententia valebant. Christ.

§. V. Porro qui professionem monasticam edunt, in eo statu esse debent, quo libere vouere possint. Ita filii-familias sine consensu patris ex antiquis regulis monachi fieri non poterant, conc. Gangr. *can. XVI.*; at Iustinianus etiam sine parentum consensu filii-familias vitam monasticam profiteri concessit, *L. 55. C. de episc.* Item iure civili publicis rationibus adstricti & milites vetantur ad monachos transire, nisi per diuales litteras absoluti, aut emeritis stipendiis, quod Mauriti imperatoris lege cautum est (*d*). Coniugati quoque post carnis committionem, altero inuito, monasticam vitam profiteri prohibentur, *can. 6. C. 33. q. 5.*; at si ex compacto agant, licita est professio, modo ambo conuertantur, aut saltem qui in saeculo remanet, vorum castitatis emittat. Quod si nuptiae nondum in vsum deductae sint, etiam altero inuito licet coniugi ad monachos transire, *cap. 12. ex. de conuers. coniugatorum*: quin coniuges post contractas nuptias non statim matrimonio vti coguntur, sed habent duorum mensium inducias ad monasterium eligendum, *cap. 7. ex. eod.*

§. VI. Item professio monastica fieri debet aetate per canones statuta, & ante facta nullius effectus est. Varia fuit

Christ. Lupus *schol. in decret. II. S. Leonis IX.* Sed nono saeculo apud Latinos multis displicebant per vim obiectae professiones, & hinc per canones statutum, eas nullius effectus esse, *can. 9. C. 20. q. 1.*, nisi in criminum poenam decernerentur.

(d) Gregorius M. christianae pietati aduersari putabat, militibus vitam monasticam denegari. Hinc pro legis moderatione ad imperatorem retulit, officiis & rationibus vsum. *Greg. M. lib. II. ep. 62.* Interim vero ad se missam legem quadam adhibita moderatione publicauit, seu potius legis executionem suspendit adhibita moderatione, quouque principis voluntas innotesceret. Etenim metropolitanos hortatus est, vt milites publicis rationibus non implicatos diligenti inquisitione & triennii probatione praemissa ad vitam monasticam admitterent. Ita pius pontifex legem temperauit, sed non pontificia potestate, sed quod cognita Mauriti religione, sperabat, talem moderationem principi non displicere.

fuit ecclesiae disciplina de aetate ad vitam monasticam profitendam necessaria (e); sed ex regulis Tridentinis *ses. XXV. de regul. cap. 15.* professioni religiosae pro utroque sexu annus decimus sextus aetatis exactus dictus est, & ita quidem ut ante facta nulla esset. Quo decreto ordinum constitutionibus, quae maiorem requirebant aetatem, derogatum non est. V. Fagnan. *ad cap. nullus. ex. de regular. n. 15.* Sed satius esset, maturiorem aetatem vitae monasticae praestituere, nam in tenera aetate integrum vitae monasticae pondus non adgnoscamus: & laxata in plerisque familiis claustrī disciplina, saepe euenit, ut monachi continuis egressionibus saeculum diu post renuntiationem adgnoscant.

§. VII. Veteri disciplina non tantum propria professio, sed & parentum oblatio monachum faciebat. Nempe parentes tenerae aetatis filios monasteriis offerebant, pro iis petentes vitam monasticam, qua oblatione accepta, statim filii monachi censebantur, nec poterant umquam iniectum onus excutere. *Monachum*, inquit synodus Toletana *iv. can. 48.*, aut paterna deuotio, aut propria professio facit: quidquid horum fuerit, adligatum remebit. Offerebant autem ad monasterium filios non tantum patres, sed etiam matres, fiebatque oblatio in missa tempore oblationis. Quod vero pueri, qui non ex propria voluntate monachatum susceperant, inde facti grandiores frena mordebant, & in regulam peccabant, saeculo nono huiusmodi oblationes minus placuere, tandem vero omnino reiectae sunt; statuit enim Caelestinus *iii.*, ut filii oblati ad annos discretionis peruenientes potestatem habeant monasterio egrediendi, *cap. 14. ex. de regularib.*

§. VIII.

(e) Chrysostomus *lib. III. aduers. vituperat. vitae monast. cap. 15. seq.* decem annorum aetatem dixit sufficientem, quod a tenera aetate luctam oportebat auspicari: quos eisdem annos pro arbitrio episcopi differendos, aut praeueniendos synodus Trullana *can. XL.* probauit. Sed Latina ecclesia in utroque sexu pubertatem monasticae vitae profitendae idoneam iudicauit, *cap. 8. seqq. ex. de regularib.* Ceterum Cluniacenses & Carthusiani ante vicesimum annum monachos non admittebant.

§. VIII. Iam professio monastica gratis fieri debet, & datis temporalibus emissâ sapit simoniam, quam semper damnavit ecclesia. Conc. Nicaen. II. *can. 19., cap. 8. ex. de simonia, cap. 2. de statu monach.* Sane in finem spiritua-lem coalescit monachorum societas, ac proinde nefarium est in ea partem habere per pecuniam. Nec quod monasteria monachos alant, licet eo nomine aliquid exigere, si illa opulenta sint; reditus enim monastici ex ecclesiae & fundatorum mente ad alendos monachos impendi debent. Quin plerique canones nec admittunt, ut titulo paupertatis monasterii aliquid a profitentibus exigatur, ne obtentu pauperratis nefariae exactiones tegerentur, *cap. 40. ex. de simonia*. V. *Elpen. par. I tit. 29 cap. 2.* Monasteria tantum temporalia iure accipiunt, si sponte a profitentibus offerantur, modo qui offert, vita monastica dignus sit, & monachi offerentem admittant non propter oblata temporalia, sed sola conversi bona voluntate ducti, adeo ut etiam sine bonis eum benigne acciperent. Quae quum ita sint, contra regulas canonicas constituta & recepta sunt pecuniaria subsidia, (vulgo *dotes*) quae sanctimoniales ante professionem monasteriis inferre debent (f).

§. IX. Per monasticam professionem monachi mundo

(f) Non desunt, qui quaesitis coloribus monasticas dotes etiam ab opulentis monasteriis rite exigi statuunt. Ut ecce Christianus Lupus *sch. in can. XIX. conc. Nicaeni II.* tenet, eas iure exigi specie quadam transactionis, qua monasteria renuntiant futuris iuribus & hereditatibus, quae ipsis ex persona monachi & monastriae ex legibus competere. Et Benedictus XIV. *de synodo dioces. lib. XI. cap. 6.* dotes ab oeconomia tueri, ut nempe novis subsidiis acceptis reparentur stari monasteriorum reditus, qui parum recta administratione & inopinatis casibus paulatim deminuuntur. Sed quae esse potest transactio, quando leges, quae monasteria ex persona monachorum ad hereditates vocant, aut receptae non sunt, aut si receptae, omnem tandem vim perdidierunt? V. *Elpen. diff. de vitio peculiaris. par. II. cap. 2.* Et nescio, an semper expediat in detrimentum civitatis novis & frequentioribus subsidiis augeri ipsa opulentiora monasteria, tantum quod eorum reditus possunt demingi.

do mori, & Deo renasci censentur. Sane ciuitati, nuptiis, rerum proprietati, quin & proprio arbitrio perpetuum renuntiabant: & patres vitam monasticam veluti secundum baptismum, quo maculae omnes abstergerentur, reputarunt. Hieronym. *ep. XXVIII. ad Paulam*, Christ. Lup. *schol. in decr. I. Leonis IX.* Saeculo sexto haec erat episcoporum Orientalium sententia; etenim Iustinianus, qui nouellas suas ex sententia episcoporum conscripsit, adfirmat, conuersionem monasticam omnem monachi maculam abstergere, *nouel. V. in praef.* Hinc videtur mos, ille in utraque ecclesia receptus, quo christiani in mortis lecto decumbentes, vestem monasticam adsumere consueuerunt, & in fine vitam monasticam profiteri. Christ. Lupus *loc. cit.*

§. X. Sic vero monachi saeculo mortui & Deo renati ad *stabilitatem* obligantur, quae secundum regulam Benedictinam duabus partibus absoluitur, nempe vt monachi monasterio non egrediantur, & monasticam vitam amplius non deponant. Et sane continua in monasterio mora ad essentiam monasticae vitae pertinet, quae a saeculi turbis remota, Deo & solitudini adquiescit. Conc. Chalced. *can. IV.*, Trullan. *can. XLVI.* Hinc credebant veteres, monasteriis monachos egressos, non secus ac pisces extra aquas, viuere non posse. Monasterium autem, in quo perpetuo morari monachos oportet, erat illud ipsum, in quo emiserunt professionem, conc. Chalced. *cit. can. IV.*, nec nisi de abbatis venia licebat de monasterio in monasterium transire. Tantum in ecclesiae, proximi, aut monasterii necessitatibus poterant monachi ex superioris venia & vno aut pluribus comitibus stipati monasterio exire. Claustri disciplinam Camaldulenses & Carthusiani etiam seruant, minus Benedictini, omnium minime Mendicantes, qui vt clericis essent adiutorio, eam omnino relaxarunt. Sed moniales perpetua tenentur clausura, tantumque ex legitima causa ab episcopo probata monasterio egredi permittuntur. Trident. *ses. XXV. de regul. cap. 5.* Quod sane decebat seminarum pudicitiam: quamvis clausura monialium modo vsurpata multum distet a solitudine monachis propria.

§. XI. Praeterea monachi semel certam regulam professi

fessi ad eam perpetuo adstringuntur, nec ferme ab vno ad alium ordinem transire possunt. Vbi nulla erat ordinum diuersitas, inauditus fuit de vna religione in aliam transitus; verum temporis lapsu recepta in Occidente ordinum diuersitate, vna auditae sunt ordinum mutationes, quas tamen S. Bernardus *de praecep. & dispens. cap. XXVI.* improbavit, nisi in proprio ordine peccandi necessitas monachis immineret. At deinceps in diem auctis numero religiosorum ordinibus, quorum alii rigidioribus, alii laxioribus institutis viuunt, a laxiore ad rigidiorum transitus permissus est, non item contra, *cap. 18. ex. de regularibus*, Trident. *loc. cit. cap. 9.* Mendicantes tamen ad alios non mendicantium ordines praeter Carthusianos sine pontificis venia transire vetantur, *extrauag. 1. de regularibus. in comm.*, idque ne obtentu rigidioris regulae dignitates & monastica beneficia ambiant. Item transitus ad laxiorem ordinem nisi ex venia pontificis non conceditur, nec indulgentia facile concedi solet.

§. XII. Sed monachis omnino non licet eiurare vitam monasticam, & in saeculum reuerti. Qui vota monastica violant, & ad saeculum redeunt, *apostatae & transfugae* vocantur. Est apostasia a vita monastica grande facinus, vtpote qua promissio Deo facta abruptitur. Veteres canones monachos desertores, qui poenitentes ad monasterium non reuertebantur, excommunicatione plebant. Conc. Chalced. *can. VII.*, conc. Tolet. *iv. can. 54.* Ex Iustiniani vero *novel. CXXIII. cap. 42.* desertores monachi monasterio restitui debent. Nec aliter habet noua disciplina, quae monachos apostatas anathemate compellit, & ad poenitentiam monasterio includit, *cap. ult. ex. de regularibus.*

§. XIII. Quamuis autem semel emissa monastica professio perpetuo obligaret; tamen si qui monachi essent *incorrigibiles*, a monasteriis solebant expelli, *ne vna ovis morbidus omnem gregem contaminet*, inquit S. Benedictus in *reg. cap. XXVIII.* Tum vero ad malorum monachorum expulsionem veteres procedebant, si omnibus remediis adhibitis, spes nulla conuersionis subesset. Eiecti vero monasteriis monachi inde tamquam laici vivebant. Verum deinceps mutata est disciplina, & pessimi monachi

chi a monasteriis non eiciuntur, sed in eodem, vel diverso monasterio includuntur ad poenitentiam, quod Gregorius IX. statuit, *cap. ult. ex. de regularib.* Et quamvis inde Urbanus VIII. expulsionem incorrigibilium restituerit, modo post alia canonica remedia in carceribus anni spatio ieiuniis & poenitentiis subigantur, & nihilominus in malitia perseuerent; tamen non omnes prouinciae hoc decretum admiserunt. *Espen. par. I. tit. 27. cap. 7.*

§. XIV. Saepe contingit, vt monachi professionem suam impugnent, eamque vitio aetatis, probationis, aut alia causa nullam dicant. Pro arbitrio olim exhibant monasteriis, qui professionem impugnabant, nec nisi finita causa eo redire cogeantur. Sed iure nouissimo regulares intra quinquennium a die professionis causas nullitatis & coram antistite loci ordinario, & coram superiore suo proponere debent: & si antea habitum sua sponte deposuerint, ad adlegandam quamcumque causam non admittuntur. *Trid. sess. XXV. de regular. cap. 19.* Exacto quinquennio ab apostolica sede solent monachi causa cognita in integrum restitui, quo possint professionem impugnare. *V. card. de Luca disc. XLI. de regularib.* Sed moniales in Italia etiam intra quinquennium contra professionem venire vetantur.

C A P V T XLI.

De votis & exercitiis monasticis.

§. I. **V**Ita monastica semel suscepta etiam ex sollemni voto monachos & regulares omnes ad *obedientiam, paupertatem & castitatem* adstringit: quae tres virtutes integram ferme continent vitae monasticae naturam. Ex veteri disciplina monachi aperte nullum votum emittebant; sed secundum formulam Benedictinam, qualis nunc exstat, professionis tempore aperte promittunt *loci stabilitatem, morum conuersionem & obedientiam*, unde per interpretationem tria monastica vota emanarunt, & se-

& secundum aliquas formulas aperte promittuntur. Videtur addita vitae monasticae religio voti, ut illa fortius obligaret, & exercitia monastica Deo essent acceptiora. Interim multi regulares praeter haec tria emittunt vota peculiaria, quales religiosi sanctissimae Trinitatis & ordines militares.

§. II. Principio vouent monachi obedientiam, quae promissione proprium arbitrium deponunt, & in omnibus a voluntate superioris pendere spondent, modo nihil aduersus Deum & regulam praecipiat. Viuunt monachi sub regula vitam communem, atque ideo in omnibus a recepta regula & superioris voluntate pendere debent. *Prima*, inquit de Aegypti coenobitis Hieronymus *epist. XXII. ad Eustoch. cap. 15.*, *confoederatio est obedire maioribus, & quidquid iusserint, facere.* Obediunt autem monachi superiori suo in omnibus *sine mora, non tepide & cum bono animo*, ut S. Benedictus *reg. cap. V.* loquitur, ut nempe decet eum, qui vitam perfectam amplexus est. Appellatur ab antiquis *coeca* monachorum obedientia, non quod monachi in omnibus etiam contra Deum & bonos mores coeco impetu superiorem audire debent, sed quod non est eorum iussa expendere, dum superior secundum regulam iubet.

§. III. Vouent quoque monachi paupertatem, quae ex vitae coenobiticae natura id requirit, ut singuli cuiusque rei dominium abiiciant. Certe vita communis, quam monachi profitentur, non patitur, monachos singulos aliquid tamquam proprium possidere. Hinc recte Innocentius III. respondit, abdicationem dominii adeo esse propriam regulae monasticae, ut contra eam nec summus pontifex possit veniam indulgere, *cap. 6. ex. de statu monachor.* Sed non omnes monachi hac in re pares sunt; nam plerique ordines in commune statos redditus possident; aliqui vero etiam in commune rerum dominia eiurarunt (a). Itaque monachorum omnium paupertas in

(a) Sed an mendicantes, qui rigidam paupertatem profitentur, nec dominii rerum, quae usu consumuntur, capaces sint? Acerrime hac de re inter fratres minores concertatum est. S.

eo posita est, vt singuli monachi nihil tamquam proprium possideant; si enim aliquid possiderent, a communione discederent. Hinc ex communi penu monachi omnes habere debent ad vitam necessaria: & peculia monachorum, non secus ac monastica beneficia, quibus lapsa monachorum disciplina officiis claustralibus proprii & stabiles reditus cesserunt, aduersantur monasticae paupertati.

§. IV. Demum vouent monachi & regulares omnes castitatem, quae etiam a licitis coniunctionibus abstinentiam inuoluit. Carnales voluptates cum duriori vitae genere & continua poenitentia consistere non possunt. Et recte Innocentius III. respondit, castitatem, non minus quam paupertatem, adeo propriam esse vitae monasticae, vt eam nec summus pontifex possit relaxare, *cap. 6. ex. de statu monachorum (b)*. Quod si monachi contra promissam castitatem matrimonia attentarent, excommunicabantur, conc. Chalced. *can. XVI.*; at in noua disciplina matrimonia ipsa omnino nulla sunt & inualida. V. *Espen. par. II. tit. 13. cap. 4.*

§. V. Iam vero obedientiae, paupertati & castitati accedere debent continuae carnis macerationes & adsiduae preces, quibus monachi ex natura vitae monasticae adstringuntur. Et quod spectat ad corporis macerationes, monachi omnes carnibus abstinebant, tantum olera & legumina man-

Bonauentura tenet, fratres minores etiam harum rerum dominium abiicere, illudque in ecclesiam Romanam transire, fratres vero usum facti simplicis habere: quod Nicolaus III. in *cap. 3. de verbor. signif. in 6.* & Clemens V. *Clement. 1. cod. probarunt*. Sed Ioannes XXII. hanc imaginariam ecclesiae Romanae proprietatem reiecit, ipsisque fratribus rerum, quae usu consumuntur, dominium concessit, *extrauag. 3. Ioan. XXII. cod. V. Nat. Alexandr. hist. eccles. saec. XIII. & XIV. cap. 2. art. 3.*

(b) Vt vero monachi melius seruarent castitatem, interdicta sunt monasteria duplicia, in quibus promiscua erat inter monachos & monastrias conuersatio & communis ad psallendum chorus, *L. 44. C. de episc. & clericis, conc. VII. oecumen. can. 20.* Et ad custodiam castitatis non patitur monastica disciplina, vt in claustra monachorum feminae ingrediantur.

manducabant : ex piscibus aliquando tantum minutis vtebantur, eosque pro summis deliciis habebant, quod Hieronymus *epist. XIII. ad Paulin.* testatur ; similiter ex auibz tantum paruas edebant. Item monachi non bibebant vinum. Quod si infirmi essent, & carnes manducabant, & vinum bibebant : quin in exedram transferebantur laxiorem, vbi & cibis delicatis & omni auxilio fovebantur. Hieronym. *ep. XXII. ad Eustoch. cap. 15.* Primus propter cordis duritiem S. Benedictus modicum vini monachis concessit, *reg. Bened. cap. XL.*, & longo tempore post S. Franciscus vsum carnis permisit. Exinde auita abstinentia in diem laxata est, adeo vt etiam Benedictini a regula descuerint. Et qui ex monachis hodie abstinent a carnibus, in cibis veterum frugalitatem non imitantur.

§. VI. Porro in ipsa cibi vilitate inter monachos frequentia ieiunia esse debent. Monachi Aegyptii omnibus diebus vsque ad horam nonam ieiunabant, sabbato tantum, dominica & quinquaginta diebus pentecostes exceptis, in quibus meridie solebant manducare, teste Hieronymo *ep. XXII. ad Eustoch. cap. 15.* ; nefas enim erat die dominico & festis (festus dies in Oriente sabbatum erat) ieiunare. Sed non omnes regulae hac in re erant aequales, nec omnes eandem ieiunandi necessitatem imponebant ; ex regula enim Pachomiana licebat monachis, prout erant corpore validi, aut debiles, ieiunia intendere, aut relaxare. Recentiores regulares suos etiam habent ieiuniorum dies, quos passim regulae designant. Ieiuniis accedunt cubile durius, vestis crassior, flagellationes, pedum nuditas ceteraeque corporis macerationes, quae longa serie in regulis & institutis monasticis recensentur.

§. VII. Ieiuniis addere debent monachi continuas & extraordinarias preces, quo omnia perfectioni respondeant, Et reapse monachi omnes habebant statas & communes preces, & ne aliquod tempus sine Dei laude abire sine rent, priuatim lectioni & orationibus vacabant. Porro tempore mensae obuiandis inutilibus & vanis confabulationibus institutae sacrae lectiones. Mendicantes praeter statas precandi horas, varias precationis formulas aliaque opera supererogationis induxerunt, quae vtinam supra modum non extulissent. Priuatae vero preces etiam ex pro-

priis institutis non adeo inter eos continuæ, quod sacro ministerio & studiis, quibus vacant, interrumpuntur.

C A P V T XLII.

De clericali monachorum.

§. I. **M**onachi omnes ratione status sui laici fuerunt, clericalis enim vita, utpote quæ versatur in cura animarum, a solitudine abhorret, & vita monastica solitudini addicta est (a).

§. II. Quo vero sacra mysteria in usum monachorum celebrarentur, vel ab antiquo nonnulli monachi in monasteriis clerici creati sunt: quæ disciplina a monasteriis, quæ in desertis & procul a ciuitatibus erant constituta, sensim ad omnia monasteria pertransiit (b). Monachi autem
in

(a) Monachos origine sua laicos fuisse ex vniuersa antiquitate constat. Sane Hieronymus *epist. LIII. ad Ripar.* docet, monachos non docere, quod proprium erat clericorum, sed plangere. *Monachus non docentis, sed plangentis habet officium.* Et scribens ad Paulinum, eum adhortatur, ut si clericali vitæ studeret, sedem sibi figeret in urbibus; secederet vero in solitudinem, si monasticam vitam meditaretur. Potro antiqui canones monachos publicæ poenitentiae subiiciunt, quam laici, non clerici subire solebant: & ubi pro eodem crimine diuersa poena clericis & monachis irrogatur, illi deponuntur, hi excommunicantur, conc. Chalced. *can. II. & VIII.*, Trullan. *can. LXXXIII.*: quod aperte demonstrat, monachos laicos, non clericos fuisse. Quod si in antiquis monumentis aliquando monachi a laicis distinguantur; id ea ratione factum est, quod diuersum vitæ genus a laicis profitebantur, non quia in fortem domini erant cooptati.

(b) Non eadem hac in re fuit omnium monasteriorum disciplina. Et quidem in monasteriis Scythi, siue Scythiæ in Aegypti desertis presbyteri ex monachis erant, teste Cassiano *collat. III. c. 1.* Contra Pachomiana etiam in desertis constituta
nullum

in monasteriis aucti clericatu admodum pauci longo tempore fuerunt (c); at labentibus annis mutata est disciplina, sensimque eo ventum, ut monachi pro maxima parte augerentur clericatu. Et sane mendicantes a sua ferme institutione, quod clericis in procuranda animarum salute adiutorio accessissent, magno numero ad sacerdotium promoti sunt. Et saeculo decimo quarto Clemens v. ad ampliationem diuini cultus edixit, ut *monachi quilibet ad monitionem abbatis sacris ordinibus initiarentur*. *Clemens: 1. §. 8. de statu monachor.*

§. III. Iam vero moribus iampridem receptis monachi alii sunt *clerici*, alii *laici*, quos fratres *conuersos* dicunt: quam diuisionem propagatum inter monachos sa-

P 4

cer-

nullum habebant presbyterum, sed e proximis vicis ad sacra facienda singulis vicibus presbyteros euocabant. V. Thomass. *de vet. & noua eccles. discipl. par. 1. lib. 3. cap. 13.* Et in multis monasteriis in locis habitatis aut non longe positis sacra non fiebant, sed monachi cum suo abbate ad ecclesias parochiales se conferebant, ubi cum reliquo populo sacros conuentus celebrabant, quibus finitis ad sua praesepia redibant. Athan. *apol. pro fuga*, Pallad. *hist. Laus. cap. LII.* Fuerunt etiam monasteria, quae clericos ad monasterii titulum ordinatos habuerunt. Conc. Chalced. *can. VI.* Sed tandem in omnibus monasteriis monachorum aliqui sacerdotio aucti sunt: quam disciplinam in Occidente S. Benedictus promouit, & clerici externi monachis eorumque bonis graues fecerunt necessarium.

(c) Quatuor monachorum numerosae congregationes, quae erant in Scythiae desertis, vnum singulae videntur habuisse presbyterum, Cassian. *collat. III. cap. 1. & collat. X. cap. 2.*; & licet ea, cui praeerat Paphnutius, duos haberet; id tamen ea ratione factum est, quod Paphnutius sibi viuum Danielem elegerit successorem. Maior clericorum numerus, quem saeculo sexto habere poterant Orientalia monasteria, quatuor aut quinque non excedebat. Nouel. *CXXLIII. cap. 2.* Exiguo etiam numero in monasteriis Occidentis erant monachi in sortem domini vocati: regula enim Benedictina tum permittit abbati monachum presbyteratu aut diaconatu initiandum episcopo offerre, si necessitas sacrorum celebrandorum postularet.

cerdotium confirmavit (d). Monachi clerici ad officia chori & sacrum ministerium sunt addicti: laici vero ad opera manualia destinantur. Similis distinctio etiam est inter monastrias, quarum aliae *choristae*, aliae *conuersae*.

§. IV. Quicumque vero esset in veteri disciplina numerus monachorum, qui in monasteriis clerici creabantur; certe in iis celebratio sacrorum mysteriorum priuata erat, nec praeter monachos ad eam reliqui christiani poterant conuenire. Fidelis populus ad ecclesiam parochialem, quae eum in Christo genuerat, pertinebat. Et publicae missae in monasteriis seruorum Dei quietem turbare videbantur. Gregor. M. *lib. IV. epist.* 43. Hinc statuta loca ad celebrationem mysteriorum in monasteriis destinata proprie ecclesiae non erant, sed priuata oratoria, seu *capellae*, quae in ipso claustro erant exstructae, eaque ferme amplitudine, quae tantum monachos caperent. Et in monasteriis tempore celebrationis missarum portae clauderentur, vt nemini aditus pateret.

§. V. Inter regulares propagatum sacerdotium receptam in ecclesia disciplinam ferme omnem immutauit. Inde episcoporum & parochorum imminuta iura, & monachi sacramenta populis coeperunt administrare: quod a munere pastoralis cessantibus clericis Cluniacenses & Cistercienses primi secisse videntur. Hi noui mores magis producti sunt exortis mendicantibus, qui ad sacramenta christianis administranda & praedicationes habendas profilierunt, quod clericis accessissent adiutorio. Vnde

(d) Per plura saecula monachorum omnium fors aequalis: omnes etiam monachi clerici ad opus manuum tenebantur, omnesque ad officia chori conueniebant, & horas canonicas recitabant. Monachi Vallis Umbrosae in Tuscia primi sensu hominibus conuersos recepisse videntur, quos inde Carthusiani & Cistercienses secuti sunt. Origo vero distinctionis ab usu linguae Latinae defueto videtur repetenda; quum enim non omnes monachi latine scirent, factum est, vt plures non valerent horas canonicas latina lingua compositas recitare; quibus ad opera manualia ablegatis, tantum latine scientes chorum retinuerunt. Fleuryus *disc. V. in hist. eccles.*

de ferme omnes monachorum & regularium apertae ecclesiae, missae publicae in iis celebratae, sacramenta a regularibus administrata, eorum oratoria in amplas ecclesias conuersa, frequentes praedicationes a monachis habitae, nouae orandi formulae procusae. Ceterum regulares non habent peculiarem sibi addictum populum, sed apud eos collectitius conuentus instituitur, ea tamen frequentia vt longe superet conuentus parochiales. Nescio enim quo pio animi motu ferantur fideles, vt potius monastica sacra, quam parochialia frequentent.

§. VI. Illud vero incommodi inerat sacris, quae mendicantes in vsum populi celebrabant, quod adscititii isti pastores ab episcopis non penderent: pontificia enim auctoritate iis datum, vt inconsultis episcopis confessiones audirent, praedicationes haberent, & reliqua sacra celebrarent (e). Hinc turbata ecclesiastica disciplina, neruus poenitentiae relaxatus, & sexcentae lites inter episcopos & mendicantes excitatae, quae vsque ad comitia Tridentina continuauit, vbi plures episcopi contra regularium priuilegia exclamarunt, eaque aboliri magnis rationibus petierunt. Hinc synodus decreuit, regulares nec confessiones fidelium excipere, nec in suis ecclesiis posse praedicare, nisi ex episcoporum auctoritate & approbatione. *Trident. sess. XXIII. de ref. cap. 15. & sess. XXIV. de ref. cap. 4.*

§. VII. Verum enimvero simplici sacerdotio abbates non contenti ad pontificalem dignitatem adspirarunt: & reapse saeculis decimo & sequentibus summorum pontificum priuilegiis obtinuerunt pontificalia ornamenta, nempe mitram, baculum, chirothecas, sandalia, & quae sunt huius generis alia. Vile abbatibus visum dignitate & ornamentis episcopis cedere, quando opibus non cedebant, & ab

(e) Primus Gregorius ix. mendicantes pontificia auctoritate ad confessiones excipiendas auxit, quod *inauditum & nouum priuilegium* Matthaeus Parisiensis appellauit; inde sequentes pontifices pro praedicationibus & multis aliis sacris functionibus similia concesserunt priuilegia, quae ab vna regularium domino ad omnes, & ab vno ordine ad reliquos extensa sunt.

& ab eorum iurisdictione subtrahiti, soli Romano pontifici parebant (f). Quin multi abbates in veros praelatos cum ordinaria & quasi episcopali iurisdictione in clerum & populum cum quasi dioecesi separata abierunt, qui proinde veri sunt *ordinarii locorum*, & abbates *nullius dioecesis* appellantur. V. Fagnan. *ad cap. cum contingat ex. de foro comp.* Cum habitu pontificali abbates etiam quaedam pontificalia iura, quae ab ordine episcopali pendere non censentur, etiam pontificum privilegiis obtinuerunt, de quibus iuribus supra *cap. XVI.* dictum est.

§. VIII. Quamvis autem in veteri disciplina monachi paucio numero in monasteriis clerici crearentur; semper tamen ad regendas ecclesias ex monasteriis clerici promoti sunt. Erant monasteria scholae pietatis & doctrinae, ac proinde aptissima clericorum seminaria. Certe celeberrimi antiquitatis episcopi ex monachis adsumti sunt, quales Basilii M., Io. Chrysostomus, Martinus Turonensis aliique. Promoti autem ad clericatum extra monasterium monachi soluebantur vita monastica, quae cum clericilibus functionibus consistere non poterat, *can. 2. C. 16. q. 1. (g)*. Sed ne primitus facta professio omnino irrita esset, quae cum clericatu non pugnant, servare tenebantur.

V. Christ.

(f) Pontificales vestes omnino dedecent monachos, utpote qui ratione status sui poenitentes esse debent: quod S. Bernardus *epist. XLII.* agnoscit. Et laudandi mendicantes, qui pontificalia ornamenta respuerunt.

(g) Saeculo undecimo & sequenti sensim inualuit, ut monachi, qui ad regendas parochias vocabantur, vestem & ipsam monasticam vitam retinerent, *cap. 2. de statu monachorum*: idque fortasse receptum, ne ad clericatum & parochias adsumti viderentur imitari saeculares clericos, qui saeculo decimo & deinceps simonia, incontinentia, avaritia aliisque vitiis erant conspurcati. Statuit interim synodus Lateranensis sub Alexandro III., ne monachi ad regendas parochias vocati, singuli in oppidis & villis, sed in maiori conventu, aut cum aliquibus fratribus manerent, *cir. cap. 2.* Sed si dicendum quod res est, eiusmodi monachi paroeciis praepositi reapse a monachis multum distabant. Solitudo & claustrum disciplina monasticam vitam praeparatio constituunt.

V. Christ. Lupum in *diff. de S. Leonis IX. actis calum.*
 IV. Et hinc Clemens VIII. statuit, vt omnes monachi
 & fratres ad episcopatum promoti sui ordinis habitum
 gerant, aut certe colorem.

C A P V T XLIII.

De statu monachorum.

§. I. **N**OMINE *status monachorum* venit vniuersa regiminis monastici compages, qua singuli ordines cohaerent & reguntur. Ita status monachorum veluti ius publicum monasticum constituit, & varius & multiplex est, prout varia sunt singulorum ordinum instituta.

§. II. Iam singula monasteria proprium habent superiorem, qui monachos regit, & monasticae disciplinae & temporalium curam & sollicitudinem habet. Monasteriorum praefecti antiquis dicebantur *abbates*, quasi patres, saepe etiam *maiores*, *priores*, *praelati*, *praesules*; in ordinibus vero post saeculum decimum institutis dicti *priores*, *custodes*, *guardiani*, *rectores*, *correctores*. Abbates apud Benedictinos ab antiqua simplicitate descenderant, & propter feuda & pontificalia non minus in republica quam in ecclesia summam obtinebant dignitatem; hinc rei monasticae instauratoribus & mendicantibus *abbatis* nomen minus placuit. Praeter abbatem sunt alii inferiores officiales, qui sub abbate vel disciplinae monasticae, vel rebus temporalibus, vel peculiaribus officiis praesunt; & praeterea sunt *praepositi obedientiarum*, qui minuscula monasteria a maiori monasterio pendentia regunt.

§. III. Regimen monachorum in singulis monasteriis tam circa spiritualia, quam circa temporalia penes solum abbatem fuit, a quo reliqui omnes officiales pendent, nec vnus monasterii abbas alteri abbati subiectus erat. Vt vero sibi demandatam potestatem abbates melius explicarent, ex regula Benedictina in rebus maioris momenti totius congregationis, in leuioribus seniorum con-

consilium expetere debebant, quo intellecto apud se statuebant, quid optimum factu videretur, *reg. Bened. cap. III.* In multis ordinibus loco seniorum *adistentes*, aut *discreti* eliguntur. Et ex noua disciplina apud omnes ferme ordines recepta regimen monasticum cuiusque monasterii aristocratia quadam temperatum est, qua fit, ut superiores in rebus expediendis adensum vel adistentium vel *capituli* requirere debeant (a). Componunt vero capitulum monachi sacris ordinibus initiati, & sanctimoniales choristae.

§. IV. Monasterii superiores iure ad infligendas poenas fini accommodatas sunt instructi: quod vita monachorum communis plane postulabat. Sunt vero monasticae poenae aut spirituales, aut temporales. Spirituales sunt species quaedam excommunicationis improprie sic dictae, quibus monachi pro varietate culparum vel communi mensa, vel mensa simul & communibus precibus interdicuntur, *reg. Bened. cap. XXV. & XLVI.* Poenae corporales sunt ieiunia monachis delinquentibus indicta, a certo cibo & potu abstinentia, & flagellatio (b). Sed ex recentioribus institutis reiecta est flagellatio, in cuius locum carceres, antiquis ferme ignoti, subierunt. Monachos

(a) In re monastica *capitulum* erat caput regulae, quotidie a monachis in vnum coactis legi solitum. Ab his lectionibus facili translatione & locus ipse conuentus, quod *capitula* ibi *exponerentur*, ut ait Papias apud Dufresne in *glossar. med. & infimae Latinit. v. capitulum*, & ipsa congregatio *capituli* nomine dicta sunt.

(b) Maxima corporalis poena, qua olim puniebantur monachi delinquentes, erat flagellatio, in qua plagae triginta novem infligebantur, qui erat modus flagellandi apud Iudaeos receptus, vnde ad monachos deuenit. V. Menard. *ad codic. regular. cap. XXX.* Et in monte Nitriae erant tres palmae, vnde tria flagella pendebant, ad tria hominum genera punienda, monachos nempe, latrones & hospites delinquentes. Hinc qui meruisse conuincebantur, vnam ex tribus palmis, generi vitae conuenientem, amplectebantur, & a tergo praescriptas plagas excipiebant. Pallad. *hist. Laus. cap. VI.*

chos a flagellatione tuos ipsis communicatum sacerdotium videtur effecisse. Interim monastici superiores meminisse debent, se esse patres, non dominos, & poenas ita moderari, vt decet animarum pastores.

§. V. Per decem plus minus saecula etsi monachi vnius instituti censerentur, non tamen monasteria sibi mutuo adnexa peculiare corpus componebant, sed singula proprios habebant abbates ab aliis non pendentes. At inde coeperunt monasteria in vnum corpus adunari, & ortae sunt monasteriorum congregationes, seu *ordines*, vt modo loquuntur. Hoc institutum initio induxerunt Cluniacenses, quorum exemplum deinceps alii monachi & mendicantes secuti sunt. Et Tridentini patres *ses. XXV. de ref. cap. 8.* monasteria omnia exemta, quae generalibus capitulis non subsunt, nec ordinarios habent visitatores, vnius anni spatio vniri edixerunt. Non tamen aequalis apud omnes est monasteriorum consociatio; nam multi ordines vnā generalem, alii etiam prouinciales componunt congregationes.

§. VI. Consociatio monasteriorum nouam regiminis formam induxit. Etenim contra antiqui regiminis formam, qua vnum monasterium ab alio non pendeat, institutus est abbas siue superior generalis, cui totius ordinis ineumbit sollicitudo; & in ordinibus, qui habent prouinciales congregationes, institutus est etiam abbas siue superior prouincialis, qui prouinciā administrat. Ita independens prius abbatum potestas euasit obnoxia, & maiora cuiusque monasterii aut prouinciae negotia auctoritatem generalis, aut prouincialis requirunt. Sed superior generalis itemque prouincialis suis sunt instructi senatoribus, quos definitores generales appellant, quorum auctoritate monastica negotia explicantur.

§. VII. Porro monasteriorum consociatio induxit noua capitulorum seu comitiorum genera, generalia nempe & prouincialia, prout nempe capita monasteriorum totius ordinis, aut vnius prouinciae conueniunt. Generalia capitula quolibet triennio singuli ordines debent celebrare, *cap. 7. ex. de statu monachor.*, Trident. *ses. XXV. de ref. cap. 8.* Spectabant autem primario capitula generalia ordinis reformationem & disciplinae emendationem,

cit. cap. 7.; & reapse in capitulis generalibus conditae sunt ordinum constitutiones, quae aliquid regulae adderent, detraherent, mutarent. Ea abbas siue superior generalis indicit, dirigit, conueniuntque omnes superiores, qui suffragii iure potiuntur.

§. VIII. Consociata quoque monasteria monasticos visitatores induxerunt, qui ad disciplinae emendationem & decretorum generalium obseruantiam monasteria circumueunt. Eliguntur autem visitatores in comitiis generalibus ordinum, & *vice sedis apostolicae* monasteria omnia etiam non exempta inuisunt, *cap. 7. ex. de statu monach.* Porro omnium ordinum superiores episcopis non subiecti sibi obnoxia monasteria ex officio circumueunt, etiamsi fuerint commendata. Trident. *ses. XXV. de regul. cap. 20.* Sed visitatio monasteriorum, quae a monachis instituitur, non facit, quin episcopi visitent sibi subiecta monasteria, immo etiam exempta in iis, quae episcopali potestati subsunt, *cit. cap. 7.*

§. IX. Videndum modo, qua ratione eligantur monastici superiores. Et olim quidem abbates saepe a monachis fuerunt electi, *L. 47. C. de episc., can. 2. seq. C. 18. q. 2.*, quandoque etiam ab episcopis instituti, *can. 1. eod. (c)*. Sed lapsu temporis frequentibus episcoporum concessionibus & synodorum decretis libertas monachorum sibi abbatem eligendi in ius commune conuulit. Inde inducta monasteriorum consociatione superiores generales & prouinciales in capitulis generalibus, aut prouincialibus eligi coeperunt; & quod spectat ad locales superiores, vel a generali vel a prouinciali in senatu ordinis creantur. Electio sit secretis suffragiis, & ille censetur electus, in quem maior capituli pars consentit, nisi speciali iure aliud cautum sit, vt in abbatissis, quarum electio duas totius capituli partes requirit, *cap. 43. §. 1. de*

(c) Saeculo nono & deinceps praesertim in Francia & Germania in regniis monasteriis ipsi reges eligeabant abbates, nisi speciali privilegio monachis electiones dedissent: quod ius fundatione, aut feudorum largitione, aut litteris protectionis reges sibi quaesierunt.

de elect. in 6. Electi autem abbates olim ab episcopis confirmabantur; at moribus praesentibus exempti superiores a proximo suo superiore, supremi vero moderatores a pontifice confirmantur.

§. X. Iam eligi debent superiores in monasteriis monachorum illi, qui virtutibus, aetate, moribus insignes sunt. Et iamdiu receptis moribus abbates & alii monachorum superiores debent esse presbyteratu initiati; at in veteri disciplina monachi siue clerici, siue laici, frequentius vero laici, creabantur abbates. V. Christ. Lupum *schol. in can. II. conc. Tolos. (d)*. Sane abbatibus tantum incumberebat monastica disciplina, quae etiam sine ordinis potestate poterat explicari. Post saeculum decimum mutata est disciplina, & necessario monachorum superiores, quibus cura animarum proprie sic dicta accesserat, ex monachis presbyteris creari debuerunt, *cap. 1. ex. de aetat. & qualitat. ordinand.* Atque hinc statutum, ut nemo abbatiis & prioratibus conuentualibus augeri possit, nisi vicissimum quintum aetatis annum attigisset, *Clement. 1. de statu monachor.*, quae est aetas presbyteratus. Sed abbatissa eligi debet non minor quadraginta annis, quae octo annis post professionem cum laude vixerit. Trident. *sess. XXV. de regul. cap. 7.*

§. XI. Sunt vero monastici superiores alii perpetui & ad

(d) Mediis saeculis in summa reipublicae confusione abbates laici inualuerunt, nempe *abbacomites* & *abbicomites*, qui erant milites monasteriis donati, ut eorum redditibus loco stipendiorum fruerentur. Etenim ob publicas necessitates Carolus Martellus ecclesias & abbatias milicibus distribuit, quo militiam sustineret. Milites vero abbatiis aucti, ne saeculi dignitates in titulis omittere viderentur, *abbacomites* dicti sunt, praeerantque bonis temporalibus & ipsis monachis. Quod institutum semel usurpatum etiam extra necessitates continuarunt sequentes principes. Hinc lapsa monastica disciplina, & subinde ipsa corruerunt monasteria: *abbacomites* enim tantum de colligendis monasteriorum redditibus solliciti erant, regulae vero observantiam parum curabant. Sed tandem *abbacomites* sub Hugone Capeto esse desierunt. *Espen. par. 1. tit. 31. cap. 6.*

ad vitam, alii ad tempus constituti. In veteri disciplina abbates perpetui erant, temporarii vero & pro arbitrio abbatum mutabiles priores obedientiarum. Sed mendicantes & plures ex ordinibus, qui perpetuos habebant superiores, ab hac disciplina descuerunt, atque ideo superiores monachorum temporarios esse voluerunt, inferiores vero officiales pro arbitrio superioris mutabiles. Lapsa monachorum disciplina abbatiae & alia officia claustralia in beneficia & dignitates degenerarunt: & hinc mendicantes humilitati suae conuenientius iudicarunt, temporarios constituere superiores, quam in iis perpetuos abbates exprimere. Interim ubi superiores sunt temporarii, diuersa sunt ordinum instituta de tempore, quo superiores esse desinunt. Singulis monasteriis fere praesunt superiores annales, aut biennales, prouinciales ad triennium, & generales fere ad sex annos constituuntur. Abbatissae vero praesertim in regnis Apuliae & Siciliae ad triennium eligi possunt, quod cauit Gregorius XIII. *bul. exposcit*.

§. XII. Abbates perpetui semel electi & confirmati sollemniter instar episcoporum consecrantur, nisi quod loco euangelii regulae liber tradatur, & nulla vnctio adhibeatur (e). Non tamen abbatialis consecratio abbates facit episcopos, quin nec est necessaria ad eorum officium. Spectat vero de iure ad proprios episcopos, *cap. 1. ex. de suppl. neglig. praelatorum*; at multi ordines privilegiis aucti sunt, vt sui abbates a quocumque antistite, vel a proprio abbate generali benedicantur.

Finis primae partis.

IN-

(e) Sollemnis ista abbatum benedictio, antiquis patribus ignota, ab eo tempore videtur inualuisse, quo abbatibus pontificalia ornamenta & iura tributa sunt, vt ita abbates episcopos exprimerent.

INSTITVTIONVM IVRIS CANONICI

P A R S II.

De rebus ecclesiasticis.



Omne rei ecclesiasticae in hac causa veniunt omnia, quae animae salutem homini procurant, & ad exercitium pietatis etiam remote tendunt, modo non sint personae, nec ecclesiastica iudicia. Sunt vero res ecclesiasticae duplicis generis, *spirituales* nempe, & *corporales*, quarum illae per se ad procurandam animae salutem sunt institutae, quales gratia sanctificans, sacramenta, preces, ritus sacri: istae tendunt ad religionis exercitium, sed per se non influunt in spiritualem salutem, quales res *sacrae*, *religiosae* & *temporales*. Res sacrae Deo & religioni consecratae sunt, ut diuinus cultus exerceatur, veluti aedes, sacrae, vasa & ornamenta sacra. Religiosae sunt domus ecclesiastica auctoritate exstructae, in quibus religiosi vitam ducunt, & pauperes & infirmi sustinentur & curantur. Temporales demum sunt redditus & fundi ecclesiarum, unde aluntur clerici & pauperes, & omnia necessaria ad usum religionis comparantur. Quod si ecclesiastica praedia aliquando *spiritualia* dicantur, cap. 2. ex de iudiciis, id improprie fit, quod spiritualibus inserviant, & eo referantur.

Pars II.

Q

CA-

C A P V T I.

De sacramentis generatim.

§.I. **V**Ox *sacramenti* a *sacro* est, & apud Latinos & ecclesiasticos scriptores multa significat (a); vsu vero receptiore denotat sacrum ritum a Deo ad spiritua- lem hominum salutem institutum. Itaque sic proprie dictum sacramentum est signum sensibile rei sacrae a Deo ad homines sanctificandos institutum: vel, vt sub nomi- ne Augustini Gratianus in *can. 32. de consec. D. 2.* definit, *est inuisibilis gratiae visibilis forma* (b). Tria itaque sunt

ne-

(a) Apud Latinos sacramentum significat pecuniam, quam litigantes in loco sacro, vel apud pontificem ea lege depon- bant, vt victor pecuniam suam auferret, victus vero aerario relinqueret: item ipsam controuersiam, pro qua pecunia depo- nebatur: & iusiurandum, itemque id, quod iureiurando adfir- matum vel factum est. Et hinc iusiurandum, quo milites im- peratori fidem adstringebant suam, *sacramentum militare*, & milites ipsi sacramento ligati dicebantur.

At apud ecclesiasticos scriptores sacramentum denotat rem quamlibet arcanam & occultam, quam Graeci *μυστήριον* dicunt: itemque quemlibet ritum sacrum, & generatim rem quamlibet, quae mysticum & spiritualement sensum exhibet. Quo sensu Au- gustinus *de peccator. merit. lib. 11. cap. 26.* salem catechume- nis ante baptismum dari consuetum *sacramenti* catechumeno- rum nomine designauit, quod sale illo catechumeni in Christo condiantur, & veram sapientiam gustare incipiant.

(b) Hoc sensu vox *sacramenti* vsu antiquo scriptorum eccle- siasticorum consecrata est; at in sacris scripturis res ipsa passim occurrit; nomen vero vix reperitur. Id vero nihil obturbat, et- enim penes vsu est ius & norma loquendi, & vsu recepta verba ad nouas notiones transferuntur. Multa quoque ecclesia- stica nomina in scripturis non occurrunt, veluti *Trinitas*, *Dei- para*, quae tamen, quando de re ipsa constat, repudiare non licet.

necessaria, vt veri nominis sacramentum habeatur; debet nempe esse a Deo institutum & praeceptum, conflare signo sensibili, & praeterea ad hominum sanctificationem spectare: quorum si vnum deficiat, verum sacramentum non est.

§. II. Sacramenta sic proprie dicta vel ad vetus, vel ad nouum testamentum spectant: quorum illa venturum Christum figurabant, haec vero Christum iam natum exhibent. *Sacramenta noui testamenti*, inquit Augustinus in *psalm. LXVII.*, *dant salutem, sacramenta veteris testamenti promiserunt saluatorem*. Scilicet tantum fide in Christum homines seruari possunt, 2. ad *Cor. V. 19*. Hinc Deus abundans in misericordia, ad fidem mediatoris suscinendam, sacramenta instituit, quae vel venturum Christum adumbrarent, vel iam natum exhiberent; nec enim ante vel post Christi aduentum apertius fides in mediatorem excitari & foueri poterat, quam externis symbolis, quibus homines vtentes, necessariam fidem testarentur.

§. III. Veteris testamenti sacramenta plura fuerunt, nempe circumcisio, agni paschalis in azymis comestio, sacerdotum inauguratio, victimarum oblationes, esus sanctificationum, variae purificationes & expiatio annua populi duobus hircis. Nat. Alexand. *diff. III. in IV. mundi aetat. art. 4.* Erant vero ex diuino praecepto solis Hebraeis, non item aliis gentibus necessaria (c); non tamen omnia singulis, sed prout capaces erant & indigebant. Quod si ex gentibus aliqui ad Iudaeos transibant, tum Iudaicis sacramentis tenebantur, *Exod. XII. 48.*, & *profelyti* audiebant. Sed sacramenta ista vetera & omnis caerimoniarum apparatus in morte Christi obligare desierunt.

Q 2

runt.

(c) Reliquae gentes extra Iudaeos sine externis symbolis aeternam salutem consequi poterant, modo cum aliqua mediatoris fide etiam obscura religionem naturalem obseruarent. Sola enim naturalis religio, quamuis verissima, media non exhibet, quibus homines lapsos Deus seruare statuit. Notitia autem ista mediatoris ad gentes primum ab ipso Adamo, inde post diluuium a Noacho eiusque filiis propagata est, quamuis in recantisque humanae naturae tenebris admodum oblitterata fuerit.

runt. Cessare enim umbras oportebat illius, quem figurabant, aduentu.

§. IV. Iudaicis autem sacramentis in morte Christi ablatis, & ideo ablatis, quia impletis, christiana sacramenta successerunt, quae iam nati mediatoris symbola sunt. Hinc mutatio omnis, quae in hac causa facta est, in symbolis & signis fuit, non in fide, quae eadem est in nouis sacramentis, sed expressior & clarior. Sunt vero sacramenta ista nouae legis septem, baptismus nempe, confirmatio, eucharistia, poenitentia, extrema unctio, ordinatio & matrimonium. Trident. *ses. VII. de sacram. can.* 1. V. Drouen. *de re sacram. lib. I. q. 3. cap. 2.* Et quamuis nec in noui testamenti libris, nec in patrum operibus aperte dicatur, septem esse christiana sacramenta; tamen id non efficit, quo minus septem sint, quando apertis argumentis constat, eorum vnumquodque verum esse sacramentum.

§. V. Iam vero duabus veluti partibus constant sacramenta, signo nempe sensibili, & re inuisibili, quae sacrum ritum comitatur (d). Et quidem signum sensibile est res sensibus subiecta, idque ex rebus & verbis coalescit; & hinc patrum doctrina, sacramenta rebus, seu elementis, & verbis constare (e). Verum scholastici theologi loquendi formulas mutarunt, & res & verba sacramentorum *materiae* & *formae* nominibus coeperunt designare; sacra-

(d) Summa ratione Deus signa sensibilia selegit, vt instrumenta essent, quibus sua effunderet beneficia. Nempe homines ferme solis rebus sensibilibus adiciuntur, & res spirituales & diuinas sine sensuum externorum ope vix intelligunt. Hinc Deus summa sapientia gratiam suam sub tegumento rerum corporalium elargiri voluit, vt ita homines ad res diuinas intelligendas attollantur. Chrysost. *hom. LXXXIII. in Matthaeum*, August. *hom. LXXXVI. in Ioan.*

(e) Alio verbo res & verba antiqui patres appellabant *sacramentum* stricta significatione pro eo, quod sensibus subiicitur: & ex hac doctrina adfirmant, in omni sacramento duo reperiri, *sacramentum*, & *rem sacramenti*, hoc est sensibilia signa, & effectum inuisibilem.

sacramenta enim ad instar compositi physici habuerunt : quam loquendi formam in scholis receptam ecclesia Latina adoptauit^(f). Tum vero ex rebus & verbis fiunt sacramenta , quum ex ritu praescripto verba elementis accedunt ; nam res a verbis separatae sacramentum non sunt , sed per verba ad sacrum usum determinantur . *Accedit verbum ad elementum* , inquit Augustinus *tratt. LXXX. in Ioannem* , & fit sacramentum . Et in hoc ritu rebus & verbis diuina auctoritate constante sacramentorum natura consistit .

§. VI. Res & verba in nouae legis sacramentis a Christi institutione dependent , & partim in euangelio apertis verbis reperiuntur expressa , partim arcana traditione ad nos usque peruenerunt . Et qui alias dici potest , quando tantum Deus sacramenta potest instituere (g) ? Hinc res & verba , quae sunt apostolicae traditionis , immutabilia sunt , non quidem per omnia , sed quod attinet ad substantiam . V. Morin , *de poenit. lib. VIII. cap. 18.* Contra ritus , qui lapsu temporis ad sacramenti sollemnitatem & significationem ampliorem ab ecclesia additi sunt , diuersi esse possunt , & mutationi subiacent . Quod si ministri in sciendis sacramentis materiae & formae veritatem corrumpant , sacramenta nulla sunt , non vero si mutatio essentiam integram relinquat , aut spectet ritus ab ecclesia praescriptos .

§. VII. Forma vero sacramentalis aut pura est , aut

Q 3

con-

(f) Primus Guilelmus Antissiodorensis , qui paullo post annum ccccxxv. scribebat , in re sacramentali voces *materiae* & *formae* usurpauit ; inde Latini omnes secuti sunt . Sed Graeci , si paucos excipias , qui Romae theologiae operam nauarunt , quid sibi velint voces *materiae* & *formae* in sacramentis ignorant . Ceterum quod non tam res , quam rerum usus sacramenta constituat , hinc materiam in *remotam* & *proximam* scholae distinxerunt : & illam quidem dicunt ipsam rem , quae ad sacramentum adhibenda est , hanc vero ipsius rei usum .

(g) Doctrina haec magis naturae sacramentorum videretur conuenire : nec probo sententiam Hallerii & aliorum theologorum , qui tenent , in aliquibus sacramentis materias & formas non a Christo , sed ab ecclesia ex Christi auctoritate fuisse institutas .

conditionalis, prout pure, aut sub conditione pronuntia-
tur. Nulla olim fuit in sacramentis conficiendis forma
conditionalis (h): at in noua disciplina ex vfu ecclesiarum
locum habet in sacramentis, quae non iterantur, quo
casu ea collata fuisse, vel de eorum validitate non con-
stat. Ceterum non desunt theologi, qui formulae condi-
tionali locum esse tenent in absolutione, si minister du-
bitet, an verba absolutionis protulerit, vel an subiectum
absolutionis capax sit. Iuenin. *de sacram. diff. I. q. 3. cap. 6.*

§. VIII. Res inuisibiles, quas in sacramentis signa
visibilia significant, praecipue duae sunt, gratia & cha-
racter. Et quod spectat ad primam, sacramenta nouae
legis continent gratiam, quam significant, eamque sem-
per & omnibus, qui obicem non ponunt, conferunt.
Trident. *ses. VII. de sacram. can. 6.* Gratia autem in sacra-
mentis collata hominum cordibus inhaeret, eosque ex in-
iustis iustos & Dei amicos facit, eamque propterea theo-
logi *sanctificantem* appellant. Non tamen gratia illa eo-
dem modo in omnibus sacramentis operatur; nam alia
sanctitatem ipsam restituunt, veluti baptismus & poeni-
tentia; cetera iustitiam augent & perficiunt, vnde do-
ctrina de *prima & secunda gratia* manauit. Gratiam ve-
ro elargiuntur christiana sacramenta non ex meritis no-
stris, sed virtute operis externi a ministro rite peracti,
idque *ex opere operato* noua & barbara voce theologi di-
cunt. Nec propterea dici potest eorum virtute etiam mi-
nus dispositos sanctificari, nam vt causae efficientes ope-
rentur, subiecta apta requiruntur (i).

§. IX.

(h) Et sane in casibus, quibus nunc ecclesia sub conditione
dat sacramenta, quae non iterantur, ea antiqui patres absolu-
te conferebant: non enim iteratum credebant, quod peractum
fuisse non constabat, *can. 92. de consec. D. 4.* Primum for-
mula conditionalis in capitularibus Caroli M. *lib. VI. cap. 181.*
praescripta est, quo casu de dato baptismo dubium esset: tum
saeculo decimo secundo Alexander III. praecipit, vt si de dato
baptismo dubitetur, sub conditione, *si non est baptizatus*, ad-
ministrari debeat, *cap. 2. ex. de baptismo.*

(i) Controuersum est in scholis de modo, quo sacramenta
gratiam

§. IX. In hoc autem a nouae legis sacramentis vetera distabant, quod haec non vi sua, sed potius ex suscipientium aut parentum fide iustitiam praestabant, quod synodus Florentina definiuit. Sane apostolus *ad Galat. IV. 9.* vetera sacramenta infirma & egena elementa dicit, quod nempe propria vi gratiam non effunderent. Tantum vetera sacramenta mediatoris fidem sustinebant, salus vero a fide erat. Ad rem Augustinus *in psalm. LXVII.* sacramenta noui testamenti dant salutem, sacramenta veteris testamenti promiserunt saluatorem. Et quamuis in scripturis saepe occurrat, peccata veteribus sacrificiis fuisse expiata; tamen expiationes illae ad legales immunditias, quae homines a diuino cultu veluti profanos arcebant, non ad ipsam peccatorum culpam spectabant.

§. X. Praeter spiritus sancti gratiam, tria ex christianis sacramentis baptismus, confirmatio & ordinatio characterem in anima suscipientis imprimunt, quae est catholicae ecclesiae doctrina. Trident. *ses. VII. de sacram. can. 9.* Est autem character iste nota quaedam spiritalis & indelebilis, per quam obsignati christiani ad specialem &

Q 4

per-

gratiam elargiuntur. Multi post S. Thomam docent, Deum sacramentis ipsis gratiam veluti indidisse, & hinc eam *physice* conferre, non secus ac ignis calorem producit. Contra Franciscani theologi tenent, sacramenta esse causas mortices, quasi quae Deum moueant ad gratiam elargiendam. Quae sententia diuinis eloquiis & patrum doctrinae magis videtur conformis. Sane apostoli sacramenta conferentes Deum rogabant, vt spiritum sanctum effunderet: antiquae mulorum sacramentorum formulae deprecatae erant: & patres saepe docent, gratiam in sacramentis opus Dei esse. V. Iuenin. *de sacram. diss. l. 9. 7. cap. 1.* Excipienda est eucharistia, quae, utpote continens ipsum gratiarum fontem Christum, ex se gratiam effundit. Quod si aliquando concilia & patres doceant, ipsa sacramenta gratiam continere, eamque *ex opere operato* conferre; eiusmodi dicta non sunt ita accipienda, quasi sacramenta ipsam gratiam contineant, vt crumena nummos; nam recte sacramenta dicuntur gratiam continere, eamque producere, etiam si sint causae mortices, vt Deus illam producat.

perpetuum Dei cultum adscribuntur: etenim in baptismo filii Dei, in confirmatione christiani militis, in ordinatione christiani sacerdotis nomen & qualitatem accipiunt, & quidem indelebili signo obsignatam. Hinc tria ista sacramenta semel data nequeunt iterari, quaecumque baptizati, christiani militis, aut sacerdotis culpa sit. Cuius autem naturae sit character ille vi sacramentorum impressus, theologi disputant: at quousque animae natura ignoratur, characteris etiam ignoratur constitutio.

§. XI. Iam vero nouae legis sacramenta ad salutem necessaria sunt, non quidem omnia singulis, nec omnia pari necessitate. Trident. *ses. VII. de sacram. cap. 4.* Necessitas ista pendet a diuina voluntate, quando ita Deo placuit, sacramentorum usu, aut saltem eorum desiderio salutem nostram operari; estque alia necessitas *medii*, alia *praecepti*, ut scholae loquuntur. Necessitas *medii* facit, ut homines seruari nequeant, nisi reapse, aut saltem desiderio sacramenta suscipiant; necessitas vero *praecepti* obligat ad sacramenta suscipienda, nisi iusta causa impediatur. Necessitate *medii* necessaria sunt baptismus & poenitentia: & baptismus quidem omnibus, poenitentia vero lapsis post baptismum; reliqua vero sacramenta tantum ex diuino *praecepto* censentur necessaria, nec tamen omnia singulis; non enim singulos homines sacris ordinibus initiati, aut matrimonio iungi, necesse est.

§. XII. Venio ad sacramentorum ministros, qui soli homines sunt; sed non omnes homines, aut christiani promiscue & indistincte omnia sacramenta conficiunt, & dispensant, sed ii tantum, quibus id munus diuina & ecclesiastica auctoritate competit. In conficiendis vero sacramentis ministri media tantum salutis tractant & exhibent, virtus enim & efficacia omnis a Deo, qui ea instituit, dependet. Ministri plantant & rigant, Deus autem vitam dat & incrementum. *Nihil adfert sacerdos*, inquit Chrysostomus *hom. VIII. in 1. ad Corinth.*, *ad ea, quae sunt proposita, sed uniuersum est opus Dei virtutis; & ille est, qui nobis exhibet mysteria.* Hinc quamuis, ut rite & recte sacramenta administrentur, sanctitas in ministris requiratur; (sancta enim sancte tractanda sunt) tamen sacramenta a malis ministris collata valida sunt. Tantum mali

mali ministri perfidi & sacrilegi sunt, & eo ipso quo aliis profunt, seipsos damnant.

§. XIII. Quamvis vero malis ministrorum moribus sacramenta non profanentur; tamen eorum intentio est necessaria, ut valida sint. Trident. *sess. VII. de sacram. can. 11.* Sunt sacramenta quaedam humanae actiones, quibus Deus vim sacramentorum communicavit, atque ideo ex animi sententia debent administrari. Est intentio deliberata voluntas id; quod agimus, conficiendi; eamque scholastici triplicem faciunt, *actualem*, si actu intendimus id, quod agimus, efficere; *virtualem*, si dum agimus, non attendimus, sed ante ex animi sententia opus suscepimus; & *habitualement*, si operamur nulla praevia deliberatione, sed quadam facilitate repetitis actibus adquisita. Certi iuris est, actualem intentionem esse efficacissimam, virtualement sufficere ad vim sacramentorum, quod qui duobus his modis operantur, humano modo operari intelliguntur. Sed habitualis omnino ad sacramenta conficienda satis non est, quod qui per habitum agunt, humano modo operari non censentur. Iuenin. *de sacram. diff. I. q. 5.*

§. XIV. Illud vero observandum, ut valeant sacramenta, ministros intentione sua non necessario eorum effectum spectare debere, sed satis esse, ut saltem quod facit ecclesia, facere intendant. Trident. *sess. VII. de sacram. can. 11.* Ecclesia autem in conficiendis sacramentis tantum ritus a Deo praescriptos adhibet & tractat, non gratiam & salutem praestat. Quapropter quamvis recte facerent ministri, si in conficiendis sacramentis etiam eorum finem intenderent; non tamen id est necessarium, sufficitque, ut ritus secundum praescriptas regulas intendant exhibere (k). Quae quum ita sint, valent sacramenta,

(k) Illud disputatur inter theologos, utrum intentio in conficiendis sacramentis necessaria, debeat etiam esse interna, qua ministri etiam ipsum sacramentum interius dare intendant; an sufficiat externa, qua ministri serio tractent sacra symbola, eaque exterius in usum intendant exhibere, interius vero sacramenta conficere nolint. Plures iique gravissimi theologi, in primis

menta, etsi ministri iis in peruersum finem abutantur, modo in iis faciendis ritum secundum praescriptas regulas intendant administrare. Nempe, vt recte obseruant theologi, mala intentio opus operantis, non opus alterius inuertit. S. Thomas *par. III. q. 64. art. 10.* Et ita ministri, qui tantum linguam & manus praestant, vim verborum euangelicorum suis pessimis consiliis frustrari non possunt. Chrysost. *hom. LXXXV. in Ioan.*

§. XV. Nec tantum in administrandis sacramentis, quod facit ecelesia, ministri debent intendere; verum etiam necesse est, vt externa symbola serio tractent, quod ita decet sacrarum rerum maiestatem, hactenus vt sacramenta per iocum & ludibrium, aut dicis causa administrata omnino nulla sint & inania. Et quamuis in veteri disciplina hac de re dubitaretur; tamen lapsu temporis re diligentius excussa in comitiis Tridentinis *sess. XIV. de necessit. & instit. poenit. cap. 6.* definitum est, nulla esse sacramenta non serio & per iocum administrata. Sane si sacramentorum signa per iocum exhibeantur, non videntur in vsum a Deo praescriptum adhiberi; atque ita rerum diuinarum naturam amittunt.

§. XVI. A sacramentorum ministris ad suscipientes transeundum. Soli homines secundum institutionis oeconomiam sacramentorum capaces sunt. Vt vero homines valide & cum fructu sacramenta suscipiant, rite & recte dispositi accedere debent: quae tractatio potius theologorum est. Tantum ego obseruo, sacramenta, quae animam obsignant, etiam ficta & coacta voluntate & sine recta fide suscepta valere, & signum imprimere; sed suscipientes in fictionibus & suis erroribus persistentes non sanctificare, *can. 31. de consecr. D. 4., cap. 3. ex de ba-*

primis S. Thomas & Ambrosius Catharinus, docent, sufficere intentionem externam; quae sententia videtur oeconomiae christianae religionis & institutioni sacramentorum conformior. V. Iuenin. *de sacram. diff. 1. q. 5. art. 3.* Cui doctrinae aduersatur vna ex propositionibus a Romanis inquisitoribus coram Alexandro VIII. damnata, qua tamquam haeretica exploditur sententia, qua validum dicitur baptisma, tantum externa intentione administratum.

CAP. I. DE SACRAMENTIS GENER. 251

baptismo. Contra est in omnino inuitis, qui externis actibus etiam reluctant; his enim data sacramenta nullius effectus sunt, *cit. cap. 3.*; modo resistentia ex summa animi humilitate non pendeat; nam qui ita sacramentis recipiendis aduersantur, potius se impares ad tanta beneficia existimant, quam vere inuiti censeri debent.

§. XVII. Vt vero hanc de sacramentis generalem tractationem absoluamus, aliquid de ritibus, qui ab ecclesia eorum administrationi additi sunt, monendum superest. Sane ecclesiae Christus concessit, ut sacra omnia ad rectum religionis exercitium aequius melius ordinaret. Trident. *sess. XXI. cap. 2.* Conciliant caerimoniae istae maiorem sacramentis reuerentiam, ordinem in ecclesia necessarium sustentant, & ad eorum susceptionem disponunt. Quoniam vero extrinsecus sacramentis accesserunt, natura sua mutabiles sunt, nec generaliter per vniuersam ecclesiam seruantur, nec ad eorum intimam naturam pertinent, nisi ecclesiae auctoritate ad eorum valorem requirantur. Nimirum bene potest ecclesia conditiones aliquas, veluti partes integrantes, sacramentis addere, quibus non seruatis illa nulla sint. Iuenin. *de sacram. diff. VI. q. 7. cap. 2. art. 2.*

C A P V T II.

De baptismo, ubi de materia, forma & ministro.

§. I. PRIMUS ex christianis sacramentis baptismus suscipitur. Generatim *baptismus* lotio est, at in re praesenti eo nomine venit sacramentum nouae legis, quo homines in spiritualem vitam regenerantur. Ex antiquis institutis receptissimae fuerunt & apud Iudaeos & apud gentes religiosae per aquam ablutiones (a), quod Huetius

(a) Apud Iudaeos receptus erat baptismus profelytorum, quo ethnici

tius in *Alnetan. lib. II. cap. 20. n. 2.* demonstrat. Ergo Christus aliquid veluti tribuens receptis inter Iudaeos & gentes lotionibus, aquas sanctificauit, & in Iordane baptismum instituit, quando ipse a Ioanne baptizatus est: quae de tempore instituti baptismi verior sententia videtur. Drouen *de re sacram. lib. II. q. 7. §. 1.*

§. II. Elementum visibile, vnde conficitur Christi baptismus, aqua est. Christus enim per aquam homines baptizari iussit, Ioan. *cap. III. 5.*, & apostoli in aqua baptizarunt, *act. VIII. 36. & X. 47.* Aquae vero nomine venit aqua vera & naturalis, quod constanti traditione docuit ecclesia (b). Quod si Ioannes Baptista apud Matthaeum *cap. III. 11.* Christi baptismus spiritu sancto & igne constare praedixit: id potius de effectibus baptismi per Christum instituti, quam de externo elemento plures patres acceperunt. Vt vero aqua operetur, tantum requiritur, vt sub inuocatione Trinitatis in usum adhibeatur. Verum doctrinae & sacrationis mysterii causa ex antiquis institutis aqua prius benedicitur, idque aquae sanctificationem & consecrationem veteres dicunt. Duobus diebus apud Latinos aquae ad baptismum consecrantur, sabbatis nempe sancto & pentecostes, quibus sollempnis baptismus dabatur; at apud Graecos in singulis baptismis aquae benedicuntur.

§. III.

ethnici ad Israëlitas transibant; & porro erant multae aliae corporis & vestium lotiones, quibus illi legales sordes abstergebant, & ad sacra facienda aliudue magnum opus se accingebant. Similiter gentes ferme omnes, quae religionis cultum habuerunt, baptismos vsurparunt, quibus scelera omnia elui credebant. Qui porro inter sodales religionum recipiebantur, per baptismum solebant initiari, quasi animo & corpore purgarentur.

(b) Exstat rescriptum sub nomine siue Siricii, siue Stephani papae 11., siue 111. (non enim antiqui MSS. de auctore conueniunt) quo baptismus in vino, quod aqua deesset, puero periclitanti datus probatur & admittitur. At recte Harduinus *diff. de baptismo in vino* hoc rescriptum veluti supposititium reiecit. Qui enim in re tritissima contra euangelicam veritatem pontifices respondere potuissent?

§. III. Aquae elementum ad naturam sacramenti determinatur per verba institutionis, quibus Christus praecipit, ut baptismus daretur: mittens autem Christus apostolos ad baptizandum edixit, ut id facerent *in nomine Patris & Filii & Spiritus sancti*: Ergo Latini hac forma utuntur, *ego te baptizo in nomine Patris & Filii & Spiritus sancti*: Graeci vero, *baptizatur servus, vel serva Dei N. in nomine Patris & Filii & Spiritus sancti*. Videntur Graeci ab antiquo eam formulam usurpasse, ut occurrerent Nouatianis, quorum error late in Oriente diffusus erat, ad vim sacramenti ministri fide opus esse. Vtrouis modo verba proferantur, nulla sensus inducitur mutatio, & sua vis sacramento constat: at ministri ritum ecclesiae suae servare tenentur.

§. IV. Itaque expressam trium personarum Trinitatis inuocationem & actum ipsum baptizandi formula baptismi continet. Et quod spectat ad inuocationem Trinitatis, ea dubio procul est divinae institutionis, ad vim sacramenti necessaria. *Lex tingendi*, inquit Tertullianus *de bapt. cap. XIII.*, *imposita est & forma praescripta. Ite, inquit, docete nationes, tingentes eas in nomine Patris & Filii & Spiritus sancti (c).* Hinc qui de Trinitate aliquid de-

(c) Interim non levis hic occurrit difficultas, an aliquando valuerit, & nunc etiam valeat baptismus in solius Christi nomine collatus. Etenim in scripturis sanctis pluries occurrit, apostolos in solius Christi nomine tinxisse, *act. II. 38.*, *X. 47. seq. & XIX. 5.* Ex antiquis Ambrosius *de Spiritu S. lib. I. cap. 3.* adfirmat, ratum esse baptismum, ubi una Trinitatis persona inuocetur. Et Nicolaus I. scripturarum & Ambrosii auctoritate ductus, respondit, valide esse baptizatos, qui in solius Christi nomine tincti essent, *can. 24. D. 4. de consecratione*. At verior sententia videtur, nec umquam validum fuisse, nec nunc valere baptismum in solius Christi nomine collatum. Etenim verba Christi ad baptizandum apostolos mittentis aperre continent formulam, qua baptismum oportet administrari. Et loca scripturarum de baptismo in nomine Christi dato hunc habent sensum, apostolos baptizasse baptismo Christi, hoc est per Christum instituto, non vero in solius Christi nomine, quod Cyprianus, Basilii aliique patres interpretati sunt.

Item

detrahit, vel toti Trinitati, vel singulis personis aliquid aliud substituit, frustra tingit, quod patres docent. Quod si qui in Trinitate baptizant, non recte de eius personis sentiant, valet baptismus: verba enim & elementa in sacramentis vi sua operantur, & ministri in iis tractandis tantum linguam & manus praestant. Verba quoque *ego te baptizo* omissa baptismum nullum reddunt, *cap. 1. ex. de baptismo (d).*

§: V. Primigenia & ordinaria baptizandi potestas est penes episcopos. Vna cum verbi ministerio baptizandi potestatem a Christo apostoli acceperunt. Matth. XXVIII. 19. Ab episcopo baptismi datio in presbyteros & diaconos deriuatur, qui de episcopi venia etiam in casibus ordinariis baptizabant. Tertullian. *de bapt. cap. XVII.* & Hieronym. *contra Lucifer. cap. IV.* Sed postquam parochi instituti sunt, qui iure proprio ecclesias regunt, praeter episcopos etiam parochi ordinarii baptismi ministri euaserunt, & ita non amplius indigent in singulis baptismis

Item si Nicolaus papa respondit, valere baptismum in Christi nomine datum, id incidenter, non ex proposito videtur dixisse. Estius in *17. sentent. dist. 3. §. 5.*

(d) Num verba, quae actum baptizandi exprimunt, sint ad vim baptismi necessaria, ex traditione & patrum doctrina non constat. Primi ea de re scholastici quaesivere, eorumque antiquiores Petrus Cantor, Praepositius & Petrus Lombardus docent, verba *ego te baptizo* ad vim baptismi non pertinere. In primis ea de re solliciti fuerunt Stephanus Tornacensis & Mauritius episcopus Parisiensis, quorum ille adfirmabat, validum esse baptismum, in quo verba *ego te baptizo* omissa essent; iste vero contraria omnia sentiebat. Potissima Stephani ratio erat, quod dum actus ipse impletur, superfluum videri debeat, verba addere, quae actum exprimant, praesertim quando euangelium non praecipiat, ut baptizantes dicant *ego te baptizo*, sed tantum vult, ut doceant & baptizent. Interim Alexander III. decretalem edidit, qua nullum esse baptismum edicitur, si verba *ego te baptizo* omittantur, *cap. 1. ex. de baptismo.* Innotuit haec decretalis ecclesiae post publicatas Gregorianas decretales, ex quo tempore certa doctrina incoepit, verba actum baptismi exprimentia ad vim sacramenti esse necessaria.

ptismis episcopi delegatione. Tantum ceteri presbyteri & diaconi baptizant de episcopi, aut parochi venia. Et id quidem in casibus ordinariis, nam in necessitate etiam laici baptizant, quod certum ius est, quamvis olim ea de re inter ecclesias non conueniret (e).

§. VI. Num vero haeretici & schismatici baptismum valide conferant, acriter olim in ecclesia disputatum est. Post Agrippinum Carthaginensem episcopum Cyprianus & reliqui Africani episcopi tribus celebratis conciliis baptismum ab haeticis datum tamquam nullum reiecerunt: cui sententiae accesserunt multi Orientales episcopi, in primis Firmilianus episcopus Caesareae in Cappadocia. Eorum potissima ratio erat, quod baptismus vnus est, ecclesia itidem vna; ac propterea extra ecclesiam baptismus nullus esset. Contra Stephanus papa & multi alii Occidentales episcopi sentiebant, & hinc Stephanus Cypriani legatos asperere excepit; putabat enim summus pontifex, quidquid huius rei erat, ad fidem, non ad disciplinam pertinere. Nihil tum definitum est, sed inde haeticorum baptisma vniuersa recepit ecclesia, postquam *plenarium concilium*, vt loquitur Augustinus *lib. II. de bapt. cap. 4.*, haeticorum baptismum validum esse pronuntiavit: quod plenarium concilium num Arelatense r. an Nicaenum fuerit, inter eruditos non conuenit. Ratio vero Cypriani non concludit; nam licet baptismus vnus sit, & haeretici ad ecclesiam non pertineant; tamen haeretici

(e) Sane ecclesiae praesertim Graecae olim validum non videntur habuisse baptismum a laicis christianis, dum instaret necessitas, collatum, quod scite Tillemontius observauit. Et qui quaelo in naufragii periculo constitutus Gregorius Nazianzenus, adhuc catechumenus, de sua aeterna salute desperasset, si laici baptismum dare potuissent? in naui enim erant multi christiani: & tamen nec Nazianzenus ab eis baptismum petiit, nec illi ad eum baptizandum se obtulerunt. Similiter Basilius *ep. ad Anp̄siloeb. can. 1.* baptismum a laicis christianis collatum inualidum habuit. Sed deinceps in omnibus ecclesiis recepta est sententia, in necessitatis casibus omnes christianos tingendi ius habere.

retici etiam vnum Christi baptisma possunt administrare, modo legitima forma vrantur; ministri enim sacramentorum tantum linguam & manus praestant.

§. VII. Nec tantum haeretici, verum etiam infideles sub legitima forma recte baptizant: quod inde a multis saeculis tenet Latina ecclesia, quamvis olim contrarium receptum fuisse videatur (f). Sane Christi sacramenta a profanis administrata non polluantur, quippe quae a Christo, non a ministris vim mutantur suam. Hinc post Nicolaum papam ecclesia Latina validum reputauit baptismum ab infideli rite datum, *can. 24. D. 4. de consecratione*; sed Graeca adhuc in antiqua sententia perseverat.

C A P V T III.

De suscipientibus baptismum.

§. I. **S**Vsциpiendo baptismo idonei sunt homines omnes, quousque viuunt (a), siue mares, siue feminae, siue

(f) Et quidem Tertullianus *de bapt. cap. XVII.* & synodus Illiberitana *can. XXXVIII.* eos tantum baptismos validos reputabant, quos christiani administrassent. Videbatur omnino abnorme, vt qui baptismum non habebat, illam conferre posset. Primus Augustinus *lib. II. contra Parmenian. cap. 13.* ea de re dubitauit, nec tamen quidquam tamquam certi ausus est pronuntiare sine tanti concilii auctoritate, quantum intricatae rei sufficeret. Sed loco concilii nono saeculo Nicolaus 1. suam interposuit auctoritatem, & valere respondit baptismum ab infideli sub inuocatione Christi aut Trinitatis collatum, *can. 24. de consecr. D. 4.*

(a) Nimirum tantum viuis Christi sacramenta prodesse possunt. Et tamen, vt mittam Cataphryges, qui mortuos tingebant, teste Philastrio *de haeres. cap. II.*, in Africa nonnulli boni christiani baptismum etiam mortuis dare consueuerunt: quem peruersum usum Africani patres emendarunt, *can. XVIII. C. Afric.*

sive adulti, sine infantes. Et errant profecto Anabaptistae, qui baptismum infantibus administrari posse negant, quod credere nequeant, & ex mandato Christi credentes tantum recte regenerantur. *Marc. cap. XVI. v. 16.* Sane ecclesia catholica semper docuit, infantes recte baptizari: & reapse etiam primis saeculis patres agnouerunt, baptismum infantibus esse necessarium, quod in peccatis nascantur, ut magno eruditionis apparatu Vossius, Binghamus & in primis Wallus demonstrarunt. Et quamvis infantes per se credere nequeant; credunt tamen opera ecclesiae & susceptorum: & decet profecto, inquit Augustinus *serm. XIV. de verbis apostoli cap. 7.*, ut ad aliena verba sanentur, qui ad factum alienum vulnerantur: & deinde Christi praeceptum ad solos adultos, qui credere possunt, restringi debet.

§. II. Ut vero baptismo infantum sua vis constet, necesse est, ut ii secundum carnem nati sint, hoc est ex utero matris in lucem editi, quae est carnalis natiuitas, quam baptismus supponit. Nimirum baptismus regeneratio est, *ad Tit. III. 5.*, atque adeo qui nati non sunt, non possunt regenerari. Sufficit vero quaecumque natiuitas, adeo ut recte baptizentur caesones, qui instituta matris sectione in lucem eduntur. Quod si adhuc plene infans ex utero editus non sit, sed solum caput emerferit, mortis periculo instante, in capite baptizabitur, nec inde baptismus videtur iterandus.

§. III. Sed non omnes nati infantes debent baptizari, sed ii, quorum spes est fore, ut adulta aetate in suscepta religione perseverent, cuius generis sunt christianorum filii. Etenim filii infidelium parentibus inuitis non sunt baptizandi, etiamsi principum christianorum imperio parentes subsint; fides enim in discrimen veniret, si post

Pars II.

R

ba-

C. *Afric.* Summa baptismi ad salutem necessitas videtur esse, ut qui viui baptizati non essent, saltem mortui tingerentur. A baptismo mortuis dato parum distat *baptisma vicarium*, quod a viuis mortuorum nomine apud nonnullos haereticos fulcipi solebat. *Bingham. orig. eccles. lib. XI. cap. 4. §. 4.*

baptismum parentibus relinquuntur. S. Thomas 2. 2. q. 10. art. 12. Quod si infidelium infantes in potestatem & dominium christianorum sine parentibus quocumque modo veniant, eos ecclesia baptizare consuevit, nec enim in hac specie fidei metuendum. August. *de grat. & lib. arbitrio cap. XXII*. Quin si parentum alter esset christianus, alter infidelis, filius infans iure partis christianae ad baptismum admittebatur. Conc. Tolet. iv. can. 63.

§. IV. Quod spectat adultos, certi iuris est, eos recte baptizari; sed ante omnia sponte sua debent baptismum petere; nulla enim vis ad credendum est inferenda; & praeterea debent ante credere, Marc. *cap. XVI. 16.*, & peccata derectari, *act. II. 38*. Itaque ecclesia catechesim instituit, qua baptizandi in fide & bonis operibus instituantur, & ad baptismum praeparentur. Qui in hoc statu erant, *catechumeni* dicebantur, aliquando etiam *novitii* & *tirones Dei*. Catechesis vero alibi longior, alibi breuior erat (b), & episcopo statutum tempus ex causa contrahere, aut producere licebat.

§. V. Sed ut rectius catechesis procederet, in varios gradus ecclesia catechumenos partita est. Non conuenit inter doctos, quot fuerint catechumenorum ordines; at ii rectius videntur sentire, qui eos in *audientes*, *genusflectentes*, & *competentes* seu *electos* partiuntur. Audientes erant, qui fieri christianos prae se ferebant, ac propterea scripturas & praedicationes audiebant, quibus finitis ecclesia exhibant. Genusflectentes post egrossos audientes in ecclesia remanebant, ubi in genua prouoluti manuum impositionem sub certis precibus ab episcopo accipiebant, & inde ecclesia egrediebantur. Et competentes sollemni baptismi die appropinquante baptismum petebant, & praeuio examine ad baptismum proxime accipiendum eligebantur; hinc varia ratione *competentes* & *electi* dicti sunt.

(b) In ecclesiis Orientis tres anni instituendis catechumenis erant additi, *const. apostol. lib. VIII. cap. 32.*, in Hispania catechumeni bonae conuersationis biennio insituebantur, conc. Illiber. *can. XLII.*, & in Gallia octo menses iudaeis ad fidem instituendis erant praestituti. Conc. Agath. *can. XXXIV.*

sunt. Sed inter genuflectentes per manuum impositionem & signum crucis in fronte impressum catechumeni recipiebantur, qua admissione generale *christiani* nomen consequiebantur: & hinc in antiquis monumentis *christianum* facere aliquando tantumdem est ac facere catechumenum. Conc. Illiber. can. XXXIX.

§. VI. Statim ac inter audientes catechumeni relati erant, incipiebant catecheses, quibus in fide & bonis operibus instituebantur. Munus instituendi catechumenos ad episcopos pertinebat; sed in multis ecclesiis ad id proprii ministri instituti sunt, dicti *catechistae*, eosque vel ex maioribus clericis, vel ex minoribus & aliquando ex ipsis laicis episcopi eligebant. Quin in ecclesia Alexandrina peculiaris erat schola catechetica, quam a Marco euangelista institutam Hieronymus *de script. eccles. cap. XXXVI.* tradit. Docebant catechistae in priuatis auditoriis, quae in multis locis erant distincta aedificia ecclesiis coniuncta.

§. VII. Summa vero prudentia & iudicio catechumeni instituebantur, quasi qui primum lacte, tum solidiori cibo indigerent. Et sane vsque ad nominum dationem veritates simplices ac cognitu faciles & vitae christianae officia edocebantur, de mysteriis vero religionis & ritibus sacramentorum vix quidquam audiebant: qua in re catechumeni pares erant ceteris profanis, quos mysteria nostra latebant. Atque haec est celebris arcani disciplina apud christianos receptissima (e): quam peculiari dissertatione Schelestratus illustrauit. Hinc intelligis, cur in publicis patrum concionibus frequenter occurrant aposiopeses, vbi potissimum de sacramentis tractant, & subin-

R 2

de

(e) Etiam apud gentes obtinuit arcana disciplina. Vulgatum est, mysteria deorum tantum initiatis patuisse. *Samothracia & Eleusinia reticentur*, inquit Tertullianus *apol. cap. VIII.* Hinc viri religionum sciendarum cupidi variis deorum sodalitiis se adscribebant, semel vero initiati *sancta silentii fide* adstringebantur, vt Apuleius loquitur. Similiter philosophi arcani legem seruauerunt, qui non cum omnibus de iisdem rebus eodem modo loquebantur, sed sublimes doctrinas tantum suae sectae addictis aperiebant.

de additur formula, qua initiati reticentiae admonentur, *norunt initiati*, seu, *norunt fideles*, quod dicitur. Tenebantur vero reticentiae lege non tantum altaris ministri & catechistae, sed etiam fideles omnes, Nazianz. *orat. XL. de baptismo*; non secus ac apud gentes quotquot mysteriis deorum erant initiati, silentio obstringebantur. Reticentia apud christianos ab ipso Christo & apostolis incoepit, stetitque toto quinto saeculo: sed inde quum fere integrae gentes Christo nomen dedissent, & rarior esset adultorum baptismus, veluti sponse sua desit. V. Pagium *crit. in Baron. ad an. CXVIII. num. 9.*

§. VIII. Postquam iusto tempore inter audientes & genuflectentes catechumeni steterant, appropinquante baptismi die baptizari petebant, ac proinde sua nomina dabant, idque in plerisque ecclesiis initio quadragesimae fieri solebat. Data nomina vna cum nominibus susceptorum libris ecclesiae, quos *diptycha viventium* dicebant, inferebantur. Interim a datis nominibus exactiore diligentia catechumeni instituebantur & praeparabantur: in quem finem sacros conuentus, quos dicebant *scrutinia*, ecclesia celebrabat. Ergo competentes symbolum & orationem dominicam accipiebant, agebant poenitentiam, peccata sua confitebantur, & exorcismis expiabantur (d). Sal quoque degultandum in scrutiniis dabatur catechumenis, quod August. *lib. II. de peccator. merit. cap. 26. sacramentum catechumenorum* appellat, eoque significabatur, verae sapientiae catechumenos participes fieri. Quod si tempore catechesis catechumeni peccarent, de superiore gradu

(d) Quod homines nascuntur natura filii irae, ad *Ephes. II. 4.*, atque adeo potestati diaboli obnoxii, adhibiti videntur exorcismi ad Satanae potestatem frangendam, & ad animas a contractis sordibus expiandas. Nec recte videtur sentire Ant. van Dale *diff. de diuinationib. idolatr. sub veter. testam. cap. VII.*, exorcismos baptismi praemissos propter peruersam veterum christianorum sententiam, qui ex ethnicis principiis sentiebant, nullum paene hominem daemonio carere. Et quoniam etiam infantes in peccatis nascuntur, hinc etiam ii exorcismis percellabantur.

gradu in inferiorem recidebant. Conc. Nicaen. *can. XIV.*

§. IX. Atque hi sunt potiores ritus in instituendis & probandis catechumenis ab ecclesia adhibiti, quorum manuum impositio, preces & exorcismi saepe repetebantur. Verum lapsu temporis, ubi rarior factus est adultorum baptismus, sollemnis catechesis cessauit, & qui ritus vario tempore adhibebantur, ipso baptismi tempore ferme adhibentur omnes. Interim adulti etiam hodie ante baptismum in fide & bonis moribus sunt instituendi; id enim est ex diuino praecepto; tantum non adeo sollemni ritu procedit catechesis. Nec inutile erit in baptizandis adultis ritus baptismi praemitti solitos separatis diebus adhibere, ut ita baptizandi intelligant tanti mysterii celestitudinem, & magis in fide & studio pietatis firmentur.

C A P V T IV.

De baptismi collatione, ubi de susceptoribus.

§. I. **T**empore baptismi adueniente recte institutos & probatos catechumenos ecclesia baptizauit; sed ante baptismum tria illi sollemniter praestabant: renuntiabant diabolo, saeculo eiusque pompis & operibus: Christo se deseruire deinceps promittebant: & fidem profitebantur. Renuntiabant diabolo stantes, nudi & in Occidentem versi, Cyrill. Hierosolym. *catech. I. Auctor. ecclesiast. hierarch. cap. III.*, & dum renuntiationis concepta verba recitabant, in Satanam velut praesentem suscebant & exspuebant. Occidens symbolum Satanæ erat: Occidens enim apparentium tenebrarum locus, & Satan princeps tenebrarum dicitur. Peracta renuntiatione, illuminandi se ad Orientem, qui signum erat solis iustitiæ, conuertebant, & laeti obseruantiam mandatorum promittebant. Hieronym. *comm. in Amos VI. v. 14.* Et promissione finita, fidem profitebantur: cui vsui certam formulam ecclesia composuit, quæ *symbolum fidei* dicta est.

§. II. Iam vero aqua ad baptismum triplici ritu po-

test adhiberi, immersione nempe, effusione & adpersione. In veteri disciplina, quae ab apostolis profecta est, baptismus per immersionem collatus. Tertul. *de baptismo cap. II.* V. Bingham. *orig. eccles. lib. IX. cap. 11.* Ita baptizandi omnes masculi, feminae vestibus exuti & omnino nudi in aquam ter mergebantur, & inde educebantur. Repraesentabat autem in aquam immersio & eductio Christi mortem & resurrectionem: & immersio trina erat, quot erant personae sacrosanctae Trinitatis. *Non semel*, inquit Tertullianus *contra Praxeam cap. XXVI.*, *sed ter ad singula nomina in personas singulas tingimur.* Porro trina haec immersio sacramentum erat triduanæ Christi sepulturae, Gregor. Nyssen. *de baptismo Christi*, aut fidei professionem in sacrosanctam Trinitatem indicabat, *can. 78. de consecr. D. 4.*

§. III. Generalis quidem mos olim obtinuit dandi baptismi per immersionem; at ecclesia tamquam nullos & vanos baptismos effusione, aut adpersione datos non reiecit. Quin in casibus extraordinariis, ubi immersio non poterat vsurpari, ecclesia baptismum effusione datum olim admisit. Sed tandem disciplina mutata est, & effusio ordinaria baptizandi methodus apud Latinos euasit: quae mutatio ab ætate diui Thonæ in assiduam abiit consuetudinem. Tantæ mutationis causam theologi repetunt a periculo, cui infantes in aquam immersi obiciebantur; quum enim soli ferme infantes baptizarentur, visum est, eos non immersione, sed potius effusione christianis sacris initiari, vt corporali eorum salutis consuleretur. Drouen *de sacram. lib. II. quæst. 2. cap. 2.* §. 3. Interim vt baptismus valeat, tanta aquae copia effundi debet, vt communi hominum sensu baptizandus vere lotus dici possit.

§. IV. Dum datur baptismus, adsunt *sponsores*, vulgo *patrini* dicti, qui baptizandos ministris offerunt, eosque de sacro fonte suscipiunt, & in pietate & bonis moribus instituunt. In antiquis monumentis sæpe dicuntur *susceptores*, quod ex aqua prodeuntes susceperent, & *sponsores* & *fideiussores*, quod pro iis, quos offerebant, sponderent & fideiuberent. Itaque susceptorum officio haec continentur: baptizandos ministris offerunt, eosque de sacro fonte

te leuant : pro infantibus baptistae interrogationibus respondent : adultos baptizandos docent , quatenus baptistae interrogationibus respondere debent : praesertim vero debent filiorum suorum spiritualem curam habere , eosque in Christo erudire . Vnus vero siue vir , siue mulier , aut ad summum vnus & vna baptizatum de baptismo suscipiunt , Trident. *ses. XXIV. de res. matrim. cap. 2.* idque ne cognatio spiritualis , quae nuptias impedit , inter plures spargatur .

§. V. Ad susceptoris officium seligendus homo christianus bonis moribus praeditus , qui dogmata & morum praecepta christianae religionis calleat . Ita susceptoris officio prohibentur haeretici , excommunicati , publici criminis rei , infames , poenitentes , peregrini , non confirmati , aetate minores & ipsi baptizandorum parentes (a) . Nat. Alexand. *theol. dogm. & moralis lib. II. tract. 2. cap. 6.* Monachi quoque , utpote solitudini addicti , susceptores esse vetantur , *can. 103. seq. D. 4. de consecr.* Et recentiores canones & S. Carolus etiam a susceptoris officio arcent clericos sacris ordinibus initiatos & beneficiarios .

§. VI. Initio christianae religionis quouis die dabatur baptismus . Bingham. *orig. eccles. lib. XI. cap. 6. §. 9.* Sed inde sollempni & longa institura catechesi , duobus tantum per annum diebus in Occidente baptismus datus est , pascha nempe & pentecoste . *Diem baptismo sollempniorem* , inquit Tertullianus *de baptismo cap. XIX. , pascha praestat Exinde pentecoste ordinandis lauacris latissimum spatium est* . In ecclesia Orientali etiam in epiphania sollempnis baptismus conferebatur , quod indicat Gregorius Nazianzenus *orat. XI. de baptismo* , ubi differentes baptismum

R 4

ita

(a) In veteri disciplina ordinarii filiorum infantium susceptores erant parentes ipsi . August. *epist. XXIII. ad Bonifac.* Caesar. Arelat. *hom. XII.* Sed deinceps vetitum est , parentes filios suos de baptismo suscipere . Conc. Mogunt. anno 1000 *can. IV.* Mutationis causa videtur fuisse cognatio spiritualis , quae ex baptismo orta saeculo septimo nuptiis etiam inter susipientem & suscepti parentes coeperat obflare . Espen. *par. II. tit. 2. cap. 4.*

ita loquentes inducit: *Luminum diem*, idest epiphaniam, *expecto, paschatis festum pluris facio, pentecosten expectabo* (b). Et in his tribus diebus noctis potius tempore, quam claro die baptismus administrabatur. Interim si quā necessitas vrgeret, nulla dierum ratio habebatur, statimque dabatur baptismus. Siric. papa *epist. ad Himer. Tarrac. cap. II.* Sed inde postquam rarior euasit baptismus adulatorum, quouis tempore sollempnis baptismus datus est, tantumque in pascha & pentecoste in Occidente fontes benedicuntur.

§. VII. Porro primis saeculis quouis loco christiani ringebantur. Verum inde ecclesia baptismo dando certa loca dixit, quae *baptisteria*, & a Graecis *ἐκκλησία τοῦ φωτός* *illuminationis*, hoc est baptismi, qui ab antiquis saepe audit *illuminatio*, appellantur. Erant baptisteria aedificia ab ecclesiis separata, sed iis contigua, & satis ampla. Non tamen olim ecclesiae omnes parochiales habebant baptisteria, sed vnum in tota dioecesi erat baptisterium, secus ecclesiam cathedralem, in quo statis sollempnitatibus episcopus dabat baptismum. Bingh. *orig. eccles. lib.*

(b) Statas sollempnitates non sine propriae salutis dispendio multi elabi sinebant, & in aliud tempus baptismum differebant, idque ex variis rationibus, quas Walkerus *de paedobapt. in praef.* recenset. Alii paratiores ad tantum mysterium accedere cupiebant: contra alii diutius saeculi voluptatibus frui volebant. Item multi principiis Nouatianis imbuti baptismum differebant, quod peccatis post eum acceptum admissis veniam desperarent. Multos a baptismo deterrebant longae & seuerae poenitentiae, quibus fidelium peccata ecclesia expiabat. Alii exemplo Christi baptismum ad tricesimum aetatis annum differebant, vel in Iordane tingi cupiebant. Alii a ministro extraordinariis donis aucto (quasi sacramentorum efficacia a virtutibus ministri penderet) baptismum accipere volebant. His aliisque rationibus frequens fuit olim baptismus clinicorum. Ipse Constantinus M. ad mortem vsque baptismum distulerat: sed interim sorgebat, se velle in Iordane baptizari. Patres interim solidissimis rationibus huiusmodi prauos mores exagitabant; sed quousque homines adulta aetate baptizati sunt, non desuerunt, qui baptismum differrent.

lib. VIII. cap. 7. §. 1. Et inde ecclesiae cathedrales olim *matres & matrices* dictae sunt, quasi quae totius dioecesis filios per baptismum generarent. Sed temporis lapsu baptisteria exigua aedificia euaserunt, & intra ecclesias translata sunt, & porro paroeciae ferme omnes illa acceperunt. Interim in multis Italiae ciuitatibus antiquae disciplinae vestigia supersunt; Bononiae enim, Pisis, Parmae, Florentiae, Beneuenti vnicum exstat baptisterium.

C A P V T V.

De effectibus & necessitate baptismi.

§. I. **T**Riplex est baptismi effectus, gratia nempe, character, & spiritualis cognatio. Et ad gratiam quod spectat, certa doctrina est, in baptismo Spiritus sancti gratia homines impleri, qua sanctificantur, & in novam & spiritualem vitam regenerantur. Ita baptizati, quamuis adulta aetate, habentur veluti *modo geniti infantes*, 1. *Petri II. 2.*: quo factum est, ut ecclesia ad infantiae significationem olim recens baptizatis lactis & mellis particulam daret degustandam. *Bingh. orig. eccles. lib. XII. cap. 4. §. 6.* Cumque regeneratio ista per immersionem in aquam fieret, hinc Tertullianus *de bapt. cap. I.* christianos *pisciculos* appellat, quasi qui per aquam in Christo renascantur (a). Regenerati autem admirabilis Dei lu-

(a) Apud gentes & Iudaeos etiam sollemnis erat per aquam regeneratio. Et gentes quidem in ludis Apollinaribus & Eleusinis *in regenerationem & impunitatem periturorum* tangebantur, quod Tertullianus testatur. Immo credebant ethnici, crimina omnia, etiam immanissima, aquis elui: quod Huetius *in Alnet. lib. II. cap. 20.* probat. Praesertim vero regeneratio receptissima erat apud Iudaeos, qui proselytos suos per baptismum & circumcisionem iterum nasci credebant. *Selden. de iure nat. & gent. lib. II. cap. 4.* Quo spectat illud Christi ad Nicodemum, qui mi-

luminis participes efficiuntur, quo factum, ut neophyti *illuminati*, & baptizatus ipse *illuminatio* diceretur.

§. II. Porro Spiritus sancti gratia, quae in baptismo homines in nouam creaturam regenerat, etiam peccata omnia originale & actualia eluit & omnino dimittit, *act. II. 38., ad Ephes. V. 26.* Et qui alias christiani vere regenerati per aquam dici possent? Hinc veteres patres baptismum saepe *indulgentiam, absolutionem & remissionem peccatorum* dicunt. Quin aquis salutaribus non tantum peccatorum culpa, verum etiam iis debitae poenae remittuntur (b), adeo ut baptizatis ad delictorum expiationem nullae iniungantur poenitentiae, & si continuo post lauacrum moriantur, statim regni caelorum participes fiant. Quod si competentes a datis nominibus rigida poenitentiam subirent, poenitentia ista potius rectae ad baptismum praeparationis, quam vindictae peccatorum causa suscipiebatur. Tum vero adultis in baptismo gratia confertur, & peccata dimittuntur, si sponte accedant, in Christum credant, & cordis conuersionem profiteantur.

§. III. Alter baptismi effectus character est, hoc est nota quaedam spiritualis & indelebilis, qua baptizatorum animae obsignantur: quam ecclesiae catholicae doctrinam Florentini & Tridentini patres confirmarunt. Sane veteres patres saepe eiusmodi notae, qua in baptismo christiani obsignantur, meminerunt, eamque veluti animae adhaerentem describunt. Cyrill. Hierosolym. *catech. XVII.* Basil. *hom. XIII. de exhort. ad baptismum*, Chrysost. *hom. III.*

mirabatur, qui ille dixisset, neminem, nisi denuo natum, ingredi regnum caelorum: *tu es magister in Israel, & haec ignoras.* Ioan. *cap. III. 10.*

(b) Culpa peccati in baptismo dimissa, dimittuntur simul poenae debitae, sed eae tantum, quae in altera vita deberentur. Itaque post baptismum manent morbi, corporis infirmitas, concupiscentia, mors & alia mala, quae originale peccatum in humanum genus effudit. Minus utile hominibus pro sapientia sua Deus esse vidit, ut regenerati primaeui hominis integritatem per omnia recuperarent. August. *de ciuit. lib. XIII. cap. 4.*

III. in 2. ad Cor. Et quamvis alias nomine *signi* & *sigilli* veteres intelligant ipsam externam sacramenti administrationem; tamen dum notas veluti in anima insculptas, eique adhaerentes describunt, sigilla interna dubio procul agnoscunt. Ceterum sigillo baptismi filii Dei conditionem christiani induunt.

§. IV. Tertius baptismi effectus est cognatio spiritualis, quae ex praesenti disciplina inter baptistam & baptizatum eiusque patrem & matrem, item inter suscipientem & susceptum eiusque patrem & matrem contrahitur. Trident. *sess. XXIV. de ref. matrim. cap. 2.* Inde usque ab initio christianae religionis inter baptistam & baptizatos, itemque inter susceptores & susceptos paterna quaedam cognatio & affectio nasci visa est, quod qui ab aliquo regeneratur, aut in pietate instituitur, ab eo quodammodo in novam vitam educitur. Origen. *ad Roman. XVI. 21.* Basil. *constitut. monast. cap. XX.* Ut vero spiritualis cognatio contrahatur, susceptores baptizatum de sacro fonte leuare debent, vel ipsum ad baptismum offerre; sed iam receptior sententia est, etiam per procuratorem cognationem contrahi. Espen. *par. II. tit. 13. cap. 6.* Non tamen cognatio spiritualis in veteri disciplina nuptiis erat impedimento: & inde ipsi parentes sine coniugii impedimento filios infantes ex baptismo suscipiebant. August. *epist. XXIII. ad Bonif.* Sed labentibus annis spiritalis cognatio nuptias coepit impedire, qua de re in tractatu de matrimonio.

§. V. Venio ad baptismi necessitatem, quae profecto tanta est, ut sine eo nemo vitam aeternam consequi possit, Ioan. *cap. III. 5.*, & hinc docent scholae, baptismum *necessitate mediæ* ad salutem requiri. Nimirum homines propter primigeniam labem carnales euaserant ac natura filii irae, & idcirco extra spem aeternae salutis proiecti. Hinc Deus homines miseratus, baptismum instituit, quo homines renascantur, & ius ad beatitudinem recuperent. Ita fit, ut baptismus omnibus, etiam infantibus, ad salutem sit necessarius; non minus enim infantes quam adulti ex carne sunt, ac natura filii irae: quae est catholicae ecclesiae doctrina. Quod si infantes sine baptismo moriantur, in statu quodam medio videntur collocati,

ti, vbi a visione Dei exclusi nulla poena sensus torquentur. Nazianz. *orat. XL. V. Nat. Alexandr. hist. eccl. saec. V. cap. 4. art. 3. §. 10. (c).*

§. VI. Quaecumque vero sit baptismi in aqua necessitas, dantur quidam extraordinarii casus, in quibus invisibili Spiritus sancti gratia baptismus aquae suppletur, veluti si quis non baptizatus martyrium patiat, vel si quis in discrimine vitae positus, vbi non est copia baptismi, de peccatis doleat, & baptismum desideret. Hinc scholae triplicem baptismum fecerunt, *aquae, sanguinis, & flaminis*, seu *desiderii*. Et quidem martyrio baptismi defectum suppleri, certa doctrina in ecclesia semper fuit, modo qui martyrium patiuntur, in ecclesia sint. Cyprian. *ep. LXX. ad Iubaian*. Sed quod spectat ad baptismum desiderii, apud veteres dubium fuit, an solo desiderio, quando aqua deficiebat, salus aeterna posset obtineri; nondum primis saeculis omnium dogmatum nostrorum veritas erat eliquata. Sed tandem ecclesia omnis recepit baptismi, fidem in necessitate esse pro sacramento. Trident. *ses. VI. de iustific. cap. 4.*

§. VII. Semel ex forma ecclesiae susceptus baptismus non potest iterari, quae est certa ecclesiae doctrina; baptismus enim perpetua & indelebili nota animam obfignat. Hinc Augustinus *immanissimum scelus* dixit catholici hominis rebaptizationem, *can. 108. D. 4. ad consecr.* Ex haereticis Nouatiani & Donatistae ad se deficientes, etiam catholicos, rebaptizabant, idque quod catholicorum baptismum nullum esse crederent: „Similiter Anabaptistae, qui nullum etiam tenent baptismum infantibus datum, in infantia baptizatos iterum tinguunt. Interim
in

(c) Pluribus in locis Augustinus infantes sine baptismo abeuntes *morti aeternae & aeterno igni* addicit: quae eadem habent Auitus Viennensis, Fulgentius, Ildorus Hispalensis alique. Sed Augustini doctrina emollienda est aliis Augustini locis, in quibus humanius cum infantibus sine baptismo mortuis agit. Et profecto vbi videtur immisericors, decurrit in hanc sententiam, ut Pelagianos confutaret, qui infantes non lotos extra regnum Dei, sed in vita beata collocabant.

in ecclesia & rebaptizantes & rebaptizati publicae subiiciebantur poenitentiae, Innocent. 1. *epist. II. ad Victrie. cap. 9.*, atque ideo facti sunt a canone alieni. Conc. Carthag. III. *can. 11.* Porro iure civili bona eorum, qui orthodoxorum ritu initiatos iterum tingerent, publicantur, *L. 5. & seq. C. Th. ne sanctum baptismum iteretur*, quin etiam capite puniuntur, *L. 2. C. Inst. eod.*

C A P V T VI.

De ritibus baptismum consequentibus.

§. I. **R**eliquum modo est, ut de ritibus, qui baptismum sequuntur, aliquid moneamus. In primis neophyti, hoc est recens in Christo nati, post lauarum candidas induebant vestes, & ardentes faces in manibus gerebant. Significabant albae vestes innocentiam in baptismo partam, easque octo dies gerebant, & octava paschae deponebant, Aug. *hom. LXXXVI. de diversis*; quo factum, ut dominica post pascha *dominica in albis* diceretur. Vsurpatur etiam hodie ritus albae vestis & candelarum, sed alba veste eodem tempore neophyti vestiuntur & exuuntur. Item neophytis ad infantiae significationem lac & mel dabantur degustanda. Tertull. *de cor. cap. III.* Hieronym. *aduers. Lucifer. cap. IV.* Hinc in pascha ad altare una cum pane & vino lac & mel offerebantur, *can. XXXVII. C. Afr.* Sed tandem una cum baptismo sollemni desuit lactis & mellis degustatio.

§. II. Alia quoque caerimonia in ecclesiis Occidentis baptismum consequitur, chrismatis nempe ab episcopis benedicti inunctio, qua neophyti a baptista in capite vnguntur. Et hinc in ecclesia Latina his chrismate christiani vnguntur, semel in vertice post regenerationem, iterum in fronte ab episcopo dum confirmantur. Sed Graeci ex antiqua disciplina neophytos tantum in fronte chrismate inungunt. Morin. *de sacram. confirmat. cap. IX.*

§. III. Iam egressi de lauacro neophyti orationem do-

dominicam, quam in scrutiniis acceperant, & memoriae mandauerant, solebant recitare, quod tradit auctor constitutionum apostolicarum *lib. VII. cap. 44.*; ante enim vere Deum tamquam patrem vix poterant appellare. Hinc oratio dominica ab antiquis *fidelium oratio* dicebatur, eaque vna cum reliquis christianae religionis mysteriis ethnicos latebat. Theodoret. *epit. diuin. dogm. cap. XXVIII.* Inde magna laetitia & psalmorum cantu & osculo pacis in ecclesiam & sacros conuentus excipiebantur.

§. IV. Porro neophyti septem sequentes baptismum dies, quibus in albis incedebant, peculiari ratione celebrabant: nempe abstinebant se a lautioribus epulis, spectaculis & ipso coniugii vsu, conc. Carthag. *iv. can. 38.* Item psalmos & hymnos recitabant, & balneis abstinere iuebantur. Tertull. *de cor. cap. III.* Propriae quoque missae in rem praesentem accommodatae quouis die fiebant, & episcopi assiduos sermones habebant, quibus in doctrina & ritibus baptismi, confirmationis & eucharistiae (quae tria sacramenta eodem ferme tempore dabantur) neophytos instituebant. Graeci huiusmodi sermones dicebant *μυστηριακούς*, quod mysteriorum darent explicationem, iisque finitis nulla pars christianae doctrinae fideles latebat, & arcana disciplina omnino soluebatur. Demum neophyti anno redeunte anniuersariam suscepti baptismi sollemnitatem celebrabant, quae *pascha annotinum* dicebatur. Baillet *des sêtes mobiles par. II. (a).*

CA-

(a) Pascha annotinum cum catechumenorum baptismo sollemni, qui sabbato sancto dabatur, videtur desisse; quod Charodonius in *hisor. sacram. lib. 1. sect. 1. par. 2. cap. 11.* observat. Sed pertinet ad christiani officium, ut annuam baptismi sui diem sancte recolat.

C A P V T VII.

De confirmatione.

§. I. **P**ost baptismum alio sacramento, confirmatione scilicet, christianis succurritur. Regeneratio, quae summo Dei beneficio in aquis obtinetur, satis quidem est ad salutem consequendam; at quando post baptismum vivere christiani pergunt, alio auxilio indigent, ut partem in aquis innocentiam seruent & perficiant, & diaboli & saeculi tentationibus resistant. Euseb. Emiss. *homil. de pentecoste*. Itaque confirmatio est christianae religionis sacramentum, quo regenerati Spiritum sanctum ad robur & auxilia spiritualia consequuntur, ut Christi perfecti milites euadant. In antiquis monumentis confirmatio passim dicitur *manuum impositio* & *unctio*, idque quia manuum impositione & chrismatis unctione datur.

§. II. Chrismatis nomine in hoc sacramento venit unguentum, quod Latini ex oleo & balsamo, Graeci vero itidem ex oleo & balsamo & triginta quinque aliis aromatum speciebus, addita non exigua vini quantitate, conficiunt. Initio chrisma ex solo oleo confectum videtur, Tertull. *de bapt. cap. VIII.*, successu temporis balsamum & alia aromata addita sunt. Confectum chrisma ab episcopo consecrandum est, idque in veteri disciplina *omni tempore* fieri poterat, conc. Tolet. *can. 20.*, tum inductum, ut chrisma quotannis feria quinta in coena domini consecraretur, quae disciplina initio saeculi septimi inualuit. Et certe supposititia est decretalis sub nomine Fabiani papae in *can. 18. de consecr. D. 4.*, quae de chrismate in coena domini consecrando loquitur. Ceterum commissio ista balsami cum oleo non est de sacramenti necessitate: & si quis non chrismate, sed mero oleo consignatus fuerit, nihil debet iterari, sed caute supplendum, quod minus caute praetermissum est, *cap. 1. ex. de sacramentis non iterandis*.

§. III.

§. III. Consecrato chrismate, qui confirmantur, vnguntur: quam vnctionem sacramenti *materiam proximam* theologi dicunt. Vnguntur autem ex antiqua disciplina apud Latinos tantum in fronte; sed Graeci praeter frontem vngunt oculos, nares, os, aures, pectus & manus, vt habet vulgatum Euchologium. Fit vnctio in vtraque ecclesia sub signo crucis, a quo signo confirmatio ab antiquis dicitur *consignatio* & *signaculum domini*. Item consignationem comitatur formula verborum, quae non iisdem verbis apud Graecos & Latinos concepta est. Graeci enim inde vsque a quarto saeculo dicunt, *σφραγίς δωρεᾶς πνεύματος ἁγίου*, *signaculum donationis spiritus sancti*, conc. Constantinop. 1. *can. 7.*, Latini vero hac formula consignant, *signo te signo crucis, & confirmo te chrismate salutis in nomine Patris & Filii & Spiritus sancti (a)*.

§. IV. Alterum signum sensibile, quo datur confirmatio, est sub vocis precatione manuum impositio, qui ritus ex apostolica auctoritate descendit, *act. VIII. 17.*, & in vtraque ecclesia in confirmandis christianis vsurpatus est. Nec recte multi adfirmant, Graecos a multis retro saeculis manus in consignatione non imponere. V. Drouven *de re sacram. lib. III. q. 3. art. 2.* Quae vero fuerit oratio ista, quae, dum manus super confirmandos imponebantur, recitabatur, patres non exposuerunt; sed arcana traditione conseruata est; eaque inuocabatur Deus,

vt

(a) Initio nec Graeci nec Latini in chrismatis vnctione certam formulam videntur adhibuisse, sed confirmationem solis precibus, quibus datur Spiritus sanctus, administrarunt. Morin. *de poenit. lib. VII. cap. 16.* Quoniam vero videbatur incommodum, episcopum, dum vngeret, nihil dicere; primum apud Graecos, inde apud Latinos in chrismatis vnctione etiam propria formula vsurpata est. Post saeculum septimum in Occidente alii dicebant, *signum crucis in vitam aeternam*, alii, *in nomine Patris & Filii & Spiritus sancti*, nec in formula actum consignationis exprimebant, Morin. *loc. cit.*; tandem vero ecclesiae omnes Occidentales formulam modo receptam admiserunt.

ut Spiritum sanctum suum in regeneratos effunderet, eosque confirmaret atque perficeret.

§. V. Atque ex his omnibus videtur constare, quae sit propria & intrinseca sacramenti confirmationis materia & forma, licet ea de re inter theologos non conveniat. Scholastici docent, materiam esse chrisma, formam vero verba, quae adhaerent vñctioni. Alii in primis Iuenninus & Drouuenus manuum impositioni chrisma adiungunt, & ex utroque ritu materiam coalescere contendunt. Rectius Sirmondus, Habertus, Sambouius alique totius confirmationis vim & virtutem in manuum impositione eique adiunctis precibus collocant, chrismatis vero vñctionem ecclesiae auctoritate ad sacramenti integritatem pertinere autumant. Sane apostoli orantes, & manus imponentes dederunt Spiritum sanctum: antiqui patres docent, per manuum impositionem dari Spiritum sanctum: chrismatis vñctio non est apostolicae institutionis: & verba *signo te signo crucis* &c. antiquis patribus ignota sunt.

§. VI. Ordinarius confirmationis minister episcopus est; vniuersa enim antiquitas id docet, & nonnulli patres ex apostolica auctoritate deriuant. *Cypr. ep. LXXII. ad Iubaian.* Hieronym. *contra Lucif. cap. IV.* Innocent. i. *epist. ad Decentium cap. 3.* Verum olim in Occidente presbyteri, absente, aut veniam dante episcopo, confirmare solebant. *Conc. Tolet. i. can. 20. Arausic. can. II. V. Morin. de sacram. confirmat. cap. XII. & seqq.* Sed deinceps pontificum Romanorum instantia, inquit Hollstenius *diff. de ministr. confirmat. apud Graecos in praefatione* desierunt in Occidente presbyteri confirmare: at in Oriente adhuc presbyteri velut ordinario iure confirmant. Graecorum mores sunt legitime praescripti, eosque ecclesia Romana admittit: nec recte profecto sentit Sambouius *de sacram. confirm. disput. VII. art. 2.*, Graecos presbyteros ministerio consignationis abuti (b). Verum posse

Part II.

S

hodie

(b) Obstat videtur Innocentius III. qui in *cap. 4. ex. de consuetud.* vetat, presbyteros apud Constantinopolim constitutos

hodie presbyteros Latinos ex ecclesiae indulgentia confirmationem dare in compertis est, quamvis id Estius & Sambouius non admittant.

§. VII. Effectus confirmationis duo sunt gratia & character. Et quod spectat ad gratiam, constans & vulgata est ecclesiae doctrina per manuum impositionem dari Spiritum sanctum. Iuenin. *de sacram. diss. III. quæst. 7. cap. 2.* Spiritus vero sancti gratia confirmatis adhaerens proprie gratiam in baptismo partam confirmat augetque, non iustitiam & sanctitatem producit (c). Nimirum regeneratio satis est ad salutem; at quando post baptismum christiani variis infirmitatibus sunt obnoxii, alio indigent auxilio, quo in gratia fortes persistant. In baptismo, ait Eusebius Emisenus *hom. de pentecoste*, regeneramur ad vitam, post baptismum confirmamur ad pugnam: in baptismo abluimur, post baptismum roboramur. Hinc in confirmatione christiani dicuntur perfici, consummari, roborari: quo fiebat, ut nemo perfectus christianus censeretur, antequam confirmationem accepisset. Cyrill. Hieros. *catech. III. V. Albaspin. obser. lib. I. cap. 25.*

§. VIII. Non aliis datur confirmatio quam per baptismum regeneratis; perficit enim augetque gratiam in
ba-

tos christiana dare & consignare. Verum id pontifex edixit de presbyteris *Latinis*: & perperam Raymundus vocem illam detruncavit, quod ex integra decretali in *comp. III. apud Ant. August.* constat.

(c) Gratia perficiens & roborans ordinarius confirmationis effectus est; at aliquando confirmatio etiam confert donum miraculorum. Id certe ordinarium erat aetate apostolorum, inde sensim fere cessauit, prout creuit res christiana. Ecclesiae primordia, eaque parum tuta, miraculorum dona postulabant. *Signa erant tempori opportuna*, inquit Augustinus *de bapt. lib. III. cap. 16.*, ad commendationem rudis fidei, & ecclesiae primordia dilatanda. Ceterum dona miraculorum post datam ecclesiae pacem non omnino cessarunt: Deus enim pro sapientia sua & ecclesiae necessitate in omnibus saeculis dona miraculorum dedit, dabitque deinceps, quippe qui ecclesiam suam non derelinquet.

baptismo partam ; & qui-narus nondum est , quî potest adolescere ? Cuiuscumque autem ætatis christiani confirmationis capaces sunt : & reapse vetus ecclesia etiam infantes consignare consuevit : sed receptis apud Latinos moribus ferme infantes non consignantur ante septimum vel decimum secundum annum : quæ disciplina inualuit , vbi in Occidente presbyteri consignare desierunt ; quum enim statim a baptismo infantes perfici non possent , quod raro episcopi baptizarent ; satis visum est , confirmationem in eam ætatem differre , qua confirmandi vim sacramenti aliquatenus intelligerent .

§. IX. Quoniam vero confirmatio tantum sanctitatem confirmat , non est absolute necessaria . Vt in regnum caelorum ingrediamur , sufficit aqua . Conc. Illiberit. *can. LXXVII.* Hieronym. *contra Luciferian. cap. IV.* Ceterum adultis omnibus consignatio necessaria est ex diuino & ecclesiastico praecepto . V. Nat. Alexandr. *theol. dogm. & mor. lib. II. tract. 3. cap. 4.* Vnusquisque enim ex diuino praecepto eniti tenetur , vt christianæ vitæ adquirit perfectionem . Hinc salutem suam in discrimen adducunt , grauisque peccati rei sunt , qui confirmationem contemnunt , aut negligunt .

§. X. Ex antiqua disciplina statim post susceptum baptismum dabatur confirmatio . Menard. *not. in sacrament.* Hinc per villas & minores vrbes , vbi presbyteri baptizabant , non vero consignabant , episcopi manus imposituri excurrere solebant , teste Hieronymo *loc. cit.* , vt ita , quatenus fieri poterat , consignatio illuminationi adhaereret . Nimirum confirmatio ad baptismi perfectionem pertinere credebatur , proinde statim post baptismum sequebatur perfectio . Vigent apud Graecos adhuc antiqui mores , quod Goarius *not. in ritual. Graec.* probat ; at apud Latinos a multis retro saeculis confirmatio seorsum a baptismo confertur , idque receptum est , vbi soli episcopi confirmare coeperunt . Interim quousque illuminationi adhaesit confirmatio , fere tantum in pascha & pentecoste dari consuevit ; sed in noua disciplina quouis tempore datur .

§. XI. Vt vero confirmatio rite suscipiatur , plura requiruntur . In primis praecedere debet baptismus ; quî enim crescere in Christo possunt , qui nondum spiritua-

liter nati sunt? Item qui adulta aetate, sed non statim post baptismum confirmantur, & grauioris peccati rei sunt, de peccato suo dolere debent; consultius vero confessionem praemittent, *can. 6. de consecr. D. 5.* Corpore quoque ieiuni, si fieri commode possit, debent esse confirmandi. V. Sambou. *de sacram. confirm. disp. VIII. art. 2.* Et pro reuerentia sacri chrismatis frons eluenda, & capilli in eam decedentes attondendi.

§. XII. Iam vero ex noua disciplina proprii sponsores episcopo ad consignationem illuminatos offerunt; verum passim vnus vnum offert, nec plures admitti solent; nec permittit S. Carolus, vt mas feminam, aut contra femina marem offerat. Sponsores autem confirmationis debent esse christiani probi & confirmati; & qui in baptismo sponsores esse vetantur, etiam in consignatione hoc munere fungi prohibentur. Contrahitur etiam in confirmatione spiritualis cognatio inter confirmantem & confirmatum, eiusque patrem & matrem, ac porro inter offerentem & oblatum, eiusque patrem & matrem, quae obstat nuptiis contrahendis, & contractas dissoluit, Trident. *ses. XXIV. de ref. matrim. cap. 2.*

§. XIII. Confirmationem demum hi ritus sequuntur. Episcopus confirmato leuem alapam impingit, qua significatur, christianum militem sortem esse debere in tolerandis, non in inferendis iniuriis. Huius alapae mentio nulla exstat in antiquis monumentis, eiusque primus fortasse meminit Durantus episcopus Mimatenis. Inde episcopus confirmato pacem impertitur: demum confirmati frons diligenter bombyce abstergitur; sed olim loco absterisionis frontes *blandellis*, hoc est vittis lineis, quas per aliquot dies confirmati gestabant, circumligabantur. Sambou. *de sacram. confirm. disp. IX. art. 3.*

C A P V T VIII.

De sacramento eucharistiae, & primum de materia & forma.

§. I. **E***ucharistia* Graecum nomen est, quod proprie gratiarum actionem significat; at frequentiore usu est sacramentum corporis & sanguinis Christi sub speciebus panis & vini ad spiritualem fidelium refectiorem institutum. Christus nempe, dum hoc sacramentum instituit, Deo gratias egit, & inde factum huius sacramenti nomen. Instituit vero Christus eucharistiam in ultima coena; paschae enim conuiuio, quod de more celebravit, veluti secundas mensas addidit ad Iudaeorum imitationem (a): sed loco mystici panis & vini panem & vinum in corpus & sanguinem suum conuertit, ut essent christianis cibus & potus.

§. II. Elementa, unde conficitur eucharistia, sunt panis & vinum. Panis autem nomine venit panis triticeus & communis, vini vero vinum ex uuis expressum. Panis ex tritico, siue azymus, siue fermentatus apta sacramenti materia est. Interim Latini in azymis, Graeci vero & reliqui Orientales (exceptis Maronitis & Armenis, qui azymis utuntur) in fermentato eucharistiam conficiunt (b). Vsum ecclesiae suae singuli tenere debent:

S 3

& qui

(a) Iudaei sacra conuiuia in diebus festis agitare solebant; conuiuio vero addebant veluti mensas secundas, quae ex panem & vino constabant: inde gratias Deo agebant, quod creasset panem ex terra & fructum vitis; quibus omnibus accedebat historiae, quae diei responderet, grata commemoratio. Conf. Scaliger *lib. VI. de emendat.* & Grotius *diff. de coenae administratione. ubi pastores non sunt.*

(b) Fermentati panis usus in sacris mysteriis apud Graecos est antiquissimus, sed an ecclesia Latina panem azymum, vel fer-

& qui aliter faciunt, violatae disciplinae rei sunt. V. Iuenin. *de sacram. diff. IV. quaest. 2. cap. 1. art. 4.*

§. III. Panis in veteri disciplina nullo studio parabatur ad eucharistiam, sed ex nitidioribus panibus, quos christiani ad altare offerebant, desumebatur: inde diligenti cura paratus est, conc. Tolet. xvi. *can. 6.*, & characteres, qui Christum exhiberent, oblati impressi, licet non iidem semper & vbique fuerint. Erat autem panis congruae crassitiei, etiam postquam apud Latinos azymus in-

fermentatum olim adhibuerit, quaestio est obscura & perdifficilis. Iac. Sirmondus contendit, fermenti vsum ostingentos & amplius annos generatim in ecclesia obtinuisse, apud Latinos vero receptum azymum medio inter schisma Photii & turbas Michaëlis Cerularii tempore. Contra Christianus Lupus & Mabillonius ab ipsis ecclesiae primordiis Latinos in azymis eucharistiam celebrasse sentiunt. Medius inter has sententias cardinalis Bona *rer. liturgic. lib. I. cap. 23.* opinatur, Latinos per novem plus minus saecula fermentum consecrasse, sed azymum non respuisse. In tanta virorum doctissimorum discrepantia illud videtur exploratum, fermenti vsum in ecclesia Latina fuisse receptissimum. Sane panis ad eucharistiam ex populi oblationibus desumebatur: populus autem panem communem & consuetum offerebat. Veteres quoque panem eucharisticum veluti communem & fermentatum describunt, Tertull. *lib. II. ad uxorem cap. 5.* Ambros. siue auctor libri *de sacramentis lib. IV. cap. 4.* Et Romani pontifices eucharistiam fermentum appellant. Innocent. 1. *epist. ad Decent. cap. 5.* Nec Christi exemplum, qui in azymis eucharistiam consecrauit, Latinos mouere poterat, vt abiecto fermentato azymum praesferrent; nam Christus id fecit, quod vltimae coenae tempus ex moribus Iudaicis alium panem non suppeditabat. Sed tandem octauo fortasse saeculo coeperunt Latini azymum adhibere: qui vsus sensim creuit; iamque medio saeculo vndecimo Latini tantum in azymis consecrabant: cuius mutationis causa videtur fuisse desueta frequens christianorum eucharistica communio. Nempe exigua panis quantitas sufficiebat, vbi populus raro Christi corpus sumere coepit: cumque azymus facile pararetur, nec aliquo canone esset interdictus, facile in fermenti locum substitutus est. Bona *loc. cit. n. 18.*

inualuit ; at post saeculi vndecimi medium oblatae in formam tenuissimam, quae denarii formam exhibet, abierunt. Card. Bona *rer. liturgicar. lib.I. cap. 23. n. 19.* Vnus vero panis ex veteri disciplina consecrabatur, qui eius erat magnitudinis, vt ex eo fideles communicarent; sed vbi oblatae in tenuem formam abierunt, in Latina ecclesia plures oblatae consecratae sunt, grandior vna pro sacerdote, minores aliae pro reliquis manducantibus : quae minores oblatae adhuc *particulae* audiunt.

§. IV. Vinum in sacris mysteriis non merum, sed aqua mistum offerri debet, idque ex apostolica traditione & exemplo Christi, qui vinum aqua mistum prae-buit. Cyprian. *ep. LXIII. ad Caecil. V. Voss. harmon. euangel. lib. II. cap. 15.* & Grot. in *Matth. cap. XXVI.* Significat autem ex Cypriani sententia aqua vino admista fidelem populum Christo, quem vinum repraesentat, vnitum & adunatum. Sed Gennadius *de eccles. dogmat. cap. LXXV.* aquam vino admisceri scribit, quod ex latere Christi sanguis & aqua effluxerit. Aqua autem vino admista in Christi sanguinem transmutatur, & quidem vi institutionis; Christus enim vinum aqua mistum obtulit; nec recte Thomistae sentiunt, aquam prius in vinum conuerti, inde in sanguinem. V. Druen *de re sacram. lib. IV. q. 2. cap. 3.* Modicum aquae ex noua disciplina est admiscendum; idque fortasse inualuit, postquam in scholis auditum est, aquam prius in vinum conuerti debere, & inde in sanguinem; in veteri enim disciplina duae vini partes & vna aquae admiscebantur. Conc. Triburien. *can. XIX.*

§. V. Quod vero spectat ad verba, quibus elementa panis & vini consecrantur, vulgatum est & in scholis receptum, verba, quibus consecratur panis, esse, *hoc est corpus meum*; & quibus consecratur vinum, *hic est calix sanguinis mei*, vel, *hic est sanguis meus*. Et profecto ex veteribus patribus multi vim consecrationis solis Christi verbis tribuunt. *Acceptum panem*, ait de Christo Tertullianus *lib. IV. aduers. Marcion. cap. 40.*, & distributum discipulis corpus illum suum fecit, dicendo, *hoc est corpus meum*. Idem etiam habent Epiphanius, Gregorius Nazianzenus, auctor operis *de sacramentis* sub no-

mine Ambrosii, Chrysostomus aliique (c). Verum verba ista sollempnia non eodem modo in liturgiis exhibentur, sed alibi ampliora, alibi strictiora; sed additiones & de- tractiones istae sensum non mutant.

§. VI. Iam in eo prae reliquis sacramentis eminet eucharistia, quod etiam reapse continet ipsum gratiarum fontem vberimum Iesum Christum. Etenim vi consecrationis panis & vinum in verum corpus & sanguinem Christi conuertuntur, quod recepto, sed veteri ecclesiae ignoto vocabulo, *transubstantiatio* dicitur: quod fidei dogma Arnaldus, Nat. Alexander aliique theologi nostri contra Lutheranos & Calvinianos multis demonstrarunt. Hinc eucharistia cultu, qui Deo debetur, est adoranda; quod peculiari opere Iac. Boileau contra Dallaeum probatum dedit. Id tamen verum est, in noua disciplina eucharistiae cultum sollempniorem euasisse instituto peculiari corporis Christi festo, sollempni eiusdem processione, & inducta publica eucharistiae ad adorationem expositione: quae tria antiquis patribus ignota erant. Conf. Io. Baptista Thiersus *de expositione venerabilis*.

CA-

(c) Sed alii tenent, ad vim eucharisticae consecrationis & verba Christi & preces ecclesiae auctoritate additas esse necessaria, quam sententiam Petrus le Brun *diff. X. de Armenor. liturg. art. 17. quæst. 2.* & Augustinus Touttè magno veterum patrum & rationum apparatu propugnant. Adserunt, Christum praecepisse, vt quod ipse fecit, ministri facerent; ideoque etiam benedictionem ad vim consecrationis esse necessariam: Christus enim acceptum panem benedixit. Benedictio autem, quam ecclesiae ministri possunt adhibere, non alia profecto est quam oratio. Addunt liturgias omnes & Occidentales & Orientales, quae vel ante vel post Christi verba preces iubent recitari. Demum prouocant ad veteres patres, qui magno numero precibus tribuunt eucharistiae consecrationem. Quod ad me attinet, tutius esse iudico, vt ministri summa pietate etiam preces recitent, & ad eas attendant: etenim Basilus *de Spir. sancto cap. XXII.* aperte docet, praeter Christi verba etiam preces magnam vim ad consecrationem habere.

C A P V T IX.

De ministro eucharistiae, eamque suscipientibus.

§. I. **M**Vnus minister, qui sacram coenam administrat, duabus partibus absolvitur, elementorum consecratione, & eorum dispensatione. Et quod spectat ad eucharistiae consecrationem, eius ministri tantum sunt proprie sic dicti presbyteri, non alii inferiores clerici, aut laici. Sane dum Christus eucharistiam instituit, eius conficiendae potestatem tantum apostolis eorumque in sacerdotio successoribus concessit, *hoc facite in meam commemorationem*. Luc. cap. XXII. 19. Et deinde ecclesia semper docuit, tantum sacerdotes habere eucharistiae conficiendae potestatem: nec eo munere diaconos, multo minus laicos fungi posse. Conc. Nicaen. can. XVIII. Arelat. I. can. 16., Hieronym, *epist. LXXXV. ad Euagr. (a)*. Nempe celebratio eucharistiae continet verum christiani nominis sacrificium, atque ideo sine sacerdote non potest consecrari.

§. II.

(a) Contra catholicam sententiam Rigaltius, Grotius, Boëmerus aliique contendunt, in necessitate & absentia presbyterorum licere etiam laicis eucharistiam consecrare: idque praesertim probant ex Tertulliano *de exhort. castit. cap. VII.*, ubi & laicis sacerdotium tribuit, & in necessitate eucharistiae celebrandae potestatem, *ubi ecclesiastici ordinis non est confessus, & offers & tingis & sacerdos es tibi solus: sed ubi tres, ecclesia est, licet laici*. Locus hic Tertulliani intricatissimus est, & multis quaestionibus causam praebuit. Sed Africanus iste videtur errasse, quod etiam Buddeus *inst. theol. dogm. lib. V. cap. 1. §. 13.* agnoscit: deditque errori causam sacerdotium laicorum, quod eo usque Tertullianus extulit, ut omnia iura sacerdotalia complecteretur, quando erat improprium, & certas tantum functiones continebat: qua de re *par. 1. cap. 2.* dictum est.

§. II. Sed quod spectat ad ministrum, qui a sacerdote consecratam eucharistiam dispensat, is necessario sacerdos esse non debet; dispensatio enim eucharistiae ab ordine sacerdotali necessario non pendet. Sane in veteri disciplina diaconi velut ecclesiae ministri inter missarum sollemnia sanguinem Christi populo tribuerunt, non item corpus, si presbyter praesens esset, nisi vrgeret necessitas, & id facere iuberentur, *Cypr. de lapsis, can. 18. D. 94.* Tandem vero diaconi eucharistiam administrare desierunt, idque videtur factum, vbi sub vna tantum specie Latini eucharistiam sumere coeperunt. Verum si necessitas cogat, etiam hodie diaconi ex episcopi mandato eucharistiam dispensant. V. Nat. Alexandr. *theol. dogm. & mor. lib. II. tract. de eucharist. cap. 4.*

§. III. Itaque in noua disciplina soli presbyteri eucharistiam dispensant; sed non omnes aequali potestate: episcopi enim & parochi iure proprio & ordinario, reliqui vero presbyteri ex episcopi, parochiae delegatione id faciunt. Immo in *Clement. I. de priuilegiis* excommunicantur regulares, qui clericis, aut laicis sine parochorum *licentia speciali* eucharistiam praebent. Sed iam hoc iure vtimur, vt meri presbyteri & regulares in missis, quas celebrant, sine speciali parochorum venia eucharistiam dispensent; sicque ius parochorum ad viaticum & paschalem communionem redactum est. Quum enim eucharistiae distributio pars sacrificii censeatur, veluti sponte sua inualuit, vt fideles in missis priuatis praesentes eucharistiam sumerent. *Espen. par. II. tit. 4. cap. 1.*

§. IV. Qui suscipere possunt eucharistiam, procul dubio christiani sunt, iustitia & caritate praediti, aut qui iusti & digni reputantur. Etenim eucharistia semper tamquam cibus spiritualis habita est, quo vita spiritualis nutritur & fouetur. Hinc christiani ab ipsa illuminatione ad eucharistiam ius consequuntur. Et reapse ecclesia statim a baptismo & consignatione, quae ferme baptismum sequebatur, dedit eucharistiam, vt fideles mystico Christi corpori per aquam inserti, reapse etiam ipsum Christum reciperent; quo spiritualis vita nutriretur. *Caro abluitur, inquit Tertullianus de resurrect. carnis cap. VIII., caro ungitur, caro corpore & sanguine domini vescitur.*

§. V.

§. V. Nec tantum adulti, verum etiam infantes in baptismo ius ad eucharistiam consequuntur. Et sane in utraque ecclesia olim infantes statim post baptismum & confirmationem, aut post solum baptismum ad eucharistiam admissi sunt. Card. Bona *rerum liturgic. lib. II. cap. 19. n. 2.* Stetit in Occidente infantium communio ad decimum secundum usque saeculum, sed inde sensim desuevit; at apud Graecos adhuc vigent antiqui mores. Arcud. *lib. III. de sacram. euchar. cap. 11.* Itaque ex receptis Latinorum moribus pueri tunc admittuntur ad eucharistiam, quum ea mente & aetate sunt, qua Christi corpus possint iudicare: quod episcoporum & parochorum iudicio aestimandum est. Similiter perpetuo amentibus praesentibus moribus eucharistiam non sumunt; at qui ante amentiam sacramentum petierunt, eucharistia donantur, etsi tempore sumtionis delirent, nisi periculum vomitus, expuitionis, aut alterius incommodi timeatur. Nat. Alexand. *theol. dogm. & moralis lib. II. tract. de eucharist. cap. 3. art. 1.*

§. VI. Porro christiani alias digni, etiam dum infirmantur, sumunt eucharistiam, immo diuinum praeceptum de suscipiendo hoc sacramento in periculosis infirmitatibus praesertim obligat. Eucharistia, quae datur morientibus, recepto vocabulo nunc *viaticum* dici solet; licet in antiquis monumentis *spodior viaticum* quidquid morientibus iter in alteram vitam munire possit, denotet. Albaspin. *obser. lib. I. cap. 11.* Datur autem eucharistia infirmis, etsi in peccatis vixerint, modo saltem in infirmitate petant poenitentiam, conc. Carthag. *iv. can. 76.*; desueta enim est vetus disciplina, quae in fine quibusdam peccatoribus etiam poenitentibus pacem, & multo magis eucharistiam denegabat. Etiam non ieiuni periculoso morbo laborantes eucharistiam sumunt, non vero ceteri infirmi, qui in diuturnis morbis pro pietate sua caelesti pane nutrirī petunt. Vt vero eucharistia pro infirmis praesto sit, ex antiquis moribus receptum est, vt in ecclesia conseruaretur (b).

§. VII.

(b) Primis saeculis christiani infirmi videntur sumxisse eucharistiam.

§.VII. Semel in baptismo sumendae eucharistiae quaesitum ius, nisi ex publica causa se indignos faciant, christiani non amittunt. Hinc occulti peccatores, qui palam perunt, eucharistia donari debent: at si clam perant, excludendi sunt, modo minister extra confessionem eorum impietatem nouerit. V. Iuenin. *de sacram. diff. IV. quæst. 6. cap. 7. art. 2.* Contra publici peccatores, etsi palam accedant, excluduntur, publicis enim peccatis se indignos reddiderunt. Itaque publici peccatores ante debent peccatis renuntiare, & publicae offensioni per poenitentiam & alia bona opera satisfacere, & inde ad eucharistiam admitti possunt. Verum in Hispania & Gallia reis ultimo supplicio damnatis etiam recte confessis hodie eucharistia denegatur, quod veteris disciplinae vestigium est.

§.VIII. Quicumque in sacris conuentibus eucharistiam accipiebant, sub vtraque specie panis & vini id fecisse in compertis est. V. card. Bona *rer. liturgic. lib. II. cap. 18.* Sacrificium duabus partibus constabat; hinc iustum visum est, vt praesentes omnes vtrunque participarent. Quin ad absentes & infirmos aliquando sub vtraque specie eucharistia missa est, Iustin. martyr. *apol. II.*, immo in aliquibus ecclesiis & corpus & sanguis Christi in vsum infirmorum adseruata sunt. Optat. *lib. II.* Chrysost. *epist. ad Innocent. pontif.* Data est eucharistia sub vtraque specie in Occidente per duodecim & amplius saecula: inde mos iste sensim desiit; & fortasse primum in

ristiam, quam vel sani in domum suam detulissent, vel presbyteri apud se in eum finem conseruarent. Aliquando in priuatis aedibus, vbi infirmi erant, ad eos tanto sacramento munientes, consecrata est. V. Bingh. *lib. XV. orig. eccles. cap. 4. §. 10.* Communior vero vsus post pacem ecclesiae datam fuit, vt in ecclesiis eucharistia seruaretur: eamque multae ecclesiae seruabant in altari, cuius rei causa alicubi suspensae erant columnae aureae, vel argenteae. Aliae vero ecclesiae habebant ad seruandam eucharistiam turriculas quasdam mobiles, quas vel prope altare in sacrario, vel in secretario reponebant, vnde, quando opus erat, in altare deferbantur. V. Chardon. *in historia sacramentorum lib. I. sect. 3. cap. 10.*

in ecclesia Hierosolymitana peregrini, qui magno numero confluebant, sub panis tantum specie coeperunt eucharistiam accipere, quod Petrus de Marca observat. Sed Orientales adhuc persenerant in antiquis institutis, accipiuntque paruo cochleari panis consecrati particulas sanguine perfusas.

§. IX. Porro veteri stante disciplina quotquot eucharistiam manducabant, vel in ecclesia, vel domi suae id facere solebant (c); nunc vero omnes exceptis infirmis in ecclesia eucharistiam comedunt. Sumebant vero christiani in ecclesia eucharistiam tempore communionis; participatio enim eucharistiae tamquam pars sacrificii, cui adstantes omnes communicare censentur, spectatur: & hinc non permisit vetus disciplina, ut eucharistiam in ecclesiis servuari consuetam extra synaxim sani sumerent. Et *consuetudo hodierna*, inquit Morinus *de ministr. poenit. lib. VIII. cap. 14. n. 2.*, corpus Christi propter fidelium communionem reservandi, recens est, a monachis mendicantibus primum introducta, deinde ab aliis plerisque usurpata: idque contra ipsius missae oeconomiam & ecclesiae mentem.

§. X. Nec tantum christianis eucharistia cibus animae erat, verum etiam cum mortuis olim sepeliri consuevit: quod a S. Basilio ac S. Benedicto reapse factum vitae Basilii scriptor, quem Amphilochem dicunt, & Gregorius M. lib. II. dial. 24. testantur. Et quamvis deinceps synodus Trullana can. LXXXIII. eucharistiam cum mortuis sepeliri vetuerit, tamen adhuc saeculo decimo secundo antistites apud Graecos cum eucharistia tumulabantur, quod Balsamon testatur in cit. can. Trullan. Sepulta autem videtur Balsamoni cum mortuis eucharistia ad auer-
tendos malos daemones, & ut ea veluti viatico antisti-
tes

(c) Christiani in veteri disciplina non solum eucharistiam in ecclesia manducabant; sed eam ab antistite acceptam domum deferre solebant; ut diebus, quibus sacra synaxis non habebatur, caelesti alimonia nutrirı possent: qui mos tempore persecutionum inualuit, & postea diu stetit. V. Card. Bona *rer. liturg. lib. II. cap. 17. n. 4.*

tes ad caelum deducerentur. Certe S. Benedictus ad quietem cadaueri procurandam, monachi corpus, pectori imposita eucharistia, sepeliri iussit.

C A P V T X.

De effectibus & necessitate eucharistiae.

§. I. **I**N eucharistia Christum ipsum veluti in cibum & potum christiani sumunt. *Caro mea vere est cibus, & sanguis meus vere est potus.* Ioan. VI. 56. Itaque fideles Christo per eucharistiam veluti incorporantur, & vitam spiritualem in Christo viuunt. Hinc eucharistia vberem gratiam elargitur, qua vita spiritualis christianorum fouetur. Et quemadmodum cibi corporales augent corporis vires, & deficientes continuo reparant; ita eucharistia auget vires vitae spiritualis, & contra futuros lapsus & diaboli tentationes munit & sustentat. Tum vero eucharistia nutrientem gratiam elargitur, si suscipientes satis probati eam comedant (a).

§. II. Probatio autem, quae eucharistiae praemittenda est, vel ad animam, vel corpus spectat. Et quod spectat ad animae probationem, qui grauiorum peccatorum rei sunt, etsi contriti sibi videantur, debent per poenitentiae sacramentum se ad eucharistiam disponere, praeterquam si sacerdotes, qui ex officio ad missae celebrationem

nem

(a) Eucharistia cibi & potus instar est, ac proinde non operatur, nisi manducetur & bibatur. Ioan. VI. 55. Manducare autem & bibere homines censentur, si cibum & potum ore exceptum in stomachum traiciant. Hinc damnatus ille mos, quo in Africa, Gallia & Graecia mortui eucharistia donabantur. Conc. Carthag. III. can. 7. Antissiodor. can. XII. Trull. can. CXXXIII. Et satis recens est, nec ratione aut auctoritate sulsa deuotio illa, qua pro aliis eucharistia sumitur. Nat. Alexand. *sbeel. dogm. & moral. lib. II. tract. de eucharist. cap. 3.*

nem adstringuntur, necessitate ad celebrationem vrgeantur, & minister poenitentiae desit: quo casu non praemissa confessione licet celebrare, modo inde quamprimum confiteantur. Trident. *ses. XIII. cap. 7.* Sic per poenitentiae sacramentum a peccatis fideles soluti, porro curare debent, vt per bona opera in iustitia & caritate crescant, & ita demum ad panem angelorum accedant. Et certe non probant boni theologi, vt statim a confessione ad altare christiani procurrant, saltem si grandia aut impuritatis crimina admiserint. V. Iuenin. *de sacram. diff. IV. q. 8. cap. 1. art. 1.* Quae doctrina veteri disciplinae ad amissum conuenit: vetus enim ecclesia peccatores a peccatis solutos diu inter consistentes in solis precibus sine oblatione, atque ideo sine eucharistia, communicare faciebat.

§. III. Corporis probatio eucharistiae praemittenda in primis requirit, vt fideles saltem a media nocte proxime elapsa ieiuni sint, ita vt nihil cibi aut potus, nec ad instar medicinae, sumserint: quae regula ecclesiastica est, non a Christo profecta. Christus enim post paschale conuiuium apostolis praeiuit eucharistiam: & ecclesia primis saeculis sacra mysteria post agapas, quae erant sacra conuiuia post vesperam agitari consueta, videtur celebrasse: quod Estius, Suicerus, Caneus alique obseruant. Ieiunium eucharistiae praemitti coeptum est, vbi sacra mysteria ab agapis separata horis matutinis celebrata sunt: quae disciplina secundo saeculo iam inceperat vsurpari: quod ex Iustino martyre *apolog. II.* constat. Et decebat quidem christianos omnino ieiunos eucharistiam sumere: quod omnium primum de regno Dei solliciti esse debemus. Quod si Christus apostolis eucharistiam post coenam dederit, id fecit, non vt inde ecclesia regulam sumeret, sed quod ita redemptionis nostrae oeconomia postulabat. Verum eucharistia in viaticum infirmis etiam non ieiunis datur. Porro christiani eucharistiam manducaturi corpore ab aliquo tempore casti & ab omni carnis impuritate etiam licita puri esse debent. V. Iuenin. *de sacram. diff. IV. q. 7. cap. 1. art. 2. §. 2.*

§. IV. Explorati iuris est, eucharistiam ad salutem absoluta necessitate non requiri, ita vt sine eius vera sum-

sumptione nemo vitam aeternam consequi possit. Dogma enim fidei est, hominem, statim a baptismo vita excurrentem, caelestis gloriae participem fieri: item certum est, solo baptismi desiderio vitam aeternam homines consequi, ubi baptismi copia non est. Hinc verba Christi apud Ioan. VI. 44., quibus vita aeterna denegatur christianis, nisi manducauerint carnem filii hominis, & biberint eius sanguinem, ex patrum sententia mysticam eucharistiae perceptionem, quae in baptismo obtinetur, veluti medium salutis proponunt, non eucharistiae veram summionem tamquam omnino necessariam indicunt. Nat. Alexand. *theol. dogm. & moral. lib. II. tract. de eucharist. cap. 1.*

§. V. Quamuis autem vera eucharistiae perceptio absolute necessaria non sit; tamen ex diuino & ecclesiastico praecepto fideles omnes, qui ratione vtuntur, ad eius summionem obligantur. Et quod spectat ad diuinum praeceptum, ipse Christus, qui eucharistiam instituit, eius summionem praecepit. Luc. XXII. 19. Satisfaciunt vero huic diuino praecepto laici & clerici non sacrificantes, si corpus Christi tantum sumant; nullum enim exstat diuinum praeceptum, quo non sacrificantes ad ambarum specierum summionem compellantur. Trident. *sess. XXI. cap. 1.* Et certe per summam iniuriam adfirmant recentiores haeretici, ecclesiam Romanam errare, & grandis sacrilegii ream esse, quod eucharistiae symbola diuiserit, & laicis vsum calicis subtraxerit (b). Quod si vetus ecclesia sub
vtraque

(b) Multis probant theologi, nullum esse diuinum praeceptum, quo christiani omnes ad vtramque eucharistiae speciem obligentur; in quam sententiam nos pauca ex antiquitate referemus. In primis christiani solam panis speciem in domum suam detulerunt. Card. Bona *rer. liturgic. lib. II. cap. 17. n. 4.* Item ad infirmos modo sub vna panis specie, modo sub vtraque eucharistia delata est. Chardon. *in histor. sacrament. lib. I. sess. 3. cap. 5. art. 2.* Porro in missa praefanficatorum in vtraque ecclesia eucharistia in solo pane data est: & si corpus Christi in vini non consecrati calicem iniectum sit, communio sub vtraque specie dicenda non est; nam per contactum species non consecrantur.

utraque specie christianis omnibus in sacris conuentibus eucharistiam dederit ; id non erat ex diuino praecepto , sed ad disciplinam pertinebat , quod peculiari opere Bosuetius illustrat .

§. VI. Iam vero non semel , sed saepius in vita ex diuino praecepto adulti obligantur ad eucharistiam suscipiendam . Est quidem eucharistia animae cibus : vita vero spiritualis saepe indiget cibo , quo sustentetur , & paulatim deperditae vires reparentur . Hinc primis saeculis christiani , quorum erat cor vnum & anima vna , quotidie eucharistiam manducabant : quod cardinalis Bona *rerum liturgicar. lib. II. cap. 17. Grancolas in veteri sacramentario par. I.* aliique multi demonstrarunt . Quotquot enim sacris mysteriis intererant , eucharistiam sumebant , & porro eam in domum deferrebant , vt quibus diebus sacra synaxis non fieret , domi suae possent Christi corpus manducare . V. card. Bona *loc. cit. n. 4.* Vigebat initio quinti saeculi Romae & in Hispania quotidiana communio , quod Hieronymus *ep. L. ad Pammach.* testatur . Et Augustinus *ep. CXVIII. ad Ianuar.* refert , varias in Africa fuisse de quotidiana communione sententias , nec , cui ipse adhaeret , declarat . Ceterum vbi ecclesiae pax data est , caritas paulatim deferbuit , atque ita sensim frequens eucharistiae sumtio desuevit : qui mores saeculo sexto in plerisque ecclesiis obtinebant .

§. VII. Quando autem rarior facta est eucharistiae communio , locus esse potuit ecclesiastico de ea sumenda praecepto , quo ius diuinum restituebatur . Saeculo sexto synodus Agathensis *can. XVIII.* & Turonensis *III. can. L.* saeculo nono laicos ter per annum eucharistiam sumere praecipuat , in natali domini , pascha & pentecoste . Sed saeculo decimo & sequenti tantum non omnino lapsa pietate , nec stare potuit praeceptum , quod ter in anno sumendam praecipiebat eucharistiam . Hinc in synodo Lateranensi *IV.* decretum est , vt omnis vtriusque sexus ratione vtens semel saltem quotannis proprio sacerdoti peccata sua confiteatur , & ad minus in pascha sacramentum eucharistiae suscipiat , alias excommunicetur , *cap. 12. ex. de penitent. & remissionibus* : quam regulam inde Tridentini patres *ses. XIII. de eucharist. can. 9.* con-

firmarunt. Itaque ecclesiastico praecepto satisfacit, qui saltem paschali tempore in propria paroecia, aut in ecclesia cathedrali, aut de proprii pastoris venia in alia ecclesia eucharistiam manducat. At interim exoptat ecclesia, ut fideles frequenter ad sacram mensam accedant. Trident. *ses. XIII. cap. 8.*

C A P V T XI.

De missarum celebratione.

§. I. **N**omen *missa* non Hebraicum, nec Germanicae originis, sed Latinum est, a mittendo seu dimittendo populo factum; atque adeo *missa* eadem est ac *missio* siue dimissio, quod cardinalis Bona *ver. liturgic. lib. I. cap. 1.* multis probat. Nimirum dum sacri conuentus celebrabantur, variae fiebant dimissiones, quibus quotquot morari amplius non poterant, vel fideles omnes dimittebantur, a quibus dimissionibus integro officio *missae* nomen inditum est. Et quoniam omnibus sacris officiis finitis fiebant dimissiones, hinc officia omnia in ecclesiis celebrata *missae* dicebantur: & hinc *missae matutinae* & *vespertinae* erant matutini & vespertini conuentus. Sed Graeci omnia sacra officia vocant *λειτουργίας*, quasi publica ministeria. Verum posteriore aetate *missae* nomen admodum restrictum est: recepta enim notione fere tantum denotat integram eucharistici sacrificii celebrationem, quo sensu de *missa* deinceps agemus.

§. II. Officium eucharisticum certo precum ordine semper in ecclesia celebratum est (a), in quibus verba Christi eu-

(a) Sed quatenus primitus fuerint preces istae verbis Christi additae, plane non constat; quamvis certum videatur, earum ordinem fuisse simplicem; nec adeo longum. Certe saeculo secundo liturgia erat simplicissima, teste Iustino martyre *ap. II.* Collectis vndique die dominico christianis, primum legebantur scri-

eucharistiam instituentis principem locum obtinebant; sed non vno & perpetuo in omnibus ecclesiis ritu. Hinc episcoporum auctoritate variae exortae liturgiae: quales apud Graecos liturgiae S. Basilio & Chrysostomo tributae. In Occidente sensim vnus prouinciae ecclesiae ad ordinem ecclesiae metropolitanae se conformarunt, conc. Agath. *can. XXX. Tolet. v. can. 2.*, quod sane aequum erat ad precum vnitatem inducendam. Inde imperio Occidentis in plura regna dissecto, ortae sunt liturgiae singulis nationibus peculiare, quales Gallicana & Hispanica, quam *Mozarabicam* appellant (b). In Italia erant liturgiae Romana & Ambrosiana, quarum ista Mediolanensis ecclesia, illa Romana & inde pendentes ecclesiae utebantur. Sed tandem ferme omnes Occidentis ecclesiae instantia & opera Romanorum pontificum, qui semper muneris sui esse crediderunt, ecclesiae suae ritus longe lateque diffundere, proprias liturgias reliquerunt, & vario tempore Romanam amplexae sunt (c). Adhuc ta-

T 2

men

scripturae, deinceps habebatur sermo, sequebantur communes preces, fiebant panis & vini oblationes, oblata consecrabantur, inde cuique praesenti distribuebantur, absentibus vero mittebantur per diaconos. Cui ordini si conferantur liturgiae, quae Iacobi, Matthaei & Marci nomen praeferunt, facile apparebit, eas apocryphas esse; adeo a Iustini simplicitate distant. V. Nicol. de Nourry *appar. ad biblioth. maximam veter. patrum diff. II. cap. 2.*

(b) Occupata ab Arabibus Hispania, christiani, quod essent Arabibus, permixti, *Mislarabes*, & corrupta voce *Mozarabes* audierunt.

(c) Romana liturgia non semper eadem fuit. Postquam sedes apostolica negotiorum multitudine obruta est, duplex in viue fuit diuini officii modus, vnus breuior, quo Romana curia, siue capella pontificis, utebatur, alter prolixior pro ceteris ecclesiis vrbis, qui proprie *Romanus ritus* dicebatur. Ex his duobus officiis fratres minores officium curiae amplexi sunt. Et Nicolaus III. mandauit, vt ecclesiae vrbis *utrentur libris & breuiariis fratrum minorum*, & inde libri liturgici Franciscani fuerunt. Conf. card. Bona *rer. liturgic. lib. I. cap. 7. n. 7.* ...

mien pristinae disciplinae supersunt reliquiae, nam ecclesia Mediolanensis retinet ritum Ambrosianum, & aliquot ecclesiae Hispanicae vsurpant Mozarabicum.

§. III. Quaecumque vero fuerint veteres liturgiae, illud certum est, illas, vt reliqua omnia diuina officia, lingua vulgari & cuiusque gentis propria fuisse celebratas, quod ex Origene *lib. VIII. contra Celsum*, Cassiodoro in *psalm. XLIV.* aliisque multis veteribus monumentis constat. Sane diuina omnia officia ad hominum institutionem & pietatem fouendam pertinent; ac proinde lingua, quae esset omnibus nota, debuerunt celebrari. Primus Gregorius VII. saeculo vndecimo videtur prohibuisse, vt ecclesiastica officia lingua vulgari fierent, quod Fleuryus *lib. LXIII. hist. eccles. n. 8.* obseruat. Id autem factum tradunt, vt maior sacris officiis accederet veneratio, & ne ex frequenti linguarum mutatione sententiae ipsae mutarentur. Sed recte Fleuryus *disc. III. in hist. eccles. n. 24.* monet, ecclesiastica officia & veram religionem eo magis aestimari, quo melius cognoscuntur & intelliguntur. Et deinde vbi diligentia adhibetur, integrae sententiae in nouas linguas recte possunt transferri, dum interim diligenter autographa adseruantur, quo ad eorum fidem versiones possint expendi.

§. IV. Missa proprie sic dicta duas ex veteri disciplina continet partes, quarum prima *missa catechumenorum*, altera *missa fidelium* appellatur. Missa catechumenorum preces omnes ante oblationem complectebatur, veluti psalmodiam, scripturarum lectionem, praedicationem & preces pro catechumenis, poenitentibus & energumenis fieri solitas. Huic missae vsque ad praedicationem omnes, etiam ethnici, poterant interesse, conc. Carthag. VI. *can. 84.*, sed praedicatione finita audientes mittebantur; & inde fiebant preces pro catechumenis, poenitentibus & energumenis, qui precibus finitis ordine suo etiam dimittebantur. A catechumenis haec missa nomen videtur accepisse, quod maior fuerit catechumenorum, quam poenitentium numerus: quod Vicecomes *lib. VI. de missae ritibus cap. 1.* docet. Missa fidelium incipiebat ab oblatione, & preces omnes vsque ad finem complectebatur: & in ea solis christianis, qui in precibus, vel in precibus

bus simul & oblatione communicabant, licebat interesse. Hinc antequam inciperet, clamabat diaconus, *alii alios noscite*. Chrysoft. *hom. I. contra Iudaeos*. Verum in nova disciplina nulla est sollemnitas missae catechumenorum, ubi enim nulli ferme fuerunt infideles, & baptismi & poenitentiae mutata est disciplina, qui usus esse poterat missae catechumenorum?

§. V. Porro missa alia est *publica*, alia *privata*. Publica missa apud veteres ea praesertim erat, ad quam populus cum suo pastore conveniebat, & in precibus & oblatione communicabat, clerici vero adstant concelebrantes, & suorum ordinum officia exercentes (d). Hinc missa haec *collecta* & *synaxis* veteribus dicebatur, quod fideles colligerentur ad offerendum, & in precibus & eucharistia communicandum. Et certe totus missae ordo populum praesentem & communicantem supponit. Sed labentibus annis quum populus plane desisset frequenter eucharistiam sumere, missa publica seu *conventualis* & *canonica* ea dicta est, quae cum cantu & caerimoniarum apparatu celebratur, quamvis nemo aut pauci ex fidelibus ad sacram mensam accedant.

§. VI. Privata missa ea est, quae sine cantu & caerimoniarum apparatu a solo sacerdote celebratur, vno dumtaxat ministrante, siue pauci alii, siue nulli intersint, siue solus sacerdos, siue alii etiam eucharistiam su-

T 3

mant

(d) Nimirum non tantum clerici missae praesentes erant, sui ordinis munia implentes; verum etiam presbyteri celebranti adhaerebant & concelebrabant, & eiusdem sacrificii participes erant: quem ritum late adstruit Morinus *de sacris ordinationibus par. III. exercit. 8. cap. 1.* Certe apostolicae sic dictae constitutiones *lib. VIII. cap. 11. seqq.* episcopum sistunt sacris operantem cum presbyteris circumstantibus, offerentibus & communicantibus. Concelebrantes autem presbyteri etiam mystica consecrationis verba proferebant, quod aperte tradit Amalarius *lib. I. de offic. cap. 12.* Apud Graecos adhuc viger concelebratio, sed apud Latinos iamdiu desit, tantumque eius vestigia in missa, qua ordinantur episcopi & presbyteri, supersunt.

mant (e). Priuatae missae perpetuus vsus in ecclesia fuit, quod probat cardinalis Bona *rer. liturgic. lib. I. cap. 14.*, vt proinde haeretici recentiores non recte eam veluti novam & contra missae oeconomiam traducant. Illud tamen verum est, in noua disciplina in immensum numerum creuisse priuatas missas: qui mos inualuit, postquam frequens populi eucharistica communio desuevit, & fideles coeperunt sacerdotibus stipendia offerre, vt pro singulis sacrificium facerent: ex quo etiam originem habuerunt tot legata missarum celebrandarum. Verum etiam hodie exoptat ecclesia, vt fideles, qui missae interfunt, vere eucharistiam sumant. Trident. *ses. XXII. de sacr. missae cap. 6.* Et certe parum conuenit cum missae oeconomia mos ille, qui fidelium aditantium communionem post missam reiecit.

§. VII. Iam missa strictè sic dicta continet proprium & verum christianae religionis sacrificium, quod dogma fidei est. V. Iuenin. *de sacram. diss. V. q. 1. cap. 2. & 3.* Sôli Deo, non angelis & sanctis missae sacrificium offertur; ad cultum enim vni Deo debitum, qui Graeco *λατρεία* dicitur, sacrificiorum oblatio pertinet. Deo autem offertur pro omni- bus hominibus etiam ethnicis & excommunicatis; praesertim vero offertur pro viu- libus

(e) Distat autem a missa priuata *missa solitaria*, quam nemine ministrante & praesente sacerdos vnus idemque celebrat. Id missae genus octauo saeculo a monachis inuentum est, vt in suis solitariis cellis propriae deuotioni, seu simplicitati satisfacerent, tum reliqui saeculares presbyteri siue ignorantia, siue avaritia adripuerunt. Sane solitaria missa omnino aduersatur missae oeconomiae: & hinc facti canones missas solitarias statim inuentas prorsus eliminarunt, quod absurdum erat, sacerdotem, qui solus celebrabat, dicere, *dominus vobiscum, sursum corda, gratias agamus, oremus.* Conc. Paris. vi. *lib. 1. cap. 48.* Nannat. *ap. Iuon. par. III. cap. 7.* Et inuitis profecto sacris canonibus Petrus Damianus missas solitarias veluti probas adseruit satis mystica ratione, quod ecclesia est vna in multis, & tota in singulis, atque ideo solitarios dicentes *dominus vobiscum*, vniuersam ecclesiam salutare.

libus, & pro mortuis in domino, sed non plene expiatis (f). Prodest vero sacrificium missae iis, pro quibus offertur, ad peccatorum remissionem, & ad alia, quorum indigent, bona, sed quatenus per fidem & propriam dispositionem capaces sunt; nam sacrificium missae, effectum quod spectat, infiniti valoris non est. *Non enim*, inquit Petrus Soto de *sacrif. missae lect. VII.*, *quantum celebrans intendit, aut vult, consequitur is, pro quo celebrat, sed quantum sua fides & deuotio digna vel capax est*. Sed haec potius theologorum sunt.

§. VIII. Iam vero generalis in ecclesia mos obtinuit, vt finita catechumenorum missa fideles ad altare panem & vinum offerrent. V. card. Bona *rerum liturgic. lib. I. cap. 23. (g)*. Receptis oblationibus nomina offerentium per diaconos ab altari solebant recitari. Hieronym. in *Ierem. XI. lib. 2*. Non omnes tamen christiani ad altare offerre tenebantur, sed tantum qui poterant, & diuites erant, Cyprian. de *operib. & eleemosyna*: & praeterea reiciebantur oblationes eorum, qui in eucharistia non communicabant, quorum numero erant poenitentes *consistentes* dicti, vtpote qui in precibus sine oblatione communicabant. Ex his oblationibus panis & vinum ad eucharistiam desumebantur, quod multis tradit mox laudatus

T 4

car-

(f) Immo & pro sanctis in caelo regnantibus sacrificia de veteri more offeruntur. Sed pro sanctis oblata sacrificia sunt laudes & gratiarum actiones in Deum, qui sanctos illos coronauit. *Iniuria est*, inquit Augustinus *serm. XVII. de verbis apostoli*, *pro martyre orare, cuius nos debemus orationibus commendari*. Ceterum in veteri disciplina non semper in gratiarum actionem pro mortuis in domino oblata sunt sacrificia, sed aliquoties, vt citius in resurrectione partem haberent; etenim non adhuc omnium dogmatum nostrorum detecta veritate, aliqui opinionem de milliarensi regno Christi in terris ante diem iudicii fouebant, in quo fidelium alii citius, alii tardius, prout vixerant, resurgere & partem habere credebantur.

(g) Nouae quoque spicae & vuae ad altare offerebantur, *can. IV. apostol.*, & tempore baptismatis etiam lac & mel, quae neophytis dabantur degustanda, *can. XXXVII. C. Afric.*

cardinalis Bona *loc. cit. n. 13.*, reliquum vero alendis clericis & pauperibus inferuiebat.

§. IX. Sollemnes ad altare panis & vini oblationes diu factae sunt; at ubi apud Latinos panis azymus ad eucharistiam adhibitus est, qui a clericis parabatur, desierunt; earumque loco farina, unde panis eucharisticus fieret, oblata est: immo paullo post nummi oblati sunt: quod Honorius Augustodunensis in *gemma animae cap. LVIII.*, qui saeculo decimo secundo medio scribebat, aperte testatur. Verum nummi in pauperum aut sacrificii usum oedebant, quod expresse Augustodunensis addit. Constat quoque ex Petro Damiano *lib. V. epist. 13.* turpe tum fuisse, sacerdotes in usum proprium vertere pecuniam oblatam. Sed haec puritas non diu sterit, & sacerdotes acceptos nummos in usum proprium verterunt, praesertim quando in locum oblationum successisse videbantur. Atque ex hac pecunia originem habet hodiernum missae honorarium, seu stipendium, quod & ante & post missam offerri potest: quodque si pia oblationis & eleemosynae loco sit, sine vitio a sacerdotibus accipitur. Sed de honorario missae consulendus Espenius *par. II. tit. 5. cap. 5. & seq.*

§. X. Receptis missarum stipendiis vna inualuit, ut missae pro singulis speciatim offerrentur, earumque exuberans fructus vni offerenti stipendium priuatim prodesset. Veteri stante disciplina vni sacrificio fideles intererant, offerebant, & in commune participabant, illudque pro omni & ab omni ecclesia offerebatur, nec vllus fidelium diffidebat, ne sua meritorum portio minueretur, si alii, si complures accederent; oblata enim hostia inexhaustum gratiarum fontem continebat, quod Thomassinus *de vet. & noua eccles. disciplina par. III. lib. 1. cap. 71. n. 8.* obseruat. At labentibus annis ubi desueverunt ad altare oblationes, & stipendia missarum recepta sunt, sic missae offerri consueverunt, ut earum potior fructus vni offerenti stipendium cederet. Hinc tot missarum legata & anniuersaria, hinc missarum priuatarum numerus immane quantum excreuit: hinc desit apud Latinos concelebratio. Verum non ex eo quod passim missae pro singulis offerantur, idcirco non omnibus prosunt: etenim etiam hodie pro to-

ta ecclesia sacrificium offertur, etsi sacerdos speciatim pro vno celebret, quod Tridentini patres *ses. XXII. cap. 6.* docent: tantum ille, pro quo speciatim offertur, vberiorum fructum capit, modo sacrificii fructus capax sit.

§. XI. Quamuis autem etiam in noua disciplina missae, quae speciatim pro vno celebrantur, toti ecclesiae profint; tamen tenentur sacerdotes pro eo speciatim sacris operari, a quo eleemosynam acceperunt; nec licet pro pluribus missis stipendia accipere & missam vnā celebrare. Fidem enim suam adstringunt sacerdotes, vt pro vno missam offerant, nec licet venire contra pacta: & deinde damnanda est sacerdotum auaritia, qui facile in quaestum missae celebrationem verterent, si pro pluribus stipendiis vnā missam liceret celebrare. Et merito Alexander VII. eam damnauit sententiam, quae ferebat, nec contra iustitiam, nec contra fidelitatem esse *pro pluribus sacrificiis stipendium accipere & sacrificium vnum offerre*. Hinc obligatus ad missae celebrationem ratione beneficii aut capellaniae, non potest pro eadem missa eleemosynam accipere, quod sacra congregatio declarauit. Quod si missarum numerus adeo excreuerit, vt non omnes possint celebrari, aut si redditus earum stipendiis addicti deminuti sint, potest ecclesia numerum missarum moderari, aut eas ad receptam taxationem reducere. V. *Espen. par. II. tit. 3. cap. 7.*

§. XII. Iam ex praecepto ecclesiae tenentur christiani diebus dominicis & festis missae interesse. Missa autem, cui christiani debent interesse, est publica, quae in propria paroecia celebratur; haec enim eo spectat, vt fideles pastori adhaereant suo, atque vno ore & spiritu Deum precentur; parochus vero pro grege sibi commisso sacrificium offerat. Hinc statuunt canones, vt *nullus presbyter alterius parochianum, nisi in itinere fuerit, vel placitum, hoc est litem, ibi habuerit, ad missam recipiat*. Conc. Nannat. *can. V.* Stetit haec obligatio integra ad saeculum decimum tertium, at deinceps opera praefertim mendicantium laxata est; hi enim docere coeperunt, per priuilegia suis ordinibus concessa iuri, quod sacra parochialia frequentare iubet, fuisse derogatum: quare (quod merito mireris) controuersiam in Germania

nia quibuldam episcopis & parochis fecerunt. Et quamvis victores in lite non fuerint, *extranag. 2. de tregua & pace inter communes*, tamen sententiam non deposuerunt: & hinc apertis mendicantium ecclesiis vix erat, vt obligatio audiendae missae parochialis suis viribus consisteret. Quo factum, vt fideles non amplius cogantur diebus dominicis & festis ad missam parochialem. Interim Tridentini patres *ses. XXII. in decr. de celebrat. missae* docent, monendum esse fidelem populum, *vt. frequenter ad suas parochias saltem dominicis & maioribus festis accedat.*

§. XIII. Primis ecclesiae saeculis non omni die mysteria sacra fiebant. Solius diei dominicae Paulus apostolus *1. ad Cor. XVI.* & Iustinus martyr *apol. II.* meminerunt. Sed inde pace ecclesiae data etiam aliis per hebdomadam diebus missa celebrata est, quamvis non eadem vbique disciplina fuerit. *Alibi*, inquit Augustinus *epist. CXVIII. ad Ianuarium*, *nullum diem praetermissum, quo non offerretur, alibi sabbato tantum & dominico, alibi tantum dominico.* Sed iamdiu obtinet apud Latinos, vt omnibus diebus praeter feriam sextam & sabbatum maioris hebdomadis sacra mysteria fiant. Graeci vero non celebrant per quadragesimam, exceptis sabbatis, dominicis & festo Annuntiationis: ieiunium enim cum celebratione eucharistiae, quae laetitiam christianis ingerit, non bene conuenire putant. Quibus vero diebus Graeci non celebrant, adhibent missam *praefanctificatorum*, hoc est corporis Christi ante consecrati, qua etiam Latini feria sexta maioris hebdomadis vtuntur.

§. XIV. Diebus liturgicis vno eodemque die idem sacerdos plures missas celebrabat, idque vel quia fideles erant, qui missae non interfuerant, vel quia idem presbyter duas ecclesias regebat, vel quia eodem die plura occurrebant officia, vel festa, quod cardinalis Bona *rer. liturgic. lib. I. cap. 18.* & Martene *de sacr. eccles. ritib. lib. I. cap. 3. art. 3.* pluribus probant. Ita in natali Domini, calendis Ianuarii, in coena domini, in pascha, in rogationibus, in ieiuniis post pentecosten, in festo apostolorum Petri & Pauli, S. Ioannis Baptistae, S. Laurentii aliorumque nonnullorum plures missae, & quidem ab eodem sacerdote fiebant, quot nempe erant officia,
vel

vel festa, quae in diebus occurrebant. Immo etiam pro arbitrio sacerdotum olim plures missas licebat celebrare, quod Walfridus Strabo *cap. XXI.* testatur. Sed tandem decimo secundo saeculo plures eodem die ab vno sacerdote missas celebrari interdictum est, *can. 53. D. 1. de consecratione, cap. 3. ex. de celebr. missarum*, die natiuitatis domini, casu necessitatis aliisque paucis speciebus exceptis; vbi enim missarum stipendia inducta sunt, ad turpem quaestum numero missarum mali sacerdotes abutebantur, nec amplius necesse erat, vnum sacerdotem pluries sacris operari, quando singuli sacerdotes seorsum celebrabant.

§. XV. Celebrari autem debet sacra liturgia in ecclesiis consecratis, aut saltem iussu episcopi benedictis. Quod si necessitas sacra mysteria in ecclesia fieri non permittat, quouis commodo & decenti loco recte celebrantur. Hinc vbi in christianos persecutiones insaeuiebant, *ager, solitudo, nauis, stabulum, carcer inslar templi, ad sacros conuentus peragendos, fuit*, quod Dionysius Alexandrinus *ap. Euseb. lib. VII. cap. 22.* testatur. Praeter regulam quoque in priuatis sacellis sacra mysteria celebrantur, *can. 35. D. 1. de consecr.* Sunt priuata sacella aedes sacrae, quae ordinarium populi conuentum non habent: quin passim nobiles priuilegiis obtinuerunt domi suae sacella, in quibus missae celebrarentur (h).

§. XVI. Quod vero spectat ad tempus missae celebrandae, vbi primum ecclesia pacem accepit, certa hora diei naturalis missae faciendae dicta est (i); & quidem diebus

(h) Nec tantum in sacellis domi constitutis permissa est missae celebratio; verum etiam pontifices & episcopi mendicantibus & saecularibus presbyteris saepe dederunt, vt quouis loco in altari mobili sacrificium offerrent. Sed tandem Tridentini patres *ses. XXII. decr. de celebr. missae*, altaria mobilia omnino sustulerunt.

(i) Tempore apostolorum eucharistia post vesperam solebat celebrari, adhaerebat enim agapis, quae noctu agitabantur. Sed inde quum agapae sine eucharistia celebrari coeptae sint, missae & noctis tempore & claro die celebratae sunt, prout ab inimicorum infidiis licebat christianis conuenire. Tertull. *de cor. cap. III.*

bus dominicis & festis hora tertia matutina, diebus ieiuniorum per annum nona, in ieiuniis vero quadragesimae vespertina. V. card. Bona *rer. liturgic. lib. I. cap. 21.* Ieiunium enim & luctus stare non poterant cum laetitia, qua per eucharistiae celebrationem & sumtionem christiani perfundebantur: & hinc in diebus ieiuniorum eucharistiae celebratio ad horam, qua ieiunia soluebantur, dilata est. Et certis temporibus etiam missae noctu celebratae sunt, veluti in nocte natalis domini, in vigiliis paschae & pentecostes, & in diebus ordinationum. Sed temporis lapsu ieiuniorum desueta disciplina, tantum vestigia quaedam antiquitatis in sollemnis missae celebratione supersunt; etenim missa publica siue sollemnis in diebus festis duplicibus & semiduplicibus, in dominicis & infra octauas dicta in choro hora tertia, in festis simplicibus & feriis per annum dicta sexta, in aduentu & in diebus ieiunii dicta nona celebratur. Missa vero priuata ab aurora ad meridiem recte celebratur. Et ex missis nocturnis ferme sola missa natalis domini superest.

§. XVII. Vt vero hanc de celebratione missarum tractationem absoluiamus, de agapis aliquid dicere oportet. Erant *agapae* conuiuia sacra caritatis, amoris & religionis plena, quae christiani expensis diuitum inter se mutuo in ecclesiis agitabant: nomenque sortitae sunt ab amore & caritate, qua christiani se mutuo complectebantur. Tertull. *apol. cap. XXXIX.* Agitabant autem christiani agapas vespere, easque sequebatur eucharistia, idque ad insigniorem passionis dominicae commemorationem: quod Estius in 1. ad Cor. XI. Suicerus *thes. eccles. v. αγάπη* alique docent. Sed deinceps ab agapis separata est eucharistia (k), quae propterea in sacris matutinis celebrari coepit. Immo labentibus annis ipsae agapae omnino abrogatae sunt. Nimirum data ecclesiae pace in
luxus

(k) Separata ab agapis est eucharistia in multis locis ob seueram imperatorum ethnicorum edicta, quibus *hetariae*, hoc est conuiuia & sodalitates vetabantur, L. 1. pr. D. de colleg. & corporibus. Ipsi etiam christiani aucti numero & a primaeva caritate in diem deficientes, sensum agapas celebrare desierunt.

Iuxta & ebrietates versae sunt, & hinc varii canones agapas in ecclesiis celebrari vetuerunt. Conc. Laodic. can. XXVIII. Carthag. III. can. 30. Trull. can. LXXIV.

C A P V T XII.

De sacramento poenitentiae, & primum de materia.

§. I. **P**OENitentia propter Deum, in quem peccatum est, suscepta, & virtus & sacramentum apud christianos est. Virtus poenitentia est, si homo se ad Deum conuertit, peccata commissa detestatur, plangit, punit, & deinceps se non peccaturum serio proponit. Sic accepta poenitentia ad peccatorum veniam a Deo impetrandam omni tempore homini necessaria fuit, Trident. *ses. XIV. cap. 1.*: etenim secundum diuinæ iustitiae oeconomiam Deus peccatori non parcat, nisi prauae voluntati renuntiet, & poenas peccato debitas sponte subeat. Vt vero poenitentiae virtute peccata expientur, dolor & contritio malitiam peccatorum saltem aequare debet; morbis enim extirpandis maior, aut saltem parvis medicamentorum esse debet: idque ex lege naturae, quae veluti talionis poenam criminibus proponit.

§. II. Sed apud christianos poenitentia est etiam sacramentum, quo corde dolentibus, confessis & poenas peccatis debitas luentibus peccata post baptismum admissa per sacerdotis absolutionem remittuntur (a). Ergo sacra-

(a) Pluribus nominibus sacramentum poenitentiae appellatur: quae nomina desumpta sunt vel ab vna ex eius partibus, vel a ritu, quo administrabatur, vel ab effectu. Ita appellatur *confessionis* sacramentum a peccatorum confessione, quae sacerdoti facienda est: *manuum impositio* ab externa caerimonia, qua administrari consueuerat: & ut ab aliis manuum impositionibus distingueretur, saepe dicitur *manuum impositio reconciliatoria*.

Conc.

sacramentum poenitentiae virtutem poenitentiae continet, & praeterea habet peccatorum confessionem & sacerdotis absolutionem. Nimirum Christus abundans in misericordia christianis, qui post regenerationem labuntur, nouo sacramento succurrere voluit, vt ita facilius deperditam gratiam recuperarent: ardua enim prorsus est virtus poenitentiae, quae ad eluenda peccata sufficiat: & quae auxilia in sacramentis dantur, robustiora & perfectiora sunt, quam quae sunt ex opere operantis. Sacramentum vero poenitentiae Christus praecipue instituit, quum alias promissam post resurrectionem apostolis reapse dedit remittendorum & retinendorum peccatorum potestatem. Ioan. XX. 21. *seq.*

§.III. Potestas autem ecclesiae, quae per poenitentiae sacramentum peccata dimittit, generalis est; nec profecto peccatum vllum licet inuenire, cuius dimittendi potestatem ecclesiae suae Christus non fecerit: quae est catholica doctrina. Sane sine vlla exceptione ligandi & solvendi potestatem apostolis suis Christus demandauit, Ioan. XX. 23.: & reapse apostoli etiam grauissimis sceleribus veniam indulserunt, 1. *ad Cor. II. 10.* Clemens Alexadr. *ap. Euseb. lib. III. cap. 17.* Errarunt itaque Montanistae & Nouatiani, qui docebant, ad peccata grauiora dimittenda nullum ecclesiae ius esse (b). Et si peccato in Spiritum

Conc. Arausic. 1. can. 3. Ab effectu vero dicitur *absolutio*, *reconciliatio*, *communio*, *pax*, quia per poenitentiam fideles a vinculis peccatorum soluti in pacem & ecclesiae communionem restituebantur.

(b) Quamuis autem omnium peccatorum dimittendorum potestate ecclesia aucta sit; tamen in plerisque Occidentalibus ecclesiis fortasse post saeculi secundi medietatem inualuit, vt grauioribus criminibus pax & venia etiam in exitu denegaretur, idque et si peccatorum admissorum reos poeniteret, quod Petavius, Sirmondus, Alhaspinaeus aliique pluribus probant. Ea crimina praesertim erant idololatria, homicidium & adulterium, quibus ecclesias Romanam & Africanam etiam in fine absolutionem denegasse Tertullianus *de pudic. cap. V. VI. IX. & ult.* testatur. Item ecclesia Hispaniensis negabat etiam in fine

ritum sanctum numquam venia conceditur, Matth. XII. 31., id fit, non quod ecclesia remittendi potestate destituatur; sed quia deficit in homine poenitentia & recipiendae veniae apta conditio; peccatum enim in Spiritum sanctum ex receptiore sententia in peruersitate & obliuatione animi in aliquo crimine usque ad mortem consistit, quo fit, ut in Spiritum sanctum peccantes impenitentes moriantur. Bingham. *orig. eccles. lib. XVI. cap. 7. §. 3. §. IV.*

suae communionem, hoc est absolutionem, idololatriis, lenonibus, puerorum stupratoribus, fratrum delatoribus aliisque peccatoribus, qui vno crimine duo aut plura scelera patrarent, aut vnum grande crimen admitterent. Conc. Illiber. *can. XII. LXXI. LXXIII. V.* Bingham. *orig. eccles. lib. XVIII. cap. 4. §. 4.* Porro in exitu denegabatur venia iis, qui in quolibet peccato mortali consueverant, nec nisi in summis vitae angustiis poenitentiam petebant. Cyprian. *ep. LII. ad Antonian.* Carebant quoque venia, qui post actam publicam de criminibus poenitentiam iterum eadem vel alia grandia crimina admitterent, Ambros. *lib. II. de poenit. cap. 10.* August. *ep. LIV. ad Macedonium;* rei ultimo supplicio damnati; & episcopi, qui ambitione ducti ab vna ad alteram ecclesiam transibant. Conc. Sardicen. *can. I. & II.* Negabat autem veniam ecclesia recensitis peccatoribus non defectu potestatis, sed seueritate disciplinae, quo a Nouatianis distabat. Sed lapsu temporis a veteri seueritate ecclesia desciuit, & omnibus peccatoribus pacem dedit.

Plures theologi negant, ecclesias Occidentis in omnibus recensitis criminibus pacem etiam in fine denegasse. Hinc aiunt, Tertullianum falsam disciplinam ecclesiae Romanae affinxisse, ut inde Montanistas, qui negabant, esse in ecclesia peccatorum remittendorum potestatem, tueretur: *communionem* vero in canonibus Illiberitanis eucharistiam interpretantur. V. Nat. Alexand. *diff. VII. in saec. 3. hist. eccles.* Sed facile non videtur admittendum, Tertullianum, hominem seuerum, falsam disciplinam ecclesiae Romanae tribuisse; inde enim contra potestatem ecclesiae in dimittendis peccatis argumentatur; nec veri speciem habet, ex falsa hypothese catholicos adgredi voluisse. Porro *communio* in Illiberitanis canonibus absolutio est, non eucharistia; origine enim sua ea vox fidelium societatem denotat, ad quam fideles lapsi per absolutionem reducebantur: quod Albaspinæus *obser. lib. II. cap. 8.* pluribus probat.

§. IV. Quo autem per poenitentiae sacramentum peccata dimittantur, necesse est, vt peccator doleat, confiteatur, & satisfacere proponat. Qui tres actus sunt sacramenti poenitentiae *quasi materia*. Trident. *sess. XIV. cap. 3.* Sed tres isti actus non omnes eiusdem necessitatis sunt, vt singuli reapse praestari debeant: etenim sine contritione omnino venia non obtinetur: at confessio & satisfactio in necessitate desiderio & voluntate suppleri possunt. V. Nat. Alexand. *theol. dogm. & mor. lib. II. de sacramento poenitentiae cap. 4. art. 1.*

§. V. Non conuenit inter theologos, quo sensu tres poenitentis actus, contritio nempe, confessio & satisfactio sacramenti poenitentiae *quasi materia* sint. Plerique post S. Thomam tenent, eos actus proprie sic dictae materiae rationem habere, idque quia Iesus Christus poenitentiae virtuti vim sacramenti attexit: dici vero *quasi materiam*, non quod verae materiae rationem non habeant, sed quod eius generis materia non sint, quae extrinsecus exhibetur. Contra Scotistae docent, sacramenti poenitentiae essentiam in sola absolutione positam esse, tres vero poenitentis actus esse poenitentiae partes, quatenus sunt conditiones, vt illud peccata remittat, non quod ex illis intrinsecus, veluti ex aqua baptismus, consistet. Et quoniam absolutio potius forma, quam materia sacramenti est; hinc Maldonatus docet, eam esse materiam, quatenus ritus est sensibus subiectus, formam vero, quatenus absolutionem significat. Neutra harum sententiarum pertinet ad fidem, at plausibilis est Thomistarum sententia: quae tamen in eo peccare videtur, quod quae ad sacramenti effectum sunt dispositiones, eiusdem elementum configuat (c).

§ VI.

(c) Multi veteres ex schola theologi, in primis Alexander Halensis, Guilelmus Parisiensis episcopus, Vincentius Bellouacensis, Marianus Victorius alique elementum, vnde conficitur poenitentiae sacramentum, manuum impositionem faciunt, cui verbum absolutionis accedens sacramentum constituit. Quae sententia veri specie commendatur. Constat quippe ex vniuersa antiquitate, absolutionem per manuum impositionem datam fuisse,

§. VI. Ex tribus poenitentis actibus, vnde sacramenti absolutionis quasi materia constat, primus dolor est, qui alias *contritio* dicitur. Est contritio animi dolor ac detestatio de peccato commisso cum proposito non peccandi de cetero. Quoniam vero dolor est animi adfectus, ac proinde internus actus, qui saepe in actiones externas erumpit; lacrimae & alia externa signa interioris doloris indices sunt; at potest esse dolor etiam sine lacrimis: immo in altis doloribus homines obstupefcunt. Continet dolor non solum detestationem malae actae vitae, sed etiam nouae vitae instituendae propositum; qui enim priorem viuendi rationem detestatur, necessario nouam vitam deinceps instituendam proponit. Et quia dolor iste impium ad iustitiam ducit; hinc debet esse ex argumentis supra naturam positis conceptus, hoc est motu fidei, non rationibus naturalibus excitatus; vt ita peccatores vere ad Deum conuersi dici possint.

§. VII. Contritio autem seu dolor duplex est, perfecta nempe & imperfecta, quarum illa nomine generis *contritio*, ista vero *attritio* dicitur. Perfecta contritio est dolor de peccato commisso, ex amore Dei super omnia conceptus & caritate perfectus, cum proposito in posterum non peccandi. Dolor autem iste perfectus summae efficaciae est; vobis enim sacramenti instructus peccatorem Deo reconciliat, priusquam sacramentum suscipiatur.

Pars II.

V

tur.

fuisse, Morin. de administr. poenit. lib. VIII. cap. 15. : a quo ritu sacramentum poenitentiae *manuum impositio*, & distinctionis causa *manuum impositio reconciliatoria* a patribus appellatur. Conc. Arausic. 1. can. 3. Porro nihil alienum est a sacramento poenitentiae, vt eius materia sit *manuum impositio*: haec enim a Christo & apostolis ad patracionem miraculorum vsurpata est: & qui maior & diuinior effectus, quam vt homines peccata dimittant? Quod vero idem ritus etiam confirmationi & sacris ordinationibus conueniat, id nihil obturbat; nam verbum elemento accedens ritum manuum imponendarum ad proprium effectum determinat. Verum sententia ista inter scholasticos non adeo multos patronos inuenit, at ecclesia in soluendis peccatis etiam in noua disciplina manus eleuationem seruat.

tur. Trident. *ses. XIV. cap. 4.* Hinc necessario poenitentiae sacramento praemitti non debet; peccata enim dimittenda non dimissa poenitentiae sacramentum supponit. V. Drouven *de re sacram. lib. VI. quaest. 4. cap. 4.*

§. VIII. Attritio est dolor & detestatio de peccato commisso vel ex turpitudinis peccati consideratione, vel ex gehennae & poenarum metu conceptus, qui si cum spe veniae voluntatem peccandi excludat, ad Dei gratiam in sacramento poenitentiae impetrandam disponit. Trident. *loc. cit.* Et quoniam spes veniae attritioni inesse debet; etiam caritatis & amoris erga Deum actu, saltem inchoato, debet esse instructa & excitata; errantque profecto quotquot tenent, dolorem ex mero gehennae metu sine Dei amore conceptum in sacramento ad hominis iustificationem prodesse. Sane qui propter meras poenas dolent, adhuc peccatis haerent, tantumque non peccant, quod poenas timent, *sit spes fallendi, miscebis sacra profanis*: hinc ad Deum conuersi non sunt, atque ideo eis poenitentiae sacramentum non prodest. V. Drouven *de re sacram. lib. VI. quaest. 4. cap. 4.*

§. IX. Alter poenitentis actus, qui quasi materiae sacramenti poenitentiae pars censetur, confessio est, qua omnia & singula peccata mortalia, quorum memoria ex diligenti praemeditatione occurrit, & adiuncta, quae peccati speciem mutant, ad sacerdotem deferri debent ex institutione & mandato Christi, Trident. *ses. XIV. cap. 5. (d).* Et certe errant recentiores haeretici, qui tenent, doctrinam de necessitate confessionis demum ab Innocentio III. in

(d) In scripturis aperte proditum non est, confessionem a Christo institutam, quod S. Thomas *suppl. quaest. VI. art. 6.* agnoscit; at sponte sua ex auctoritate clauium ecclesiae concessa derivatur. Et qui alias retinere & remittere peccata possent sacerdotes? iudices incognita causa qui iudicabunt? Deinde, nisi peccata aperiuntur, apta remedia iis non possunt adhiberi, quod pertinet ad ligandi & soluendi potestatem. His accedunt veteres patres, qui passim docent, sacerdotibus peccata esse aperienda. V. Nat. Alexand. *diff. XIV. in saec. 13. & 14. hist. eccles.*

CAP. XII. DE SACRAMENTO ETC. 307

in synodo Lateranensi excogitatam & inductam fuisse.

§. X. Vt legitima & recta sit sacramentalis confessio, debent sponte & distincte aperiri mortalia omnia peccata, & quidem ad veniam obtinendam. Sufficit vero si confessio clam & ad aures solius sacerdotis fiat; nec enim exstat vllum diuinum praeceptum, quo fideles adigantur ad sua peccata palam aperienda. Trident. *loc. cit.* (e). Tantum postulat diuinum praeceptum, vt pro publicis peccatis publica poenitentia agatur, vt publicae offensionis satisfiat. Ceterum si quis ad maiorem suorum scelerum vindictam & humilitatem & aliorum exemplum velit publicam confessionem edere, is laude dignus est, & tanta humilitas praemio non carebit.

§. XI. Peccata & reliqua omnia in ordine ad sacramentalem confessionem manifestata sancto secreto subiecta sunt; nec ea verbis, aut signis prodere fas est, idque iure diuino. Atque hoc est *sigillum confessionis*, quod seruari debent nedum sacerdotes, verum etiam omnes, qui peccata in ordine ad confessionem audierunt, quamuis maior sit sacerdotum, quam aliorum obligatio. Immo nec scientia peccatorum in confessione habita vti possunt superiores ad externum ecclesiae regimen; cauendum enim omnino est, ne confessio aliquo modo odiosa reddatur.

V 2

V.

(e) In veteri disciplina & apud Graecos & Latinos sollemne fuit, peccata etiam occulta palam confiteri. Morin. *de administr. poenit. lib. II. cap. 9. & seq.* Non omnia vero peccata vulgari solebant, sed tantum ea, quae in vtilitatem ecclesiae cedebant, nec periculum aliquod peccatori ingerebant. Hinc prius peccata omnia sacerdoti aperiiebantur, qui pro prudentia sua, quae euulganda erant, indicabat. Origen. *hom. II. in psalm. 37.* Stetit hic mos in Oriente vsque ad Nectarium, qui ob facinus a diacono cum marrona, in ecclesia poenitentiam agente, admissum, Constantinopoli & poenitentiarium & publicam confessionem & publicam poenitentiam abrogauit. Socrat. *lib. V. cap. 19.*, exemplumque Nectarii ceterae per Orientem ecclesiae imitatae sunt. Sed in Occidente vna cum publica occultorum criminum poenitentia desuit consuetudo quaedam occulta crimina palam aperiendi.

V. Drouuen *de re sacram. lib. VI. q. 5. cap. 3.* Tantum habita confitentium venia de auditis in confessione sacerdotibus loqui fas est. Quod si contra silentii fidem peccent, sacrilegii rei sunt, & depositi officio suo in arctum monasterium ad perpetuam poenitentiam includuntur, *cap. 12. ex. de poenitentiis & remiss.*

§. XII. Postremus poenitentis actus *satisfactio* est; quae alio nomine etiam *poenitentia*, sed stricto sensu dicitur; nam alias poenitentia etiam dolorem & sententiae mutationem continet. Veniunt satisfactionis nomine opera laboriosa & dura, quae a sacerdote imposita peccatores sponte subeunt, ad peccatorum suorum vindictam & iniuriam Deo illatam expiandam. Nempe per sacramentum poenitentiae peccatorum culpam Deus remittit, sed non simul poenam vniuersam: qua in re distat poenitentia a baptismo, ubi & culpa & debitae poenae condonantur. Itaque ad peccatorum post baptismum admissorum omnimodam expiationem necessario poenitentia ex diuina ordinatione requiritur. Trident. *sess. XIV. cap. 8.*: quo factum, ut patres poenitentiam *laboriosum baptismum* dixerint. Iuenin. *de sacram. diff. VI. q. 6. cap. 1.*

§. XIII. Est autem poenitentia aut publica, aut occulta, quarum illa palam & coram ecclesia, ista clam peragitur. Mortalia peccata palam admissa publica poenitentia esse expianda, constans semper fuit ecclesiae doctrina, ut ita publicae offensionis satisfiat. Sed pro peccatis mortalibus occultis ab antiqua distat noua disciplina. Sane olim etiam pro criminibus occultis, saltem grauioribus, publica imponebatur poenitentia. Morin. *de admissis. poenit. lib. V. cap. 2. & 4. (f).*

§. XIV.

(f) Intererat vero inter publicani publicorum & publicam occultorum criminum poenitentiam; illa enim palam ab episcopo, haec vero clam & etiam a presbytero imponebatur: rei quocumque publicorum criminum censuris cogebantur ad poenitentiam, non vero occultis peccatores, quibus clam tantum negabatur pax, si agere poenitentiam detrectarent: & demum publici peccatores palam & a solo episcopo pacem accipiebant, nisi

§. XIV. Publica poenitentia nullis certis definitis spatiis & sollemnibus initio peracta est; sed post schisma Nouatianum, quod medio ferme saeculo tertio erupit, sollemnitas & spatia poenitentiae inducta sunt, ut ita vel externis ritibus ecclesia occurreret Nouatianis, qui negabant esse in ecclesia ad peccata grauiora dimittenda potestatem. Sollemnitas & ars agenda poenitentiae praesertim in poenitentium stationibus seu classibus posita erat. Stationes istae quatuor erant, per quas tributis poenitentes dicebantur *flentes, audientes, substrati & consistentes*. V. Morin. *de administr. poenit. lib. VI. cap. 1. & seqq.* & Bingham. *orig. eccles. lib. XVIII. cap. 1.* Fuerunt hae stationes apud Orientales quarto saeculo sollemnes, easque in suis canonibus Gregorius Thaumaturgus primus usurpat; sed in ecclesia Occidentali praesertim fletus & auditio non adeo frequentes fuerunt. Morin. *loc. cit. cap. 4.*

§. XV. Flentes pro foribus ecclesiae stabant, ubi lacrimis sibi imponi poenitentiam exorabant: atque ideo fletus potius praeambulum ad poenitentiam, quam vera poenitentia erat. Audientes ecclesiae narthecem ingressi, diuinam scripturam & sermonem audiebant, quibus finitis cum reliquis audientibus siue ethnicis, siue catechumenis ecclesia exhibant. Quod audientes grauius peccassent, videbantur rudimenta fidei vix didicisse, & hinc ad ea iterum audienda mittebantur: quod profecto maximum erat opprobrium. Substrati in ecclesiam vsque ad ambonem ingrediebantur, ubi post eiectionem audientes in genua prouoluti manus impositionem sub certis precibus ab episcopo accipiebant, inde etiam ecclesia exhibant: interim vero duris & laboriosis operibus se exercebant. Consistentes demum cum fidelibus in ecclesia consistebant & precabantur, sed in Christi corpore non communicabant: idque erat *sine oblatione cum populo in precibus communicare*. Conc. Nicaen. *can. XI.* Ancyr. *can. IV.*

§. XVI. Poenitentia ecclesiae auctoritate imponebatur

V 3

tur

nisi aut episcopus iuberet, aut in eius absentia vrgeret necessitas; occulti vero peccatores clam etiam a presbytero poterant reconciliari. Morin. *de administr. poenit. lib. V. cap. 16.*

tur (g), eaque suscepta praesertim tempore *substitutionis* opera poenalia poenitentes tolerabant. Etenim haec statio proprie erat poenitentialis, aliae potius ad poenitentiam praeparabant: quo factum est, vt substrati sine alio addito *poenitentes* a veteribus dicerentur. Conc. Laodic. can. XIX. Ergo continuis ieiuniis corpus macerabant: eleemosynas erogabant: diebus dominicis & festis & integra pentecoste, quibus ceteri fideles stantes orabant, flexis genibus preces fundebant: & (quod maxime in ecclesiis Africanis sollemne erat) mortuos efferebant & sepeliebant. V. Bingh. *orig. eccles. lib. XVIII. cap. 2.* Abstinebant quoque balneis, conuiujs, & ipso matrimonio vsu, nec nouas nuptias contrahere poterant (h). Voluptates enim a balneis, conuiujs & nuptijs deriuatae non bene cum poenitentia conueniebant (i).

§. XVII.

(g) Peccatores accipiebant poenitentiam cinere adpersi & operi cilicio: & si mares essent, capillos inaequaliter tondebant, aut capita radebant: feminae vero vel velum poenitentiae sumebant, vel crines tondebant, vel illos per humeros spangebant & confundebant: quae moeroris signa erant. Cilicium erat vestis aspera ex pilis animantium contexta, qua totum corpus operiebatur. Ambros. *ad virgin. lapsam cap. VIII.*

(h) Porro in Occidentali ecclesia quarto & sequentibus saeculis poenitentes militiam & saecularia negotia, quae peccatis erant occasione, veluti mercaturam, forenses causas, officia publica deponebant. Morin. *de administr. poenit. lib. V. cap. 18. seq.* Quin eo seueritatis euasit in Occidente poenitentia, vt etiam post datam pacem ad saecularia negotia & matrimonii iam contracti vsu amplius redire non liceret, nec reliquo vitae tempore nouas nuptias contrahere. Siric. papa *ep. ad Himer. Tarrac. cap. V.* Leo M. *ep. XCII. ad Rustic. Narbon. edit. Quaes.*

(i) Vniuersus poenitentiae publicae apparatus, seu ritus externi, item luctus & dolor, *exomologesis* nomine a patribus Graecis & Latinis dictus est. Tertul. *de poenit. cap. IX. V. Athapin. lib. II. obser. cap. 26.* *Exomologesis* proprie est confessio: & quia peccata sua confitentes, ea sacco & cilicio induti plangere & detestari, & in humilem statum se deicere solebant; hinc vniuersa poenitentiae actio eo nomine dicta est.

In.

CAP.XII. DE SACRAMENTO ETC. 311

§. XVII. Iam opera poenalia in poenitentiam imposita congrua & salutaria esse debent, hoc est criminum grauitati respondentia, & in poenitentium salutem & medicinam directa: & praeterea in longum continuanda; nec enim momento temporis curantur animae infirmitates. Hinc summa fuit veterum patrum cura, vt propria remedia & iusta poenitendi tempora singulis criminibus tribuerent. Tractabant ea de re in conciliis, in quibus plures canones conditi sunt: consulebantur quoque primarum sedium episcopi, & qui scientia & probitate supra alios eminebant: & consulti episcopi canonicas epistolas dabant, quae poenitentias & poenitendi tempus praescriberent. Atque ex his synodorum & patrum regulis, quae labentibus annis numero creauerunt, collecti sunt *libri poenitentiales*, qui canones de re poenitentiali continebant. Latis vero canonibus poenitentialibus ex eorum auctoritate, non pro arbitrio sacerdotum poenitentiae imponebantur. Hinc dum episcopi synodum celebrabant, inter alia presbyteros admonebant, vt *non ex corde, sed sicut in poenitentiali scriptum est*, poenitentias imponerent, ap. Reginon. *lib. I. cap. 98.*

§. XVIII. Publica poenitentia vna erat, & siue propter publica, siue propter privata scelera semel peracta, iterum eidem in eadem vel alia scelera relapso non dabatur. Nat. Alexandr. *diff. X. hist. eccles. saec. 3.* Tanta seueritatis causa videtur fuisse, ne christiani *luisse de dominica communione videantur*, vt patres Illiberitani *can. III.* loquuntur, seu *ne medicina vilis minus utilis esset aegrotis*, vt Augustinus *ep. LIV. ad Macedon.* habet. Qui autem secundam non accipiebant poenitentiam, abundantia doloris tantum a Deo, non ab ecclesia sperare veniam poterant, quod Petavius in *Epiph. haer. LIII.* docet. In Oriente sub Nectario, qui publicam poenitentiam abrogauit, vnus poenitentiae disciplina desuit; in Occidente vero sensim desuevit, tantumque deinceps obtinuit,

Interim amplior haec significatio vsu scriptorum restringi solet, significatque vel ipsam confessionem, vel alium poenitentis actum.

312 INSTITVT. IVRIS CAN. PARS II.
vt sic dicta *sollemnis* poenitentia semel daretur (k).

§. XIX. Non omnes etsi grauiorum criminum rei, publicam poenitentiam subibant; multi enim crimina sua priuatis poenitentiis expiabant, quales iuuenes *propter aetatis fragilitatem*, conc. Agath. 1. *can. 15.*; mulieres adulterae, quod facile proderentur, iisque poenitentia mortis causa esse posset, Basil. *ad Amphilocho. can. XXIV.*; & coniugati, nisi ex coniugis consensu. In primis vero maiores clerici publicae poenitentiae non subdebantur. Conc. Carthag. v. *can. 2.* Siric. *epist. ad Himer. Tarrac. cap. XIV.* In tanta humilitate, qua agebatur publica poenitentia, praesertim post stationes inductas, indignum fortasse visum est, maiores clericos poenitere. Ergo propter crimina ab officio suo deiectioni, clam in monasterio crimina sua deflebant, nisi sponte publicam poenitentiam elegissent. Conc. Arausic. 1. *can. 4.* Ceterum clerici minores, non secus ac laici, publicae poenitentiae addicebantur. V. Iuenin. *diff. VI. q. 6. cap. 8. art. 1.*

§. XX. Poenitentialis disciplina per antiquos patres statuta lapsu temporis in vtraque ecclesia ferme per omnia mutata est. Et in Oriente quidem quarto exeunte saeculo sub Nectario patriarcha Constantinopolitano occasione cuiusdam matronae, quae dum agebat poenitentiam, a diacono in ecclesia constuprata est, & poenitentiarius confessionibus & poenitentiae praepositus, & publica quorundam occultorum criminum confessio, & publica poenitentia non minus pro occultis, quam pro publicis crim-

(k) Publica poenitentia scholasticis alia *publica* est stricte sic dicta, alia *sollemnis*. Publica sine vlla sollemnitate, sed palam peragitur: sollemnis ob enormia crimina ab episcopo die cinerum ex forma synodi Agathensis imponitur, *can. 64. D. 50.*; & praeterea haec habet attributa, clericis non datur, iterari non potest, laicus ea functus a canone est alienus, ea impleta matrimonium contrahi non potest, militia deferenda, & negotiis saecularibus amplius non vacandum. Nata est haec partitio ex ignorantia antiquitatis. Nempe desueris publicae poenitentiae sollemnibus & conditionibus, scholastici sollemni poenitentiae dederunt, quae in veteri disciplina publicae conveniebant.

minibus omnino sublata sunt. Socrat. *lib. V. cap. 19.* Sozom. *lib. VII. cap. 16.* Hinc breui per Orientem poenitentiarum disciplina mutata est, & poenitentium stationes praeter consistentiam abolitae. Sed non simul abrogatae priuata confessio & canonicae peccatorum poenitentiae: etenim deinceps Graeci vel secundum canones, vel poenitenciales libros semper imposuerunt poenitentias: tantum quod publicum erat, occultum euasit. V. Morin. *de administ. poenit. lib. VI. cap. 22. seq.*

§. XXI. Sed quod spectat ad Latinam ecclesiam, in ea diutius stetit inuariata poenitentialis disciplina, tandem saeculo septimo inualuit, vt publica crimina publicis; occulta vero occultis poenitentiis, sed ex canonum regulis, expiarentur: cui innouationi Graecorum disciplina praecipuam causam praebuit. Nimirum Theodorus monachus Graecus Romam venit, & a Vitaliano papa anno 1068. episcopus Cantuariensis creatus est. In Anglia vero constitutus Theodorus ex moribus praesertim Graecorum poenitentialem librum composuit, in quo publicis peccatis publicam, occultis vero occultam imponebat poenitentiam, omisissis manuum impositionibus & stationibus poenitentiarum. Statim hi mores per Angliam & per vniuersum Occidentem recepti sunt. Ita inualuit in Occidente regula, *de peccatis occultis occulte, de publicis publice poenitendum*, capit. reg. Franc. *lib. V. cap. 32., cap. 1. ex. de poenit. & remissionibus.*

§. XXII. Recepta hac doctrina, nihil quidquam diminutum de canonicis poenitentiis (1), tantumque poe-

ni-

(1) Immo potius seueriores euaserunt; nescio enim qua ratione creditum est, singulis eiusdem speciei peccatis poenitentiam in canonibus praescriptam deberi: atque ideo si ponas, vni adulterio decem annorum poenitentiam canones tribuisse, pro decem adulteriis centum annos poenitere oportebat. Petr. Damian. *de perfect. monach. cap. VI.* Quod & canones ridiculos & poenitentiam impossibilem faciebat. Fleuryus *disc. III. in hist. eccles. n. 16.* Inuenta item genera publicarum poenitentiarum antiquis ignota & indoli poenitentiae parum conformia, qualia circulus ferreus, quo per plures annos membra

cor-

314 INSTITVT. IVRIS CAN. PARS II.

nitentia, quae antea palam fiebat, euasit occulta; at saeculo decimo secundo & sequentibus canonicae poenitentiae apud Latinos sensim desierunt, idque ex pluribus causis. Principio iamdiu receptae erant poenitentiarum redemptiones, quibus canonicae poenae cum certis precibus, corporis flagellis, praesertim vero cum pecunia & agris pro arbitrio poenitentium commutabantur, quae de re plura habet Muratorius *diff. LXVIII. antiq. Italic.* Porro commutatae sunt poenitentiae cum aliquo laborioso aut pio opere, quod in euidentem, aut apparentem ecclesiae utilitatem cederet, qualia opera censebantur arma capere contra infideles & haereticos, praesertim in Hierosolymitana expeditione, pecuniae erogatio in ecclesias aedificandas, aut reparandas, ad pontes construendos, & itinera munienda. Ex his causis longo temporis spatio canonicae poenitentiae intermissae sunt; nec inde finitis sacris expeditionibus facile fuit eas restituere; praesertim quando mendicantes coeperant poenitentiam administrare; hi enim missi transeuntes erant, atque ideo diu poenitentium vitam & conuersationem non poterant obseruare. Fleuryus *disc. hist. VI. n. 11.*

§. XXIII. Desuetis apud Latinos canonibus poenitentialibus, sacerdotis tamquam boni viri arbitrio poenitentiae impositae sunt; at in noua disciplina poenitentiae etiam congruae & salutares esse debent. Sunt poenitentiae opera laboriosa & dura, quibus iniuria Deo illata expiatur, & animi morbi & adfectiones curantur: quae poenitentiarum natura una est & immutabilis, tantumque ritus, quibus exercentur, mutari possunt. Et recte docent Tridentini patres *sess. XIV. cap. 8. debere sacerdotes salutes & congruas satisfactiones iniungere*, quae sint tam in vitae nouae custodiam, quam ad peccatorum castigationem. Hinc eo sensu arbitrariae sunt hodie poenitentiae, quod non debeant ad amissim ex canonibus imponi, non quod a mero sacerdotis arbitrio dependeant.

Vt

corporis arctissime constringi solebant; virgae & cruenta flagella, quibus peccatores corpus dilacerabant; incertae & vagae peregrinationes.

Vt vero officio suo recte fungantur poenitentiae ministri, scire debent canones poenitentiales; inde enim & peccatorum granitatem & congruas poenitencias dignoscent.

C A P V T XIII.

De indulgentiis.

§. I. **N**omine *indulgentiae*, quae alias *donatio*, *remissio* & *humanitas* dicitur, ubi de poenitentiis agitur, venit remissio poenarum temporalium, quas poenitentes in suorum criminum expiationem subire debent, facta ecclesiae auctoritate. Itaque non peccata ipsa indulgentiae remittunt, (hoc enim proprium est absolutionis.) sed potius poenas temporarias, in quas aeternae vi sacramenti commutantur. Iure diuino ecclesia habet indulgentiarum concedendarum potestatem, quae in iure ligandi & soluendi continetur, idque dogma fidei est. Trident. *ses. XXV. in decreto de indulgentiis*. Duplicis vero generis est indulgentia, plenaria nempe & partialis, prout vel integra poenitentia, vel eius pars relaxatur.

§. II. Ministri, qui concedunt indulgentias, iure ordinario episcopi sunt, quibus ligandi & soluendi potestatem Christus directis verbis demandauit. V. Iuenin. *de sacram. diff. XIII. q. 3. cap. 1.* Et quamuis sacramenti poenitentiae administratio etiam meris presbyteris concedatur; tamen non consuevit ecclesia etiam poenarum remittendarum potestatem presbyteris facere; idque fortasse ne nervus ecclesiasticae disciplinae solueretur. Tantum presbyteri, immo inferiores clerici ex speciali delegatione indulgentias elargiuntur, hodie enim earum concessio exterioris fori esse reputatur. Concedunt episcopi in suis parocciis ex noua disciplina tantum partiales indulgentias, summus vero pontifex etiam plenarias.

§. III. Vt vero rite indulgentiae concedantur, regulae ab ecclesiae praescriptae seruandae sunt, nec enim pro arbitrio sacris ministris hunc spiritalem thesaurum admi-

mi-

ministrare licet. Et praecipua quidem causa indulgentiarum est abundantia doloris, qua ipsi peccatores adficiuntur; apud Deum enim multum valet cordis contritio etiam ad poenarum remissionem. Chrysost. *hom. XIV. in 2. ad Cor.* Hinc antiquae regulae permittunt episcopis, ut pro dolore; lacrimis & poenitentium tolerantia vel indulgentiam faciant, vel tempus adiiciant. Conc. Nicaen. *can. XII.* Ancyran. *can. V.* Quae auctoritas tanta erat, ut si sincera & abundans esset contritio, episcopi possent poenitentes ab audientibus ad consistentes transferre. V. Morin. *de administr. poenit. lib. VI. cap. 19.*

§. IV. Praeterea ex antiquae disciplinae regulis legitimae causae ad concedendas indulgentias erant libelli martyrum (a), imminens in christianos persecutio, & reditus haereticorum ad ecclesiam. Sed post saeculum decimum nouae indulgentiarum causae receptae sunt, quales visitationes certarum ecclesiarum & altarium, quae de causa concessae indulgentiae *stationariae* dicuntur (b), militia contra ethnicos aut haereticos suscepta, pecuniae erogationes ad ecclesias & nosocomia aedificanda, item ad pontium & itinerum constructionem aut refectionem. Semel inductae hae indulgentiarum species ex genio saeculi eua-

(a) Tempore persecutionis consueverunt confessores in custodia detenti libellos dare ad episcopos, eosque enixe deprecari, ut quibusdam lapsis poenitentiam eiusque partem remitterent, & pacem darent. V. Morin. *de administr. poenitentiae lib. IX. cap. 26.* Magna erant apud Deum martyrum merita, ipsique etiam pro iis, quos libellis suis commendabant, preces ad Deum fundebant. Hinc episcopi eorum libellis multum tribuebant, & indulgentias dabant, praesertim si commendati venia digni essent. Errarunt vero nonnulli martyres, qui libellis suis se dedisse pacem profitebantur, non dandam rogabant. Cyprian. *epist. XXIII.* Valebant martyrum libelli sedata iam persecutione & post ipsorum mortem. V. Albaspin. *lib. I. obser. cap. 20.* Sed haec indulgentiarum species cum ipsis martyribus desit.

(b) Inter indulgentias stationarias celebris & omnium plenissima illa est, quae *Iubilaei* nomen praefert, quod demum aetate Bonifacii VIII. institutum creditur. V. Espen. *par. II. tit. 7. cap. 4.*

euasérunt frequentissimae, quamuis vix est, vt cum sincera poenitentia componi possint, si ex his caussis petentes indulgentias, vera poenitentia destituantur.

§. V. Inductis propter ecclesiarum, hospitalium, viarum & pontium aedificationem & reparationem indulgentiis eleemosynariis, simul *quaestores eleemosynarii*, vt vocabantur, instituti sunt, qui indulgentias praedicarent, fouerent, & poenitentium oblationes & eleemosynas colligerent. Non alienum a ratione erat ad lucrandas indulgentias praedicari poenitentiam: at quaestores tanto munere saepe abuli sunt, & potius sua & mittentium negotia, quam animarum salutem procurarunt, vota, peccata grauissima & ipsam beatam vitam commercio exponentes. *Clement. 2. de poenit. & remiss.* Quis nescit, haeresim Lutheranam ex quaestorum nundinationibus originem habuisse? Sed tandem Tridentini patres eleemosynarios quaestores sustulerunt, & indulgentias ab episcopis cum duobus canonicis adnuntiari voluerunt, eleemosynas vero nulla mercede colligi. *Trident. sess. XXI. de ref. cap. 9.*

§. VI. Tot nouae indulgentiae fundamento aliquo niti debebant: ea enim aetate, qua maxime inualuerant indulgentiae eleemosynariae, theologis scholasticis occurrebat illud veterum patrum dictum, *aut Deus punit, aut homo*: quod cum indulgentiis ob solas eleemosynas, aut ob leues labores datis non bene conueniebat. Varia commenti sunt scholastici ad hunc nodum extricandum, sed tandem ad ecclesiae thesaurum confugerunt, quo largitatem indulgentiarum inaedificarent: quae sententia inde a *Clemente vi. extrauag. 2. de poenit. & remiss. inter communes* & Leone x. probata inter ecclesiasticas doctrinas conualuit. Semper fuit in ecclesia thesaurus, qui ex meritis Christi in hominum redemptionem abundanter redundat; at ante saeculum decimum secundum vix scriptor inuenitur, qui vim indulgentiarum ex thesauro ecclesiae metiatur, nisi eo trahantur indulgentiae propter martyrum libellos olim concessae. Constat vero thesaurus iste ecclesiae inexhaustus ex Christi meritis, eique B. Virginis omniumque sanctorum merita praestant adminiculum, *cit. extrauag.*

§. VII. Ceterum in concedendis indulgentiis summa moderatione vti debent ecclesiae praepositi; effusa enim liberalitas enervat poenitentiam, & ad peccandum inuitat. Habere debent ob oculos exempla veterum patrum, qui pro quantitate doloris & abundantia lacrimarum indulgentias concedebant. Trident. *ses. XXV. in decr. de indulgentiis*. Quaecumque vero causa ad lucrandas indulgentias proponatur, certi iuris est, etiam in noua disciplina non simplici operarum iniunctarum executione christianos indulgentias lucrari, sed requiri veram poenitentiam & contritionis abundantiam, quod boni theologi docent.

C A P V T XIV.

De forma & effectu sacramenti poenitentiae.

§. I. **F**ORMA sacramenti poenitentiae sunt verba, quibus ministerio presbyterorum peccata dimittuntur. In veteri disciplina emensis ferme poenitentiae siue publicae siue occultae spatiis peccatores pacem accipiebant: quousque enim in tribus primis poenitentiae stationibus perseuebant, cum ecclesia nec in precibus communicabant: quod indicat, eos a peccatis absolutos non fuisse. V. Morin. *de ministr. poenit. lib. IX. cap. 3. & 17. (a)*.
Sed

(a) Dabatur in veteri ecclesia absolutio sacramentalis, vbi poenitentes a substratis ad consistentes transibant. Morin. *de ministr. poenit. lib. VI. cap. 21*. Verum si iusta & grauis subesset causa, veluti si poenitenti mortis periculum immineret, aut si persecutio proxima videretur, aut si ex dilata pace aliquod ecclesiae incommodum instaret; etiam ante expletam poenitentiam publici peccatores reconciliari solebant. V. Nat. Alexand. *diff. IX. in 3. saec.* Quin in priuatis poenitentiis etiam ob causas non admodum graues statim post confessionem, aut paullo post, nondum impleta poenitentia, absolutio data est. Morin. *lib. IX. cap. 27*. Quod si instante mortis periculo ante

Sed mutata iamdiu est haec disciplina, & in vtraque ecclesia post peccatorum confessionem, & indictam, sed non impletam poenitentiam, datur absolutio (b). Antiqui mores indoli poenitentiae conformiores erant; at nullum exstabat diuinum praeceptum, quo edicebatur, peccatores post impleta poenalia opera absolui debere. Et profecto non recte rigidiores quidam theologi vsum, qui absolutionem satisfactioni praemittit, veluti euangelio contrarium & abusionem traducunt: quam doctrinam Alexander VIII. merito proscripsit. Verum vbi sacerdotes minus probatos peccatores animaduertunt, debent differre absolutionem, quousque de vera poenitentia constet.

§. II. Formula autem absolutionis in veteri disciplina non directa, sed precativa fuit, qua sacerdotes Deum siue Christum, vt peccata dimitteret, rogabant, quod fuse docet Morinus *de administr. poenit. lib. VIII. cap. 8. & seqq.* Graeci aliique Orientales adhuc per preces peccata dimittunt; sed apud Latinos a tempore S. Thomae formula absolutionis directa facta est, hisce verbis comprehensa, *ego te absoluo a peccatis tuis in nomine Patris & Filii & Spiritus sancti* (c). Et hac recepta formula inde
Tri-

ante impletam poenitentiam pax data esset, & inde infirmi conualescerent, iterum poenitentiae subdebantur. Conc. Carthag. IV. *can. 78.* Araulic. I. *can. 3.*

(b) Distat vero Graecos inter & Latinos, nam hi statim post absolutionem admittunt ad eucharistiam; illi speciem antiquae consistentiae adhuc obseruant, in qua absoluti a peccatis longo tempore ad impositas poenas implendas detinentur, & demum noua veluti absolutione, qua a poenis soluunt, ad eucharistiam admittunt. V. Chardon. *in histor. poenitentiae sect. III. par. 3. cap. 8.*

(c) Tenebant initio saeculi decimi tertii plerique ex schola magistri, tantum vere contritos absolui debere, ideoque vi contritionis peccata iam dimissa esse. Hinc minus placuit formula precativa, eiusque loco substituta est directa, quae apta videbatur ad declarandos in terris absolutos, quos ante Deus in caelis absoluerat: etenim etiam magistratus verbis directis, quos innocentesprehendunt, absoluunt.

Tridentini patres *ses. XIV. cap. 3.* docuerunt, preces ad vim absolutionis non pertinere, & formam, in qua vis sacramenti praecipue posita est, illis verbis, *ego te absoluo &c.* contineri. Sic mutata formula absolutionis, theologi multi docere coeperunt, per preces datam pacem non valere.

§. III. Effectus autem sacramenti poenitentiae est remissio peccatorum & gratiae sanctificantis in animam effusio, qua peccatores in filiorum Dei adoptionem restituuntur. Ut vero per absolutionem gratia sanctificans conferatur, rite dispositi peccatores esse debent: nempe debent peccata confiteri, & ex amore Dei, saltem inchoato, detestari. Quod si ob contritionis vehementiam diuina absolutio sacerdotalem praeueniat, tum sacerdotalis diuinam confirmat & amplioreni facit. Per absolutionem reuiuiscunt quoque omnia bona opera, quae in caritate facta inde per subsequens peccatum veluti extincta sunt. Sed peccata virtute absolutionis non semper per omnia dimittuntur: nam absolutio dimittit culpam, poenam vero aeternam in temporalem conuertit; & hinc necessariae sunt operae poenales, quibus temporalis poena exsoluatur.

C A P V T XV.

De ministro sacramenti poenitentiae.

§. I. **S**acramenti poenitentiae minister, qui excepta in confessione peccata valeat dimittere, solus sacerdos est: sacerdotis autem nomine episcopi & presbyteri tantum veniunt. Trident. *ses. XIV. cap. 6. (a).* Et epi-

(a) Quamuis autem soli presbyteri poenitentiae sacramentum administrent; tamen per plura saecula mos stetit, ut in necessitate & absentia sacerdotis etiam laicis christiani peccata sua confiterentur, *can. 1. D. 6. de poenitentia, can. 36. D. 4. de consecra-*

episcopi quidem poenitentiae, vt ceterorum sacramentorum, primarii ministri sunt. Et reapse in veteri disciplina episcopi integrum ferme poenitentiae negotium administrarunt; praesertim vero eis reseruata erat publicae poenitentiae administratio, vbi de publicis criminibus agebatur. Conc. Carthag. II. *can.3.* Lapsu temporis sensim id onus pro maxima parte deposuerunt; at non propterea desierunt esse primarii poenitentiae ministri.

§. II. Ex inferioribus presbyteris alii iure proprio, quales parochi & poenitentarii generales, alii delegata potestate poenitentiam administrant. Et parochi quidem ipsa parochiae & beneficii collatione curam animarum sub episcopi eminenti potestate accipiunt, atque iure officii sui poenitentiam & reliqua sacramenta gregi sibi commisso administrant: institutio enim parochiarum & beneficiorum perpetuo & ordinario iure officia ecclesiastica beneficiariis demandauit. Trident. *ses. XXIII. de ref. cap. 15.* Nec opus est examine, aut episcopi mandato, vt parochi confessiones excipiant. Includitur autem hoc ius parochorum propriae ecclesiae finibus; at moribus receptis saltem de consensu priorum sacerdotum per totam dioecesim etiam sibi non subditis poenitentiam administrant. V. *Espen. par. II. tit. 6. cap. 6.*

§. III. Poenentarius generalis etiam iure proprio seu ordinario in tota dioecesi poenitentiam administrat, idque tamquam episcopi vicarius (b). Itaque ex quacum-

Pars II.

X

que

secratione, qui mos post S. Thomam desuevit. Confessiones vero istae laicis factae non erant sacramentales, vbi enim deest clauium potestas, qui esse potest verum sacramentum? Sed ex feruore caritatis, quae per confessionem magis magisque excitabatur, peccata dimittebantur: quod S. Thomas in *IV. sentent. dist. 17. q. 3.* obseruat.

(b) In ecclesiis Orientalibus post persecutionem Decianam primum institutus fertur presbyter poenentarius, qui deinceps sub Nestario patriarcha Constantinopolitano sublatus est. *Socrat. lib. V. cap. 19.* *Sozom. lib. VII. cap. 16.* Contra in Occidente per plura saecula nullus fuit, qui vice episcopi poenitentiam in tota dioecesi administraret. *Vales. not. in cit. Sozom.*

que dioecesis parte confessiones excipit, a casibus episcopo reservatis absoluit, ab aliis sacerdotibus impositas poenitentias relaxat, & dubia circa poenitentiam exorta definit. Officium poenitentiarum decreto synodi Tridentinae *ses. XXIV. de ref. cap. 8.* in perpetuum beneficium evasit, quod inter dignitates ecclesiae cathedralis censetur. Hinc poenitentiarius post episcopum totius dioecesis proprius parochus in poenitentiae negotio censetur, adsumique ad id munus debet presbyter, qui in theologia, aut iure canonico emeritus sit, & annorum quadraginta, seu qui aptior pro locorum conditione reperiatur. Trident. *loc. cit.* Quod gravitas officii postulabat.

§. IV. Qui potestate delegata poenitentiam administrant, sunt ceteri presbyteri, quibus poenitentiae administratio sine cura animarum demandatur, siue ex saecularibus, siue ex regularibus eligantur. Abolitis in Occidente canonicis poenitentiis frequentiores factae sunt confessiones: atque ita plures presbyteri ad eas excipiendas fuerunt necessarii. Ceterum non tantum episcopi, sed etiam archipresbyteri & parochi inferioribus presbyteris confessiones excipiendi potestatem faciebant, *cap. 12. ex. de poenitentiis & remissionibus*; at in comitiis Tridentinis hoc ius archipresbyteris & parochis ablatum episcopis cessit, *ses. XXIII. de ref. cap. 15.* Presbyteri vero hoc iure aucti per totam dioecesim fidelibus episcopo subiectis poenitentiam administrant, nisi definitam potestatem episcopus concesserit.

§. V. Quamvis autem regiminis ecclesiastici forma postulet, ut sine episcopi aut proprii sacerdotis venia inferiores presbyteri poenitentiam non administrant; tamen mendicantes diu sola pontificis auctoritate confessiones exceperunt, & poenitentiam administrarunt. Primus hoc privilegium Gregorius IX. concessit, illudque propterea
Mat-

zom. *loc. cit.* Sed post saeculum decimum ecclesiae Occidentales poenitentiarium receperunt: iamdiu enim episcopi negotiis temporalibus distracti non adeo assidui in vinea domini excolenda facti erant; & inde etiam in negotio poenitentiae vices suas alteri mandare voluerunt.

Matthaeus Parisiensis *ad an. CIOCCXLVI. inauditum* *et nouum* appellat. Hinc mendicantes coeperunt ecclesias circumire, & omnium confessiones excipere: & quod benignitate & facilitate utebantur, facile omnes ad eos concurrebant; ceciditque propterea dignitas priorum sacerdotum, & fideles audacter peccarunt. Hinc sexcentae lites inter ecclesiarum praelatos & mendicantes excitatae, quae diu ecclesiam exagitarunt; etenim pontifices dissidiorum iudices potius mendicantibus, quam propriis sacerdotibus fauerunt. V. *Espen. par. II. tit. 6. cap. 5.* Sed tandem Tridentini patres *ses. XXIII. de ref. cap. 15.* priuilegia ista excusserunt, iterumque mendicantes in negotio poenitentiae episcopis subiecerunt.

§. VI. In veteri disciplina, postquam instituta sunt beneficia, quibus cura animarum annecta est, quisque suo proximo in spiritualibus superiori confiteri peccata tenebatur: quod argumentum Grancolasius *in veteri sacramentario* fuisse persequitur. Certe postulabat cura animarum, ut illi oues suas agnoscerent & pascere, quibus earum cura erat demandata. Qua stante disciplina, ut quis alieno sacerdoti confiteretur, aut venia proprii sacerdotis, aut priuilegio indigebat, *cap. ult. ex. de poenit. et remiss.* Proprius autem sacerdos erat parochus, at eo nomine etiam episcopus & poenitentarius veniebant. Sed ubi confessiones, desueris canonicis poenitentiis, multiplicatae sunt, haec disciplina mutata est, passimque obtinet, ut sine proprii sacerdotis venia fideles cuique sacerdoti sua peccata possint confiteri: hactenus ut in Italia & Hispania christiani etiam satisfacere praecepto annuae confessionis censeantur, si peccata sua cuique sacerdoti confessionibus praeposito adaperiant: quod omnino lapsae ecclesiasticae disciplinae indicium est.

§. VII. Iam non omnes poenitentiae ministri peccata quaevis dimittere possunt, sed tantum ea, quae ecclesiae praepositi sibi non reseruarunt. Sane episcopi in suis dioecibus & pontifices per omnem ecclesiam grauiora peccata sibi reseruare consueuerunt (c), idque ut difficultate

(c) Episcopales reservationes ferme cum ipsa ecclesia inuolue-

absolutionis grandia crimina cohiberentur, & grauiores morbos medici peritiores curarent. Peccata episcopis reſeruata inferiores miniſtri etiam regulares remittere ventantur: tantumque poenitentiarius generalis, & qui ab epifcopo ſpeciale mandatum habent, ea dimittere poſſunt. A peccatis vero pontifici reſeruatis nemo olim ſoluebatur, niſi peccator ipſe pontifici ſe ſiſteret, exceptis feminis, ſenibus aliisque, qui impares erant ad iter Romanum, quos epifcopi ſoluebant, *cap. 6. & 13. ex. de ſentent. excommunicationis*: at praefentibus moribus peccata publica reſeruata pontifices episcopis dimittenda committunt; occulta vero ex iuris conſeſſione epifcopi ſuis ſubditis dimittunt, Trident. *ſeſ. XXV. de reſ. cap. 6.*: & ſacra congregatio poenitentiis praepoſita in diem inferioribus miniſtris abſoluenda demandat.

C A P V T XVI.

De ſubieſto & neceſſitate ſacramenti poenitentiae.

§. I. **S**OLI chriſtiani, qui poſt baptiſmum in peccata gra-
uia lapſi ſunt, ſacramentum poenitentiae ſuſcipere poſſunt: & hinc ſacramentalis poenitentia a patribus
ſe-

luerunt; quidquid enim arduum inerat poenitentiae, epifcopi ſemper ſuae cognitionis eſſe voluerunt; ſed pontificiae ignotae ſunt antiquitati, & deſum poſt ſaeculum decimum exortae ſunt: & quidem initio potius auctoritate epifcoporum quam pontificum. Nempe in ſumma morum corruptione vt quorundam criminum maior horror eſſet, epifcopi reos Romam mittere coeperunt, vt pontifex imponeret, aut ab epifcopo impoſitam mitigaret poenitentiam; mox etiam in ſynodis quaedam crimina pontifici abſoluenda reſeruare. Ab his inſtitutis ſtatim ipſi pontifices ad ſibi peccata reſeruanda tranſierunt, quae diſciplina cundo amplificata eſt. V. Eſpen. *par. II. tit. 6. cap. 7.*

secunda post naufragium tabula dicitur. Itaque non baptizati incapaces sunt absolutionis, quae in sacramento poenitentiae datur: & licet olim catechumeni peccata sua confiterentur, & de iis poenitentiam agerent; tamen confessio ista & poenitentia non erat sacramentalis; sed erat ad baptismum praeparatio. Quod si christiani solis venialibus peccatis adstringantur, non necessario per poenitentiae sacramentum curari debent; plura enim alia remedia, in primis oratio dominica, ad eorum curationem praesto sunt. Et hinc licet veniales culpaе utiliter in confessionibus aperiantur, taceri tamen possunt impune.

§. II. Administrari debet sacramentum poenitentiae lapsis post baptismum, si ex forma diuinorum praeceptorum accedant, hoc est, si peccata sua confiteantur, de iis doleant, & satisfacere proponant. Hinc denegari iis debet absolutio, qui adhuc in peccatis, aut peccandi occasione haerent, qui praescriptis remediis vti detrectant, qui de iisdem peccatis se accusant, quoties confitentur. V. Nat. *Alexand. theol. dogm. & moral. lib. II. de poenit. cap. 7. art. 3.* Porro incapaces sunt absolutionis, qui in criminis actu vsum rationis amittunt, nec inde recuperant, ut petant poenitentiam; & publici peccatores, qui morbo decumbunt, nec prae eius acerbitate aut verbis, aut signis dolorem testantur. Conc. Carthag. iv. *can. 76.* Sed quid si boni christiani prae morbo signa poenitentiae edere non valent? Humanius est, si saltem sub conditione absoluantur; praesumuntur enim sine necessario viatico ex hac vita nolle discedere. Morin. *de administr. poenit. lib. X. cap. 10. n. 2. seqq.*

§. III. Iam vero christiani quoties post baptismum labuntur, euangelico iure per poenitentiae sacramentum resurgere & reconciliari possunt. Trident. *ses. XIV. can. 1.* At in veteri disciplina ecclesia parce admodum pacem & absolutionem dabat, ne medicina vilis minus utilis esset aegrotis; aliis enim etiam in fine denegabatur absolutio: aliis tantum in fine pax dabatur; nec dari solebat secunda poenitentia iis, qui semel publicam propter crimina poenitentiam egissent. Quin stantibus canonicis poenitentiis confessiones frequentes esse non poterant. Sed haec disciplina iamdiu desuevit, iamque poenitentia saepe re-

peti solet: at videant sacerdotes confessionibus praepositi, ne tanta facilitate peccata soueant.

§. IV. Venio ad sacramenti poenitentiae necessitatem. Iure euangelico christianis in graua peccata lapsis ad gratiae recuperationem absoluta necessitate sacramentum poenitentiae requiritur, Trident *sess. XIV. cap. 2.*, in noua enim oeconomia non solis lacrimis Deus peccata remittere statuit. Quod si necessitas vrgeat, & sacerdos absit, peccata remittuntur per contritionem desiderio sacramenti instructam: & hinc manauit doctrina, poenitentiae sacramentum iure diuino *in re, vel in voto* esse necessarium. Obligat vero hoc diuinum praeceptum praesertim in mortis articulo, aut si aliquod sacramentum administrandum est: at extra hos casus non diu confessio differri debet.

§. V. Porro ecclesiastico praecepto tenentur fideles, saltem semel in anno, peccata proprio sacerdoti confiteri, alias excommunicantur, quod Innocentius III. in concilio generali statuit, *cap. 12. ex. de poenit. & remissionibus*. Tempore Innocentii tantum non desuetis canonicis poenitentibus, locum habere poterat ecclesiasticum praeceptum, quod pluries, aut saltem semel in anno ad confessionem adigeret. Nullam anni partem ad edendam confessionem consilium designat, quamuis eucharisticam communionem paschae addicat; at moribus ecclesiarum iam inductum est, vt praeceptum edendae confessionis etiam in pascha adstringat, vt ita fideles ad sacram mensam se disponant. Et quoniam ecclesia eam confessionem faciendam edieit, quam Christus instituit; sacrilega confessione illuditur potius, quam impletur praeceptum.

C A P V T XVII.

De sacramento extremae unctionis.

§. I. **I**esus Christus, qui omni tempore seruos suos salutaribus praesidiis muniuit, eos in fine vitae etiam

etiam sacramento extremae vnctionis armavit. Est extrema vnctio sacramentum, quo per olei vnctionem & ei adhaerentem orationem infirmis gratia confertur, peccata & eorum reliquiae absterguntur, ad morbi incommoda superanda vires augentur, & corporis sanitas, si eorum saluti expedierit, restituitur. Ab oleo & vnctione, quibus confertur; hoc sacramentum a Latinis dicitur *oleum sanctum*, *oleum benedictionis* & *vnctio infirmorum*.

§. II. De sacramento vnctionis infirmorum exstat conceptissimus Iacobi apostoli locus in *epist. can. cap. V. v. 14. & seq.*, ex quo ferme omnia, quae de extrema vnctione habet ecclesia, hausta & recepta sunt. *Infirmatur quis in vobis? sunt Iacobi verba, inducat presbyteros ecclesiae, & orent super eum, ungentes eum oleo in nomine domini. Et oratio fidei saluabit infirmum: & adleuiabit eum dominus: & si in peccatis sit, remittentur ei.*

§. III. Itaque elementum, vnde conficitur extrema vnctio, est oleum, quod ex Iacobi verbis & perpetua traditione docet ecclesia. Trident. *ses. XIV. de sacram. extr. vnct. cap. 1.* Olei vero nomine venit oleum oliuarum, debetque esse merum; nulla enim permissionis mentio in antiquis monumentis & ritualibus libris occurrit. Ex antiqua disciplina oleum benedicitur, & quidem apud Latinos ab episcopo seria quinta in coena domini; apud Graecos vero a presbyteris semper ac dandi sacramenti datur occasio. Benedictio autem ista olei ad sacramenti naturam non pertinet, sed ecclesiae auctoritate addita est, vt eo magis de eius virtute constaret. Sambou. *de sacram. extr. vnctionis diff. III. art. 1.*

§. IV. Consecratio oleo infirmum inungi oportet: quae vnctio theologis *materia proxima* dicitur. Nihil de partibus vngendis Iacobus edixit: & hinc super ea re ecclesiae disciplina varia fuit. Olim vna pars corporis, puta pectus, videtur inuncta, quod Mabillonius *praef. ad saec. I. Benedict. n. 97.* obseruat: inde plures partes placuit inungere, inter quas alicubi fuit pars male prae reliquis adfecta, quo referebant verba Iacobi, & *adleuiabit eum dominus*. Moribus praesentibus Latinorum vnguntur quinque organa sensuum, & praeterea renes & pedes: sed renum vnctio in feminis propter honestatem semper omit-

titur, omittiturque etiam in maribus, si prae infirmitate commode moueri non possint.

§. V. Partium vnctionem formula verborum comitatur, quae olearem istam vnctionem sacramentalem facit. Iacobus apostolus orandum super infirmum edixit, nec expressit, quibus verbis orare oporteret. Hinc ecclesiae variis orationibus & formulis vsae sunt. Formula Graecorum continetur in Euchologio, incipitque *πατερ αγιε* *pater sancte*, in qua praeter Deum plures sancti inuocantur. Sed Latina ecclesia in praesenti disciplina sub hac formula partes inungit, *per istam sanctam vnctionem & suam piissimam misericordiam indulgeat tibi dominus quidquid per visum* (& ita porro in aliis membris) *deliquisti. amen* (a). Quibus verbis contineri formam extremae vnctionis Eugenius iv. & Tridentini patres *sess. XIV. de sacram. extremae vnctionis cap. 1.* docent.

§. VI. Minister extremae vnctionis iure diuino *presbyter* est: quo nomine episcopus & proprie sic dictus presbyter intelligitur (b). Non vero omnis sacerdos recte infirmos inungit, sed tantum parochus, qui est ordinarius sacramenti extremae vnctionis minister, *Clement. unic. de priuilegiis*, extra quam si necessitas urgeat, quo casu

(a) Formula ista, qua ecclesia Latina infirmos inungit, non adeo antiqua est; verba enim, quibus vnctio exprimebatur, olim directa erant, non precativa, veluti, *inungo te oleo sancto*, aut his similia: quod Hugo Menardus *not. in sacram. S. Gregorii & Launoii de sacramento vnctionis infirmorum* pluribus probant. Verum semper ecclesia ante & post vnctionem preces adhibuit, quae ad vim sacramenti videntur spectasse.

(b) Verbis Iacobi conuenienter in vtraque ecclesia ad vngendum infirmum plures presbyteri conuenerunt. Vigent apud Graecos adhuc antiqui mores; at apud Latinos iamdiu vnus presbyter vngit, *cap. 14. ex. de verbor. significat.* Cui innouationi causam fortasse dedit avaritia sacerdotum, qui nisi accepta pecunia ad vngendos infirmos conuenire detrectabant. Quod vero oleum infirmorum operatur per fidei orationem etiam in praesenti disciplina bene est, si plures presbyteri & clerici aduocentur, quod S. Carolus *couc. IV. Mediolanensi par. II. cap. 6.* admonet: immo si tota ecclesia ad orandum inuitetur.

sasu quilibet sacerdos extremam vnctionem administat.

§. VII. Iam soli christiani infirmi, qui actualia peccata post baptismum admiserunt, extremae vnctionis capaces sunt. Infirmi autem, qui oleo Iacobeo vngendi sunt, ex praesentibus ecclesiae Latinae moribus illi censentur, *de quorum morte timetur*, vt habet Eugenius IV. in decreto. Et certe conuenit huius sacramenti institutioni, vt adhuc integris sensibus, nec omnino fractis viribus infirmi vngantur, vt ita salus corporis facilius restituatur (c).

§. VIII. Effectus extremae vnctionis est Spiritus sancti gratia, qua infirmi interius perfusi, plures & salutes gratias consequuntur. Trident. *ses. XIV. de sacram. extr. vnctionis cap. 2.* In primis oleum sanctum abstergit peccatorum reliquias, & infirmos adleuat, excitatque ad morbi incommoda aequo animo ferenda, & ad daemonum tentationes superandas. Item si quae adhuc supersunt, peccata dimittit, & praesertim venialia, & indirecte etiam mortalia, puta quae commisisse infirmus ignorat, aut si confiteri non valeat. V. Nat. Alexand. *theol. dogm. & moral. lib. II. de extr. vnct. cap. 2.* Et demum extrema vnctio ipsam corporis sanitatem restituit, si id spirituali infirmorum saluti Deo expedire videatur, qui secundarius, non primarius olei sancti effectus est.

§. IX. Vt vero oleum sanctum effectus producat suos, apti & dispositi infirmi sint, oportet. In primis requiritur, vt sint corde contriti & a peccatis absoluti, est enim infirmorum vnctio poenitentiae complementum. Ipsi infirmi

(c) Vsu veterum etiam in leuibus morbis aut morborum initio infirmi vngi solebant. Sambou. *de extr. vnct. disp. VIII. art. 1.* Qui mos apud Graecos etiam hodie seruatur. Sed in Occidente post saeculum decimum secundum extrema vnctio iam mortis articulo dari coepit: qui peruersus vsus videtur inuoluisse a vulgi ignorantia, qua in Anglia & Gallia credebatur, suscepta extrema vnctione non licere amplius matrimonio vti, nec carnes comedere, nec nudis pedibus ambulare, nec condere testamentum: hinc in vitae vltimam periodum dilatum est oleum infirmorum, ne si eo suscepto infirmi conualescerent, tantis incommodis obnoxii forent. V. Mabillon. *praef. in sac. I. Benedict. n. 100.* Plures canones huic erroneum morem damnarunt.

firmi extremam vñtionem petere debent: & si id facere non valeant, etiam vnguntur, modo bene & religiose vixerint; aut si male, dum mente constabant, doloris & poenitentiae signa dederint. Praediti etiam fide viuam infirmi esse debent & summa obtinendae salutis fiducia, vtpote qui per fidei orationem eriguntur.

§. X. Sacramentum extremae vñtionis ab ecclesia veluti poenitentiae perfectio & consummatio semper habitum est. Trident. *ses. XIV. de sacram. extr. vñtionis*; dimittuntur enim per hanc vñtionem reliquiae peccatorum, & quae supersunt, peccata. Hinc in veteri disciplina extrema vñctio ante eucharistiam dari consuevit, quod fusc Launojus & Grancolasius probant. Stetit hic mos ad saeculum decimum tertium, tum sensim mutatus est, iamque obtinet, vt infirmi post eucharistiam vngantur (d). Quod si qui hodie infirmi veteris disciplinae non ignari ante eucharistiam suscipere oleum sanctum malint, tantae religioni videtur annuendum, modo inde fideles non offendantur. V. Espen. *par. II. tit. 8. cap. 2.*

§. XI. Quum extrema vñctio non solum infirmos erigat, & peccata dimittat; verum etiam, si Deo placuerit, sanitatem restituat; nemo profecto, qui eius capax est, eam debet omittere. Interim iusti, qui tantum venialium peccatorum conscii sunt, nullo diuino praecepto ad suscipiendum oleum sanctum adstringuntur, nisi graues tentationes vrgeant. V. Sambou. *de sacr. extr. vñct. disp. VII. art. 3.* Sed qui mortalium peccatorum, de quibus nequeunt confiteri, sibi conscii sunt, necessitate diuini praecepti ad extremam vñtionem obligantur. Praecepto autem ecclesiae etiam iusti in infirmitatibus oleo Iacobeo vngi tenentur; id enim habent omnium ecclesiarum mores, qui loco canonum sunt (e).

CA-

(d) Nouae disciplinae fortasse occasionem dedit dilatio extremae vñtionis ad vltimas vitae angustias; & nomen ipsum *extremae vñtionis*, quod scholastici vltimum sacramentum interpretati sunt, quando vñctionum vltimam significabat.

(e) Extremam vñtionem proxime exciperet de sacris ordinationibus tractatus, sed quidquid eius rei est parte 1. abunde explicuimus.

C A P V T XVIII.

De sponsalibus.

§. I. **S**PONSALIA ex receptis moribus matrimonio praemittuntur, & christiani ad sacramenti gratiam se disponant. Sunt sponsalia proprie sic dicta *futurarum nuptiarum promissio*, *can. 3. C. 30. q. 5.*, seu, ut habet Florentinus iurisconsultus in *L. 1. D. de sponsalibus*, *mentio* & *repromissio futurarum nuptiarum*. Dicta autem sunt Romanis sponsalia a spondendo, quia moris fuit veteribus *stipulari* & *spondere sibi uxores futuras*, *L. 2. D. eodem*: quamvis temporis lapsu posthabitis stipulationibus solo consensu Romani sponsalia contraxerint, *L. 4. & 7. D. eod.* Cui iuri adhaesit ecclesia, quae semper docuit, etiam solo consensu sponsalia contrahi. Sunt vero canonistis sponsalia duplicis generis, alia *de praesenti*, alia *de futuro*, quorum ista sunt consensus in futuras nuptias, illa sunt consensus in praesens matrimonium.

§. II. Sponsalia proprie sic dicta omnes recte contrahunt, qui in futuras nuptias possunt consentire. Hinc sponsalia contrahere vetantur furiosi, mentecapti, infantes, *L. 8. & L. 14. D. de sponsalibus*. Sed impuberes, qui sunt septem annis maiores, siue patres siue filiifamilias, quod in futuras nuptias possunt consentire, sponsalia recte contrahunt, *cit. L. 14.*, modo si contrahentes filiifamilias sint, etiam parentes consentiant, aut saltem non dissentiant: quod naturae redolet honestatem, & utroque iure consecratum est, *L. 7. §. 1. D. eodem*, *can. 1. & 3. C. 30. q. 5.* Quoniam vero lubricum est impuberum consilium, adueniente pubertate a sponsalibus possunt resilire, *cap. 8. ex de despons. impuberum*. Ipsi quoque parentes filiorum impuberum, puberumue nomine futuras nuptias paciscuntur, pactoque parentum filii stare tenentur, si expresse vel tacite consenserint, *L. 13. D. eo-*

D. eodem, cap. vn. §. ult. de sponsal. in 6.

§. III. Quamvis sponsalia nudo consensu contrahantur; tamen multis sollempnibus confirmari consueuerunt, veluti sacerdotali benedictione, donationibus sponsalitiis, quas saepe sponsus sponsae, raro haec illi mittere solebat (a). Immo adhibiti testes sunt, & instrumenta confecta, vt ea iam contracta fuisse constaret (b).

§. IV. Ex sponsalibus nascitur obligatio ad nuptias contrahendas: at si sponsi fidem implere renuant, potius monentur, quam coguntur, *cap. 17. ex. de sponsalibus (c):*

nu-

(a) Vocantur huiusmodi munera *donationes sponsalitiæ, ar-
rhae & pignora*: inter quæ maxime eminebat anulus, quem, tamquam mutuae passionis signum, sponsus sponsae dare consuevit, eumque *pronubum* Tertullianus *apol. cap. VI.* appellauit. Vfus anulorum receptissimus erat apud Romanos, at non ornatus caussa, sed in signandi usum: obsignari enim solitas arcas penurias, ne a seruis furriperentur, ex Plinio Baroni-
ad an. LVII. obseruat. Etiam in pignus futurarum nuptiarum mulieribus Romani anulos dabant, idque vt indicaretur custodia rei domesticae, quæ vxori erat demandata. Vsum anuli pronubi christiani retinuerunt, eique signum fidei insculpere solebant. Erat vero anulus Plinii aetate ferreus & sine gemma, sed secundo ecclesiae saeculo iam aureus vsurpabatur.

(b) Porro sponsalia confirmata per osculum, quod vir sibi desponsae mulieri impingebat. Vfus osculi in matrimoniis etiam apud ethnicos cognitus fuit, teste Tertulliano *de veland. virginib. cap. XI.*, at potiori ratione illud in sponsalibus suis christiani, apud quos nihil osculo sanctius & vltarius, vsurparunt, *L. 5. C. Th. de sponsalibus*. Sed in Occidente simul ac pristina simplicitas in malitiam degenerauit, osculum sponsaliti-
um sensim desuevit, at apud Graecos adhuc perseuerat. V. Mazoch. *diatr. in can. Illiber. LIV.* apud Muscettulam *de sponsalib. & matrim. filiorumfam.*

(c) Iure Romano ex sponsu actio efficax ad nuptias contrahendas non dabatur; nuptiis enim, quæ potius animos, quam corpora debent illigare, aduersari videbantur coactiones: & praeterea vbi diuortiorum licentia recepta erat, sponsaliorum firmitas nulla esse poterat. Sed apud christianos inde vsque ab initio magna vis sponsalibus haesit, praesertim si per osculum & sacerdotalem benedictionem contracta essent. Conc. Illiber.

cap.

nuptiae enim potius mutuo amore, quam coactionibus iniuri debent. Franc. Florens in *Gratiani caus.XXVII. q. 2.* Et si Alexander III. etiam *ecclesiastica censura compellendum* inuitum sponsum respondit, *cap.9. ex. eodem*, id ea exceptione dixit, *nisi rationabilis causa existerit*: & in hoc negotio, ubi coactiones fini videntur aduersari, vel leuissima causa rationabilis censetur, quod recte Mazochius in *Muscettul. not. XXXIV.* obseruat. Quod si adiuncta aliud suadeant, puta si per osculum pudicitia delibata sit, vel si sponsa deflorata; omnino ad nuptias sponsus cogi debet.

§. V. Pluribus modis sponsalia, etsi rite contracta, dissoluuntur, nec enim indissolubili vinculo adstringunt. In primis soluuntur mutuo consensu, etiamsi iureiurandi religione confirmata sint, *cap.2. ex. de sponsalibus*. II. per matrimonium, quod sponсорum alter iniuria quidem, sed valide cum alia, alioque contraxit. III. per ordinis sacri susceptionem, *cap. vn. de voto in 6.*, & per ingressum in religionem eiusque professionem; sed quousque religionis emittitur professio, conuersi obligatio potius in suspenso est, quam soluitur; relictus vero ab initio liberatur. IV. soluuntur sponsalia sequenti alterutrius fornicatione, idque in solius innocentis gratiam, *cap. 25. ex. de iureiurando*, itemque constanti & insigni alterutrius infirmitate, aut deformitate, quae superuenit, veluti si mulier leprosa fiat, aut paralytica, seu quidquam aliud ei turpius aduenerit; omnibus enim pactationibus, multo magis sponsalibus, inest conditio, *rebus ita stantibus*. V. per professionem alterutrius ad longinqua sine alterius consensu, respectu tamen partis relictæ, *cap.5. ex. de sponsalib.*

CA-

can. LIV. Trullan. can. XCVIII. Ex qua disciplina christiani imperatores poenis subiecerunt sponfos fidem implere nolentes, *L.6. C.Th. de sponsalibus*, *L.5. C. eod.* Stat adhuc in Oriente tanta sponsaliorum vis, quod osculum & arrhae fidei datae accedant; at in Occidente, ubi osculum & benedictio usurpatae defuerunt, obligatio ex sponsalibus aliquatenus oblauiuit.

C A P V T XIX.

De sacramento matrimonii.

§. I. **N**uptiae, seu matrimonium ex creatoris intentione videntur esse societas indiuidua, quam masculus & femina procreandae & educandae sobolis & mutui praesidii gratia ineunt. Sane contrahuntur nuptiae ad filios procreandos & educandos; parum est genuisse filios, nisi educentur; infantes enim recens nati sibi non sufficiunt, & deinde dum adolefcunt, longa & studiosa institutione indigent. Hinc tener amor parentibus erga filios inditus; vt scirent, se ad eos educandos teneri. Porro qui in indiuiduam vitae consuetudinem & in generationem liberorum consentiunt, sibi mutuo sunt adiutorio. Hinc naturae institutis aduersantur omnes vagae, & incertae commissiones, quae parum ad generationem, nihil ad educationem liberorum profunt.

§. II. Natura & origine sua matrimonium contractus est; at apud christianos etiam inter sacramenta censetur: quae ecclesiae doctrina est. Duplici vero ratione matrimonium sacramenti religione donatur, & quod rem arcanam, coniunctionem nempe Christum inter & ecclesiam, significat: quo sensu apostolus *ad Ephes. V. 32.* illud *magnum sacramentum* dixit: & quod sub signo sensibili gratiam effundit, per quam coniuges caelesti benedictione augentur, quidquid lutei nuptiis inest, purificatur, & vires dantur ad matrimonii onera sustinenda. Sane antiqui patres, Tertullianus *lib. II. ad uxorem cap. ult.* Ambrosius *epist. LXX.* & Chrysostomus *hom. XLVIII. in Genesim* nuptias christianas caelesti benedictione impleri & sanctificari docent. Et hoc posteriore sensu matrimonium est vnum ex septem ecclesiae sacramentis.

§. III. Matrimonium a theologis diuidi solet in *legitimum, ratum & consummatum*. Legitimum secundum leges gentium contrahitur, non in fide Christi, qualia sunt

sunt matrimonia infidelium. Ratum a fidelibus ex regulis christianae religionis contrahitur, sed nondum corporum coniunctione in usum deductum est. Consummatum vero est, si corporum usus accedat, exprimitque sacramentum inter Christum & ecclesiam; cuius sacramenti ratione perfectum & consummatum dicitur, nam ratione ciuilis negotii & alterius sacramenti, quod gratiam effundit, etiam ratum censetur perfectum.

§. IV. Iam quod spectat materiam, formam & ministrum sacramenti matrimonii, theologi disputant, ecclesia silet. Eorum multi ipsos contrahentes materiam, & verba, quae consensum exprimunt, formam faciunt. Alii verba ipsa, seu consensum mutuum verbis aut signis expressum, diuersa ratione materiam & formam esse docent: & materiam quidem, quatenus determinantur, formam vero, quatenus determinant. Item scholastici ipsos contrahentes sacramenti ministros faciunt. Sed ex meliori est sententia Melchior Canus, Estius, Drouuenus, Natalis Alexander alique docent, materiam sacramenti esse ipsum ciuilem contractum, formam in benedictione sacerdotali contineri, ministrum vero esse sacerdotem, qui nuptiis benedicit. Sane nuptiis gratia accedit per sacerdotalem benedictionem, quae est veterum patrum sententia. Ambros. *ep. LXX.* Chrysost. *hom. XLVIII. in Genes.* Transuersos egit scholasticos vtriusque iuris sententia, matrimonium consensu perfici: atque ita materiam, formam, & ministrum sacramenti in ipsis contrahentibus quaesierunt. Sed facile erat obseruare, consensu perfici contractum, sacramentum vero hierologia.

§. V. Causa efficiens contractus matrimonii est mutuus contrahentium consensus, quo verbis, aut signis declarant, se in indiuiduam vitae consuetudinem consentire, *L. 30. D. de regulis iuris, can. 1. & 2. C. 27. quae 2.* Nimirum matrimonium societas est, & societates consensu contrahuntur. Edi vero potest consensus in nuptias etiam vicaria alterius opera, modo ad id speciale mandatum detur, procurator datus per se mandatum impleat, & mandans tempore contracti matrimonii in consensu perseueret, *cap. ult. de procurat. in 6.*

§. VI. Praeter coniugum consensum, si filii familias
nu-

nuptias ineant, etiam parentum, sub quorum potestate sunt, consensus requiritur: quod ius ipsa natura duce omnes peraeque gentes seruauerunt, in primis Romani, apud quos inuito patrefamilias filiorum nuptiae prorsus irritae erant, *pr. tit. instit. de nuptiis, L. 2. D. de ritu nuptiar.* Ecclesia in imperio nata leges ciuiles secuta est, quod ius vsque ad saeculum decimum secundum stetit. V. Ivenin. *de sacram. diss. X. q. 5. cap. 3. art. 1.* Inde obtentu libertatis matrimonii noua inualuit doctrina, quae adserit, grauiter peccare filios sine parentum consensu contrahentes, at valere contractas nuptias: cui sententiae Tridentina synodus *sess. XXIV. de ref. matrim. cap. 1.* adhaesit. Hinc tristis & inauspicata libertas matrimonii apud catholicos viget: nam libertas matrimonii certe non postulat, vt filii pro libidine & licentia sua sibi quaerant vxores (a).

§. VII. Quoniam vero qui errant, non consentiunt, hinc si coniugum vnus, aut ambo errent, nuptiae nullae sunt. Sed distinguere oportet, vtrum error sit circa personam contrahentium, an circa qualitates. Etenim error personae omnino nuptias nullas facit; at errore qualitatis contractae nuptiae valent, veluti si quae pulchra aut diues putetur, inde deformis, aut pauper inueniatur; qui enim hoc errore contrahit, vere in personam consentit, nisi error qualitatis *redundet in personam*, inquit S. Thomas in *IV. sententiar. dist. 30. q. 1. art. 2.*, hoc

(a) In Gallia regum edictis matrimonia filiorumfamilias inuitis parentibus inita habentur *inualide contracta*, quod alii de solis ciuilibus effectibus interpretantur, alii vero ita accipiunt, vt matrimonium ipsum omnino nullum & irritum sit. Et multarum gentium legibus parentes filios suos talia matrimonia contrahentes exheredes scribere possunt: quod pluribus Muscetula & Mazochius illustrent. Similiter apud nos Regis nostri lege, quae vi. Kal. Iulias anno c1010ccclxxi. prodiit, inter causas exheredationis censetur, si filii aut filiae, etiamsi emancipati sint, matrimonia sine patris, aut eius, qui vice patris est, consensu ineant, modo mares nondum elapso anno tricesimo, feminae nondum vicesimo quinto contraxerint.

hoc est, nisi contrahens ita adhaesit illi qualitati, vt si haec abesset, matrimonium non contraxisset, veluti si principis offeratur filia tamquam primogenita & heres regni, quae vere talis non est. Verum detecto errore consensus etiam praesumptus nuptias irritas conualidat.

§. VIII. Porro non est in nuptias consensus, atque ideo nullae nuptiae, si ex vi metuque graui exterius il-
lato contrahantur, *cap. 28. ex. de sponsalibus*. Consentiunt quidem qui metu agunt, at non omnino libere: & hinc coactus ille consensus ex graui metu extortus non sufficit ad matrimonium, quod animos potius, quam corpora adligat. Nihil vero interest, vtrum ab ipso coniuge, an a patre, an ab alio metus fiat, *cap. 11. ex. de despons. impuberum*, modo directe in finem matrimonii contrahendi inferatur, Gonzalez in *cap. 15. ex. de sponsalibus n. 4.*; & qui metum insert, id nullo iure faciat: nam si quis metu poenarum a magistratu cogatur mulierem, quam violauit, vxorem ducere, matrimonium valet; magistratus enim iure cogit: & actio imperio eius, cui cogendi ius est, suscepta agenti imputatur.

§. IX. Contractis sponsalibus, antequam matrimonium contrahatur, fieri debent proclamationes, seu *banna*, vt appellantur Gallica lingua, quibus vtriusque contrahentis parochi tribus continuis diebus festis inter missarum sollemnia populo denuntiant nomina eorum, qui nuptias contrahere intendunt, vt impedimentum, si quod fortasse subsit, detegatur, *cap. 3. ex. de clandest. desponsatione*, Trident. *sess. XXIV. de ref. matrim. cap. 1. (b)*. Sed edicta ista ad matrimonii vim non pertinent, recteque possunt episcopi eorum vel in totum vel pro parte veniam facere.

§. X. Iam matrimonia sollemni ritu contrahenda sunt, quod interest reipublicae & ecclesiae, vt familiarum status consistat. Sane gentes omnes sollemnibus modis nu-

Pars II.

Y

ptias

(b) Inde vsque a primis saeculis christiani nuptias apud ecclesiam profueri consueuerunt, quod Tertullianus de pudicit. cap. IV. testatur: qui mos mediis saeculis in multis ecclesiis intermissus, in synodo Lateranensi sub Innocentio III. ab aliquibus locis ad omnes ecclesias extensus est, *cap. 3. ex. de clandest. desponsat.*

nuptias contraxerunt; & ecclesia suos ritus addidit, quibus illae sacrae fierent⁹. Praecipuus vero christianorum ritus fuit hierologia, seu sacerdotalis benedictio: qui ritus vel a primis saeculis obtinuit, Tertull. *lib. II. ad uxor. cap. 9.* Ambrosi. *epist. LXX. V.* Bingham. *orig. eccles. lib. XXII. cap. 4. §. 1.* Benedictio ista nuptiarum a sacerdote de more aliarum benedictionum facta videtur, nempe per manuum impositionem. Clem. Alexandr. *paedag. lib. III. cap. 11.* Et quidem inter missarum sollemnia, & hinc missa propria nubentium tandem recepta est.

§. XI. Sollemnis & publica christianarum nuptiarum benedictio diu sola religione stetit: nec iure civili christianorum principum ad vim contractus matrimonii pertinuit. Probabant quidem christiani principes per benedictionem nuptias consecrari; at interim legitima habebant matrimonia ex forma legum civilium contracta. Hinc in veteri disciplina non desuerunt christiani parum religiosi, qui benedictionem omitterent, praesertim ubi non ex sententia ecclesiae nuptias contrahebant, contenti legitimas, etsi non sacras, nuptias contraxisse. Sed tandem christiana nuptiarum benedictio in legem civilem abiit, & ita nec legitima fuerunt matrimonia, nisi coram ecclesia benedictione sacerdotum consecrarentur: quod ius in Occidente Carolus M. *lib. VII. capitul. cap. 363.* & in Oriente Leo Sapiens *nouel. LXXXIX.* constituerunt.

§. XII. Per ecclesiam inducta & inde per leges civiles confirmata nuptiarum benedictio in ecclesia Graeca deinceps stetit; at in Occidente remissior disciplina inualuit, quae tenebat quidem, matrimonia coram ecclesia benedictione sacerdotali esse celebranda, verum simul valida, etsi illicita, habebat matrimonia clandestina, quae sine hierologia clam ceteris omnibus ipsi sponsi contraxissent, *cap. 11. ex. de clandest. desponsatione, cap. 3. ex. de sponsalib. (c).* Magno autem incommodo & reipublicae & ecclesiae

(c) Inualuerunt hi degeneres mores ex male accepta sententia legum & canonum, per consensum nuptias contrahi. Consensus nempe, qui legitimus & sollemnis esse debebat, sic acceptus est, quasi etiam clam editus sufficeret. Franc. Florens in *Grat. caus. XXX. quae. 5.*

clēsiae fuerunt clandestina matrimonia: filiorum & familiarum status incertus erat; & mariti suarum vxorum saepe pertaesi eas dimittebant, & nouas nuptias attentabant.

§. XIII. Sed tandem ecclesia Occidentalis matrimonia clandestina omnino irrita fecit. Statuerunt enim Tridentini patres *ses. XXIV. de res. matrim. cap. 1.* matrimonium contrahi debere coram parochō, seu alio sacerdote, de ipsius parochi, seu ordinarii venia, & duobus vel tribus testibus, & aliter contractum nullum esse (d), itemque matrimonium ab eodem parochō benedici debere (e). Parochus autem, coram quo matrimonium contrahere oportet, est ille, in cuius paroecia contrahentes vere morantur, etsi eo loci perpetuo morari non intendant: & si contrahentes sint diuersarum paroeciarum, vnus parochus siue viri, siue mulieris matrimonio adisset, quamuis in multis locis mos ferat, vt coram parochō mulieris matrimonium celebretur. Et quod spectat ad testes, ii cuiuscumque generis sint, sufficiunt, modo quid agitur, intelligant.

§. XIV. Sollemnia nuptiarum ex regulis nouae disciplinae non licet celebrare ab aduentu domini vsque ad Epiphaniā, & a feria quarta cinerum vsque ad octauam Paschae. Trident. *ses. XXIV. de res. matrim. cap. 10.* Poenitentiae nimirum tempus nuptiarum pompis & deliciis aptum non censetur.

§. XV. Plures iustarum nuptiarum effectus sunt, qui vel ex ipsius coniugii natura, vel ex ciuili iure, vel sa-

Y 2

cra-

(d) Quo decreto etiam contractui ciuili certa forma data est, idque ex disciplina a pluribus saeculis in Occidente recepta, qua ecclesia etiam de contractu matrimonii edicebat, & ex consensu christianorum principum, qui vel per legatos suos, vel postea huic decreto consenserunt.

(e) Num benedictio sacerdotalis ad vim nuptiarum pertineat, simul Tridentini patres non definierunt. Hinc receptum est inter nostros, valere nuptias coram parochō inuito & sine hierologia contractas, modo parochus de matrimonio contrahendo certior factus sit. Sed si admittatur, per benedictionem nuptias sanctificari, in hac specie matrimonium sacramentum esse non videtur.

cramenti religione dimanant. In primis coniuges per matrimonium fiunt duo in vna carne, & alter in alterius corpus ius acquirit. Item liberi nascuntur legitimi & in patris potestate. Per matrimonii quoque sacramentum coniuges gratia implentur, qua mutuus eorum amor adiuuatur, fides matrimonii sustinetur, & matrimonii & familiae onera euadunt leuiora.

§. XVI. Quaeres, an omnes natura habiles matrimonium contrahere tenentur? Satis aucto humano genere non omnes ex principiis iuris naturalis ad nuptias contrahendas obligantur, quod Pufendorfius *de iur. nat. & gent. lib. VI. cap. 1. §. 7.* probat: non desunt enim qui ferundo familiae & educationis filiorum onere impares sunt; alii vero, qui caelibes vtiliores ceteris hominibus esse possunt. Nec christiana religio singulos ad nuptias contrahendas adstringit: quin potius qui dono caelibatus donantur, melius faciunt, si procul a nuptiis Deo animum & corpus suum consecrent. Et merito pro religione sua Constantinus M. caelibatus poenas sustulit. *L. 1. C. de infirmam. poenis caelibatus.*

C A P V T XX.

De iis, qui nuptias contrahere vetantur.

§. I. **S**Vnt quaedam receptae regulae, quae quasdam personas omnino inhabiles ad matrimonium contrahendum reddunt, & si reapse contrahant, illud tamquam initio nullum, dirimunt; aliae vero tantum personas impediunt, quo minus contrahant, sed contractum non soluunt. Hinc matrimonii impedimenta duplicis generis exorta, *dirimentia* nempe, & *impedientia*, vt appellantur.

§. II. Proueniunt autem omnia matrimonii impedimenta aut iure naturae, aut iure diuino, aut legibus principum, aut sacris canonibus. Est enim matrimonium non tantum naturae institutum, verum etiam ciuile negotium & ecclesiae sacramentum. Et quod spectat ad leges

ci-

ciuiles, in compertis est, summis imperantibus ius esse, quo impedimenta, etiam dirimentia, constituent: quod doctiores theologi docent. *Matrimonium*, ait S. Thomas *lib. IV. contra gent. cap. 78.*, in quantum ordinatur ad bonum politicum, subiacet ordinationi legis ciuilis. Sane christiani imperatores & deinceps reliqui reges legibus suis varia nuptiarum impedimenta dirimentia constituerunt; gradus cognationis & adfinitatis, in quibus illae contrahi non possent, finierunt; rescriptis suis vetita matrimonia permiserunt, & totius contractus curam ad se pertinere professi sunt. Verum a multis saeculis rariora facta sunt principum edicta, quae de vi ipsa matrimonii statuunt, siue quod illi religioni sibi ducerent de re, quae magnum erat sacramentum, leges ferre; siue quod sua interesse viderent cum episcopis non disceptare.

§. III. Potestate quoque dirigendi & ordinandi matrimonii, vt ad finem religionis tendat, donatur ecclesia. Et reapse omni tempore ecclesia canones condidit, vt fideles in domino nuptias inirent. Verum regulae istae per sex priora & amplius saecula videntur spectasse solam sacramenti religionem, non naturam & vim contractus; inde ecclesia sensim aucta est potestate, qua ipsum ciuile negotium dirigeret, & personas ad contrahendum omnino inhabiles faceret: quod Basilius Pontius *de matrimonio* pluribus adstruit (a). Nempe sacramentum matrimonii, quod ciuili contractui innitebatur, principale iudicatum est: & ita inualuit, vt ecclesia impedimenta dirimentia statueret.

§. IV. Iam iure naturae in primis nuptias non con-

Y 3

tra-

(a) Et sane antiqui canones numquam edicunt, matrimonia dirimi, si non ex eorum scitis contracta essent, sed tantum poenitentiam iniungunt: & porro constat ex concilio Mileuitano 11., cui S. Augustinus interfuit, ecclesiam summos imperantes adire consueuisse, si legem ad matrimonii vinculum spectantem edendam iudicaret, *can. CII. C. Afric.* Sed temporis lapsu ecclesia etiam impedimenta dirimentia constituit, quin ipsa ciuilia modificauit, auxit, abrogauit: quod ius saeculo sexto incepisse videtur, inde sensim creuit, & saeculo decimo secundo per Occidentem receptum erat.

trahunt inhabiles ad concubitum, siue per teneram aetatem tales sint, siue alio corporis vitio, vel magicis incantationibus frigeant (b). Puberes iure Romano censentur mares anno decimo quarto expleto, & feminae decimo secundo item expleto viri potentes habentur, *pr. tit. inst. quibus modis patria potestas soluitur*. Itaque ante hanc aetatem nuptiae nullae sunt, nisi malitia suppleat aetatem, hoc est, nisi natura praecox vim generandi praenertat, *cap. 9. & 14. ex. de desponsat. impuberum*. Nec nuptias iure naturae ineunt, qui aetate maiores perpetua & immedicabili impotentia laborant, *cap. 4. & seq. ex. de frigid. & maleficiatis*. Quod si reapse matrimonium inter impotentes contractum sit, & dubia sit impotentia, triennium ad explorandas vires conceditur, quo exacto matrimonium dirimitur, nisi velint tamquam fratres & sorores cohabitare, *cap. 5. & 7. ex. eodem*.

§. V. Item iure naturae nuptiae in certis gradibus vetantur inter cognatos & adfines. Cognatio proprie sic dicta est proximitas inter eos, qui per generationem ab eodem stipite descendunt, siue ex iustis nuptiis, siue ex quouis alio etiam illicito congressu proueniat. Constat cognatio lineis, lineae vero gradus habent suos. Linea est series personarum a communi stipite descendentium: eaque vel recta est, quae genitores & genitos exhibet, vel transversa, in qua ex latere coniuncti continentur: qui si aequo gradu distant a stipite, transversa aequalis est, si vnus altero remotior sit, inaequalis appellatur. Gradus est distantia inter cognatos, quae a communi stipite aestimatur.

§. VI. Iure ciuili vna & perpetua regula in omnibus lineis

(b) Impotentes ad matrimonium vitio debilis frigidaequae naturae vocantur *frigidi*, obstricti vero daemonum ope *maleficiati*, exstatque in decretalibus tit. *de frigidis & maleficiatis*. Nimirum antiqua sententia est, etiam apud ethnicos recepta, venereum impetum incantationibus & fufarris magicis infringi, quod Chardonius in *historia matrimonii cap. XIV.* probat: etiam alioquin dubitandum non videatur, saepe ex physicis causis & phantasiae vitio iacere in frigido lecto, qui se maleficiatos putant.

lineis gradus computantur, *generata persona gradum adiicit*, §.7. *instit. de gradib. cognatorum*, seu tot sunt gradus, quot generationes. In linea recta ex civili regula canones gradus metiuntur, nisi quod loco generationum personas usurpant, & ita tot numerant gradus, quot personas, demto tamen stipite. Sed in linea transuersa ab iure civili recentiores canones distant (c): etenim in transuersa aequali collaterales eo gradu sunt inter se, quo distant a stipite communi: & in inaequali, eo gradu inter se distant, quo remotior a stipite. Valet vero ecclesiasticus computus tantum in matrimoniis; nam in hereditatibus adhuc ex civili regula gradus aestimantur.

§. VII. Iure naturae in linea recta, seu inter generantes & genitos nuptiae omnino interdictae sunt; natura enim a talibus nuptiis abhorremus; & officia coniugum non bene conueniunt cum officiis, quae parentes & liberi sibi mutuo debent. Sed in linea transuersa etiam naturalis pudor, sed non tantus, videtur vetare nuptias inter fratres & sorores. Iure Romano nuptiae inter fratres & sorores semper vetitae sunt: & in linea transuersa inaequali vetabantur inter patruum aut auunculum & filiam fratris aut sororis: nec quis neptem fratris aut sororis uxorem ducere poterat, §.3. *instit. de nuptiis*. Nuptiae vero inter patruales & consobrinos iure antiquo Romano non vetabantur. V. Euerard. Ottonem *diff. de nuptiis consobrinor. cap. III.* Primus Theodosius M. eas nuptias vetuit, *tantum pudori tribuens & continentiae*, inquit de eo Aurelius Victor *epit. histor.* Sed Arcadius reuocata pristini iuris auctoritate legem patris sustulit, *L. 19. C. de nuptiis*. Et similiter Iustinianus consobrinorum nuptias permisit, §. 4. *instit.*

Y 4

§.VIII.

(c) Per plura saecula ecclesia etiam in linea transuersa civilem graduum computationem secuta est: quod Cuiacius, Espenius alique viri docti obseruant. Certe Ambrosius *ep. LX. ad Patern.* fratres patruales quarto gradu, & auunculum & filiam sororis tertio gradu inter se sociari adfirmat: quae ipsissima civilis computatio est.

§. VIII. Quod vero spectat ad ecclesiam, ea in cognatorum nuptiis & naturae instituta & leges civiles secuta est. Ergo in linea recta nuptiae in infinitum inter christianos interdictae sunt. Et ante Theodosium M. nuptiae inter consobrinos non erant interdictae, quod Augustinus *lib. XV. de ciuit. Dei cap. 16.* testatur. Inde ius Theodosianum semper seruauit ecclesia, licet Arcadii & Iustiniani legibus consobrinorum matrimonia restituta essent. Immo post saeculum septimum in Occidente nuptiae vsque ad septimum ex latere gradum interdictae sunt (d). Inde recepta canonica graduum computatione, & retenta eadem nuptiarum prohibitione, nuptiae inter coniunctos ex latere vsque ad decimum quartum gradum ex civili computatione interdictae sunt: quod ius & in cognatione & in adfinitate saeculo decimo secundo receptum fuisse videtur, quod Espenius *par. II. tit. 13. cap. 5.* obseruat. Tam vero patens nuptiarum prohibitio incommode erat reipublicae & ecclesiae, quod nuptias admodum difficiles reddidisset. Hinc Innocentius III. in concilio generali tam vagam prohibitionem restrinxit, statuitque, vt tantum vsque ad quartum consanguinitatis gradum deinceps nuptiae vetarentur, *cap. 8. ex. de consanguinit. & adfinitate (e).*

§. IX. Praeter cognationem ex sanguine etiam cognationes ciuile & spiritalis nuptias nullas faciunt, dirimuntque.

(d) Caut synodus Romana anno 1563. sub Gregorio II., vt nullus de propria cognatione uxorem accipiat: idque ex *Leuit. cap. XVIII. v. 6.* repetitum videtur. Hinc solliciti episcopi quo vsque cognatio extenderetur, auctoritate Pauli iuriconsulti in *lib. IV. sententiar. tit. 11.*, vbi successionis gradus septem constituuntur, videntur conclusisse, cognationem ad septimum gradum extendi, & in eo nuptias etiam ex latere interdicti.

(e) Huius iuris hanc pontifex dedit rationem, quia quatuor sunt humores in corpore, qui constant ex quatuor elementis. Nouum non est, etiam viros summos ineptas iuris constituti rationes assignare, vt exemplo esse potest Paullus iuriconsultus *lib. IV. sentent. tit. 9. §. 5.*

que. Cognatio civilis ex adoptione est, dirimitque nuptias iure civili inter adoptantem & filiam adoptatam, & in linea recta generatim inter eos, qui parentum & liberorum loco sunt, etiam dissoluta adoptione, §. 1. *inst. tit. de nuptiis*, L. 55. *D. de ritu nuptiar.* Item filius naturalis nec sororem adoptiuam, nec amitam, nec amitam magnam adoptiuam ducere potest, L. 17. *D. eod.* Sed in linea transuersa nuptiae dissoluta adoptione consistunt, *cit.* L. 55. Impedimentum civilis cognationis integrum ab iure civili ecclesia recepit, nec in eo aliquid mutauit, *can. 6. C. 30. q. 5., cap. vn. ex. de cognat. legali.* Hinc Cuiacius in *tit. decretalium de cognat. legali* docet, civilem fraternitatem etiam hodie nuptias dirimere.

§. X. Cognatio spiritualis ex baptismo & confirmatione est, quod superius explicimus. Antiqua est ecclesiae doctrina, qua veluti pater spiritualis censebatur, qui alicui baptismum dederat, aut aliquem in Christo instituerat, & de sacro fonte susceperat. Origen. *ad Rom. XVI. 21.* Sed cognatio ista olim nuptiis non erat impedimento, adeo ut ipsi parentes de baptismo filios suos susciperent. August. *epist. XXIII. ad Bonif.* Saeculo sexto lege Iustiniani statutum, ne quis ex baptismo susceptam uxorem duceret, L. 26. *C. de nuptiis.* Sed temporis lapsu impedimentum hoc extensum est ad alias personas ad instar consanguinitatis & adoptionis, haecenus ut suscipiens ex sacro fonte eiusque filii nec susceptam, nec eius cognatos ducere possent. Ita nuptiae difficiles factae: tandem vero Tridentina synodus *ses. XXIV. de ref. matrim. cap. 2.* cognationem spiritalem restrinxit, ac contrahi statuit inter susipientem & baptizatum ipsum & huius patrem & matrem, nec non inter baptizantem & baptizatum huiusque patrem & matrem: quod ius etiam in confirmatione seruari voluit.

§. XI. Venio nunc ad adfinitatem, quae iure civili est necessitudo inter coniugem vnum & alterius cognationem, ita dicta ex eo quod vna cognatio per nuptias ad alterius finem, qui maritus, aut vxor est, accedit, L. 4. §. 2. *D. de gradibus.* Iure civili tantum ex nuptiis adfinitas exorta videtur, sed iure decretalium ex quacunque carnis commissione inducitur, *cap. 8. seq. ex. de eo, qui*

qui cognouit consang. (f). Quod vero adfines ab adfinibus non generantur, nulli proprie gradus inter eos sunt: at exemplo cognationis etiam quasi adfinitatis gradus recepti sunt: & ita quo gradu quis est cognatus viro, eo est adfinis vxori, & contra, *can. 3. C. 35. q. 2. & 3.*

§. XII. Iure gentium non minus quam ciuili in linea recta adfinitatis nuptiae in infinitum vetitae sunt. Sed inter adfines ex latere iure Romano neque frater vxorem defuncti fratris ducere, neque soror marito sororis defunctae nubere potest, quoniam per adfinitatem frater & soror facti censentur, *L. 5. 8. seq. C. de incest. nuptiis.* Longo tempore etiam in adfinitate ecclesia ciuile impedimentum secuta videtur; at inde impedimento cognationis ad septimum ex latere gradum extenso, etiam adfinitas vsque ad septimum ex latere gradum nuptiis fuit impedimento: quod difficiles nuptias, non secus ac in cognatione, faciebat. Ergo Innocentius III. in concilio generali nuptias inter adfines ex latere tantum intra quartum gradum canonicae computationis fieri vetuit, *cap. 8. ex. de consang. & adfinis.* Et demum synodus Tridentina *sess. XXIV. de ref. matrim. cap. 4.* adfinitatem ex illegitima coniunctione ad secundum gradum restrinxit.

§. XIII. Porro ex quasi adfinitate, seu potius publica honestate iure Romano non licebat filio sponsam patris, nec huic illius sponsam ducere, *L. 12. §. 1. & 2. D. de rit. nuptiarum*, nec erant nuptiae inter sponsum & sponsae matrem, *L. 14. §. 4. D. eodem*: quae omnia locum habebant

(f) Quin ex nuptiis exorta adfinitas iure decretalium triplicis generis erat ex triplicibus gradatim contractis nuptiis. Et enim primae nuptiae cognatos viri adfines primi generis vxori faciebant; quae est proprie sic dicta adfinitas: inde si superstes vidua ad secundas nuptias transiret, hic secundus maritus adfinis secundi generis cognatis primi viri erat: & demum si muliere mortua eius superstes maritus aliam vxorem duceret, haec tertii generis adfinis cognatis primi viri censebatur. V. Cuiac. *ad tit. decret. de consang. & adfinitate.* Sed tandem Innocentius III. in concilio generali duas posteriores adfinitatis species, quae difficiles admodum nuptias fecerant, abrogauit, *cap. 7. ex. eodem.*

bant etiam dissolutis sponsalibus; inhonestum enim visum, vt dissolutis sponsalibus filius sponsam patris, aut sponsus matrem sponsae duceret. Longo tempore ecclesia etiam in publica honestate leges ciuiles secuta est, at inde impedimentum hoc ad septimum ex latere gradum productum, *can. 15. C. 27. q. 2.* Sed ab Innocentio III. in concilio generali etiam publica honestas ad quartum gradum restricta videtur. Ex sponsalibus autem nascebatur honestas, si pura & certa essent, hoc est sine conditione & cum certa persona contracta, etsi quauis ratione invalida, modo non essent nulla ex defectu consensus, *cap. vn. de sponsalibus in 6.* Tridentinae synodi decreto *sess. XXIV. de res. matrim. cap. 3.* honestas ex sponsalibus quacumque ratione nullis sublata est, & ex validis primum gradum non excedit.

§. XIV. Inhabiles quoque sunt ad nouas nuptias contrahendas, qui adhuc pristino coniugio ligantur: iure e-
uangelico & ciuili polygarnia interdicta est. Itaque apud christianos non licet nouas nuptias contrahere, nisi ante de coniugis morte certo nuntio constet, *cap. 19. ex. de sponsalibus.*

§. XV. Porro nullae sunt nuptiae, quas homines liberi cum seruabus, quas putant esse liberas, contrahunt. Iure ciuili serui, qui potius res, quam homines habebantur, de consensu dominorum non nuptias, sed contubernia contrahebant; matrimonia nempe naturalia iuris effectibus destituta: quod ius olim ecclesia seruauit. Inde contubernia seruorum sensim in rata matrimonia abierunt, & inuitis etiam dominis contracta sunt, *cap. 1. ex. de coniugio seruorum*: quin etiam admissae legitimae nuptiae hominis liberi cum serua, modo ille coniugis conditionem non ignorasset, *can. 2. 4. & seq. C. 29. q. 2.* Contigit tanta mutatio ex principiis christianae religionis, quae habent, apud Deum non esse personarum acceptionem, *can. 1. & seq. eod.* Quamuis haud scio, an verissima alioquin doctrina debuisset adeo extendi, vt ciuium ordines confunderet. Vnum tantum ex veteri disciplina superest, quod nullae sunt nuptiae, si homo liber ignorans contrahat cum serua, licet error qualitatis sit, *cap. vlr. ex. eodem.*

§. XVI. Item nullum est matrimonium inter raptorem & raptam. Raptus est abductio puellae per vim aut dolum facta, siue ipsa inuita sit, siue ipsa consentiat, parentibus inuitis. Primus Iustinianus videtur statuisse, ne vnumquam rapta matrimonio raptori coniungatur, etsi rapta eiusque parentes consentirent, *L. vn. C. de raptu virginum*: quod ius in vtraque ecclesia post Iustinianum obtinuit, *capit. reg. Franc. lib. VI. cap. 69., can. 11. C. 16. q. 2.* Sed a saeculo decimo in Occidente hoc impedimentum relaxari coeptum est, & inter raptorem & raptam matrimonium concessum, modo rapta raptori consentiret, *cap. 7. ex. de raptorib.* Quoniam vero quamdiu rapta in potestate raptoris est, non videtur sponte in nuptias consentire; statuerunt Tridentini patres *ses. XXIV. de res. matrim. cap. 6.*, tum valere inter raptorem & raptam nuptias, si haec a raptoe separata & in loco tuto constituta libere assentiatur.

§. XVII. Porro inhabiles ad nuptias inter se contrahendas sunt adulter & adultera, si eorum alter, vel ambo in innocentis vxoris vel mariti mortem conspirauerint, vt possent sibi inuicem matrimonio iungi, vel si post adulterium viuo adhuc alterius coniuge de futuris nuptiis ambo sibi fidem dederint, *cap. 3. & seqq. ex. de eo, qui duxit in matrimonium (g)*.

§. XVIII. Mulier quoque nec illi nubere potest, qui maritum eius interfecit, si & ipsa in mariti mortem conspirauerit, *cap. 1. ex. de conuers. infidelium*. Quod si homicidium

(g) Iure Romano nuptiae inter adulterum & adulteram omnino interdictae erant, *L. 11. §. 11. L. 40. D. ad legem Iul. de adulteriis & nouel. CXXIV*. Et secundum hanc regulam per plura saecula ecclesia inter adulterum & adulteram nuptias non adgnouit. V. Ant. August. *epit. lib. XXVII. tit. 21*. Inde Gratianus *ad can. 3. C. 31. q. 1.* antiquum & late patens adulterii impedimentum ad duas species restrinxit, quibus vel adulteri ad mortem alterius coniugis conspirauerint, vel fidem de futuris nuptiis sibi mutuo dederint. Magna fuit in Occidente Gratiani auctoritas, & hinc eius doctrina recepta, & secundum eam de nuptiis inter adulteros indicatum est.

cidium causa matrimonii admissum sit, sed altero coniuge infcio, matrimonium non infirmatur, *cap. 3. ex. de eo, qui duxit in matrimonium.*

§. XIX. Nuptiis porro iungi vetatur fidelis cum infideli, veluti ethnico & Iudaeo: quod impedimentum nostri *cultus disparitatem* dicunt. Inde vsque a primis saeculis nefas christianis fuit nuptias inire cum infidelibus aut haereticis, nisi vel christianos fieri, vel ad catholicam fidem transire promitterent. Conc. Illiber. *can. XVI. seq. Chalced. can. XIV. Agath. can. LXVII.* Verum si tales nuptias christiani attentarent, tantum violatae disciplinae rei erant, & poenitentiae subdebantur, at nuptiae consistebant, quod Chardonius in *historia matrimonii cap. XIII.* multis probat. Successu temporis apud Graecos synodus Trullana *can. LXXII.* irritas fecit inter fideles & haereticos contractas nuptias. Et in Occidente sensim moribus inualuit, ut nuptiae fidelium cum infidelibus nullae essent: quod ius saeculo decimo secundo iam receptum erat. At valent apud Latinos nuptiae cum haereticis, etsi illicitae & periculi plenae sint.

§. XX. Porro monachi & regulares omnes sollemni voto castitatis adstricti nuptias contrahere vetantur, & contractae nullae sunt. Per plura saecula nuptiae monachorum etsi sacrilegae & nefariae essent, non tamen erant inualidae. Innocent. i. *ep. ad Victric. Rhotomag. cap. XIX.* August. *de bono viduit. cap. X.* Theodor. in *poenitent.* Sed in synodo Romana sub Innocentio II. anno CIOCCXXXIX. *can. VII.* irrita facta sunt monachorum & canonicorum regularium matrimonia. Deinceps opera praesertim Gratiani inter votum *sollemne & simplex* castitatis distinctum est, receptumque, votum sollemne irritas omnino facere nuptias contrahendas, simplex vero tantum eas impedire, non irritas facere, *cap. 4. & seq. ex. qui clerici vel voventes (h).* Votum vero sollemne castitatis, quod inhabi-

les

(h) Cui disciplinae praecipuam causam praebuit Gratianus *ad can. 8. D. 27. & ad can. 43. C. 27. q. 1.*, qui nesciens loca Augustini & Theodori cum synodi Romanae canone in concordiam reuocare, de more suo distinxit inter votum *simplex & sol.*

les ad nuptias facit, est quod in probata religione emit-
titur, & quod sacro ordini inest, quod Bonifacius VIII.
declarauit, *cap. vn. de voto in 6.*

§.XXI. Monachis adfines sunt sacris ordinibus initiati,
qui inhabiles etiam sunt ad nuptias contrahendas. Anti-
qua est ecclesiae Latinae disciplina, quae maiores clericos
omnino castos esse iubet; at nullus ex antiquis canonibus
irritas dixit post ordinationem contractas nuptias. For-
tasse in Occidente primum in synodo Lateranensi I. sub
Callisto II. anno MDCCXIII. *can. 21.* irrita facta sunt a
maioribus clericis attentata matrimonia. Quoniam ve-
ro clerici maiores etiam castitatis voto aditringuntur,
hinc dubitatum est inter theologos, vtrum ordo sacer
matrimonium ex lege ecclesiastica, an vero ex voto nul-
lum reddat: quae quaestio parum utilitatis habet; nec
de ea definienda Tridentini patres curarunt.

§. XXII. Quod spectat ad eos, qui impediuntur qui-
dem contrahere nuptias, at si reapse contrahant, nuptiae
sustinentur, ii in noua disciplina praesertim censentur
sponsi, qui dum sibi mutuo futuras nuptias promiserunt,
cum alio aliaue contra datam fidem matrimonium inire
vetantur: item voto simplici castitatis adstricti, seu qui
extra causam religiosae professionis & sacri ordinis su-
sceptionem Deo promiserunt castitatem: haeretici, qui
cum catholicis ob diuortia in rebus fidei nuptias contra-
here impediuntur: qui ab episcopo vel parocho vetiti
sunt cum aliqua matrimonium contrahere ob impedimen-
tum, quod subesse creditur, donec de illo constet: &
qui religionis christianae rudimenta ignorant. Scilicet in
his casibus canones sunt minus quam perfecti, quod nu-
ptias fieri vetant, contractas vero ratas habent.

CA-

& *sollemne* castitatis, aitque, Augustinum & Theodorum in-
telligi debere de voto simplici, canonem vero Romanum de
voto sollemni: atque inde docuit, votum simplex castitatis ir-
ritum non facere matrimonium, bene vero votum sollemne.
Proposita a Gratiano doctrina inde recepta est, & secundum
eam pontifices responderunt.

C A P V T XXI.

De relaxandis matrimonii impedimentis.

§. I. **I**mpedimenta matrimonii etiam dirimentia iure humano inducta possunt relaxari, & matrimonium inter eos, qui illud contrahere vetantur, concedi: quod iamdiu recepta voce *dispensatio* dicitur. Ex veteri disciplina nuptiae iure humano vetitae rescriptis principum concedebantur, *L. vn. C. Th. si nuptiae ex rescripto petantur*, Ambrosi. *ep. LX. ad Patern.* Symmach. *lib. X. ep. 11.* Exstant quoque apud Cassiodorum *lib. VII. variar. cap. 6. n. 40. & 47.* binae formulae, quarum una rex Theodoricus concedit matrimonium inter virum nobilem & plebeiam, altera nuptias inter consobrinos.

§. II. Hac stante principum potestate, ecclesiae ius in permittendis nuptiis per canones vetitis id profecto erat, ut poenitentias canonicas relaxaret. Conc. Chalced. *can. XVI.* Gregor. M. *lib. I. ep. 33.* Sed temporis lapsu potestas concedendi matrimonia inter eos, qui iure humano inhabiles ad nuptias sunt, ad ecclesiam transiit, idque post saeculum undecimum factum videtur. Mariana *hist. lib. X. cap. 8.* Vbi matrimonii sacramentum sibi contractum subiecit, sponte sua factum, ut ecclesia impedimenta relaxaret. Exercet autem hanc potestatem ferre tantum summus pontifex: quando enim haec noua disciplina inducta est, negotia ferme omnia ecclesiae Occidentalis in consistorio pontificis tractabantur. Sed impedimenta impediencia episcopi relaxant exceptis duobus, nempe eo, quod est ex sponsalibus, & ex voto simplici puroque castitatis perpetuae, aut profitendi religionem. V. Benedict. *xiv. de synodo dioecesi. lib. IX. cap. 2. n. 1.*

§. III. Ut vero inter inhabiles iure humano nuptiae recte permittantur, iusta causa necessaria est. In contrahendis matrimoniis vel nulla omnino detur dispensatio, inquit synodus Tridentina *ses. XXIV. de res. matr. cap. 5.*
vel

vel raro, idque ex causa & gratis concedatur: in secundo gradu numquam dispensetur, nisi inter magnos principes, & ob publicam causam. Causa autem pro concedendis nuptiis ultra secundum gradum cognationis ex latere, aut adfinitatis, in impedimentis cognationis spiritualis & publicae honestatis non necessario debet esse publica necessitas aut utilitas, sed sufficit priuata. Verum non omnia impedimenta iure humano inducta facile solent relaxari, sed tantum quae sunt ex cognatione & adfinitate in remotioribus gradibus, publica honestate & crimine adulterii sine conspiratione in mortem coniugis.

C A P V T XXII.

De diuortiis.

§. I. **N**omine *diuortii* iure Romano venit legitima nuptiarum solutio viuente utroque coniuge facta, qua peracta nouas nuptias inire licet. Alio nomine nuptiarum solutio *repudium* dicitur, eoque distabat inter repudium & diuortium, quod hoc inter virum & uxorem fieri dicebatur, repudium vero & sponsae & uxori mittebatur, L. 101. §. 1. D. de verbor. signif. Sed iure canonico nomine diuortii venit & ipsa vinculi nuptialis solutio, & separatio tori & habitationis vel ad tempus, vel in perpetuum, quae integro matrimonii vinculo contingit.

§. II. Apud gentes praesertim Iudaeos, Graecos & Romanos, ipsa institutione & natura matrimonii ferme aduersante (a), diuortia vel ex lenibus causis, immo bona gratia

(a) Sane Deus initio mulierem ex costa viri condidit, ut viro esset adiutorio, & ut duo in vna carne fierent, *Genes. cap. II. 21. seqq.*, hoc est aeterna & perpetua adfinitate coniuncti. Cui institutioni natura ipsa matrimonii consonat. Contrahitur enim ad liberorum procreationem & educationem: mulieres autem iterum concipere solent, antequam iam nati filii pro-

gratia permiffa erant; at Chriftus diuortia vetuit, nihil enim moratus libellum repudij, quem Moſes Iudæis permiferat; immo addens ob cordis duritiem iis fuiſſe permiffum; docuit, origine & natura ſua matrimonium eſſe indiuiduam & perpetuam vitæ conſuetudinem; & hinc moechari eum, qui dimiſerit uxorem ſuam *εἰ μὴ ἐπὶ πορνεῖα*, niſi ob fornicationem, Matth. XIX. v. 3. ſeqq. Namine autem *τῆς πορνεῖας* non ſolum adulterium venit, ſed omne aliud crimen, quod cum ſine matrimonij non minus pugnet; ſed eccleſiæ patres ſerme ad ſolum adulterium *πορνεῖαν* reſtringunt.

§. III. Cuius autem generis fuerit a Chriſto ob ſcortationem maritis conceſſa ſeparatio, totalis nempe, quæ etiam concedat nouas nuptias, an vero partialis, quæ ſaluo matrimonij vinculo vitæ conſuetudinem abrumpat, non plane conſtat. Et reapse veteres eccleſiæ patres abierunt in diuerſa, nam alij docebant, per adulterium conſuetudinem vitæ tantum abrumpi, non vero ipſum matrimonij vinculum, conc. Mileuit. *can. XVII.*, in *C. Afric. can. CII.* Origen. *hom. VII. in Matth.* Auguſt. *de bono coniug. cap. VII.*; alij vero tenebant, dirimi ipſum matrimonij vinculum, & licere ſiue viro, ſiue mulieri, aut tantum viro coniugem peccantem dimittere, & nouas nuptias contrahere. Tertull. *lib. II. ad uxor. cap. 1.* conc. Arelat. 1. *can. X.*, *can. XXIII. C. 32. q. 7. V.* Chriſt. Lupum *diff. de opinione probabili cap. V. (b).*

Pars II.

Z

§. IV.

propria quadra viuere poſſunt. Ita vir & mulier indiuidua vitæ conſuetudine viuere debent, quouſque filii omnes inſtitutione non indigent: & qui longo tempore dulci & indiuidua vitæ conſuetudine vixerunt, & reliquo tempore ad mutuam auxilium erunt indiuidui. Verum ſi primaria capita obligationis nuptiarum violentur, poſſe eas iure naturali ſolui, multi tenent. V. Pufendorf. *de iur. nat. & gent. lib. VI. cap. 1. §. 20.*

(b) Mediis ſæculis in eccleſiis Occidentis non ſolum ob adulterium dirimebatur matrimonium, verum etiam ſi aliquod impedimentum dirimens, aut alia cauſa, quæ cohabitationem impediret, ſuperueniſſet. Et proſpecto ſecundum receptam in eccleſia Romana doctrinam reſpondit Gregorius II. ſeu III. ſum-

mus

§. IV. Interim leges christianorum principum diuortia propter graua crimina concedebant, sed propter mores, vel propter leues causas ex consensu modo poenis adfecerunt, modo permiserunt impune, *L.2. C.Th. de repudiis, L. 8. seq. C. Iust. eod.* Ipse Iustinianus hac in re varius fuit, nam multis editis legibus nouas causas repudii addidit, quin mutuo consensu diuertendi copiam fecit: contra anno 10XL diuortia ex consensu omnino fustulit, & causas diuertendi ad quaedam magna crimina restrinxit, *noyel. CVII. cap.8. & 9.* Leges, quae ex consensu, vel ex leuioribus vitiis repudia concedunt, euangelio aduersantur, videnturque principes ad euitandos tristes euentus eiusmodi diuortia tolerasse. Sed an quae ex magnis criminibus diuortia permittunt, etiam iuri diuino aduersae sunt? Andreas Alciatus & Ioannes Launoius docent, imperatores nomen *fornicationis*, propter quam Christus coniugum separationem concesserat, latius pro omni graui crimine accepisse, & ex hac sententia suas dedisse leges.

§. V. Sed quae tamdiu fluctuauerat diuortiorum disciplina, tandem apud Latinos post saeculum decimum certior euasit, receptumque, vt vivente vtroque coniuge nulla ex causa, né adulterio quidem, nuptiae soluantur, & ita saeculi leges ecclesiae auctoritati cesserunt. Inuoluit haec doctrina praesertim Augustini auctoritate; etenim scholastici vni Augustino ferme innixi, veluti certum docuerunt, nec adulterio nuptias dissolui, contra quam ipse Augustinus senserat, qui quaestionem de diuortiis habuit difficillimam. Inde pontifices rem persecerunt, tantaeque firmitatis rationem Innocentius III. *a coniugii sacra-*

mus pontifex, licere viro alteram ducere vxorem, si vxor infirmitate correpta matrimonio inepta euaderet, *can. 18. C.23. q. 7.* Similiter synodus Compendiensis anno 10CCLVI. *can. XVI.* viro leproso permittit dare comineum mulieri sanae, vt, si ipsa velit, maritum accipiat. Gratianus responsum Gregorii veluti *sacris canonibus, immo & euangelicis & apostolicis doctrinae penitus aduersam* traduxit. At satius est dicere, multas olim ecclesias diuortia & nouas nuptias ex variis causis concessisse, quod putarent, ea euangelio non aduersari.

ramento, hoc est a perpetua inter Christum & ecclesiam coniunctione, deriuat. Et tandem Tridentini patres *sess. XXIV. de sacram. matrimonii can. 7.* anathema iis dixere, qui adserunt, ecclesiam errare, dum docuit & docet, secundum euangelicam & apostolicam doctrinam per adulterium matrimonii vinculum non dissolui (c). Verum Graeca & ceterae Orientales ecclesiae adhuc propter adulterium & alias probatas causas diuortia & nouas nuptias concedunt.

§. VI. Illud verò semper certum in ecclesia habitum est, matrimonium legitimum, hoc est inter infideles contractum, omnino dirimi per alterius coniugis conuersionem ad fidem, si infidelis discedat, 1. *ad Cor. VII. 15.*, aut si morari cum fidei vellet ad religionis iniuriam, & peccandi praebeat occasionem, *can. 4. seq. C. 28. q. 1., cap. 7. ex. de diuortiiis.* Quod si coniugi ad Christum conuerso infidelis molestus non sit, fidei diuortium non conceditur, idque ad illius salutem procurandam. Separatis autem coniugibus per alterius conuersionem, si postea infidelis, antequam alter ad nouas nuptias transeat, convertatur, matrimonium redintegrabitur, *cap. 8. ex. eod.* Verum si ambo coniuges fideles sint, & alter a fide discedat, matrimonii vinculum non soluitur, *cit. cap. 7.*

§. VII. Porro matrimonium ratum, sed non consummatum pleno diuortio soluitur per alterius coniugis monasticam professionem etiam altero inuito factam, & coniugi relicto nouas nuptias contrahere licet: quae doctrina saeculo septimo in Occidente recepta erat, post Gratianum vero magis magisque conualuit, *cap. 2. & 14. ex. de conuers. coniugat.* Hinc ut coniuges de meliori pro-

Z 2

posito

(c) Hodierna ecclesiae Latinae doctrina ad fidem non videtur pertinere, quod Launoius *de regia in matrimonium potest. part. III. art. 1. cap. 5.* docet. Et profecto Tridentini patres non damnarunt sententiam, quae habet, per adulterium nuptias solui, sed potius anathema iis dixerunt, qui erroris accusabant ecclesiam, quod doceret, nec adulterio nuptias solui: idque fecerunt patres Veneris legatis intercedentibus, ne Orientis ecclesiae, & praesertim christiani in insulis Venetorum imperio subiectis offenderentur, Pallauc. *bist. conc. Trid. lib. XXII. cap. 4.*

posito deliberent, post contractas nuptias non statim matrimonio vti coguntur, sed habent duos menses ad monasticam vitam eligendam, *cap. 7. ex. eod.* Quod si matrimonium consummatum fuerit, coniuges, integro matrimonii vinculo persistente, possunt ex consensu ad perpetuam tori & habitationis separationem deuenire & continentiam profiteri, veluti si vnus ex alterius consensu, aut ambo ex compacto religionem ingrediantur, aut si vir apud Latinos bona cum vxoris venia sacris ordinibus initietur.

§. VIII. Iam ex noua disciplina multae sunt caussae, quibus coniuges inuiti toro & habitatione diuertunt, siue ad tempus, siue in perpetuum. Praecipua causa est alterutrius coniugis voluntarium adulterium: quin debet maritus vxorem adulteram, nisi poenitentiam egerit, dimittere, *can. 4. & 6. C. 32. q. 1.* sed post poenitentiam potest maritus dimissam recipere, *can. 7. eod. & cap. 3. ex. de adulteriis & ibi glossa.* Item toro & habitatione coniuges separantur per alterius coniugis apostasiam, aut haeresim, *cap. 6. ex. de diuortiis*, aut faeuitionem, *cap. 8. & 13. ex. de restitut. spoliatorum*, aut si coniux vnus alterum ad mortale peccatum impellat, *cap. 2. ex. de diuortiis*. Quaecumque vero fuerit causa, non proprio arbitrio, sed sententia iudicis coniuges separantur.

C A P V T XXIII.

De secundis nuptiis.

§. I. SECundae nuptiae dupliciter accipiuntur, etenim vel denotant statum, quo vir simul plures vxores habet, qui status *polygamia* dici solet; vel secundas aut tertias nuptias post primi aut secundi coniugis mortem, aut legitimum diuortium contractas. Num polygamia iuri naturali aduersetur, anceps quaestio est. Certe videtur aduersari ipsi nuptiarum institutioni, in qua Deus voluit, vt vir vxori suae adhaereret, & duo in vna carne essent. *Genes. 11. 22. seqq.* Et Christi lege omnino po-

polygamia vetita est; Christus enim matrimonium ad primaeuam institutionem reuocauit. Matth. XIX. 3. *seqq.* Verum populorum mores hac in re varii fuerunt: nam apud Iudaeos & plerasque alias gentes polygamia obtinuit, & nunc etiam in Asia & Africa obtinet: at apud Romanos nunquam permissum duas simul vxores habere, & infamis censebatur, qui, retenta prima vxore, secundas nuptias attentasset. V. Briffon. *de iure connubior.*

§. II. Altero autem sensu acceptae secundae nuptiae, quatenus denotant nuptias secundas, aut tertias iure solutis prioribus contractas, nusquam gentium interdictae sunt. Quid enim mali est, secundam ducere vxorem, vbi nexus cum priore iam solutus est? Id ius etiam apud christianos semper obtinuit: luculenter enim docet apostolus, mulierem viri dormitione nuptiarum nexu liberari, & cui vult, nubere posse, 1. ad Cor. VII. 39. Nec tantum secundae nuptiae stricte sic dictae apud christianos permittuntur, verum etiam vlteriores.

§. III. Quamuis autem secundae nuptiae euangelico iure permittantur, tamen antiqui patres eas veluti impuritatis & incontinentiae plenas traduxerunt, & quidem adeo durioribus verbis, vt eas damnare videantur: appellant enim *fornicationem*, *speciosum adulterium*, & *honestam fornicationem*. Hinc synodus Neocaesariensis *can. III.* & Basilius *epist. ad Amphilocho, can. IV.* publicae poenitentiae digamos subiecerunt, forte ad eluendam contractam incontinentiam. Nata est detestatio ista secundarum nuptiarum a studio continentiae, quod primis saeculis inter christianos increbuerat. Et haec impuritas secundis nuptiis adpersa causam praebuit, vt in veteri disciplina iis sacra benedictio denegaretur. Conc. Neocaesar. *can. VII.*, Innoc. I. *ep. ad Victric. Rhotomag. cap. 9. (a).*

Z 3

§. IV.

(a) In noua disciplina secundae nuptiae benedici solent, quod receptum videtur postquam Caroli M. & Leonis Sapientis legibus statutum est, vt hierologia ad vim ipsam nuptiarum pertineret. Benedictio ista secundarum nuptiarum apud Graecos parum distat ab ea, quae primo nubentibus datur; at apud Latinos minus sollemni benedictione extra missarum sollemnia

se-

§. IV. Dissoluto per mortem viri matrimonio, licet viduae ex praesenti disciplina absque infamiae nota statim ad secundas nuptias conuolare. Iure Romano vetabantur viduae intra annum luctus nubere; eratque annus iste ex antiqua Romuli lege decem mensium; tum a Gratiano, Valentiniano & Theodosio duobus mensibus auctus est, *L. 2. C. de secundis nuptiis*. Duplici vero ratione anni luctus religionem vidua viro praestare debebat, ne semen commisceretur, & propter reuerentiam marito debitam (b). Honestatis & pudoris plena erat haec iuris ciuilib' sanctio, eamque etiam christiani seruabant. At iure decretalium mulierem, quae intra annum luctus nubat, nulla manet infamia, idque veluti ex apostoli sententia pontifices proponunt, *cap. 4. & seq. ex. de secundis nuptiis* (c). Nec tantum infamia, verum etiam ceterae poenae, quae in odium secundarum nuptiarum decretae erant, in noua disciplina sublatae sunt. V. Ant. Fabr. in *Cod. lib. IV. tit. 5. def. 1.* At stant adhuc integrae leges, quae filiis primi matrimonii fauent. Gudelin. *de iure nouiss. lib. I. cap. 11.*

CA-

secundae nuptiae benedicuntur. Et hinc si posteriora Latina monumenta adferant, secundas nuptias non esse benedicendas, de sollempni benedictione accipienda sunt.

(b) Tantum viduae maritos, non mariti vxores lugere debebant, *L. 9. D. de his, qui notantur infamia*, ac proinde statim ab vxoris morte ius erat viro aliam ducere vxorem.

(c) Sed apostolus dum docuit, mulierem viri dormitione nexu nuptiarum liberari, & cui vult, nubere posse 1. *ad Cor. VII. 39.*, non videtur festinas & infames nuptias permisisse: annus enim luctus publicis legibus pudore plenis statutus erat: & deinde apostolus viduae, extincto viro, potius cui velit, quam quando velit, nubere permittit.

C A P V T XXIV.

De dierum festorum celebratione.

§. I. **F**esti dies in honorem Deorum apud omnes ferme gentes celebrati sunt, utpote qui cultus religiosi, ubique ferme recepti, potiore partem constituebant. Apud christianos inde usque ab apostolis festi dies instituti & celebrati sunt, quales Pascha, Pentecoste & quaevis dies dominica; successu vero temporis plures alii accesserunt, veluti dies natalis Christi, natales martyrum, B. Mariae virginis, aliique complures, quorum omnium historiam Hospinianus *de festis* & Thomassinus *de celebratione festorum* enarrant.

§. II. Sunt festi dies alii immobiles, seu certis anni diebus adfixi, quales natalis Domini, Epiphania, dies festi apostolorum & B. Mariae virginis; alii vero mobiles, qui non iisdem anniuersariis diebus celebrantur, quales Pascha, Ascensio Domini, Pentecoste. Festa mobilia a die celebrationis Paschae pendent omnia; & hinc quolibet anno citius aut serius ordine suo recurrunt. Festum Paschae de veteri more contra Arianas ecclesias in synodo Nicaena probato celebratur die dominica, quae post aequinoctium vernum decimam quartam lunam mensis Martii proxime sequitur (a).

Z 4

§. III.

(a) In veteri disciplina non adeo facile erat diem celebrationis Paschae praescire, idque propter varios, sed imperfectos, cyclos, quibus solis & lunae cursus computabantur. V. Petavius *de doctrina temporum* & Bingham. *orig. eccles. lib. XX. cap. 5. §. 4.* Et synodus Nicaena episcopo Alexandriae, ubi astronomi egregii florebant, dedit in mandatis, ut quotannis verum Paschae diem indagaret, eaque de re ecclesias certiores faceret. Successu temporis crevit confusio, eaque demum per Gre-

§. III. Praeterea ratione maioris minorisue obseruationis festi dies triplicis generis sunt. Alii summa religione & obseruantia transiguntur, quasi omnino Deo sacri, quales dominicae omnes & maiores festi, in quibus fori caussae, negotia forensia, & manuales labores cessant, tantumque Deo & religioni christiani vacare debent. Alii minori obseruantia celebrantur; sunt enim sacri conuentus, cessant negotia forensia, non vero saecularia negotia & corporis labores. Et demum sunt festi dies, in quibus celebrantur diuina officia, non tamen strepitus fori & manualia opera intermittuntur, qua ratione ecclesia Orientalis sabbatum inter festos dies recensabat, conc. Laodic. *can. XIX.*, & ecclesia vniuersa celebrabat dies omnes post dominicam in albis vsque ad Pentecosten.

§. IV. Iam pro potestate sua licet episcopis peculiaris dies festos in suis ecclesiis instituere, sed ex cleri & populi consensu, *can. 1. D. 3. de consecratione, cap. 1. ex de festis*. Et reapse martyrum festi dies episcopi & fidelis populi consensu in peculiaribus ecclesiis initio instituti sunt, licet postea ab aliis ecclesiis recepti & celebrati sint. Nempe dies festi etiam feriatum sunt, hoc est a manualibus laboribus & strepitu fori vacui: & hinc si de nouo instituantur, etiam populus, aut ciuilis potestas, quae populum repraesentat, debet consentire, quod Espinius *par. II. sect. 2. tit. 2. cap. 1. edit. Neapol.* obseruat.

§. V. Festi dies tamquam Deo omnino sacri, Deo & religioni sunt impendendi: quae est festorum sanctificatio. Quamuis enim christiani vita numquam a Deo se iungi debeat; tamen propter plurimorum infirmitatem certos dies indicare placuit, quos christiani integros in sanctitate, tamquam Deo sacros, transigerent. Hinc in veteri disciplina fidelis populus saltem diebus dominicis & praecipuis festis diuino officio intererat (b), & simul conce-

Gregorium XIII. pontificem, emendato, qui haecenus obinuerat, Calendario, sublata est: iamque facile omnibus est de die Paschae decernere.

(b) Diuinum officium certo ordine precum, quae communiter in ecclesia celebrantur, constat: iamque a primis saeculis in

celebrabat (c), vt ita diem integrum sanctificaret. Deinceps vbi in Occidente Latina lingua popularis esse desiit, non amplius christiani concelebrarunt; at ecclesia etiam hodie exoptat, vt fideles ad horas canonicas conueniant, & diuinum officium ita celebretur, vt populi religio possit intendi. Et longe profecto absunt a mente ecclesiae, qui sola priuatae missae auditione praeceptum de sanctificandis festis se implere putant, quasi sit omnino idem missam audire & diem festum sanctificare. V. Espen. *loc. cit. cap. 2.*

§. VI. Vt vero christiani soluti omnibus curis melius sanctificandis diebus dominicis & festis vacent, ab operibus seruilibus cessare debent: quod iure ciuili & sacris canonibus cauetur, *L. 3. C. de feriis (d), capit. reg. Franc. lib. 1. cap. 57.* Nōmine operum seruilium veniunt labores corporis & manualia opera omnia, quibus a san-
cti-

in varias horas tributum est, quarum singulis proprium officium haesit. Horae istae *canonicae* dicuntur, suntque matutinum, hora prima, tertia, sexta, nona, vespera & completorium. Omnium antiquissimae sunt preces matutinae & vespertinae, reliquae ferme in monasteriis primum exortae, inde ab ecclesiis receptae sunt. V. Bingham. *orig. eccles. lib. XIII. cap. 9. §. 8.*

(c) Certe in ecclesia Orientali christiani omnes alternatim, & veluti in duos choros distributi psalmos canebant. Quo exemplo in ecclesia Mediolanensi Ambrosius eandem canendi rationem instituit; ne *populus moeroris taedio contabesceret*, quod Augustinus *lib. IX. confes. cap. 7.* testatur. Vbi Latinae linguae vsus defuevit, *populus* in ecclesiis Occidentis non amplius in celebratione partem habere potuit, & obligatio ad horas canonicas sollemniter recitandas sensim ad canonicos restricta est: & ex ceteris clericis beneficiarii, & qui maioribus ordinibus initiati sunt, priuatim integrum officium quotidie debent celebrare. Espen. *diff. de horis canonic. par. 1. cap. 2. §. 1.*

(d) Constantinus M. in *cit. L. 3.* tantum iubet, *urbanas plebes & cunctarum artium opificia die solis seu dominica con- quiescere*, non item rusticos, quibus labores permittit, quod frequenter eueniat, vt non aptius alio die frumenta sulcis aut vineae scrobibus mandentur. Sed deinceps Leo Sapiens etiam rusticos die dominico cessare praecepit. *Const. LV.*

Sanctificandis festis & sacrorum conuentuum frequentatione christiani impediuntur. Qualia opera rustica, fabrilis, fellularia, quae inde seruilia dicta, quod olim apud Romanos praecipue per seruos solebant expediri. Verum necessitate aut caritate cogente christiani diebus dominicis & festis cum Dei timore possunt manibus suis operari, conc. Laodic. *can. XXIX., cap. 3. ex. de feriis*, modo praecedente superioris venia labores suscipiantur.

§. VII. Eadem quoque ratione in diebus dominicis & festis strepitus fori & causae iudiciales conquiescere debent, quod legibus principum & sacris canonibus comprehensum est, *L. 2. & 3. C. de feriis, cap. 1. ex. de feriis*. Vna cum fori exercitiis diebus festis nundinae, seu mercatus, siue mercatura exerceri prohibentur, *cit. cap. 1.*, utpote quae rebus terrenis implicant, & a diuino cultu distrahunt. Acta iudicialia etiam ex partium consensu diebus festis explicata nulla sunt, *cap. ult. ex. eodem*, nisi necessitas urgeat, & pietas suadeat: qua ratione iure civili diebus festis emancipare, aut manumittere licet, *cit. L. 2.* Sed contractus, qui diebus dominicis & festis in nundinis ineuntur, viribus constant.

§. VIII. Item diebus dominicis & festis iure civili spectacula, siue scenica, siue Circensia interdicta sunt, *L. 2. & ult. C. Th. de spectaculis*, quae deliciis animum adlicentia distrahunt a festis sanctificandis, & peccatis saepe sunt occasio. Parum distarent christiani a moribus Iudaicis, si dies festos in otio transigerent, operibus carnis & deliciis vnice intenti. *Obserua*, inquit Augustinus *enarrat. in psalm. XXXII. n. 6., diem sabbati non carnaliter, non Iudaicis deliciis, qui otio abutuntur ad nequitiam: melius enim tota die foderent, quam tota die salarent*. Quae quum ita sint, parum congruit sanctitati religionis, quod praesentibus moribus spectacula diebus dominicis & festis edi soleant: & res profecto est digna christianorum principum legibus, quibus saltem in alios dies spectacula differantur.

§. IX. Festi dies sensim numero creuerunt: & hinc propter cessationem a laboribus erepta est pauperibus vitum sibi parandi occasio: & vniuersa paene festa minus religiose obseruata sunt: quod synodi & pontifices aequede-

deplorant. V. Espen. *par. 11. sect. 2. tit. 2. cap. 1. edit. Neapol.* Hinc synodorum auctoritate plura ex minoribus festis in dies intercisos, mane scilicet festos, non item reliqua diei parte, aut in festa solius deuotionis abierunt. Et Benedictus xiv. instantibus episcopis in multis ecclesiis minorum festorum numerum deminuit, seu potius laborandi facultatem concessit, integro tamen relicto praecepto missam audiendi, quod ipse narrat *de synodo dioecese. lib. XIII. cap. 18. n. 11. seq.* Quam deminutionem, petente Carolo olim Rege nostro, etiam in regno Apuliae fecit.

C A P V T XXV.

De ieiuniis.

§. I. **O**bservatio ieiuniorum, non secus ac dierum festorum sanctificatio, inter religiosa christianorum officia censetur: ieiunantes enim christiani corpus suum castigant & in seruitutem redigunt, & seipsos hostiam Deo offerunt. Ieiunium proprie sic dictum differt ab abstinentia: qui ieiunant, a carnibus & delicatioribus cibis abstinent, simul vero cibum usque ad certam statamque horam differunt: qui abstinent, carnes non comedunt, & parsimoniam in cibis quaerunt, at cibum usque ad certam horam non differunt: & ita abstinentia ieiunii pars est. Sed non confundendi ieiuni cum ieiunantibus, illi enim dicuntur, qui nihil cibi aut potus sumserunt, vtut ieiunare, aut a prandio abstinere haud constituerint: contra ieiunantes nec cibum sumserunt, & illum differre statuunt.

§. II. Ieiunia religiosa apud christianos diuersi generis sunt; alia enim generali canone imposita christianos obligant, alia poenitentibus in satisfactionem imponi solent, alia ex voto, aut ascesi suscipiuntur. Quae omnes obligant, statis temporibus recurrunt, qualia ieiunium quadragesimae, quartae & sextae seriae, quatuor tempo-
rum,

rum, & vigiliarum (a). Nec omittenda ieiunia, quae ex aliqua sollicitudinis ecclesiasticae causa episcopi indicunt, quod saeculo secundo episcopos facere consueuisse Tertullianus *de ieiuniis cap. XIII.* testatur.

§. III. Inter stata & sollemnia christianae religionis ieiunia maxime sacrum est ieiunium ante Pascha, quod vel a primis saeculis *Quadragesima* appellatur, quamvis longo tempore tantum triginta sex dies esuriales fuerint. Certe quadragesima in ecclesia Romana quinto & sexto saeculo sex hebdomadis constabat, & ita dies ieiunio consecrati erant triginta sex, nam ex singulis hebdomadis semper dies dominicus eximebatur, in quo de veteri more in memoriam dominicae resurrectionis christiani non ieiunabant. Gregor. M. *hom. XVI. in euangelia*. Successu temporis in ecclesia Romana quatuor dies esuriales quadragesimae additi sunt, nimirum dies cinerum & tres sequentes, quod vel a Gregorio M., vel a Gregorio II. factum esse creditur: & ita quadragesima quadraginta dies esuriales coepit continere.

§. IV. Stati quoque ieiuniorum dies in qualibet hebdomada erant quarta & sexta feria, idque vel a primis saeculis obseruatum est. Tertull. *de ieiuniis cap. XIV.* Orig. *hom. X. in Leuitic.* Ea vero ratione his duobus per hebdomadam diebus ieiunium ab ecclesia indictum est, quod Iudaei quarta feria consilium ad Christum occidendum inierint, sexta vero morti dederint. August. *epist.*

LXXXVI.

(a) Calviniani, in primis Io. Dallaeus, docent, veteris ecclesiae ieiunia non necessitate, sed potius pro arbitrio a christianis fuisse obseruata. Hinc tenent, ecclesiam Romanam cum Montanistis in ieiuniorum disciplina conuenire, idque propter stata ieiunia, quae ex necessitate in Romana ecclesia christianos obligant, qualia erant Montanistarum ieiunia. Sed apage apertas calumnias. Sane veteris ecclesiae ieiunia, praesertim quadragesimae, ex necessitate obseruanda erant: & si ecclesia ieiunia Montanistarum reprobarit, id ea ratione factum est, quod illi ieiunia sua ex nouis reuelationibus per paracletum Montano factis obligare dictitarent, quod tamquam merum figmentum ecclesia explosit. V. Nat. Alexand. *saec. II. hist. eccles. diff. 4.*

LXXXVI. *ad Casulan.* Accessit in ecclesia Romana & quibusdam aliis Occidentalibus sabbati ieiunium, quod quarto saeculo ob Christi sepulturam iam celebrari consueverat. August. *cit. epist.* Innoc. I. *ep. ad Decent. Eugub.* Sed ieiunia ista omnia a die Paschae usque ad pentecosten remittebantur; quod quinquaginta illos dies in laetitia ob memoriam resurrectionis Christi ecclesia transigebat: quemadmodum etiam remittebatur ieiunium, si in serias quartam, sextam aut sabbatum natiuitas Christi incideret. V. Albasp. *obseruat. lib. I.* 17.

§. V. Quatuor temporum ieiunia singulis annis initio quatuor diuersarum anni tempestatum recurrunt, & idcirco mensibus Martio, Iunio, Septembri & Decembri celebrantur, habentque singula tres dies ieiunio consecratos, nempe seriam quartam, sextam & sabbatum. Exemplo Iudaeorum ieiunia quatuor temporum saeculo quinto in ecclesia Romana iam recepta erant, quamuis potius animo christiano, quam ritibus Iudaicis seruarentur, quod ex Leone M. *serm. IV. & V. de ieiunio septimi mensis* constat. Itaque ieiunia ista instituta sunt, quod christiani quouis tempore ope diuina & purificationibus indigent, Leo M. *serm. IX. de ieiunio sept. mensis*, vel quod gratias Deo agere pro beneficiis, quae in singulis anni tempestatibus accepta erant, oportebat. Leo M. *serm. VI. de ieiunio decimi mensis*. Verum labentibus annis ordinationes sacrorum ministrorum his statis quatuor temporum ieiuniis addictae sunt, vt ita orationibus & ieiuniis bonos altaris ministros ecclesia diuinitus impetraret, qua de re *par. I. cap. 30.* dictum est.

§. VI. Praeterea in vigiliis multorum festorum per annum, & praesertim sollemniorum, ieiunia obseruantur. Vigiliae in veteri disciplina erant nocturnae preces, quibus christiani in ecclesiam conuenientes praecipuas Christi & sanctorum eius sollemnitates praeueniebant, vt ea ratione se praepararent ad sequentem diem festum maiore religione celebrandum. Ieiunium diei antecedentis vigiliis praecedebat, si antecedens ille dies alias esset esurialis, vt videre est in vigiliis Paschae, quas sabbati magni ieiunium praecedebat. Nam si antecedens dies alias ieiunio non erat consecratus, vigiliae nullo praecedente ie-

ieiunio videntur celebratae, excepta tamen natalis Christi vigilia, quam cum ieiunio obseruatam fuisse ex Augustino *epist. LXV. ad Xantip. nouae editionis* constat. Labentibus annis nocturnae vigiliae propter abusiones ferre interdictae sunt, & antecedentes dies *vigiliae* nomen retinuerunt, & esuriales facti sunt, quod Honorius Augustodunensis *lib. III. cap. 6.* obseruat.

§. VII. Iam ecclesiasticum ieiunium, vtpote quod in poenitentiam & corporis macerationem institutum est, duo tamquam praecipua & intrinseca complectitur, abstinentiam nempe a carnibus & aliis cibis delicatioribus, & vnica in die comestionem. Et abstinentia quidem a carnibus in diebus esurialibus semper ecclesiastici ieiunii pars fuit, & apud veteres christianos per canones indicta: quod multis productis veterum patrum locis probat Nat. Alexander *saec. II. hist. eccl. diff. 4. art. 2.* aduersus haereticos, in primis Dallaeum, qui magno conatu persuadere satagit, apud veteres christianos nullum fuisse canonem, quo abstinentia a carnibus in diebus esurialibus praeciperetur. Cibi quoque delicatiores & potus vini in diebus ieiunii erant interdicti. Basil. *hom. I. de ieiun.* Cyrill. Hierosolym. *catech. IV. ad illuminat.* Hieronym. *in cap. X. Daniel.* Quin multae ecclesiae, praesertim Orientales, etiam abstinebant ouis, caseo & piscibus, diesque esuriales herbis, leguminibus & fructibus transigebant. Seueritas vero in maiori hebdomada intendebatur, relictis enim reliquis cibis, fideles tantum panem cum sale & aquam solebant adhibere: & nonnulli ad biduum, vel triduum, vel quadriduum ieiunia prorogabant, nec desuerunt, qui integra hebdomada cibis abstinerent. Epiphani. *exposit. fid. n. XXII.*

§. VIII. Pertinet quoque ad ecclesiastici ieiunii constitutionem vnica per diem comestio, quae ex cibis esurialibus hora legitima frugaliter sumatur: finis enim & institutio ieiunii est poenitentia & corporis maceratio, quae certe non obtinetur, si pluries in die cibum sumere liceret, aut si semel in die corpus nimia cibi copia roboretur. *Nihil prodest*, inquit Augustinus *serm. LVI. de tempore*, *tota die longum traxisse ieiunium, si postea ciborum suauitate vel nimietate anima obruatur.* Vsque ad horam

horam refectionis ieiunium ducebatur, nec interim licebat vel aquam bibere. Prudent. *hymn. VI.* Et manifesta profecto est posterioris aetatis relaxatio, qua tempore ieiunii potus aquae & ante & post refectionem licitus esse creditur: ut nihil dicam de illa doctrina, quae fert, fastitias & nutriticias potiones non soluere ieiunium.

§. IX. Hora legitima soluendi ieiunii & refectionem sumendi non in omnibus ieiuniis eadem fuit, sed varia pro ieiuniorum qualitate. Et quidem in diebus quadagesimae soluebatur ieiunium vespere post solis occasum. Basil. *hom. I. de ieiunio*, Ambros. *serm. VIII. in psal. 118.* Contra ieiunia feriae quartae & sextae & reliqua omnia per annum soluebantur post horam nonam, hoc est tertiam pomeridianam, Epiph. *exposit. fid. §. XXII.*, ubi finitis stationibus, quae erant sacra officia feria quarta & sexta in ecclesiis celebrari consueta, quisque ad capiendum cibum in domum abibat. Hinc ieiunium quadagesimae perfectum censebatur, reliqua vero, siue per annum, siue per hebdomadam communiter dicebantur *semiieiunia*.

§. X. Disciplina, siue perfecti, siue dimidiati ieiunii diu in ecclesia stetit inuariata: tum ineunte saeculo decimo tertio mutari coepta est. Etenim hac aetate solutio quadagesimalis ieiunii, quae post vesperam fiebat, ad horam diei nonam transiit, de qua consuetudine veluti sua aetate vigente S. Thomas 2. 2. *q. 147. art. 1.* loquitur. Inde creuit relaxatio, & ad meridiem ieiunia omnia soluta sunt, ac sufficere ad ieiunium creditum est, si officio vespertino circa meridiem persoluto pranderetur. Quae relaxatio ecclesiae indulgentia admissa est, seu potius tolerata, modo quae ieiunii naturam constituit, refectionis vnitas seruaretur, & meridie pransi vespere non coenarent: qui enim bis in die reficiuntur, ex ecclesiae sententia ieiunare non censentur. V. Nat. Alexandr. *saec. II. histor. eccl. f. diff. 4. art. 7.* Item feriae quartae ieiunium immo & ipsa a carnibus abstinencia vbique per Occidentem sensim obseruari desierunt, & ieiunium sextae feriae & sabbati in abstinenciam a carnibus abierunt: quin in sabbato aliquorum locorum moribus carnes aut animalium interiora & extremas partes vesci licet. Quae vero maior est relaxatio, in diebus ieiunii meridie pransi vespere coe-

coenulam sumunt, quae *collatio* recepta voce audit (b).

§. XI. Observatio ieiunii, praesertim quadragesimae, omnibus ex mente ecclesiae indicta est, nec aliquis in veteri disciplina, siue aetate, siue conditione, siue vitae genere exemptus credebatur. Certe Basilii *hom. II. de ieiunio* docet, omnes in quadragesima ad ieiunandum obligari: *ne quis semet excludat a numero ieiunantium, in quo omne genus hominum, omnis aetas, omnes dignitatum ordines recensentur*. Et Leo M. *serm. XI. de quadragesima, quadragesimae ieiunium obseruantiam sui vniuersis fidelibus sine exceptione denuntiat*. Ieiuniorum observatio indicta erat propter poenitentiam, quae christianis omnibus necessaria censebatur. Tantum ex veteris ecclesiae regulis abstinere a carnibus in quadragesima non tenebantur, qui *ineuitabili necessitate, atque fragilitate, vel etiam impossibilitate aetatis onus ferre non poterant, idque postquam veniam a sacerdote obtinuissent*. Conc. Tolet. *viii. can. 9*. Hinc posterioris aetatis disciplinam sapit doctrina, qua multi, siue aetate, siue vitae genere ieiunio eximuntur.

CA-

(b) Origo *collationis* seu vespertinae coenulae est a monachis repetenda, quibus ob manuum laborem ipsis ieiunii diebus permittebatur, vt post sumtum legitima hora cibum, antequam cubitum irent, aquam biberent: cui potioni postea frustulum panis additum est, ne simplex aqua noceret. Sumebant vero monachi hanc refectionem in cella ad prandium destinata ante *collationem*: quae erat lectio spiritualis ante completorium in claustro vel capitulo quotidie fieri consueta. Hinc ne tempus vitae regularis officiis destinatum in sumenda coenula tererent, diebus ieiunii *collationem* in ipsa cella ad prandium addicta habere coeperunt, aditumque illum ad refectionem diebus esurialibus sumendam ea formula significabant, *ire ad collationem*. Ita nomen *collationis* a spiritali lectione ad serotinam illam refectionem translatus est, & a saecularibus eo sensu usurpatum, quum eousque progressa est ieiunii relaxatio, vt ieiunantes meridie pranderent, & vespere nihilominus coenulam sumerent. V. N. Alexan. *saec. II. hist. eccles. diss. 4. art. 7. prop. 2.*

C A P V T XXVI.

De sacrosanctis ecclesiis & altaribus.

§. I. **E**cclēsia apud christianos proprie denotat fidelium societatem & conuentum; at per metonymiam saepe denotat locum ipsum, in quo christiani conuentus agitant suos. Hoc loco de ecclesiis posteriori sensu agemus, ac proinde ecclesia est aedificium cultus diuini peragendi gratia exstructum, & sollemni ritu consecratum, aut saltem benedictum. Nimirum ecclesia Christi visibilis est, & praeter cultum internum habet etiam externum, qui in sacramentorum administratione, sacrificiis & communibus precibus positus est. Hinc veluti sponte sua instituta sunt loca, in quae christiani ad sacra celebranda conuenirent (a).

Pars II.

A a

§. II.

(a) Ecclesiae pro loco acceptae pluribus aliis nominibus in antiquis monumentis designantur. Saepe dicuntur *concilia*, *concliuibula*, *conuenticula*, quae voces a conuentu ad locum conuentus translatae sunt. Item dicuntur *dominica*, *domus Dei*, & κυριακή a Deo ipso omnium rege & domino, cui dedicabantur. Porro a fine dicuntur *oratoria* & *domus orationis*, quamuis nomine *oratorii* aliquando ventant facella in priuatarum familiarum commodum exstructa. Conc. Agath. can. XXI. Ecclesiae quoque nonnullae dictae sunt *martyria*, *apostolica* & *prophetea*, illae nimirum, quae sepulcro, aut reliquiis, aut memoria alicuius martyris, apostoli, vel prophetae decoratae erant. Item Latinis ecclesiae, praesertim parochiales, *tituli* dicuntur, siue a certis signis & titulis, quibus insigniebantur, siue quod addicti clerici inde nomen suum sumerent, siue a nominibus sanctorum, quibus erant dedicatae. Et post pacem ecclesiae datam saepe ecclesiae dictae sunt *templa* & *basilicae*: quae voces in antiquioribus monumentis hoc sensu vix occurrunt. V. Bingh. orig. eccles. lib. VIII. cap. 1.

§. II. Iam quae fuerit prima ecclesiarum origo, inter doctos non conuenit. Plerique theologi nostri docent, ecclesias ab ipsa apostolorum aetate originem habuisse, quam sententiam Io. Medus & Binghamus pluribus probant. Contra Vedelius, Suicerus & Boëmerus contendunt, primis tribus saeculis non fuisse proprie sic dictas ecclesias, quae speciali ratione dicarentur, essentque commerciis aliis exemptae. In hoc sententiarum diuortio illud magis placet, toto ferme primo saeculo christianos propriis ecclesiis caruisse; quod Hieronymus a Costa tenet. Sane christiana religio initio veluti Iudaeorum secta reputabatur, ac proinde christiani in synagogis orare mittebantur, & in coenacula, quae apud Iudaeos erant oratoria in parte aedium superiore exstructa, sacris propriis vacaturi conueniebant, *Act. I. 13. & V. 42.* Sed secundo & tertio saeculo procul dubio exstabant ecclesiae, quod sexcentis constat monumentis. V. Bingham. *orig. eccles. lib. VIII. cap. 1. (b).* Id tamen verum est, ecclesias persecutionum tempore fuisse simplices & humiles, ut simplex & durus christianorum status postulabat. Data vero christianis pace ecclesiae augusta & magnifica forma exstructae sunt.

§. III. Multiplex est ecclesiarum genus, aliae enim sunt *cathedrales*, aliae *collegiatae*, aliae *parochiales*, aliae *conuentuales*, aliae *capellae*. Ecclesia cathedralis, quae alias *magna* & *matrix* dicitur, habet fixam episcopi cathedram, & est totius dioecesis communis paroecia. Collegiata habet collegium canonicorum, sed non episcopi cathedram: parochialis est, in qua proprius presbyter sub episcopo curam animarum exercet. Ecclesiae conuentuales sunt ecclesiae monachorum & regularium, ita dictae a conuentu monachorum & regularium, in quorum pecu-

(b) Veteres patres Origenes, Minucius Felix, Arnobius & Lactantius habent, christianos non habere templa, nec altaria. At id nihil officit ecclesiarum antiquitati; sic enim verbum illud accipiendum est, talia christianos non habuisse templa, aut altaria, qualia gentes habebant, idolorum nempe & idololatriae plena, quod fuscus Medus probat.

CAP.XXVI. DE SACROSANCTIS ETC. 371

culiarem vsum primum exstructae sunt. Et demum capellae sunt facella in agris, aut in ciuitatibus, aut magnatum domibus exstructae, & sacris extraordinariis adiectae (c). Inter capellas vero longe eminent capellae regiae, in quibus in vsum regum & regiarum familiarum sacra celebrantur.

§.IV. Cuiuscumque vero generis ecclesia sit, sine consensu episcopi aedificari non potest. Conc. Chalced. *can. IV.* Nihil ad religionem pertinens inconsulto episcopo adgredi fas est. Consensum vero episcopus praestare non debet, nisi praeuia causae cognitione constet, ecclesiam non ex turpi quaestu, sed ex iusta causa aedificari, *can. 10. D. 1. de consecratione*, & nisi satis ei donatum sit ad alendum ministerium, & religionis cultum exercendum, *noel. LXVII.*, *can. 9. D. 1. eodem*. Item ante aedificationem audiendi, quibus nuntiandi noui operis ius est, veluti parochus & loci incolae. Et noua fabrica non est inchoanda, nisi episcopus, aut eius iussu alius sollemnes preces in loco faciat, & crucem humi defigat, *cit. can. 9. (d)*.

A a 2

§.V.

(c) Carolus Dufresne in *glossario mediae & infimae Latin.* nomen *capella* factum tenet a *capa*, hoc est parua veste S. Martini, quae in oratorio regis Franciae seruabatur. Alii vero deriuant a *capa*, hoc est theca reliquiarum S. Martini & aliorum sanctorum, quae in illo oratorio conditae erant. Nempe *capella* est a *cap*, seu *capa*, & *cap* vox Celtica est, quod Leibnitius *collect. etymolog. part. II.* obseruat, significatque origine sua capitis tegmen, & generaliter quodcumque corporis regumentum, & ampliori sensu rerum pretiosarum thecas & conditoria.

(d) In exstruendis ecclesiis curabant veteres, vt apta forma & conuenienti situ ponerentur & fierent. Et forma quidem erat oblonga, naui similis; situs vero vt ecclesiae frons, seu praecipuus introitus ad Occidentem, sanctuarium vero ad Orientem spectaret. *Aedes sit oblonga ad instar nauis, ad Orientem conuersa*, inquit constitutiones sic dictae apostolicae *lib. II. cap. 57.* Ideo vero Orientem versus sanctuarium poni solebat, quod christiani Orientem versus precabantur. Verum forma & situs iste vsitator quidem fuit, at non semper seruatus:

§. V. Ecclesiae, praesertim ampliores, pluribus partibus constant, quarum aliae interiores & parietibus includuntur, aliae exteriores. Ex veteri disciplina partes interiores erant *ναυπηγεία*, *ναός* & *βήμα*, *narthex* seu *ferula*, *templum* seu *navis*, & *sanctuarium*. *Narthex* erat aedificium oblongum initar *ferulae* sub portarum ingressum, in quo tempore sacrarum lectionum & praedicationis consistebant infideles, haeretici, catechumeni & poenitentes *audientes* dicti. *Navis* inde sequebatur, quae a *narthece* repagulis ligneis separata, tempore missae excipiebat poenitentes genuflectentes & consistentes, & deinceps fideles loco quisque suo (e): nam mares a feminis, virgines a nuptis, monachi a saecularibus separati erant (f). *Sanctuarium* demum sanctior erat ecclesiae pars, quae cancellis ab ecclesiae naui separabatur, eaque excelsior erat, & & hinc *βήμα* a Graecis dicebatur. Sanctior & penitior haec ecclesiae pars tempore sacrae liturgiae ad episcopum, presbyteros & diaconos pertinebat, & reliquis omnibus erat inaccessa. V. Morin. *de administr. poenit. lib. VI. cap. 1. n. 10.*

§. VI. In medio sanctuario altare collocatum erat, quod alias *ara*, *mensa sacra* & *sanctum sanctorum* dicitur. Erant altaria initio lignea, inde lapidea facta sunt: quin pace ecclesiae data in magnis ecclesiis saepe auro argen-

roue

tus: etenim & quavis forma & quocumque situ ecclesias exhibent antiqua monumenta. V. Bingham. *orig. eccles. lib. VIII. cap. 3. §. 1. seq.*

(e) Ut plurimum loca masculorum & mulierum parietibus ligneis distinguebantur. Chrysost. *hom. LXXIV. in Matth.* Et in nonnullis ecclesiis feminae excipiebantur in solariis, quae erant porticus in altum navis ecclesiae elaboratae.

(f) In naui erat *ambo*, alio nomine *pulpitum* & *tribunal* dictus: locus nempe editus lectoribus ad legendum, & cantoribus ad canendum & moderandam psalmodiam additus. Ab ambone olim *chorus* non videtur fuisse diuersus: etenim in choro clerici cantores canebant. Conc. Turonense II. *can. 4.* Sed in Gallicanis ecclesiis chorus erat in sanctuario proxime post cancellos. Mabillon. *de liturg. Gallic. lib. I. cap. 8.*

tone cooperta sunt. Sic vero poni solebant, ut sacerdos celebrans facie ad populum conuersa staret (g). In medio altari crux stabat. Vnum vero in vna ecclesia erat altare, idque ad sacerdotii vnitatem indicandam, quod Schelestratus & Habertus pluribus probant. Vna ferme missa in vna ecclesia primis saeculis celebrabatur, & si ob causam alias celebrare oporteret, plura altaria non erant necessaria: nam eodem tempore in eadem ecclesia nunquam plures missae videntur celebratae. Exeunte saeculo sexto apud Latinos in vna ecclesia plura altaria fuerunt, Gregor. M. *lib. V. epist.* 50., qui vsus sensim crevit, praesertim ubi priuatae missae multiplicatae sunt. Verum Graeci etiam hodie vnum habent altare.

§. VII. Extra ecclesiam stricte sic dictam erant alia aedificia, quae ad ipsam pertinebant. Ante ecclesiae fores erat *atrium*, aedificium nempe, cuius medium sub dio erat, latera vero columnis suffulta: erantque in medio atrio aquae salientes, seu putei, aut conchae, aut alia aquarum receptacula, in quibus christiani ecclesiam ingressuri manus & ora lauabant. Euseb. *histor. eccles. lib. X. cap. 4.* Cetera circum ecclesiam aedificia generali *exedarum* nomine veniebant, quasi essent loca sessionis & quietis: qualia *baptisterium*, *secretarium*, seu *vestiarium*, Graecis *διακονικον* dictum, in quo vasa & indumenta sacra adseruabantur, bibliothecae & scholae omnium eruditioni inferuientes: de quibus ecclesiae partibus Binghamus *orig. eccles. lib. VIII. cap. 7.* fuse commentatur. In noua disciplina pars ecclesiarum etiam est *turris campanaria*, in qua sunt campanae, quibus christiani ad sacros conuentus vocantur.

§. VIII. In ecclesiis aedificatis diuina officia vetantur celebrari, nisi prius illae consecrentur, aut saltem benedicantur. Consecratio ecclesiae est actus sacer & sollemnis, quo illa diuino cultui addicitur (h). Tantum epi-

A a 3

scopus

(g) Imminebat altari *ciborium*, seu turrata aedícula, quatuor ad minimum columnis innixa, qua totum altare tegebatur. V. Carol. Dufresne in *Paul. Silentiar.*

(h) Consecrationes ecclesiarum Latini dicunt etiam *dedicationes*,

scopus proprius ecclesiam consecrat, nec tanta potestate presbyteri donantur. Conc. Bracar. 1. *can.* 37. Immo ex veteri disciplina ad ecclesiam consecrandam plures episcopi solebant conuenire, qui praesentia & sermonibus suis augebant sollemnitatem (i). Varii vero ritus in ecclesiarum dedicatione adhibiti sunt, quorum aliqui eo spectare videntur, vt dedicatio ecclesiae baptismum adumbret, qualis est trina parietum exterioris & interioris ecclesiae per aquam benedictam adpersio. Altaria etiam ex noua disciplina ritu peculiari consecrantur. Quousque vero ecclesia consecratur, ex episcopi venia per presbyterum benedicatur, & ita etiam idonea ad diuina officia euadit.

§. IX. Ecclesiae ex parte interiori variis signis ornari solent, & praesertim picturis, quibus Christi & sanctorum imagines, & egregia scripturarum & hominum piorum facinora exhibentur (k). Receptis in ecclesia picturis

nes, Graeci vero *εγκαίνια*: dum enim ecclesiae consecrantur, primum in vsum deducuntur: & *dedicatio* & *εγκαίνια* initiationem & primum rerum vsum designant. V. Mazoch. *de Camp. amphib.* cap. III.

(i) Hinc occasione dedicationis ecclesiarum frequentes synodi celebratae, qualis synodus Antiochena anno CCCXLI. habita, inde in *encaeniis* dicta.

(k) Per tria priora & amplius saecula rarior vel nullus fuisse videtur in ecclesiis sacrarum imaginum vsus, quod Petauius *dogm. theol. lib. XV. cap. 13.* & Nat. Alexander *hist. eccles. saec. VIII. diff. 6. §. 3.* pluribus docent. Sane per ea tempora nec apud patres, nec apud ethnicos de imaginibus verbum vllum, & praeterea synodus Illiberitana *can. XXVI.* ab ecclesia aperte imagines excludit: *placuit, picturas in ecclesia esse non debere, ne quod colitur & adoratur, in parietibus depingatur.* Sacras imagines tum in ecclesiis ponere intempestium erat, ne christiani potius mutasse simulacra, quam idololatriam reliquisse viderentur. Vfus imaginum sanctorum in ecclesiis quarto saeculo incepit, & inde in diem collabente idololatria passim receptus & admissus est. Non tamen eodem tempore receptae imagines, quibus Deus humana forma repraesentatur; Deum enim vtpote immensum & incorporeum figurati non posse, veteres tenebant: quod Petauius *loc. cit. cap. 14.* probat.

ris christiani ad bonos mores impelluntur, & rudes in iis veluti legunt religionis instituta. Et praeterea Christi & sanctorum imagines partem cultus religiosi constituunt; dogma enim fidei est, eas debita adoratione seu veneratione colendas esse, quod aduersus Iconoclastas synodus Nicaena it. *act. VII.* statuit, & Tridentina *ses. XXV. in decr. de inuocatione sanctorum* confirmavit. Quod si sero tandem imaginum vsus in templis receptus est, id earum religioso cultui nihil officit; nam iste cultus hypotheticus est, cuius generis doctrinae & in religione & in iure naturali plures sunt. Illud vero ad episcoporum & aliorum pastorum officium pertinet, vt cultus imaginum suis limitibus contineatur, nec abeat in superstitionem, quod alias factum est.

§. X. Sollemni ritu ecclesia consecrata, etsi enormi crimine polluat, iterum non debet consecrari, non secus ac baptismus semel datus non iteratur, *can. 20. D. 1. de consecr.* Non repetitur consecratio, si ecclesia eadem maneat, vel saltem eadem hominum iudicio reputetur: nam si vetus ecclesia ex integro euersa sit, noua ecclesia indiget consecratione: contra si ecclesia per partes renouetur: quia si illaesis parietibus lignea aedificia casu ardeant, vel corruant, & de nouo fiant, consecratio non repetitur, *cap. 6. ex. de consecr. ecclesiae.* Item nec iterum consecratur ecclesia, quod altare morum fuisse dicatur, *cap. 1. ex. eodem*; diuersis enim ritibus ecclesia & altare consecrantur. Quod si ecclesiam consecratam fuisse dubitetur, iterum consecrari debet, *can. 18. D. 1. de consecratione*, non secus ac iterum datur baptismus, si de eius collatione dubium sit.

§. XI. Consecrata ecclesia, si polluat, reconcilianda est. Polluitur ecclesia humani sanguinis effusione, &

A a 4

ho-

bat. Et veri speciem habet, imagines Dei in ecclesia Romana post saeculum decimum receptas esse. Porro non eodem tempore, quo sanctorum imagines, etiam eorum statuae admissae sunt: statuae enim utpote magis idolis gentium similes, etiam octauo saeculo minus frequentes erant: ac inde apud Latinos vsu receptae sunt.

homicidio etiam citra sanguinis effusionem in ea admiffis, *cap. 4. O ult. ex. de consecr. ecclesiae*: quod de effusione & homicidio per iniuriam factis merito accipiunt interpretes: item effusione humani seminis etiam licita, *can. 19. D. 1. de consecratione, cit. eap. ult. O cap. 5. ex. de adulteriis, & ethnici aut excommunicati sepultura, cap. 7. ex. de consecr. ecclesiae*.

§. XII. In polluta ecclesia non licet diuina officia celebrare, nisi prius reconcilietur, idque fit ab episcopo adspersione aquae benedictae, cui vinum & cinis addita sunt, & precibus. Hac autem caerimonia peccatorum reconciliationem designari theologi docent: eoque spectare videtur cinis, qui in publica poenitentia olim sollemnis erat. Sed si pollutio sit per sepulturam excommunicati, ante omnia cadauer, si discerni potest, effodiendum est, *can. 18. D. 1. de consecrat.* Quod si ecclesia tantum benedicta polluat, sola aqua benedicta a presbytero lauabitur.

§. XIII. Exstructae ecclesiae identidem instaurandae & reparandae sunt, vt perpetuum stent. Sarciri autem debent ex bonis earumdem ecclesiarum, semperque pars reddituum ecclesiasticorum sarcendis & instaurandis ecclesiis cessit. Hinc beneficiarii tenentur suorum beneficiorum ecclesias reficere, si eis supersint bona vltra frugalem sustentationem, *cap. 4. ex. de eccles. aedificandis*; cui oneri etiam subsunt, qui decimas, aut alia bona ecclesiastica possident, *cap. 1. ex. eodem*, nisi ecclesia peculiares redditus fabricis addictos habeat. Quod si bona ecclesiastica non suppetant, pertinet ad christianorum officium ecclesiam parochialem reparare; non enim apud nos receptum est decretum synodi Tridentinae *ses. XXI. de ref. cap. 7.*, quo conceditur episcopis, vt patronos & alios possessores reddituum ecclesiasticorum, & demum parochianos cogant ad paroeciam instaurandam.

C A P V T XXVII.

De asylo ecclesiarum.

§. I. **V**Ox *asylum* Graeca est, denotatque locum sanctum, quo confugientes sine piaculo auellere non licet. Apud gentes praesertim Iudaeos, Graecos & Romanos loca asyli fuerunt. Et apud christianos vel a tempore Constantini usu & consuetudine videtur receptum, ut ecclesiae loca perfugii essent, in quibus rei loci sanctitate defenderentur: cui institutioni causam praebuerunt ipsi episcopi, qui pro reis apud magistratus intercedere solebant ad poenae debitae remissionem, aut saltem mitigationem. Sic usu recepto ecclesiarum asylo, christiani imperatores varias ediderunt leges, quibus eius formam & modum constituerunt (a).

§. II. Quicumque vero fuerit asyli modus ex legibus prioribus christianorum principum, certe ex sententia Iustiniani sanctitas asyli ecclesiis concessi ad subleuandos miseros vi oppressos spectabat, non ad inuertenda aliorum iura,

(a) Ius asyli, etiam in ecclesiis, constituendi ad civilem potius quam ad ecclesiasticam potestatem videtur pertinere: civilis enim potestas merum imperium ad animaduertendum in facinorosos homines a Deo accepit: nec iure evangelico ulla loci sanctitas est, qua rei a potestate gladii eximantur. Ipsi ecclesiae patres id agnouerunt: etenim sublato per Arcadium ecclesiarum asylo ad eius restitutionem impetrandam Africani patres anno cccxcix. legatos ad principes miserunt, ut pro confugientibus ad ecclesiam quocumque reatu inuolutis legem de gloriosissimis principibus mererentur, ne quis eos audeat abstrahere, can. LXVI. C. Afric. Sed tandem lapsu saeculorum plerisque iuris canonici interpretibus insedit opinio, ecclesiarum asylum esse iuris ecclesiastici, & ad spiritualem potestatem pertinere.

iura : multo minus in grauioribus criminibus proderat reis ad ecclesiam confugisse. *Templorum cautela*, inquit Iustinianus *nouel. XVII. cap. 7.*, *non nocentibus, sed laesis datur a lege*. Sed in nouis per Occidentem institutis regnis & ciuilibus & ecclesiastica potestas ad humanitatem conspirauit, & asyla ecclesiarum omnibus eo confugientibus, etiam ad poenarum publicarum remissionem, proferunt. Conc. Aurelian. 1. *can. 3.*, conc. Tolet. XII. *can. 10.*, capit. Reg. Franc. *lib. V. cap. 155.* Sic extensum asylorum priuilegium moribus gentium, quae noua regna fundauerant, conueniebat, & praeterea reipublicae non admodum incommodo fuisse videtur. Germani enim aliique septemtrionales populi, qui per Europam se diffuderunt, a poenis sanguinis erant alieni, & graua delicta ferme multis vindicabant : & praeterea in asylum confugientes rigidae & canonicae subdebantur poenitentiae, qua non minus in bonos ciues, quam bonos christianos proficiebant.

§.III. Post saeculum decimum secundum ampla illa ecclesiarum sanctitas, qua facinorosi omnes asylo defendebantur, sensim summorum pontificum decretalibus restricta est ; iam enim receptum erat, ecclesiasticam potestatem pro iure suo de asylibus posse statuere. Ergo asylo deiecti publici latrones, & nocturni agrorum populatores, *cap. 6. ex. de immunit. ecclesiarum* ; item qui ea spe & consilio deliquerint, vt se sacro loco tueantur ; quique in ecclesiis & earum coemeteriis occiderint, aut membra mutilarint, *cap. ult. ex. eodem* ; & qui ex insidiis homines interfecerint, *cap. 1. ex. de homic. volunt.* Nimirum canonicis poenis deuersis non amplius asylorum fructus esse poterat reorum conuersio, sed potius eorumdem impunitas, atque ideo asyla restringenda videbantur.

§.IV. Praestabant vero confugientibus securitatem non solum ecclesiae ex parte interiori, sed etiam exedrae, quae *septra* etiam dicuntur, *L. 4. C. Th. de iis, qui ad eccles. confugiunt*, idque ne reis continuo in ecclesia versari necesse esset. Et quoniam multae ecclesiae sine exedris erant, canon quidam sub nomine Nicolai papae maiori ecclesiae quadraginta passus, minoribus vero triginta passus per circuitum asylo tribuit, *can. 6. C. 17. q. 4.*

Frue-

Fruebantur autem tanto priuilegio etiam ecclesiae non consecratae, modo diuina mysteria in iis celebrarentur, *cap. 9. ex de immunit. ecclesiarum*. Domus quoque, ubi habitant episcopi & parochi, asylo auctae, praesertim si intra septorum ambitum essent. Immo posteriori aetate etiam crucibus per vias defixis, coemeteriis etiam ab ecclesia seiunctis, xenodochiis & aliis locis religiosis asylum tributum est.

§. V. Quoties reis prodest ad ecclesiam confugisse, inde per vim abduci nequeunt, & qui eos eiecerint, violatae ecclesiarum sanctitatis rei iudicantur. Canones apud Gratianum abducentes ab ecclesia reos inuitos excommunicationi & poenitentiae publicae subiiciunt, *can. 20. & can. 25. C. 17. q. 4*: quae poenae praesertim spectabant eos, qui priuata vi reos ab ecclesiis ad vindictam abducebant. Sed post editas Gregorii ix. decretales etiam magistratus, qui reos ecclesiis abducerent, excommunicati sunt; hac enim aetate inter episcopos & magistratos de asylius controuersiae exortae erant; & hinc factum, ut magistratus inuitis episcopis confugientes asylo abducerent.

§. VI. Iam si dubitetur, an ad ecclesiam confugientes asylo defendantur, cuius iudicis sit discernere, laici, an ecclesiastici, a duobus ferme saeculis disputatur. Sed si res in origine sua expendatur, videtur constare, hoc iudicium ad iudicem laicum pertinere. Sane legibus principum asyla primum constituta sunt, eorumque iussionibus per plura saecula formam acceperunt. Item Leo imperator legis de asylo a se latae extra urbem Constantinopolim magistratibus mandauit executionem, *L. 6. C. de his, qui ad ecclesiam*. Hinc ciuiles magistratus sibi iudicium adseruerunt, si dubium esset, an reus asylo defenderetur: quod in omnibus ferme christianis prouinciis receptum erat, ut episcopus Couarruias *lib. II. variar. resolut. cap. 20*. testatur. Quod si in bulla Gregorii xiv. *quum alias nonnulli* cognitio in causa asyli solius iudicis ecclesiastici esse statuatur; bulla ista nullibi christianarum gentium recepta est. V. *Espen. diff. de asylo templor. cap. IX. n. 11*.

§. VII. Post editam Gregorianam decretalem controuersiae de asyliis inter magistratus & episcopos fuerunt fre-

frequentiores, praesertim apud nos; Reges etiam nostri nihil de iuribus maiestatis imminutum volebant, & interim cum pontificibus aperte decertare detrectabant. Disputatum est apud nos usque ad pacta conuenta inter Benedictum xiv. & Carolum olim Regem nostrum, quibus controuersiae de asylo etiam compositae sunt. Sane modus abducendi reos ab asylo praescriptus est; data forma iudicio, quo, an reus asylo defendatur, discernendum est; auctus numerus criminum asylo deiectorum; & locorum immunitium numerus deminutus.

§. VIII. Ac primum quidem si laicus, qui excepti criminis reus putatur, ab asylo extrahendus est, magistratus, ubi adsunt indicia ad capturam, veniam petet ab ecclesiastico superiore, qui in vrbe est episcopus, eiusue vicarius, in dioecesi vero qui superioris vice fungitur; & abductio fit praesente persona ecclesiastica, quam superior ecclesiasticus elegerit. Abductus reus traditur iudici saeculari, qui iurato & in scriptis cauet, se reum nomine ecclesiae detenturum, eumque in integrum restitutum, si asylo locum esse decernatur. Quod si non restituatur, integrum est episcopo poenis canonicis contra magistratum veluti reum-violatae immunitatis vti. Licentia autem abstractionis ab ecclesiastico superiore denegata, magistratus eadem praestita cautione reum abducit, sed ea modestia, quae domum Dei decet. *Concord. cap. II. n. 1. seqq.*

§. IX. Ciuili custodiae reo tradito, magistratus acta iudicialia de crimine conficere debet, eaque quatuor mensium spatio ad episcopum transmittere. Episcopus vero vnus mensis spatio decernet, an reus asylo defendatur. Quod si praescripto quatuor mensium spatio acta iudicialia episcopo non exhibeantur, poterit hic ex formula obligationis petere a magistratu restitutionem rei in ecclesiam, quam iudici non licet differre. Et ubi mensis spatio episcopus non pronuntiauerit, an reus asylo gaudeat, ipso iure cognitio ista ad forum mistum Neapoli constitutum deuoluitur. Vt vero possit episcopus pronuntiare, reum asylo non defendi, indicia ad torturam sufficiunt. Cessat autem obligatio iudicis ad reum in ecclesiam restituendum, ubi pronuntiatum est, reum asylo non gaudere;

dere ; at interim noua obligatione se iudex adstringit , de reo iterum in ecclesiam restituendo , si hic criminis indicia diluerit . Integrum interim est fisco laico vel ecclesiastico contra episcopi sententiam ad forum mistum provocare . Episcopi vero , quibus haec cognitio tribuitur , sunt proprie sic dicti episcopi , non inferiores praelati , nisi isti speciali sedis apostolicae indulto hac cognitione augeantur . *Concord. loc. cit. n. 3. seqq.*

§. X. Porro pactis conuentis multa crimina asylo excludunt , quae antea non excluderant . In primis asylo deiectionis incendiarii , quique eis opem , aut consilium scienter dederint , quoties dolo locum sacrum , aut religiosum , & vrbana , aut rustica praedia , aut greges incenderint . II. plagiarii , hoc est , qui per vim aut dolum homines abducunt , secumque retinent , vt pecunia se redimant : quique nuntiis , aut litteris pecunias aliasue res extorquent , metu mortis aut incendii iniectione . III. venefici , qui scienter & dolo malo & animo nocendi componunt , vendunt , praebent venena , licet effectus nullus fuerit . IV. *assessini* , hoc est , qui ad caedem hominis suas locant operas , aut conducunt alienas , quique opem aut consilium dederint , etsi mors secuta non fuerit , modo peruentum sit ad actum proximum , nempe vulnus . V. latrones & graffatores viarum siue publicarum , siue vicinalium , quamvis personas non laeserint . VI. qui noctu quauis arte , seu instrumento domus , tabernas , seu alias cellas promtuarias intrauerint , sustulerintque tantum , vnde poenam mortis mereantur . VII. qui simulato publicae potestatis nomine noctu domus ingrediuntur , ibique vel furantur , vel vim mulierum honestati inferunt . VIII. qui mensae publicae argentariae tabulas , siue syngraphas adulterant , quique falsa mandata conficiunt , vt depositas in ea pecunias exigant . IX. mercatores , qui dolo malo decoxerunt . X. quaestores , seu praefecti exactionibus fiscalibus , si in receptis pecuniis id furtum aut fraudem admittant , vt poenae ordinariae locus sit ; item publicis argentariis tabernis praefecti , ministrique , & publicorum montium ministri , qui in pecuniis aut pignoribus fidei suae concreditae eiusmodi furtum admittunt , vt legitimam poenam mereantur : quo eodem iure censentur , qui pecunias

nias vniuersitatum conseruant. xi. rei laesae maiestatis in primo & secundo capite, sed in postrema specie continentur tantum, qui ministris ab Rege iurisdictionem habentibus personalem iniuriam inferunt. xii. qui ab asylo reos abstrahunt, aut abstrahi iubent. xiii. qui in locis asyli homicidia, aut mutilationes membrorum, aut alia crimina admittunt, quae communi iure poena sanguinis aut treremium vindicantur, vt & ii, qui asylo exeuntes, eadem crimina admittunt. xiv. abutentes asylo, si in aliam ecclesiam auctoritate episcopi translati, nec se a maleficio abstinere. Et demum confugio excluduntur depopulatores agrorum, haeretici, litteras apostolicas falsantes, homicidae praemeditati, & rei falsae monetae. *Concord. loc. cit. n. 9. & seqq.*

§. XI. Demum pactis conuentis locorum immunium numerus deminutus est. Etenim asylo priuatae sunt ecclesiae rurales, in quibus eucharistia non seruatur, modo non sint parochiales, aut ad curam animarum addictae: item oratoria, vulgo capellae, in domibus priuatorum & nobilium exstructa, etsi aditum ad viam publicam habeant, & publicarum capellarum priuilegio nitantur; tum etiam capellae arcium castrorumque clausorum, licet in eis eucharistia custodiatur. Nec asylo donatur turris campanaria ab ecclesiis seiuncta, nec ecclesiae derelictae, nec horti & viridaria & alia loca ecclesiarum & aedium religiosarum parietibus & claustro non comprehensa: item nec tabernae & domus muris ecclesiarum & monasteriorum adnexae, licet interius in ecclesias & monasteria aditus pateat. Domus vero parochi & aliorum clericorum, qui curae animarum addicti sunt, gaudent asylo, modo ecclesiis coniungantur, & interius in eas aditum habeant. Verum in ecclesiis asyli spatium non extenditur ultra atrium, quoties muro circumdatum est, porticus, scalas & portas tam a fronte quam a latere, & adspectum anteriorem. *Concord. loc. cit. n. 26. seqq.*

C A P V T XXVIII.

De sepulturis.

§. I. **S**epultura mortuorum ipsa natura duce inter omnes gentes, etiam barbaras, recepta est, quamvis varii fuerint sepeliendi ritus (a). Sed christiani omni tempore pium & religiosum habuerunt integra cadauera sepelire; idque quia humatio benignior & humanior videretur, & praelertim in spem futurae resurrectionis.

§. II. Apud Romanos sepulcra erant extra vrbes, idque iure duodecim tabularum cautum erat, & saepe novis legibus confirmatum est. Sauro in *Sidon. lib. III. ep. 12.* (b). Similiter christiani extra vrbes corpora suorum fratrum sepeliebant, Chrysost. *hom. XVII. de fide, L. 6. C. Th. de sepulcris violatis*; nec enim quod leges publicae ceteris ciuibus denegabant, christianis poterant permittere. Extra vrbes corpora christianorum sepeliebantur in priuatis sepulcris, vel in fornicibus & catacumbis: quae loca dicebantur *cryptae* & *arenaria*, quod in arena foderentur, & *coemeteria*, quasi loca dormitionis. Incongnita antiquioribus christianis fuit in ecclesiis sepultura, eaque

(a) Condiebant Aegyptii mortuos, eosque domi seruabant: alii cadauera ipsa, vti erant, humo obruebant: & alii in primis Graeci & Romani cadauera cremabant, & cineres sepeliebant. Per plura saecula stetit vsitio apud Romanos, etsi interim plures humationem vsurparent; tandem vero sensim cadauera cremari desierunt, qui mos a Commodi imperatoris aetate frequentior euasit.

(b) Extra vrbes vero sepulcra ponebantur ad vias publicas, vt praetereuntes admonerent, se fuisse & illos esse mortales, vt ait Varro de *ling. lat. lib. V.* Sepeliebant vero Romani extra vrbes, ne funestarentur sacra ciuitatis. Paul. *lib. I. sentent. tit. 21. §. 1.*

etque post datam ecclesiae pacem sensim inualuit (c).

§. IV. Quamuis vero iure nouo christianis omnibus in ecclesia sepultura permessa sit; tamen etiam in noua disciplina fidelium dormitioni potius coemeteria, quam ecclesiae videntur destinata. Conc. Mediolan. i. *par. II. cap. 61. V. Espen. par. II. sect. 4. tit. 7. cap. 2. edit. Neapol.* Sunt coemeteria loca religiosa episcopali benedictione ad fidelium sepulturam addicta, & ipsis ecclesiis vt plurimum adhaerentia, licet e republica esset extra vrbes transferri, & in locis apertis constitui, vt relinquant incolarum domicilio sanitatem. Vbi vero coemeteria nulla sunt ab ecclesiis distincta, christiani in ecclesiis sepeliuntur, sed sepulcra in choro, aut prope altare non passim concedenda: quod Ferrariensis *de non sepeliendis mortuis prope aras* docet. Interim in loco profano nefas habetur christianos sepelire, & hinc electio sepulturae in loco profano nulla est, *cap. 3. ex. de sepulturis*, & ibi Gonzalez.

§. IV. Iam christiana sepultura censetur pars ecclesiasticae communionis, quae post mortem perseverat: & inde parochiani in ecclesia parochiali, cum qua viui communicabant, sepeliri debent. Parochiani autem in causa sepulturae sunt, qui in finibus paroeciae ita morantur, vt viui sacramenta in ipsa percipere, & parochi
 ipsi

(c) Nempe pium & religiosum arbitrabantur christiani apud martyres, quorum reliquiae in ecclesiis conditae erant, post mortem quiescere. Hinc primum imperatoribus veluti privilegio datum est, vt in vestibulo ecclesiae eorum corpora quiescerent, Euseb. *lib. IV. de vit. Constant. cap. 71.* Chrysost. *hom. XXVI. in 2. ad Corinthios*: inde reges, episcopi, abbates, digni presbyteri & ipsi laici sanctitate conspicui in ipsis ecclesiis sepulti sunt, conc. Moguntin. *can. LII.* Interea vero fideles laici in atrio vel porticu ecclesiarum sepeliebantur, conc. Brac. i. *can. 36.*, conc. Nannat. *can. VI.*, donec tandem saeculo nono & deinceps mos receptus est, vt cadauera omnia in ecclesiis humarentur. Ceterum receptis in ecclesia sepulturis non bene viuentibus consultum; nam in locis confusis aer adficitur tetrus cadauerum particulis, quibus respirationi & vitae noxijs enadit.

ipsis administrare teneantur. Hinc peregrini in paroecia, ubi eos decedere contingit, sepeliuntur, modo commode in suam paroeciam efferri nequeant, *cap. 5. ex. de sepult. in 6.* Monachi autem & religiosi in monasterii sui ecclesia vel coemeterio sepeliendi sunt, *cap. ult. eod. in 6.*, ipsis enim loco paroeciae monasterium est: & similiter canonici & beneficiarii omnes in ecclesia capituli vel beneficii sui sepeliendi. Quod si contra interdictum cadauer extra propriam ecclesiam tumuletur, si petatur, effodiendum est, & propriae ecclesiae restituendum, *cap. 5. ex. eod.*

§. V. Sed parochialis sepultura duobus casibus locum non habet, puta si existet maiorum sepulcrum, aut si quis viuis sibi sepulturam elegerit. Sepulcra maiorum eadem ac familiaria videntur esse, in quibus quiescendi omnes de familia ius habent. Quoniam vero quisque apud maiores suos quiescere intendit, hinc existente maiorum sepulcro, cessat parochialis sepultura, & quisque de familia in eo sepeliendus est, *can. 2. C. 13. q. 2.*, quasi ex tacita sepulturae electione, *cap. 1. & 3. ex. de sepulturis.* Item locum non habet parochialis sepultura, si aliquis sibi locum dormitionis seligat, quod iure canonico puberibus omnibus, etiam vxoribus & filiis familias facere licet, *cap. 7. ex. eodem, cap. 4. eod. in 6.* Quibus vero casibus defuncti sepeliantur extra paroeciam, exsequiae in propria ecclesia celebrandae sunt, *cap. 9. ex. eodem*: quae disciplina in Gallia & Belgio integra seruatur; at in Italia cadauera extra paroeciam sepelienda, antequam domo educantur, per parochum benedicenda sunt, eoque comite ad sepulturae locum efferenda.

§. VI. Antiqua est disciplina, qua pro mortuis oblationes fiunt, easque ecclesia recipiebat, si christiani in eius communione ex hac vita migrassent. Diu oblationes istae sola offerentium voluntate steterunt, at post saeculum decimum in laudabiles abierunt consuetudines, quibus post exsequias cogi possunt heredes ad consuetas oblationes, *cap. 42. ex. de simonia.* Atque haec sunt iura funeraria, quae parochis debentur propter animarum curam. Saeculo nono & sequentibus pleraeque paroeciae nullos statos redditus habebant, quod earum bona vel ad laicos, vel ad monachos, vel canonicos deuoluta erant: hinc

ad alendos clericos piae offerendi consuetudines constabulitae, Ceterum in exigendis iuribus funerariis parochi modum tenere debent, ne videantur ex terra putredini concessa quaelcumque facere, praesertim vero humani & liberales esse debent in pauperes.

§. VII. Quod si aliquis extra ecclesiam parochialem sepeliatur, paroeciae *quarta funeraria* seu *canonica* debetur: certa nempe portio oblationum & legatorum, quae ecclesiae sepulturae offeruntur, aut relictæ sunt. Iustum visum fuit, ex obventionibus funerariis, quae ecclesiae sepulturae adquiruntur, aliquid tribuere ecclesiae parochiali, quae curam spiritalem defuncto impendit, *cap. 1. ex. de sepulturis*. Portio ista non est ubique eadem, sed alibi medietas, alibi tertia, alibi quarta integra pro locorum moribus, *cap. 9. ex. eodem*, & interim semper *quarta* dicitur, pendetque etiam ex locorum moribus, aut patris conuentis, ex quibus oblationibus & relictis deducenda sit. Cadit vero ecclesia parochialis sibi debita quarta triginta aut quadraginta annorum praescriptione cum titulo, vel immemorabili tempore sine titulo. Barb. *de off. parochi par. III, cap. 25.*

§. VIII. Sepultura ecclesiastica carent omnes, quibus viuis cum ecclesia communicare non licuit; est enim pars christianae communionis, quae etiam post mortem manet. Itaque ecclesiastica sepultura priuantur infideles, apostatae, haeretici & schismatici manifesti, item excommunicati vt tales denunciati, quique palam clericum, aut monachum percusserint, & nominatim interdicti, *cap. 10. ex. de sepulturis, cap. 17. ex. de verbor. significat.* Porro non donantur ecclesiastica sepultura, qui in mortali peccato decessisse videntur, quales qui sibi mortem conscuerunt, qui in pascha peccata sua nec confessi sunt, nec eucharistiam sumserunt, *cap. 12. ex. de poenit. & remissionibus*, monachi mortui cum peculio, *cap. 6. ex. de statu monachorum*, fures & latrones in crimine occisi, *cap. 2. ex. de furtis*, usurarii manifesti, *cap. 2. de usuris in 6.*, & generatim omnes manifesti peccatores, qui sine poenitentia decesserint. Quod si horum aliquis in loco sacro tumultetur, cadaver, si discerni possit, effodiendum est, & procul ab ecclesia in loco profano sepeliendum, *cap. 12. ex.*

ex. de sepulturis. Vltimum supplicium passi, si condignam poenitentiam egerint, ex aliquorum canonum sententia donari possunt christiana sepultura *can. 30. C. 13. q. 3.* modo leges ciuiles humationem permittant.

C A P V T XXIX.

De Monasteriis.

§. I. **M**onasteria initio fuerunt solitariorum habitacula, speluncis potius quam domibus similia; at instituta a Pachomio vita coenobitica, monasteria etiam fuerunt domus, in quibus coenobitae habitabant. Monasteria ex monasticis institutis in solitudinibus & procul ab vrbibus initio constituta: idque postulare videbatur perpetua poenitentia & ascesis, cui monachi se adicebant: plangtus enim & luctus requirunt solitudinem. Primus omnium S. Basilius monachorum domicilia in vrbibus videtur constituisse, vt catholicae fidei contra Arianos suppetias ferrent. Socrat. *lib. IV. cap. 26.* Quo exemplo deinceps in vrbibus, vel prope eas passim monasteria excitata, quamuis etiam posteriori aetate, qui monasticam disciplinam instaurarunt, in solitudinibus suas primas sedes collocarint. Mendicantes vero ab initio in ciuitatibus & oppidis suas aedes posuerunt; vt ita essent clericis adiutorio in cura animarum procuranda.

§. II. Quocumque autem loco constituantur noua monasteria & regularium aedes, praecedere debet episcopi, in cuius dioecesi constituuntur, consensus. Conc. Chalced. *can. IV.* Iustin. *novell. V. cap. 1.* Exortis mendicantibus consensus iste magis euasit necessarius; mendicantes enim contra regulas & naturam vitae monasticae episcopis & parochis in animarum cura, veluti copiae auxiliares, accesserunt; atque ita praeposterum esse videbatur, novos mendicantium conuentus episcopis insciis & inuitis excitare. Quin ex legibus & moribus prouincia-

rum nec licet aedificare noua monasteria, nisi etiam civilis potestas adfuerit.

§. III. Iam nouo monasterio seu conuentui excitando sub certa forma licet episcopis consentire, quae a Clemente VIII. in *bul. quoniam ad institutum* & a Gregorio XV. in *bul. quum alias* statuta est. In primis constare debet, nouos colonos sine veterum incommodo posse sustineri: & hinc aduocandi & audiendi priores antiquorum monasteriorum & conuentuum, qui per quatuor millia passuum in locis circum positis existunt. Audiendi quoque incolae loci, & praesertim parochus, maxime si noui religiosi mendicantes sint. Praeterea nullius monasterii permittenda aedificatio est, nisi in eo saltem duodecim monachi seu religiosi habitare, ac ex redditibus & consuetis eleemosynis sustentari possint. Et demum monasteria monialium in vrbibus & oppidis constituenda sunt, ne moniales hominum malorum praedae exponantur. Trident. *ses. XXV. de regul. cap. 5.* Vbi vero decretum est, nouum monasterium aedificari, fabrica non inchoanda, nisi prius episcopus in loco preces fundat, & salutis nostrae signum, crucem nempe, terrae defigat. Iustin. *nouel. V. cap. 5.*

§. IV. Monasteria omnia origine sua in spiritualibus potestati episcoporum, in quorum dioecesi posita sunt, subiacent, non secus ac reliqua loca sacra & religiosa. Hinc episcopi eadem inuiscere, *cap. 8. ex. de relig. domibus*, & in iis actus omnes ecclesiasticae iurisdictionis exercere possunt. *Can. 10. C. 16. q. 1., can. 1. 18. & seq. C. 18. q. 2.* Sed a pluribus saeculis monasteria & monachi, etiam mendicantes, a potestate episcoporum exempti sunt, & vni pontifici parere coeperunt. Qua exemptione ruina monasticae disciplinae promota est, & ordo hierarchiae turbatus. Hinc pluries de exemptionibus abolendis tractatum, sed numquam excisae: tantum in comitiis Tridentinis temperatae sunt, pluribus in eam rem editis decretis. Nimirum monasteria, quibus laicorum spiritualis cura adnexa est, quod spectat ad curam animarum, episcopis subiecta sunt. Trident. *ses. XXV. de regular. cap. 11.* Episcopis quoque tamquam apostolicae sedis delegatis commissa monasteria monialium *quos* pontifici subiecta.

Tri-

Trident. *loc. cit. cap. 9.* Illis quoque iure delegato data sanctimonialium omnium exemptarum clausura. Trident. *loc. cit. cap. 5.* Episcopi quoque etiam tamquam apostolicae sedis delegati quorannis inuisunt monasteria in commendationem concessa, vbi neglecta iacet claustralis disciplina. Trident. *ses. XXI. de ref. cap. 8.* Item ab Urbano VIII. episcopis subiecta sunt monasteria recenter erecta, vel deinceps erigenda, in quibus saltem duodecim monachi seu religiosi non sint, *bul. XLIII. §. 14.*

C A P V T XXX.

De hospitalibus.

§. I. **H**ospitalia proprie sic dicta sunt aedes ad hospites & peregrinos excipiendos; at passim eo nomine veniunt loca quaelibet recipiendis & alendis pauperibus, infirmis aliisque miseris, qui aliena opera indigent, addicta. Hinc hospitalia sunt varii generis, quae nominibus propriis apud veteres designantur, veluti *xenodochia*, quae sunt peregrinorum hospitia; *ptochotrophia*, vbi aluntur pauperes debiles, *orphanotrophia*, vbi pueri parentibus orbatī educantur, *brephotrophia*, quae infantium educationi inseruiunt; *nosocomia*, vbi infirmi curantur; & *gerontocomia*, vbi pauperes senes aluntur (a).

B b 3

§. II.

(a) Summa semper fuit ecclesiae cura in fouendis & recreandis pauperibus miserisque hominibus, qui aliena opera & auxilio indigerent; at vbi ecclesiae pax data est, coeperunt episcopi & christiani peculiare aedes ad miseros & pauperes excipiendos & fouendos exstruere. Praesertim vero christiani Occidentales saeculis octauo & sequenti hoc nomine inclaruerunt: nam ferme omnia monachorum & canonicorum monasteria aedes ad excipiendos peregrinos, pauperes, infirmos habuerunt adnexas, & praeterea christiani multa alia eius generis diuersoria fundarunt. V. Murator. *diff. XXXVII. antiq. Italic.* Tum enim

§. II. Hospitalia autem generatim sic dicta vel religiosa, vel profana sunt. Religiosa episcopi auctoritate, profana iniussu eius fundata sunt. Quibus notis religiosas & profanas hospitales domus interpretes saniores discernunt, idque conuenienter pontificum decretalibus, quae tantum religiosas habent domus hospitales auctoritate episcopi exstructas, *cap. 4. ex. de relig. domib.* Sed non desunt, qui omnia pia loca, quamuis religiosa, a laicis administrata, profana dicunt: contra religiosa, quae clerici procurant. Quae sententia apud nos certo iure nititur, utpote quae pactis conuentis inter Benedictum xiv. & Carolum olim Regem nostrum *cap. V.* confirmata est.

§. III. Hospitalia domus omnes ex veteri ecclesiae disciplina episcoporum potestati & in spiritualibus & in temporalibus subsunt. Conc. Chalced. *can. VIII.*, *L. 42. §. 9.*, *L. 46. §. 3. C. de episc. & clericis & nouel. CXXIII. cap. 23. (b).* Nihil vero intererat, utrum clerici, an laici domus istas procurarent, & utrum iussu, an iniussu episcopi essent exstructae; semper enim erant in episcopi potestate, quando leges ciuiles id constituerant.

§. IV. At labentibus annis multae domus hospitales episcoporum potestatem excusserunt, aliae in totum, aliae tantum in temporalibus. In primis hospitalia regum speciali protectione aucta ab episcoporum potestate subtrahita sunt. Item hospitalia, quae nulla episcopi potestate fundata sunt, veluti loca profana habita, & saltem in-
tem-

enim frequentes euaserant sacrae peregrinationes, ad quas vendas ferme vbique hospitales domus erant necessariae.

(b) Auctoritas autem ista episcoporum origine sua ecclesiastica erat, quae sacris in usum miserorum celebrandis, & tamquam boni patresfamilias temporalibus etiam praesidebant; nam ciuilis & publica in hospitalia potestas politici regiminis erat. Quoniam vero episcopi industrii erant in operibus caritatis procurandis, christianae principes, in primis Iustinianus, eis etiam dederunt publicam & ciuilem in domus hospitales potestatem, *L. 42. §. 9.*, *L. 46. §. 3. C. de episc. & clericis, nouel. CXXIII. cap. 23.* Et similiter idem Iustinianus bona hospitalium bonis ecclesiasticis accensuit, *L. 23. C. de sacros. ecclesiis.*

temporalibus extra episcopi potestatem, *cap. 4. ex. de relig. domib.* Multa quoque hospitalia priuilegiis pontificum ab episcopi potestate subtrahita sunt, & vni pontifici subiecta. Et demum non desuerunt principes, qui episcopos a temporali hospitalium administratione excluderunt, eaque in hac parte laicis iudicibus subiecerunt; quod in Gallia factum est.

§ V. Deminutam episcoporum in domus hospitales potestatem synodi Viennensis & Tridentina curarunt reparandam. Et quidem Viennensis statuit, vt si hospitalium administratores siue clerici, siue laici ignauius in administrationem incumbant, episcopi propria auctoritate in sibi subiectos rectores, in exemptos delegata pontificis procedant, & hospitalia reforment & in integrum restituant. *Clement. 2. de religiosis domib.* Postea synodus Tridentina *ses. VII. de ref. cap. 15.* hunc Viennensem canonem innouauit; item potestatem fecit episcopis, vt etiam tamquam apostolicae sedis delegati in casibus ab iure concessis hospitalia omnia & collegia quaecumque laicorum inuiderent, exceptis iis, quae sub regum immediata protectione sunt sine eorum licentia, *ses. XXII. de ref. cap. 8.* Et demum statuit, vt clerici siue laici hospitalium administratores quotannis ordinario reddant rationes, nisi in fundatione aliter cautum sit; & si consuetudine, vel priuilegio, vel loci statuto aliis ad id deputatis rationes reddendae sint, etiam cum iis loci ordinarius adhibeatur. *Trident. loc. cit. cap. 9.*

§ VI. Decreta ista Tridentina de hospitalibus aliisque locis piis, utpote quae iura laicorum inuertebant, nec in aliis prouinciis, nec apud nos recepta sunt. Hinc de hospitalium in rebus temporalibus regimine inter saecularem & ecclesiasticam potestatem frequentes controversiae emerferunt. Tandem vero controuersiae istae apud nos pactis conuentis inter Benedictum xiv & Carolum olim Regem nostrum compositae sunt, & ius certum constitutum, *cap. V. n. 1. seqq.* Tres hospitalium species distinctae, vna eorum, quae sub regum immediata protectione sunt, altera eorum, quae a laicis, & tertia eorum, quae a clericis procurantur. Hospitalia sub regum immediata protectione (qualia censentur, quae regiae fundatio-

nis & dotationis sunt, & quae in ipsa fundatione ex voluntate fundatoris regiam protectionem meruerunt) ab episcopi potestate & visitatione etiam in spiritualibus eximuntur. Hospitalia a laicis administrata tantum in spiritualibus ab episcopo visitantur; administrationis vero rationes reddendae coram ratiocinatoribus de more electis per eos, ad quos electio ista spectat, & persona ad id ab ordinario deputata, quae gratis intersit. Data quoque foro misto, quod Neapoli sedem habet, potestas in loca pia profana, exceptis iis, quae regum speciali protectione muniuntur. Et demum hospitalia a clericis administrata in spiritualibus & temporalibus ab episcopis visitantur.

§. VII. Iure communi pauperes & miseri in hospitalibus recipere debent sacramenta ab ecclesia parochiali, in cuius finibus posita sunt hospitalia. *Esper. par. II. sect. 4. tit. 6. cap. 3. edit. Neapol.* Et passim hospitalia a laicis administrata manent sub cura parochorum, licet in iis sint exstructa sacella. Verum multae ex hisce domibus sunt, quae ad sacra administranda speciales presbyteros habent, quod episcopi, aut pontificis privilegio, aut pactis conventis inductum est.

§. VIII. Hospitalium officiales singulis annis administrationis suae reddere rationes tenentur. *Clement. 2. §. 2. de relig. domib.* Reddendae vero sunt rationes ordinariis, seu aliis, quibus subsunt loca huiusmodi, vel deputatis ab eis, *cit. Clement. 2.* At synodus Tridentina *sess. XXII. de ref. cap. 9.* statuit, ut administratores clerici, siue laici hospitalium & aliorum piorum locorum ordinariis locorum reddere rationes teneantur, nisi in fundatione aliter cautum sit: & quo casu siue ex consuetudine, siue privilegio, siue peculiari loci statuto aliis ad id deputatis reddendae sint, etiam cum iis antistes ordinarius adhibeatur. Sed decretum hoc, utpote extendens episcopi potestatem ad loca laicalia, in hoc regno receptum non est; vigentque pacta conuenta inter Benedictum XIV. & Carolum olim regem nostrum, quae *cap. V. n. 2.* habent, etiam personam ab ordinario deputari debere, ubi rectores laici piorum locorum reddunt rationes, nisi loca illa regiae protectioni specialiter subiaceant.

CA-

C A P V T XXXI.

De oblationibus.

§. I. **V**entum est ad res ecclesiae temporales, quae vñibus ecclesiasticis deseruiunt. Eiusmodi res ad tres praecipuas classes referri possunt, oblationes nempe, fundos seu res immobiles, & decimas & primitias. Oblationis nomine generatim veniunt res omnes siue mobiles, siue soli, quacumque ratione Deo elargitae, siue pertineant ad sacrificii vñum, siue clericorum & pauperum alimentis destinatae sint. Sed in praesenti strictius vocem oblationis accipimus, quatenus denotat res mobiles & munera, quae sponte fideles ad altare vel extra altare offerunt.

§. II. Tria oblationum genera statui possunt: aliae tempore sacrificii inferebantur altari; aliae ad episcopi domum deferiebantur; & demum aliae fieri consueuerunt in administratione sacramentorum, in exsequiis defunctorum & aliis sacris officiis. Et ad altare quidem tempore oblationis omnes in eucharistia communicantes, si poterant, etiam monachi, offerebant panem & vinum: quo loci etiam oleum & incensum & nouae spicae & vuae solebant offerri, *can. IV. apostol.* Ex oblatiis pane & vino eucharistiae elementa desumebantur, & reliqua alendis clericis & pauperibus inseruiebant. Sed lapsu temporis, vbi panis azymus in sacris mysteriis adhibitus est, deserunt panis & vini ad altare oblationes, earumque loco missae honorarium successit. Et si adhuc in multis pagis & oppidulis viget mos aliquid offerendi inter missarum sollemnia, oblationes istae post euangelium, non tempore oblationis fiunt, & pro eucharisticis haberi non possunt.

§. III. Secundum genus oblationum est earum, quas christiani, prout possunt & volunt, in ecclesiae vñum elargiuntur. In ecclesia secundo saeculo erat arcae quoddam genus, in quam fideles pro arbitrio & voluntate sua

mo-

modicam stipem apponebant. Tertull. *apol. cap. XXXIX.* Inde institutum fuit *gazophilacium*, hoc est locus in exedris ecclesiae, in quem huius generis oblationes deferabantur & adseruabantur. Conc. Carthag. *iv. can. 93.* August. *serm. L. de diuers.* Quin in ecclesiis Gallicanis huiusmodi oblationes etiam ad altare videntur factae. Conc. Aurel. *i. can. 16. & seq.*

§. IV. Erat quoque tertium genus oblationum, quas christiani in fuscipiendis sacramentis, in exsequiis mortuorum, in dedicationibus ecclesiarum aliisque sacris officiis pro pietate sua elargiebantur. Quarto saeculo sollemnis erat mos in baptismo aliquid offerendi. Greg. Nazianz. *orat. XL. de bapt.* Et si synodus Illiberitana *can. XLVIII.* statuit, ne de more catechumeni tempore baptismi numos in concham mitterent: regula ista peculiaris fuit, eique non malum, sed mali species dedit occasionem: nimirum ne sacerdos, quod gratis acceperat, pretio distrahere videretur. Generatim vero in huius generis oblationibus id ecclesia edixit, si quid sponte offeratur, recte accipi, nefarias vero esse exactiones.

§. V. Cuiuscumque vero generis essent oblationes, non ab omnibus christianis accipi solebant, sed tantum ab iis, qui in eucharistia communicabant. Nimirum oblationes, praesertim eucharisticae, erant signum ecclesiasticae communionis; & hinc eorum, qui in eucharistia non communicabant, oblationes respuebantur. Conc. Illiber. *can. XXVIII.* Ipsi poenitentes consistentes dicti, quantum in precibus communicarent, non tamen offerebant ad altare. Conc. Nicaen. *can. XI.* Ancyrt. *can. IV.* Quin si haeretici antequam in haeresim laberentur, aliquid ecclesiae intulissent, id eis post lapsum restitui solebat. Tertull. *de praescript. can. XXX.* Ambros. *ep. XXX ad Valentinian.* Interim si poenitentes ante reconciliationem inopini & absolutionis cupidi morerentur, eorum nomine factas oblationes pleraeque ecclesiae recipiebant, conc. Arelat. *ii. can. 12.* Tolert. *xi. can. 12.* Qua receptione in pacem & communionem admissi censebantur.

§. VI. Porro oblationes erant spontanea elargitates, nec aliquis ad eas offerendas cogeatur: quae est antiqua ecclesiae

ecclēsiæ disciplina (a). Verum labentibus annis oblationes, quæ in administrandis sacramentis, in exsequiis & ceteris sacris functionibus fiebant, in laudabiles consuetudines abierunt: quæ disciplina inualuit in aliquibus ecclesiis post saeculum decimum, tum in concilio generali sub Innocentio III. generatim probata est, vbi statutum, libere conferenda esse christiana sacramenta & reliqua sacra officia, teneri vero fideles ad consuetas oblationes, & ab episcopo cogi posse, si offerre detrectent, *cap. 42. ex de simonia* (b). Et hæc sunt iura parochialia, quæ satius fuisset non induci, aut inducta aboleri, vbi primum ecclesiæ aliis redditibus auctæ sunt; est enim, quantum fieri potest, a ministris ecclesiæ amouenda omnis auaritiæ turpis quæstus suspicio & occasio. Et recte Tridentini patres *ses. XXI. de ref. cap. 1.* in ordinationibus nec sponte oblata quocumque titulo accipi permiserunt.

§. VII. Oblationes autem omnes, etiam quæ sponte fiunt, ad ecclesiam parochialem spectant, idque ob spirituales curam, quæ parochis demandata est, *cap. 9. ex de his, quæ fiunt a prael. sine cons. capituli*. Cedunt vero oblationes ecclesiæ parochiali, etiamsi in alia inferiori capella, aut loco intra paroeciae fines fiant, nisi de contraria offerentium voluntate constet. *Barbosa de off. parochi*

(a) Tantum eu-charisticæ panis & vini ad altare oblationes necessitate quadam continebantur: nam turpe videbatur, diuites ad altare non offerre. *Cypr. de opera & elemosynis, August. serm. CCXLV. de tempore*. Quin Hieronymus *epist. I. ad Heliodor.* etiam monachos ad altare offerre adstrictos fuisse testatur. Panis & vini eucharisticæ oblationes spectabant ipsum sacrificium, quod christiani omnes suo modo offerre censebantur, & de eo omnes participabant; vt proinde nefas videretur eo spectantes oblationes a diuitibus non offerri.

(b) Saeculo decimo & deinceps bona paroeciarum, etiam ipsæ decimæ, pro maxima parte in laicos, monachos & canonicos transierant; & propter malos clericorum mores christiani parum liberales erant in ecclesias parochiales. Hinc clerici non habebant vnde viuere, atque ideo dura temporum conditio pias offerendi consuetudines in necessitatem conuertere fecit.

rochi cap. XXIV. Nimirum fideles offerre praesumuntur ob spiritualem curam, quam de se habet ecclesia: quae praesumptio oblationes ecclesiae parochiali addicit. Cessat vero haec praesumptio, quando constat, aliam esse offerentium voluntatem, & oblationes illis locis seu vñibus cedunt, quibus impendi fideles volunt, edicuntque. V. card. de Luca *disc. XIX. de decimis.* Item oblationes parociae non adquiruntur, si priuilegium aut consuetudo eas alii ecclesiae, aut pio loco addicat.

C A P V T XXXII.

De praediorum ecclesiasticorum acquisitione.

§. I. **Q**Vousque ciuilis potestas christianam religionem persecuta est, ecclesiae redditus fuerunt in rebus mobilibus, quas pro pietate sua fideles offerebant, res vero immobiles ferme nullae fuerunt. Tum ecclesia ex sententia iuris ciuilis collegiis illicitis accensebatur, quibus nec donare, nec hereditates relinquere ius erat, *L. 8. C. de heredib. instituendis.* Nec a christianis Christus heres poterat institui; quia, vt auctor est Vlpianus *fragm. tit. XXII. §. 6.*, dii heredes institui non poterant, praeter eos, quos leges instituere concessissent. Verum post tertii saeculi medietatem plures ecclesiae fundos possidere coeperunt; in longa enim illa imperii confusione post Valeriani captiuitatem continuata non multum valebant leges, atque ideo facile fuit ecclesiis fundos adquirere.

§. II. Sed post pacem christianis datam ecclesia fundos magna copia adquisiuit, idque testamentis & legitimis hereditatibus & variis titulis inter viuos. Et quod spectat testamenta, primus Conitandinus M. ecclesiam inter collegia legitima recensuit, eique dedit ius acquirendi ex testamento siue hereditates, siue legata *Habeat vnusquisque licentiam sanctissimo catholicae, ecclesiae, venerabilique concilio decedens bonorum, quod optauerit, relinquere, L. 1. C. de sacros. ecclesiis.* Haec lex semper
in

in imperio obtinuit, & apud gentes, quae noua regna in Occidente fundarunt, in primis Longobardos, confirmata est. Et Theodosii iunioris lege, si clerici vel monachi intestato decederent, nullis relictis heredibus, eorum bona ecclesiae vel monasterio, cui fuerant addicti, adscribebantur, *L. i. C. Th. de bon. clericorum*. Ita hereditates siue testamento, siue ab intestato ecclesia coepit acquirere, & interea largitatibus inter viuos etiam ditescibat.

§. III. Verum ex veteribus moribus religioni erat sanctissimis episcopis hereditates adire, vel donationes acceptare, quibus filii, aut alii cognati sibi debitis bonis fraudarentur. *Quicumque vult*, ait Augustinus *serm. XLIX. de diuersis*, exheredato filio, heredem facere ecclesiam, quaeratur alterum, qui suscipiat, non Augustinum, immo Deo propitio neminem inueniet (a). Quin quod hereditates litium ambagibus implicabant, sanctiores episcopi non multum eas curabant; sed potius cupiebant, vt patresfamilias Christum veluti in numerum filiorum cooptarent, eique virilem relinquerent. August. *loc. cit.* At deinceps moribus in peius delapsis, ferme omnes effusae largitates, quibus nihil filiis aut cognatis relinqueretur, acceptae: quos mores Carolus M. *lib. I. capit. cap. 89.* castigauit.

§. IV. Magna praediorum & mobilium copia ecclesiis & monasteriis accessit per hereditates & donationes: at acquisitiones istae factae sunt vberiores, postquam invaluit doctrina, regnum caelorum obtineri largitionibus in ecclesiam factis (b). Hinc mediis saeculis fere omnes

do-

(a) Summa fuit aequitas Aurelii episcopi Carthaginienfis, qui bona omnia ecclesiae donata restituit donanti, cui post donationem filii, quos non sperabat, nati erant, etsi suae potestatis erat, vt non redderet, sed *iure fori*, non *iure poli*, vt loquitur Augustinus *loc. cit.* Non enim Romanae leges rescindebant donationes, quod donantibus inde filii nati dicerentur. V. Vinn. in §. 2. *inst. de donationibus*.

(b) Ex veteribus summo zelo & incredibili vehementia Saluianus *lib. I. aduers. auar.* hanc doctrinam inculcauit. Quin sensim creditum est ab incautis, etiam sine lacrimis ad Deum promerendum valere in ecclesias & monasteria effusas largitates.

donationes & testamenta in pias causas his formulis concepta sunt, *pro salutae animae meae, pro redemptione animae, in remedium aeternae salutis*. Eo etiam contulerunt clericorum & monachorum artes, quibus suadebant fidelibus (saepe non sine cognatorum detrimento) caelestis regni beatitudinem, comminabantur aeternum inferni supplicium, & sub nomine Dei aut alicuius sancti temporalia extorquebant, ut habet Carolus M. *capit. an. 1000CXI*. Nec istae piae artes posterioribus saeculis cessarunt: etenim S. Bonaventura *epist. ad provinciales* & Matthaeus Parisiensis *ad an. 1000CXIII*. veluti hereditas multos ex mendicantibus describunt.

§. V. Multa quoque bona & latifundia in ecclesias & monasteria confluxerunt ex diuitum clericali & monastica vita. Nam plerique eorum, dum se altari, aut monasterio dedicabant, bona sua, aut eorum partem in ecclesias & monasteria transferebant. Quin ubi de more veteris disciplinae parentes monasteriis filios suos infantes offerebant, simul monachis praedia aliqua elargiebantur. V. Murator. *diff. LXVII. antiq. Italicar.* Hinc intelligis, cur antiqui monachi solliciti fuerunt ad adliciendos diuites ad monasticam vitam. Quoniam vero turpe erat, ob temporalia lucra clericatum aut monasticam vitam diuitibus inculcare, synodorum canonibus poenitentiae subiecti sunt episcopi & abbates, qui propter temporalia homines in clericos, aut monachos tonderent, temporalia vero heredibus restituta sunt. Conc. Cabillon. II. anno 1000CXVI. *cap. VII.*

§. VI.

tes. Eo etiam traducta est sententia Christi, qua centuplum & vita aeterna iis promittitur, qui propter Deum terrena reliquissent, quasi esset omnino idem exui rebus suis & sequi Iesum Christum, & bona sua in morte ecclesiis aut monasteriis relinquere. V. Murator. *diff. LXVII. antiq. Italic.* Et quoniam omnes morti proximi pro anima sua aliquid ecclesiis relinquebant; hinc videtur inualuisse, ut si quis intestatus decederet, episcopus loci pro illo testaretur in piam causam, definiretque elemosynarum modum, quem defunctus probabiliter reliquisset: qui mos in Gallia, Anglia & in regno Apuliae seruatus est.

CAP. XXXII. DE PRAEDIORVM ETC. 399

§. VI. Vberimus fons, vnde tot praedia in ecclesias & monasteria deriuarunt, fuerunt etiam *precariae*. In hac caussa erant precariae praediorum concessiones, quas ecclesiis fideles faciebant, at eorundem sibi retinebant vsumfructum, & duplum etiam vsufructuario iure de bonis ecclesiasticis accipiebant; aut si vsufructu datorum praediorum abstinebant, triplum de bonis ecclesiasticis consequebantur: nec tantum ipsi dantes concessio sibi vsufructu fruebantur, verum etiam filii & cognati, de quibus conuenisset. Conc. Turon. III. *can. 31.*, Meldense anno 1000 *can. XXII.* Ingens fundorum copia per precarias ecclesiis & monasteriis accessit: quilibet enim, praesertim si filiorum spe destituebatur, facile eo veniebat, vt patrimonium suum ecclesiae elargiretur, ab eadem duplum aut triplum quantitatis datae in vsumfructum accepturus; ecclesia vero dispendium praesens futuro lucro compensabat, atque ita praedia sua augebat.

§. VII. Item poenitentiarum redemptionibus praedia & opes ecclesiae sibi pararunt. Erant redemptiones istae species quaedam indulgentiarum, quibus psalmodum recitatione, aut flagellis, aut pecuniae & praediorum donationibus canonicae poenitentiae remittebantur. Satis longae octauo saeculo erant canonicae poenitentiae, fueruntque etiam longiores, vbi inualuit, vt pro vno peccato mortali septem annos esset poenitendum; ita enim eiusdem vel diuersi generis multiplicatis peccatis poenitentia longe ipsam vitam excedebat. V. Thomass. *de veteri & noua eccles. discipl. par. III. lib. 1. cap. 74. n. 5.* Ergo inuentae poenitentiarum redemptiones, quibus canonicae poenitentiae relaxabantur, & quidem pro numero psalmodum & flagellorum & muneris quantitate. *Quum a poenitentibus terras accipimus*, inquit Petrus Damianus *lib. IV. ep. 12.*, *iuxta mensuram muneris eis de quantitate poenitentiae relaxamus*. Interim magna opum & fundorum copia per redemptiones ecclesiis accessit: nam quousquisque ex diuitibus erat, qui non mallet pecunias & praedia dare, quam durissimam tot annorum poenitentiam subire?

§. VIII. His aliisque titulis ecclesiae & monasteria in variis regionibus res immobiles, quae *ecclesiarum patrimonium* mediis saeculis dicebantur, adquisuerunt. Fue-
runt

runt autem longo temporis intervallo fundi isti tantum priuati iuris, seu *alodia*, vt in mediorum saeculorum monumentis appellantur; at inde bona publica, & vel ipsum summum in populos imperium ecclesiis accessit, quo nomine ecclesia Romana celebratur. Item creuit dignitas & maiestas Romanae sedis regnorum oblationibus, quae a tempore Gregorii VII. frequentes euaserunt. V. Murator. *diff. LXXI. antiq. Italicarum*. Erant regna oblata, quae ipsi reges ecclesiae Romanae veluti dono dabant, eaque tum ab illa possidere profitebantur; atque ita reges & regna in fidem & clientelam Romanae sedis recipiebantur. Huius generis regna ferme omnia Occidentis fuerunt, eoque nomine reges pendebant annuum censum, qui *denarius S. Petri* dicebatur, & aliquando etiam pontificibus iurabant fidelitatem. V. Thomass. *de vet. & noua eccles. discipl. par. III. lib. 1. cap. 32. n. 5.*

§. IX. Porro pleraeque Occidentis ecclesiae & potiora monasteria fundis publicis, seu feudis & regalibus aucta sunt. Et sane sub Regibus Carolinae stirpis in Gallia passim feuda, aliquando cum iurisdictione, ecclesiis quaesita: inde hi mores conualuerunt, & a tempore Ottonis I. imperatoris regalium copia & iurisdictione in liberos homines veluti ordinario iure ecclesiis & monasteriis accessit. V. Boëhmer. *iur. eccles. lib. III. tit. 20. §. 79. seqq.* Feuda autem ecclesiis & monasteriis dederunt non tantum reges, verum etiam ipsi beneficiarii, quibus olim a regibus concessum erat, vt accepta feuda ecclesiis & monasteriis relinquere possent. V. Murator. *diff. LXXII. antiq. Italic.* Dederunt autem principes feuda ecclesiis saepe in suorum peccatorum redemptionem, saepe etiam ob politicas rationes, vt nempe adiutorio episcoporum & abbatum, qui magni erant apud populos, regna sua constabilirent: quod de Carolo M. Wilhelmus Malmesburien-
sis *lib. V. de gest. reg. Anglor.* aperte testatur.

§. X. Regalia & feuda ecclesiis concessa sacerdotio non videntur aduersari, modo militia remittatur. At e re christiana satius fuisse, ecclesias feudis & regalibus non donari, inde enim disciplina ecclesiastica ferme omnis intercidit. In primis feudorum regimine episcopi & abbates implicati spiritalia negligenter curarunt; subinde et

iam

iam ecclesias suas relinquerunt, vt essent in imperatorum & regum comitatu, & vt regni comitiis interessent. Item ratione feudorum episcopi & abbates in milites versi militem alebant clientelarem, & imperatores & reges in bello comitabantur, & propriis manibus arma tractabant; erant enim ex feudis debita seruitia militaria & equestria. Et quamuis Carolus M. militiam ecclesiis remisit; tamen paullo post iterum illius onus episcopis iniectum. V. Thomass. *de veteri & noua eccles. discipl. par. III. lib. 1. cap. 41.* Porro in tanta opum & diuitiarum vi, quam ecclesiae & monasteria possidebant, creuit ambitus ad dignitates ecclesiasticas, & simonia clericos ferme omnes conspurcavit. Ex feudorum quoque & regaliū concessione natae sunt episcoporum & abbatum inuestiturae (c); inde electiones in principes translatae; &

Part II.

C c

tan-

(c) Nomine *inuestiturae* veniebat concessio bonorum ecclesiasticorum, quae a principibus sollempni baculi & anuli pastoralium traditione, semper ac noui episcopi & abbates constituendi erant, fieri solebat. Nimirum feudis & latifundiis permultae ecclesiae Regum beneficio auctae erant; & hinc de more feudorum semper noui episcopi inuestituras accipere debebant, quae in hac causa per baculi & anuli traditionem expediebantur. Hac vero caerimonia nihil spiritualis tradebatur, sed tantum feuda & reliqua regalia, quae a principibus ecclesiae habebant; quod aperte docet Iuo Carnotensis *ep. LX.* Sub Clodoueo exempla inueniuntur inuestiturarum, quod Petrus de Marca *de concord. sacer. & imperii lib. VIII. cap. 17.* docet; at deinceps sub Regibus Carolinae stirpis in usum abierunt adfiduum, easque & imperatores in imperio, & Reges Galliae, Italiae, Angliae, Scotiae, Hungariae, Poloniae vsurparunt.

Nihil mali in se spectatae continebant inuestiturae, at inde in abusionem versae canonicas electiones in principes transfulerunt, & quod nefas est, induxerunt simoniam; principes enim pretio episcopatus & abbatias concedere solebant. Creditum etiam, sacra anuli & baculi traditione a principibus dari spiritualia. Ergo summi pontifices magnis animis abolendas inuestituras susceperunt, signumque ad pugnam Gregorius VII.

extra-

tandem inter imperium & sacerdotium cruenta bella emerferunt, quae rempublicam & ecclesiam longo annorum cursu exagitarunt.

§. XI. Penes ecclesias & alias ecclesiasticas societates per plura saecula stetit libertas bona stabilia acquirendi; at inde multorum principum edictis statutum est, vt sine ciuilibus potestatis adsensu ecclesiae & alii ecclesiastici conuentus fundos non adquirant. Consensus, quo principes acquisitionem praediorum ecclesiis concedunt, *amortizatio* dicitur (d). Salus populi profecto fuit, quae principum leges suauis, ne ipsis inconsultis ecclesiae bona immobilia acquirerent; vbi enim magna fundorum copia vñibus publicis extincta erat, necessarium plane videbatur, concessam ecclesiis acquirendi libertatem cohibere. Peckius *de amortiz. cap. X.* In plerisque christianis prouinciis vario tempore instituta est amortizatio, vbi si principes acquirendi adsensum ecclesiis concedunt, exigunt certam pecuniae quantitatem, quae lege vel consuetudine determinata est.

§. XII.

extulit, pari vi continuarunt successores. Plures synodi celebratae, damnatae inuestiturae, dantes & accipientes excommunicati. V. Natal. Alexand. *diff. II. in saecul. XI.* Sed plerique Occidentis principes, in primis duo Henrici IV. & V. imperatores, abolitis inuestituris iura regia deminui existimantes, eas abiicere noluerunt. Itaque pugnatum quinquaginta ferme annos, ecclesia non minus quam respublica magnis motibus agitata; tandem vero in synodo Lateranensi sub Callisto II. AN. CI. CCCXXII. compositae res sunt; placuit enim, vt, restitutis canonicis electionibus & abolita simonia, principes non anuli & baculi traditione, sed sceptro darent inuestituras. Mirari subit, cur non ante hoc temperamentum fuerit adhibitum; nam in tot tantisque angustiis vnum de duobus facere oportebat, vel feuda & regalia regibus relinquere, (quod sane erat ecclesiae gloriosum) vel mutare inuestiturae sollemnitatem, ne principes spiritualia dare viderentur.

(d) Vox *amortizatio* deducta videtur a voce Gallica *amortir*, quod est extinguere: bona enim ecclesiastica, vtpote alienari vetita, & publicis oneribus exempta, ciuitati mortua videbantur.

§. XII. In Siciliae regno, quo & Sicilia & regnum Neapolitanum diu comprehensa sunt, ab antiquis vsque temporibus vetitum est, ecclesias praedia adquirere. Sante Fridericus II. in *constit. regni lib. II. tit. 39.* renouata suorum praedecessorum constitutione statuit, ne possessiones hereditariae vel patrimoniales inter viuos quocumque titulo, nisi ex causa aequalis permutationis, in ecclesias & loca religiosa transferrentur; in vltimis vero voluntatibus vt iisdem relicta stabilia intra annum proximioribus defuncti, aut aliis laicis venderentur (e). Obtinuit lex ista sub Friderico; at paullo post regno ad Andegavos reges, qui erant sedi apostolicae addicti, translato, contrariis moribus ferme desuevit. Quin in illa temporum caligine & iuris publici ignorantia sacrilega & ecclesiasticae libertati aduersa credita est. Hinc sub Andegauis & deinceps ecclesiae & loca religiosa apud nos immobilia adquisuerunt: iamque medietas praediorum & reddituum regni penes manus mortuas esse dicitur.

§. XIII. Sed tandem in regno Apuliae litteris Regis nostri v. idus Septembris anni MDCCCLXIX. iterum vetitum est, ecclesias & alia loca pia ecclesiastica deinceps noua rerum dominia quocumque titulo, siue inter viuos, siue in vltimis voluntatibus adquirere. Hinc nullae factae sunt institutiones, donationes & contractus omnes, quibus nouae possessiones locis piis ecclesiasticis adquiruntur, si conditiones adiectae adhuc non extiterint; aut ipsa loca pia non adhuc in pacifica possessione sint. Tantum licet locis piis ecclesiasticis iterum collocare, quae restituuntur capita in idem crediti genus, modo id non fiat super bonis stabilibus. Integrum vero relictum est adquirendi ius locis piis laicalibus operum publicorum

C c 2

aut

(e) Haec est germana constitutionis Fridericianae sententia, quod pluribus probatum dedit vir doctissimus & mihi amicissimus Andreas Seraus in *not. ad consultat. Stephani Paritii de renuntiationib. monialium pag. 139. seqq.*, in vulgatis enim constitutionum libris nonnihil deprauata exhibetur.

sunt piorum, quae a laicis administrantur, non item sodalitiis laicorum, quae *congregationes* dicuntur (f).

CA-

(f) Haec est sententia regiarum litterarum, ad quarum explicationem inde plura alia régia rescripta prodierunt. Et in primis 111. Kalendas Ianuarias eiusdem anni nouis litteris Rex edixit, posse dotes sanctimonialium & fructus, qui ex annuis redditibus locorum ecclesiasticorum supersunt, (quod fuerat in praecedentibus litteris omissum) in census annuos collocari, etiam super bonis stabilibus constituta hypotheca, modo si contractus ob debitoris moram rescindatur, stabilia locis ecclesiasticis non addicantur, sed vendantur laicis secundum Friderici constitutionem. Porro regio rescripto 1x. Kalendas Iulias anni c1010cclxx. dato clarius explicatum est, quod de possessione impugnata prioribus Regis litteris expressum erat: rescriptum nempe est, contradictionem possessioni anteriorem, & tempore adquisitae possessionis factam sufficere, vt possessio contradicta dicatur: subsequenter vero contradictionem talem esse oportere, vt dubiam vel vitiosam possessionem reddat, qua de re tantum iudici cognitio demandata est.

Nouis quoque litteris 111. Idus Iunii anni c1010cclxx. datis Rex statuit, capellanas, quae a testatoribus relinquuntur, non posse super bonis immobilibus constitui, sed eas tamquam onus hereditatis habendas esse, officioque iudicis contineri, vt onus illud exsequatur. Cuius etiam naturae nouis litteris 1v. idus Augusti eiusdem anni Rex esse declarauit capellanas, quae inter viuos constituuntur. Et quoniam iura fiscalia priuatis quaesita rebus immobilibus aequivalent, id porro Rex statuit, vt ea tantum loco facillioris exactionis possint assignari.

Item Rex rescripto suo 1v. idus Augusti an. c1010cclxx. declarauit, sub generali regula, qua locis piis ecclesiasticis novae acquisitiones interdictae sunt, etiam contineri hereditates, quae ex integro missarum oneribus subiectae sunt. Itaque voluit, vt eiusmodi hereditates onere illo liberae heredibus legitimis adquirantur, ita tamen vt heres quotannis in perpetuum aliquam missam, aut si plures sint heredes, singuli saltem vniam quotannis celebrari faciant, modo praefatae celebrationi nulla praedia addicantur, sed quidquid eius rei erit, veluti onus hereditarium habeatur.

Sed ad extendendam magis magisque vetitam acquisitionem praesertim spectant recentiores Regis litterae, quae xvi. Kalendas Septembris anni c1010cclxxi, emissae sunt, & plura capita

C A P V T XXXIII.

De decimis & primitiis.

§. I. **A** Pud Iudaeos ex legis praecepto decimas & primitias sacerdotibus & Levitis debitas fuisse nemo vnus ignorat. Nomine decimarum decima pars fructuum terrae & pecudum veniebat: primitiae vero erant

C c 3

primi

capita continent. Et primo quidem Rex tamquam legibus regni & aliis regiis litteris conuenientius declarauit, bona ecclesiastica in emphyteusim concessa tamquam bona alodialia eorum, quibus quaesita sunt, haberi, tantumque semel constituto canoni esse obnoxia, & ita posse emphyteutam de iis pro arbitrio disponere, eaque etiam extinctis lineis, quibus concessa erant, in heredes siue legitimos, siue testamentarios transire. Tantum emphyteusim finiri, si triennio canon persolutus non fuerit, aut si fundus ita deterior factus sit, vt eius qualitas notabiliter mutetur. Porro sic finita emphyteusi fundum iterum laicis, sed non aucto canone, concedi debere: fundi vero augmenta pristino emphyteutae cedere, cui a nouo emphyteuta praestanda sunt. Et vt vetita acquisitio latius serperet, etiam Rex declarauit, eodem iure cum emphyteusi locationes bonorum ecclesiasticorum ad longum tempus censi.

Praeterea altero capite Rex declarauit, vt nec pecunia numerata qua demum cumque ratione locis piis ecclesiasticis relinqui, aut donari possit.

Item tertio capite Rex duo declarauit. Vnum, quae locis piis restituuntur capita, super rebus soli collocari non posse, quod generalibus de vetita acquisitione litteris concessum erat. Alterum, quae supersunt ex annuis locorum piorum ecclesiasticorum redditibus in nullum crediti genus posse collocari, sed potius in vsus pios ex ecclesiae sententia tribuenda. Ita derogatum est anterioribus regiis litteris, quibus, dum agebatur de dotibus monialium, obiter dictum erat, etiam quae supersunt ex fructibus annuis locorum piorum collocari in census posse, etiam super rebus soli hypotheca constituta.

Quarto

primi rerum fructus. Decimae a lege indictae instar tributi videntur fuisse, quod Deus instituta theocratia Iudaeis indixit: qua in re Deus mores aliarum gentium expressit; sollemne enim fuit per Orientem regibus tributi nomine decimas pendi. V. Io. Cleric. in *Genes. XLI.* 34. Quoniam vero nulli vsui decimae erant Deo, hinc eas sacerdotibus & Leuitis, qui in diuisione terrae Chanaan partem non acceperant, in sustentationem pendi iussit. Itaque lex de soluendis decimis populo Iudaico imposita mere ciuilis fuit & iudicialis, etsi summam redoleret aequitatem, quando altaris ministri nullis aliis redditibus erant donati, & pro salute totius populi sacris erant addicti.

§. II. Iure euangelico decimae ad alendos clericos nullae indictae sunt, nec lex ciuilis Iudaeorum christianos poterat adstringere. Hinc primis saeculis christiani spontaneis oblationibus alebant altaris ministros. Interim veteres patres praeceptum Iudaicum de soluendis decimis tamquam morale videntur habuisse, & inde docere coeperunt, christianos iure diuino ad decimas ecclesiae soluendas teneri. Bingham. *orig. eccles. lib. V. cap. 5. §. 1.* Hinc excitati moratior christiani decimas praestiterunt; generatim vero decimae saeculis octauo & sequentibus imperatae & legibus principum & ecclesiae canonibus. Et necessario quidem hac aetate decimae videntur indictae, nam fere omnes ecclesiarum redditus a militibus & laicis possidebantur: atque ideo ex decimis alimenta clericis videbantur exhibenda, praesertim quando diuino iure niti credebantur. Sed in ecclesia Orientali decimae non receptae, aut si aliquatenus receptae, inde abolitae sunt,

Quarto capite declaratum est, bona immobilia, super quibus congregationes laicales hypothecam habent, ipsis congregationibus non posse adiudicari, idque ea ratione, quod sodalitia ista edicto de non acquirendo tenentur.

Et demum quinto capite Rex declarauit, permutationes bonorum stabilium inter ecclesias seu alia loca pia ecclesiastica & laicos fieri non posse sine venia Regis, quae causa cognita conceditur, aut denegatur.

sunt, *cap. 11. ex. de transactionib. in parte decisa. V. Eipen. par. II. sect. 4. tit. 2. cap. 1. edit. Neapol.*

§. III. Decimae ex regulis decretalium triplicis generis sunt, praediales nempe, personales & mistae. Praediales debentur ex fructibus & prouentibus praediorum siue rusticorum, siue urbanorum: personales ex rebus, quas industria & arte sua homines adquirunt, veluti ex lucro negotiationis, militiae, venationis: mistae demum ex fructibus, qui ex praediis & industria participant, quales habentur fetus pecorum, lac, lana, similes.

§. IV. Iam vero decimae debentur ecclesiae parochiali, quod ius in decretalibus proponitur, *cap. 29. & seq. ex. de decimis*; ubi enim singulis ecclesiis propria bona addicta sunt, decimae ut plurimum ecclesiis parochialibus cesserunt. Sed ius paroeciae ad decimas eiusdem finibus coercetur: atque ita decimae personales debentur ecclesiae, in qua fideles tenentur suscipere sacramenta; praediales vero ecclesiae, in cuius finibus praedia sunt, etsi domini in alia paroecia morentur, *cap. 2. de restit. spoliatorum in 6.*; & mistae cedunt ecclesiae, in cuius finibus animalia continuo pascuntur.

§. V. Quamuis decimae ecclesiis parochialibus debeantur; tamen ab aliis ecclesiis, aut a clericis, aut etiam a laicis adquiri & possideri possunt. Et recte distinguit S. Thomas 2. 2. q. 86. art. 3. inter ius ipsum decimas exigendi, & species ipsas decimarum nomine pendendi solitas, quorum illud ecclesiis eiusque ministris competit, nec in laicos transferri potest, hae vero etiam a laicis possunt adquiri. Et reapse mediis saeculis plures laici bona ecclesiastica & ipsas decimas adquisuerunt: quae acquisitiones initio in summa reipublicae & ecclesiae necessitate ex regum & episcoporum auctoritate factae sunt (a). Translata in laicos bona & decimae diceban-

C c 4

tur

(a) Principio res ecclesiae laicis & militibus loco stipendiorum cesserunt regum dono & episcoporum consensu siue conniventia: qui mos tempore Caroli Martelli in summa reipublicae & ecclesiae necessitate incoepit, (tum in Galliam bella Saracenorum ingruiebant) inde etiam sine necessitate a regibus

con-

tur *ecclesiae & altaria*. Et quoniam ecclesiae a regibus & episcopis concedebantur propter militiam aut alia seruitia; hinc a laicis eo iure possidebantur, quo cetera beneficia seu feuda, adeo vt in commercio essent, & in heredes transirent. V. Petr. de Marca *not. in can. VII. conc. Claromont.*

§. VI. Possessae a laicis iure feudi ecclesiae temporis lapsu, vbi nulla vrgebat necessitas, aut possessores nulla seruitia praestabant, iniuria a pauperum patrimonio distractae visae sunt. Hinc episcopi saeculo decimo & deinceps bona ecclesiarum a laicis possessa variis exhortationibus & delinimentis, & aliquando intentatis minis repetere studuerunt; nec enim initio extrema remedia, quibus laici exasperabantur, conuenire visa sunt. Cui methodo adhaesit etiam ipsa synodus Lateranensis sub Alexandro III., quae edixit, laicos cum animarum periculo decimas detinere, translatas vero in alios laicos ecclesiae restitui debere, & detinentes iam translatas decimas christiana sepultura priuari, *cap. 19. ex. de decimis*. Sed tandem, quod operosum esset sacram praedam a laicorum manibus excutere, damnatae sunt nouae decimarum acquisitiones, antiquae vero in feudum antiquis possessoribus relictae, idque synodo Lateranensi sub Alexandro III. adscribunt. Hinc recepta sententia, eas tantum decimas infeudatas a laicis recte possideri, quae ante illam synodum concessae sunt. Sic vero possessae decimae tamquam bona patrimonialia & priuata reputantur, & pro libito possunt alienari.

§. VII. Praeterea decimae & alia bona ecclesiastica saeculis nono & sequentibus in monasteria & canonicorum

continuatus est, quod Io. Filescus *de sacrilegio laico* pluribus tradit. Item episcopi bonorum ecclesiasticorum concessionibus armatorum copias sibi parauit, quibus ad bellum de more proficiscerentur, & ad tuenda bona ecclesiastica contra inuasores vterentur. Porro non desuerunt episcopi, qui consanguineos suos decimarum & oblationum concessionibus locupletarunt, *can. 3. C. 16. q. 7.* Et in summa confusione, qua respublica & ecclesia obrutae erant, laici multi parum religiosi in decimas & alia bona ecclesiarum manus iniecerunt, eaque longa possessione vsurparunt. Conf. Murator. *diff. LXXII. antiq. Italiae.*

rum collegia deuoluta sunt. Saepe ipsi episcopi & summi pontifices ecclesias monachis & canonicis concesserunt ad instaurandam monasticam disciplinam, & promouendam clericorum communem & regularem vitam. Sed maior pars ecclesiarum & decimarum ad monachos & canonicos deuoluta est dono laicorum, qui sacrilegas reputantes ecclesiarum & decimarum infeudationes, eas monachis & canonicis dare voluerunt; odio tum ob malos mores erant clerici saeculares. Nec in hoc rerum statu sibi monachi defuerunt, qui vel exhortationibus, vel pecunia numerata sibi ecclesias compararunt. Interim translationes istae episcopi aut pontificis consensu fieri debebant, quod in synodis Romana & Melphitana anno CIO LXXVIII. celebratis cautum est; & praeterea translatarum ecclesiarum nomine a monachis aut canonicis annuus census episcopis pendi debebat, quo de iure episcopi in translata bona constaret, *can. 4. C. l. 9. 3.* Sic a monachis & canonicis adquisitae ecclesiae & decimae potius titulo administrationis, quam proprietatis tenebantur; bona enim ecclesiastica in eorum manibus naturam non mutarunt: atque ideo modica parte sibi delibata, reliquum in pauperes & vsus ecclesiasticos effundant oportet. V. *Elpen. par. II. sect. 4. tit. 2. cap. 5.*

§. VIII. Iam ubi decimae laicis, monachis, aut canonicis concessae sunt, decimae nouales & minutae speciali titulo ecclesiae parochiali cedunt. Decimae nouales ab agro nouali dictae sunt, agri vero nouales in hac specie interpretibus plenius accipiuntur (b), atque ideo sunt agri de nouo ad culturam redacti, & porro agri culti, qui ex loci consuetudine fructus decimales non ferebant, noua
vero

(b) Ager noualis iurisconsultis est terra praecisa, quae anno cessauit, *L. 30. §. 2. D. de verbor. significatione*, & silua arboribus exstirpatis ad culturam redacta, *L. 3. §. 2. D. de termino moto*. Verum Innocentio III. ager noualis est ager de nouo ad culturam redactus, de quo non exstat memoria, quod aliquando cultus fuerit, *cap. 21. ex. de verborum signific.* Sic descripsit agrum noualem pontifex in specie immunitatis decimarum a noualibus olim monachis concessa, ne latiori sensu acceptis noualibus, ecclesiae paroeciales grauarentur.

vero cultura ferunt. Nouales ita accepti si in paroecia fiant, eorum decimae speciali titulo pertinent ad ecclesiam parochialem, etsi ab antiquo laici, monachi, aut canonici decumani sint, *cap. 29. ex. de decimis*. Id iure cautum est; ut quam minimum iura paroeciarum laedantur: atque ita antiqua concessio ad decimas, quae tempore acquisitionis percipiebantur, restricta est. Iure quoque speciali decimae *minutae*, quae ex fructibus minoribus, veluti leguminibus, oleribus proueniunt, ad ecclesiam parochialem pertinent, etiam ubi maiores decimae ab aliis percipiuntur, ne multum damnum sentiant paroeciae, quibus cura animarum commissa est.

§. IX. Iure communi ecclesiastico decimarum praestatio christianis omnibus imposita est; debentur enim propter curam animarum, quam eis ecclesia exhibet. V. Gonzalez in *cap. 4. ex. de decimis*. Quin ad praediales decimas quotquot in paroeciae finibus praedia possident, etiam Iudaei, obligantur, *cap. 16. ex. de decimis*; decimae enim istae ex fundis debentur, & ex placitis decretalium in signum vniuersalis domini Deo reseruatae sunt, *cap. 26. ex. eod.* Ceterum multi obligatione decimarum soluti sunt, vel praescriptione quadraginta annorum, *cap. 4. 6. & 8. ex. de praescriptionibus*, vel pactis conuentis, *cap. 2. & 8. ex. de transactionibus*, vel voluntaria remissione, *cap. 23. ex. de priuilegiis*, & in primis summi pontificis priuilegio (c).

§. X. Quicumque ad decimas obstricti sunt, eas sponte sua, praesertim ecclesiis parochialibus, exhibere debent; inde enim altaris ministri & pauperes aluntur. Et quidem decimae praediales non deductis expensis praestandae, industriales vero patiuntur expensarum deductionem, *cap. 26. & 28. ex. de decimis*. Quod si ad decimas exhibendas christiani morosi sint; etiam per excommunicationem

(c) Monachi ex iuris canonici principiis de terris & laboribus suis ad pendendas decimas tenentur; ex statutis enim monasticis non pascunt oves, sed pascuntur; atque ideo munera ad altare inferre tenebantur, *can. 6. C. 16. q. 1.* Sed iam non minus monachi, quam reliqui regulares primum ex parte, deinde in totum a pendendis decimis pontificum priuilegiis exempti sunt.

CAP. XXXIII. DE DECIMIS ET PRIM. 411

tionem cogi possunt, quod in decretalibus *cap. 5. ex eodem* & in concilio Tridentino *ses. XXV. de ref. cap. 12.* statuitur. Sed decretum hoc Tridentinum nec alibi, nec apud nos receptum est: quid enim opus est ecclesiasticis censuris, ubi praesto esse possunt ordinarii iudices, qui reluctantes ad decimas cogant?

§. XI. Interim in tota hac decimarum materia recepti ecclesiarum mores seruandi sunt, nec ferme vlllo in loco ex decretalium regula decimae penduntur: quod ius ab ipsis decretalibus alienum non est, *cap. 20. & 32. ex de decimis*. Nimirum postquam parochiae rebus soli aliisque redditibus auctae sunt, sensim obligatio ad decimas decreuit, decimae praediales vrbanoꝝ praediorum & personales in multis ecclesiis exoleuerunt, & obligatio ad decimas ad solos terrae fructus restricta est. Quin nec ex omnibus terrae fructibus, nec eatum nomine decima pars soluitur, sed minor pars, prout locorum mores habent: quae pars etsi decima minor, adhuc decima audit. Et apud nos multis Regis nostri rescriptis ad Cameram Regalem, ubi parochi ex aliis redditibus congruam sustentationem habent, decimae abrogatae sunt; ubi vero congruam non habent, illius defectus ex decimis suppleri praecipitur.

§. XII. Praeter decimas etiam *primitiae* inter redditus ecclesiasticos relatae sunt. Nomine primitiarum veniunt primi rerum fructus, qui ecclesiae offerendi sunt (d). Inter christianos primitiae longe ante decimas receptae sunt, *Orig. contra Celsum lib. VIII.*, magis vero inualuerunt postquam ecclesiae patres eas etiam iure diuino deberi docere coeperunt. Spectabant autem primitiae primario ad gratias creatori reddendas, at inde etiam clerici vivebant, *can. IV. apostol.* Receptus in ecclesia primitiarum vsus diu stetit, earumque fata eadem, quae decimarum, fuerunt. Et in praesenti disciplina tum exiguntur, si id loci habeant consuetudines. CA-

(d) Antiquissimi instituti est etiam apud gentes, fructuum primitias Deo offerre & consecrare. Apud Iudaeos vero etiam ex diuino praecepto primitiae debebantur, earumque mensura moribus potius, quam ipsa lege praescripta erat, Hieronym. in *Ezechiel. cap. XLVI.*

CAPVT XXXIV.

De recto rerum ecclesiasticarum usu.

§. I. **R**erum ecclesiasticarum ciuile dominium alii tribuunt Deo, alii pontifici, alii clero, alii pauperibus, quas sententias Franc. Sarmiento *de reuicib. eccles. par. I. cap. 1.* expendit & explodit. Vera doctrina est, dominium bonorum ecclesiasticorum esse penes ecclesias particulares, quibus bona addicta sunt. Sane leges ciuiles, quarum auctoritate in ciuitate dominia continentur, *can. 1. D. 8.*, collegio catholicae ecclesiae donari & relinqui permiserunt. Quod si res ecclesiarum saepe dicantur *possessio & patrimonium Dei*, vel *Christi*, item *res & patrimonium pauperum*; verba ista ita intelligi debent, quod ecclesiae, cuius Christus caput est, oblatae sunt, & quod in pauperum usum impendi debent.

§. II. Quoniam vero finis ecclesiae est religionis exercitium, certe bona ecclesiarum in usum religionis impendenda sunt: atque hinc alendi, qui altari seruiunt; item miseri & pauperes; ecclesiae aedificandae & conseruandae, & vasa & sacra indumenta comparanda. Et primum quidem de rebus ecclesiasticis clerici viuere debent; mancipati enim altaris ministerio ex vniuersitatis bonis viuere debent; quod ius apostolus 1. *ad Cor. IX. v. 7.* & *seq.* magnis argumentis adseruit: *Quis militat suis stipendiis vmquam? quis plantat vineam, & de fructu eius non edit? quis pascit gregem, & de lacte gregis non manducat?* Et ante apostolum ipse dominus edixit, vt apostoli, quos relictis rebus suis ad praedicationem euangelii miserat, de euangelio viuerent, *dignus est operarius cibo suo*, vt apud Matth. *cap. X. v. 10.* dicitur, seu, *mercede sua*, vt Lucas *cap. X. v. 7.* expressit.

§. III. Debentur autem clericis alimenta ex ecclesiae bonis propter seruitium ecclesiasticum. Hinc illud decretalium, *beneficium datur propter officium*, *cap. ult. de re-scriptis*

Scriptis in 6. Seruitium vero, cuius ratione clerici ius habent ad victualia, est iuge ministerium ecclesiasticum secundum gradum, quem singuli in ecclesia obtinent: quod Christus & apostolus expresserunt, ille exemplo operarii, hic militis, agricolae, pastoris: operarii enim, milites, agricolae, pastores integram sustentationem non accipiunt, nisi continuas operas impendant. Et certe a mente ecclesiae & canonum longe absunt, qui satis esse aiunt, ut clerici vivant de altari, si horas canonicas quotidie etiam priuatim recitent. Papae! quae foret ista clericorum felicitas! parui temporis spatio horis canonicis impenso operariorum nomen mererent? Pusilla pars totius clericalis officii est horarum canonicarum recitatio, & cum illo comparata ferme euanesceat.

§. IV. Verum enimvero quamuis operariis & clericis ratione laboris merces debeat, longe tamen inter utroque distat; nam merces operariis debita est pretium laborum, eisque debet respondere, debita vero clericis est medium vitae sustentandae, ne a sacris functionibus auocentur. Gratis exhibere debent ecclesiae ministri, quod gratis acceperunt: & qui in sacris ministeriis impenduntur, labores extra commercium sunt, nec pretio possunt aestimari. Si merces pretium laborum esset, res sacrae in vile abirent mercimonium. Est haec doctrina ad evangelii normam exacta, & a patribus semper inculcata. Instar omnium sit Augustinus *lib. de pastorib. cap. II.*, *non redditur sustentatio necessitatis a populo quasi merces illis, qui sibi in caritate seruiunt, sed tamquam stipendium, quo, ut possint laborare, pascantur.*

§. V. Summa autem moderatione clerici ad vitam sustentandam bonis ecclesiasticis uti debent: nam contenti frugali mensa, modestis vestibus & commoda habitatione, nihil ulterius percipere possunt. Nefas profecto est in res superfluas & vanas impendi Christi & pauperum patrimonium, & inde clericos genio indulgere. *Ut episcopus*, inquit patres Africani in *conc. Carthag. IV. can. 15.*, *vilem suppellectilem & mensam & victum pauperem habeat, & dignitatis suae auctoritatem fide & vitae meritis quaerat.* Quae regula in multis aliis synodis confirmata, nouissime a Tridentinis patribus *ses. XXV. de ref.*

ref. cap. 1. proposita est, qui addunt, etiam reliquos beneficiarios pro gradus sui conditione redditibus ecclesiasticis moderate uti debere.

§. VI. Quamuis autem iure meritoque clerici altari seruietes, de altari viuunt; tamen si iis satis ad vitam de rebus suis sit, cessat ius ad vitam de altari sustinendam: & in hac specie possunt quidem retinere beneficia, sed inde redactos fructus in pauperes & alios pios vsus tenentur erogare. Sane redditus ecclesiastici debentur clericis, non ut pretium laborum, sed potius tamquam medium vitae sustentandae; atque ideo si aliunde habeant ad vitam necessaria, qui possunt de altari viuere? Voluit quoque Christus, gratis exhiberi omnia religionis officia, *gratis accepistis, gratis date*: in quod praeceptum sicut non impingunt clerici pauperes, qui viuunt de bonis ecclesiasticis, ut possint laborare; ita illud violare videntur clerici diuites, qui redditus ecclesiasticos veluti pretium laborum sibi vindicant. Item antiqui canones tum demum permittunt episcopo aliquid accipere de bonis ecclesiasticis, *si indigeat*. *Can. apost. XXI.* conc. Antiochen. *can. XXV.* Concinnunt patres, in primis Augustinus *epist. CLXXXV. ad Bonif.* ubi haec habet: *si pauperum compauperes suntus, & nostra sunt (bona ecclesiastica) & illorum: si autem priuatim, quae nobis sufficiunt, possidemus, non sunt illa nostra, sed pauperum, quorum procurationem quodammodo gerimus, non proprietatem nobis usurpatione daminabili vindicamus (a).*

§. VII.

(a) Sed quod canones & patres tamquam certum proponunt, plures ex scholasticis negant, quorum doctrina est, clericos beneficiarios priuatis opibus instructos recte suis redditibus parcere, eosque augere, interim vero de bonis ecclesiasticis pro iure suo viuere. Indulget genio sententia ista, quid ergo mirum si per omnium ora volitarit? Praecipuum argumentum, quo nititur, sunt ea diuina oracula, quibus edicitur, dignos esse operarios mercede sua, & neminem suis stipendiis militare. Sed nisi mens laeua fuisset, facile potuissent obseruare, non eadem ratione aestimandam mercedem operariis & sacris ministris debitam. Illa verum laborum pretium est, haec vitae sustentandae

§. VII. Pauperes quoque & miseri redditibus ecclesiae alendi & recreandi, immo potior eorum pars in hanc rem impendi debet. Siquidem quae maior religio Deo potest exhiberi, quam ipsum Christum in pauperibus induero & fouere? Item offerentium ea mens fuit, ut peccata sua eleemosynis redimerent, atque ideo oblationibus suis pauperes alerent & sustinerent. Hinc saepe patres adserunt, pauperum esse ecclesiae patrimonium; & ecclesia suis canonibus omni tempore edixit, patrimonium sacrum in pauperes erogandum, *can. apost. XLI. conc. Antioch. can. XXV. V. Thomass. de veteri & noua eccles. discipl. par. III. lib. 3. cap. 26. & seqq.* Quin adeo infederat ecclesiae, res ecclesiasticas pauperum esse, ut saepe in canonibus qui eas inuadunt, aut non recte procurant, *pauperum necatores* appellentur: quod thema Io. Launius *de cura eccles. pro miseris cap. IV.* pluribus exornat. At dictu indignum! in tanta reddituum ecclesiasticorum copia pauperes ferme sunt, qui minus participant.

§. VIII. Porro reddituum ecclesiasticorum pars impendenda ad ecclesias exstruendas & reparandas, & ad vasa & sacra indumenta comparanda: quae omnia ad externum religionis cultum, quo christiani colliguntur, pietas augetur, & diuina beneficia christianis impertiantur, necessaria sunt. Verum templa, vasa & sacrae vestes potius religione & pietate christianorum, quam magnificentia & splendore suo commendantur, Deoque placent. *Aurum sacramenta non quaerunt*, inquit Ambrosius *lib. II. de off. cap. 28.*, *nec auro placent, quae auro non emuntur.*

dae medium. Hinc in comparationibus illis operarii & militis cum sacris ministris tantum spectatur sustentatio laboranti debita, nec innuitur eodem iure vtramque cenferi: quod recte Estius in 1. *ad Timorb. V. 18.* obseruat. Tum recte clerici diuites suis diuitiis parcerent, & de altari iure viuerent, si merces fidei pastoribus proposita laboris pretium esset. Nec a contextu auulsam Christi sententiam oportet interpretari: non ante sententiam de alimentis Christus pronuntiauit, quam apostolos adduxisset, ut omnibus relictis potius exempla, quam praecones essent euangelicae paupertatis. *Matth. cap. X. 9. seqq.*

tur. Ceterum vetus morbus est, quo ferme neglectis pauperibus in magnifica & aurea templa & pretiosa indumenta redditus ecclesiarum effunduntur: quos mores S. Bernardus *apol. cap. XI* merito exagitauit.

§. IX. Haec est natura reddituum ecclesiasticorum, vt necessario in religiosos & pios vsus impendi debeant: quae natura semper eadem manet, quaecumque sit exterior procurandi forma, siue episcopi ipsi redditus omnes administrent, siue beneficiariis portio propria cesserit. Et certe etiam post instituta beneficia, quibus certi redditus singulis ministeriis perpetuo adnexi sunt, rerum ecclesiasticarum dominium penes ecclesiam remansit; genius clericatus idem est; seruitus Deo gratis & ex puro castoque corde impendi debet; & stipendia clericis debita non pretium laborum sunt, sed medium vitae sustentandae. Hinc etiam post instituta beneficia canones, decretales pontificum & saniores ecclesiastici scriptores edicunt, docentque, res ecclesiarum esse patrimonium Christi & pauperum, & clericos necessariis alimentis contentos esse debere. V. *Espen. par. II. sect. 4. tit. 1. cap. 4. edit. Neapol.* Institutis beneficiis tantum mutata est exterior procurandi forma, & loco vnus episcopi tot emerferunt procuratores, quot beneficiarii.

C A P V T XXXV.

De rerum ecclesiasticarum procuratione.

§. I. **R**editus omnes ecclesiarum totius dioecesis ex antiquis regulis in commune ecclesiae principis seu cathedralis aerarium confluiebant, ex quo singulis etiam inferiorum ecclesiarum ministris alimenta praebebantur: quae disciplina per quinque & amplius secula stetit. Bingham. *orig. eccles. lib. V. cap. 6. §. 1.* Sic in vnarn massam conlati redditus ecclesiastici ab episcopo administrabantur. *Can. apost. XXXI. conc. Antioch. can. XXIV. seq.* Praeerat episcopus vniuersae ecclesiae, eique commissae

missae erant fidelium animae, res nempe pretiosiores, cui proinde iustum erat, ut cura & inspectio temporalium daretur. Procurabat autem episcopus res temporales *cum presbyterorum conscientia diaconorumque*, conc. Antioch. *can. XXV.*, ne procuratio ista esset sine testibus, & ut episcopus curarum parte leuaretur.

§. II. Quod vero episcopi & diaconi multis aliis curis erant implicati, ubi redditus ecclesiarum creuerunt, proprius minister, *oeconomus* dictus, institutus est, cui sub episcopo temporalium cura demandaretur. Conc. Chalced. *can. XXVI.* Eligebatur oeconomus ex propriae ecclesiae clericis vel per episcopum, vel per vniuersum clerum; electus vero episcopi nutu redditus ecclesiae administrabat. Quod si episcopus, aut metropolitanus oeconomum non crearet, a metropolitano aut patriarcha creandus erat. Conc. Nicaen. II. *can. II.* Sed post instituta beneficia diaconorum & oeconomi auctoritas in procurandis bonis ecclesiasticis viuente episcopo ferme desit.

§. III. Collecti autem redditus ecclesiastici ab episcopo diaconorum aut oeconomi ministerio in clericos, pauperes & alios vsus religiosos tribuebantur, idque *tamquam Deo intuente*, *can. apost. XXXVII.* Hinc ex communi arca singulis mensibus pecuniae clericis dabantur, esculenta vero singulis hebdomadis aut diebus pro cuiusque gradu & necessitate. Sed deinceps quod episcopi & ministri non bene fortasse tribuebant, saeculo quinto in ecclesia Romana inualuit, ut ex redditibus ecclesiasticis quatuor aequales partes fierent, quarum vna episcopo, altera toti clero, tertia pauperibus, quarta sacris vasis & instrumentis & fabricae ecclesiae cederet, *can. 27. C. 12. q. 2.* Ab ecclesia Romana in alias Occidentis ecclesias mos tribuendi in quatuor portiones transit; at ecclesia Hispaniensis tres partes faciebat, quarum vnam episcopus, alteram clerus, tertiam ecclesia ferebat, conc. Bracar. I. *can. 25.*, in qua procuracione si in tributum pauperes non veniant, pro certo tenendum est, episcopi partem etiam pauperibus suffecisse. Sed lapsu temporis, ubi instituta sunt beneficia, haec quadripartita distributio antiquata & sublata est.

§. IV. Quoniam vero episcopi morte, aut alias vacante sede regimen ecclesiae vacantis ad presbyterium de-

voluebatur; hinc etiam eius auctoritate siue diaconorum, siue oeconomi ministerio redditus temporales administrabantur. Conc. Chalced. *can. XXV.* Visitatores etiam episcopi, qui ad regendas ecclesias vacantes interim mittebantur, sollicitudinem habere debebant, vt res illarum integrae seruarentur, & distributiones more solito fierent, Greg. M. *epist. 7. 19. 38.*; etenim etiam sede vacante clericis alimenta erant tribuenda, & onera episcopatus sustinenda (a). In praesenti disciplina vbi capituli est fructus colligere, vnus pluresue oeconomi sede vacante constituuntur, qui interim rerum ecclesiae curam gerant, & futuro episcopo administrationis suae reddant rationem. Trident. *sess. XXV. de ref. cap. 16.*

§. V. Vetus abusus est, qua defunctis episcopis eorum spolia & ecclesiarum bona siue a clericis, siue a laicis diripiantur. Hinc inualuit regia ecclesiarum vacantium custodia, qua reges id curabant, vt canones seruarentur, vt institueretur oeconomus, vt prohiberentur praedae, & clerici consuetas sportulas acciperent, & reliqui prouentus incolumes successoribus seruarentur. Hincm. Remens. *ep. IX. cap. 41. V. Thomass. de vet. & noua eccles. discipl. par. III. lib. 2. cap. 54.* Regia custodia in Gallia sub regibus secundae stirpis recepta erat: & apud nos etiam sub Nortmannis & Suenis obtinuit. Et quidem initio *balliuis* (b) dederunt reges nostri, vt custodiam & curam spoliiorum episcopalium bonorumque ecclesiarum vacantium haberent: & quoniam sibi commissae custodia balliui abutebantur, statuit rex Rogerius *const. peruenit tit. de administr. rer. eccles. post mortem praelati*, vt eam curam tres meliores fidelioresque clerici susciperent, qui necessaria ecclesiarum ministris tribuerent; reliqua vero in opus ecclesiae futuro episcopo, cui redderent rationes, reseruarent.

(a) Statuit synodus Chalcedonenfis *cit. can. XXV.*, vt *reditus ecclesiae viduatae penes oeconomum integri reseruentur*: Sed id ita intelligendum est, reseruari futuro episcopo redditus omnes praeter eos, quos ad impendia necessaria & onera episcopatus tribuere oportebat, vt recte Zonaras obseruat.

(b) Balliui erant iudices in ciuitatibus & locis inferioribus.

rent. Sed desiit regia ecclesiarum custodia apud nos sub regibus Andegauensibus, tantumque hoc tempore ecclesiae cathedrales regiae nominationis vacantes sub regia custodia sunt (c).

§. VI. Iam vero labentibus annis in multis ecclesiis, & praesertim in Italia, redditus ecclesiarum & beneficiorum vacantium, (vt nunc nihil dicam de spoliis defunctorum beneficiariorum) qui ex canonum statutis ad ecclesiam aut beneficium successorem pertinebant, ad fi-

D d 2

scum

(c) Occasione custodiae saepe reges fructus ecclesiarum vacantium suos fecerunt; at inde id ius in plerisque prouinciis euasit ordinarium, instituta *regalia*, vt appellatur, qua fit, vt reges episcopatum vacantium fructus percipiant, & beneficia sine cura animarum ab episcopo conferri solita conferant, donec nouus episcopus inuestituram honorum ecclesiasticorum a rege accipiat. Regaliae origo a feudis in ecclesias collatis repetenda est, quod Petrus de Marca *de concord. sacerdot. & imperii lib. VIII. cap. 19.* alique recte obseruant: quum enim in multis prouinciis feuda morte beneficiarii cum suis redditibus ad dominum redirent, & ab eo detinerentur, donec nouus vassallus soluto reliquo inuestituram a domino acciperet; eodem iure habita sunt feuda in ecclesias collata. Ita coeperunt reges iure optimo frui redditibus feudorum, quae ad ecclesias vacantes pertinebant, & occasione feudorum ceteros redditus, & ipsam beneficiorum sine cura animarum collationem occuparunt: collatio enim beneficiorum plerisque decretalium interpretibus veluti pars fructuum ecclesiae habebatur. Regalia saeculo decimo secundo in Gallia, Germania & Anglia obtinebat, eaque etiam vrebantur inferiores dynastae, qui feuda ecclesiis contrulissent: at Fridericus II. in imperio illam aboleuit. In regno Siciliae regia custodia ecclesiarum vacantium, non regalia obtinuit. Vti sunt regalia principes ecclesiae non inuita, saltem in locis vbi *ex fundatione aut consuetudine vigeat*, cap. ex diligenti *de iure patronatus in 1. collect. ap. Ant. August.*, cap. 13. *de elect. in 6.* Pertinebat primitus regalia ad ecclesias, quae feuda possidebant, at edicto Ludouici XIV. in Gallia ad omnes ecclesias cathedrales etiam feudis non auctas cum aliqua moderatione extensa est: cui inuolutioni Innocentius XI. summus pontifex intercessit, sed Gallicani antistites pro bono pacis consenserunt. Ceterum perceptos fructus reges Galliae plerumque nouis episcopis concedunt.

scum pontificium deuoluti sunt : qui nouus adquirendi modus sub Ioanne xxi. incepit, conualuit vero & latius se se diffudit in schismate Auenionensi. Hinc *collectores & subcollectores apostolici* id etiam habuerunt in mandatis, vt redditus ecclesiarum & beneficiorum vacantium nomine pontificis occuparent, eique colligerent. Cedunt autem fisco pontificio fructus pendentes tempore vacationis, & qui ea durante proueniunt pro rata temporis, quocumque modo, praeterquam cessione, beneficia vacauerint, *bull. Iulii III. cum sit nobis & bul. dudum ex certis.* Et licet in Italiae regionibus, vbi erant apostolici collectores, beneficia tantum collationi pontificis addicta ex bulla Pii iv. fructus tempore vacationis fisco pontificio ferrent, *cap. 2. de reservationib. in 7. decretal. Petri Matthaei*; tamen in regno Apuliae ecclesiae & beneficia prorsus omnia, quocumque mense vacauerint, huic oneri subiecta sunt bulla Pii iv. apud Redoanum *de spoliis*; tantumque regia intercessione exceptae sunt ecclesiae cathedrales regiae nominationis & beneficia iuris patronatus regii & feudalis, quorum omnium fructus tempore vacationis successoribus cedunt : quo iure nunc utimur.

C A P V T XXXVI.

De rebus ecclesiasticis non alienandis.

§. I. **E**Xpensae in vsus religiosos ante explicatos in casibus quotidianis non ex ipsis ecclesiarum fundis, sed potius ex fructibus faciendae sunt : etenim & legibus civilibus & sacris canonibus interdicta est rerum ecclesiasticarum alienatio, *L. 14. & 17. C. de sacros. eccles., nouel. VII. cap. 1., conc. Carthag. v. can. 4., conc. Agath. can. VII.* Interest enim ecclesiae perpetuo possidere fundos, vnde clerici & pauperes viuunt, & religiosus cultus sustinetur. Spectat vero alienandi interdictum etiam ad monasteria & loca religiosa, quae nomine ecclesiae etiam intelliguntur, *cit. nouell. VII. cap. 1.*

§. II.

CAP. XXXVI. DE REBUS ETC. 421

§. II. Nomen autem *alienationis* in hac caussa late accipitur, continetque non solum dominii translationem quouis titulo factam, sed etiam quemuis actum, quo redditus deminuuntur, aut ecclesia impeditur, quo minus re sua libere fruatur. Hinc res ecclesiasticae nec vendi, nec donari, nec permutari, nec in emphyteusim, nec in usufructum concedi possunt. Conc. Carthag. iv. *can.* 32., *novel.* VII. *cap.* 1. (a). Vetitum quoque est, res ecclesiasticas pignori aut hypothecae supponi, *L.* 22. *C. de sacros. ecclesiis*, & in feudum concedi. Porro nec licet de rebus ecclesiasticis transigere, *cap.* 2. *Or* 8. *ex. de transactionibus*: nec seruos earum manumittere, *cap.* 3. *ex. de rebus ecclesiae alienandis*, nec praedia ad longum tempus, hoc est ad decem annos, locare. Et ex decretali Pauli II. nec ultra triennium res ecclesiarum locare licet, *extrauag. ambitiosae de rebus ecclesiae non alienandis inter communes*: quod ius multis in locis non seruatur.

§. III. Res autem ecclesiasticae, quarum vetita est alienatio, sunt illae, unde annui redditus proueniunt, & quae vñibus ecclesiae perpetuo addictae sunt. Itaque ventantur alienari praedia omnia siue rustica, siue urbana, & iura, item mobilia pretiosa Deo dicata, *L.* 22. *C. de sacros. ecclesiis*, *novel.* VII. *cap.* 1., *cap.* 5. *ex. de rebus ecclesiae alienandis*. Nec alienari possunt rustica mancipia, *cit.* *cap.* 5., quibus de more Romanorum olim pleraeque ecclesiae ad sua praedia excolenda utebantur. Arborea quoque grandes, unde fructus annui proueniunt, & quae caedi non solent, non alienantur. Qua in re beneficiarii usufructuariis similes sunt, qui fruuntur quidem fructibus arborum, at in locum demortuarum alias submittere tenentur. Zypaeus *in iuris nouo tit. de rebus eccles. non alienandis*.

Dd 3

§. IV.

(a) Canon sub nomine concilii Siluanectensis inter vetitas alienationis species recenset *conditionem*, *cap.* 5. *ex. de rebus ecclesiae alienandis*. Sed quae species alienationis *conditio* est? Recte sentire videntur Ant. Augustinus & Cuiacius, qui eam vocem tamquam importune intrusam ab hoc canone explodunt, & quidem summa ratione, quod in Iustiniani *novell.* VII. *cap.* 1., unde hic canon desumptus est, desideratur.

§. IV. Quamuis autem bona ecclesiarum alienari prohibeantur, tamen ex iusta causa & legitimis sollemnibus recte distrahuntur; nec enim natura sua sunt extra commercium, vt earum alienatio intrinsecus vetetur. Iustae autem alienationis causae tres recensentur, necessitas, pietas, & vtilitas. V. *Espen. par. II. sect. 4. tit. 5. cap. 4. edit. Neapol.* Et necessitas quidem facit, vt res ecclesiarum possint alienari, veluti si aere alieno prematur ecclesia, nec possit ex fructibus satisfieri. Item ex causa pietatis res ecclesiasticae, etiam vasa initiata, alienantur, veluti si captiui redimendi sint, aut pauperes tempore famis alendi & recreandi, *cap. 14. 15. C. 70. C. 12. q. 2.* Et demum propter vtilitatem bona ecclesiastica recte etiam distrahuntur, veluti si siluestria loca aut aedes ruinosae dentur in emphyteusim.

§. V. Ex legitima causa factae rerum ecclesiasticarum alienationes tum ratae erunt, si sollemnibus per canones praescriptis celebrentur; sollemnia enim iuris ciuiliis parum curantur. Et olim quidem serme in synodo prouinciae decernebatur alienatio, *can. 53. C. 12. q. 2.*; tum, quod synodi euassissent rariores, statutum est, vt alienatio totius cleri tractatu, consensu & subscriptione, atque episcopi auctoritate celebraretur, *can. 52. eodem.* Nomine cleri post canonicorum institutionem venit collegium, seu capitulum ecclesiae, cuius bona alienanda sunt, si illa collegium habeat: in monasteriis vero cleri vicem gerit monachorum conuentus. Quod si alienanda sit res ecclesiae, quae collegio caret, vsu receptum est, vt vnus episcopi inquisitione & decreto alienatio fiat. V. *Rebus. in compend. alienat. rer. eccles.* Haec autem sollemnitas abrogata est Pauli II. decretali, qua statutum, vt rerum ecclesiasticarum alienationes *inconsulto Romano pontifice* non fierent, *extrauag. ambitiosae de rebus ecclesiae non alienandis inter communes.* Quod quidem ius apud nos receptum erat, secus in aliis christianis prouinciis. At scripto Regis nostri XIII. Kal. Februarias an. MDCCCLXXVI. ad Cameram regalem dato, Regis esse dicitur videre, num contractus de alienandis rebus ecclesiasticis legitimi sint & vtilis, eosque probare.

§. VI. Quod si non ex iusta causa & neglectis sollemni-

lemnibus iure canonico praescriptis, res ecclesiarum alienatae sint, alienatio irrita est, nihil iuris in accipientem transit, & licet quibuslibet ecclesiasticis alienata simul cum fructibus vindicare, *can. 53. C. 12. q. 2., cap. 1. ex. de his quae fiunt a praelato sine consensu capituli, cap. 6. ex. de rebus ecclesiae alienandis*: item episcopi deponerentur, clerici vero, qui alienationi subscripsissent, anathemate feriebantur, *can. 8. C. 10. q. 2., cit. cap. 6.*; at in extrauaganti Pauli II. etiam alienantes & recipientes excommunicantur. Ceterum in multis christianis prouinciis, praesertim in Gallia & Belgio, omissae sollemnitates non vitiant alienationem, modo ex iusta causa facta sit, & ecclesiae utilis habeatur. V. *Espen. par. II. sect. 4. tit. 5. cap. 4.* Quod si post alienationem rite factam appareat non leue damnum ecclesiae illatum, haec, non secus ac minor, poterit beneficio in integrum restitutionis uti, *cap. 1. ex. de in integrum restitutione.*

C A P V T XXXVII.

De natura & origine beneficiorum ecclesiasticorum.

§. I. **H**Actenus bona ecclesiastica generatim considerauimus; nunc ea ipsa in partes tributa & singulis officiis perpetuo adnexa expendi debent; non quia bona sic tributa aliquam intrinsecam subierint mutationem, sed quia nouas loquendi formulas & exteriorem disciplinam a veteri multum diuersam induxerunt. Vox *beneficii*, quae ab iure feudali in ecclesiam translata videtur (a), denotat ius percipiendorum fructuum ex bonis,

D d 4

nis,

(a) Agri fiscales, qui mediis saeculis a principibus pro seruitio militari & fide militibus dabantur, *beneficia* dici solebant, & Germanica voce *feuda*. Initio data sunt feuda ad vitam, postea euaserunt hereditaria, atque adeo certis familiis addicta. Iam

nis, quae singulis titulis & ministeriis perpetuo adnexa sunt, quod auctoritate ecclesiastica institutum clericis propter officium ad vitam assignatur. Hac notione vocem beneficii interpretes iuris canonici intelligunt, & quidem vocis proprietati & ecclesiasticis monumentis conuenienter; at theologi eo nomine ipsum ecclesiasticum officium, cui redditus perpetuo adnexi sunt, intelligunt. Vtra definitio eligatur, quod spectat ad rei naturam, parum videtur interesse; etenim etiam canonistae intelligunt beneficii causam esse sacrum ministerium.

§. II. Sic accepta beneficia posteriori aetate inualuerunt; nam etsi clericis semper ius fuerit, propter seruitium ecclesiasticum de altari viuere; tamen per plura saecula a communi aerario alimenta acceperunt (b). Exorta sunt ecclesiastica beneficia a partitione bonorum, eaque perperua in singulos titulos & ministeria, quae partitio saeculo sexto in ecclesiis ruralibus fieri coepta, tum latius extensa est, sensimque eo ventum, vt etiam parociae urbanae suos proprios redditus haberent (c).

§. III.

Iam vero bona ecclesiastica suis titulis perpetuo adnexa & pro ecclesiastico seruitio dari solita feudorum instar exhibere visa sunt, & hinc *beneficia* audierunt.

(b) Dum adhuc redditus omnes ecclesiae in commune administrabantur, episcopi veluti extra ordinem clericis vel remuneratione, vel humanitate praedia ecclesiastica, saepe non adeo magna, in vsum fructum concedebant. Conc. Agath. anno 1051. *can. XXIII.*, Conc. Aurelian. 1. *can. 23.* Sic vero data praedia morte usufructuarii vel finito concessionis tempore ad ecclesiam reuertebantur, *can. 61. C. 16. q. 1.* Sed praedia ista proprie sic dicta beneficia non erant.

(c) Principio in Occidente saeculo sexto oblationes, quae fiebant ad altare, ecclesiis ruralibus addictae sunt, salua plerumque episcopis tertia aut quarta portione, *can. 7. C. 10. q. 1.*; & paullo post iisdem ruralibus ecclesiis etiam statim ex fundis redditus assignari sunt. Conc. Aurelian. III. *can. 5.* Semel recepti mores latius producti sunt, idque quod non semper ex fide bona procedebat communis aerarii procuratio; & quod commodius videbatur statos redditus parocciis agrestibus assignare, quam earum clericis ex communi penu, saepe tam longe posito, necessa-

§. III. Ita paulatim inualuerunt parochialia beneficia; at praebendae canonicales exortae sunt a partitione bonorum, quae a canonicis in commune possidebantur. Nempe ubi canonici in summa saeculi decimi confusione vitam communem reliquerunt, Christi patrimonium in varia frustula tributum est. Etenim in ecclesiis cathedralibus bona inter episcopum & collegium diuisa sunt, & hinc distinctio inter *mensam episcopi* & *capituli*, & inde ipsa mensa capituli cathedralis, ut & reliquorum capitulorum, abiit in tot partes, quot erant canonici, eorumque ministeriis perpetui redditus addicti sunt, quos ipsi perciperent. Sic vero tributis redditus *praebendae* nomen, quo in vita communi designabatur quotidianae victus praestationes canonicis dari solitae, retinuerunt.

§. IV. Iam tria sunt, quae beneficii ecclesiastici naturam constituunt: debet nimirum esse perpetuum, auctoritate ecclesiastica institutum, & dari propter sacrum officium, quorum vnum si desit, ecclesiasticum beneficium non dicitur. Et perpetuum quidem, hoc est quousque viuit beneficiarius, beneficium esse debet; beneficii enim datione ad certum ministerium in ecclesia obeundum beneficiarii vocantur, quae addictio natura sua perpetua est: atque ideo perpetuum stante ministerio, etiam ius ad proventus perpetuum sit, oportet. Qua in re datio beneficii respondet ordinationi, quae ordinaros clericos perpetuo suis titulis, vnde accipiebant victualia, adscribebat. Hinc ex communi sententia beneficia ecclesiastica dici non possunt *laicales capellaniae* & *legata pia*; nam etsi obligent ad missarum celebrationem, aut ad aliud sacrum officium; tamen non sunt perpetua, vtpote quae pro arbitrio conferuntur & auferuntur.

§. V. Porro non est beneficium, nisi accedat auctoritas

cessaria praebere. Et profecto quaelibet agrestis ecclesia nono saeculo suis propriis decimis & fundis erat instructa, *can. 25. C. 23. q. 8.* Sed hac aetate ecclesiae urbanae antiquam seruabant disciplinam, quae & ipsa tandem defuevit, & proprii stabilesque redditus non minus ruralibus, quam urbanis parochiis perpetuo adnexi sunt.

ritas episcopi, aut pontificis, qua illud in titulum erigatur atque exciteretur. Confiatur beneficium ex iure ad prouentus & sacro officio: quum vero redditus ecclesiastici, & multo magis sacra ministeria, nisi ex ecclesiae auctoritate nequeant dispensari; sit profecto, vt nullum intelligatur beneficium, quod ecclesiastica auctoritate non constituatur & fundetur. Hinc *laicales capellaniae & legata pia*, quae episcopi auctoritate in beneficium non attolluntur, mera stipendia aut eleemosynae sunt, etsi ex voluntate testatoris in perpetuum dentur.

§. VI. Quod tertio loco ad naturam ecclesiastici beneficii requiritur, est, vt detur propter sacrum officium; nec enim alio iure licet clericis de altari viuere, quam quod altari seruiunt. Nomine sacri officii etiam in noua disciplina venit iuge seruitium in functionibus beneficiario demandatis, ratione cuius operarius dici queat, & pastor seu cooperator in ecclesia administranda. Innoc. III. *lib. I. epist. 82.* Trident. *ses. XXI. de res. cap. 3.* V. Espen. *de offic. & institut. canonic. par. I. cap. 2.* Et si tempus a diuino ministerio vacuum superest, illud orationi, lectioni scripturarum & canonum, & bonis piisque operibus impendendum est. Hinc manifesti erroris conuincuntur, qui officium beneficiariorum censent esse horarum canonicarum recitationem. Nata videtur portentosa ista sententia ex vulgato illo, *beneficium datur propter officium*: nam nomine officii ex vulgari sensu horas canonicas interpretati sunt.

§. VII. Ex veteris disciplinae regulis beneficia ordinationi adhaerebant, eamque consequebantur, nec seorsum dabantur ordines & ius ad prouentus ecclesiasticos, sed ius ad prouentus ordinationi inesse censebatur. Verum temporis lapsu nexus ille inter ordinationem & ius ad prouentus abruptus est, & ordinatione quidem tantum data potestas ad sacra obeunda, beneficiis vero officia cum suis redditibus perpetuo demandata: quae diuisio in summa saeculi decimi confusione primum exorta, & inde sensim recepta, disciplinae ecclesiasticae mutationem & ruinam promouit. Inde aucta res canonica, nimirum exortae variae beneficiorum diuisiones, multae conditae regulae, quae ius collationis, modum, formam, aetatem

tem & qualitatem beneficiariorum stabilirent : quae omnia in veteri disciplina cessabant, tantumque antiqui canones de sacris ordinationibus & ordinandorum qualitatibus statuebant. V. Duaren. *de sacr. minister. lib. II. cap. 3.* Inde ordines, qui ius non dabant ad prouentus, contemptui fuerunt; contra magni facta beneficia. Inde multi sine beneficio ordinati, & numerus clericorum vagantium & inertium creuit.

§. VIII. Quod vero varii generis sunt ecclesiastica officia, quibus perpetuo redditus cesserant; varium quoque oportet esse genus beneficiorum. Principio alia sunt maiora, alia minora. Maiora dicuntur, quibus gradus primores in ecclesia cum cura animarum & sacra iurisdictione adhaerent, qualia beneficia obtinent summus pontifex, patriarchae, archiepiscopi, episcopi, abbates cum quasi episcopali potestate. Ceterum *beneficii* nomine generatim sumto beneficia maiora non veniunt, immo nec ipsa *dignitatis* voce, quum sint dignitatum apices.

§. IX. Minora beneficia censentur reliqua omnia ecclesiastica & monastica officia, quibus proprii stabilesque redditus adhaerent, cuius generis sunt dignitates, personatus, paroeciae, & beneficia simplicia: quamuis dignitates relatione ad cetera minora inter maiora censeantur. Dignitas stricte ita dicta est beneficium, cui sub episcopo proprii redditus & iurisdictionis insunt. Variant autem in numero & ordine dignitatum ecclesiarum instituta, immo in vna ecclesia canonicatus seu merum officium est, quod alibi dignitas reputatur: cuius varietatis ratio inde petenda est, quod dignitates potius usu & fundatione, quam generali ecclesiae decreto inualuerunt. V. Espen. *par. II. sect. 3. tit. 1. cap. 2. edit. Neapol.* Ceterum moribus hodiernis reuocata ad episcopos ferme omni spiritali iurisdictione, iacent in plerisque ecclesiis dignitates, tantumque nomen & nobiliores sedes in choro retinent; & hinc *ventosae* & *inanes* audiunt. Fagnan. *ad cap. ad haec ex. de praebendis.*

§. X. Vox *personatus* in pontificum decretalibus aliquando eadem est ac dignitas, *cap. 8. ex. de constitutionibus, cap. 8. ex. de rescriptis*; at in specie *personatus* nomine intelligunt interpretes beneficium, cui aliqua praemi-

minentia sine iurisdictione inest, veluti in choro sedes nobilior (d). Ceterum in materiis, quas dicunt *odiofas*, nomine generali beneficii dignitates & personatus non veniunt.

§. XI. Inter minora beneficia censentur, quae *curata* & *simplicia* vocari solent. *Curata* sunt, quae animarum curam in foro interiore habent adnexam, qualia sunt parochiae. *Simplicia* curam animarum non habent, sed beneficiarii aliter diuinae rei incumbentes, officio suo satisfaciunt, qualia sunt canonicatus & capellaniae perpetuae ecclesiastica potestate excitatae. Verum praebendae canonicales etsi inter simplicia beneficia habeantur, accedunt tamen ad dignitates, cap. 11. de *rescriptis* in 6., & in odiosis simplicium beneficiorum nomine non veniunt. Alio quoque sensu saepe sumitur simplex beneficium, pro eo nempe, quod assiduitatem non requirit.

§. XII. Porro beneficiorum alia sunt *saecularia*, alia *regularia*. Saecularia sunt, quae spectant ecclesiasticum ministerium strictè sic dictum, quo monastica officia non continentur: dictaque sunt *saecularia*, non quod laicis conferri possint, sed quod regularibus opponantur. Regularia sunt, quae monasticam disciplinam spectant, aut quae per monachos regi consueuerunt. Hinc abbatiae & reliqua omnia officia claustralia suis propriis donata redditibus

(d) Vox *personatus* a personis videtur deriuata: erant vero *personae* Gallorum lingua presbyteri vicarii, qui ecclesiis, quae monachis & canonicis erant addictae, modico prouentu, sed titulo & magna fructuum parte penes illos remanente, interueiebant, can. 4. C. 1. q. 3. Itaque personatus erat ecclesia seu beneficium, cuius cura vicariis committebatur: tantumque differebant a ceteris beneficiis, quod duplici beneficiario donabantur, quorum vnus titulum, itemque optimam fructuum partem habebat, alter vero sub nomine *personae*, seu vicarii modico prouentu officium sustinebat. Et reapse in antiquis monumentis personatus modo ad eos, quibus titulus ecclesiae seu officii adhaeret, modo ad personas refertur, cap. 4. ex. de *filiis presbyterum* & cap. 6. de *praebendis* in 6.; sed interpretes nostri vnam personatus speciem definiunt, eum scilicet, qui penes tituli possessorem residet.

tibus regularia beneficia sunt: & praeterea censentur etiam regularia, quae habent quidem officium ecclesiasticum, sed per monachos regi consueuerunt (e). Adquisita vero sunt monachis saecularia ista beneficia vel fundatione, vel incorporatione, quod nempe monasteriis adnexa sunt, vel quadraginta annorum praescriptione.

C A P V T XXXVIII.

De beneficiariorum adsiduitate.

§. I. **A**dsiduitas in beneficiis, quae *residentia* dici consuevit, est continua in loco beneficii praesentia, ut beneficiarii iniuncta sibi munera per se possint exercere. Ita non mera est localis & desidiosa praesentia, sed laboriosa. Trident. *ses. VI. de ref. cap. 1.* Et profecto sententia ecclesiae non longe distant ab absentibus episcopi & beneficiarii praesentes, qui sibi iniuncta onera parum curant, redditibus colligendis & saeculi curis praecipue intenti, *cap. 2. ex. de translatione episcopi.*

§. II. In veteri disciplina, qua ius percipiendi ab ecclesia alimenta ordinationi erat adnexum, clerici omnes una & perpetua morandi in ecclesiis suis lege tenebantur, ut iuge impenderent officium. Thomass. *de vet. & noua eccles. discipl. par. II. lib. 1. cap. 1. seqq.* Sed deinceps ubi ab ordinatione beneficia distracta sunt, haec, non secus ac ordinatio, beneficiarios ecclesiis suis perpetua immorandi lege adstrinxerunt. Beneficia dantur propter ecclesiastica ministeria, quae beneficiarii in suis ecclesiis per se

(e) Vtriusque generis regularia beneficia ex lapsa monachorum disciplina originem habent suam; nec enim satis congruit monasticae disciplinae, ut claustralia officia suis propriis redditibus ab arca communi distinctis aucta sint; nec proprium est monachorum ecclesiastica officia & spiritualem curam extra claustrum exercere.

se explere tenentur. Obligant vero ex generali canonum regula ad praesentiam beneficia omnia, *cap. 3. ex. de clericis non residentibus*; nam singula dantur propter ecclesiasticum ministerium, quod vicaria alterius opera non recte impletur. Thomass. *loc. cit. lib. 3. cap. 34.* Quae enim officia industriam personae requirunt, qualia sunt ecclesiastica, non recte per vicarium impleri possunt; nam & inter artifices longa differentia est & ingenii & naturae & doctrinae & institutionis, quod recte iurisconsultus obseruat, *L. 31. D. de solutionibus*.

§. III. Intrinseca quidem est omnibus beneficiis adfuitas, at in summa saeculi decimi confusione paene omnis defecit, iamque saeculo vndecimo ecclesiae ferme omnes a suis pastoribus erant derelictae. Vbi primum eodem saeculo inclinante a tanta calamitate ecclesia coepit respirare, canones condidit, qui beneficiarios, immo clericos omnes, ad adfuitatem compellerent. V. Thomass. *loc. cit. cap. 6. §. 34.* Sed vlcus alte infederat; nec totum simul cedebat curationi: ac proinde curae interim fuit malis exitioribus mederi, dilata minorum morborum curatione. Ergo conditi canones, qui in parochiis, dignitatibus & praebendis canonicorum omnino restituerent inberentque adfuitatem, silentio ommissis reliquis beneficiis, *cap. 3. ex. de clericis non residentibus, cap. 5. §. 38. ex. de praebendis, cap. 9. ex. de concess. praebendae*; non quod ecclesia sentiret, reliquos beneficiarios ecclesiis suis recte abesse; sed quod maiora mala in primis curare oportebat.

§. IV. Interim hoc de adfuitate reliquorum beneficiorum silentio, tolerantia & impunitate sensim post Alexandrum III. inualuit, paroecias, dignitates & canonicatus ad adfuitatem obligare, non vero reliqua inferiora beneficia, quae propterea *simplicia* dicta sunt. Nouitas ista sub Gregorio IX. iam recepta erat, *cap. vlt. ex. de clericis non residentibus*, magisque deinceps firmata est sententia illa, quae officium in beneficiis horarum canonicarum recitationem etiam priuatam interpretatur. Ita inualuit distinctio beneficiorum *compatibilium* & *incompatibilium*, vt vocantur. Deinceps iamdiu receptam disciplinam de non necessaria adfuitate in simplicibus beneficiis

CAP. XXXVIII. DE BENEF. ADSID. 431

ciis Tridentini patres, *ses. VI. de ref. cap. 4. & ses. XXIV. de ref. cap. 17.* retinuerunt, seu potius tolerarunt, nam Tridentina doctrina est, clericos omnes ecclesiis suis perpetuo adscribi, *ses. XXIII. de ref. cap. 16.*

§. V. Interim aliquando ex iustis probatisque caussis licet beneficiariis, qui adsidui esse iubentur, extra suas ecclesias versari, & quidem sine culpa. Et sane canonici possunt ecclesiis suis abesse aut propter episcopi seruitium in iis, quae spectant ad ecclesiam, *cap. 7. ex. de clericis non residentibus*, modo non sint ultra duos, *cap. 15. ex. eodem*, aut propter scientiarum sacrarum studia, *cap. 12. ex. eodem, cap. ult. ex. de magistris*. Porro brevis absentia etiam sine legitima causa impunis est, quin etiam vacat culpa, si ex causa probabili sit: qua ratione per regulas Tridentinas *ses. XXIV. de ref. cap. 12.* licet canonicis trium mensium spatio ecclesiis suis abesse: quod intelligendum, si ex honesta & probabili causa absentia contingat, nec enim facile credendum, synodum genio canonicorum indulgere voluisse. V. *Espen. par. I. tit. 7. cap. 9.*

§. VI. Aduersus beneficiarios in ecclesiis suis non adsiduos poenae canonicae locum habent. Iure decretalium beneficiarii ultra sex menses ecclesiis suis absentes beneficii priuatione, suspensione, aut excommunicatione plectuntur, *cap. 11. ex. de clericis non residentibus*, liberumque est ordinario antistiti, vel ab excommunicatione vel suspensione incipere, & tandem contumacem beneficio spoliare, vel posthabita excommunicatione priuationem beneficii decernere. *Gonzalez in cit. cap. 11.* Parochi & alii beneficiarii, quibus cura animarum commissa est, si ultra duos menses & sine licentia episcopi absint, fructus suos non faciunt, & ex contumacia tum intentatis censuris, tum denique beneficii priuatione puniuntur. *Trident. ses. XXIII. de ref. cap. 1.* Et canonici, qui ultra tres menses ecclesiis suis absuerint, primo anno media parte reddituum exuentur, altero omnibus spoliabuntur; & si ne tum quidem ecclesiae suae se reddant, rigore canonum coercentur. *Trident. ses. XXIV. de ref. cap. 12.*

CAPVT XXXIX.

De vetita beneficiorum multitudine.

§. I. **V**Num eodem tempore clericum duabus ecclesiis adscribi vetus disciplina non patiebatur, conc. Chalced. *can. X.* Nicaen. *ii. can. 15.*, nec enim vnus idemque clericus poterat eodem tempore duabus ecclesiis inferuire, & praeterea clerici duas ecclesias inhiantes sacrum ministerium in turpem quaestum vertebant. Postquam beneficia seorsum ab ordinatione conferri coepta sunt, etiam interdictum est, ne plura simul beneficia darentur; beneficium enim datur propter officium, quod per se quisque debet implere; atque ideo in eadem ecclesia, multo magis in diuersis, vetatur quis plura habere beneficia. Porro qui plura obtinent beneficia, stipendia pluribus ministris addicta vsurpant, *cap. 3. ex. de cleric. non residentibus*, & sacrorum ministrorum numerum imminuunt, *extrauag. execrabilis de praebendis inter communes*. Et recte obseruat S. Thomas *quodlib. IX. q. 7. art. 11.* multitudinem beneficiorum vni datorum non esse ex actionibus indifferentibus, sed intrinsicam continere malitiam.

§. II. Sed lapsa saeculo nono & sequenti ecclesiastica disciplina plura simul vni beneficia data sunt, erantque multi saeculo decimo secundo, qui *vix ecclesiarum suorum numerum cognouerant*, quod Petrus Blesensis *lib. I. in Job.* testatur. Interim vbi primum a calamitate & confusione decimi saeculi ecclesia respirauit, vidit operosum esse integram disciplinam restitui. Ergo curae praesertim fuit, exitioribus malis primum mederi, in futurum dilata minorum morborum medicina. Hinc synodus Lateranensis sub Alexandro *iii.* duas dignitates, aut duas paroecias deinceps simul obtineri vetuit, & quidem ea addita poena, vt accipiens caderet secundo beneficio, dans vero largiendi potestate priuaretur, *cap. 3. ex. de clericis non residentibus*.

§. III.

§. III. Sic vetita beneficiorum pluralitas ecclesiae parum profuit, siue clericorum delinquentium multitudine, siue quod beneficiarius non ipso iure cadebat secundo beneficio contra canones accepto. Itaque Innocentius III. in concilio generali maiori cura emendandis abusionibus incubuit, statuitque, ut nullus duas simul paroecias, aut dignitates, aut personatus obtineat, ipsoque iure cadat primo beneficio, qui alterum sine venia sedis apostolicae consequatur, *cap. 28. ex. de praebendis*. Qua eadem ratione praebendarum coaceruatio vetita est, *cap. 9. ex. de concess. praebendae*.

§. IV. Hisce decretis singularitas & adfuitas dignitatum, paroeciarum, personatum & praebendarum restituta est, silentio praetermissis reliquis minoribus beneficiis, non quod ecclesia probaret, simul reliqua beneficia coaceruari, sed quod tempori tantisper cedendum erat, & grauiora mala primam curare oportebat. Interim eo ecclesiae silentio & antistitum negligentia inde natum est dogma, dignitates, paroecias, personatus & canonicales praebendas ad adfuitatem obligare, reliqua vero minora beneficia ad praesentiam non adstringere, & propterea posse inuicem vel cum illorum vno coaceruari: quae doctrina aetate Gregorii IX. vsu probabatur, *cap. ult. ex. de clericis non residentibus*. Ita nata est partitio beneficiorum in *singularia*, & *coaceruata*, seu ut habent vulgares loquendi formulae, in *incompatibilia*, & *compatibilia* (a). Quae doctrina deinceps in ecclesia magis tolerata, quam probata est.

Pars II.

E e

§. V.

(a) Plerique interpretes *incompatibilia* beneficia talia esse docent vel ratione tituli, vel ratione retentionis. Singularia primi generis vacant ipso iure per alterius ademptionem, qualia sunt duae paroeciae, duae dignitates, duo personatus; item duo beneficia eiusdem similisque functionis in eadem ecclesia, quae vocant *uniformia in eodem secto*, veluti duo canonicatus. Singularia secundi generis non vacant ipso iure per alterius ademptionem, sed beneficiarius debet alterutrum optare, alioquin altero per superiorem exuetur, qualia sunt canonicatus in diversis ecclesiis, & beneficia *difformia* in eadem ecclesia.

§. V. Quis vero crederet? etiam post Innocentium III. coaceruatio dignitatum, paroeciarum & praebendarum frequenter obtinuit, idque siue negligentia, siue fraude antistitum, quibus instaurata disciplina magis curae esse debuisset. Sane admodum frequentes fuerunt pontificiae indulgentiae, vt plurimum sine caussa concessae, ad obtinenda plura singularia beneficia. Eo quoque contulerunt fictae commendae, quae saepe in perpetuum gratia beneficiariorum datae sunt, vt vnum beneficium commendatione, alterum titulo possent retinere. Conc. Salmuriense anno MDCLIII. *can. XXVII.* Rursus alii vicariae speciei seu titulo alia aliis coaceruata adquirebant beneficia, nam vbi dignitate aliqua aut paroecia aucti erant, alteram siue dignitatem, siue paroeciam cum opima fructuum parte sub vicarii nomine sibi dari curabant, non vero titulum, qui cum modico prouentu alteri concedebatur. Vnita quoque sunt in vnum plura singularia beneficia non bono ecclesiae, sed beneficiariorum, vt quae beneficia distracta habere non poterant, ea inuicem vnita ad vitam possiderent.

§. VI. Quo tempore Tridentina synodus indicta est, multa beneficia singularia, etiam maiora, alia aliis congesta possidebantur. Hinc his malis medendis synodus intendit atque in primis vetuit, plures deinceps vni conferri ecclesias parochiales, aut alia singularia beneficia, reprobatis inuolucris illis *unionis ad vitam & commendae perpetuae*. Trident. *ses. VII. de ref. cap. 4.* Inde sanctiori edito decreto statuit, vt vnum vni beneficium siue in titulum, siue in commendam deinceps conferatur, nisi ad honestam sustentationem vnum non sufficiat, quo casu secundum conferri permisit, modo vtrumque assiduitatem non requirat. Trident. *ses. XXIV. de ref. cap. 17.* Ergo etiam ipsa simplicia beneficia, quae alendo beneficiario sufficiant, singularia & *incompatibilia* euaserunt. Nihil vero statuit synodus, quinam redditus ad honestam beneficiarii sustentationem sufficiant; at in compertis est, eam debere esse modestam & frugalem. Ceterum moribus praesentibus nulli intenditur controuersia, quod duo possideat beneficia, quorum vnum aut ambo maximi redditus sint, modo vtrumque assiduitatem non requirat.

V. Elpen.

V. Espen. *par. II. sect. 3. tit. 3. cap. 3. edit. Neapol.*

§. VII. Iam ut plura singularia beneficia ab vno obtineantur, necessaria est superioris venia, qua canones relaxentur. Moribus praesentibus superior iste est tantum summus pontifex, etsi in veteri disciplina etiam episcopi ad habenda plura beneficia indulgentiam concederent. Alteserra *in cap. 28. ex. de praebendis*. Venia autem concedi non debet, nisi ex necessaria & utili in ecclesiam causa, qua incommoda ex coaceruatione beneficiorum compensari possint; nec enim summus pontifex dominus est ministeriorum & prouentuum ecclesiae, sed potius fidelis dispensator (b). Quoniam vero indulgentia ista canonibus aduersatur, hinc stricte accipienda est, nec a casu ad casum recte producitur: & tum recta erit, si omnia ex fide bona exponantur. Indultas vero venias tenentur beneficiarii petentibus episcopis exhibere, quibus integrum est eas expendere, & minus legitime impetratas reiicere, *cap. 3. de offic. ordinarii in 6. Trident. sess. VII. de res. cap. 5.*

§. VIII. Qui plura singularia beneficia sine legitima indulgentia obtinent, decreto synodi Lateranensis sub Alexandro III. secunda dignitate seu paroecia exuendus erat, *cap. 3. ex. de clericis non residentibus*; at canone Innocentii III. in concilio generali cadit ipso iure prima paroecia, seu dignitate, seu personatu, qui alterum singulare consequitur beneficium, *cap. 28. de praebendis*. Vacatio autem ipso iure non collatione alterius singularis beneficii, sed potius pacifica possessione inducitur: & pa-

E e 2

cifica

(b) Hinc recte docent saniores theologi & canonistae, apud Deum tutos non esse, sed tantum fori externi poenas euitare, qui ex minus idonea causa obtinent plura beneficia. Conf. Espen. *par. II. sect. 3. tit. 3. cap. 5. edit. Neapol.* Sane licet qui indulgentiam concedit, expendere debeat, an idonea subistat causa; tamen ille, qui petit minus iustam indulgentiam, est causa iniquitatis, & vititur permissa iniquitate. Et acute S. Bernardus *epist. VII. n. 9. clericis*, qui plura beneficia iuste possidere credebant ob veniam concessam, reponebat, *utinam non licentiam quaesissetis, sed consilium, id est, non ut liceret, sed, an liceret.*

cifica possessio tum censetur, si nulla lis in iudicio de beneficio mota sit, nullisque molestiis de facto turbata fuerit, aut si per beneficiarium steterit, quo minus pacifica foret. Porro alterius beneficii possessionem adepto ad duos vsque menses prioris retentio conceditur, vt possit experiri, an molestiae superueniant. Quod si post pacificam possessionem beneficiarius vtrumque retinere praesumat, etiam alterum amittet, & ad sacros ordines suscipiendos & alia beneficia inhabilis euadit, *cit. cap. 28., extrauag. execrabilis de praebend. inter communes*. Interim interpretum sententia vacatio ipso iure ferme locum habet in beneficiis, quae dicuntur *incompatibilia* ratione tituli, nam quae talia sunt retentione, demum sententia iudicis vacare dicuntur.

C A P V T XL.

De beneficiorum collatione.

§. I. **C**ollatio beneficii, quae etiam dicitur *donatio* & *institutio*, est datio vacantis beneficii ab eo facta, qui eius dandi habet potestatem. Quod si collatio collegio canonicorum competat, vocari solet *electio*, quae si nulla indiget superioris confirmatione, beneficium dicitur *electiuum collatiuum*; si vero a superiore confirmanda est, *electiuum confirmatiuum*. Quoniam vero collatores non semper pro libertate sua beneficia donant, sed aliquando ratione iuris alterius certis personis ab alio praesentatis conferre debent; hinc collatio est aut libera, aut minus libera, quarum illa *collatio* stricto sensu, haec *institutio* itidem stricto sensu, appellatur.

§. II. Collatio beneficiorum, vbi seorsum ab ordinatione facta est, veluti pars voluntariae iurisdictionis haberi coepit, qua ecclesiastica ministeria dispensantur. Origine vero sua pertinet ad episcopos; episcopi enim non minus sunt ministeriorum Dei, quam reddituum ecclesiasticorum dispensatores & procuratores. Eodem ordinario iure in suis

ſuis eccleſiis conferunt beneficia praelati inferiores, qui quaſi episcopalem habent iurisdictionem, *cap. ult. ex. de institutionibus*, *cap. 3. de officio ordinarii in 6.* Verum episcopi auctoritate ſenatus eccleſiaſtici ſeu collegii canonicorum matris eccleſiae beneficia conferebant, *cap. 4. ex. de his, quae ſiunt a prael. ſine conſenſu capituli*; qua in re elucent antiqui mores.

§. III. Sancta haec ex cummuni ſenatus conſilio beneficia conferendi ratio pro maxima parte labefactata eſt, poſtquam beneficia ſeorſum ab ordinatione collata ſunt: iamque inter clericos emerſerunt alii ordinarii collatores, variique in variis eccleſiis inualuerunt mores. Sane in multis locis praebendas & canonicatus eccleſiae cathedralis ſolus episcopus, contra alibi ſolum canonicorum collegium, *cap. 31. ex. de electione*, alibi episcopus ſimul & collegium conferunt, *cap. 15. ex. de conceſſ. praebendae (u)*. Praebendas quoque eccleſiarum collegiatarum vel ſolus episcopus, vel capituli praefes pro varietate locorum confert. Porro ipſi archidiaconi etiam iure conferendi beneficia auſti ſunt, *cap. 15. ex. de officio delegati*, *cap. 7. ex. de praebendis*. Sed vicarius generalis beneficia non confert, niſi id ab episcopo ei ſpecialiter committatur, *cap. ult. ex. de officio vicarii in 6.*, tantumque a patronis praefentatos pro iure ſuo poteſt instituere.

§. IV. Quamvis collegium canonicorum eccleſiae cathedralis ſede vacante episcopalem habeat iurisdictionem; non tamen confert beneficia, quae ad liberam ſolius episcopi collationem pertinent, *cap. 7. ex. de reſcriptis*, *cap. 2. ex. ne ſede vacante aliquid innouetur*; collatio enim beneficiorum moram terre poteſt; & in interregno qui gubernant, ea diſferre debent, quae ſine damno diſ-

E e 3

ferri

(a) Vbi episcopus & canonici ſimul beneficia conferunt, etiam varii ſunt mores: nam concurrit episcopus vel vt merus canonicus, *cap. 15. ex. de conceſſ. praebendae*, vel tamquam collegii moderator & praefes, vel aequali poteſtate: quo poſteriori caſu episcopi ſuffragium totius collegii ſuffragio aequi-valet.

ferri possunt (b). Sed capitulum sede vacante recte confert beneficia, quae coniunctim ad episcopum & capitulum pertinent; & multo magis confert beneficia, quorum collatio viuente episcopo ad solum capitulum pertinebat, sicut etiam pro iure suo praesentatos a patronis instituit.

§. V. Iam collatio beneficiorum, vbi ab ordinatione seiuncta est, fit peculiari actione, qua collator voluntatem suam declarat, se huic aut illi tribuere beneficium: idque etiam nudis verbis fieri potest. Et quoniam voluntas collegii canonicorum ex maiori suffragiorum numero censetur; hinc beneficia *electiua collatiua* per electionem communibus electionis regulis adstrictam conferuntur; forma enim *cap.* quia propter *ex. de electione* tantum locum habet in eligendis praelatis, quorum morte ecclesia vidua censetur. Ceterum receptis moribus collationes fieri, aut probari nequeunt sine litteris, nec beneficiarii solent in possessionem beneficiorum immitti, nisi litteras collationis exhibeant.

§. VI. Beneficia vbi vacauerint, intra certum tempus conferenda sunt, ex diutina enim vacatione multa in rem ecclesiasticam incommoda promanant. Et quidem dignitates capitulorum, paroeciae & omnia minora beneficia sex mensium spatio conferenda sunt, *cap. 2. ex. de consec. praebendae*, tribus vero mensibus episcopatus & maiores dignitates regulares, *cap. 41. ex. de electione*. Semestre autem istud a die scientiae vacationis computatur, & praeterea non currit, si iusto impedimento siue iuris, siue facti collator cessauerit, *cap. 5. ex. de consec. praebendae*.

§. VII. Quod si statto tempore collatores non conferant beneficium, pro ea vice collatione cadunt: & si collatio pertineat ad capitulum, deuoluitur ad episcopum, contra ad capitulum, vbi solius episcopi est conferre: &
si v-

(b) Vulgo docent interpretes decretalium, ideo non posse capitulum sede vacante beneficia episcopalis collationis dare, quod collatio sit pars fructuum; fructus vero integros episcopo oportet reservare. Apage profanum dogma; collatio nempe beneficiorum est pars spiritualis potestatis, qua ecclesiae ministri constituuntur.

si vtriusque demum par negligentia sit, deuolutio fit ad metropolitanum, & ita porro ad alios superiores antistites vsque ad summum pontificem, *cap. 2. ex. de concess. prae bendae*. Atque id est negligentiam praelatorum supplere. Verum recepti mores non serunt, vt episcopi negligentia a capitulo suppleatur: & in multis ecclesiis praefertim huius regni solus papa confert beneficia, quae ordinarii collatores itato tempore non contulerint.

§. VIII. Semel collata beneficia, antequam vacent, iterum conferri, aut promitti non possunt, *cap. 2. ex. de concess. prae bendae*. Sane collationes aut promissiones beneficiorum nondum vacantium alienae mortis desiderandae ansam praebent, quo nihil a viri boni officio alienius. Itaque collatio aut promissio nondum vacantis beneficii nulla prorsus est, nec inde vlla nascitur obligatio. Et si iure decretalium probetur datio canonicatus sine praebenda cum spe primo vacaturae, *cap. 3. ex. de praebendis*; vt & promissio beneficii generaliter facta, quum occasio collationis se obtulerit, *cap. 19. ex. de concess. prae bendae*; id forte eam rationem habet, quod sine alterius morte vacare praebenda aut beneficium poterat, aut de nouo institui, ac proinde captatio mortis cessare videbatur.

§. IX. Beneficia quoque integre conferri debent, nec dignitatum, siue praebendarum licet sectionem instituere, siue quod titulus ipse diuidatur, siue quod redditus in duas pluresue partes secentur, *cap. 8. ex. de praebendis, cap. 7. ex. de censibus*. Quin veluti turpia & simoniaca damnata sunt pacta, quibus patroni & antistites in partem redditum cum beneficiariis paciscuntur, *cap. vn. ex. vt ecclesiast. beneficia sine diminutione conferantur*. Officium sane ecclesiasticum, cui perpetuo redditus adnexi sunt, vnum est, ac proinde vni integrum cum suis prouentibus conferendum. Ceterum auctis ecclesiarum redditibus ex rationabili causa potest vacans beneficium in duo dispesci; quemadmodum ex idonea causa licet portionem fructuum ex beneficio delibare, & alteri clerico addicere.

§. X. Peracta collatione beneficiarius in beneficii possessionem deducendus est, quam dicunt *institutionem corporalem*, sine qua nec fructus percipere, nec demandatum officium potest explicare. Ante possessionem beneficiarii,

& praesertim parochi, obedientiam suo episcopo promittere & iurare debent; & qui praebendis & dignitatibus in ecclesiis cathedralibus donantur, & coram episcopo & in collegio catholicam fidem debent profiteri. Trident. *ses. XXIV. de ref. cap. 12.* Spectat autem haec missio in possessionem ad antistitem collatorem, *cap. 9. ex. de privilegiis*, & in decretalibus etiam archidiacono tribuitur, *cap. 7. ex. de officio archidiaconi*.

C A P V T XLI.

*De mandatis apostolicis, reservationibus
& praeuentionibus.*

§. I. **V**eteri ecclesiae disciplina summus pontifex in ecclesiis Romane metropoli subiectis pro iure suo clericos videtur ordinare potuisse, etsi hoc iure parce admodum vteretur. Sed postquam beneficia ab ordinatione seiuncta sunt, Romani pontifices beneficia serme omnia totius Occidentis sui arbitrii & collationis fecerunt, exclusis episcopis, quibus congenita est beneficiorum collatio. Quae tanta moles sensim creuit per pontificum *mandata, reservationes & praeuentiones*.

§. II. Et mandata quidem *de prouidendo*, vt vocantur, erant pontificum diplomata, quibus praecipiebant collatoribus, vt designatis clericis aliquod elargirentur beneficium: erantque mandata ista duplicis generis; alia enim dabantur pro iam vacantibus beneficiis, alia vero ad primo vacatura, quae etiam *gratiae expectatiuae* audiebant. Primus Hadrianus IV. extra fines Romanae metropolis mandata de prouidendo ad collatores dedit: qui vsus semel inductus a successoribus continuatus est, & latius productus. Sed non omnes pontifices eadem ratione mandatis vsi sunt, nam alii non amplius vno mandato eandem ecclesiam grauare consueuerunt, *cap. 30. ex. de rescriptis in parte decisa & cap. 38. ex. eodem*: alii vero nullum tenere modum, & mandata mandatis concesserunt;

runt; immo etiam pro vno eodemque beneficio contraria mandata dederunt. Profitebantur vero pontifices, se mandatis suis consulere velle clericis litteratis & bonae opinionis, praesertim vero pauperibus, etsi clerici mandatis aucti saepe nec pauperes, nec litterati essent.

§. III. Initio mandata ista pontificum commendationes potius fuerunt & preces, quibus pro reuerentia sedis apostolicae multum ordinarii collatores tribuerunt, praesertim ubi erant rariora, aut idonei clerici commendabantur. Sed deinceps aucto mandatorum numero antistites saepe obedire detrectarunt. Hinc pontifices stilo mutato preces verterunt in praecepta, & triplicis generis litteras scripserunt, *monitorias* nempe, *praeceptorias* & *exsecutorias*. Franc. Florens in tit. *decretal. de rescriptis*. Monitoriae tantum clericos ordinariis collatoribus commendabant: qui si non parerent, dabantur praeceptoriae, quibus monita in vera praecepta transibant: & si collatores in pari contumacia persisterent, exsecutor dabatur, qui morosos antistites puniret, & ad beneficii dationem cogeret, vel ipse tum vacans vel primo vacaturum conferret. Sed processu temporis conualuit auctoritas mandatorum, nec amplius tres litterae diuersis temporibus scriptae, sed tantum una statim addito exsecutore, qui cessante collatore conferret.

§. IV. Satis firmato mandatorum usu, Romani pontifices ad beneficiorum reservationes transierunt, quae sunt decreta, quibus pontifices collationi suae vacantia vel vacatura beneficia addicunt, ordinariis collatoribus eorum conferendorum ablata potestate. Sunt vero reservationes aut generales, aut particulares, prout plura eiusdem, vel diuersi generis, vel personarum beneficia, aut vnum vacans vel vacaturum summus pontifex in se recipit & reservat. Item reservationes aliae sunt in corpore iuris comprehensae, quae ex receptiore sententia sunt, quae sexto decretalium continentur; aliae extra corpus iuris, quales extrauagantibus, regulis cancellariae & ceteris posterioribus bullis continentur (a). Beneficia reservata alias di-

(a) Pertinent quidem ad systema iuris pontificii & extrauagantes Ioannis xxii. & quae *communes* dicuntur; at reservationes.

dicuntur *affecta*; at adfecta stricte sic dicta sunt beneficia non reservata, quibus conferendis se immiscuit summus pontifex, aut alias manum apposuit, qui actus collationem pro ea vice pontifici addicit.

§. V. Prima & in corpore iuris comprehensa reservatio Clementi iv. tribuitur, eaque pontificiae collationi addicit quaecumque beneficia *apud sedem apostolicam*, seu *Romanam curiam* vacarent, *cap. 2. de praebendis in 6.* Vacare apud sedem apostolicam initio dicebantur beneficia, si in loco, ubi curia morabatur, beneficiarii decederent; at Bonifacius viii. etiam in curia vacare decrevit beneficia omnia, quae morte accedentium aut discedentium a Romana curia in locis finitimis, seu quae quadraginta milliaribus a curia distabant, vacarent; item beneficia curialium, qui in locis curiae vicinis morerentur, modo ibi domum propriam non haberent; vel qui in loco, unde curia discedit, infirmi remanentes, mortem occumberent, *cap. 34. de praebendis in 6.* Debet vero summus pontifex in comitatu vacantia beneficia vnus mensis spatio conferre: quo tempore elapso ea ordinarii antistites pro iure suo conferunt, idque ne diutina vacatio ecclesiis obsit, *cap. 3. eodem*: ob quam eandem rationem etiam ordinariis antistitibus licet conferre paroeccias, quae defuncto pontifice in comitatu vacauerint, vel eo viuo vacauerint, sed ante obitum ab eodem collatae non sunt, *cap. 4. eodem*.

§. VI. Postquam semel ad generales reservationes aditus patuit, nouae in dies reservationes emerferunt, antiquae confirmatae & latius extensae sunt. Sane Ioannes xxii. praeter beneficia per obitum apud sedem apostolicam vacantia, collationi pontificiae addixit beneficia prorsus omnia siue maiora, siue minora, quae quocumque alio modo eo loci vacarent: item beneficia cardinalium, lega-

tiones iis comprehensae ferme extra corpus iuris reputantur, fortasse quod eiusmodi reservationes erant temporariae, *Espen. par. II. sect. 3. tit. 6. cap. 4. edit. Neapol.*, aut potius quod extraneantium codices (utpote priuato studio collecti) initio ad corpus iuris pontificii non spectabant.

legatorum, officialium curiae, & capellanorum commendatitiorum pontificis, quocumque demum loco mortem obirent, *extrauag.* ex debito 4. *de electione inter communes*; & praeterea beneficia, quae ob retentionem, aut adeptionem alterius singularis beneficii ipso iure vacarent, *extrauag.* execrabilis *de praebendis inter communes*. Satis amplae reservationes, quas inde Benedictus XII. latioribus verbis confirmavit in *extrauag.* ad regimen *de praebendis inter communes*. Sed duo isti pontifices a se inductas reservationes ad vitae suae tempus arctarunt, & praeterea contestati sunt, se ideo tot beneficia reservasse, ut optimos quosque clericos ad ecclesias promouerent.

§. VII. Exemplo horum pontificum successores siue antiquas, siue nouas reservationes temporariis ad vitam suam decretis includere consueuerunt: & hinc natae regulae cancellariae, quae morte pontificum extinguuntur, donec a nouo pontifice non sine additionibus, mutationibus, aut detractionibus iterum publicentur, & reuifcant. Regulis vero cancellariae non tantum episcopatus & dignitates praecipuae in ecclesiis cathedralibus & collegiatis, verum etiam omnia ferme reliqua beneficia collationi pontificiae cesserunt: tantumque episcopis relicta minora beneficia, alias non reservata, quae quatuor mensibus, Martio nempe, Iunio, Septembri & Decembri vacauerint (b).

§. VIII.

(b) Iuvat distinctius exhibere reservationes beneficiorum regulis cancellariae comprehensas. Principio regulae illae, prout nunc sunt, addicunt collationi pontificiae beneficia omnia, quae Ioannes XXI. & Benedictus XII. sibi ad vitam reservauerant; & praeterea beneficia omnia officialium Romanae curiae, etiamsi ante obitum officiales esse desierint; tum beneficia, de quibus ordinarii antistites contra Tridentinas regulas disposuerint, *reg. I. cancell.* Item ecclesias omnes episcopales & monasteria omnia virorum, quorum annui redditus excedunt ducentos florenos aureos, & beneficia, quae vacante sede episcopali, aut alterius praelati seu collatoris vacauerint, & ad illius solam collationem pertinebant, *reg. II.* Summa ducentorum florenorum auri ferme quatuor centum triginta ducatos Neapolitanos exaequat.

§. VIII. Porro pontifices ad beneficia in ecclesiis Occidentis conferenda *praeuentionibus* vsi sunt. Nomine *praeuentionis* venit quaedam occupatio, qua beneficia nondum a collatoribus data Romanus pontifex pro suo arbitrio elargitur. Praeuationes aetate Bonifacii VIII. iam receptae erant, *cap. 31. de praebendis in 6.*, atque ex hoc tempore veluti in medio posita beneficia ecclesiarum Occidentis esse videbantur, ad quae occupanda & conferenda pontifices & ordinarii collatores concurrerent. Quoniam
vero

Porro regulae cancellariae pontifici reseruant beneficia in fraudem reservationis ab iis resignata, aut dimissa, qui ab sede apostolica incomparibilia beneficia expectant; tum & ipsa incomparibilia, quae a pontifice obtinuerint, *reg. III.* Item maiores dignitates post pontificalem in ecclesiis cathedralibus, & quae in collegiariis sunt principales, reditumque decem florenorum auri communi aestimatione excedunt; prioratus etiam & praeceptorias generales ordinum, exceptis militaribus: & beneficia, quae familiares papae, etiam dum is cardinalis erat, & cardinalium continui commensales obtinent, & in posterum familiaritate durante obtinebunt, etiam si familiares quauis ratione esse desierint, *reg. IV.* Item beneficia, quae collectores & vnici in quacumque ciuitate vel dioecesi subcollectores reddituum camerae apostolicae durante eorum officio obtinent, *reg. V.*; & beneficia curialium in itinere decedentium, dum curia transfertur, *reg. VI.*; & beneficia cubiculariorum etiam honoris & cursorum pontificis, *reg. VII.*

Ad haec, regulis cancellariae reseruantur etiam beneficia ecclesiarum S. Ioannis Laterani, S. Petri & S. Mariae maioris, & quae vacant in titulis cardinalium ipsis absentibus, *reg. VIII.* Item beneficia omnia non reseruata, quae octo mensibus, nempe Ianuario, Febuario, Aprili, Maio, Iulio, Augusto, Octobri & Nouembri vacauerint, *reg. IX.*; etsi episcopis, qui in ecclesiis suis assidui sunt, non vero aliis collatoribus, concedatur, vt alternis cum pontifice mensibus beneficia alias non reseruata conferant. Item nouo cuique pontifici reseruantur beneficia, quae papa defunctus sibi reseruauerat, & ante obitum vacantia non contulerit, *reg. X.* Et demum beneficia temporariis regulis & constitutionibus reseruati solita, quae vacante apostolica sede vacauerint, & antistites ordinarii non contulerint, vel non iure contulerint, *reg. LXVIII.*

vero ambitu candidatorum ad praeueniendos ordinarios collatores multae fraudes in curiam irreperant, & beneficia necdum mortuis beneficiariis obtinebantur; prodiit regula cancellariae *de verisimili notitia*, qua decernitur, irritas esse collationes pontificias praeuentione factas, nisi a die mortis beneficiarii id tempus effluxerit, ut probabile sit, de ea pontificem certiores fieri potuisse. Quae regula etiam iocum habet, ubi verisimilis quidem notitia poterat haberi, sed probetur, nuntium ante mortem iter Romanum suscepisse: quod *cursum ambitiosum* appellare solent. Ceterum in ecclesiis, ubi per menses collatio beneficiorum inter pontificem & episcopos tributa est, nullus est amplius praeuentionis usus. Chokier in *prooem. reg. VIII. Cancell. n. 17.*

§. IX. Ita Romani pontifices mandatis, reservationibus, praeuentionibus suae potestatis & collationis ferme omnia Occidentis beneficia reddiderunt (c): qua ratione aucta quidem est Romanae sedis dignitas; at exitiale vulnus ecclesiasticae disciplinae inflictum est. Principio mandata captandae alienae mortis praebebant occasionem, quo

(c) Sed quibus rationibus Romani pontifices omnia ferme Occidentis beneficia suo arbitrio & collationi reseruarunt? Sunt, qui opinantur, Romanos pontifices id lucri studio fecisse, ut nempe suos cognatos amicosque ipsamque Romanam curiam locupletarent. Nec sane negari potest, aliquos pontifices reservationum auctores ad rem fuisse auditores. Verum si res in origine sua expendatur, videntur clerici sine titulo ordinati & Romam magno numero confluentes, mandata primum induxisse; pontifices enim sui muneris esse iudicarunt, vacantes clericos antistitibus ad obtinendum aliquod beneficium commendare: qui mos magis magisque inualescentibus sine titulo ordinationibus latius se diffudit. Sed praeuentiones & reservationes nona etiam doctrina innituntur, ecclesias omnes Occidentis ab ecclesia Romana fundatas fuisse, & plenariam omnium beneficiorum collationem ad pontificem pertinere: quae doctrina in ipsis reservationibus saepe exprimitur, *cap. 2. de praebendis in 6.* Et inde etiam increbuerunt illa doctorum placita, Romanum pontificem esse collatorem collatorum, & summum in ecclesia omnium beneficiorum dispensatorem.

quò nihil est a viri boni officio alienius. Mandatis quoque omnia litibus impleta; nam saepe pro pluribus clericis eidem antistiti pontifices mandata dederunt, saepe etiam idem beneficium diuersis mandatis adtrinxerunt; vni vero collato beneficio, ceteri sibi ius ademptum existimabant. Porro mandatis, reservationibus & praeuentionibus aditus dignioribus ad beneficia praeclusus; in tanta enim negotiorum multitudine, quibus aula Romana perstrepebat, facile non erat candidatorum merita expendere, etsi alias pontifices intenderent optimis clericis consulere. Item clerici peregrini, legum & sermonis patrii ignari ad beneficia promoti; hierarchicus ordo turbatus, coactique sunt episcopi reddere rationem de beneficiariis, quos ipsi non constituerant.

§. X. Satis in ecclesiarum perniciem creuerant mandata de prouidendo, reservationes & praeuentiones. Hinc viri cordatiores has nouitates semper reprobarunt, & in synodo Constantiensi moderatio reservationum, sed nullo effectu, exoptata. Sed deinceps synodus Basileensis *sess. XII. & XXIII. cap. 1. & 6.* reservationes omnes abrogauit praeter comprehensas in corpore iuris, quasque pontifices in regionibus ciuili imperio sedis apostolicae addictis facere vellent. Excidit quoque synodus ista expectationes ad beneficia, quae non conferuntur per electionem: tantumque pontifici relicta est facultas mandatorum ad vnum beneficium, si collator habeat in suo iure decem; ad duo, si habeat quinquaginta vel plura; ita tamen ne vnus idemque pontifex duas concederet eiusdem capituli praebendas. Ius vero praeuentionis illacsum intactumque pontifici relictum est.

§. XI. Haec decreta Galli in comitiis Bituricensibus anno *MDCCCXXXVIII.* perlubenter exceperunt, eaque mox in *pragmaticam sanctionem* coniecta sunt. Ita in Gallia canonicae electiones & liberae beneficiorum electiones restitutae: quae disciplina vsque ad pacta conuenta inter Leonem x. & Franciscum i. regem stetit (d). Sed in Italia,

(d) Pacta ista prorsus inuito & repugnante clero inita sunt, iisque nominatio episcoporum & abbatum & priorum conuentua.

talia, Hispania & multis aliis prouinciis, vbi decreta Bafileensia non pari veneratione, ac in Gallia, recepta sunt, mandata, reservationes & praeuentiones continuatae, & latius diffusae. Ergo ventum ad comitia Tridentina, in quibus mandata de prouidendo & reservationes mentales prorsus abolitae sunt, at reservationes & praeuentiones integrae relictae sunt. Trident. *ses. XXIV. de res. cap. 19.* Reservationes mentales ab Iulio II. & Leone X. inductae erant, quibus summus pontifex aliquod beneficium sibi reseruabat, vt illud inde certo clerico, cuius nomen apud se retinebat, conferret. Hoc decreto parum promota est ecclesiastica disciplina; & quid quaeso boni sperari poterat ex abolitione mandatorum, vbi beneficia ferme omnia pontifici erant reseruata?

§. XII. Iam vero post synodum Tridentinam, quasi satis beneficiorum antiquae reservationes non continerent, pontifices nouas induxerunt. Et quidem Pius V. in bulla *ex apostolatus officio* collationi pontificiae addixit beneficia, quae ob haeresein vacarent, paroecias non collatas per sollemne examen ex forma synodi Tridentinae; & in bulla *in conferendis* beneficia, quae contracta fiducia, seu, vt dicitur, *in confidentiam* recipiuntur, ita nempe, vt beneficiarius ex pacto acceptum beneficium resignet sequestro, vel alteri, aut vt pensionem, siue fructus aliquos inde praestet. Item reseruata sunt beneficia vacantia ex resignatione, in qua decretalis Gregorii XIII. *humano vix iudicio* seruata non fuit. Et demum ex bullis Sixti V. & Benedicti XIII. beneficia eo nomine vacantia, quod habitus & tonsura clericalis non deferatur.

§. XIII. Reservationes clausae in corpore iuris non adeo graues visae sunt, & hinc passim vbique receptae. Sed extra corpus iuris vagantes, vtpote graues, nec omnes, nec prout verba sonant, in christianis prouinciis obli-

ualium, qui ex forma *cap. quia* propter *ex. de electione* eligi debent, regi cessit, pontifici vero confirmatio, praeter episcopos vacantes in curia, quos solus papa confert; reservationes prorsus extinctae; mandata potius restricta, quam omnino sublata; praeuentio vero integra pontifici relictæ est.

obtinere, sed quatenus receptae. Porro generalibus reservationibus non continentur iuris patronatus laici & militi beneficia, quae olim, nisi ex adensu patronorum, nec mandatis de prouidendo subiiciebantur. Nec hodie regia potestas apud nos ratas habet pontificis collationes, in quibus ille ex certa scientia & expressione vel in totum, vel pro parte suffragiis patronorum derogauerit.

§. XIV. Iam in collatione beneficiorum, quae pontifici reseruata sunt, beneficiarii ex propriis pecuniis pendunt *annatas*, ut dicuntur, antequam bullas collationis consequantur. Sunt *annatae* media pars fructuum primi anni ex collato beneficio prouenientium, qui fisco pontificio, cardinalibus & inferioribus ministris in collatione beneficii per praematuram solutionem pendi debent. Sic descriptas annatas Bonifacius IX. inter incendia schismatis Auenionensis induxisse videtur, ut suam suorumque leuaret necessitatem, quod tradit Platina in *vit. Bonif. IX.* Initio annatis subiecta beneficia conferri consuevit, at inde, ut reditus esset vberior, extensae sunt ad beneficia vnita, ita tamen ut (quod numquam vacarent) decimo quinto quoque anno penderentur (e). Ut vero constaret de annatarum quantitate, prodiit regula cancellariae *de exprimendo vero valore beneficiorum in impetrationibus*: quae regula in episcopatibus & abbatibus, in quibus annatae secundum antiquas taxationes penduntur, locum non habet. Ceterum minuta beneficia, quae redditum viginti quatuor aureorum de camera non excedunt, annatis non subiacent, quod in Italia seruatur: nam extra Italiam

(e) Annatae non ab omnibus probatae, quin a multis viris doctis tamquam simoniacae traductae, quod non gratis beneficia conferantur. Sed exactio non videtur esse pro collatione, sed potius ad sustinendas Romanae curiae necessitates: qua ratione Petrus de Marca *lib. VI. de C.S. & I. cap. 12.* & Thomassinus *de vet. & noua eccles. discipl. par. III. lib. 2. cap. 48.* nihil turpis lucri annatis inesse contendunt. Quamquam negandum non videatur, clericorum necessitates a multis saeculis luxu & saeculi pompis aestimari.

liam ferme sola beneficia, quae dicuntur *consistorialia*, vectigalia sunt, non item reliqua minora. V. Espen. *par. II. sect. 3. tit. 7. cap. 4.*

C A P V T XLII.

De commendis beneficiorum.

§. I. Species quoque collationis beneficiorum ex novis moribus censentur *commendae*, contra quam quod in veteri disciplina obtinebat. Et quidem prisca aetate in commendationem dare ecclesiam, erat eam vacantem interim idoneo clerico regendam committere, qui a redditibus ecclesiae commissae tantum necessaria alimenta decernebat, eiusque officium desinebat. Statim ac proprius pastor ecclesiae dabatur. Nonnumquam etiam episcopis, quos sedibus suis barbari eiecissent, abbatiae in spiritualibus & temporalibus ad longum tempus commendatae. Greg. M. *lib. I. ep. 38. & seq.* Et quoniam commendae ad tempus erant, receptis regulis non repugnare videbatur, ut pastores aliarum ecclesiarum eas susciperent, aut etiam saeculares clerici interim monasteria administrarent. Ita invaluit regula iuris canonici, vnum clericum duas ecclesias posse retinere, vnam *titulo*, seu proprio & perpetuo iure, alteram *commendatione*, quam regulam Leo IV. & Gregorius IV. proponunt, *can. 3. C. 21. q. 1., cap. 54. ex de electione.*

§. II. Sic descriptae commendae utilitati ecclesiarum inferuebant, nec iis canones erant impedimento. At quod in utilitatem ecclesiarum receptum erat, labentibus annis in ipsarum perniciem mirabiliter conuersum est. Et sane episcopi aliique ordinarii collatores fuco commendarum plura singularia beneficia vni coeperunt conferre; nam vnum beneficium in titulum possidenti perpetuas aliarum ecclesiarum dabant commendas, idque sacris canonibus aduersari non credebatur, etsi integrum negotium in beneficiarii utilitatem cederet. Conc. Salmu-

rienle anno CCCCCLIII. *can. XXVIII.* Praeterea saepe non presbyteri paroecias & clerici saeculares monasteria in commendationem perpetuam acceperunt, idque eo colore, quod clerici commendarum non necessario eiusdem ordinis & instituti esse deberent, ac veri pastores. Interim synodus Salmuriensis vetuit, paroecias iis commendari, qui aliam paroeciam, aliudue beneficium obtinerent: & synodus Lugdunensis sub Gregorio x. paroeciarum itidem commendas excidit, tantumque in ecclesiae vtilitatem ad sex menses eas permisit commendari, *cap. 15. ex. de elect. in 6.*

§. III. Post synodum Lugdunensem cessarunt quidem episcopi paroecias in commendationem perpetuo dare; at deinceps opera Romanorum pontificum commendae omnis generis beneficiorum, etiam episcoparum & abbatiarum, ad locupletandos clericos torrentis instar exundasse visae sunt. Tanta licentiae aditum Clemens v. aperuit, *extraug. 2. de praebendis inter communes*: inde quousque Avenione fixa stetit sedes apostolica, & multo magis in schismate Avenionensi abusiones creuerunt; nam dissentientes pontifices siue coaceruatione beneficiorum, siue commendarum effusione rem promonebant suam. Exstincto schismate mali mores etiam steterunt: praesertim vero commendabantur monasteria cardinalibus & praelatis, qui id sibi oneris imponi petebant; ad instaurandam monasticam disciplinam.

§. IV. Vix autem diei potest, quo exitiali vulnere adfecta est ecclesiastica disciplina, ex quo commendae, quae in ecclesiarum vtilitatem erant institutae, in commodum clericorum degenerarunt. Reditus ecclesiarum absumti, ecclesiae & monasteria collapsa, perdita omnis siue clericorum, siue monachorum disciplina, Dei cultus neglectus, peregrinis hospitia denegata, pauperibus nihil relictum, *extraug. 2. de praebend. inter communes*, conc. Lateran. sub Leone x. *ses. IX.* Nam boni isti custodes & in rem suam procuratores vniue redditibus colligendis solliciti, nihil aut parum clericis & monachis ad vitam sustinendam, & ad externum religionis cultum relinquebant; & ab ecclesiis sibi commendatis absentes quae clericalem & monasticam vitam poterant promouere?

§. V.

§. V. In tanta ecclesiarum & monasteriorum calamitate degeneres commendae inuita canonica iurisprudentiâ semper continuarunt; status enim Romanae curiae talis erat, ut nec mala commendarum, nec remedia ferre posset. At Tridentini patres commendas omnes, saltem in futurum, videntur abrogasse; in primis *ses. VII. de ref. cap. 4.* prorsus eliminarunt commendas, quae ecclesiarum & beneficiorum singularium coacervationi inseruiebant; & deinde tum vigentes commendas monasteriorum, in quibus erant monachorum conuentus, quousque viuerent fiduciarii abbates, tolerarunt, exceptis monasteriis, quae erant ordinum capita, in quibus etiam tum vigentes commendas sustulerunt; at ubi toleratae commendae vacarent, iterum monasteria commendari vetuerunt: *quae vero in posterum vacabunt, non nisi regularibus spectatae vitae & sanctitatis conferantur, ses. XXV. de regularibus cap. 21.* Ita Tridentina synodus commendas omnes monasteriorum in futurum deleuit. V. *Esper. par. I. tit. 31. cap. 7.* At quis crederet! commendae monasteriorum & prioratuum, quae in commendam dari consueuerant, etiam post Tridentinum continuarunt, monasteriis ordinum principibus tantum exceptis. Passim quoque in commendam conceduntur monasteria monachis destituta: quin etiam ipsa simplicia beneficia saecularia in perpetuum cardinalibus solent commendari. Sed in monasteriis in commendam dari consuetis mensae abbatis & monachorum seiunctae sunt. *Gregor. XIII. bul. superna XVIII. in bull. Rom.*

§. VI. Illud interim obseruandum, moribus praesentibus commendas potius verbis, quam re differe a beneficiis; etenim non secus ac beneficia in perpetuum conceduntur, & fiduciarii clerici effectu iuris iisdem ferme praerogatiuis ac veri beneficiarii fruuntur. Ita habent liberam prouentuum administrationem; habent iurisdictionem in monachos, qua utuntur, si in beneficio ipsi morentur, & ordinarius praelatus eiusue vicarius absit. *Ant. Faber in cod. lib. I. tit. 2. def. 34.* Porro in Gallia commendis aucti ad sacros ordines suscipiendos coguntur, conc. Rothomag. anno MDCLXXI. *tit. de monaster. cap. IV.*, & in Italia similiter tenentur ad ordines suscipiendos,

piendos, & ad assiduam moram, si animarum cura interior monachorum aut aliorum fidelium ipsis fiduciariis incumbat. Gallimart. *adnot. ad Trident. ses. VI. de ref. cap. 2.* Ceterum commendata beneficia pristinam qualitatem non deperdunt, etsi longo usu commendentur iis, qui eiusdem ordinis & instituti, ac veri titulares, non sunt.

§. VII. Solus summus pontifex ex recepta disciplina commendas concedit. Nempe perpetuae commendae, quae effectu iuris vera beneficia reputantur, iis concedi solent, qui qualitatibus ad obtinenda beneficia destituuntur, veluti monastica beneficia praelatis saecularibus. Hinc solus summus pontifex, cui soli competit facultas canones relaxandi, commendas concedit, quod dum facit, canones relaxare censetur. Immo ex noua disciplina nec episcopis licere videtur semestres paroeciarum vacantium commendas ex forma synodi Lugdunensis sub Gregorio x. concedere; nam Tridentina synodus *ses. XXIV. de ref. cap. 18.* decreuit, vt episcopus statim a noticia vacationis paroeciarum, si opus fuerit, oeconomum seu vicarium constituat cum congrua fructuum parte, qui ecclesiam regat, quousque parochus constituatur.

C A P V T XLIII.

De laica beneficiorum collatione.

§. I. **Q**uamuis beneficiorum collatio res spiritualis sit, & sacerdotio cohaereat, tamen mediis saeculis laici plures eam sibi nullo iure adquisuerunt. Sane laici nono saeculo & deinceps in ecclesiis, quas in feudum ante acceperant, beneficiarios creare, eosque mox pro arbitrio expellere solebant. Interim quod laicis minorum Dei dispensatio non competebat, canones eiusmodi ecclesiarum concessionem pluries damnarunt. Thomass. *de vet. & noua eccles. discipl. par. II. lib. 1. cap. 55.* Quibus iteratis decretis non per omnia desierunt laicorum collationes; nam Carolus Molinaeus *ad reg. de infirmis resi-*

resignantib. n. 416. seqq. plures nobiles laicos recenset, qui beneficia, immo paroecias conferunt.

§. II. Frequentibus canonibus abolitae quidem sunt pleraeque laicorum collationes, at integra remanserunt iura regum, qui olim contulerunt, & nunc conferunt multa beneficia, praesertim aere regio fundata. Hoc iure vsi sunt olim reges Angliae, *cap. 4. de consuetud. in 3. collect. apud Ant Augustinum*, & reges Galliae & Apuliae etiam nunc vtuntur. Et certe Reges nostri creant archipresbyterum Alti Muri, priorem S. Nicolai Bariensis, abbatem S. Egidii Altaeuillae, qui omnes quasi episcopali dignitate decorantur; & porro conferunt multa alia minora beneficia in variis dioecesium regni siue simplicia, siue cum cura animarum. V. Chioccarel. *arch. tom. VI. & Troylum tom. IV. hist. par. 2. cap. 3.*

§. III. At qui possunt reges suapte potestate beneficia conferre, & sacra officia committere, non interueniente episcopi iussione, aut confirmatione? Varia commentum sunt rei canonicae consulti ad hunc nodum extricandum; verum illud magis videtur ad rem, reges beneficia conferre, tamquam episcoporum vicarios ex expressa vel tacita ecclesiae concessione; separatis enim ab ordinatione beneficiis, horum collatio etiam laicis adquiri potuit, immobili penes episcopos ordinum collatione remanente. Ipse Bonifacius VIII. etsi Philippo Pulcro minus aequus, professus est, beneficiorum collationem laico posse competere, *ecclesiae consensu tacito vel expresso*, *ap. Raynaldum ad an. CIOCCCXI. n. 34.* Hinc si reges conferunt beneficia, nec eius rei exstat priuilegium, dicendum est, longa consuetudine ex tacito ecclesiae consensu beneficiorum collationem regibus quaesitam.

C A P V T XLIV.

De iure patronatus.

§. I. **A**ntistites beneficiorum collatores saepe tenentur conferre certis clericis, quos alius ex iure in ecclesiam nominauerit: quo casu offerens *patronus*, beneficia *iuris patronatus*, & collatio stricto sensu *institutio* dici solet. Itaque ius patronatus est facultas a canonibus data, qua patronus vacante beneficio idoneum ministrum offert, ab episcopo, alioque collatore instituendum, & simul aliis iuribus partim vtilibus, partim onerosis, partim honorificis vitur. Hoc sensu acceptae voces *patroni* & *iuris patronatus* etiam postquam res ipsa innotuerat, non occurrunt: veteres enim utebantur nominibus *fundatoris* & *aedificatoris*, nominatio vero iis data potius *gratia*, quam ius dicebatur.

§. II. Hoc sensu acceptum ius patronatus in ecclesia diu ignotum, tempore addito sensim receptum est. Et in Occidente quidem primum synodus Arausicana anno cccxli. *can. X.* gratiam fecit episcopo, qui in aliena dioecesi ecclesiam exstrueret, vt, ad eam regendam pro arbitrio clericos eligeret, & loci episcopo sisteret ordinandos. Satis restrictum beneficium, quo tantum episcopus augebatur; at deinceps & in Occidente & in Oriente etiam fundatores omnes iure nominationis aucti sunt. quae disciplina saeculo sexto iam inualuerat, *L. 46. §. 3. C. de episc. & clericis*, conc. Tolet. ix. *can. 2.* Sed hac aetate praerogatiua ista personalis erat, nec in heredes fundatorum transibat, quod expresse mox laudatus canon ii. Toletanus edicit, donec eo ventum est, vt nominatio fundatoribus concessa etiam in heredes deuolueretur. Et ita ius patronatus, quod rebus sacris adhaeret, inter iura hereditaria reputari coeptum est.

§. III. Pluribus vero modis ius patronatus acquiritur, quorum potiores sunt ecclesiae fundatio seu constructio,
& do-

& dotatio. Et fundatio quidem, qua ius patronatus adquiritur, est ecclesiae aedificatio, quae contineat dotationem; vetant enim canones, ecclesiam aedificari, nisi prius satis reddituum alendis ministris & sustinendo religionis exercitio tribuatur, *can. 26. C. 16. q. 7., can. 9. D. 1. de consecr. V. Franc. de Rove in prolegom. de iure patron. cap. XIII.* Et profecto non convenit cum canonibus sententia illa, quae habet, etiam adquiri ius patronatus sola fundi, seu areae, in qua ecclesia aedificetur, datione. Quod si ecclesia aedificata sit, & eius redditus defecerint, tum sola dotis assignatione ius patronatus adquiritur, *Trident. sess. XIV. de ref. cap. 12.*; haec enim liberalitas aequivalet foundationi. Inest autem ius patronatus ecclesiae foundationi, aut dotationi, nec necesse est, ut specialiter reservetur, *cap. 25. ex. de iure patronatus*, modo expresse aut tacite eidem non renuntietur.

§. IV. Adquiritur quoque ius patronatus antiqua possessione, *cap. 24. ex. de electione*, & quidem contra patronum quadraginta annorum possessione, at contra ecclesiam liberam vetusta possessione, cuius contraria memoria non exstat, praesertim si praescribens laicus sit, *cap. 1. de praescript. in 6.* Vbi ius patronatus in heredes devolutum est, sensim veluti cetera iura hereditaria haberi coepit, atque ideo praescriptioni obnoxium. Antiqua possessione adquiri ius patronatus etiam Tridentina synodus *sess. XXIV. de ref. cap. 9.* admittit; verum probari voluit ex multiplicatis praesentationibus per antiquissimum temporis cursum, qui hominum memoriam excedat: & si agatur de personis & universitatibus, in quibus praesumi potest usurpatio, plenior probatio ad docendum verum titulum praescripsit, & immemorabilem possessionem tum suffragari voluit, si praeter reliqua ad eam necessaria praesentationes etiam continuatae non minori quinquaginta annorum spatio, quae omnes effectum habuerint, authenticis scripturis probentur. Sed decretum hoc nec alibi, nec apud nos receptum est.

§. V. Porro multi patronatus ex regum, aut episcoporum & pontificum liberalitate originem habuerunt. Nimirum a tempore Caroli Martelli consueverunt principes monasteria & ecclesias militibus in feudum aut alodium

concedere. Milites autem acceptas ecclesias veluti in privato dominio tenebant, & presbyteros, etiam infcio episcopo, instituebant & expellebant. Interim episcopi omni studio ecclesias a manibus laicorum excutere curarunt, & multis canonibus statutum, ne laici ecclesias concederent. Hinc multi laicorum bonam mentem induerunt, & a se possessas ecclesias cesserunt monachis aut canonicis, & ita exorti sunt multi ecclesiastici patronatus: in ecclesiis vero, quas laici retinuerunt, collatio versa est in nominationem. Ipsi quoque episcopi & pontifices ecclesias multas collegiis canonicorum aut monasteriis adiunxerunt, quo factum est, ut in multas ecclesias canonicis & monachis ius patronatus adquisitum sit. Privilegiis item summorum pontificum aliquando etiam patronatus quaesiti, sed eiusmodi privilegia synodus Tridentina *ses. XXV. de ref. cap. 9.* videtur abrogasse, exceptis patronatibus, qui super ecclesiis cathedralibus comperunt, & qui summis potestatibus & studiorum vniuersitatibus concessi sunt.

§ VI. Iam ius patronatus aliud ecclesiasticum, aliud laicum est. Ecclesiasticum ecclesiae seu dignitati adhaeret, fortasse quia ecclesia ex alterius ecclesiae prouentibus fundata est, aut si patronus laicus ius suum alicui ecclesiae cedat. Contra laicum dicitur, quod ratione patrimonii in ecclesiam collati siue clerico, siue laico competit; cuius naturae etiam est patronatus, si a clerico beneficium ex prouentibus ecclesiasticis excitetur; ex praesenti enim disciplina clerici in foro externo redditus ecclesiasticos ad instar proprii patrimonii tractant. Franc. de Roze *proleg. ad tit. de iure patron. cap. VI.* Ex his duabus speciebus conflatur mista patronatus species, veluti si ex duobus laicis patronis alter ius suum ecclesiae cedat. Vtriusque naturam, si patroni coniunctim praesentent, mistus patronatus induit, & in speciebus obuenientibus ea conditio attenditur, quae patronis magis fauet.

§ VII. Porro ius patronatus in *reale* & *personale* diuidi solet, quorum illud glebae, seu fundo adhaeret, illudque exercet, qui fundum tenet; hoc vero certae personae seu familiae competit, nulla alterius rei habita ratione, diciturque personale, non quod finiatur cum persona,

sona, sed vt ab eo; quod rei adhaeret, distinguatur. Ius patronatus, quod fundo adhaeret, ab oratoriis & sacellis, quae in villis suis in familiae commodum nobiles excitare consueuerunt, originem videtur habuisse: haec enim sacella, vtpote in commodum villarum, seu in iis habitantium exstructa, videntur ex mente fundatorum rebus ipsis adnexa. V. *Espen. par. II. sect. 3. tit. 8. cap. 2. edit. Neapol.* Quod si patronatus feudo adhaereat, & feudum in ecclesiam transferatur, ille naturam non mutat, atque ideo laicus perseuerat; ratione enim feudorum ecclesiae tamquam laici reputantur.

§. VIII. Ius patronatus semel quaesitum in alios pluribus modis transfertur. Et primum quidem patronatus ecclesiasticus cum officio, seu dignitate, cui adnexus est, transfertur; seorsum vero transferri non potest, nisi ex forma, qua res ecclesiarum solent alienari. Patronatus quoque rei adhaerens, vna cum ipsa re ad instar aliorum iurium, quae praediis inhaerent, transfertur, siue dominium plenum, siue semiplenum, quod *utile* appellant, transferatur, licet in fundi alienatione nulla patronatus mentio iniiciatur, *cap. 13. ex. de iure patronatus*. Hinc si patronatus fundo dotali adhaereat, ad maritum, stante matrimonio, praesentatio spectat: receptumque etiam est, praesentationem a bonae fidei possessore factam valere, & inde factam institutionem sustineri, etiamsi fundus postea euincatur, *cap. 19. ex. eodem*. Sed patronatus personalis transfertur cum hereditate siue testamentaria, siue legitima in heredes in solidum, licet hereditas inaequaliter diuidatur, quia ius hoc est indiuiduum, excepto iure praesentandi, in quo heredes in stirpes, non in capita succedunt, *Clement. 2. de iure patronatus*. Ceterum potest fundator patronatum alicui de familia, siue etiam extraneo assignare: quo casu cum hereditate fundatoris patronatus non transfertur. Patronatus transfertur etiam permutatione cum alia re spiritali, *cap. 6. ex. de rer. permutatione*, & donatione, seu cessione, quae si ecclesiae vel monasterio fiat, episcopi consensu opus non est, *cap. ult. de iure patronat. in 6.*

§. IX. Iura patronis debita plura sunt, sed praecipuum est *nominatio seu praesentatio*, qua patronus, ecclesia

eclesia seu beneficio vacante, rectorem collatori offert, a quo instituatur (a). Praesentatio ista tum facta censetur, si electum patronus collatori sistat: quod hodie fieri solet per authenticas litteras collatori praesentatas. Si patroni plures sint, & collegium componant, praesentatio per collegium fieri debet secundum receptas regulas electionis: si vero pluribus seorsum patronatus competat, singuli seorsum possunt nominare: nec tenentur omnes eundem clericum sistere: & si plures quam duo patroni sint, ille praefendus, qui a maiori parte nominatur, *cap. 3. ex. de iure patronatus*. Praesentatio autem, si patronatus ecclesiasticus est, fieri debet intra sex menses, si vero laicus, intra quatuor, *cap. vn. §. 1. de iure patron. in 6.* Incipit utrumque tempus a die scientiae vacationis, eoque exacto & litteris nominationis non exhibitis, ordinarius antistes pro iure suo beneficium confert.

§. X. Quousque legitimam tempus ad offerendum non impletur, patronus laicus, rebus integris, hoc est nondum facta institutione, pro iure suo plures, vnum post alium potest offerre, non item ecclesiasticus, qui vnum tantum praesentabit, quae differentia demum Lucii III. rescripto inualuit, *cap. 24. ex. de iure patronatus*. Verum dum secundum laicus patronus praesentat, primo oblatum reiicere vetatur: & hinc variatio ista doctoribus *cumulativa* dicitur. Videretur autem laicis concessa plures offerendi potestas, ut episcopi collatio liberior, & ius patroni non adeo efficax euaderet. Quidquid vero huius rei sit, pluribus per successionem praesentatis, integrum est episcopo eorum vni conferre beneficium.

§. XI. Si inter plures oriatur controuersia, cui patronatus competat, ut ad patroni praesentationem beneficium conferri debeat, intra sex, aut quatuor menses pro

(a) Solus ecclesiae rector seu beneficiarius patroni nominatione instituendus est, & si necessarii sint alii clerici ad ecclesiae seruitium, ii etiam sine adsensu patroni constituuntur, quae est recepta disciplina veteribus regulis aduersa; antiquitus enim omnes clerici a patrono etiam offerebantur. Conc. Arausic. 1. can. 10., *verumt. Luffin. CXXIII. cap. 18.*

pro patroni qualitate finienda est, *cap. 3. & 27. ex. de iure patronatus*: nam eo tempore elapso libere confert ordinarius antistes. Quod si constet, beneficium esse iuris patronatus, & inter litigantes de vnus nominatione conveniat; tum etiam si lis tempore legitimo finita non sit, praesentatio est admittenda, nullum enim inde in ecclesiam damnum deriuatur. Verum praescripta tempora non procedunt, si lis inter patronum & episcopum siue de ipso patronatu, siue de nominati qualitatibus emergat, & quousque quaestio est, patroni nominatio non praescribitur, ne facile sit episcopo excitatis controuersis patronos iure praesentationis spoliare. V. Franc. de Roye in *cap. 3. ex. de iure patronatus*.

§. XII. Qui autem a patrono offertur instituendus, idoneus obtinendo beneficio esse debet; pertinetque profecto ad patroni officium, ut optimi quique beneficiis augeantur. Conc. Tolet. ix. *can. 2.* Idoneus autem ille censetur esse, qui conditiones habet a canonibus ad beneficia acquirenda praescriptas, & in fundatione appositas. Ut vero constet, nominatum esse idoneum, in eius qualitates pro iure suo episcopus inquit, nisi ab vniuersitatibus studiorum praesentatio fiat. *Novel. LVII. cap. 2. Trident. sess. VII. de ref. cap. 13.* Quod si examine instituto nominatus idoneus non reperiatur, collator eum a beneficio repellit, *cit. can. 11. conc. Tolet.*, modo palam constet, praesentatum esse indignum, *capit. reg. Franc. lib. V. cap. 178.*; nam si in hac re solius episcopi iudicio standum sit, patroni facile iuribus suis exciderent. Hinc ab iudicio collatoris praesentatum veluti indignum reiicientis locus est appellationi. *Garcias de benef. par. X. cap. 4. §. 9.* Vbi nominatus tamquam indignus reiectus est, patronus ecclesiasticus pro ea vice nominatione cadit, non vero laicus, qui alios potest offerre. Franc. de Roye *ad cap. 14. ex. de iure patronatus*.

§. XIII. Praesentatione intra tempus legitimum a patrono facta, tenetur collator antistes beneficium dare praesentato: quae est collatio minus libera, quae stricto sensu dicitur *institutio*. Et si praeter patroni nominationem beneficium detur, institutio nulla est; nominatus enim per praesentationem ius ad beneficium acquirit, *can. 32.*

C. 16. q. 7. Tum vero nulla est beneficii collatio, si inuito patrono fiat; nam si nondum tempore ad praesentandum impleto collator beneficium conferat, & patronus eo currente nullum offerat, institutio sustinetur, ei que saltem tacite patronus censetur consentire; currente enim ad praesentandum tempore inest antistitibus, licet obstricta, facultas conferendi; & hinc dum patronus iure suo non utitur, firma manet antistitis collatio. V. *Espen. par. II. sect. 3. tit. 8. cap. 5. edit. Neapol.*

§. XIV. Praeter praesentationem etiam alia iura siue utilia, siue onerosa, siue honorifica patronis competunt. Et ad utilia iura quod spectat, patroni ad inopiam redacti ab ecclesiis, quas fundarunt, aut dotarunt, iure exigunt alimenta, eaque ecclesia, veluti vicem rependens, praebet, *can. 30. C. 16. q. 7.* Hinc non omnibus patronis debentur alimenta, sed illis tantum, qui ecclesias fundarunt, vel bonis suis auxerunt, etsi fundator ea de re nihil sibi suisque stipulatus sit, vel iuri nominandi renuntiavit. V. *Espen. loc. cit. cap. 6.* Alimenta autem patrono pauperi ab ecclesia exhibenda sunt pro eius conditione, & ecclesiae redditibus. Porro etiam extra necessitatem potest patronus in fundatione sibi suisque, immo extraneo reservare annuam pensionem, *cap. 16. ex. de censibus*; quae ab episcopo probata & admissa recte exigitur.

§. XV. Illud vero oneris patronis incumbit, ut summa vigilantia ecclesias tueantur, & praeterea videant, num beneficiarii ex ecclesiae sententia sacros prouentus administrent. *Conc. Tolet. ix. can. 1. V. Franc. de Roye proleg. de iure patr. cap. 27.* Itaque si beneficiarii inferiores aliquid de bonis ecclesiae defraudauerint, patroni aut eos amice debent admonere, aut episcopo, siue iudici denuntiare; & si eodem vitio episcopus laboreat, metropolitanum adire, contra metropolitanum vero Regem ipsam interpellare, quod aperte laudatus canon Toletanus habet. Et quamvis synodus Tridentina *ses. XXIV. de ref. cap. 3.* statuerit, ne patroni administraudis sacramentis, aut visitationi vestimentorum ecclesiae, aut eiusdem prouentibus se immisceant; tamen non videtur sustulisse vigilantiam patronis olim ab ecclesia datam; sed canon iste videtur tantum capere, ne tuitio ista in abusionem degeneret;

§. XVI.

§. XVI. Demum patronis, qui fundarunt, aut dora-
runt ecclesias, debentur iura quaedam *honorifica* inter-
pretibus dicta, idque etsi illi praesentationi renuntiarent.
Sunt iura ista signa quaedam honoris & reuerentiae, qui-
bus patronos suos ecclesia colit. Olim non erant determi-
nata, sed in noua disciplina haec passim recepta sunt,
honor processionis, precum, thuris, sedis, aquae benedictae,
panis benedicti, & sepulturae. Honor processionis in no-
ua disciplina exhibetur patrono, si illi in ecclesiam ve-
nienti clerus in processionem digestus occurrat, itemque
si illi honoratior locus in publica & sollemni processione
concedatur. Sed sollemnis occursum tantum regibus &
principibus patronis exhiberi solet. Honor precum facit,
vt patroni nomen inter publicas preces recitetur. Honor
thuris id patrono tribuit, vt thuris suffimen in publicis
functionibus patrono speciatim exhibeatur. Honor aquae
benedictae facit, vt dum aqua illa adspargitur, praeci-
pue patroni ratio habeatur: & honor panis benedicti id
proprium habet, vt patronus ante omnes eum accipiat,
& offerat. Honor sedis desert patrono perpetuam & fi-
xam in ecclesia sedem, quae eo honoratior censetur, quo
est proximior sanctuario. Et demum honor sepulturae eo
spectat, vt patronus honoratiore ecclesiae loco sepeliatur.
Ceterum in his signis honoris exhibendis ecclesiarum mo-
res seruandi sunt, tum quod spectat ad exhibitionis mo-
dum, tum ad personas, quibus praestantur.

C A P V T XLV.

Quibus conferenda beneficia.

§. I. **B**eneficia his tantum conferre licet, qui qualitati-
bus per canones requisitis aucti sunt: quas qua-
litates separata ab ordinibus beneficiorum collatione no-
vi canones praescripserunt. Principio beneficiorum inca-
paces

paces ferme laici sunt (a), tantumque clericis & monachis ea conferri debent, & quidem eo discrimine, vt saecularia clericis, regularia regularibus conferantur. V. *Espen. par. II. sect. tit. 1. cap. 3. edit. Neapol.* Sane vita clericalis & monastica sibi inuicem aduersantur, & idcirco nec clericis beneficia monastica, quae monachalem disciplinam spectant, nec monachis saecularia beneficia conferenda. Hinc recepta sententia est, saecularia beneficia, quibus nulla subest cura animarum, monachis sine venia pontificis conferri non posse. Verum vtrum similiter pontificis indulgentia necessaria sit, an tantum venia suorum praelatorum requiratur, vt possint monachi & canonici regulares ad parochiales curas promoueri, interpretes disputant.

§. II. Item clericus aut monachus beneficiorum capax debet esse aetate legitima. Et decani quidem, archidiaconi & parochi creari non possunt, nisi vicesimum quintum annum attigerint, quod synodus Lateranensis sub Alexandro III. statuit, *cap. 7. §. 2. ex. de electione.* Et ex cancellariae regula a Paulo III. edita quatuordecim annos nati capaces sunt praebendarum in ecclesiis cathedralibus, decem annos nati in collegiatis inferioribus, & septem annorum aetas sufficit ad capellanias & simplicia beneficia: qua regula statutos annos impletos esse oportet. Verum Tridentina synodus *ses. XXIV. de ref. cap. 12.* ianouato concilii Lateranensis canone, insuper statuit, ad dignitates & personatus, quibus animarum cura nulla subest, clericos *viginti duobus annis non minores*, hoc est maiores, promoueri; ad simplicia vero beneficia obtinenda quatuordecim annos inceptos sufficere, *ses. XXIII. de ref. cap. 6.*, nisi canonicis incumbat onus, quod ordinem sacrum requirat. Sic statuta aetas nihil commune habet cum aetate ad ordines necessaria: & hinc qui ex indulgentia ante annum vicesimum

mm

(a) Tantum ex lege foundationis consensu superioris ecclesiastici probata potest laico patrono praebenda canonica vel dignitas reservari, vt apud nos exemplo esse possunt Reges nostri, quibus in basilica S. Nicolai Bariensis ex lege foundationis prima dignitas thesaurarii competit.

num quintum presbyter creatus est, adhuc incapax ad parochiales curas censetur. Ceterum Tridentinus canon de simplicibus beneficiis ita acceptus est, ut in beneficiis antiquis, hoc est ante eius synodi publicationem fundatis, praesentari & institui valeant clerici septennio maiores; at in novis qui quatuordecim annorum sunt. Verum apud nos pactis conventis inter Benedictum XIV. & Carolum olim Regem nostrum *cap. IV. n. 5.* haec interpretatio restricta est, & septennio maiores tantum ea antiqua beneficia possunt obtinere, ad quae in tabulis foundationis vocantur.

§. III. Porro qui beneficiis donantur, certo ordine debent esse initiati, aut quamprimum initiari. Et quidem archidiaconi, decani, parochi & quotquot in ecclesiis cathedralibus & collegiatis beneficia obtinent, quibus certi ordines sunt adnexi, intra annum post collatum beneficium ordine necessario debent initiari, *cap. 14. de electione in 6., Clement. 2. de aetate & qual. ordinandorum.* Incipit autem annus ex decreto synodi Lugdunensis sub Gregorio X. a die commissi regiminis, *cit. cap. 14.*; at Bonifacii VIII. interpretatione currit a tempore, quo beneficiarius habet *pacificam possessionem*, aut per eum stetit, quo minus haberet, modo iusta causa ordinationem non impedierit, *cap. 35. de elect. in 6.* Si praefixo tempore beneficiarius non ordinatur, & beneficium parochiale sit, ipso iure nullaue praemissa monitione paroecia cadit, *cit. cap. 14. exceptis ecclesiis collegiatis parochialibus*, in quibus beneficiarius legitimo tempore non ordinatus sententia iudicis beneficio exuatur, *cap. 22. eod. in 6.* Haec omnia vera sunt ex generalibus decretalium regulis; nam ex foundatione, aut ecclesiarum moribus saepe ordo necessarius est tempore collationis: quo casu ordo dicitur adnexus *actu*, & ipsam collationem praecedere debet. V. Garciam *de benefic. par. VII. cap. 1. n. 57.* & Fagnan. *ad cap. ut abbates ex. de aetate & qual. ordinandorum.*

§. IV. Necessaria quoque est iis, qui beneficiis augentur, scientia, quae functionibus beneficio adnexis respondeat. Ita parochiales curae iis conferendae, qui eminenti rerum diuinarum & sacrorum canonum scientia prae-

praediti sunt; cura enim animarum veluti ars artium merito habetur. Nec minor fortasse scientia necessaria est in dignitatibus & canonicis ecclesiae cathedralis, qui ex noua disciplina ecclesiae senatum, cuius adiutorio & consilio episcopus ecclesiam regere debeat, constituunt. Hinc vota illa synodi Tridentinae, vt in ecclesiis cathedralibus & collegiatis insignibus, dignitates omnes & saltem dimidia pars canonicatum scientia illustribus viris, qui academicis theologiae & iuris canonici gradibus fulgerent, conferantur. Trident. *ses. XXIV. de ref. cap. 12.*

§. V. Iam incapaces beneficiorum sunt clerici a canone alieni, item excommunicati, aliaue censura ecclesiastica irretiti, *cap. 26. ex. de rescriptis, cap. 7. ex. de clerico excommun. ministrante.* Verum natis ex iniustis nuptiis potest episcopus ad minores ordines & simplicia beneficia veniam indulgere, *cap. 1. de filiis presbyterorum in 6.*, modo non sint illegitimi filii clericorum, quibus nec ex venia episcopi licet aliquod obtinere beneficium in ecclesia, vbi pater aliquod beneficium obtinet, aut obtinuerit; idque vt a locis Deo dicatis paternae incontinentiae memoria longe arceatur, *cap. 13. ex. de filiis presbyterorum.* Item filii presbyterorum etiam legitimi, hoc est ante patris ordinationem ex iustis nuptiis suscepti, vetantur obtinere beneficia, quae eorum pater nulla persona intermedia obtinuerit, *cap. 11. ex. eodem*: idque ad extirpandas ab ecclesia hereditarias successiones. Nec capaces sunt beneficiorum clerici coniugati, *cap. 1. c. 5. ex. de clericis coniugatis*: quae disciplina inducta est, vbi copia fundorum sacris officiis accessit, ne patres amore filiorum bona ecclesiae in filios transferre studerent. Et demum beneficia ex peculiaribus ecclesiarum & regnorum moribus tantum eiusdem ecclesiae, aut prouinciae, aut regni ciuib. conferenda sunt: quod ius etiam obtinet apud nos, litteris enim Caroli VI. beneficia & pensiones huius regni tantum eiusdem ciuib. conferri debent.

§. VI. Ex pluribus clericis, qui nullis impedimentis detinentur, beneficium digniori conferri oportet; peccantque profecto grauiter collatores, qui posthabitis dignioribus dignos beneficiis augent. *Espen. par. II. sect. 3. tit. 14. cap. 2. edit. Neapol.* Sane quo digniores sunt pastores & bene-

CAP. XLV. QVIBVS CONF. BENEF. 465

beneficiarii, eo melius ecclesia administratur, & in virtutibus proficit: quae ratio etiam locum habet in simplicibus beneficiis. Ille vero dignior censetur, qui praeter aliis secundum praesentem rerum statum ecclesiae utilior esse valeat. S. Thom. 2. 2. q. 63. art. 2. Quod si iure decretalium ratae sint collationes dignis factae, & collatores poenis tum subiiciantur, si indignos beneficiis auxerint, aut elegerint, *cap. 19. ex. de praebendis, cap. 7. de electione in 6.*; id quidem spectat forum externum ad evitandas lites, at in foro interno procul dubio peccant, qui minus dignos praeserunt. V. Thomass. *de veteri & nova eccles. discipl. par. II. lib. 1. cap. 40.*

§. VII. Verum quidem est, iure decretalium non rescindi collationes beneficiorum dignis factas; at quod spectat ad parochias, expressa lege collatores Tridentina synodus adstrinxit, ut eas dignioribus conferant. Et quo melius dignior innotescat, sollemni examine, quod *concursum* vocant, paroecias omnes, etsi reservatas vel adfectas, dandas edixit, nisi admodum exigui redditus sint, aut nemo sit, qui examini se sistat, aut in locis sint aperta factiones, quae in tumultus evaderent; quibus casibus concessum episcopo priuatum examen instituire. Instituire debent examen episcopus ipse, aut, eo impedito, vicarius generalis, & examinatores synodales saltem tres: qui doctrinam, mores, vitam candidatorum explorent, & inde renuntient quotquot idoneos iudicauerint, ex quibus iudicio episcopi seligendus dignior, eique ab eo, cuius est conferre, paroecia danda est. Quod si paroecia sit iuris patronatus ecclesiastici, & institutio ad episcopum pertineat, patronus ex probatis digniorem ei sistere tenetur: si vero alterius sit institutio, episcopus digniorem designabit, quem patronus collatori praesentet. Sed si patronatus sit laicus, a patrono oblatus examini subiiciendus, qui si idoneus reperiatur, admittendus est. Trident. *ses. XXIV. de ref. cap. 18.*

§. VIII. Haec est forma conferendi parochias, quam Tridentina synodus proposuit, quae etiam iudicio episcopi seligentis standum praecipit, nec appellationem admittit. Inde Pius v. *bull. in conferendis*, sacra congregatio concilii Clementis xi. iussu, & nouissime Benedictus xiv.

Part II.

G g

bull.

bullæ cum illud LXVIII. exactiorem formam examini instituendo proposuerunt, multa innouarunt, dederuntque etiam facultatem ab irrationabili examinerum & episcopi iudicio prouocandi, non impedita tamen exsecutione electionis ab antistite factæ. Verum Pii constitutio, quod iura patronorum deminueret, & in collationibus deuolutis ad sedem apostolicam, vel deuoluendis vi eiusdem constitutionis sollemne examen remitteret, nec alibi, nec apud nos recepta est. Quin nec apud nos amplius admittuntur collationes in forma *dignum*, vt dicitur, quibus summus pontifex resignatas in fauorem paroccias remisso sollemni examine conferre solet.

C A P V T XLVI.

De coniungendis ecclesiis & beneficiis.

§. I. **C**oniunctio ecclesiarum & beneficiorum, quæ communiter *unio* dici solet, est duarum pluriumque ecclesiarum seu beneficiorum legitima auctoritate ex iusta causa facta coadunatio. Quæ quidem coniunctio tribus modis fieri consuevit: confusione, si duæ pluresue ecclesiae, seu beneficia in vnum veluti corpus coalescant, & inde vna ecclesia, vnumque beneficium fiat: subiectione, si singulae proprium coetum retineant, sed altera principalis euadat, cui altera tamquam filia & fundus accedat: & demum æque principaliter, si neutra ecclesia alteri subiiciatur, sed ambabus suum titulum gradumque retinentibus idem minister praeficiatur: qua ratione cathedrales praesertim adunari consueuerunt. Quacumque vero ratione uniantur ecclesiae, seu beneficia, coniunctiones solent esse perpetuae, vt scilicet durante causa non reuocentur.

§. II. Cuiuscumque autem generis ecclesiae & beneficia coniungantur, id superioris ecclesiastici legitima auctoritate fieri debet. Et summus quidem pontifex ampla donatur potestate ecclesias & beneficia omnia coniungen-

CAP. XLVI. DE CONIUNGENDIS ETC. 467

di; praesertim vero ei reseruata est ecclesiarum cathedralium coniunctio, quod ius in noua disciplina receptam est, *cap. 8. ex. de excessib. praelatorum*; etenim secundum antiquos canones episcopatum adunatio (vt & eorum sectio, & nouae cathedrae institutio) a metropolitano & synodo prouinciae decernebatur. *Fleuryus disc. IV. in histor. ecclesiast. n. 4.* Sed episcopi adunant ecclesias & beneficia suae dioecesis, *cap. 8. ex. de excessib. praelatorum*: quo iure utitur etiam capitulum sede vacante, modo iuri episcopali non derogetur: atque ita nequit adunare beneficia, quae ad liberam solius episcopi collationem pertinent. Inferiores vero antistites, licet ordinaria iurisdictione aucti, ecclesias & beneficia sibi subiecta nequeunt adunare, nisi praescriptione longaeua talem iurisdictionem sibi quaesierint. *V. Gonzalez in cit. cap. 8.*

§. III. Interim coniunctio ecclesiarum & beneficiorum non pro arbitrio superioris ecclesiastici fieri potest, sed ex causis legitimis, quae sunt evidens ecclesiae necessitas, aut utilitas, *cap. 33. ex. de praebendis*, puta quod duae ecclesiae sint adeo pauperes, vt ad victum duorum presbyterorum non sufficiant, aut ecclesiae belli vel temporis iniuria desolatae sint, aut si deminutus sit fidelium numerus, *can. 48. C. 16. q. 1.*, aut si redditus necessarii sint ad adolescentes in seminariis educandos, aut alias ad Dei cultum sustinendum. *Trident. ses. XXIII. de ref. cap. 18. & ses. XXIV. de ref. cap. 15.* Quin nec ex omni causa promiscue omnes ecclesias coniungere licet; nam ad vniendas parochias maior causa adesse debet. Quod si ex nulla iusta causa coniunctio fiat, ea, veluti peruerrens ecclesiarum statum, rescindenda est. Et hinc statuit Tridentina synodus *ses. VII. de ref. cap. 6.*, ab episcopis expendi coniunctiones perpetuas beneficiorum a quadraginta annis factas, rescindique quas non ex probatis causis factas apparuerit: at hoc decretum, saltem quod spectat ad beneficia adnexa ecclesiis laici patronatus, apud nos receptum non est.

§. IV. Verum non omnia beneficia sine delectu aliis ecclesiis seu beneficiis coniungere licet. Sane non licet episcopis ecclesias mensae suae vel capituli adnectere, *Clement. 2. de rebus ecclesiae non alienandis*. Item vnius

dioecesis beneficia alterius dioecesis beneficiis non coniunguntur, Trident. *ses. XIV. de ref. cap. 9.*, & seminariis & canonicatibus exigui redditus tantum beneficia simplicia saecularia vnire fas est. Trident. *ses. XXIII. de ref. cap. 18.* & *ses. XXIV. de ref. cap. 15.* Item non permittit synodus Tridentina paroecias coniungi monasteriis, dignitatibus, praebendis canonicalibus, vel aliis simplicibus beneficiis & hospitalibus, *ses. XXIV. de ref. cap. 13.*; nec porro sinit, beneficia liberae collationis adnecti paroeciis, seu aliis iuris patronatus beneficiis, ita vt adnexa beneficia etiam iuris patronatus fiant, additque, a quadraginta annis huius generis peractas coniunctiones ad examen renocari, *ses. XXV. de ref. cap. 9.* Sed hoc decretum, vt pote deminuens iura patronorum, apud nos receptum non est.

§. V. Quo autem constet de legitimis caussis, ecclesiarum coniunctiones sub certo ritu & forma faciendae sunt. Principio vocandi sunt omnes, quorum interest, veluti beneficiorum possessores & populus eius ecclesiae, quae coniungenda est, item patroni, siue laici, siue ecclesiastici, sine quorum consensu beneficia iuris patronatus, praesertim laici, coniungere non licet. V. Turricellium *de vnionib. cap. IX.* Vocatis autem omnibus, quorum interest, episcopus cum consilio & adsensu capituli coniunctionem decernit, *cap. 1. & seqq. de his, quae fiunt a prael. sine consensu capituli*, Trident. *ses. XXIV. de ref. cap. 15.* Nec beneficia ad inferiores antistites spectantia possunt episcopi coniungere, nisi ex consensu praelati inferioris, cui ea subsunt. *Clement. 1. de statu monach.*

§. VI. Iam mediis saeculis paroeciae multae monasteriis aut collegiis canonicorum, aut simplicibus beneficiis adnexae sunt, & quidem ferme saluo ecclesiarum statu per subiectionem, nempe vt redditus omnes monasteriis aut canonicis cederent, paroeciae vero saluae remaneret (a).

Quod

(a) Sane multi laicorum a se iure feudi possessas ecclesias monachis & canonicis ex consensu episcopi cesserunt, quae monasteriis & capitulis adnexae sunt. Nimirum saeculo decimo & sequentibus ob malos mores clerici saeculares odio erant: contra

CAP. XLVI. DE CONIVNGENDIS ETC. 469

Quod vero in paroeciis, quae monasteriis, capitulis, alterius beneficio adnexae fuerant, cura animarum exerceri debebat; coeperunt monachi & canonici *ecclesiam* ab *altari* distinguere. Dicebant *ecclesiam* bona omnia temporalia & redditus; *altare* vero sacramentorum administrationem & curam spiritualem. Hac inducta distinctione, qui paroecias unitas tenebant, reditus sibi reseruarunt, altare vero presbyteris, qui *vicarii*, & in Gallia *personae* dicebantur *can. 4. C. 1. q. 3.*, committebant. Sed semper ac novus presbyter altari praeficiendus erat, aliquid pecuniae episcopis pendebatur: quae pensitatio *redemptio altarium* dicebatur (b): itemque soluebatur episcopo annuus census, ut inde de iure episcopali in paroecias unitas constaret. Quoniam vero redemptionibus altarium ipsa animarum cura vendi videbatur, synodus Claromontana sub Urbano II. eas tamquam simoniacas explosit; sed saluum annum censum reliquit, *cit. can. 4. V. Thomass. de vet. & noua eccles. discipl. par. III. lib. 1. cap. 10.*

§. VII. Presbyteri, qui a monachis & canonicis ad regendas ecclesias unitas episcopis sistebantur, ubi adsumti erant, pro arbitrio patronorum videntur eiici potuisse: qua ratione non bene curae animarum consulebatur. Quid enim boni sperare licebat a frequenti vicariorum mutatione & a conductitiis presbyteris, qui non iusta sustentatione saepe contenti, plus aequo patronis erant addicti? Hinc saeculo decimo tertio multis canonibus & pontificum

G g 3

tificum

tra in novis rei monasticae & canonicae vitae reparationibus monachi & canonici sanctitatis laude inclarescebant. Christ. Lupus *schol. in conc. V. Gregorii VII. can. 9.* Hinc laici nefarium reputantes a se iure feudi paroecias possideri, eas potius monachis & canonicis, quam clericis saecularibus cedere voverunt. Item mediis saeculis ipsi episcopi & summi pontifices ecclesias multas monachis & canonicis addixerunt ad instaurationem monasticae & canonicae vitae promouendam.

(b) Redemptio altarium ex iure feudali videretur inualuisse, quod Petrus de Marca *in can. VII. conc. Claromontani* observat: iure enim feudali receptum erat, ut quoties novus vasallus feudo donabatur, certam pecuniae quantitatem domino penderet.

tificum rescriptis statutum, vt in ecclesiis, quae monasteriis & canonicis coniunctae erant, perpetui vicarii instituerentur, *cap. 30. ex. de praebendis*: quam disciplinam Tridentini patres *ses. VII. de ref. cap. 7.* confirmarunt. Itaque vicarii euaserunt veri beneficiarii, vtpote qui iure proprio & perpetuo curam animarum acceperunt, tantumque nominis sono a parochis distant. Quae recepta disciplina abbates, canonici alique, qui ecclesias sic vnitas possident, pastores non re, sed nomine sunt, & tandem dicti sunt *pastores primitiui*: quo verbo tantum significatur, ecclesias in temporalibus vnitas esse, sed spiritualem curam in vicarios perpetuos deuolutam. Interim perpetui vicarii a monasteriis & capitulis nominantur, at ab episcopis, quibus curae spiritualis reddere rationem debent, instituuntur.

§. VIII. Iam vbi reditus integri ecclesiarum unitarum cedebant monachis, aut canonicis, seu alij beneficiario, iure verendum erat, ne perpetui vicarii fame perirent, si eorum sustentatio arbitrio monachorum & canonicorum relinqueretur. Hinc merito variis canonibus cautum, vt ex redditibus ecclesiae unitae certa reddituum quantitas assignaretur, quae alendo vicario & curae parochiali sustinendae sufficeret, *cap. 30. ex. de praebendis*; quae portione non assignata verantur episcopi a monachis nominatos instituere, *cap. 12. ex. eod.* Atque haec est portio *congrua*, quae alias *sufficiens*, *competens* & *competentia pastoralis* dicta est. Tantum vero assignari debet in congruam; *quod rectoris & parochiae necessitati decenter sufficiat*, inquit Tridentini patres *ses. XXIV. de ref. cap. 13.*

§. IX. Coniunctioni ecclesiarum & beneficiorum opponitur earundem dissociatio, qua vna ecclesia vnumve beneficium in duo abeunt. Diuisio ecclesiarum generaliter verita est, *cap. 8. & 36. ex. de praebendis*, valetque regula, *vt ecclesiastica beneficia sine diminutione conferantur*. Sed ex ecclesiae vtilitate, aut necessitate recte vna ecclesia in duas diuidetur, *cap. 26. ex. eodem*, & quidem eiusdem auctoritate, a quo coniunctio decernitur, iisque, quorum interest, auditis. Immo si coniunctio facta sit ob certam causam, puta belli, aut paupertatis, tunc si

caussa

CAP. XLVII. DE RENUNTIANDIS ETC. 471

caussa cesset, etiam coniunctio cessabit, Rebus. in praxi
tit. de union. reuocatione; dissociatio enim ecclesiarum fa-
uorabilis censetur. Ceterum per dissociationem beneficiis
in pristinum statum restitutis, collatio aut praesentatio ad
illum spectabit, cuius antea fuerat, nisi in coniunctione
collator aut patronus aperte suo iuri renuntiauerit.

C A P V T XLVII.

De renuntiandis & permutandis beneficiis.

§. I. **R**enuntiatio beneficii, quae alias *resignatio* dici-
tur, est spontanea dimissio ecclesiastici officii,
quae ex causa ab ecclesiastico superiore probatur & ad-
mittitur. Est vero triplex, simplex seu pura, si absque
ulla conditione beneficium apud superiorem eiuremus; in
fauorem, si deponamus beneficium sub ea conditione, ut
alicui certae personae conferatur; & demum ex causa
permutationis, si duo eiurent quidem sua beneficia, at
eo pacto, ut alteri alterius beneficium a superiore con-
feratur. Verum si lo curiae dimissio simplex & pura *re-
nuntiatio* dicitur, at si fiat in fauorem, *resignatio*.

§. II. Simplex beneficii renuntiatio sacris canonibus
probatur, modo sponte & ex iusta causa fiat, & sacra
antistitis auctoritate probetur, cap. 4. ex. de renuntiatione.
Renuntiationes beneficiorum a tempore Alexandri III.
frequentiores euaserunt: nec in libris decretalium alterius
antiquioris pontificis reperiuntur rescripta, quae de iis a-
gant, quod Franc. de Roye instit. iuris can. lib. II. cap.
18. obseruat: antiquitus enim beneficia adhaerebant ordi-
nationi, atque ideo clerici potius sacro ministerio, quam
beneficiis renuntiabant.

§. III. Permutationes beneficiorum antiquis patribus
ignotae, separatis ab ordinatione beneficiis excogitatae
sunt. Sed eas statim inuentas ecclesia damnauit, cap. 8.
ex. de praebendis, cap. 5. ex. de rerum permutatione. Quid
enim turpius, quam ut beneficiarii de sacris officiis paci-

scantur, & ea veluti in commercium adducant? Quod vero non vetabatur episcopus mutuo transferre beneficiarios in eas ecclesias, in quibus fidelium vtilitati impensius feliciusque seruirent *cit. cap. 5.*, sensim receptum est, vt beneficia ex causa permutationis dimissa non aliis, quam permutare volentibus conferri liceret, *cap. vn. de rerum permutatione in 6., Clement. vn. eodem.* Hinc coeperunt beneficiarii de permutandis beneficiis inter se pacisci, & pacta conuenta in scripturam redigere, demum episcopum adire: qui degeneres mores ex facilitate episcoporum inualuerunt. Interim si episcopi beneficiarios de permutatione beneficiorum pactos duxerint mutuo transferre, potius ecclesiarum, quam permutantium vtilitatem spectare debent; nam iure canonico pacta de permutandis beneficiis non probantur.

§. IV. Item resignatio beneficii in fauorem naturae sacrorum officiorum aduersatur; officia enim ecclesiastica eius generis non sunt, vt clerici de iis pro arbitrio disponere valeant. Conc. Antioch. *can. XXIII.* Sed demum initio saeculi decimi sexti coeperunt beneficiarii ecclesias & beneficia veluti ex pacto & sub certo modo resignare, vt certo alicui clerico darentur. *Espen. par. II. sect. 3. tit. 10. cap. 1. edit. Neapol.* Quae quidem resignationes, vtpote ex pacto conceptae, turpes habentur, vetitum est enim de rebus spiritualibus pacisci, *cap. 5. ex. de rerum permutatione*: saepe etiam beneficia resignantur consanguineis, tantum vt lautius vivant, aut si extraneis, id ex quaestu fieri solet: & demum resignatis beneficiis in fauorem dignioribus aditus occluditur. Interim sacris canonibus inuitis eiusmodi resignationes frequentiores euaserunt, praesertim in canonicorum praebendis, idque ob pontificis auctoritatem, qua conceduntur, quaque ab omni vitio elui creditum est.

§. V. Iam non sine iusta & probabili causa, quae in ecclesiae vtilitatem cedat, eiurari oportet beneficia; per beneficium enim clerici certae ecclesiae adscribuntur, quod vinculum sine iusta causa soluere non licet. At iamdiu inualuit, vt cuique quodammodo liberum esset, non tantum suum beneficium simpliciter eiurare; verum etiam illud in alterius fauorem resignare, aut cum alio
benc-

CAP. XLVII. DE RENUNTIANDIS ETC. 473

beneficio permutare: idque ferme sine vlla causa, praesertim si agatur de beneficiis, quibus nulla cura animarum adnexa est. Qui degeneres mores videntur inualuisse ex facilitate episcoporum in admittendis etiam sine vllis causis renuntiationibus, quod ipsis gratum esset novis collationibus alios clericos beneficiis augere. Et quamvis Pius v. in bulla *quanta ecclesiae LVIII.* tantum ex certis causis renuntiationes beneficiorum ab ordinariis antistitibus admitti decreverit; tamen decretalis ista in multis locis recepta non est.

§. VI. Item ut renuntiatio beneficii recte fiat, interponenda est superioris auctoritas, qui causam expendat, & vinculum, quo renuntians cum ecclesia sua adstringitur, soluat. Superior iste, si episcopus, aut alius ab iurisdictione episcopali exemptus, velit munus eiurare, iure decretalium est summus pontifex, *cap. 2. Or seqq. ex. de translat. episcopi & cap. 15. ex. de renuntiatione*; episcopus vero ubi inferiores beneficiarii suis beneficiis renuntiant, *cap. 4. ex. eodem*. Ceterum ex facilitate episcoporum in admittendis renuntiationibus inualuit, ut simplices renuntiationes etiam coram ordinariis collatoribus recte fiant: immo inferiores praelati iure admittunt ex causa permutationis resignationes, modo assiduis moribus id ius sibi quaesiverint. At renuntiationes in fauorem tantum pontificis auctoritate fiunt: cuius reservationis ea ratio vulgo assignatur, ut pontificia auctoritate eluatur labes simoniaca, qua illae infectae sunt (a). Et ubi episcopus permutationes beneficiorum iuris patronatus decernit, audire debet patronos, qui si laici sint, debent etiam consentire.

§. VII. Quisquis vero beneficium ecclesiasticum habet,

(a) Multum quidem haec ratio videretur contulisse, ut resignationes in fauorem soli pontifici reservarentur; at vera non est sententia, quae habet, simoniam in his resignationibus auctoritate pontificis elui posse: etenim quae pacta res spirituales in commercium adducunt, natura sua turpia sunt, nullius auctoritate purganda. V. *Espen. par. II. sect. 3. tit. 10. cap. 2. edit. Neapol.*

bet, si iusta probabilique causa ducatur, illud potest renuntiare, etiam si beneficiarius criminis accusatus, immo etiam si damnatus sit, modo a sententia aduersus se lata appellauerit. V. Flamin. Paris. *de resignat. benef. lib. IX. q. 16.* Sed impubes si beneficio aliquo auctus sit, illud propter consilii infirmitatem eiurare posse non videtur: contra aetate minor etiam sine curatore renuntiare non vetatur, modo fraus omnis absit, minores enim in spiritualibus pro maioribus habentur, *cap. fin. ex de iudiciis in 6.* Porro si quis ad sacros ordines beneficii titulo promotus sit, illud vetatur eiurare, nisi eiusmodi promotio exprimatur, & praeterea constet, renuntianti aliunde satis esse ad vitam sustinendam. Trident. *ses. XXI. de ref. cap. 2.* Eiurari vero debet beneficium vel ab ipso beneficiario praesente, vel ab alio, quem ille eius rei gratia specialem procuratorem constituerit.

§. VIII. Iam si quis infirmus resignet beneficium, siue simpliciter, siue ex causa permutationis, siue in favorem, & intra viginti dies a die praestiti per ipsum resignantem consensus ex ea infirmitate moriatur, collatio vi resignationis facta nulla est, & beneficium morte vacare censetur, vt habet reg. xx. ante xix. cancellariae *de infirmis resignantibus*, quae locum habet etiam in resignationibus, quae coram antistite ordinario fiunt: itemque si resignatio in infirmitate fiat, sed vi supplicationis in bona valetudine signatae, quod a Clemente viii additum videtur. Espen. *par. II. sect. 3. tit. 10. cap. 3.* Prodiit haec regula ad evitandas beneficiariorum artes & nundinationes, qui dum sibi mortem instare animaduertebant, beneficia sua infirmi resignabant (b).

§ IX.

(b) Ex regula de infirmis resignantibus alia regula cancellariae *de publicandis resignationibus* originem habuisse videtur, quae habet, resignationes in loco beneficiorum debere publicari, & novos beneficiarios possessionem petere, idque intra sex menses a die datae supplicationis, si resignationes Romae, intra mensem, si alibi factae sint; beneficia vero vacare per obitum, si resignantes post statuta tempora in possessione decesserint; & collationes illorum, tamquam resignatione vacuum factas, & omnia

CAP. XLVII. DE RENUNTIANDIS ECT. 473.

§. IX. Per superiorem admissa & iure impleta renuntiatione, ius renuntiantis ad beneficium prorsus extinguitur, illudque in nouum beneficium facta collatione transmittitur: & hinc qui beneficium eiurauit, illud amplius repetere vetatur, *cap. 3. §. 6. ex. de renuntiatione*, Trident. *sess. XXV. de ref. cap. 7.* Verum in renuntiatione ex causa permutationis si ex vna parte collatio facta sit, tum alter praemoriatur; & in resignatione in fauorem si illi, cuius causa eiuratum est, beneficium non conferatur, licet renuntiantibus sua beneficia repetere. Huiusmodi enim renuntiationes sub conditione, seu potius sub certo modo conceptae sunt, atque ideo modo non impleto resoluuntur. V. Flamin. Paris. *de resignat. benef. lib. I. q. 2. & 3.* Quin locus est regressui, etiam vbi vtriusque perfecta permutatione, ex intervallo alterius beneficium ex defectu iuris permutantis euincatur, vel litigiosum aut fictum appareat: quippe quod collatio sub certo modo facta etiam ex intervallo resoluitur. Interim vbi locum habet regressus, ex multorum sententia moribus probata sine noua collatione regrediens repetit beneficium, modo alteri vim non inferat, sed legitima auctoritate apprehendat possessionem. V. Espen. *loc. cit. cap. 7.*

CA-

& omnia deinceps acta nullius momenti esse. Vbiq; ferme obtinuit regula ista vsque ad Gregorium XIII. qui edita bulla *humano vix iudicio. LXXXV.* nouam. beneficii resignati publicationis formam constituit, contra quam factas resignationes irritas declarauit, & beneficia ipso iure vacantia pontificiae collationi addixit. Hinc regula de publicandis resignationibus Romae neglecta est, nec inter regulas cancellariae deinceps relata. In multis prouinciis Gregorii bulla recepta non est, at apud nos admissa, nisi in eo, quod collationi pontificiae reseruabat etiam laici patronatus beneficia, quae ob omissionem Gregorianam publicationem vacabant.

C A P V T XLVIII.

De pensionibus ecclesiasticis.

§. I. **P**ENSIO in re canonica est quaedam beneficii delibatio, qua ex eo, quod totum beneficiarii foret, pars aliqua decerpitur, & alteri clerico ex iusta causa assignatur. Sunt vero pensionum duae potissimum species, aliae decerpuntur a beneficiis, & dantur clericis, qui vel tamquam perpetui vicarii ecclesiae deseruiunt, vel ecclesiae in subsidium addicuntur; aliae vero absque ullo onere clericis non deseruientibus conceduntur: de qua postrema pensionum specie hic agendum est (a).

§. II. Pensiones tantum eleemosynae titulo constitui possunt clericis, qui ecclesiae non deseruiunt: tantum enim ratione seruitii, aut ratione paupertatis licet de altari viuere. Hanc esse pensionum naturam contestati sunt sapientes illi theologi a Paulo III. de reformanda ecclesiae disciplina percontati, nulla alia de causa nulloque alio iure pensiones constitui possunt, nisi ut quaedam eleemosynae, quae in pios usus indigentibus concedi possunt.

§. III.

(a) Vfus pensionum in ecclesia satis antiquus est; patres enim aequitati conuenire iudicarunt, vt clericis pauperibus, qui ex iusta causa ecclesiae suae non deseruirent, de bonis ecclesiasticis alimenta praeberentur. Conc. Ephesin. aet. VII. epist. ad synodum Pamphyliae, Chalced. aet. X. XII. & XIV. Pensiones autem istae, vbi adhuc redditus ecclesiastici in vnam arcam confluebant, admodum rarae videntur fuisse; singuli enim clerici ab ecclesia sua accipiebant victualia, ac proinde raro contingebat, vt clericus non deseruiret, & pensione aliqua augeretur. Sed institutis beneficiis euaserunt frequentiores; ea enim facta institutione multi clerici sine beneficiis creati sunt, exortique multi, qui ex redditibus ecclesiae sine ullo labore viuere in deliciis habuere.

§. III. Verum quum facilis sit ab iusto ad iniquum transitus, ubi beneficia instituta sunt, pensiones a primigenia natura degenerarunt & aliam veluti formam induerunt. Sane pluralitas beneficiorum toties sacris canonicis excisa degeneribus pensionibus ferme aut retenta, aut restituta est, saltem ut profani clerici (quod appetebant vnum) ampliores redditus acquirerent: qui enim beneficium habent, iure ex alienis beneficiis pensiones percipere posse credunt. Clericis quoque diuitibus pensiones constitutae, & quidem ea vbertate, ut integros paene redditus absumerent: & hinc beneficiariis alimenta subtrahenda, pauperibus nihil relictum, sacra supellex vilis & neglecta, sacrae aedes collapsae. Itaque innaluit sententia, pensiones esse odiosas, & sacris canonibus aduersas, idque in tanto earum abusu verum est; nam si pensiones in sua origine spectentur, nihil habent a canonum doctrina alienum.

§. IV. Iam pensiones ex iusta causa constitui possunt, veluti si quis clericus de ecclesia sua benemeritus, aut inops sit, aut mala valetudine laboret. Moribus receptis ex causa pacis conciliandae, veluti si beneficium litigiosum sit, ex causa renuntiationis siue purae, siue in fauorem, & ex causa permutationis beneficiorum ut plurimum pensiones decerpuntur. Nec dubium est, ex his causis recte pensionem constitui, modo superioris auctoritate, non partium conuentione procedat, negotium omne ex ecclesiae utilitate suscipiatur, & clerici, quibus assignatur, pauperes sint. At ut habent recepti mores, pensiones ex his causis fere nefariae sunt, & hominum profanorum praedae res pauperum obiciunt. V. *Espen. par. II. sect. 3. tit. 11. cap. 3. edit. Neapol.* Sane dum beneficium litigiosum est, saepe ex pacto litigantium pensio procedit: idque transactionis species est, quae in rebus spiritualibus nefaria censetur, *cap. 7. ex. de transactionibus*. Porro nullo iure nititur pensio, quam alter deposcit tantum, quod in fauorem eiurat beneficium: & si resignat tantum, ut onere se eximat, & fructus colligat, (quod saepe fieri solet) quid aliud hoc est, quam redditus sacros diripere? Et quae imponuntur pensiones in permutandis beneficiis, ut eorum inaequales prouentus

tus ad aequalitatem reducantur, sacra officia, tamquam si essent res profanae, in commercium adducunt.

§. V. Nec tantum ex iusta causa, verum etiam superioris auctoritate pensiones decerni debent. Et olim quidem redditibus ecclesiae in vnam arcam confluentibus, episcopi pro iure suo decerpabant pensiones, portiones nempe communis aerarii non seruientibus clericis in elemosynam assignatas. At institutis beneficiis, quibus proprii redditus perpetuo cesserunt, sensim ad vnum pontificem deuoluta est pensionum decerpendarum potestas: idque ea ratione, quod in earum concessione deberent canones relaxari, qui beneficia scindi vetant, *cap. 8. ex de praebendis*, aut iis ab episcopo onus imponi, *cap. 7. ex de censibus*. Non desunt tamen interpretes, qui docent, etiam episcopis ius esse pensiones imponendi. Garcias *de benef. par. I. cap. 5. §. 2.* At vbi episcopi pensiones concedunt, ex receptiore sententia distat inter pensionem ab episcopo & a pontifice impositam: haec enim ipsi beneficio imposita censetur, ac veluti species seruitutis ecclesiasticis regulis aduersa reputatur; illa vero tantum beneficium adficere creditur, cuius morte extinguitur.

§. VI. Quantitas pensionis moderata esse debet, vt integra beneficiario supersit sustentatio, & praeterea talis redditus, qui beneficii oneribus sufficiat. Et profecto naturae huius vestigialis aduersatur, vt integri fructus pensionibus absumentur. Hinc statuerunt Tridentini patres *ses. XXIV. de ref. cap. 13.* ne pensionibus onerari possent cathedrales ecclesiae, quae mille ducatos annuos, & parochiales, quae centum suis fructibus non superent. Receptum quoque est, vt si resignetur canonicatus, aut similis dignitas, pensio non delibetur, nisi redditus sint ultra centum ducatos. Flamif. *Parif. de resignat. benef. lib. VI. q. 2.* Et in beneficiis, ex quibus pensiones decerpere licet, sola dimidia aut tertia fructuum, pars plerumque a pontifice solet reservari, teste Fagnano. Quaecumque vero pars decerpatur, in pecunia, non in fructibus constituenda est, idque vt euitentur discordiae, quae ex fructuum communione oriri solent.

§. VII. Pensiones autem beneficia proprie sic dicta non censentur, quod Duarenus *de sacr. ministeriis lib. VI.*

cap. 4.

cap. 4. post alios recte observat; nec enim propter aliquod sacrum ministerium constitui solent. Hinc mortuo creditore non dicuntur vacare, ut impetrari, sicut aliquod beneficium, possint; sed velut usufructus extinguuntur. Remittuntur etiam absque ulla antistitis venia; at beneficium, nisi superioris auctoritas accedat, non recte eiuratur. Quamvis vero pensio beneficium non sit, est tamen beneficii loco, praesertim si eleemosynae modum excedat. Et profecto Sixtus v. voluit, ut tantum clerici pensionibus augeri possint, qui eo redditu aucti ex Pii v. bulla *ex proximo* quotidie officium B. Mariae virginis debent recitare. Nec videtur dubitandum, debere clericos pensionibus auctos ecclesiae generalis commodis adlaborare, & saltem ecclesiae, cui eos addixit ordinatio, deservire. Ignavos fucos quæ alet ecclesia?

§. VIII. Iam pensiones a pontifice constitutae inhaerent beneficio; illudque comitantur ad quamcumque personam transeat. Interim pensio extinguitur morte creditoris, degradatione, crimine haeresis, aut laesae maiestatis, percussione cuiusvis cardinalis, aut episcopi, in cuius dioecesi pensio constituta est, item matrimonio, religiosa professione, remissione, & interitu rei, cui pensio erat imposita. V. Cabassut. *theor. & prax. iur. canon. lib. II. cap. 14. n. 15. seqq.* Porro extinguitur pensio redemptione, quae fit repraesentatis, seu in antecessum solutis aliquot annuis pensionum solutionibus, idque pontificis auctoritate (a). Nec tantum redimuntur pensiones, verum etiam in alterum transcribi possunt; modo transferendi potestas a pontifice facta sit. Hieronym. Gigas *de pensionib. quaest. XII.*

CA-

(a) Vulgo eo colore probantur pensionum redemptiones, quod repraesentatis istis solutionibus beneficia onere imposito liberantur. At qui cernunt acutum, novum commercii genus redemptionibus saepe inesse non dubitant. Nam qui resignant in favorem, saepe quaerunt clericos pecuniosos, qui statim reservatas pensiones possint redimere. Quo casu redemptio pensionis a beneficii venditione vix aliquid distat.

C A P V T XLIX.

De peculio clericorum.

§. I. **B**ona clericorum duplicis generis sunt, priuata scilicet, seu patrimonialia, quae ex ciuilibus caussis adquiruntur, & profectitia, quae ex redditibus ecclesiasticis & sacro officio obueniunt. Ex profectitia quidem peculii instar habentur, siue seruorum, siue profectitii filiorumfamilias; beneficiarii enim domini non sunt reddituum ecclesiasticorum, sed nudam habent administrationem, quod superius *cap. XXXIV.* dictum est; & hinc quidquid ex redditibus ecclesiasticis clerici possident, *peculii* nomine dici potuit exemplo peculii seruorum & profectitii filiorumfamilias, cuius vsus & administratio penes seruum filiumue, dominium penes dominum patremue erat. Porro haec eadem profectitia clericorum bona post eorum mortem *spolia* dicta sunt: idque quod clerici exemplo monachorum ad mortem decumbentes, consueverunt rebus peculiaribus se vltro spoliare, ne ecclesia damnum vllum sentiret.

§. II. Quod spectat ad bona priuata seu patrimonialia, clerici sunt eorum domini, atque ideo de iis siue inter viuos, siue testamento statuere possunt, & si intestato moriantur, locus est legitimae successioni. *Can. apostol. XL.*, conc. Antioch. *can. XXIV.*, L. 42. §. 2. C. *de episc. & clericis*. Censentur autem bona priuata & patrimonialia, quae episcopus aut beneficiarius ante ordinationem ex quacumque causa adquisierit, & quae post ordinationem non intuitu ecclesiae parauerit, *cit. L. 42. §. 2.*, *can. 2. C. 12. q. 3.* Quod si clerici intestato decedant nullis relictis heredibus siue ciuili, siue honorario iure vocatis, eorum priuata bona ecclesiae, cui fuerant addicti, adscribebantur, L. 1. C. *Th. de bonis clericor.*

§. III. Verum enimvero de bonis profectitiis, hoc est intuitu ecclesiae quaesitis, clerici in veteri disciplina non minus

CAP. XLIX. DE PECVLIO CLER. 481

minus iure ciuili, quam sacris canonibus testari vetabantur *can. XL. apostol., cap. 7. & seq. ex. de testamentis, L. 42. §. 2. C. de episc. & clericis (a)*: nec enim talium bonorum domini erant, sed meri procuratores.

§. IV. Quando igitur clerici domini non sunt rerum ecclesiasticarum, atque ideo vetiti sunt de rebus inde quaesitis testari; profecto spolia decedentium beneficiariorum iure peculii ad ecclesiam reuerti debent, *can. apost. XL., conc. Antioch. can. XXIV., L. 42. §. 2. C. de episc. & clericis*. Hinc synodus sexta oecumenica statuit, vt mortuo episcopo res eius aut ecclesiae, donec alius episcopus constituatur, clerus eiusdem ecclesiae custodiat, *can. 48. C. 12. q. 2.* Nomine ecclesiae, ad quam pertinebant spolia decedentium beneficiariorum, ante beneficiariorum institutionem veniebat commune ecclesiae matris aerarium; at postea venire coepit ecclesia, in qua beneficium fundatum est. Hinc si canonicus aliquis decedat, capitulum spoliolum eius curam habere & canonicam tributionem facere debet, successor vero in beneficio eam curam habet, si parochus aut alius beneficiarius moriatur, *cap. 12. ex. de testamentis (b)*.

.Pars II.

Hh

§. V.

(a) Principio tantum intestabiles facti videntur episcopi & administratores ecclesiarum & xenodochiorum, *can. XL. apostol., L. 42. §. 2. C. de episc. & clericis*, non vero reliqui clerici, qui ex legibus Iustiniani de rebus quomodocumque quaesitis testari poterant, etsi essent sub patris potestate, tamquam si bona ista castrensis peculii instar essent, *novel. CXXIII. cap. 19.* Nempe episcopi & rerum ecclesiasticarum procuratores facile ex pauperum patrimonio multa poterant comparare; sed reliqui clerici (vtpote qui quotidianis ad necessitatem sportulis viuerent) non adeo multum ex altari poterant acquirere, vt iis testamenti factio iure interdiceretur. Deinceps vero vbi beneficia instituta sunt, quibus vberes redditus perpetuo cesserunt, beneficiariis omnibus de rebus profectitiis testari interdictum est, *cap. 1. ex. de peculio clericorum, cap. 7. & seq. ex. de testamentis*.

(b) Spolia decedentium beneficiariorum veluti iure peculii ad ecclesiam pertinent; at antiquus morbus est, quo clerici statim ac episcopus animam efflauerat, ea diripere & inuadere consue-

§. V. Interim post instituta beneficia episcopi nonnulli aut assiduis moribus, aut sedis apostolicae privilegio spolia inferiorum beneficiariorum intestato decedentium, quae ad ecclesiam pertinebant, sibi coeperunt vindicare, *cap. 18. ex. de verb. signific., cap. ult. de officio ordinarii in 6.* Abbates quoque quicquid a prioribus sibi subiectis congestum fuerat, post eorum mortem saepe occupabant. Nec sane eiusmodi consuetudines, aut privilegia a natura rerum ecclesiasticarum abhorrebant, modo episcopi in usus canonicos accepta spolia tribuerent. Summi rerum ecclesiae procuratores erant episcopi, & quicquid inferioribus beneficiariis cessit, id veluti precario datum videbatur. Quod si beneficiarius decedens, voluntatem suam quomodocumque declaret, cui pio vsui impendi velit, quae ipse relinquet, spolia, cessat episcopi privilegium, vt de bonis illis disponat, *cap. 13. ex. de testamentis.*

§. VI. Quod vero mirum videri debet, labentibus annis in multis ecclesiis sensim inualuit, vt beneficiarii etiam de rebus ab ecclesia profectis testarentur: idque primum locum habuit in mobilibus, & quidem ea moderatione, vt posset beneficiarius pauperibus, aut aliis, qui viuenti seruierant, aut religiosis locis aliquid relinquere *cap. 12. ex. de testamentis*; tum receptus mos sensim conualuit & aliam formam induit, qua liceret clericis & mobilia & immobilia occasione ecclesiae quaesita etiam non

vetint. Hinc synodus Chalcedonenfis *can. XXII.* depositionem intentauit clericis, qui tale facinus auderent. Sed semel usurpatae direptiones inde a clericis continuatae, & eorum fortasse exemplo deinceps laici, praesertim duces & comites, spolia episcoporum & parochorum, vt & bona ecclesiarum vacantium, inualerunt. V. Thomass. *de ver. & noua eccles. discipl. par. III. lib. 2. cap. 54.* Ergo synodus Lateranensis sub Innocentio 11. canonem Chalcedonensem renouauit, damnauitque consuetas spoliolorum episcoporum direptiones, *can. 47. C. 12. q. 2.* Et tummi imperantes in diem crescentibus spoliolorum & bonorum ecclesiae direptionibus, quae sede vacante contingebant, ecclesiarum vacantium custodiam sibi vindicarunt, qua de re superius dictum est *cap. XXXV. §. 5.*

non pauperibus testamento relinquere: qui mos saeculo decimo quinto & in Gallia & Hispania obtinebat. Non parum his moribus inducendis contulit testandi venia ab episcopis & pontifice saepe beneficiariis concessa, & difficultas patrimonialia a profectitiis discernendi. Spectabat vero haec testandi facultas praesertim beneficiarios, nam episcopi ferme antiquae disciplinae suberant, nisi indulgentia speciali sedis apostolicae testamenti factio concederetur. Quin ex generali regni Galliae consuetudine beneficiariis intestato decedentibus heredes legitimi etiam in bonis ab ecclesia profectis succedunt. Broudaeus nos, *ad Louetium*.

§. VII. Sed tandem in spolia beneficiariorum manus iniecerunt Romani pontifices, eaque fisco pontificio cedere iusserunt: idque contigit sede apostolica Auenionem translata, & praesertim schismatis deinceps secuti tempore, ut pontifices satis pecuniarum ad se tuendos & partes suas sustinendas corraderent, cessitque res ex voto pontificum, nullo ferme aduersante. Thomass. *de vet. & noua eccles. discipl. par. III. lib. 2. cap. 57* Hinc missi in multas prouincias exactores, *collectores* dicti, qui beneficiariorum spolia colligerent, & fisco pontificio inferrent: restituta vero ecclesiae vnitate semel receptae exactiones in plerisque locis continuarunt. Et quo quaestus vberior esset, Pius IV. irrita pronuntiauit testamenta praelatorum & beneficiariorum, qui de bonis profectitiis testarentur, nisi papa, cuius erant haec spolia, permittente. Item idem pontifex edita bulla *decens esse* spolio contineri voluit etiam bona, quae sibi clerici negotio, vel alio illicito quaestu parassent, quod supra modum fisco pontificio profuit.

§. VIII. Nouitates istae, quibus spolia decedentium beneficiariorum in fiscum pontificum deuolvebantur, in multis christianis prouinciis receptae sunt: in Gallia initio etiam admissae, sed inde constanter reiectae. Apud nos sub regibus Andegauis pontifices spolia decedentium beneficiariorum occuparunt, sub Aragonensibus restituta est ecclesiae disciplina, regno collectoribus eiectis; at sub Austriacis iterum spolia in fiscum pontificum illata. Initio tamen beneficia regiae collationis a spoliis pontificiis

subtracta sunt : tum litteris Caroli olim regis nostri etiam beneficia omnia iuris patronatus regii & feudalis, & beneficia, quae reddituum triginta ducatorum auri de camera non excedunt, exempta sunt.

§ IX. Spoliis episcoporum & beneficiariorum ad fiscum pontificium deuolutis, ecclesia non minus, quam respublica turbata est : nam exactores pontificii inter spolia etiam vasa & ornamenta ecclesiarum, vt & bona privata clericorum, censabant, omniaque illegitimis modis inuadebant, perturbabant. Quae incommoda praesertim in regno Apuliae inualuerunt, vbi sub regibus Andegavis & Austriacis aut nouitates pontificiae admissae, aut non qua opus erat constantia reiectae. Sed tandem regni beneficiarii tot molestiis liberati sunt, non quidem restituta ecclesiastica disciplina, sed de spoliis cum Sisto v. inita transactione, qua pleraque capitula ecclesiarum cathedralium pro spoliis canonicorum & beneficiariorum totius dioecesis annuam pecuniae quantitatem fisco pontificio soluendam promiserunt; & vicissim summus pontifex spolia remisit, & beneficiariis facultatem de rebus profectitiis testandi concessit, easque ad heredes legitimos transmittendi, exceptis tantum rebus illicita negotiatione quaesitis. Interim episcopi, abbates & reliqui inferiores praelati transactione hac comprehensi non sunt : quibus propterea morientibus spolia adhuc in summi pontificis fiscum inuehebantur : idque stetit vsque ad Innocentium XII., qui edita bulla *inscrutabili* iura camerae apostolicae in colligendis spoliis episcoporum & praelatorum huius regni prorsus abolenit, eaque ecclesiis restituit, ita tamen vt liceret antistitibus in suarum ecclesiarum cathedralium & paroeciarum vtilitatem disponere.

C A P V T L.

*De immunitate a tributis ecclesiarum bonis
& clericis concessa.*

§. I. **T**ributum est pecunia, quae ciuibus ad reipublicae onera sustinenda imperatur; inde vero nomen accepit, quod ubi primum Romae impositum est, tributum a singulis pendebatur. A tributis iure Romano distabant proprie sic dicta *vectigalia*, quae alio quouis nomine imposita erant, veluti pecunia, quae portorii, vel salis, vel vicesimae nomine exigi solebat. Samuel Petit. *var. lect. lib. II. cap. 1.* Sed tributa duplicis generis erant, unum capitibus liberis vel ratione habitationis vel artificii, alterum fundis impositum erat. Vtraque vel ordinaria, vel extraordinaria erant. Ordinaria, quae vocari solent *canones & indictiones*, ordinario iure pendebantur: extraordinaria pro reipublicae necessitate supra canonicas indictiones, quousque necessitates vrgerent, imponebantur: & hinc vocari solebant *superindicta*, existatque titulus in utroque Codice *de superindicto*.

§. II. Praeterea iure Romano erant quaedam extraordinaria munera tributis adfinia, quae ciuium capitibus & bonis imminebant, & *sordida munera* dicebantur, qualia erant pollinis conficiendi cura, panis excoctio, pistrini obsequium, angariae & parangariae, viarum & pontium constructiones & reparationes, aliaque manualia opera, quae Iac. Gothofredus in *L. 15. C. Th. de extraordinariis siue sordid. muneribus* enarrat. Angariae & parangariae erant iumentorum & plaustrorum praestations, ad annonae militaris aliarumque specierum fiscalium transuentionem: & angariae quidem, si transuentiones fiebant via publica & ordinaria; parangariae vero, si extra viam publicam, ubi cursus publicus dispositus non erat. Verum in muneribus sordidis distinguere oportet munus personis impositum a pecuniae praestatione, quae ratione muneris praestabatur. Proprie munus sordidum erant ipsa ma-

ualia opera ; nam pecuniae praestatio potius erat tributum superindictum.

§. III. Iure gentium praedia ecclesiarum , clerici & eorum bona tributis subiacent , eaque ex forma cuiusque reipublicae debent inferre . Nimirum placuit inter gentes , vt pecunia , quae ad sustinendas reipublicae necessitates necessaria est , ex ciuium collationibus , quae & ipsis capitibus liberis & agris & aliis fortunis imponuntur , colligatur . Et quoniam bona ecclesiarum , etsi p̄is v̄sibus addicta , adhuc manent sub civili imperio , & clerici per domini sortem non desinunt esse ciues ; hinc fit , vt iure gentium non minus bona ecclesiarum , quam ipsi clerici eorumque bona tributis subiaceant . Hoc gentium ius ipsi veteres patres agnouerunt , & apertis verbis professi sunt , bona ecclesiarum tributis subiacere . *Si tributum petis imperator* , inquit Ambrosius *orat. contra Auxent. cap. XXXII. , non negamus . Agri ecclesiastici soluant tributum . Soluimus , quae sunt Caesaris* , Caesari ; & *quae sunt Dei* , Deo . *Tributum Caesaris est , non negatur .* Et vt alios mittam , Augustinus *de catechiz. rudib. cap. XXI. ex apostoli sententia* , quae habet , omnem hominem potestatibus sublimioribus subiectum esse , & ex subiectione tributa deberi , docet , etiam clericos saluo Dei nostri cultu tributa soluisse ; idque etiam ipsum dominum fecisse , vt nobis huius sanae doctrinae praeberet exemplum (a).

§. IV.

(a) Huic doctrinae , obflare videntur Bonifacius VIII. & synodus Tridentina , quorum ille docet , ecclesias , clericos & eorum bona etiam iure diuino a saecularibus exactionibus esse immunes , *cap. 4. de immunit. ecclesiarum in 6. ;* haec vero habet , immunitatem ecclesiae & personarum ecclesiasticarum Dei ordinatione & canonicis sanctionibus constitutam , *ses. XXV. de ref. cap. 20.* Verum haec dicta non sunt nimium vrgenda , sed potius benigna interpretatione emollienda , vt hanc sententiam habeant , immunitatem ecclesiarum & clericorum ab oneribus civilibus esse consonam iis , quae in scripturis consignata sunt , vbi legitur , regem Pharaonem & Artaxersem a tributis terram & personas sacerdotum exemisse . *Genes. XLVII. v. 26. & Esdrae I. cap. 7. v. 24.*

§. IV. Quoniam vero aequum erat, ut praedia christianis sacrisque usibus dedicata, tributis non subiacerent, & clerici in ciuitate essent gratiosi; pro pietate sua christiani principes & ecclesias & clericos a multis publicis oneribus exemerunt. Et primum quidem Constantinus M. initio imperii sui bona ecclesiarum a tributis omnibus videretur exemisse, *L. 1. C. Th. de annona & tributis*. Sed auctis ecclesiarum praediis sequentes imperatores concessam immunitatem, velut reipublicae grauem, sustulerunt: certe enim Ambrosii aetate ex agris ecclesiarum tributa pendebantur. Inde Honorius & Theodosius Iunior praedia *usibus caelestium secretorum* destinata a superindictis & sordidis muneribus, non vero ab ordinariis & canonicis illationibus, exemerunt, *L. 40. C. Th. de episcopis & clericis*. Concessa vero a superindictis immunitas non semper generalis fuit; etenim deinceps ecclesiae subiectae fuerunt angariis & parangariis, si ipse imperator iter faceret, *L. 21. C. de cursu publico*, item superindictis ad viarum & pontium munitionem & instaurationem, *L. 6. C. Th. de itinere muniendo*.

§. V. Porro christianorum imperatorum privilegio clerici a tributis pro capite libero exempti sunt. Binghamus *orig. eccles. lib. V. cap. 3. §. 2.* Sed pro reliquis illationibus Constantius clericos nouis collationibus, onere metati, seu recipiendi hospitio milites & officiales imperii transeuntes, ab exactionibus ob mercaturam alimoniae causa susceptam, item a sordidis muneribus & personalibus omnibus oneribus exempt, *L. 8. & 10. C. Th. de episcopis & clericis*. Quam immunitatem post synodum Ariminensem idem Constantius reuocauit edita lege, qua priuati clericorum fundi fiscalibus pensitationibus subiecti sunt, tantumque iis data exemptio a sordidis muneribus & illatione pro mercatura, si exiguis vacarent negotiis, *L. 15. C. Th. eodem*. Sed deinceps clerici ab extraordinariis collationibus & sordidis muneribus immunes facti sunt, quod ex quadam Honorii & Arcadii lege constat, ut hi, qui ecclesiae obtemperant, his, quibus ecclesia, beneficiis persuantur, *L. 30. C. Th. eodem*.

§. VI. Immunitas a tributis ecclesiarum bonis iure ciuili concessa, ubi in Europa ex ruinis Romani imperii

noua regna emerferunt, in diem creuit, praesertim regum Francorum secundae stirpis liberalitate. Sane Carolus M. a tributis Regi pendi solitis bona ecclesiarum & earum homines exempt, *capit. reg. Franc. lib. V. cap. 187*. Verum haec exemptio praecipue spectabat canonicas illationes, nam a quibusdam extraordinariis oneribus ecclesiae immunes non erant, veluti si ageretur de munientis itineribus & pontibus reficiendis, si tamen illae eo loci haberent possessiones, *capit. lib. VI. cap. 107*. Item oneri metati, hoc est hospitii, ecclesiae subiectae erant, si imperatores eorumque consanguinei, aut palatini officiales, aut legati iter facerent. Praeterea quae sibi noua praedia ecclesiae comparabant, oneribus publicis, quibus antea obnoxia fuerant, subiiciebantur, nisi peculiari regum concessione eximerentur, *capit. lib. III. cap. 86*.

§. VII. Verum enimvero immunitas ecclesiis in capitularibus concessa praecipue spectabat tributa, quae regibus pendebantur: nam quod spectat onera seu seruitia senioribus debita, tantum *mansus*, decimae, oblationes, domus & hortus fruebantur immunitate; & si quid amplius ecclesiae haberent, consuetis seruitiis subdebantur, *capit. reg. Franc. lib. I. cap. 19. & lib. V. cap. 45*. *Mansus* erat certus agri modus, a manendo fortasse dictus, quod quisque colonorum cum familia sua in eo moraretur. Car. Dufresne *gloss. med. & infimae latinit. v. mansus*. Itaque hac aetate conditione meliore erant urbanae quam agrestes ecclesiae: illae enim, quod in ciuitatibus nulli erant seniores, generali fruebantur immunitate; hae vero immunes erant a regum vectigalibus; at quod spectat ad seruitia dominorum, praedia vltra mansum, domum & hortum iisdem suberant (b).

§. VIII.

(b) Sub regibus Francorum secundae stirpis iam erant constituta feuda, & seniores, qui erant domini vicorum, a praediis & incolis multa exigebant seruitia, quae erant *annui census*, *xenia*, *pastus*, *paraueredi*, seu *caballorum saginationes*, ut synodus Trosleiana anno 1000. *cap. VI*. expressit. Quoniam vero a seruitiis, quae senioribus debebantur, aequum non erat generalem ecclesiis agrestibus concedere immunitatem, (seniores

§. VIII. Concessa ex forma capitularium bonis ecclesiasticis a tributis immunitas in Gallia, Italia & reliquis Occidentis prouinciis diu stetit; at post saeculum decimum latius producta est, adeo ut omnia paroeciarum bona etiam a seruitiis dominorum exempta sint. Interim coeperunt ciuitatum rectores extraordinariis oneribus ecclesiarum bona grauare. Hinc synodi Lateranenses sub Alexandro III. & Innocentio III. generalem immunitatem rebus ecclesiarum dederunt, seu potius confirmarunt, excommunicatione comminata contra rectores ciuitatum, qui ecclesiis collectas imponerent, nisi in publica necessitate, aut utilitate ipsi clerici symbolas sponte conferrent, *cap. 4. & 7. ex. de immunitate ecclesiae*. Ita veluti iure proprio a synodis conditi canones, qui bona ecclesiarum a tributis eximerent, idque contra morem vetustatis, qua quidquid eius rei erat, a principibus statuebatur, aut expetebatur, & ex forma legum ciuiliū aut adsensu principum inde canones condebantur. Ergo saeculo decimo tertio bona ecclesiarum a tributis erant exempta, contra vero bona priuata clericorum iis erant adiecta (c).

§. IX.

niores enim regibus militiam & obsequia debebant) principes mansum ecclesiarum, qui veluti dos paroeciae habebantur, & praeterea decimas, oblationes, domum & hortum a seruitiis dominorum exemerunt; non si quid ultra ecclesiae possiderent.

(c) Synodus Melphitana sub Urbano II. *can. XI.* & Narbonensis anno CIOCCXXV. *can. XII.* iure veluti proprio bona clericorum a tributis exemerunt. At canones isti populorum moribus recepti non videntur: quod constat Friderici II. verbis ad Gregorium IX. summum pontificem, qui querebatur, quod Fridericus contra formam pacis tributa ecclesiis & monasteriis imposuisset: *talliae & collectae clericis & personis ecclesiasticis, non pro ecclesiasticis rebus, sed pro feudalibus & patrimonialibus imponuntur, secundum quod est ius commune, & obtinet ubique per orbem*. Talliae erant praestationes, siue tributa sic dicta a taleis, seu taliis, quae erant latercula lignea, in quibus solutiones solebant adnotari, parte altera penes dominum, altera penes tenentem remanente. Conf. Car. Dufresne in *glossar. mediae & infim. latinit.* v. *talea*. Itaque saeculo decimo

§. IX. In Siciliae regno ab ipsa ferme regni constitutione ecclesiarum priuata bona, non secus ac in aliis prouinciis, generatim a tributis exempta sunt; at non item bona priuata clericorum, quae sub Friderico II. ordinariis & extraordinariis collationibus subiecta erant. Sed regno ad Andegauos translato, clericorum bonis pro parte tributa remissa sunt: etenim Carolus II. in cap. *item statuimus* *XCVIII.* clericis, qui *clericaliter* vivebant, concessit exemptionem a tributis, *de portionibus eos legitime contingentibus*, hoc est de bonis, quae successione ab intestato acquirebantur. Quod ius regno ad Aragonenses translato integrum stetit: & praeterea cauit Ferdinandus I. Rex, vt quae bona semel certo oneri addicta erant, semper illud exsoluerent, licet clerici ea titulo alienationis a laicis acquirerent, *pragm. 3. tit. de clericis seu diaconis seluaticis*: quod ius aequissimum erat, & iuri Romano & capitularibus regum Francorum conforme; bona enim transire debent cum onere suo.

§. X. Sic constituta legibus nostris ecclesiarum & clericorum a tributis immunitas labentibus annis latius extenta est: nam ecclesiae in diem censita bona adquisuerunt, vnde non amplius onera soluta, & clerici curis suis publica onera a priuatis suis bonis, quocumque titulo quaesitis, excusserunt: immo non desuerunt clerici, qui per summam iniuriam aliena praedia nomine suo suscipiebant, & a tributis excusabant. Hinc vetera & noua onera in laicos eorumque bona, quae in diem crescebant, reiecta. Quibus malis medendis tandem incubuit Carolus olim rex noster, qui tractatu habito cum Benedicto XIV. summo pontifice ad formam non adeo grauem

decimo tertio omnia ecclesiarum non feudalia bona tributis erant exempta, non item bona priuata clericorum, quae tum ex iure communi, quod vbiq; seruabatur, fiscalibus omnibus oneribus suberant. Et certe errant, qui tenent, canones Lateranenses de immunitate a tributis etiam bona priuata clericorum comprehendisse: bona enim *ecclesiarum & clericorum & pauperum vssibus deputata*, de quibus illi statuunt, sunt bona ecclesiarum, non bona clericorum priuata.

verem ecclesiarum & clericorum exemptionem a tributis reduxit. Principio placuit, ut bona ecclesiarum, monasteriorum & aliorum locorum religiosorum in censu describantur, eorumque nomine penderetur dimidium eius, quod laici pensant, detractis tamen oneribus, quorum numero personarum alimenta non veniunt: idque praestari placuit, quousque regni necessitates exposculent, & pro oneribus, quae tempore tractatus erant imposita, non quae deinceps imponerentur. *Cap. I. n. 1. & 2.*

§. XI. Sed ab hac pensitatione immunita facta sunt bona beneficiorum, quorum titulo clerici ordinantur, pro ea tamen reddituum quantitate, quae sacro patrimonio secundum dioecesis formam respondet; & praeterea bona paroeciarum, seminariorum & xenodochiorum. Porro si quae bona a die tractatus habiti ecclesiae & alia loca religiosa adquisierint, per omnia in perpetuum tributis subiecta sunt. Item bona priuata clericorum, non secus ac laicorum, tributis omnibus subiecta sunt, praeter bona illa, quae clericis sine beneficio ordinatis in patrimonio titulum solent assignari; haec enim bonorum portio a die, quo clerici hypodiaconi creantur, ab omnibus oneribus exempta est, sed pro quantitate, quam intra viginti quatuor & quadraginta ducatos annuos synodi locales, aut episcopi definiunt. Et demum certa forma statuta est immunitatibus, quae a vectigali ab vniuersitatibus super tritico aliisque rebus ad victum necessariis exigi solito, clericis concedebantur. *Cap. I. n. 3. & seqq.*

§. XII. Quamuis autem inde usque a Carolo M. bona ecclesiarum & monasteriorum ampla a tributis & censibus immunitate aucta sint; tamen ex iisdem bonis in regia aeraria aliis nominibus tantundem & fortasse etiam plus inferebatur, quam ex tributis colligi poterat. Et sane in Gallia sub regibus secundae stirpis recepta erant *annua dona*, quae ab ecclesiis cathedralibus & multis monasteriis quotannis regibus necessario exhibebantur, & a tributis tantum nominis sono distabant (d). Consistebant autem

tem

(d) Id constat ex Hincmaro Remensi *de ordine palatii*: ubi ita loquitur: *caussa suae defensionis regi ac reipublicae vectigalia,*

tem dona vt plurimum in *equis*, *lanceis*, *scutis* aliisque similibus speciebus, eorumque modus satis amplus erat; refert enim Arno monachus in *vita S. Benedicti Anianensis* annuis donis & militia adeo grauata fuisse nonnulla monasteria, vt monachis alimenta & vestes defuerint.

§. XIII. Praeter annua dona, si quando reipublicae necessitas postulabat, ecclesiae ex suis bonis symbolas contulerunt, & suis illationibus extraordinariis auxilio fuerunt ciuitati. Videntur autem ista subsidia saepe indicta ipsius ciuilis potestatis imperio. At Alexander III. in concilio Lateranensi edixit, vt deliberet episcopus cum suo clero, num suadeat vtilitas, aut iubeat necessitas de rebus ecclesiae aliquid in communes ciuitatis vsus conferendi; & tum si laici ipsi non possint, subsidia ab ecclesiis praestentur, sed nulla vi, itemque nulla laicorum interposita auctoritate, *cap. 4. ex. de immunitate ecclesiae*. Et non multo post Innocentius III. in concilio generali voluit, vt subsidia laboranti ciuitati non conferantur sine Romani pontificis auctoritate, *cap. 6. ex. eodem*. Vtrumque hoc decretum moribus eius aetatis erat accommodatum, quando iura summorum imperantium in bona ecclesiarum & clericos oblanguescebant, & episcopi de publicis necessitatibus sedere iudices non dubitabant. Sed in compertis esse debet, pro iure suo principes in reipublicae necessitatibus posse ecclesiarum & clericorum bonis collationes imponere (e).

IN-

galia, quae nobiscum annua dona vocantur, praestat ecclesia, seruans quod iubet apostolus: cui honorem honorem, cui vestigal, vestigal praestatur regi ac defensoribus vestris. Et inde Ludouicus II. imperator inquisitionem faciendam edixit, unde, vel quae dona annalia aut tributa publica exigi debeant: quod scilicet inter aetarii statos redditus annua dona censerentur.

(e) In Gallia iamdiu est, quod reges sine pontificis adsensu collectas sub nomine *doni gratuiti* de bonis ecclesiasticis exigere consueuerunt: quin dona ista gratuita *decimae* alias dicta, euaserunt ordinaria & quotannis pendi solent.

INSTITVTIONVM

IVRIS CANONICI

P A R S III.

De iudiciis ecclesiasticis.

C A P V T I.

De iurisdictione ecclesiae propria.

§. I.



Ox iurisdictione apud veteres patres ad significandam ecclesiasticam potestatem vix occurrit, eiusque loco illi potius vsurpant *potestatis & auctoritatis* vocabula. Primus, qui ab iure civili vocem iurisdictionis in ecclesiam intulit, Gregorius M. *lib. XIV. ep. 8.* fuisse videtur: inde

sensim ea vox in iure canonico recepta est, praesertim, vbi longe lateque diffuso legum Romanarum studio, ecclesiastici illis addiscendis in primis operam navarunt. Satis vero ampla est in iure canonico iurisdictionis significatio; omnis enim potestas, qua episcopi alique ecclesiae ministri pollent, siue sacra administrent, siue doctrinam fidei doceant, siue novos ritus instituant, siue causas audiant, siue decernant, siue iudicem dent, siue poenas in facinorosos infligant, iurisdictionis nomine continetur.

§. II. Iurisdictione autem ecclesiastica aut sacerdotio cohaeret, eique propria & intrinseca est, aut ei extrinsecus aduenit. Et quidem Christi sacerdotium propria potestate auctum esse, qua ecclesia gubernetur, in compertis

pertis est: Christus enim docendi & baptizandi potestatem suis apostolis dedit, Matth. XXVIII. 18. *seqq.*, eisque ligandi aut soluendi ius concessit, Ioan. XX. 22. *seq.*, immo etiam fontes & contumaces extra ecclesiam proiciendi. Matth. XVIII. 15. *seq.* Nempe ecclesia societas religiosa est, cuius finis est sanctitas & perfectio spiritualis in hoc saeculo, & in altero aeternae beatitudinis consecutio; sicque constituta ecclesia vsque ad saeculi consummationem stare debet. Itaque proprium regimen in ecclesia esse oportuit, qua staret & conseruaretur; societatum enim natura talis est, vt vix diu stare possint sine certo ordine & potestate, qua dirigantur.

§. III. Verum enimvero potestas haec sacerdotio intrinseca & ecclesiae propria tota spiritualis est, nec quidquam cum imperio & rebus temporalibus commune habet. Spectat ecclesia animae salutem & alterius beatae vitae consecutionem: atque ideo potestas ecclesiastica tantum spiritualis est, tantumque internam honestatem & religionem spectat. Et aperte Iesus Christus apud Ioannem XVIII. v. 36. professus est, *regnum suum non esse de hoc mundo*, hoc est temporale regnum non esse, vt ex patrum sententia Augustinus Calmet eum locum interpretatur: & hinc quum quis eius arbitrium super familia eriscunda expolceret, respondit, *quis me constituit iudicem, aut diuisorem super vos?* Luc. XII. v. 14. Item tantum spirituale verbi & sacramentorum potestatem, vt & ius facinorosos ab ecclesia eiiciendi Christus apostolis suis demandauit: quo omnis spectabat potestas, qua ipse a patre suo auctus erat. Matth. XXVIII. 18. *seqq.*

§. IV. Quae quum ita sint, potestas ecclesiae propria & sacerdotio intrinseca versatur circa spiritualia, eaque sacerdotes docent christianam fidem & morum regulas, sacramenta administrant, quaestiones doctrinae definiunt, siue fidem, siue mores spectent; canones condunt, quibus fides & morum regulae confirmantur, & in dubiis explicantur, & ritus sacramentales aliaeque sacrae caerimoniae constituuntur; canones iuris humani ex iusta causa relaxant, & si salus ecclesiae postulet, prorsus abrogant; pastores & ministros instituunt ad perficiendum opus domini ad saeculi finem, & ad hanc iurisdictionem

exer-

exercendam; eosdemque, si indigni euadant, munere suo deiciunt; christianos peccatores admonent, iisque poenitentiam irrogant; & peccatores contumaces & immediabiles, qui ceteros inficere possunt, a suo corpore abscindunt. Haec ferme sunt iura ecclesiae propria, quibus vel sub ethnicis imperatoribus etiam usa est.

§. V. Haec vero potestas ecclesiae propria in duas veluti species dispelci solet, in *ordinis* scilicet, & *iurisdictionis* striete sic dictae potestatem. Spectat potestas ordinis ad ea, quae sine sacerdotali charactere exerceri non possunt, qualia sunt sacrorum ministrorum creatio, potestas eucharistiae conficiendae: potestas vero iurisdictionis continet externam ecclesiae administrationem, qualia ius contumaces ab ecclesia eiiciendi, deponendi minus dignos ministros, & beneficia instituendi (a). Ignota veteribus fuit distinctio ista, & tum demum audita est, quum confirmatio episcoporum ab ordinatione separata est. Nempe in noua disciplina episcopus per confirmationem pastor ecclesiae constituitur; atque hinc receptum est, posse episcopos confirmatos, etsi non ordinatos, ecclesiam in omnibus administrare, iis tantum exceptis, quae *quous* ab ordinatione dependent. V. Espen. *par. I. tit. 14. cap. 5.*

§. VI. Iam ecclesiae spiritalis potestas, qua doctrinam docet, sacramenta administrat, & poenas spirituales irrogat, generalis est, eaque reguntur christiani omnes, etiam vrbibus & prouinciis praefecti, qui in spiritalibus ecclesiae eiusque antistitibus subiiciuntur. Conc. Arelat. *1. can. 7.* Hinc vi spiritalis potestatis etiam in impios & profanos magistratus possunt episcopi gladio spiritali animaduvertere, eosque ecclesiastica communione eiicere. *Si dux quisquam*, inquit Chrysostomus *hom. LXXXII.*

in

(a) Antiqui interpretes *legem iurisdictionis* & *legem dioecesanam* veluti diuerfas proponunt: illius enim nomine intelligunt ordinis & iuris dicundi potestatem; huius vero nomine potestatem in res ecclesiae temporales & iura episcopo debita, qualia synodicum, procuraciones. Quam distinctionem Innocentius IV. confirmavit, *cap. 1. de verbor. signific. in 6. V. Florent. in tract. de antiquo iure patronatus.*

in Matthaeum, si consul ipse, si qui diademate ornatur, indigne adeat, cohibe ac coërce, hoc est, ad eucharistiam non admittas: maiorem tu illo habes potestatem. Quamvis non semper e re ecclesiae erit, in omnibus casibus uti gladio spirituali contra eos, qui cum imperio praesunt, qua de re alibi commodius differemus.

§. VII. Iam vero quae pertinent ad spirituales potestatem, proprie sunt ecclesiae, nec in ea aliquid directe principes saeculi possunt. Et quamquam apud gentes sollemne fuerit religionis & reipublicae administrationem in vnā personam coalescere; tamen apud christianos ea duo inter se distincta sunt, & religio antistitibus, reipublica vero principibus commissa est. Et profecto Christus ipse, qui ecclesiam suam diuina auctoritate instituit, tantum sacerdotes eius regendae potestate auxit, nihilque habet, quo de potestate principum in res spirituales constet (b). Quae doctrina in ecclesia semper obtinuit, & a patribus semper inculcata est: quod Petrus de Marca *lib. II. de conc. sacerdotii & imperii cap. 1.* pluribus illustrat. Item ipsi christiani principes in primis Valentinianus senior, Marcianus & Iustinianus aperte professi sunt, spiritualia ad sacerdotes pertinere. Hinc non iure principes res fidei definirent, ab ecclesiae communione contumaces, tamquam ethnicos & publicanos, eiicerent, aut caerimonias, quibus sacramenta aut aliae res spirituales administrantur, statuerent (c).

CA-

(b) Nec quempiam moueat pontificatus maximus, quem ipsi christiani imperatores ad Gratianum vsque susceperunt. Etenim pontificatus maximus erat ex reliquiis ethnicae religionis, quem ex arcanis dominationis christiani imperatores suscipiebant; at inde nulla potestas in sacra christianorum principibus accedebat. Quin principes sacerdotium illud extrinsecus potius, quam ex animo retinuisse videntur, quatenus pontificia illa auctoritas ad reipublicae regimen erat necessaria. Grauius de Romano imperio *cap. Vñ.*

(c) Videtur Constantinus M. etiam directe de rebus spiritualibus ius dixisse. Certe in causa inter Caecilianum & Donatistas iudices dedit, qui eorum causam in synodo Romana tra-

flarent

C A P V T II.

De iurisdictione ecclesiastica in causis civilibus laicorum.

§. I. **I**urisdiction, quae sacerdotio extrinsecus aduenit, in duobus ferme consistit, in decidendis nempe causis civilibus sine laicorum, sine clericorum, & in puniendis etiam in foro externo civilibus clericorum delictis. Et ad lites laicorum quod spectat, doctrina est christianae religionis, ne fideles facile de rebus transitoriis litigent. *Qui vult tecum iudicio contendere*, ait Christus apud Matthaeum V. 40. *& tunicam tuam tollere, dimitte ei & pallium*. Et alibi, *qui aufert, quae tua sunt, ne repetas*, Luc. VI. 30. Sanè christiana morum philosophia tota in caritate posita est; caritas vero ne leuem quidem paritur animorum dissensionem: & sine odiis & dissensionibus lites non exercentur. Cui doctrinae primis saeculis

Pars III.

Ii

vim

starent & finirent: inde Donatistis eius tribunal appellantis, alterum iudicium episcopale in vrbe Arelatensi concessit; & porro post synodum Arelatensem rursus haereticis ad eius maiestatem confugientibus, vltimum ipse in hac causa tulit iudicium. Causa ista erat mere ecclesiastica. Itaque Valesius in *Euseb. lib. III. de vis. Constant. cap. 51.* dissimulare non potuit, aliquando plus Constantinum sibi in negotiis ecclesiasticis vindicasse, quam laico principi conueniret. Sed tam synodum Romanam, quam Arelatensem pro iure suo dedit Constantinus; christiani enim imperatores clericos iudices ad tractandas causas ecclesiasticas, ecclesia non inuita, dare consueuerunt: idque inde videtur inualuisse, quod extraordinariae synodi sine principis concessione haberi non poterant. Et si ipse imperator deum cognouit, id coactus pro bono pacis fecit, ne Donatistae vltius contra iudices ecclesiasticos & ordinem iudiciorum clamarent, ea de re postea ab episcopis veniam petiturus, quod Augustinus *epist. CLXII.* obseruat.

vim multam addebat opinio de iamiam instanti die domini, quae a rebus terrenis christianos multum distrahere debebat.

§ II. Haec litium fuga christianae religionis summa perfectio est, ad quam vix paucis contendere licet. Hinc christiani iusti, etsi minus perfecti, sua semper repetere potuerunt; at primis saeculis ex regulis christianae pietatis id faciendum erat *ecclesiastico iudicio, non forensi*, vt Augustinus *lib. III. ad Bonif. cap. 3.* loquitur. Et profecto aegre ferens apostolus, Corinthios apud iudices ethnicos litigare, veluti per indulgentiam concedit, vt christianos litium suarum iudices, seu potius arbitros constituent, *1. ad Cor. VI.* Summa vero ratione apostolus id Corinthiis inculcauit, ne christiana religio apud ethnicos vilesceret, & ne christiani eorum dictionibus obijcerentur, quasi verbis non re caritatem, sui abnegationem & rerum terrenarum contemptum praedicarent.

§ III. Quamuis autem generaliter edixerit apostolus, vt christiani, relictis ethnicis iudiciis, apud fratres suos lites, si quas haberent, deponerent; nihil tamen ea doctrina de magistratuum in christianos imperio & iurisdictione detractum est; eiusdem enim apostoli doctrina est, omnem hominem ciuili potestati iure diuino subiectum esse, *ad Rom XIII. 1. seqq.* Et recte vidit Estius, apostoli sermonem praecipue spectare ad actorem, in cuius potestate erat apud magistratum lites suas instituire; reo enim vocato non licebat magistratus iurisdictionem declinare. Nec audiendi sunt, qui tenent, apostoli auctoritate christianos a magistratuum ethnicorum iurisdictione in causis pecuniariis exemptos fuisse, nec eis in conscientia subiectionem debuisse: quem errorem Barclaius *de poest. papae cap. XXI.* late confutauit.

§ IV. Dum vero vult apostolus, vt christiani ecclesiastico iudicio, non forensi lites component suas, non designat, cuius generis christianos in arbitros seligi oportet: quia eius sententia est, omnem christianum, alias sapientem, huic oneri parem esse (a). Et quoniam inter
chri-

(a) Scribit quidem apostolus *cir. epist. ad Cor VI. v. 4. saecula-*

christianos episcopi in primis sapientia & iustitia eminebant; (qui ad episcopatum promouebantur, virtutum meritis longe alios anteibant) hinc christiani sensim ad episcopos, tamquam ad pacificatores & arbitros, lites suas deferre coeperunt. Nec episcopi id onus detrectabant, qui alias ratione muneris sui pacem christianam gregi sibi commisso debebant instillare: quin eorum aliqui credebant, hoc onus sibi ab apostolo iniectum fuisse, cuius sententiae Augustinus fuit *de opere monachorum cap. XIX.* Quod vero episcopi saepe aliis curis grauabantur, aliquando lites decidendas presbyteris aut diaconis commiserunt, & quandoque etiam laicis aequitatis studiosis, praesertim si suspicio esset, clericos ex litium decisione aliquod sibi lucrum captare. Socrat. *lib. VII. cap. 37.*

§. V. Iam episcopi in causis laicorum pecuniariis decidendis vnice aequitatem sectabantur, tamquam pacis sequestres, studebantque aliquo adhibito temperamento dissidentes in concordiam adducere, nec formulas in foro receptas vsurpabant. Et ne errarent, vbi ius obscurum erat, laicos iuriconsultos consulere consueverunt, quod ex Augustino *serm. XLIX. de diuers.* constat. Nihil vero lucri ex litium decisione ad episcopos redibat; totumque negotium breui temporis spatio finiebatur, ut animorum motus inter litigantes cito residerent, atque ut omnino residerent, saepe iureiurando super altare aut super reliquias martyrum lites finitae. Greg. Turonens. *lib. V. cap. 32.* Quod si arbitrium haud feliciter cessurum videbatur, iudicium non suscipiendum Ambrosius *de officiis lib. II. cap. 24.* monebat. Vere christiana & digna nostris episcopis erat haec lites finiendi methodus: & hinc cuiusvis sectae homines adibant episcopos, eosque litium suarum arbitros constituebant. Possid. *vit. Augusti. cap. XIX.*

cularia iudicia si habueritis, contentibiles, qui sunt in ecclesia, illos constituite ad iudicandum; at id dixit non absolute, sed potius per comparisonem, quasi e re christiana magis esset, infimos christianorum de causis fratrum arbitrari, quam apud ethnicos contendere, ut recte Estius in locum obseruat.

§. VI. Translato ad christianos imperio, antiquam in causis pecuniariis episcopos adeundi consuetudinem imperatores confirmarunt, & multam vim episcopalibus arbitriis dederunt. Et quid quaeso melius ciuitati poterat euenire, quam si cito lites praeciderentur, & amputatis odiis, pax & amor inter ciues conciliaretur? Itaque Arcadius & Honorius liberum omnibus esse voluerunt, vt ex consensu causas suas pecuniarias ad episcopos deferrent, *L. 7. C. de episcopali audientia*: quod idem edita alia lege Valentinianus III. edixit, *novel. XII. tit. de episc. iudicio ad calcem C. Th.* Hinc non vera ciuilis iurisdictio episcopis data; vera enim iurisdictio etiam nolentes cogit, sed tantum antiqua episcopos adeundi consuetudo ab imperatoribus confirmata est, at non sine auctoritatis accessione: nam episcoporum arbitria sic rata & firma facta sunt, vt inde non liceret prouocare, tamquam si a praefecto praetorio pronuntiata essent; & hinc ordinariis magistratibus eorumque officiis datum, vt ea omnino exsequerentur, *cit. L. 3.*

§. VII. His omnibus aduersari videtur lex sub nomine Constantini M. ad Ablanum praefectum praetorio, quae exstat in extrauaganti seu subditio C. Th. titulo *de episcopali iudicio*. Etenim ea lege litigantibus conceditur, vt in quauis parte iudicii ante sententiam sacrosanctae legis antistitis iudicium eligant, *etiamsi altera pars refragatur*. Seldenus & Alteserra hanc legem veluti genuinam tuentur: contra ex meliori ratione eam Iac. Gothofredus *not. in cit. L.* veluti spuriam explodit, contenditque, opus esse posteriori aetate a falsariis miscellionibus confarcinatum. Sane contraria est omnibus aliis genuinis imperatorum legibus, quae tantum ex consensu litigantibus permittunt adire episcopi iudicium. Deinde Constantinus id tantum litigantibus dedit, *vt ad episcoporum iudicium prouocarent, si magistratus ciuiles reuicere vellent*, teste Sozomeno *lib. I. cap. 9.*: quod argumento est, ex compacto potuisse litigantes episcopi eligere iudicium, non etiam altera parte refragante.

§. VIII. Haec fuit per plura saecula episcoporum auctoritas in decidendis causis pecuniariis laicorum; at labentibus annis auctoritas ista abiit in veram iurisdictio-

nem,

nem, quae saeculi ignorantia & curis clericorum longo lateque propagata est, haecenus ut magistratum iuris dicendi potestas fere omnis interciderit. Confista sub Constantini nomine constitutio, quae saeculo octavo exeunte in scenam prodierat, quaeque permittebat litigantibus in quacumque iudicii parte, etiam altero invito, eligere antistitis iudicium, occasionem praebuit, ut arbitria episcoporum in causis pecuniariis in veram iurisdictionem degenerarent. Nimirum eam legem sub nomine Theodosii Carolus M. probavit, & in omnibus sibi subiectis provinciis valere voluit, quocumque iure populi viverent, *lib. VI. cap. 366. edit. Baluz.* Ita iurisdiclio episcoporum auctoritati accessit, modo litigantium alter episcopi iudicium elegisset, nam hoc casu pars altera necessario apud episcopum debebat comparere. Crevit inde episcopalis iurisdiclio auctoritate Gratiani, qui eam legem etiam sub nomine Theodosii Concordiae suae inseruit, *can. 35. seq. C. 11. q. 1.*, & eius usum late produxit (b).

§. IX. Postquam arbitria episcoporum in vera iudicia abierunt, variis rationibus civilis episcoporum iurisdiclio ad negotia ferme omnia civilia laicorum producta est. Principio causas omnes, quibus peccatum aliquod, aut mala fides inesset, suae iurisdictionis esse episcopi tenebant, quod eorum erat iudicare de peccato, *cap. 13. ex de iudiciis*, atque idcirco de ipsa re, cuius causa peccatum erat. Hac ratione causae omnes ad forum ecclesiasticum devolvebantur, nam vix vllae erant, quibus peccatum aliquod aut mala fides, saltem ex vna parte, non inesset. Sed facile erat observare cognitionem de peccato ad sacerdotes in foro interno, non externo pertinere.

§. X. Praeterea ratione iurisiurandi, matrimonii, testamenti, & cuiuslibet causae piae ad forum ecclesiasticum

(b) Sed quae causa fuit, cur legem Constantino in titulo post Th. C. adiecto tributam posterior aetas sub nomine Theodosii exhibuerit? Nimirum, inquit Alteserra *lib. 1. de iurisdictione cap. 7.*, stultior & supinior aetas leges Theodosianas vulgo appellabat eas omnes, quae in codice Theodosiano positaerant, etsi alios a Theodosio haberent auctores.

rum ciuiles laicorum causae trahi solebant, iis enim titulis mira interpretatione qualitatem spirituales negotiis ferme omnibus ecclesiastici adsperebant. Et cognitio quidem de iureiurando iure decretalium episcopis tribuitur, *cap. 13. ex. de iudiciis*: & hinc facile cognitio ad contractus, quibus iusiurandum inferebatur, extendi potuit. Causae de matrimonio & inde pendentes, veluti de sponsalibus, dotibus, natalibus, alimentis ecclesiasticae cognitionis censebantur, tamquam quae sacramento matrimonii adnexae erant, vel inde pendebant, quando reuera pendebant a matrimonii contractu. Causae quoque de testamentis & rerum piarum negotiis ecclesiasticae habebantur, siue quod testamenta a duobus notariis, ecclesiastico vno, altero laico scribi solebant (c), siue quod christiani imperatores curam testamentorum & causarum piarum episcopis demandauerant, *L. 28. & L. 46. C. de episcopis & clericis*.

§. XI. Item ecclesiasticae cognitionis & potestatis reputabatur iudicis laici supplere negligentiam. Concesserat quidem episcopis Iustinianus, vt semel in hebdomada carcere detentos inuiderent, & iudices sui officii admonerent; si vero iudices negligentes essent, ea de re principem ipsum facerent certiore, *L. 22. C. de episc. audientia*. At episcopi mediis saeculis vterius progressi sunt, sibi ius esse contendebant, magistratuum negligentiam supplere. Inde si qua causa in longum apud iudices laicos traheretur, ad forum suum eam episcopi transerebant: & inde episcopi de iudicibus suspectis iudicarunt: quae abusus in Gallia & in Hispania & in regno Apuliae sub regibus Andegauis obtinuit, eoque deuenit facilitas reginae Ioannae II., vt edita lege cauerit, suspensiones magistratuum excepta Neapoli vbique in regno

(c) Manus sola incidens tabellionis apostolici efficiebat, leuibusque velut per dentia gyris, negotium ecclesiasticum, quod alias & nisi mixtura illa fuisset, plane erat profanum, & a profanis, seu saecularibus regisque iudicibus iudicandum, inquit Mornacius ad *L. 8. C. de episc. audientia*.

regno apud loci episcopum eiusque vicarium tractari, rit. CCLXV. *magnae Curiae*.

§. XII. His aliisque rationibus causae fere omnes civiles laicorum ad suam cognitionem & forum ecclesiastici traxerunt. Hinc per longas aetates vnum paene forum ecclesiasticum emicuit, totoque illo tempore evituit & veluti emarcuit regia iurisdictio, quod de regno Galliae Mornacius *ad L. 8. C. de episc. audientia* observat; etenim reges Galliae secundae stirpis tot beneficiis a sede apostolica aucti & deinceps successores diu passi sunt in sibi subiectis provinciis supra modum ecclesiasticam iurisdictionem extendi. Similiter in regno Apuliae sub Andegavis mirum in modum extensa est ecclesiastica iurisdictione; Andegavi enim reges exemplo regum Francorum, unde erant oriundi, & porro novis beneficiis a sede apostolica acceptis, non aegre tulerunt diminutione civilis iurisdictionis ecclesiasticam augeri.

§. XIII. Sed tandem ecclesiastica iurisdictione in causis temporalibus laicorum omnino defecit, eoque, unde abscesserat, reversa est, idque sensim factum, sed non sine turbis, quas saepe ecclesiastici iuris sui conservandi causa excitarunt (d). Sibi autem vitio vertere debent ecclesiastici, quod iurisdictionem in causas civiles laicorum omnino amiserint; nam & contra concedentium mentem summopere eam extenderunt; & praeterea causas, quas ex bono & aequo tractare debuissent, forensibus tricis implicuerunt. Tantum apud nos ex pactis conuentis inter Benedictum xiv. & Carolum olim Regem nostrum *cap. VI. n. 7.* laici, qui in ecclesiasticis curiis actorum magistros agunt, quique episcoporum aliorumue praelatorum *cursores* appellantur, in civilibus, mistis & criminalibus

(d) Celebris est disputatio, quae super ecclesiastica iurisdictione in Gallia anno cccccxvii. habita est inter nobiles regiosque ministros & praelatos coram Philippo Valesio rege Galliae. Nobilium & magistratuum partes Petrus Cugnerius, contra praelatorum Bertrandus, episcopus AEduenfis, sustinebat. Quam extensa tum fuerit episcopalis iurisdictione, constat ex articulis, qui in medium propositi sunt.

nalibus caussis, quod ad *restrictionem personalem* spectat, ab episcopis praelatisue, in quorum ministerio sunt, iudicari & coerceri debent, nisi ea causa sit, vt poena mortis aut trirremium iure statui in eos possit.

C A P V T III.

De iurisdictione ecclesiastica in caussis civilibus clericorum.

§. I. **V**idimus christianos omnes ex regulis christianae perfectionis sua iudicio repetere non debere; at hoc instituto magis clerici adstringuntur, qui in sortem domini euocati, perfectionem amplecti intelliguntur. Et quamuis rerum dominia cum sacerdotio non iungunt, atque ideo non teneantur clerici sua omnia relinquere; tamen quando rerum temporalium occasione lites excitantur, ratio propriae vocationis id videtur postulare, vt nec sua iudiciis repetant, nec ab aliis prouocati sua tueantur. *Episcopus*, inquit synodus Carthaginiensis IV, *can. 19.*, *apud Gratianum can. 1. C. 14. q. 1.*, *nec prouocatus pro rebus transitoriis litiget.*

§. II. Verum pauci clericorum sunt, qui a rebus temporalibus ita sunt alieni, vt eas non persequantur, & defendant. Hinc dum rerum temporalium dominium clericis relictum est, eorum infirmitati seruiens ecclesia, permisit, vt sibi ablata repeterent quidem, sed ecclesiastico iudicio, non forensi: cui disciplinae ratione vocationis suae magis adstringebantur clerici, quam ceteri christiani. Hinc canones poenis canonicis subiecerunt clericum, qui cum clerico negotium habens, relicto proprio episcopo, ad saecularia iudicia procurrat. Conc. Chalced. *can. IX.*, Carthag. III. *can. 9. apud Gratianum can. 43. C. 11. q. 1.* Regulae istae decernunt de clerico, qui cum alio clerico negotium habeat; nam si negotium esset cum laico, & laicus in episcopum non consentiret, necessario his apud publicum iudicem erat intendenda: quo casu tantum

tum ex episcopi concessione licebat clericis apud magistratum comparere. Conc. Agath. can. XXXII. (a).

§. III. Haec fuit ecclesiae disciplina usque ad Iustinianum, qui primum monachos & clericos in causis civilibus a magistratum iurisdictione exempt. Et quidem hic imperator in primis sanctimonialium & monachorum causas ad episcopos deferri iussit, *novel. LXXIX. cap. 11.*, qua constitutione abrogata est lex quaedam Anthemii, quae statuebat, monachos in ius extra proprias provincias non vocari, sed apud suarum provinciarum ordinarios iudices, *L. 33. C. de episcopis*. Inde idem Iustinianus rogante Menna archiepiscopo Constantinopolitano etiam clericos in causis civilibus exempt a magistratum iurisdictione, eosque apud proprios episcopos iussit conveniri, *novel. LXXXIII.* Sed generale hoc privilegium non

(a) Iam dum ecclesia voluit, ut clerici aduersus clericos in causis pecuniariis apud publicos iudices non litigarent; tantum sanctiorem disciplinam promouere intendebat, ut clerici molestis fori expediti melius altari deseruirent; non vero iura principum temerari, nec clericos magistratum potestate in causis civilibus exempt. Clericos, qui sunt ciues, a potestate magistratum eximere, non erat ecclesiae, sed summorum imperantium. Hinc canones tantum poenis canonicis subiiciunt clericos, qui contra alios clericos coram magistratu ius suum persequerentur; nec unquam statuunt, ut clerici a magistratibus vocati non se sistant, nec latas sententias nullas dicunt. Et profecto si clerici apud publicos iudices in causis pecuniariis conueniebantur, debebant comparere: tantum erat in potestate actoris, utrum ecclesiastico, an forensi iudicio experiri mallet, *L. 13. C. de episcop. audientia*, *L. 25. C. de episcop. & cleric.*

Huic iurisprudentiae aduersatur canon xxxii. concilii Agathensis apud Gratianum can. 17. C. 1. q. 1., clericum nullus praesumas, apud saecularem iudicem, episcopo non permittente, pulsare. At Gratianus canonem Agathensem interpolauit, & in alienum sensum detorsit. Genuina canonis lectio apud Labbaeum ita habet, ne clericus quemquam praesumat apud saecularem iudicem, episcopo non permittente, pulsare: quod conuenit antiquae disciplinae, qua non licebat clericis lites suas apud saecularem iudicem, nisi permittente episcopo, intendere.

non fuit ; nam si ob causae naturam , aut aliam difficultatem episcopus litem finire non poterat , tum licebat apud publicos iudices clericum conuenire . Et alia edita lege idem imperator a sententia episcopi publicum iudicem appellare permisit , *noyel. CXXIII. cap. 21.*

§. V. Ratio autem , qua Iustinianus monachis & clericis in causis ciuilibus fori priuilegium concessit , haec profecto fuit , ne illi litibus implicati , & strepitu fori distracti , a solitudine & altaris seruitio auocarentur . Certe imperator voluit , vt episcopi sanctimonialium & monachorum causas , non tamquam iudices ex formulis & strepitu fori , sed potius *honeste & sacerdotaliter* iudicent , vt a contentione monachi expediti , sine distractione Deo vacarent ; idemque etiam habet nouella LXXXIII. , quam sic Cuiacius contraxit , *clerici actione perueniaria committuntur coram episcopo , qui litem finiat celerrime sine summo & scriptura-sollamini* . Nimirum episcopi iudicabant tamquam arbitri reiectis formulis forensibus , & temporis compendio & concordiae inter partes conciliandae studebant . Sed temporis lapsu in episcoporum audientias tricae forenses irrepserunt ; quo factum , vt contra finem concedentis clerici priuilegio vtantur .

§. VI. Ita primum legibus principum inductum monachorum & clericorum in causis ciuilibus fori priuilegium , quod temporis lapsu variis principum edictis , synodorum canonibus & pontificum decretalibus confirmatum & auctum est (b). Hinc clerici ecclesiastico foro addicti ,

(b) Nec tantum confirmatum & auctum est mediis saeculis fori priuilegium clericis concessum ; verum etiam creditum , illud ecclesiae auctoritate processisse , nec a potestate principum pendere . Haec sententia praesertim post Gratianum inualuit , quando interpretes antiquitatis incuriosi vnice ex illius concordia & posteriorum pontificum decretalibus rem canonicam metiebantur . Et profecto multa siue prorsus supposititia , siue corrupta Gratianus refert monumenta , quibus non obscure traditur , ab ecclesiae auctoritate profectam clericorum exemptionem , *can. 3. & 17. C. 11. q. 1.* Ex quibus aliisque eiusdem farinae monumentis facile erat , in saeculo antiquitatis ignaro , doctrinam induci , clericos ecclesiae auctoritate a iurisdictione ciuili exemptos esse .

dicti, censuræ ecclesiasticæ subiecti iudices sæculares, qui clericos iudicio suo stare compellerent, & lata sententiâ tamquam ab iudice non proprio dicta viribus omnino caret, exceptis tantum feudalibus causis, quarum cognitio domino feudi reservata est. Conc. Lateran. III. can. 14., cap. 4. ex. de iudiciis, cap. 6. & seq. ex. de foro competenti. Quin in plerisque locis mos invaluit, ut clerici etiam laicos coram ecclesiastico iudice convenirent ad vindicandas res a laicis possessas, licet eas suas esse rei contenderent, cap. 5. ex. de foro competenti.

§. VII. Sed labentibus annis in plerisque christianis provinciis præsertim in Gallia & Belgio clericorum fori privilegium in causis pecuniariis diminutum est: atque ita clerici in actionibus in rem & causis mixtis, quin etiam in causis personalibus, quibus aliquid *realitatis* sit admittum, apud laicos iudices conveniri solent. V. Esperi. par. III. tit. 1. cap. 4. Item in iisdem locis decretalium dispositio, qua veratur clericus fori privilegio abrenuntiare, in causis civilibus usu sublata est, teste Mornacio ad L. 4. D. de pactis. Causa tantæ mutationis videtur repetenda a tris forensibus, quæ in forum ecclesiasticum irrepserant; ubi enim modus litigandi apud iudices ecclesiasticos intricatior præ foro civili evaserat, e re sua esse viderunt clerici potius apud laicos, quam ecclesiasticos iudices conveniri: & magistratus sensim iurisdictionem vindicarunt suam, quando experientia innotuit, honeste & sacerdotaliter, ut ait Iustinianus, causas in foro episcopali non tractari.

§. VIII. Quod vero spectat ad Siciliae regnum, quo & Sicilia proprie sic dicta & Apulia continebantur, sub regibus Nortmannis & Suenis clericorum fori privilegium in causis pecuniariis non integrum obtinuit. Etenim clerici in actionibus in rem, si res essent eorum propriæ, non ecclesiæ, conveniri debebant apud iudicem sæcularem eius loci, ubi res sita erat, quod Gulielmus I. Rex in const. si quis clericus tit. de clericis conveniendis statuit, & inde Fridericus II. in const. de burgenfancis tit. de sacramento præstando a baiulis confirmavit. Quo tempore constitutiones istæ conditæ sunt, causæ in foro ecclesiastico tris forensibus agitabantur, clericosque ab altaris ser-
tio

no auocabant; vt proinde iustum visum fuerit Regibus nostris, clericorum fori priuilegium in causis pecuniariis ad solas actiones personales restringere. Interim pragmatici nostri has constitutiones nihil valere pronuntiarunt, vtpote libertati ecclesiasticae aduersas: qua in re iuris publici ignorantia errarunt.

§. IX. Sed deinceps regno ad Andegauios reges translato, clericorum fori priuilegium extensum est, & clerici non coniugati in causis omnibus, siue in rem, siue in personam a laicorum iurisdictione exempti, suis episcopis per omnia subiecti sunt, exceptis causis feudalibus: quod ius pactis inuestiturae Carolo I. a Clemente IV. datae comprehensum est. Parum videbatur Carolo aliquid de iurisdictione in clericos remittere, dum regnum, cuius erat appetentissimus, acquireret. Hoc idem ius inde Carolus II. in cap. *item statumus XCIV.* confirmauit. Ita abrogatae sunt apud nos regni constitutiones, quibus clerici in actionibus in rem apud laicos iudices conueniri debebant: & deinceps ius a Carolo II. confirmatum obtinuit: etsi hodie plures species excipiantur, in quibus clerici apud magistratum conueniendi sunt, de quibus inferius.

C A P V T IV.

De iurisdictione criminali ecclesiastica.

§. I. **P**otestatem criminum, quae in ciuitate admittuntur, puniendorum inter iura maiestatis censeri, nemo vnus ignorat. Nimirum, quae ad ciuium securitatem spectant, ea omnia ciuilibus potestatis iura constituunt: ciuium vero securitas haberi non potest, nisi crimina pro varia reipublicae ratione debitae poenis vindicentur: poenarum enim metu homines a criminibus admittendis deterrentur, & quisque in officio manet: qua ratione & ad laesi satisfactionem procurandam poenae in ciuitate receptae sunt, quod Grotius *de iure belli ac pacis lib. II. cap. 20.* pluribus illustrat.

§. II.

§. II. Ciuilis vero potestas pro iure suo punit vindicatque crimina omnia, quisque demum sit, siue laicus, siue clericus, qui delinquit; clerici enim per domini sortem non desinunt esse ciues. Et profecto apostolus, nullo facto personarum discrimine, ciuilis imperii esse docet eriminum puniendorum potestatem. Eius enim sententia est, omnem hominem iure diuino subiectum esse ciuili potestati, quae ex Dei ordinatione gladium portat, illumque in facinorosos omnes exercet. *Omnis anima*, hoc est omnis homo, *potestatibus sublimioribus subdita sit: non enim est potestas nisi a Deo* Itaque qui resistit potestati, Dei ordinationi resistit Dei enim minister est tibi in bonum: si autem malum feceris, time: non enim sine causa gladium portat. Dei enim minister est: vindicat in iram ei, qui malum agit; ad Rom. XIII. 1. seqq. Quibus verbis apostolus aperte docet, iure diuino ad ciuilem potestatem spectare ius criminum puniendorum, quisque demum sit, qui delinquit; loquitur enim de illa potestate, quae gladium portat, & cui tributa penduntur.

§. III. Porro veteres patres tenent, clericos omnes, etiam episcopos, iure diuino subiectos esse ciuili potestati. Instar omnium sit Chrysostomus, qui *hom. XXIII. in epist. ad Rom.* ex verbis apostoli hanc doctrinam proponit: *potestatibus ex debito obedire iubet apostolus; ostendens, quod ista imperentur omnibus, & sacerdotibus & monachis; non solum saecularibus, id quod statim in ipso exordio declarat, quum dicit: omnis anima potestatibus sublimioribus subdita sit: etiam si apostolus sis, si euangelista, si propheta, siue quisquis tandem fuerit, non enim pietatem euerit ista subiectio.* Chrysostomo ex recentioribus omnino concinit S. Bernardus, qui *ep. XLII. ad archiepiscopum Senonensem* ex eadem apostoli doctrina concludit, etiam ipsum archiepiscopum ciuili potestati se subiectum agnoscere debere: *omnis anima potestatibus sublimioribus subdita sit: si omnis, & vestra: quis vos excipit ab vniuersitate? Si quis tentat excipere, conatur decipere.*

§. IV. Haec autem principum in puniendis criminibus potestas numquam fuit, nec est ecclesiae impedimento, quominus in foro interno delicta coerceat. Nimirum apud christianos forum interius instituit Christus, ut ita-

tum amissam per peccata innocentiam recuperare possumus. Verum nihil habet eiusmodi forum cum potestate principum in puniendis delictis, quam ad diuerfos fines dirigantur, illud nempe ad salutem aeternam, haec vero ad ciuitatis securitatem. Hinc mira fuit per plura saecula in puniendis delictis sacerdotii & imperii concordia. Primum reos damnabant ciuiles magistratus: inde damnatos ecclesia poenitentiae subiiciebat: cumque saeculo nono nonnulli reorum iactare coepissent, *nihil pertinere ad episcopum, quae a publico examinata dignoscuntur, & discussa*, eorum audaciam synodus Ioannis papae repressit, *cap. 1. ex. de off. iudicis ordinarii*.

§. V. Quoniam vero a ratione alienum videbatur, clericos delinquentes publicis iudiciis coerceri; pro pietate sua christiani principes clericos ab imperio magistratus exemerunt, eorumque delicta episcopis commiserunt punienda: idque sensum factum est. Crimina clericorum duplicis generis sunt, *communis* nempe, seu *ciuilia*, & *ecclesiastica*. Communia sunt, quae clerici committunt tamquam ciues, iisque publica tranquillitas in primis turbatur & euertitur, qualia homicidium, peculatus, adulterium, furtum. Ecclesiastica vero sunt, quae directe contra religionem & ecclesiasticam disciplinam admittuntur, quaeque poenis canonicis vindicantur, qualia apostasia, haeresis, schisma, simonia.

§. VI. Iam vero christiani imperatores in ecclesiasticis & ciuilibus criminibus, quae leuia videbantur, clericos a potestate ordinariorum iudicum exemerunt; non etiam in delictis ciuilibus grauioribus. Certe Valentinianus senior voluit, vt sacerdotes de sacerdotibus in causa fidei, vel ecclesiastici alicuius ordinis, vel morum iudicarent, quod testatur Ambrosius *epist. XXXII. (a)*. Item

im-

(a) Causae ecclesiastici ordinis erant crimina ecclesiastica; mores vero erant vitia, quae a laicis admissa leuia videbantur; ut graua procul dubio erant, si a clericis, qui perfectionem amplexi sunt, admitterentur, qualia scortatus, ebrietas, alea. Et licet veteri de moribus iudicio & grauiores & leuiiores mores venirent, teste Vlpiano *fragm. si. vl. §. 12.* tamen in *l. 2. C. Tb. de repudiis* aperte crimina & mores separantur.

CAP. IV. DE IVRISDICTIONE ETC. 311

imperatores Valens, Gratianus & Valentinianus determinant, ut clerici in dissensionibus leuibusque delictis, quas ad religionis obseruantiam pertinent, a suae dioecesis synodis audiantur; in civilibus vero ordinariis extraordinariisue iudiciis subiecti sint, *L. 23. C. Th. de episcopis & clericis*. Et in hanc sententiam deinceps suas dederunt leges Theodosius M. in *L. 3. tit. de episc. iudicio post C. Th.*, modo lex ista illius sit, Arcadius & Honorius in *L. 11. C. Th. de religione*, & Valentinianus III. in *nouel. XII. ad calcem C. Th.* Ceterum in ea parte, qua statuunt imperatores, ut in rebus fidei & religionis episcopi iudices sedent, videntur potius confirmasse ius ecclesiasticum, quo causae istae ad episcopos deferuntur, quam aliquid de nouo statuisse, aut tribuisse (b).

§. VII. Sic per christianos imperatores statuta in criminibus ecclesiasticis clericorum a publicis iudiciis exemptio ad Iustinianum usque stetit immutata; at sub hoc imperatore incepit disciplinae mutatio. Etenim quamuis Iustinianus in *nouel. LXXXIII.* primum ex sententia antecedentium legum clericorum exemptionem in causis ecclesiasticis probarit; tamen inde noua edita constitutione cauit, ut laici iudices clericos & monachos communium criminum reos inscio episcopo non damnarent, ac si laico iudici cum episcopo non contineret, ad se referri iussit, *nouel. CXXIII. cap. 21.* Qua constitutione indulget quidem Iustinianus clericis civilium criminum reis, ut a publicis iudiciis inscio episcopo non damnarentur; at interim integram reliquit principis in clericos facinorosos potestatem (c).

§. VIII.

(b) Oerte Ambrosius *cit. ep. XXXII.* adfirmat, statuisse Valentinianum, in causa fidei, vel ecclesiastici alicuius ordinis eum indicare debere, qui nec munere impar sit, nec iure dissimilis. Et Arcadius & Honorius *cit. L. V.* habent, quoties de religione agitur, episcopos oportet indicare. Quae loca aperte probant, imperatores in causis ecclesiasticis nullam exemptionem concessisse, sed ecclesiae disciplinam potius confirmasse.

(c) Quin non desunt viri iuris publici scientissimi, qui tenent, non posse principes eximere aliquem ex ciuibus a suprema

§. VIII. Exemptio ab Iustiniano clericis concessa, qua illi in criminalibus iudicio quodam misto puniebantur, in ecclesiis Occidentis saeculo sexto & initio sequentis recepta erat. Conc. Antioffiod. *can. XLIII.*, conc. Paris. *v. can. 4.* Sed deinceps clerici in criminalibus, exclusis iudiciis publicis, per omnia episcoporum iurisdictioni addicti sunt (d): quod ius habent regum Francorum capitularia *lib. I. cap. 38. & lib. V. cap. 378.*, & saepe posteriores canones & decretales confirmant, & quidem censura contra iudices proposita, qui poenas de criminosis clericis sumere auderent. Hinc Gratianus manum admonit ad antiqua monumenta, quae in suam concordiam coniecit, eaque mutilauit, aut alias interpolauit, ut cum nouis canonibus & falsis & posterioribus decretalibus concinerent (e). Quin ubi iuris canonici consulti tantum ex Gra-

ma imperii potestate; nam sic exempti ciues, utpote a capite non pendentes, vnum corpus cum reliquis ciuibz non conficerent. Conf. Barclaus *de potest. papae cap. XXXIII.*

(d) Generalis exemptio clericorum in omnibus criminibus a potestate iuris gladii moribus eius aetatis, qua concessa est, perbelle conuenit. Nimirum in nouis regnis, quae populi septemtrionales ex ruinis Romani imperii in Occidente fundarunt, crimina ferme omnia multis seu poenis pecuniariis, quas *compensationes* dicebant, solebant expiari, & raro admodum sanguis effusus. V. Caz. Dufresne *in glossar. mediae & infimae latinit. v. componere*. Hinc nec receptae politiae, nec ecclesiae mansuetudini aduersabatur, episcopos de criminibus omnibus clericorum iudices sedere & poenas irrogare. Et licet ecclesia legibus Romanis viueret, tamen illa sanguinis poenas iure Romano propositas mansuetudine sua obliterauit.

(e) Et profecto a lege sub nomine Theodosii M. qua statuebatur, ne clerici ad iudicia ordinariorum iudicum in causis ecclesiasticis traherentur, detraxit verba ista *quantum ad causas ecclesiasticas*, *can. 5. C. 11. q. 1.* Et in canone *iv. synodi v. Parisiensis*, quo ex scientia episcopi poterat magistratus in clericos ciuiliu criminum reos animaduertere, verba *sine scientia pontificis* ita mutauit *sine licentia pontificis*, *can. 2. loc. cit.*, ut videretur veluti ab episcopi delegatione pendere magistratus potestatem.

Gratiano & decretalibus a Gregorio IX. collectis sapiebant, ferme recepta est doctrina, clericorum exemptionem, praesertim in causis criminalibus, esse iuris diuini, & ideo nulli laicae constitutioni obnoxiam. V. *Espen. par. III. tit. 3. cap. 2.* Quo etiam spectant concilium Lateranense v. *ses. V.* & Tridentinum *ses. XXV. de ref. cap. 20.*, dum id edicunt, tam iure diuino, quam humano nullam esse laicis in clericos potestatem.

§. IX. Haec autem, quae iure Romano, siue regum Francorum capitularibus, siue ecclesiasticis decretis de clericorum privilegio fori in criminalibus statuta sunt, in christianis prouincijs non generatim obtinent, sed quatenus usu recepta, aut probata sunt. Nimirum ubi medijs saeculis magnus erat numerus clericorum, qui impune scelera grauiora admittebant, moribus aut legibus principum crimina quaedam excepta sunt, quae si clerici admitterent, a publicis iudicibus punirentur. Ita in Gallia in clericos atrociorum criminum reos regii iudices animaduertunt, quae crimina *privilegiata* dicuntur. V. *Espen. par. III. tit. 3. cap. 2.* Et quamuis in his criminibus alias in Gallia simul magistratus & episcopus iudicarent; tamen moribus praesentibus in delictis atrocioribus soli iudices regii cognoscunt. *Roussell. hist. iurisd. pontif. lib. IV. cap. 3.* Similiter in Belgio nonnulla crimina clericorum etiam a publicis iudicibus vindicantur, teste *Espenio loc. cit.* Et in Venetorum republica leuia tantum clericorum delicta iudicio iudicum ecclesiasticorum committuntur. *Sarpus in considerationib.*

§. X. Nunc videamus oportet, qua ratione fori privilegium in causis criminalibus in regno Siciliae constitutum est. Principio statuit Gulielmus II. Rex, ut clerici in omnibus delictis in foro ecclesiae iudicentur secundum ius ecclesiasticum, *excepto si de perduellione aliquis fuerit appellatus, vel de alio magno huiusmodi maleficio, quod spectat ad maiestatem, const. de personis tit. ubi clericus in maleficiis debeat conueniri.* Inde ubi regnum in duo diuisum est, in regno Neapolitano Carolus II. Andegauis voluit, ut clerici in omnibus causis, siue criminalibus, siue civilibus, siue mistis, exceptis causis feudalibus, coram iudice ecclesiastico conueniantur, *cap. item sta-*

§14 INSTITVT. IVRIS CAN. PARS III.

tuimus xciv. tit. de non trahendis clericis. Ampla quidem exemptio; at abrogata non videtur Gulielmi constitutio, qua clerici in crimine maiestatis iudicibus publicis addicuntur (f). Sane qua demum cumque generali formula exemptio concipiatur, crimen maiestatis non complectitur: non enim videtur princeps ei concessisse priuilegium, qui contra maiestatem committit; sunt enim nonnulla scelera, quae omnem honorem excludunt, L. 1. C. ubi senatores, & in causa maiestatis omnibus aequa conditio est, L. 4. C. ad L. Iul. maiestatis.

C A P V T V.

Qui clerici & monachi fori priuilegium habeant, & an illud possint eiurare.

§. I. **E**X veteris disciplinae regulis clerici omnes, siue maiores, siue minores, etiam qui sine ordine erant in canone, item monachi & monastriae fori priuilegio utebantur. Nouel. LXXXIII. & CXXIII. cap. 21., conc. Parisiense v. can. 4. Ipsi clerici coniugati, etiam qui in ministerio suis utebantur vxoribus, fori priuilegio tuti erant, eoque etiam vsi sunt solius primae tonsurae clerici, vbi nouum hoc clericorum genus in ecclesia receptum est. Clerici autem tum gaudebant fori priuilegio, si ecclesiae, cui addicti erant, deseruissent (a).

§. II.

(f) Nec audiendi sunt Andreas de Isernia & Matthaeus Afflictus, qui non solum docent, clericos in crimine maiestatis de magistratuum imperio exemptos esse; verum etiam eos, utpote ciuili potestati minime subiectos, (noua profecto theologia, nouum ius publicum) crimen maiestatis admittere non posse.

(a) Sane Iustinianus clericos omnes in causis pecuniariis apud episcopos conueniri voluit, ne a sacris amoueantur obsequiis, nouel. LXXXIII. Et generatim clericorum personales immunitates potius ob iuge ecclesiae ministerium, quam ob dignitatem & or-

§. II. Verum labentibus annis lapsa ecclesiastica disciplina fori priuilegium praesertim in causis criminalibus potius ob ordinis dignitatem & characterem, quam ob ecclesiae seruitium clericis datum reputatum est: quae doctrina post saeculum decimum in magna clericorum multitudine, qui sine beneficio ordinati ecclesiae non deseruiebant, generatim inualuit. Et ut nemo a clericalibus priuilegiis excluderetur, saeculo decimo tertio & sequentibus docuerunt decretalium interpretes, primam tonsuram esse ordinem, & characterem imprimere, ut ita attonsi omnes fierent omnino sacri, & ecclesiae foro adiecti censerentur. V. Eipen. *par. III. tit. 3. cap. 3.* Hinc doctrina illa, clericos omnes fori priuilegio, praesertim in criminalibus, gaudere, etsi ecclesiae non deseruissent, nec habitum & tonsuram clericalem gererent, *cap. 12. de sent. excomm. in 6.*

§. III. Hoc iure ferme viximus vsque ad synodum Tridentinam, quae saltem ex parte veterem disciplinam restituit. Etenim de clericis minoribus non coniugatis statuit, ut tum demum gaudeant fori priuilegio, si beneficium habeant ecclesiasticum, aut clericalem habitum & tonsuram gerentes, de mandato episcopi ecclesiae inserviant, aut in aliquo seminario aut schola, quasi in via ad maiores ordines, versentur. Trident. *sess. XXIII. de de ref. cap. 6.* Quo decreto etsi patres de clericis beneficiariis agentes, aperte nihil habeant de ecclesiae seruitio & habitu & tonsura clericali; tamen exploratum esse debet, etiam clericos beneficiarios ex synodi mente ecclesiae debere deseruire, ut fori priuilegio utantur; & si id patres non expresserint, ea ratione factum videtur, quod maxime beneficiariorum erat ecclesiae deseruire, benefi-

K k 2 cium

& ordinis characterem concessae sunt, ne sacrilego liuore quorundam a diuinis obsequiis auocentur, ut Constantinus M. in *L. 2. C. Th. de episc. & clericis* expressit. Hinc si quis vitam clericalem, seu, quod idem erat, ecclesiae ministerium deseruisset, prout natales aut facultates erant, vel curiae, seu senatui patriae suae, vel ordini suo perpetuo sociabatur, *L. 39. C. Th. eodem.*

cium enim datur propter officium. Quidquid vero sit, apud nos etiam requiritur ecclesiae seruitium & habitus & tonsura clericalis, vt beneficiarii fori priuilegio vtantur, quod litteris Regis nostri anno MDCCCLX. ad Cameram Regalem comprehensum est.

§. IV. Clerici coniugati post saeculum vndecimum omnibus clericalibus priuilegiis spoliati sunt, & inhabiles facti ad retinenda beneficia, *cap. 7. ex. de clericis coniugatis*. V. Thomass. *de vet. & noua eccles. discipl. par. I. lib. 2. cap. 36.* Id factum videtur ad compescendam clericorum incontinentiam, quae saeculo decimo & deinceps increbuerat. Sed postea redintegrato caelibatus clericalis vigore, humanius cum clericis coniugatis actum est, eisque Bonifacius VIII. concessit, ne propter crimina criminaliter aut ciuilitur coram magistratu conueniantur, modo vnicam & virginem duxerint, & habitum & tonsuram gerant, *cap. vn. de cleric. coniugatis in 6.* Quod priuilegium confirmarunt Tridentini patres, eo tamen addito, vt coniugati iussu episcopi alicui ecclesiae addicantur, *ses. XXIII. de ref. cap. 6.*

§. V. Plures alii, etsi non monachi, nec clerici, iure canonico, aut doctorum placitis fori priuilegio gaudent, quales tirones vitae monasticae seu nouitii, quousque in tirocinio perseuerant, Fagnan. *ad cap. nullus ex. de foro comp. n. 59.* item seruientes seu quocumque alio nomine militiis, seu monasteriis, seu collegiis addicti. Trident. *ses. XXIV. de ref. cap. 11.* Clerici quoque seu diaconi sic dicti *siluatici*, hoc est clerici, qui nulla tonsura initiati vestem clericalem aut eremiticam induunt, & alicui ecclesiae urbanae seu capellis suburbanis inseruiunt. Episcoporum quoque familia laica, quae varia officia complectitur, veluti cancellarios, scribas, domesticos, cursores, omnium interpretum consensu fori priuilegio vtitur. Nec desunt doctores, qui etiam ad clericorum familiam, veluti uxorem, filios, famulos fori priuilegium extendunt. V. Fagnan. *loc. cit.*

§. VI. Haftenus dicta de iis, qui fori priuilegio gaudent, non omnia apud nos peraeque seruantur, quod patris conuentis inter Benedictum XIV. & Carolum olim Regem nostrum aliqua addita, multa vero reiecta sunt.

Prin-

Principio placuit, solos clericos, qui secundum Tridentinas regulas viuunt, & religiosos omnes vtriusque sexus, qui veste monastica suscepta vitam communem sub disciplina & obedientia regulari viuunt, aut qui extra monasterium degunt, superiorum suorum iussu necessaria negotia obituri, fori priuilegio gaudere; non item alias personas, quocumque nomine veniant, quae fori priuilegio deiectae sunt, *cap. III. n. 1.* Clerici vero minores & primae tonsurae quotannis debent probare, se secundum sacros canones vixisse, aliter eorum nomina ab albo clericorum, quod in ecclesia cathedrali publice habendum est, delentur, & clericalia priuilegia amittunt, *cap. IV. n. 8.*

§. VII. Iam eadem conuentione *cap. III. n. 1.* & 2. placuit, vt clerici coniugati in solis criminalibus causis, quae criminaliter aguntur, fori priuilegium habeant, modo vivant ex regulis Tridentinis, & artibus & negotiis abstineant, quae clericos dedecent; in reliquis vero omnibus apud iudicem laicum conueniantur. Laicus vero iudex tantum super bonis sententiam exsequetur: & si id vetet reorum inopia, ad capturam rei etiam procedet, sed prius ab ecclesiastico iudice venia petita, quam hic omnino dabit. Vt vero coniugati clerici sibi concessio priuilegio vtantur, quotannis apud episcopum loci debent probare, se ex forma canonum vixisse, & ab eodem litteras, quae id testentur, gratis accipere. Vtuntur hoc priuilegio tantum ipsi coniugati, nec ad vxores & filios extenditur.

§. VIII. Porro iisdem pactis conuentis *loc. cit. n. 5.* & 7. placuit, vt laici, qui in ecclesiastico foro actorum magistros agunt, quique episcoporum aliorumue praelatorum *cursores* appellantur, in ciuilibus, criminalibus mistisque causis, quod spectat personalem restrictionem, fori habeant priuilegium, quousque in ministerio sunt, nisi ea causa sit, vt poena mortis aut triremium iure statui in eos possit: quo casu tantum regionum iudicum in eos iurisdictio est: officiales vero baronales tantum eos in carceres detrudere possunt, & regios iudices ea de re facere certiores. Sed actorum magistri & cursores intra praefinitum numerum esse debent.

§. IX. Iure decretalium clerici minores, qui habitum vitamque clericalem abiicerent, fori priuilegio non ex-
cidebant, nisi ter admoniti in statu laicali persisterent, *cap. ult. ex. de vita & honest. clericorum, cap. 44. ex. de sentent. excommunicationis*. Sed deinceps distinctum est inter minores clericos beneficiarios & non beneficiarios, receptumque est, illos seruata iudicii forma & monitione praemissa fori priuilegio spoliandos, hos vero ipso iure ob desertam vitam & habitum clericalem excidere, quod Innocentius XIII. in bulla *apostolici ministerii* & Benedictus XIII. in bulla *in supremo militantis* statuerunt. Interim apud nos litteris Regis nostri, ad Cameram Regalem mense Septembri anni MDCCCLX. datis etiam clerici beneficiarii ipso iure cadunt fori priuilegio, si ex regulis Tridentinis & pactorum conuentorum forma non viuunt. Qui vero ipso iure amiserunt fori priuilegium, etsi alias ex fide bona possent pro arbitrio ad clericalem vitam reuerti; tamen apud nos semel albo clericorum deiectioni, iterum clericalem vitam pro arbitrio suscipere videntur interdicti.

§. X. Quicumque fori ecclesiastici priuilegium habent, ex principiis iuris veteris concesso priuilegio poterant renuntiare, & in iudicem laicum consentire, *noyel. CXXIII. cap. 8.*, idque ob regulam iuris antiqui, qua omnibus licebat his, quae pro se indulta sunt, renuntiare. Verum Innocentius III. summus pontifex omnino interdixit clericis fori priuilegio abrenuntiare, & in iudicem laicum consentire, nulliusque momenti esse dixit renuntiationem, etsi sacramento factam, *cap. 12. ex. de foro compe'tenti*: idque duabus praesertim rationibus, vna quod priuatorum pactis iuri publico non recte renuntiatur, fori vero priuilegium iuris publici est: altera, quod per veteres canones prohibetur clericis laicum forum adire (b). Ita sum-
mus

(b) De hoc Innocentii III. rescripto in diuersa abeunt interpretes. Cuiacius, Struchius, Vulteijs alique multis contendunt, pontificem contra iuris rationes constituisse, non posse clericum fori priuilegio abrenuntiare, & in iudicem laicum consentire. Contra Cironius, Gonzalez alique pontificem ab hac

mus pontifex dignitati ordinis clericorum consuluit, quae deturpari videbatur, si clericis liceret privilegio ordini concessio renuntiare. Rescriptum hoc Innocentianum statim in usum versum est, & multarum synodorum decretis confirmatum; mediis enim saeculis certum habebatur, posse pontifices suis decretalibus leges civiles abrogare. Tantum ex regulis decretalium licet clericis in ecclesiasticum iudicem, alias incompetentem, ex venia proprii episcopi consentire, *cap. 18. 2x. eodem.*

C A P V T VI.

De foro competentis.

§. I. **F**orum siue forus Romanis & negotiationis & exercendarum litium locus fuit, qua de re multa habet Polletus *hist. fori Romani cap. I. & seq.*, qui tamen non recte adfirmat, forum virilis generis Latinum non esse. V. Cuiac. *in tit. decretal. de foro competentis.* Dictum vero fuit forum a ferendo, quod eo loci & controuersiae iudici definiendae, & merces venales ferebantur, ut Varro obseruat. Itaque forum, ubi de iudiciis agitur, est locus iudiciorum, & saepe etiam pro ipso iudicio sumitur. Forum vero in iudiciis est competens, si

K k 4

com-

nota strenue vindicant. Sed hac in re duo videntur distinguenda: vnum, num ex principiis iuris civilis pontifex recte prohibuerit clericis fori renuntiationem; alterum, num pro iure suo potuerit ius vetus abrogare. Er primum quidem tum recte iuri publico non potest priuatorum pactis renuntiari, si ipsa lex renuntiationem non permittat, non item si illam concedat, *L. ult. §. ult. C. de temporib. appellationum*: in specie vero fori clericalis aperte ius ipsum publicum renuntiationem clericis permittit, *L. 51. C. de episcopis & clericis, nouel. CXXIII. cap. 8.* Alterum, tempore, quo vixit Innocentius III. certum habebatur, posse pontifices contra ius civile respondere.

competat iis, qui eo controuersias deferunt suas, atque ideo est forum iudicis proprii, seu competentis, qui scilicet cognoscendi habet potestatem & in reum iurisdictionem.

§. II. Quando autem competens iudex forum constituit, dubio procul ecclesia forum proprium habet, in quo non minus de rebus spiritualibus, quam de rebus temporalibus iudicatur. Et quod spectat ad res spirituales, ecclesiae forum tantum competens est, praesertim si iuris quaestiones agitentur, idque siue rei clerici, siue laici sint. Potestas enim spiritualis iure clauium continetur, quas Christus solis apostolis & eorum successoribus concedit. Hinc Osius Cordubensis apud Athanasium *apol. II.* admonuit Constantinum M., imperii & sacerdotii fines esse constitutos, & diuinae ordinationi eos aduersari, qui ipsius imperium malignis oculis carperent: itemque ipsum imperatorem fines a Deo positos transire, si ecclesiae & sacerdotibus diuinitus concessa iura usurparet.

§. III. Verum enimvero forum ecclesiae, praesertim pro ea parte, quae ad peccata eorumque medelas spectat, in veteri disciplina totum internum fuit & sacramentale, quod Morinus *de administr. poenit. lib. I. cap. 10.* pluribus illustrat. Et quamuis veteres patres in puniendis criminibus multa iudiciaria & veluti sollemnem iudiciorum ordinem adhiberent, si in reos accusatos & non confessos procederent; tamen externa omnis forma ad peccatorum poenitentiam & forum internum spectabat. Forum eiusmodi saeculo decimo secundo in duo diuisum est, vnum *internum*, alterum *externum*; & internum quidem sine iuris ambagibus exercetur, & in crimina prorsus omnia sacramentali ratione procedit: externum vero complectitur censuras & alias causas ecclesiasticas, quae per iuris ambages apud iudicem tractantur & deciduntur.

§. IV. Causarum ecclesiasticarum, quae tantum ad episcopale forum spectant, aliae sunt de rebus sacris, aliae de criminibus. Et de rebus sacris in primis censentur causae de sacramentis, quas, quod spectat ad eorum naturam (a) & con-

(a) Quod spectant, inquam, eorum naturam: nam *circa mo.*

& constitutionem, ecclesiasticae cognitionis esse in competentis est. Verum ex causis sacramentalibus vix ullae ad forum contentiosum hodie producuntur, exceptis matrimonialibus, quae per iuris ambages tractari solent.

§. V. Iure veteri causae omnes ad matrimonii contractum spectantes, & inde pendentes, veluti de dote, sponsalitiis largitionibus, natalibus, alimentis praestandis ad saeculare forum pertinebant. Tantum ecclesiasticae cognitionis erant sacramentum, canonica impedimenta, nuptiarum benedictio, aliique ritus, quibus in domino matrimonium contrahi posset. At labentibus annis matrimonii sacramentum contractum veluti occupavit & ad se traxit: inde quaestiones matrimoniales etiam de contractu & inde pendentes, veluti spirituales, aut spiritualibus incidentes, ad forum ecclesiasticum conuolarunt, quod ius decretales exhibent, *cap. 5. ex. qui filii sint legitimi*, *cap. 3. ex. de donationibus inter virum & uxorem*. Interim praesentibus prouinciarum institutis ferme solae quaestiones de vi matrimonii & sponsaliorum & de sacris ritibus fori ecclesiastici sunt: quod ius etiam apud nos patet conuentis inter Benedictum xiv. & Carolum olim Regem nostrum comprehensum est, *cap. VI. n. 3*.

§. VI. Causae quoque beneficiariae spiritualibus accensentur, atque ideo ecclesiastici fori sunt, siue de ipsa collatione, siue de qualitatibus beneficiariorum, siue de ipsius beneficii priuatione, siue de excitandis, siue coniungendis, siue diuidendis beneficiis agatur. Et quoniam causae iuris patronatus spiritualibus adnexae sunt, iure decretalium etiam ad forum ecclesiasticum pertinent, *cap. 3. ex. de iudiciis*. Capellaniae tamen merae laicales & legata pia, quae nulla episcopi auctoritate constituta sunt, bene-

modum, tempus, locum ea exhibendi & celebrandi, nec non eorum ministros plura intercurrere queunt externam politiam spectantia, & ad quae principum eorumque magistratum cura se extendere potest, quin & subinde debet: vixote quibus incumbit externae politicae curam habere, atque curare, ut omnia recto ordine etiam in ecclesia agantur, ut Espenius par. III. tit. 2. cap. 1. loquitur.

beneficiariis fori ecclesiastici caussis non accensentur. Quin litteris Regis nostri III. idus Iunii anni MDCCCLXX. statutum, capellanas a testatoribus relictas aestimandas tamquam onus hereditatis, cuius executio pro celebratione missarum officio iudicis continetur.

§. VII. Item caussae funerariae fori ecclesiastici sunt, si nempe agatur de concedenda vel neganda mortuis sepultura, de eiusdem electione, benedictione cadaueris, vsu crucis parochialis, & de solutis iuribus funerariis inter ecclesias & clericos diuidendis. Quin iure decretalium etiam fori episcopalis est cogere laicos ad consuetas funerarias oblationes praestandas, si sponte non offerantur, *cap. 42. ex. de simonia*. Sed moribus hodiernis etiam huius regni actio ad soluenda iura funeraria fori laici esse censetur; est enim actio personalis, qua debita pecunia postulatur, nec aliquid spiritualis creditur continere.

§. VIII. Praeterea caussae decimarum iure decretalium foro ecclesiastico addictae; habentur enim decimae veluti sacer census Deo debitus in signum supremi & vniuersalis dominii, *cap. 14. & 26. ex. de decimis*: quae doctrina ex moribus Iudaicis in ecclesiam irrepsit. Itaque si quaestio sit, num decimae, aut qua mensura debeantur, iudicis ecclesiastici est iudicare: cuius etiam est cogere per censuras laicos ad decimarum solutionem, *cap. 5. ex. eodem, Trident. ses. XXV. de ref. cap. 12.*

§. IX. Caussae ecclesiasticae, veluti beneficiorum & decimarum, iure decretalium pertinent ad forum ecclesiasticum, tam si de ipso iure, quam si de possessione controuersia sit. At in Gallia, Belgio & plerisque christianis prouinciis iudicium de iure, seu *petitorium*, vt dicunt, remittitur quidem ad iudicem ecclesiasticum; at iudicium possessionis in regiis auditoriis tractari solet, si agatur de retinenda vel recuperanda possessione; non item de adipiscenda, nam hoc iudicium plus iuris, quam possessionis habere videtur. Nec religio est regiis magistratibus de caussarum ecclesiasticarum possessione cognoscere; nam de possessione quaestiones, veluti quae merum factum continent, temporales reputantur. Et licet in pleno possessionis iudicio etiam iura & tituli ambarum partium discuti & ventilari soleant, idque vt conitet de legitima

gitima alterius partis possessione; tamen id obiter fit, & sententia non super proprietate & titulis, sed tantum super possessione pronuntiatur. Finito possessionis iudicio, & per omnia executioni dato, liberum est victo iuris quaestionem in foro ecclesiastico intendere, etsi id raro fiat, quia expensis in iudicio possessionis iuribus & titulis mala esse videtur causa eius, qui iudicio possessionis victus est.

§. X. In regno Neapolitano etiam causae beneficiorum in iudicio possessionis tractantur in regii auditoriis at causae decimarum, etiam ubi de iure tractatur, in foro laico & praesertim in Sacro Consilio ex antiquis moribus cognoscuntur & iudicantur. Nec patitur regia iurisdictio, causas decimarum in foro ecclesiastico quomodolibet audiri, neque laicos ab ecclesiasticis iudiciis ad earum solutionem compelli; decretum enim Tridentinum, quo licet episcopis excommunicare quotquot decimas subtrahunt, aut earum solutionem impediunt, apud nos receptum non est. Sane eiusmodi quaestiones potius factum, quam ius ipsum doctoribus nostris spectare visae sunt, receptas nempe consuetudines & pacta, quibus christiani ad decimas ecclesiis soluendas obligantur. V. de Franchis *dec. CIII. n. 4.*

§. XI. Praeterea in multis catholicis prouinciis causae iuris patronatus laici, siue de iure, siue de possessione quaeratur, laici fori esse putantur: quod tradit Alteserra *de iurisdict. eccles. lib. VI. cap. 11.* Sed in regno nostro causae iuris patronatus etiam laicalis ad iudicem ecclesiasticum pertinent: tantumque excipiuntur causae iuris patronatus regii & feudalis, itemque alterius laici patronatus, si in patronatu feudali, quaeratur, num feudo sit adnexus, & in reliquis laicis patronatibus, si quaeratur, num sint de vniuersitate bonorum: in quibus speciebus cognitio ad iudicem laicum pertinet: quod pactis conventis inter Benedictum XIV. & Carolum olim regem nostrum *cap. VI. n. 4.* continetur.

§. XII. Causae criminales fori ecclesiastici propriae quamdiu vnum fuit ecclesiae forum, internum nempe crimina omnia fidelium erant, quae salutaribus poenitiis & sacramentali ratione ecclesia curabat. At ubi
rum

rum externum ab interno separatum est, hoc nullam determinationem subiit, nec subire poterat; at ratione externi fori criminum distinctio in *ecclesiastica*, *ciuilia* & *mixta* inualuit. Ecclesiastica religionem & fidem directe laedunt, qualia sunt haeresis, schisma, simonia. Ciuilia directe laedunt rempublicam, nec in foro externo aliquid spirituale continent, qualia homicidium, peculatus, furtum. Et demum mixta dicuntur, quae religionem & rempublicam eodem tempore laedere videntur, qualia adulterium, concubinatus, sodomia, sacrilegium.

§. XIII. Quod spectat crimina ecclesiastica, in competentis est, eorum cognitionem ad forum ecclesiasticum pertinere, siue clerici, siue laici delinquant; ecclesiae enim est videre, num. admissum crimen reuera tale sit, & canonicas poenas irrogare. Non tamen ex regulis ecclesiasticis vetitum est magistratibus in haereticos iudicio ecclesiae damnatos poenis ciuilibus animaduertere. V. Feuret. *de abusu lib. VIII. cap. 2.* Verum in regno Neapolitano crimina ecclesiastica solius iudicis ecclesiastici iudicio & punitioni reseruata sunt cum plena potestate animaduertendi in laicos: quod ius pactis conuentis inter Benedictum XIV. & Carolum olim regem nostrum *cap. VI. n. 1.* comprehensum est. Solius quoque iudicis ecclesiastici est de polygamia cognoscere, & poenas in polygamos irrogare, quod iisdem pactis conuentis *n. 2.* cauetur. Interim regis litteris anno MDCCCLVI. vetiti sunt iudices ecclesiastici in causis haeresis reos siue ecclesiasticos, siue laicos citare, aut carceribus tradere, nisi acta informationis antea Regi exhibuerint, & ab eo id agendi specialem veniam impetrauerint: nec inde instructio iudicio sententiam executioni possunt mandare, nisi Regi iterum acta exhibeantur, & ab eodem venia impetrata sit. Quae omnia Regi placuerunt ad iudiciariam S. Officii formam penitus excindendam.

§. XIV. Crimina mixta iure decretalium canonicis poenis vindicant episcopi, ciuilibus vero laici iudices, *cap. 2. ex. de maledicis, cap. 5. de poenis in 6.* quod regulis christianae religionis conuenit. Verum temporis lapsu ecclesiastici contendere coeperunt, etiam ius esse foro ecclesiae talia crimina poenis ciuilibus punire, idemque
etiam

CAP. VI. DE FORO COMPETENTI. 325

etiam magistratus facere posse, & idcirco locum esse praeventioni, iudicisque praeuenientis esse iurisdictionem. Hinc inter ecclesiasticos & laicos iudices controuersiae; nam solius ciuilibis potestatis esse tenebant regii iudices, poenis ciuilibus in laicos criminum mistorum reos animaduertere. Sed demum in nostro regno pactis conuentis inter Benedictum xiv. & Carolum olim Regem nostrum compositae controuersiae, datumque episcopis tantum poenis canonicis laicorum crimina misti fori expiare, *cap. VI. n. 5.* Quibus etiam poenis episcopi contra publicos reos ciuiliu delictorum possunt procedere.

§. XV. Forum ecclesiae etiam de causis temporalibus saltem clericorum cognoscit & iudicat, idque postquam vera iurdictio episcopis data est. Etenim iure Romano in causis ciuilibus ecclesia forum & iurisdictionem non habet, quod Cuiacius *parat. C. de episc. audientia* & Franc. Florens *tract. de iurisdictione eccles. in praefatione* docent. Aperta est sententia Valentiniani *III. nouel. XII. de episc. iudicio ad calcem C. Th., episcopi & presbyteri forum legibus non habent*: & in utroque codice tantum *episcopalis audientia* & *episcopale iudicium* episcopis conceditur, non iurdictio. Episcopi quoque iure Romano non habent in causis ciuilibus rei iudicatae executionem, sed eorum sententias magistratus exsequuntur. *L. 8. C. de episcopali audientia.* Sed nouis legibus & moribus episcopi etiam in causas profanas saltem clericorum forum sibi quaesierunt.

§. XVI. Iam vero quisque in proprio foro conueniendus est, hoc est apud eum iudicem, qui in reum habet iurisdictionem. Nimirum reus in iudicium venit inuitus, atque ideo apud iudicem, qui eum vocare & cogere potest, debet conueniri. Quoniam vero clerici fori privilegio vtuntur, quo de fori ciuilibis iurisdictione exempti sunt; hinc in causis temporalibus laici apud laicos iudices, clerici vero, & qui eorum iure censentur, apud ecclesiasticos conueniri debent, nisi causa talis sit, quae clericos de foro laico non eximit.

§. XVII. Reus siue in ecclesiasticis, siue in ciuilibus iudiciis ex quatuor praecipue causis forum sortitur, domicilio nempe, contractu, re sita, & maleficio, quod ciuili

326 INSTITVT. IVRIS CAN. PARS III.

vili & canonico iure constitutum est. Principio forum sit proprium domicilio, ibique reus ferme ex quavis causa recte conuenitur. Domicilium vero positum certo loco intelligitur, vbi quis larem, rerumque ac fortunarum summam constituit, vnde rursus non sit discessurus, si nihil auocet, vnde, quum profectus est, peregrinari videtur, *L. 7. C. de incolis*; vel si in aliquo loco per decennium commoratus, ibi sedem constituat, *L. 2. C. eodem (b)*.

§. XVIII. Item forum euadit competens & proprium ex causa contractus; vbi enim contractus initus est, ibi actione in personam reus praesens conuenitur; censentur nimirum contrahentes iurisdictioni eius loci, vbi contrahunt, se subiicere. Locus vero contractus ille intelligitur, vbi contractus initus est, nisi expressum sit, quo loco pecunia soluenda sit; nam in hac specie contractus eo loci initus censetur, vbi pecuniam solui placuit, *L. 3. D. de rebus auctoris iudicis possidendis*. Qui vero extra domicilium contraxit, actione directa in loco contractus, si ibi praesens reperiatur, arbitraria in domicilio conuenitur, *L. vn. C. vbi conueniatur, qui certa loco*.

§. XIX. Forum quoque facit proprium locus, vbi res controuersa sita est, ibi enim in rem actio aduersus possidentem intenditur, *L. 3. C. vbi in rem actio*, quasi quod actio rem ipsam persequi videatur. Nec refert, vtrum immobilis, an mobilis res sit, de qua contenditur: quin etiam actio intenditur, etsi possessor absit, *L. 2. C. eod.* Res vero sita non impedit, quo minus liberum sit actori,

(b) Praeter proprium cuiusque domicilium, haecenus descriptum, datur etiam commune, quod iure Romano ipsa Roma erat. *L. 33. D. ad municipalem*. Hinc vnusquisque Romae repertus ex quavis priuata causa ibi conueniebatur, nisi ius reuocandi domum haberet, *L. 2. §. 3. seqq. D. de iudiciis*. Simili iure etiam Roma christiana communis omnium clericorum patria habetur: quo fit, vt clerici peregrini Romae reperti, ibi recte conueniantur, etsi nulla alia causa sit, qua forum proprium fiat, nisi ex iusta & necessaria causa in urbem venerint, quo casu habent ius reuocandi domum, *cap. ult. ex. de foro competentis*.

ri, in loco domicilii eadem actione reum conuenire, *L. 38. D. de iudiciis*. Iure canonico etiam beneficio forum competens fit, veluti re sita, *cap. 3. de temporib. ordinationum in 6.*, & ita in causis beneficiariis recte apud episcopum beneficii clerici conueniuntur.

§. XX. Praeterea ex causa admissi criminis forum competens euadit: quaestiones enim ubi commissa, aut inchoata sunt crimina, perfici debent, etsi alterius loci aut prouinciae sit, qui deliquit, *L. 7. C. vlt. D. de accusationibus, cap. 14. ex. de foro competenti*. Sane ubi quis deliquit, maior est copia probationum & maius expensarum compendium, & praeterea iustum est, reum exemplo poenae prodesse, ubi obfuit exemplo delicti. Quod si reus a loco delicti absit, etiam alibi quaestio perfici potest, *L. 1. C. ubi de criminibus*, nisi magistratus loci criminis admissi petat, reum ad se transmitti, in loco patrati delicti puniendum, *L. 7. C. de custodia reorum, nouel. CXXXIV. cap. 5.*

§. XXI. Sunt etiam alii modi, quibus forum alias incompetentis proprium euadit, quales praecipui sunt consensus litigantium, continentia causae, & priuilegium. Et quidem iure Romano in causis ciuilibus licet litigantibus in alienum iudicem consentire, quo consensu iurisdictio profertur, seu, ut dici solet, *prorogatur*, & incompetentis iudex competens euadit, *L. 1. C. de iudiciis*. Iure decretalium clerici ex proprii episcopi voluntate in alienum iudicem ecclesiasticum recte consentiunt, *cap. 18. ex. de foro competenti*, non item in iudicem laicum, *cap. 12. ex. eodem*. Ex antiquo vsu in regno nostro clerici etiam inscio episcopo in forum nuntii apostolici Neapoli commorantis consentiebant; at regis litteris ad praesidem Sacri Consilii mense Augusto anni MDCCCLXIX. datis vetiti sunt notarii scripturis inserere formulam, qua clerici iurisdictioni nuntii apostolici consentiant, eique se subiiciant.

§. XXII. Continentia quoque causae iudicem alias incompetentem facit proprium, hoc est, si quaestioni principaliter propositae incidat quaestio, cuius ipse directe cognitionem non habebat, idque ne causae continentia & contextus abrumpatur, *L. 9. C. de iudiciis*. Et hinc iu-

re decretalium quaestiones de dote & alimentis praestandis, quae matrimonialibus incidebant, in foro ecclesiastico tractabantur, *cap. 3. ex. de donationib. inter virum & uxorem*. Verum tum iudici principis quaestionis de incidentibus cognoscere licet, si tantum iure prohibitus, non si omnino incapax sit: qua ratione incidens spiritualis quaestio apud iudicem laicum ad episcopale forum ableganda est.

§. XXIII. Forum denique euadit competens priuilegio; multi enim concessis priuilegiis subtracti sunt ab ordinarii iudicis iurisdictione, & alii iudici addicti, quales iure Romano viri clarissimi, milites, iique etiam, quibus fori electio concessa est, quales pupilli, viduae, & miserabiles personae, *L. vn. C. quando imperator inter pupillos vel viduas*. Similiter iure decretalium monachi, regulares, ecclesiae multae, itemque multa canonicorum capitula priuilegiis apostolicae sedis in totum, aut parte ab episcoporum suorum iurisdictione exempti sunt. Hinc iure decretalium exempti in exemptionis articulis forum sedis apostolicae sortiuntur, aut illius iudicis, cui eos priuilegium addixit.

C A P V T VII.

*Quibus in causis clerici apud iudicem
laicum conueniuntur.*

§. I. **Q**uamuis iure non minus civili, quam canonico clerici de magistratuum iurisdictione exempti sint; sunt tamen multae causae tam civiles, quam criminales, in quibus apud laicum iudicem conueniuntur. Et ad negotia civilia quod spectat, principio causae omnes feudales contra ecclesias & monasteria, quae feuda saecularia tenent, in curia domini directi, qui feudum concessit, tractari & iudicari debent, quod feudorum disciplina postulabat, & in decretalibus probatur, *cap. 6. & seq. ex. de foro competenti*. In regno Apuliae id ius obtinet,

tinet, illudque pacta conuenta inter reges Andegauos & Aragonenses & sedem apostolicam confirmarunt. Hinc causae omnes feudales, siue clerici, siue monachi agant, siue conueniantur, in Camera Summariae, si fisci interest, alias in Sacro Consilio agitantur & decidentur.

§. II. Praeterea in multis prouinciis praesertim in Gallia & Belgio clerici in foro laico conueniuntur in omnibus actionibus in rem, quin etiam in actionibus, quae causam militiam habent. V. *Espen. par. III. tit. 1. cap. 4.* Idem ius saltem ex parte obtinet apud nos, etenim antiquo huius regni usu causae omnes de hereditatibus & fideicommissis ad solum iudicem laicum spectant, siue controuersiae emergant ex testamentorum vitiis, aut ambiguae intestatae hereditatis iuribus, siue clerici agant, siue conueniantur. Item causae iuris congrui laici iudicis cognitionis sunt, etiam si clerici conueniantur: quae in re etsi inter pragmaticos nostros non conueniebat; tamen litteris Caroli olim Regis nostri ea cognitio ad solum iudicem laicum delata est. Quod confirmauit Rex noster litteris suis xvii. calendas Aprilis an. c1700cclxii. datis, idque ea ratione Rex factum edixit, quod congrui actio in rem est.

§. III. Praeterea causae nuntiationis noui operis etiam contra clericos in hoc nostro regno apud iudicem laicum agitantur. Nouum opus dicitur nuntiari, si quis impeditur, ne aedificando, aut demoliendo pristinam rei faciem mutet, & alterius iura laedat. Non conuenit inter doctores nostros, cuius iudicis sit iudicare, si clericis opus nouum a laicis nuntietur. Ergo ad euitandas controuersias iudices laici, dum nouum opus clericis nuntiabatur, coeperunt non clericis ipsis, sed laicis eorum operariis prohibere, ne ultra procederent, ut ita sponte sua clerici apud iudicem laicum comparerent, iura sua persecuturi. Quam procedendi formam regia Pragmatica anno c1700ccxxviii. §. 1. n. 10. probare videtur, dum hanc nuntiandi consuetam formam refert, *fabrificatores, desistant.*

§. IV. Similiter si agatur actione in personam ex contractu, qui mercaturam spectat, clerici in hoc regno apud iudicem laicum conueniuntur, quod Rex noster, x. calendas Augusti anno c1700cclxix. litteris suis statuit. Indi-

gni profecto sunt clerici fori priuilegio, qui contra sui status vocationem mercimoniis vacant. Quin Rex posterioribus litteris x. calendas Iulias anno cldccclxx. idem ius esse declarauit, si clerici litteras collybisticas, quae ad mercaturam non pertinent, scripserint, idque quod earum scriptio contractum quemcumque in mercimonium conuertat. Verum si exsecutio personalis facienda sit, auxilium iudicis ecclesiastici implorandum est, quod absque vlla causae cognitione impertiri debet.

§. V. Iam in omnibus profanis causis si quis post citationem ab iudice laico factam in clerum sit adscitus, is praescriptione & priuilegio fori non inuatur, & causam persequi debet apud iudicem, qui iudicium coepit, qua in re leges & decretales conspirant, *L. 17. D. de iudiciis*, *L. 19. D. de iurisdictione*, *cap. 19. ex. de foro competenti*. Eadem ratione si lis coepta sit cum defuncto laico, clericus eius heres eam in eodem foro persequi debet, etsi reus sit, quia succedit in defuncti locum, & ideo post coeptum iudicium alterius fori fictione iuris factus videtur. V. Couarruu. *pract. quaeft. cap. VIII.* Quin tradunt doctores nostri, clericos non inuari fori priuilegio, si rem, de qua apud iudicem laicum lis instituta est, etiam particulari titulo adquirant, sed teneri apud iudicem, qui cognoscere coeperat, iudicium suscipere. Carol. Ant. de Rola *prax. ciuil. par. I. cap. 2. dist. 3. n. 32.*

§. VI. Porro clericus, qui apud iudicem laicum experitur, reconueniri apud eundem iudicem recte potest, etsi alias agentis iudex esset incompetens. Sane statuit Iustinianus, licere iudici, qui reum absoluerit, actorem e contrario condemnare, si reus vicissim ab eo aliquid petierit, nihil obstante exceptione, quod iudex agentis incompetens esse cognoscatur, *L. 14. C. de sententiis & interlocutionibus*. Iuris ciuilis regula de reconuentione apud eundem iudicem iisdem paene Iustiniani verbis sub Zephyrini papae ficto nomine apud Gratianum refertur, *can. 1. C. 3. q. 8.*, & in decretalibus pontificum probatur, *cap. 1. & seq. ex. de mutuis petitionibus*. Hinc iudicio reconuentionis victus clericus sententiae iudicis laici, ubi ea transit in rem iudicatam, parere debet, alias

implorata episcopi manu in eum executio etiam per personae coactionem fiet.

§. VII. Quod vero spectat ad causas criminales, et si in Gallia & multis aliis christianis provinciis clericorum graua crimina a iudicibus regiis puniuntur; tamen in regno Neapolitano pauca crimina sunt, quae clericos foro saeculari addicunt. Tale est crimen laesae maiestatis, quod Rex Gulielmus II. dum fori priuilegium clericis confirmauit, nominatim excepit, & ciuili imperio reseruauit. *Const. de personis tit. ubi clericus in maleficiis debeat conueniri*. Cui constitutioni non derogauit Carolus II. Andegauus in *cap. item statuimus XCIV.* quo statuitur, ut clerici in omnibus causis & ciuilibus & criminalibus, exceptis feudalibus, coram ecclesiastico iudice conueniantur & iudicentur; quod supra *cap. IV.* obseruatum est.

§. VIII. Praeterea in crimine *assassinatus* seu *assassinii* clerici in foro laico puniuntur, utpote qui crimine admissio cadunt ipso iure fori priuilegio, *cap. I. de homic. in 6.* Assassini in specie sunt, qui in caedem hominis suas locant operas, aut conducunt alienas (a). Disputabatur vero, utrum iudex laicus de assassinii qualitate poterat iudicare, an oporteret, sententiam iudicis ecclesiastici praecedere, quae clericum crimen admisisse declararet, ut ita laicus iudex in clericum procederet. Sed tandem in nostro regno pactis conuentis inter Benedictum XIV. & Carolum olim Regem nostrum *cap. III. n. 3.* placuit, ut si clericus assassinii reus habeatur, & laicus iudex capturam praeueniat, captum carcere saeculari ecclesiae nomine

L I 2

mine

(a) Assassini erant populi, qui in montibus Phoeniciae morabantur, ubi satis munita habebant castra, quod Carolus Dufresnius in *glossar. mediet & inf. Latinit. v. assassini* docet. Eorum opera Saraceni utebantur ad occidendos ex insidiis christianos principes, ut eorum morte belli patrii molem a se auerterent. Alteserra de *insidiis ecclesiast. lib. V. cap. 3.* Inde assassinorum appellatio translata est ad sicarios, homicidas, grates omnes, praesertim eos, qui in caedem hominis suas locant operas, aut conducunt alienas, ut post alios mox laudatus Dufresnius obseruat.

mine detineat, & acta iudicialia conficiat; sed antequam ad sententiam deueniat, ea intra menses quatuor ad forum missum Neapoli constitutum transmittat, cuius erit cognitio actis, reoque audito, super qualitate assassinii pronuntiare.

§. IX. Item iisdem pactis conuentis *loc. cit. n. 4.* placuit, ut clerici, aut aliae personae ecclesiasticae, qui res regis tributis obnoxias, vulgo *controbandi*, deferunt, sint persona tuti, res vero deperdant.

§. X. Illud commune est tam criminalibus, quam civilibus contra clericos iudiciis, ut facti quaestio, utrum quis clericus sit, nec ne, quae apud iudicem laicum incidat, apud eundem agitari debeat: quod ius in plerisque locis seruatur contra expressam decretalium sententiam, qua cognitio ista ecclesiastico iudici tribuitur, *cap. 12. de sentent. excommunicationis in 6.* Viget idem ius in regno Apuliae, ubi ritibus Magnae Curiae comprehensum est, ut si quis clericus apud iudicem laicum conuentus, velit clericatus exceptione illius iurisdictionem declinare, debeat coram eodem *principaliter* (b) comparere, & legitima sui clericatus documenta ostendere, ut ita iudex de proposita exceptione cognoscat, *rim CCXXXV. M. Curiae*. Sane facti quaestio haec est, & quae facti sunt, temporalia esse non ambigitur. Item quisque origine sua subiectus est publicae iurisdictioni eius loci, in quo moratur: ac proinde si vocetur a magistratu, debet comparere priuilegia sua allegaturus, *L. 2. D. si quis in ius vocatus*, alias confusio in ciuitatem induceretur. Dum vero iudex apud nos de exceptione clericatus cognoscit, statim ac reum clericum esse animaduertit, eum ad proprium iudicem transmittere debet, etsi cetera iudicii sollemnia deficiant.

CA.

(b) Videtur tamen id intelligendum secundum regulas iuris communis, ut in criminalibus cogatur clericus *personaliter* coram iudice laico comparere ad sua probanda priuilegia; nam in causis civilibus nulla esse potest ratio, cur non liceat clerico, se per procuratorem tueri. *Rapol. de iure regni par. 1. lib. 1. cap. 7. n. 11.*

C A P V T VIII.

De caussis episcoporum.

§. I. **V**idendum modo coram quo iudice examinandae & tractandae sint episcoporum caussae: Exploratum est, ex veteri disciplina causas ecclesiasticas contra episcopos in synodis provincialibus iudicari consuevisse, etsi illi de gradu suo deiici, aut de vna in aliam ecclesiam transferri deberent. Certe synodus Nicaena *can. V.* omnes causas in provincia exortas in eiusdem provinciae synodo definiri iubet: quo canone etiam causas contra episcopos comprehensas fuisse synodus generalis Constantinopolitana *can. II.* & Africani patres *can. 138. C. Afr.* docent. Eamdem disciplinam proponit concilium Antiochenum *can. XIV. & seq.*, immo ipsa synodus Sardicensis, quae etsi tribuat episcopo Romano ius decernendi, an causa in provincia debeat retractari; tamen aperte habet, criminales episcoporum causas ad provincialis synodi audientiam pertinere. Conc. Sardic. *can. III. & V. ap. Dionys. Exiguum (a).*

§. II. Nec tantum episcoporum caussae, verum etiam ipsorum metropolitanorum in synodis provincialibus tractabantur: erat quippe metropolitanus princeps synodi provincialis, at eiusdem iudicio suberat. At institutis patriarchis, quorum auctoritas in plures provincias extendaba-

L I 3

deba-

(a) In Africa ad tractandas causas contra episcopos veluti extraordinaria synodus, quae duodecim episcopis constabat, cogebatur, *can. 3. & seq. C. 15. q. 7.* Ingens erat in Africa provinciis numerus episcoporum, ut permolestum esset in singulis criminalibus episcoporum causis provincialem synodum haberi: & hinc si extra statum habendae synodi tempus deferri episcopum contingeret, episcopi duodecim cum primatu provinciae conveniebant.

debatur, synodus Chalcedonenſis cauſas contra metropolitanoſ ad dioceſis exarchum, ſeu patriarcham, aut apud ſedem Conſtantinopolitanam pro arbitrio conquerentium deferri voluit. Conc. Chalced. *can. IX. & XVII. (b)*. Haec diſciplina in Oriente, vbi multi erant patriarchae, facile obtinuit, non item in Occidente, vbi metropolitani etiam poſt ſynodum Chalcedonenſem in ſynodis provincialibus iudicati ſunt. V. Dupin. *de antiq. eccleſ. diſcipl. diſſ. II. cap. 1. §. 4.* Nimirum in Occidentis dioceſibus praeter Romanum pontificem, cuius patriarchaliſ poteſtas Romana dioceſi diu ſtetit inclufa, nulli alii erant proprie ſic diſti patriarchae. At Romani pontifices etiam canonum Chalcedonenſium praepiudio primam cognitionem in cauſis metropolitanorum ſedi apoſtolicae tribuerunt. Greg. M. *lib. VIII. ep. 8.*

§. III. Diſciplina, quae habet, cauſas epiſcoporum in ſynodis provincialibus tractari debere, per octo & amplius ſaecula obtinuit; inde ſenſim mutata eſt, & in Occidente cauſae maiores epiſcoporum inter apoſtolica iura tranſierunt. Tanta mutationi cauſam praecipue dederunt falſae decretales, quae initio noni ſaeculi opera Iſidori Mercatoris ſub nomine primorum pontificum in eccleſiae perniciem prodierunt. Nimirum in iis ſub nomine Eleutherii, Iulii aliorumque pontificum edicitur, non licere ſynodis provincialibus praeter ſententiam Romani pontificis epiſcopoſ damnare, quod antiquis monumentis
& ve-

(b) De hoc priuilegio ſedis Conſtantinopolitanae eruditorum anceps iudicium. Alii ambitum Anatolii, epiſcopi Conſtantinopolitani, accuſant, quaſi eo ſpectantes canoneſ ipſe ſcripſerit, & in ſynodo Chalcedonenſi probari curauerit. Contra Petruſ de Marca *de concord. ſacerd. & imperii lib. VII. cap. 5.* docet, ſedi regiae vrbis pro arbitrio conquerentium tributum fuiſſe de metropolitanis Orientis iudicium, quod Conſtantinopoli erat ſynodus quaedam perpetua *ἐκκλησία* Graecis diſta, quae componebatur ex epiſcopis, qui ex omnibus imperii provinciis eo conſluebant. Dupinſ vero *diſſ. II. de antiqua eccleſiae diſciplina cap. 1. §. 4.* tenet, priuilegium illud ad duas tantum dioceſes Aſianam & Ponticam ſpectaſſe.

& veteris disciplinae vsui aduersatur; synodi enim provinciales per plura saecula episcopos infcio pontifice damnare consueverunt. Quae doctrina diu dubia haesit (c), sed tandem exeunte saeculo decimo & deinceps vna cum falsis decretalibus ferme vbique per Occidentem recepta est: quin etiam in summa disciplinae corruptione synodi provinciales rariores euaserunt. Ita non tantum receptum, episcopos in synodis praeter pontificis auctoritatem non posse damnari; verum etiam eorum caussae, tamquam maiores, primo iudicio ad summum pontificem deuolutae sunt. Qua recepta disciplina in *dictatu* sub nomine Gregorii VII. *can. III.* veluti certum proponitur, solum papam posse *deponere episcopos, vel reconciliare.*

9. IV. Verum noua disciplina non omnes episcoporum caussas, sed tantum maiores summo pontifici addicit: quod ius exortum videtur ex antiquorum canonum & falsarum decretalium collatione. Nimirum canonum collectores, & praecipue Gratianus, codicibus suis & antiquos canones, qui generatim caussas contra episcopos synodis prouincialibus attribuunt, & falsas decretales, quae episcopos praeter pontificis auctoritatem non damnandos decernunt, inseruerunt. Hinc ad concordiam distinctum est inter caussas maiores & minores, quarum illae pontifici referuatae sunt, hae synodis & metropolitans relictae. Maiores caussae dictae sunt, quae deiectione a gradu puniuntur: minores vero, quae vel mitiorem correctionem merentur, vel rem pecuniariam spectant. Hanc disciplinam non obscure Innocentius III. probauit, qui tantum episcoporum translationem, depositionem & cessionem inter pontificis referuata recensuit, *cap. 2. ex. de*

L I 4

trans-

(c) Proposita in falsis decretalibus doctrina de episcopis praeter summi pontificis auctoritatem non damnandis statim recepta non est. Etenim Gallicani antistites vbi animaduertierunt, nouis decretalibus iura metropolitanoꝝ & synodoꝝ prouincialium labefactari, iis canonicam auctoritatem denegarunt, quod non essent in codice canonum, (falsaria manus tum cognita non erat) & Romanis pontificibus Nicolao I. & Hadriano II. qui nouitates illas tuebantur, diu resisterunt.

translatione episcopi. Et tandem synodus Tridentina *ses. XXIV. de ref. cap. 5.* iamdiu inductam disciplinam confirmavit.

§. V. Iam vero mores & leges prouinciarum, quibus clerici in criminibus civilibus grauioribus iudicio & animaduersioni magistratum subiiciuntur, praecipue spectant ad presbyteros & alios inferioris gradus clericos, non item ad episcopos: nam *hactenus non scimus*, inquit Espenius *par. III. tit. 3. cap. 4.*, ad episcopos *laicam iurisdictionem ratione criminis, quantumuis atrocis, esse extensam*. Hinc in actis cleri Gallicani refertur Regis Galliae declaratio *vi. calendas Maias anno MDCLVI. emissā*, qua habetur, iudicium contra episcopos in crimine laesae maiestatis instrui per iudices ecclesiasticos secundum canonicas sanctiones & formam in regno consuetam. Et id quidem recte in Gallia & in aliis prouinciis, ubi obtinet, ne quis etiam volens extra regnum ex quauis causa iudicari possit: nam ubi tale ius non viget, nescio an principes patiantur, crimina laesae maiestatis ab episcopis admissa extra sui territorii fines vindicari.

C A P V T IX.

De conciliis.

§. I. **H**Actenus de ecclesiastica potestate & foro competententi; dicendum deinceps de iudiciis, per quos potestas ista exercetur & explicatur, de conciliis nempe, aliisque tam ordinariis, quam delegatis iudiciis. Concilia in re ecclesiastica sunt conuentus catholicorum antistitum ad tractandum de fide & ecclesiastica disciplina rite conuocatorum. Graecis concilia dicuntur *synodoi*, quod ex diuersis locis in eandem viam locumque antistites conueniant. Ita ab ecclesia tamquam pars a toto concilia differunt; nam ecclesia est totius christiani populi, concilium vero tantum antistitum conuentus.

§. II. Concilia vero ecclesiastica vel sunt generalia, vel

vel particularia. Generalia, quae Graecis *oikumenikai synodoi* dicuntur, ex totius christiani orbis episcopis celebrantur, quibusque summus pontifex ordinario iure, aut per se, aut per legatos suos praest. Particularia, quae Graecis *suroidoi topikai synodi* locales dicuntur, triplicis generis sunt, dioecesana, prouincialia & episcopalia. Dioecesana sic dicta a *dioecesi*, quae apud veteres saepe plurimum prouinciarum ambitum comprehendit, ab episcopis & metropolitanis vnius dioecesis celebrantur. Accedunt vero ad dioecesanas synodos concilia regionalia seu nationalia, quae, deletio imperio Romano & mutata reipublicae forma, in regnis Occidentis celebrari coepta sunt, cuius generis sunt multa Gallicana & Hispaniensia. Prouincialia episcopi vnius prouinciae praeside metropolitano, & episcopalia vnius ecclesiae clerici praeside episcopo componunt (a).

§. III.

(a) Sunt vero aliae peculiare synodi, quae propriam veluti speciem constituunt, quales erant synodi perpetuae, & mistae seu regiae. Et quidem Constantinopoli perpetua veluti synodus morabatur, *andneta*, quasi *perpetua* & *popularis* dicta, quae praeside episcopo Constantinopolitano habebatur ab episcopis, qui ex vniuersis imperii prouinciis ob ecclesiasticas necessitates in aulam Imperatoriam confluebant. In ea difficiliore totius Orientis ecclesiasticae causae tractabantur, quas vel ipse imperator episcopo Constantinopolitano committebat, vel quas conuerentes ad eum praefulem ultro deferebant. V. Thomass. *de vet. & noua eccles. discipl. par. II. lib. 3. cap. 43.* Romae quoque quotquot peregrini episcopi reperiabantur, cum pontifice & clero conuenire solebant, si qua grauis causa occurreret, aut negotium aliquod expedire oporteret, cuius generis concilia multa in monumentis ecclesiasticis occurrunt.

Regia seu mista concilia, quae *placita*, *colloquia* & *conuentus* etiam dicebantur, ex regni optimatibus & comitibus, itemque ex episcopis & abbatibus coalescebant, ad res ciuiles & ecclesiasticas tractandas. Huius generis concilia frequentiora fuerunt in regnis Occidentis, quae ex ruinis Romani imperii emerferunt, ubi negotia publica in conuentu optimatum & episcoporum & abbatum tractari solebant: & inde nati in Gallia & Hispania misti conuentus, cuius generis sunt multa Galli-

cana

§. III. Concilia in ecclesia sunt apostolicae originis & institutionis, ea enim in expediendis negotiis ecclesiasticis, praecipue in controuersia de legalibus, apostoli ipsi adhibuerunt, *actar. XV.* Et profecto conueniebat ecclesiastico regimini, per Christum instituto, in plurimorum conuentu res ecclesiasticas tractari; siquidem apostoli in solidum ecclesiae regimen & administrationem acceperunt, *Ioan. XX. u. 21.* Partitio ecclesiae in paroecias de unitate episcopatus nihil imminuit, sed tantum in rebus ordinariis & quotidianis gregis portionem singulis addixit, quae est Cypriani *de unit. ecclesiae doctrina*. Ita ubi aliquis momenti negotia emergebant, ecclesia quatenus licuit, concilia celebravit, praesertim quando certa erat, Christum ipsum adesse, ubi plures de eius nomine coerentur.

§. IV. Primigenii iudices, unde concilia, siue generalia, siue dioecesana, siue prouincialia coalescunt, episcopi sunt, quibus regimen ecclesiae primario demandatum est. Quod si ipsi conuenire ad concilium impediantur, possunt suas vices presbyteris, aut diaconis committere. Concil. Arelat. n. *can. 18. & seq.*, conc. Trull. *can. VII.* Vicarii isti eorum nomine, a quibus mittebantur, sententiam dicebant: sedebant vero in conciliis Orientis in iisdem locis, quibus sedere debuissent illi, unde missi erant: contra in conciliis Occidentis post episcopos sedebant. In noua disciplina diaconi & presbyteri cardinales ex speciali priuilegio etiam in conciliis generalibus tamquam veri iudices sedent: quo eodem iure abbates consecrati, & superiores generales ordinum regularium vtuntur.

§. V.

cana & Toletana concilia. Rex ipse conuentum indicebat, at non in omnibus causis vniuersi deliberabant: etenim de rebus mere spiritualibus tractabant tantum episcopi & abbates; de rebus temporalibus soli procures; omnes vero conueniebant, si de rebus mixtis tractare oporteret. Hinc. *Remens. epist. III. cap. 35.* Condita per synodos decreta principi debebant exhiberi, eademque a principe confirmata in Gallia capitularia audiebant.

§. V. Conciliis quoque siue generalibus, siue particularibus etiam presbyteri, diaconi & inferiores clerici interesse consueverunt, eoque se conferebant vel inuitati, vel episcopos suos comitaturi. Et presbyteri quidem & diaconi scientia & eruditione praecellentes cum haereticis praesentibus disputabant. (b), quo nomine Origenes Arabico, Malchion presbyter Antiocheno, & Athanasius diaconus Nicaeno interfuerunt. Euseb. *hist. eccles. lib. VI. cap. 37. & lib. VII. cap. 28.*, Socrat. *lib. I. cap. 8.* Adventantes item episcopos diaconi in concilium deducebant. Et archidiaconus clericorum & reliquorum fidelium querelas ad synodum deferbat. Conc. Tolet. *iv. can. 4.* Ex reliquis clericis multi erant notarii, qui per notas & compendia verborum acta conciliorum celeriter seribebant.

§. VI. Praeterea synodis fideles laici, ipsique principes & magistratus interesse consueverunt; quamvis labentibus annis non omnibus promiscue fidelibus concessum synodis particularibus interesse, idque fortasse ad turbas evitandas; inualuit enim mos synodos habere clausis ecclesiae ianuis, & ad conuentum tantum admitti laicos, qui electione concilii interesse meruissent. Conc. Tolet. *iv. can. 4.* Aderant vero principes aliique fideles in fidei tractatibus & decisionibus, at ubi canonica contra clericos iudicia tractabantur, discedebant, qui mos praesertim in Oriente obtinuit. Thomass. *diff. XII. in conc. Chalced. n. 46. segg.* Sed praesentes synodis principes aliique christiani non dicebant sententiam, sed potius discebant, itemque

(b) Presbyteri veteri stante disciplina etiam tamquam iudices in multis conciliis suffragium dedisse videntur, quod constat ex nonnullis subscriptionibus, quae eos iudices fuisse aperte probant. V. Habert. *not. in libr. pontif. Graecor. p. 175.* Et quae ratio impendebat, presbyteros in conciliis iudices sedere, quando in conuentu de legalibus vna cum apostolis iudicarent? Quidquid vero huius rei sit, presbyteri in noua disciplina in conciliis iudices non sedent, soloque doctrinae suffragio donantur, tantumque in concilio Basileensi ad iudiciale & plenum suffragium admissi sunt.

que principes & magistratus ordinem conseruabant, & ab episcopis dictatam fidem auctoritate sua confirmabant.

§. VII. Quae in synodis ecclesiasticis tractari consueverunt, ad tria ferme capita reducuntur, fidem nempe, disciplinam, & iudicia siue criminalia, siue ciuilia. Ante omnia, quae fidei erant, ex antiquis regulis tractabantur, inde ordine suo sequebantur disciplinae ordinatio, & iudicia canonica. Mediis vero saeculis ubi potestas ecclesiastica posita a patribus fines egressa est, concilia in Occidente etiam res ciuiles ventilare & decernere coeperunt. Res fidei in conciliis generalibus definitae omnino certae sunt, at decreta circa disciplinam non semper meliora proponunt. Sed moribus iamdiu receptis synodi prouinciales & episcopales de rebus fidei ferme nihil tractant, & iudicia extra synodos agitantur.

§. VIII. Ordinarius autem habendis conciliis ecclesiasticis locus ecclesia est, quod ex antiquis monumentis constat. Mendoza *not. in conc. Illiberit. cap. IX.* Nomen vero ecclesiae latiore sensu in hac causa accipitur, ut etiam exedras seu ecclesiae adiacentia aedificia completatur. Et profecto in basilicae secretario concilia Carthaginensia tertium, quartum, quintum & sextum habita sunt, & hinc ipsae conciliorum sessiones *secretaria* dictae sunt. V. Car. Dufresne *comm. in Paulum Silentiarium*. Item in baptisterio Sophiano celebrata esse concilia, synodus Chalcedonensis *act. I.* testatur (c). Sed etiam extra ecclesiam synodos licet habere, ut constat ex synodis sexta & quini-sexta, quae Constantinopoli in regiarum aedium laqueato cubiculo, quod *trullus* vocabatur, celebratae sunt. Cabass. *in notitia ecclesiast. saec. I.*

§. IX. Praeterea sollemni forma ritumque concilia haberi consueuerunt, ut ordine omnia fierent, & dignitas confessus seruaretur. Confessus in coronae formam instituitur, conc. Tolet. *rv. can. 4.*, & in eo ex antiquis regulis epi-

(c) Leo Allatius *de consensu lib. II. cap. 11. & seq.* recenset aliqua concilia in catechumenis celebrata, seu in porticibus in altum naui ecclesiae positis, in quibus tempore celebrationis sacrorum officiorum mulieres a viris secretas morabantur.

episcopi primo ordine sedent, seruata ecclesiarum & ordinationis suae praerogatiua: nobiliorem vero locum occupat, qui synodo praest. Sed in praesenti disciplina ante episcopos sedent cardinales, etsi non episcopi, vt enim praesentes mores habent, cardinales supra patriarchas reputantur. Post episcopos abbates consecrati sedent, & inde generales ordinum religiosorum praepositi. Presbyteri in conciliis, siue generalibus, siue prouincialibus a tergo episcoporum sedent, diaconi & reliqui clerici adstant; at presbyteri in synodis vnius episcopatus vno confessu cum episcopo sedent secundum suae dignitatis ordinem (d). Omnes sacris vestibus & cuique gradui propriis induti confessum exornant. In medio confessus sacer thronus collocari consuevit, cui duo codices impositi, euangeliorum vnus, alter canonum, vt ad eos veluti ad lydios lapides inde dogmata fidei, hinc morum & disciplinae regulae explorari possent. Reliquiae quoque & imagines sanctorum ad synodos delatae, vt confessus sacratior videretur. Sic disposito confessu funduntur preces, & tum actiones conciliares incipiunt.

§. X. Concilia de veteri more, etiam posteriore aetate retento, per acclamationes finem habere solent, eaque patrum subscriptiones sequuntur. Subscriptiones eo ordine institutae, quo patres in synodis federant: ante omnes vero subscripserunt pontificis legati, licet presbyteri & diaconi essent. Qui suffragium habebant, tamquam iudices subscribebant, qui vero suffragio destituti conciliis aderant, subscriptione sua veris suffragiis accedebant. Missa item sunt concilia ad episcopos absentes, vt illis subscriberent, & aliquando etiam ad monachos sanctitatis laude insignes. Euagr. lib. II. cap. 9. seq. Ipsi quoque principes conciliis non semel subscripserunt, non quidem tamquam iudices in causis fidei, sed tamquam synodalibus decretis adhaerentes, eaque confirmantes.

§. XI.

(d) Dignitas ex regulis veteris disciplinae ab antiquitate ordinationis censetur; at nouis moribus, qui iurisdictionem aut dignitatem obtinent, ceteris praeferruntur: inde sedent parochi secundum tempus, quo parochiis aucti sunt.

§. XI. Sed persequamur nunc singulas conciliorum species, quid singulis proprium insit, enarraturi. Et vniuersalia quidem concilia a totius christiani orbis episcopis celebrantur. *Orbis autem christianus & circumquaque terra, quae habitatur*, apud veteres ipsum Romanum imperium designant. *Luc. cap. II. v. 1., L. 9. D. ad L. Rhodiam de iactu.* V. Suicer. *u. circumquaque*. Hinc oecumenica seu generalia concilia veteribus erant, quae ex omnibus imperii Romani prouinciis habebantur, quod Iustellus *not. in C. eccles. Afric. can. 18.* aliique viri docti observant. Qui erant in barbarico episcopi, non facile poterant conuenire, quamuis Nicaeno concilio Persidis episcopus & Scythiae adfuerint. Euseb. *de vita Constantini cap. VI.* Verum labentibus annis primum schismate Graecorum, inde haeresibus Occidentis concilium generale ex episcopis Occidentis, qui cum ecclesia Romana communicant, coaluit, & ita potius patriarchale quam generale censendum est, quod de ipso concilio Tridentino Christ. Lupus *schol. in dictat. Gregorii VII. can. XVI.* obseruat.

§. XII. Secundum veteres regulas ad generale concilium vniuersi christiani orbis episcopi debent inuitari; at non est necesse, vt omnes conueniant; sufficit multorum ex omni ecclesia praesentia. Praesertim adesse generali synodo debebant maiorum gentium patriarchae, qui si adesse vetabantur, satis erat mittere legatos & litteras dogmaticas, quibus se & suas patriarchales synodos omnibus actis & agendis communicare & consentire testarentur. Illud vero exploratum est, iure non haberi generalia ecclesiae comitia, si summus pontifex non consentiat, & praestet auctoritatem. Sed ipsa pontificis praesentia, non est necessaria, sed sufficit eius legatos adesse. Quod si ecclesia Romana schismate laboret, aut summus pontifex sit dubius, aut haereticus, detentus, mentecaptus, aperte simoniacus, aut in perniciem vniuersae ecclesiae actiones suas dirigat, concilium etiam absque papa recte habetur. V. Bossuet. *defens. declarat. lib. III. cap. 1.*

§. XIII. Quo autem ex christiano orbe episcopi conueniant & synodum celebrent, indictio legitima praecedat oportet. In veteri disciplina synodos oecumenicas indixe-

dixerunt christiani imperatores missis diualibus litteris ad metropolitanos & patriarchas, qui sibi subiectis episcopis mox celebrandam synodum denuntiabant, quod argumentum Io. Launoius *lib. VI. epist. 1. segg.* fuse pertrahat (e). Indicentes vero imperatores concilia etiam litteras tractorias dabant, quibus ad iter faciendum & expensas necessarias episcopis opus erat. Sed post saeculum octauum Orientis imperio ab Occidentali penitus seiuncto, itemque ipso Occidente in varia regna dissecto, non erat amplius in vnus principis potestate omnes christiani orbis episcopos in vnum concilium conuocare, quin nec solidi Occidentis, in quo multa regna potestatem imperialem exusserunt. Ita post saeculum decimum generalia concilia Occidentis pontifices Romani indixerunt. Conciliis vero a pontifice indictis etiam principes debent consentire, quo facilius sit eorum celebratio, episcopis egredi regnis & prouinciis liceat, & spiritualis ecclesiae auctoritas temporali gladio fulciatur. Quod si schismate Ro-

(e) Non lenis disputatio est, quo iure olim imperatores synodos generales indixerint. Graeci scriptores, & ex catholicis Richerius & Febronius contendunt, ad iura imperatoris pertinere synodum generalem indicare. Ex aduerso Baronius, Thomassinus, Nat. Alexander alique magno numero docent, semper summi pontificis proprium fuisse generalia concilia conuocare: & si priora oecumenica concilia ab imperatoribus conuocata sint, id factum potius, quam iure gestum interpretatur, & factum quidem, cui ecclesiae aut pontificis auctoritas praeluxit, aut accessit. Nimirum facile non erat in veteri disciplina sine auctoritate imperatoris generalia concilia celebrari; per publicas leges conuentus agitare principe non concedente erat interdictionum, litteris tractoriis ab imperatore datis ad iter faciendum & necessarias impensas episcopis opus erat, & sacra ecclesiae potestas temporali imperio erat sustinenda. Hinc factum, aiunt, ut ecclesia synodos ab imperatoribus impetraret, vel principibus illas indicentibus assentiretur. Medius inter has sententias Io. Launoius docet, indictionem non pertinere ad naturam conciliorum, & disciplinae exterioris, non dogmatis esse, quis concilia generalia indicat.

Romana ecclesia laboret, concilium alias necessarium indicunt cardinales, sed principibus consentientibus. Certi quoque iuris est, ipsam generalem synodum, antequam dissoluatur, aliam sequentem indicare posse.

§. XIV. Iam vero auctoritas summi pontificis generalibus conciliis necessaria, ei ius tribuit, siue per se, siue per legatos conuentui praesidendi: quae *προεδρία* in veteri disciplina, quae spiritualia erant, spectabat. Concilium oecumenicum vniuersalem repraesentat ecclesiam, cuius ecclesia Romana centrum est: atque ideo qui inter episcopos speciali praerogatiua fulget, etiam generali concilio debet praesidere. Praesidet vero summus pontifex cum relationis & suffragii praerogatiua. Et hinc in conciliis, antequam ad res propositas definiendas gradus fieret, litterae pontificis, quae in confessu episcoporum coram beatissimo apostolo Petro conditae erant, legebantur. Referre autem & censere oportet pontifices secundum receptam fidem & antiquam traditionem, quae sincerius in ecclesia Romana semper seruata est. Sed tum per synodos receptae fuerunt litterae pontificis, quum instituto examine constabat, illas ex recta fide & disciplinae regulis scriptas fuisse: quod cardinalis Cusanus *de concord. lib. II. cap. 17.* obseruat.

§. XV. Generalia concilia celebrari debent ex graui & necessaria caussa, quae magnas inter se ecclesias scindat, nec par aliter restitui posse videtur, nisi ecclesiae vniuersae auctoritate. Quid magis rationi contrarium, quam ob leues quaestiones sollicitari christianum orbem, & ecclesias suis pastoribus destitui? Hinc in veteri disciplina nullum certum tempus habendis generalibus ecclesiae comitiis definitum est; sed tantum emergentibus causis extra ordinem indici consueuerunt. Sed lapsa in Occidente ecclesiastica disciplina, frequens & veluti ordinaria generalium conciliorum celebratio necessaria visa est, vt malis, quae disciplinam penitus corruerant, occurreretur. Ergo synodi Constantiensis *ses. XXXIX.* & Basileensis *epist. ad Eugenium papam* edixerunt, vt concilium generale *de decennio in decennium* celebraretur. Sed decretum hoc, vt pote temporis aptatum, effectu caruit.

§. XVI. Synodus generalis vniuersam repraesentat ecclesiam;

clesiam; coalescit enim ex christiani orbis episcopis, qui ecclesiis particularibus praesunt. Hinc decreta synodi generalis rite & ordine celebratae in rebus fidei & doctrina morum certam fidem faciunt, utpote quae placita sunt vniuersae ecclesiae, contra quam in rebus fidei portae inferi non praeualebunt. *Visum est Spiritui Sancto & nobis*, inquit synodus Hierosolymitana apostolorum, *actor. XV. 28.* Quibus verbis constat, Spiritum Sanctum conciliis adesse, & fidei decreta dirigere. Inde Gregorius M. apud Gratianum *can. 2. D. 15.* protestatur, se veluti euangelii quatuor libros quatuor priora oecumenica concilia suscipere & venerari. At si patres in conciliis de quaestionibus facti, aut de rebus politicis & physicis tractent, & decreta condant; non diuina, sed humana auctoritate definitiones illae nituntur.

§. XVII. Iam vero utrum synodus oecumenica supremum in ecclesia auditorium constituat, cui summus pontifex etiam subiaceat, an potius pontifex supra synodum sit, magnis animis controuertitur. Antiquiores ex schola theologi & deinceps alii magno numero pontificem supra concilium extollunt, idque *esse fere de fide* Bellarminus *de concil. lib. II. cap. 17.* pronuntiat. Contra theologi Gallicani, totius cleri professioni adhaerentes, tenent, supremam in ecclesia potestatem esse penes concilium generale, & idcirco ipsum pontificem ab eo iudicari posse in causis haeresis, schismatis & in articulis, qui ad vniuersae ecclesiae statum spectant. Medius inter utramque sententiam cardinalis Cusanus *de concord. lib. II. cap. 20.* docet, synodum oecumenicam vniuersi christiani orbis, quae in veteri disciplina coalescebat, pontifice esse superiorem, non vero synodum plenariam Occidentis, quae origine sua patriarchalis tantum est, sed propter schisma Graecorum generalis censetur. Disputatio ista praeiudicialis est; inde enim pender altera controuersia, utrum concilia generalia rite celebrata, quo rata & firma sint, summi pontificis confirmatione indigeant, an potius vi sua consistant. Sed non patitur nostri instituti ratio theologica ista consectari.

§. XVIII. Synodis generalibus succedunt synodi dioecanae, quae ex vnius dioecesis, seu plurium provinciae

Part III.

M m

rum

rum inter se adnexarum episcopis habentur (f). Sunt vero huiusmodi synodi aliae patriarchales, aliae in specie dioeclesanae, prout nequae dioeceses habebant, aut non habebant patriarchas. Patriarchales erant in Oriente, cuius dioeceses suberant patriarchis: contra in Occidente dioeclesanae erant Gallicantae & Hispanienses, & fortasse etiam Carthaginienses; nam olim dioeceses Occidentis, excepta Romana dioecesi, proprie sic dictos patriarchas

(f) Concilia dioeclesana a partitione Romani imperii in dioeceses originem ducunt, at in adfiduam & ordinariam iurisdictionem abierunt, postquam vnus dioecesis provinciae ecclesiasticae exemplo civilis politiae inter se adnexae, communi consilio negotia administrare coeperunt. Id in ecclesia Orientali factum est synodi Constantinopolitanae auctoritate, quae ecclesiam Orientalem in quinque dioeceses partita est, & unicuique dioeceseos synodo potestatem tribuit administrandi negotia omnia provinciarum dioecesis, sed sub exarchi seu patriarchae gubernatione. Conc. Constantinop. 1. can. 2. Ita in Oriente receptae synodi dioeclesanae, praesertim ubi Theodosius iunior innouatae politiae consensit, L. 46. C. Tb. de episc. & clericis. Et inde in actis concilii Ephesini memoratur *sancta synodus dioecesis Orientalis*, itemque *synodus ex dioecesi Aegyptiaca Alexandriae congregata*.

Petrus de Marca de conc. sacerdot. & imp. lib. VI. cap. 26. tenet, synodum Constantinopolitanam tribuisse ecclesiam Orientalem in dioeceses praedictio legis imperatoris Gratiani, quae anno CCCLXXVI. lata concessit, vt causae ecclesiasticae de more causarum civilium *locis suis & a suae dioeceseos iudicibus audiantur*, L. 23. C. Tb. de episcopis & clericis. Scilicet inde concludit vir doctus, hac lege permissum fuisse iure ordinario synodos dioeclesanas celebrari, quum antea extraordinario principis imperio haberentur. Verum synodus Constantinopolitana videtur potius ecclesiam Orientalem in dioeceses tribuisse, quia optimum videbatur, civili politiae ecclesiasticam respondere, quam ex legis Gratiani sententia. Certe lex ista ad Occidentem spectauit, praecipue vero ad Galliae dioecesium, nam Treuiris data est. Quidquid vero huius rei sit, Occidentis dioeceses exarchos, qui synodis iure ordinario praessent, non receperunt, excepta dioecesi Romana, cui Romanus patriarcha, & forte etiam Africana, cui episcopus Carthaginiensis praesidebat.

chas habuisse non videntur. Synodi dioeclesanae in antiquis monumentis dicuntur *maiores, vniuersales, plenariae, generales*, totius nimirum dioecesis: posteriore vero aetate *regionales & nationales*, quasi ab episcopis vnius regionis, seu nationis celebratae.

§. XIX. Celebratur synodus dioeclesana a metropolitano & episcopis vnius dioecesis, eique praesidet patriarcha, si dioecesis patriarcham seu exarchum habeat. Conueniebant autem metropolitani & episcopi, qui commode poterant interesse (g): quin in Africa, vbi singulis annis plenariam synodum habere placuerat, ne episcopi toties & tamdiu suis ecclesiis abesse cogerentur, statutum est, vt singulae prouinciae ad plenariam synodum de conciliis suis binos aut plures episcopos mittant, *can. 18. C. Afr. apud Dionysium Exiguum*. Quod si res magni momenti tractanda esset, praeter prouinciarum legatos maxima pars episcoporum etiam conueniebat, vt videre est in synodo sexta Carthaginiensi, in qua ad tractandam causam de appellationibus ad sedem apostolicam septemdecim supra ducentos episcopi adfuerunt.

§. XX. Iam vero concilia patriarchalia in Oriente, vbi in ordinariam & adsiduam iurisdictionem abierunt, a patriarcha indicebantur, nec necessarius erat specialis principis

M m 2

picipis

(g) Ius, quo episcopi adigebantur ad synodos ordinarias frequentandas, ex ordinatione nascebatur; ordinatio enim ordinatos subiiciebat ordinatori: & hinc profectum est, vt *pertinere ad synodum & ad consecrationem* promiscue & passim dicantur episcopi, qui a primatibus suis dependent. *Novel. CXXXVII. V. Petr. de Marca de concordia sacerdotii & imperii lib. I. cap. 7. n. 3.* Ergo in Oriente & Romano patriarchatu metropolitanae conueniebant ad synodum dioeclesanam iure ordinationis, quam a patriarcha accipiebant. Contra in Galliae & Hispaniae dioecibus, vbi nulli erant patriarchae, qui metropolitanos consecrarent, non iure ordinationis metropolitani conueniebant, sed potius iussu principis, qui concilium indicebat: & in Africa ad synodum primates cogeantur instituto confederationis; primates enim Africani ab exarcho Carthaginiensi non ordinabantur, nec iussu principis inuitabantur ad concilium.

cipis adensus. Similiter summi pontificis erat indicare synodum Italiae, quae a quinto saeculo ex duabus dioecibus, nempe Romana & Italica stricte sic dicta, coepit coalescere (h): & synodum generalem Africae primas Carthaginienſis indicebat, *can. 96. C. Afric.* Sed in Gallia & Hispania principes ipsi concilia generalia indicebant; non enim dioeceses illae habebant patriarchas, nec placuit tantum ius alicui metropolitanorum tribuere. V. Petr. de Marca *de concord. sacerdot. & imperii lib. VI. cap. 17. seqq.* Integrum interim erat summo pontifici praecipere, ut in Gallia, aut Hispania concilium haberetur, si ecclesiae necessitas postularet. Leo M. *ep. XV. ad Turrib. editionis Quesnellii*, Greg. M. *lib. VI. ep. 10.* At praecepta ista pontificum de habendis synodis regiam indictionem non excludebant. Greg. M. *lib. VI. ep. 113. seq.*

§. XXI. Quousque synodi dioecesanae fuerunt extraordinariae, arbitrio principum, prout causae grauitas exposcebat, indicebantur; at ubi euaserunt ordinariae, quolibet anno habebantur: quod ius in Oriente & in Occidente statutum est. *Novel. CXXXVII. cap. 4., can. 18. C. Africani*, conc. Agath. *can. LXXI.* Verum quod annua celebratione episcopi fatigarentur, placuit patribus Africanis, ut tum solum generale Africae concilium celebraretur, si dioecesis totius necessitas postularet, *can. 95. C. Afr.* Et in Hispania & Gallia regula de habendis

(h) Synodus ordinaria Romani pontificis longo annorum cursu episcopos solius Romanae dioecesis, quae in decem prouincias extendebatur, complexa est. Quod vero prouinciae huius dioecesis praeter pontificem alios non haberent metropolitanos; synodus pontificis potius metropolitana, quam patriarchalis fuisse videtur. At quinto exeunte saeculo synodo Romanae dioecesi accessit synodus Italicae dioecesis stricte sic dictae, cuius metropolis erat Mediolanum, & ita synodus Romani pontificis euasit patriarchalis. Nimirum hac tempestate iam receptum erat, ut Mediolanensis & Aquileiensis antistites ex consensu Romani pontificis ordinarentur, *can. 33. C. 29. q. 1.* Quod probat, eos ad Romanam synodum pertinuisse.

dis vnoquoque anno synodis in vsum deducta non videtur, & potius pro necessitate ecclesiae indictae sunt. Verum dioecesana & nationalia concilia iamdiu celebrari desierunt (i).

§.XXII. Quod vero spectat ad negotia, quae in conciliis dioecesanis tractari solebant, ea in primis fuerunt causae communes, quae scilicet ad totam dioecesim spectabant, *can. 15. C. Afr.*, siue fidei, siue disciplinae essent. Si causa fidei est, inquiunt patres concilii Toletani *iv. can. 3.*, aut alia ecclesiae generalis, totius Hispaniae & Galliae synodus conuocetur. Ea vero ratione tantum causae communes ad synodos dioecesanas pertinebant, quod singulis prouinciis sua erant concilia prouincialia, in quibus causas singularum prouinciarum tractari oportebat. Synodi quoque dioecesanae canones, quibus ordinabatur disciplina, condebant, & definitiua supremaque sententia

M m 3

ab-

(i) Concilia dioecesana in Occidente summa auctoritate negotia ecclesiastica vsque ad nonum saeculum administrarunt, inde sensim ferme nullius vsus euaserunt. Cui desuetudini multum contulerunt falsae decretales ea vulgata doctrina, concilia haberi non posse sine sedis apostolicae auctoritate, itemque illa, ad Romanum pontificem pertinere omnium ecclesiarum etiam ordinariam & episcopalem sollicitudinem. Etenim vbi eiusmodi doctrinae in vsum abierunt, concilia prouinciarum Occidentis, neglecta regum iussione, habita sunt praesidentibus Romanis legatis, qui ferme pro arbitrio negotia in conciliis disponebant, aut ea, tamquam difficilia, summo pontifici referuabant vnico suffragio suo, quod collectis totius synodi suffragiis aequiualebat. Petr. de Marca *de concordia sacerdot. & imperii lib. VI. cap. 30. n. 4.* Sic deminuta & tantum non deleta episcoporum potestate, synodorum celebratio neglecta est, praesertim quando iudicia a legatis in synodis lata per appellationem Romam deferrebantur, vbi interdum parte altera inaudita mittebantur in irritum: quod ferme nullius vsus prouinciarum synodos reddebat, vt Iuo Carnotensis *epist. XCIV.* observauit. Accessit noua disciplina, quae vni pontifici causas maiores referuauit, & ita generalia prouinciarum concilia celebrari desierunt.

abfoluebant cauffas omnes ecclefiafticas, quae in dioceffi exortae erant.

§. XXIII. Praeterea fingulae prouinciae ecclefiafticae fuam habent prouincialem fynodum, ad quam totius prouinciae epifcopi conueniunt. Ezm indicit metropolitans, qui ceteros prouinciae epifcopos auctoritate antecellit, nec enim fine illius iuffu & admonitione epifcopis licet conuenire. Conc. Nicaen. *can.V.* conc. Antioch. *can.XX.* Idem porro metropolitans, qui indicit, fynodo praefit: qui enim principatu quodam inter iudices viget, neceffario debet confeffui praefidere. Metropolitani vero *πρὸς ἱερωὴν* praefidentia nihil de iure epifcoporum deminuit, atque ideo plurimorum fententia debet praeualere, quod Nicaeni patres *can. VI.* ftatuerunt.

§. XXIV. Concilio per metropolitatum ftato die indicto epifcopi prouinciae tenentur interefle; nifi legitimis cauffis, veluti infirmitate, aut iuffione regia, impediuntur, *can. 18. D. 18.*; abfentes vero fine legitima cauffa fraternae correptioni erant obnoxii, conc. Chalced. *can. XIX.*, aut per integrum annum *miſſas facere interdicebantur*, conc. Aurelian. III. *can. 1.*, aut communione omnium epifcoporum uſque ad futuram fynodum priuari ſolebant, *can. 14. D. 18.* Si vero in prouincia ſint epifcopi, qui nulli metropolitano ſubſint, aliquem vicinum metropolitatum ſemel eligere tenentur, in cuius fynodo prouinciali cum aliis debent interefle, & eius decreta obſeruare. Trident. *ſeſ. XXIV. de ref. cap. 2.* Conuenientes epifcopi omnes iudices ſunt, & ſuffragium ferunt, & inde *ſuffraganei* dicti. Prouincialibus quoque conciliis prouinciae abbates conſecrati interſunt, & ſuffragium ferunt. Et iurè decretalium inuitari debent canonici eccleſiarum cathedralium, quibus vel per ſe, vel miſſis vicariis licet interefle, *cap. 10. ex. de his, quae ſunt a praelato ſine conſenſu capituli*: & moribus locorum etiam canonici collegiatarum, archipreſbyteri aliiſque vocandi ſunt. V. Eſpen. *par. I. tit. 1. cap. 1.*

§. XXV. Ex veteris diſciplinæ regulis ſynodum prouincialem ſemel & iterum quotannis in ſingulis prouinciis celebrari oportebat, conc. Nicaen. *can.V.*, Antioch. *can.XX.*, primusque conuentus pro varietate eccleſiarum
habe-

habebatur vel ante quadragesimam, vel quarta hebdomada post festum paschae; alter mense Octobris, seu autumnii tempore. Deinceps Iustinianus *novel. CXXXVII. cap. 4.* edixit, ut saltem quotannis in qualibet provincia synodus haberetur, quam disciplinam synodi Trullana *can. VIII.* Nicaena *II. can. VI.* & Innocentius *III.* in concilio generali *cap. VI.* confirmarunt. Et demum Tridentini patres *ses. XXIV. de rej. cap. 2.* synodum provincialem tertio quoque anno celebrari iusserunt. Sed à pluribus saeculis synodi provinciales raro admodum celebratae sunt: quae cessatio praesertim contigit, postquam synodalia iudicia frequenter retractari coepta sunt, & causae maiores solius pontificis Romani iudicio cesserunt.

§. XXVI. Synodus provincialis supremum provinciae auditorium in veteri disciplina constituebat, in quo causae contra episcopos & omnia negotia maioris momenti, quae in provincia contingebant, tractabantur, sine ad fidem, siue ad disciplinam pertinerent. Hinc fidei quaestiones, iudicia contra episcopos, eorum translationes, cessiones, novarum cathedrarum erectiones, ut antiquarum divisiones, coadiutorum episcopaliū constitutio in synodo provinciali tractabantur. Eadem quoque synodus pro iure suo canones ad disciplinam spectantes condit: erratque profecto Gratianus initio *D. XVIII.*, dum docet, integrum esse conciliis episcopalibus causas iudicare, & criminibus debitas poenas irrogare, non tamen novos canones condere; auctoritas enim canonum condendorum pendet ab ecclesiae regimine, quod Christus episcopis demandavit. Haec origine sua erat synodi provincialis potestas, at in nova disciplina causae maiores solius pontificis iudicio cesserunt, & potestas synodi provincialis ferme circa disciplinae emendationem & minuta episcoporum delicta versatur.

§. XXVII. Iam vero ut concilia provincialia rata & legitima sint, sufficit metropolitani iudicium & auctoritas, quia *το κυριος firmitas* rebus agendis tribuatur; nec ex antiquis regulis ad ea celebranda iussu, aut ad sensu pontificis opus erat. At ubi in scenam prodierunt falsae decretales, auctoritas metropolitana labefactari coepta est, noua proposita doctrina, non esse rata cuiuscumque

generis concilia sine pontificis auctoritate celebrata, *can. 1. & 2. D. 17.* Vna cum falsis decretalibus doctrina ista in vsu versata est, praesertim post Gratianum, a cuius tempore vix vlla concilia prouincialia, aut dioecessana in Occidente habita sunt sine Romani pontificis auctoritate, cuius legati in Occidentis ecclesias frequentes missi, & conciliis praesidebant, & negotia ferme omnia pro arbitrio procurabant. V. Petr. de Marca *de concordia sacerdot. & imperii lib. VI. cap. 30.* Sed tandem decreto Tridentinae synodi *sess. XXIV. de ref. cap. 2.* antiqua libertas restituta est, datumque fuit metropolitanis pleno iure singulis trienniis synodos prouinciales celebrare.

§. XXVIII. Sed an concilia prouincialia, quae infcio pontifice in noua disciplina celebrantur, saltem ante publicationem confirmatione pontificis indigeant? Et nulla videtur opus esse confirmatione; etenim Tridentini patres statuerunt, vt singulis trienniis synodus prouincialis libere celebretur. At hanc libertatem Sixtus v. quodammodo infregit, qui acta synodorum ante publicationem ad congregationem cardinalium, quae interpretandae synodi Tridentinae praest, mitti praecepit, non quidem ad confirmationem, sed ad emendationem, vt nempe corrigerentur, si opus esset correctione. Ita per Sixti constitutionem *vis aperta* synodo Tridentinae illata est, inquit Petrus de Marca *de concordia sacerdot. & imperii lib. VI. cap. 14. n. 22.* Ergo in ecclesiis Occidentis inualuit, vt concilia prouincialia ante publicationem Romam mitterentur, & inde vt plurimum emendata redirent. Multi vero metropolitani vltius progressi sunt, & suas synodos confirmandas Romam transmiserunt. V. Benedict. xiv. *de synodo dioecess. lib. XIII. cap. 3. n. 4.*

§. XXVIII. Synodi prouincialis constitutiones de more publicatae per vniuersam prouinciam obligant; totius enim prouinciae administratio metropolitanis eiusque synodo competit. Ipsi exempti de episcoporum iurisdictione in rebus non exemptis etiam statutis synodi prouincialis obedire tenentur. V. Fagnan. *ad cap. et si membra ex. de his, quae fiunt a praelato sine consensu capituli.* Publicari vero debebant decreta synodi prouincialis in synodis episcopalibus, *cap. 25. ex. de accusationibus, quas, non se-*

cus

cus. ac concilia prouincialia, singulis annis oportebat celebrari. Verum publicatio facienda non est, nisi praeuiis regio ad sensum & confirmatione.

§. XXIX. Inter synodos vltima species est episcopalis, seu *diocesana*, vt in noua disciplina dicitur. Ea est conuentus presbyterorum & clericorum episcopo praeside, in quo de rebus ad curam pastorem pertinentibus tractatur & deliberatur. Quod vero synodorum celebratio spiritali potestati & iurisdictioni adhaeret, episcopus pro iure suo conuentum indicit, celebratque, *can. 16. D. 18.*, & quidem antequam consecratur, modo confirmatus sit. Praelati quoque inferiores, qui diocesim separatam & quasi episcopalem iurisdictionem habent, etiam synodum cogere possunt, modo expressum habeant sedis apostolicae privilegium, quod in vsum deductum sit. Card. Petra *tom. V. sect. 2. n. 104. seq.* Item vicario capituli sede vacante ius est celebrandae synodi, modo annus dilapsus sit a synodo per episcopum celebrata. V. Benedict. *xiv. de synodo dioces. lib. II. cap. 9. n. 6.* Vicarius vero generalis tum synodum indicit, celebratque, si speciali episcopi mandato donetur.

§. XXX. Non minus clerici, quam abbates ad synodum episcopalem vocandi sunt, *can. 16. D. 18.* Et clerici quidem in veteri disciplina praecipue erant parochi, qui generali *presbyterorum* nomine ad synodum vocantur, eisque praesentes exhibentur. Verum in noua disciplina praeter parochos ad synodum vocandi, qui dignitatem, aut personatum obtinent, item vicarius generalis, & sic dicti vicarii *foranei*, qui in pagis & oppidis episcopatus ad causas leuioris momenti decidendas constitui solent. Vocandi quoque ex receptiore sententia ecclesiae cathedralis canonici, qui senatum ecclesiae repraesentant, itemque reliquarum collegiatarum canonici, & reliqui diocesis beneficiarii, si id recepti mores habeant, aut de rebus ad vniuersum clerum spectantibus tractandum sit. V. Benedict. *xiv. de synodo dioces. lib. III. cap. 6.*

§. XXXI. Abbates quoque, seu monachorum superiores ad synodum episcopalem pertinebant, erant enim episcopo subiecti, *can. 16. C. 18. q. 2.*, eique de spiritali monachorum cura rationem reddere tenebantur: quamuis

in aliquibus ecclesiis abbates seorsum a clericis cum episcopo conuenirent, & synodum celebrarent. Conc. Antissiod. *can. VII.* Sed vbi monachi de episcopali iurisdictione subtracti sunt, obligatio abbatum conueniendi ad synodum cessauit, nisi monachi ecclesias parochiales & decimas haberent, quia harum nomine episcopo reddere rationes cogebantur. Interim ex nouis Tridentinae synodi regulis exempti omnes in dioecesi existentes, qui capitulis generalibus non subduntur, ad synodum accedere tenentur: quin ratione paroeciarum & aliarum ecclesiarum saecularium, etiam adnexarum, qui illarum curam gerunt, etiam monachi capitulis generalibus subiecti, synodo interesse coguntur. Trident. *ses. XXV. de ref. cap. 2.* Quicumque vero adesse debent, etiam exempti, ad officium poenis canonicis ab episcopo recte compelluntur.

§. XXXII. Iam ex veteris disciplinae regulis episcopalis synodus bis in anno habenda est, idque ad exemplum synodi prouincialis, cuius decreta in synodo episcopum publicare oportebat, *can. 17. D. 18.* Inde quum inualuisset, semel in anno synodum prouincialem debere celebrari, vna quoque inualuit, vt synodi episcopales semel quotannis haberentur, quamuis in aliquibus ecclesiis steterit disciplina de synodo bis in anno celebranda, *cap. 25. ex. de accusationibus.* Tandem synodus Tridentina *ses. XXIV. de ref. cap. 2.* annuam synodi episcopalis celebrationem praecepit. Sed pro dolor! nec vsu viget Tridentinus canon, immo in multis ecclesiis nec spatium quinquaginta & amplius annorum vllae synodi celebratae sunt: & hinc nihil mirum, si in diem ecclesiastica disciplina nouis abusionibus maculetur.

§. XXXIII. Satis ampla materiarum seges est, quas in synodis episcopalibus tractari & expediri canones iubent. Etenim in illis audiuntur & ex bono & aequo componuntur lites omnes ciuiles, quas siue clerici, siue laici intendunt: expenduntur ea, quae ad cuiusque mores & conuersationem spectant, & an vnusquisque clericus recte officio suo fungatur, *can. 16. D. 18., conc. Aurelian. vi. can. 4., & presbyteri de fide catholica episcopo reddunt rationes, capit. reg. Franc. lib. VII. cap. 108.* Lapsa quoque ecclesiastica disciplina instauratur, publi-

blicantur synodi prouincialis decreta, *cap. 25. ex. de accusacionibus*, creantur testes sic dicti *synodales*, qui in serpen-
 tia vitia inquirant, eaque in futura synodo emendan-
 da episcopo aperiant: eliguntur sex examinatores synoda-
 les, quorum saltem tres vna cum episcopo instituere de-
 bent sollemne examen in paroeciis ex forma synodi Tri-
 dentinae conferendis, *Trident. ses. XXV. de ref. cap. 18.*;
 itemque creantur iudices synodales, quibus committi de-
 bent, causae a sede apostolica in partibus delegandae,
Trident. loc. cit. cap. 10. Quod vero synodus episcopalis am-
 plius quotannis non celebratur, episcopi extra synodum
 ex venia sacrae congregationis & cum capituli consensu
 examinatores & iudices synodales designant. V. Bene-
 dict. *xiv. de synodo dioecesi. lib. IV. cap. 5. & 7.*

§. XXXIV. Finita synodo edita decreta ab episcopo
 debent publicari, alias vim obligandi non habent. Pu-
 blicanda vero synodus non est, nisi praeuio regio adsen-
 su & probatione: & merito quidem; iamdiu enim in
 eiusmodi synodis quaedam tractari consueuerunt, quae li-
 cet ad ecclesiastica officia spectent, aut ecclesiarum iura,
 temporalia tamen attingunt. V. *Espen. par. I. tit. 18. cap. 4.* Constitutionibus publicatis tenentur omnes chris-
 tiani, qui in dioecesi morantur, nisi priuilegio speciali
 de episcopi iurisdictione exempti sint. Sed exemptio gene-
 raliter non facit immunes regulares; nam in rebus non
 exemptis synodi decretis obligantur. Quin capitula cano-
 nicorum exempta tenentur decretis synodalibus; quae ad
 morum & disciplinae emendationem spectant. *Trident. ses. XXV. de ref. cap. 6.*

§. XXXV. Clerici ad synodum conuenientes episco-
 po praestant *synodaticum*, seu *cathedraticum*, certam nem-
 pe pecuniae summam in cathedrae episcopalis honorem
 & signum obedientiae debitam, etsi non defuerint eccle-
 siae, vbi pensio ista tempore visitationis dioecesis pende-
 retur. *Conc. Bracar. ii. can. 2.* Videtur institutum cath-
 edraticum, vbi singulis ecclesiis sua bonorum portio per-
 petuo tributa est, vt ita de iure summi sacerdotis in ec-
 clesiarum bona & ecclesias ipsas constaret. Summa huius
 pensationis duobus aureis solidis per annum constabat,
conc. Bracar. ii. xii. can. 2., conc. Tolet. vii. can. 4.,
 eamque

eamque pendunt omnes ecclesiae dioecesis saeculares, item parochi & beneficiarii omnes, & ecclesiae pleno iure monasteriis adnexae: non tamen abbates; ex antiquis enim institutis monasteria ab episcoporum exactionibus sunt immunia, *can. 8. C. 10. q. 3.* Debetur synodaticum singulis annis, etsi synodus non celebretur; quamvis enim in synodis pendi consueverit; debetur tamen propter cathedrae honorem & in obedientiae signum.

C A P V T X.

De regia in synodos potestate.

§. I. **Q**uamvis regulae conciliorum ad fidem & religionem pertinentes ecclesiae potestati innitantur; tamen civilis potestas non vno nomine conciliis adhaeret, & in eorum celebratione partem habet. Principio ad synodos cogendas consensus principis requiritur; conventus enim hominum haberi prohibentur, *L. 1. & seqq. D. de collegiis*, ne de coeuntibus priuatorum consiliis publicum malum aliquando erumpat (a). Consensus autem
prin-

(a) Apostoli & primorum saeculorum episcopi nullo praecedente civilis potestatis adsensu concilia habuerunt: quo praeiudicio ad synodos habendas regius consensus non videtur necessarius. At apostolorum concilia ex adsensu civilis potestatis habita videntur. Sane dum Iudaei in ditionem Romanam transferunt, integrum retinuerunt suae religionis exercitium, & eorum collegia improbata non sunt, quod Cuiacius *lib. VII. observuat. cap. 30.* probat. Et Romani primaevos christianos cum ipsis Iudaeis confundebant, eosque quasi quamdam Iudaeorum sectam reputabant: atque ideo ex generali legum concessione apostolorum concilia habita sunt. Similiter ubi res christianorum a Iudaeis omnino diuersae ex omnium sententia erant, concilia tacito civilis potestatis adsensu & tolerantia ab episcopis ut plurimum habita: primis enim tribus saeculis saepe in pace & quiete

principis ad synodos habendas necessarius, aut expressus, aut tacitus est: & expressus quidem requiritur, si extraordinaria synodus celebretur; sufficit vero tacitus, si iure ordinario & statis temporibus cogatur: quando enim legibus publicis probati sunt canones, qui statis temporibus synodos habendas decernunt, legitimae sunt eiusmodi coitiones ex generali legum concessione. Moribus vero praesentibus etiam ad ipsas ordinarias synodos, utpote quae statis temporibus non habentur, expressus regis consensus requiritur.

§. II. Sed non tantum synodis habendis venia civilis potestatis opus est; verum etiam postquam christiani publica pace frui coeperunt, concilia ipsa extraordinaria, qualia erant generalia, & quae statis temporibus non erant addicta, iussu principum indici solebant. Socrat. *lib. V. in praef.* Fortasse indictio & conuocatio non pertinet ad concilii naturam & constitutionem, quae in eo posita est, ut coacti episcopi rite & recte de rebus ecclesiasticis iudicent, quisquis demum sit, qui conuentum indicat. Hinc quum extraordinaria concilia, utpote maiora, sine imperii & regnorum concussione & magnis sumptibus vix haberi possent, eorum indicendorum curam principes ad se reuocarunt. Et hinc episcopi, si quando ea necessaria reputarent, principes adire solebant, qui aliquando eorum votis aurem non praebuerunt. Verum postquam, nulla superstitie principatus communione, dissociatum est Occidentis imperium ab Orientali; conuocatio conciliorum generalium ad pontificem transiit, qua de re superius dictum.

§. III. Porro principes synodis a se indictis praesidebant, quod pluribus productis monumentis Thomassinus *de conciliis diff. X. n. 14. seqq.* probat. Praesertim vero principes praesederunt synodis in Oriente habitis; nam
quod

quiete res christianorum fuerunt, & ubi persecutiones non desaeuiebant, omnia ferme exercitia christianae religionis scientibus magistratibus explicari solebant; idque praesertim eo nomine, quod iam constabat, conuentus christianorum nihil mali continere.

quod spectat Occidentem, etsi saepe praesentes synodis reges fuerint; non tamen iis praefuisse leguntur, nisi necessitas vrgeret. Spectabat *προεδρία* praesidentia ista principum ordinem exteriorum & fidei defensionem & conventus tranquillitatem: nam in iis, quae erant fidei & religionis, summus pontifex conciliis generalibus semper praefuit. Ita in synodis generalibus duplex erat *προεδρία*, interior vna & episcopalis, quae conciliis inerat; altera exterior & civilis, quae ad externum ornatum spectabat. Conc. Chalced. *relat. ad Leonem M. ap. Harduin. tom. II. concil. col. 655.*

§. IV. Iure *πρὸς τὴν προεδρίαν* praesidentiae aucti imperatores in conciliis ordinem rerum tractandarum praescribebant, secundum quem synodi actiones dirigi & haberi oportebat, quod Thomassinus *de concil. diff. X. n. 19. & seqq.* & Petr. de Marca *de concord. sacerdotii & imperii lib. IV. cap. 3.* pluribus probant. Ex ordine diuallibus litteris propositio cuique liberum erat sententiam dicere & suffragium ferre. Quod si contra praescriptum ordinem concilia haberentur, integrum erat principibus in irritum mittere, quae ordine neglecto gesta erant. V. Petr. de Marca *loc. cit.* Iudicantes vero principes de ordine non seruato, tantum ipsa facta expendebant, & iuris quaestionem relinquebant integram.

§. V. Vt vero imperatores ius praesidendi sibi competens explicarent, ad concilia mittere consueuerunt praecipuos magistratus, quorum propterea munus erat synodi providere securitati, arcere subortos tumultus, & praesse seruando ordini iam praescripto. V. Petr. de Marca *loc. cit.* Sed ubi canonica contra episcopos, aut clericos iudicia agitabantur, magistratus praesidentes synodis non intererant, & eorum praesidendi praerogatiua cessabat: idque ea ratione factum est, quod incongruum videbatur, laicos vitia propria clericorum noscere: *neque enim fas est*, inquit synodus VIII. generalis, *saeculares principes spectatores fieri rerum, quae sacerdotibus Dei nonnumquam eueniunt.* Obtinuit haec disciplina praecipue in Oriente: nam in Gallia etiam regularibus contra clericos quaestionibus principes interesse consueuerunt.

§. VI. Praeterea ius erat Romanis imperatoribus sententias

tentias per concilia latas suspendere, si ipsis videretur, non iure, nec seruato ordine iudicatum. V. Petr. de Marca *de conc. sacerdot. & imperii lib. IV. cap. 4.* Et profecto Leo M. cum concilio Romano precibus egit apud Theodosium Iuniozem, vt executionem sententiae Latrocinii Ephesini (ita appellatur synodus secunda Ephesina) susponderet, vsque dum oecumenicum concilium cogeretur, idque eo nomine, quod nullo seruato ordine & per vim & minas Dioscori Alexandrini, qui ex rescripto principis praeerat, synodus illa iudicasset. *Ecce ego, inquit summus pontifex Leo epist. XLI. edit. Quaesnellii, christianissime & venerabilis imperator, cum confacerdotibus meis obsecramus, vt omnia in eo statu esse iubeatis, in quo fuerunt ante omne iudicium, donec maior ex toto orbe numerus sacerdotum congregetur.*

§. VII. Regiae quoque potestatis est decreta conciliorum, siue ad fidem, siue ad disciplinam pertinent, confirmare: quod optimi quoque principes Constantinus M., ambo Theodosii, Marcianus, Iustinianus alique fecerunt, idque ipsis synodis exorantibus. Thomass. *de concil. diff. X. n. 26. seqq.* Confirmari autem concilia a principibus consueuerunt non sine praenota causae cognitione, licet inquisitio diuerso modo procederet, prout de fide & iudiciis canonicis, vel de disciplina ageretur. Decreta fidei & iudicia canonica extraiudiciali cognitione expendebantur, tantum vt innotesceret, an synodi in hoc rerum genere ex regulis canonicis cognouissent: contra canones exterioris disciplinae maturo examini ante confirmationem subiici solebant: huiusmodi enim canones res ciuiles saepe tangunt, & aliquando nouam exterioris disciplinae formam constituunt, quae publicae tranquillitati & receptis moribus aduersatur (b). Regia autem confirmatione

(b) Principes, dum exterioris disciplinae canones confirmabant, limitationes & additiones quasdam addere solebant, in his praesertim articulis, qui vim regiae auctoritatis & iurisdictionis infringebant: quod constat ex celebri edicto Clotarii Regis, quo multa capita concilii Parisiensis v. ad Regis iura & temporalem iurisdictionem spectantia in nouam formam reda-

ne fidei decreta & canones vim ciuilem & publicam nanciscuntur, & in nomo-canonem abeunt, quatenus ecclesiastica & ciuili potestate nituntur, *nouel. VI. cap. 1. §. 2., nouel. CXXXI.*

§. VIII. Quae quum ita sint, satis profecto ampla erat regia in synodos potestas; nam si excipias de fide quaestiones & decreta, & disciplinae interioris constitutionem, quae ad episcopos pertinebant, reliqua ferme omnia ab arbitrio & potestate principum pendebant. Haec vero principum in synodos potestas non erat sacerdotalis, (illi nimirum iure clauium destituuntur) sed ciuilis & regia, qua armati ad religionis & ecclesiae defensionem adstringuntur, eoque nomine Deo reddere rationem tenentur, *can. 20. C. 23. q. 5.* Ipse imperator Marcianus professus est, se non iure sacerdotis concilio Chalcedonensi interfuisse, sed potius ut episcopus exterior, ut ecclesiae & fidei defensor. *Conc. Chalced. act. VI.* Cuius exterioris episcopatus ratione imperatores in antiquis conciliis *pontifices & sacerdotes* saepe salutari meruerunt. *V. Thomass. de concil. diff. XII. n. 40. seqq.*

§. IX. Tanta principum potestas in synodos, praesertim iussu regio indictas, sensim in Occidente decreuit, vbi dissociata prorsus imperii Orientalis communione, regiones Occidentis proprium imperatorem habere coeperunt, quod sub Carolo M. primum factum est. Nimirum ab hoc tempore maximopere creuit pontificis Romani etiam in res ciuiles potestas, adeo ut ipsi reges pontifici etiam in ciuilibus subiecti crederentur. Hinc nefarium visum est, principes conciliis praeesse, seriem rerum tractandarum praescribere, magistratus ordini seruando praeesse, principes sententias in synodis latas suspendere, & earum acta & decreta in irritum mittere.

Hinc

Ita sunt. V. Petr. de Marca de concord. sacerdotii & imperii lib. VI. cap. 22. n. 7. Quin ipsae synodi dum editos canones principibus confirmandos offerebant, eos rogabant, ut quae minus recta viderentur, emendarent. *Conc. Moguntin. in praefat. ad Carolum M., conc. Cabilon. 11. praef. ad eundem Carolum.*

Hinc Romani pontifices coeperunt synodos generales in Occidente coactas moderari, & munia illa exercere, quae in veteri disciplina principes eorumque magistratus exercebant. Quin aetate posteriore adeo decrevit principum in synodos potestas, ut Romani pontifices a conciliis provincialibus regios legatos vellent exclusos. V, Benedict. xiv. *de synodo dioec. lib. III. cap. 9. n. 6.*

§. X. Per Occidentem oblanguit quidem regia in synodos potestas; at non per omnia defecit; nullum enim hodie concilium forte potest celebrari, nisi principes consentiant: nec iisdem denegatur magistratus delegare, qui synodis intersint, nihil obstantibus Romanae congregationis decisionibus. Item conciliorum decreta non publicantur, nisi ex principis concessione, quae praeuia cognitione, & additis limitationibus concedi solet, aut omnino denegari. Sane ipsa synodus Tridentina, quod spectat disciplinam, in Gallia publicata non est, impediante regia potestate, quod multa contineret vetustis moribus, iuribus regiis & ecclesiae Gallicanae libertatibus aduersa. V. Petr. de Marca *de conc. sacerdotii & imperii lib. II. cap. 17.* Contra in Hispania, Belgio & in regno Apuliae synodi illius publicationem praeuia examine Philippus II. concessit; at ea moderatione, ut nullius usus essent, quae regia iura & vasallorum laederent, licet ea limitatio propter synodi reuerentiam ipsi publicationi addita non sit. Hinc in regnis Regis catholici passim a magistratibus & regiis censoribus adnotata capita, quae ex Regis sententia admissa & probata non erant. Ea capita apud nos regens Villanus recensuit, qui tamen etiam aliqua omisit. V. Petr. Iannon. *hist. civil. regni Neapol. lib. XXXIII. cap. 3.*

C A P V T XI.

De iudicibus ordinariis.

§. I. **N**omine iudicis venire solet vir bonus ad lites dirimendas publica auctoritate constitutus, atque ideo qui ex publica auctoritate cognoscit, iudicat, & iudicatum exsequitur. Sic descripti iudices iurisdictione aucti sunt, non tantum cognoscunt & iudicant: quo sensu a magistratibus, qui ius dicebant, nihil differunt (a). Quod vero dictum est, iudicem esse virum bonum, id intelligendum est ex legum sententia, quae viros bonos iudiciis praeficiendos edicunt; etsi (quae est misera hominum conditio) saepe minus boni iudicis officio fungantur. Constituitur vero iudex ex publica auctoritate, consensus enim priuatorum arbitrum potius, quam iudicem facit, L. 3. C. de iurisdictione omnium iudicum.

§. II. Indices iure decretalium alii sunt ordinarii, alii delegati, exstatque duplex in decretalibus titulus, vnus de officio iudicis delegati, alter de officio iudicis ordinarii. Iudices ordinarii appellantur, qui iure sui officii quasi propriam iurisdictionem exercent, quales episcopi & metropolitani, qui vi suae ordinationis & dignitatis iurisdictionem habent, item iudices omnes, qui iure officii sui lege probati iurisdictionem exercent, etsi officium illud alieno beneficio detur, quales in republica sunt

(a) Et sane postquam ex Diocletiani constitutione magistratus ipsi iudicare iussi sunt, nisi publicis occupationibus, aut eausarum mole impedirentur, L. 2. C. de pedaneis iudicibus, dandorum iudicum, qui tantum de facto cognoscerent & iudicarent, non vero iudicatum exsequerentur, vsus oblauguit, & iudex & iurdictio aequae late patere coeperunt, ipsique iudices & magistratus promiscue dicti sunt: quo spectat titulus C. de iurisdictione omnium iudicum.

sunt magistratus, in ecclesia legati pontificis. Iurisdictione vero ordinaria, quae ordinationem & dignitatem consequitur, alicui sine iusta causa & citra iuris ordinem adimi non potest, immo nec restringi; adhaeret ipsi dignitati, quae perpetua & individua est; at quae consequitur officium, cum officio finitur. Ceterum licet omnes, qui in dioecesi perpetua iurisdictione augentur, dici queant iudices ordinarii; tamen *ordinarii* nomine episcopus venire solet.

§. III. Inter ordinarios iudices, qui iure dignitatis suae habent iurisdictionem, iure decretalium censentur archipresbyteri, decani rurales, & praesertim archidiaconi. Qui quidem iurisdictionem consuetudine adquisuerunt; nam initio meri episcoporum fuerunt delegati (b). Competens vero archidiaconis & decanis iurisdictione, utpote quae moribus & consuetudine accesserat, non eadem ubique fuit, *cap. 10. ex. de officio archidiaconi*. Sed ordinaria archidiaconorum & decanorum iurisdictione labentibus annis decrevit, paucique hodie sunt, qui pristinae iurisdictionis vestigia retinent. Vbi vero adhuc viget, decreto synodi Tridentinae vetantur decani & archidiaconi de causis criminalibus & matrimonialibus cognoscere. Trident. *sess. XXIX. de ref. cap. 20*. Quo decreto & beneficiarias & maiores omnes causas contineri interpretes tradunt. Barbosa *collect. VI.*

§. IV. Vicarii quoque generales inter ordinarios iudices censentur, quatenus nimirum iure officii per legem, seu canonem probati exercent iurisdictionem; nam si or-

N n 2

dina-

(b) Nimirum mediis saeculis episcopi a rebus spiritualibus distracti, aut negotiorum copia obruti, causas ecclesiasticas, quae non amplius in presbyterio tractabantur, committere coeperunt archipresbyteris, decanis ruralibus & archidiaconis, qui non iure officii, sed delegationis cognoscebant & iudicabant. At lapsu temporis assiduis delegationibus, episcoporum absentia & oscitantia, quae erat mandata iurisdictione, in ordinariam conualuit, & archidiaconi & decani iudices ordinarii euaserunt: qui mores saeculo decimo tertio iam recepti erant, *cap. 3. de appellationibus in 6.*

dinarium iudicem eo sensu intelligas, qui iure consecrationis, aut perpetuae dignitatis iurisdictionem habet, procul dubio vicarius alterius iurisdictionem exercet. Est vero vicarius generalis, qui alias *officialis* dici solet, qui vice episcopi contentiosae ac voluntariae iurisdictioni praest. Et id quidem secundum Italiae mores, vbi vnus idemque vicarius contentiosam & voluntariam iurisdictionem exercet: nam alias in plerisque transalpinis ecclesiis vicarius & officialis distant: ille nimirum praest voluntariae, hic contentiosae episcopi iurisdictioni. *Elpen. par. I. tit. 12. cap. 4. & seq.*

§. V. Constituitur vicarius generalis auctoritate episcopi, qua alicui sub generali officii commissione mandatur episcopalis iurdictio in foro explicanda; vbi enim in adiduum abiit vsus, vt episcopi alterius ministerio iurisdictionem exercerent, sensim emerfit vicarii officium, quod peculiari titulo in sexto decretalium explicatur (c). Constitutus autem vicarius ordinariam episcopi iurisdictionem administrat, & inde episcopi & vicarii vnum censetur auditorium. Hinc causae episcopo reseruatae etiam per vicarium cognosci & iudicari possunt, nisi nominatim exprimatur, episcopum per se debere cognoscere: &
a vi-

(c) Archidiaconi & decani postquam ordinaria iurisdictione creuerunt, in episcopos esse coeperunt contumaces, & ad coarctandas opes solliciti. Ergo episcopi sensim iurisdictionem reuocarunt suam, & novos instituerunt officiales, quibus illam mandarent, non tamen in perpetuum, sed quousque ipsis mandantibus placeret. Hic mos saeculo decimo secundo incoepit, generatim vero vsus vicariorum videtur inualuisse post synodum Lateranensem xiv., vbi Innocentius iii. episcopos hortatur, vt si negotia omnia per se expedire nequeant, eligant presbyteros, qui eorum vice fungantur. Hinc nihil mirum, si nec in decreto Gratiani, nec in decretalium Gregoriana compilatione vicariorum extant vestigia. V. Thomass. *de vet. & noua eccl. discipl. par. I. lib. 2. cap. 7.* Tantum in sexto decretalium distinctius proponitur vicarii officium; quando enim ferme omnium episcoporum vsu vicarii constituebantur, opportunum visum est eius officium explicare.

a vicario in caussis generalis commissionis non ad episcopum, sed ad metropolitanum appellatur, *cap. 3. de appellationibus in 6.* Integrum vero est episcopo illud ipsum vicarii officium restringere, & aliqua officio comprehensa sibi reservare, aut ad certos actus, locum, aut tempus vicarium constituere, quibus casibus fines commissionis seruandi sunt. Potest quoque episcopus pro rectori regiminis ratione plures vicarios constituere; immo plarium constitutio aliquando videtur necessaria, veluti si episcopus duas simul iunctas regat dioeceses, vel vnā Latinis simul & Graecis christianis mistam.

§. VI. Quamuis vero vicarius generalis ordinariae episcopi iurisdictioni praesit, multa tamen sunt, quae generali officio non continentur, eaque facere vetatur, nisi ex speciali concessione; generali enim mandato haud illa veniunt, quae non esset quis verisimiliter in specie concessurus, *cap. 3. de off. vicarii in 6.* Ita vi generalis mandati vicarius litteras dimissorias ad ordines non concedit, nisi episcopus in longinquis regionibus diu moretur, *cap. 3. de temporib. ordinationum in 6.*, nec cognoscit causas criminales, aut matrimoniales, *cap. 2. de officio vicarii in 6. Trident. ses. XXIV. de ref. cap. 20.*, nec quaslibet alias soli episcopo reservatas, nec confert beneficia, *cit. cap. 3.*, nec eis permutandis, coniungendis & fundandis adsensum impertitur, nec visitat dioecesim, nec synodum cogit, nec canonicorum collegium indicit. *Trident. ses. XXV. de ref. cap. 6.* Mandato quoque generali non continetur absolutio a casibus episcopo reservatis, *cap. 2. de poenit. & remissionibus in 6.*, nec relaxatio irregularitatum, quae ex crimine occulto proueniunt. *Trident. ses. XXIV. de ref. cap. 6.*

§. VII. Eligi autem debent in vicarios viri idonei, & in utroque iure, saltem canonico, versati, qui ab omni auaritia sunt alieni, & amore iustitiae & pacis inter fideles conciliandae officium exercent; qui litum tricas & strepitus forenses auerlentur, nec iis, nisi coacti & amore iustitiae inducti, implicari sinant (d). Cer-

(d) Vicarii generales, seu officiales initio institutionis ab auaritia

te minus conuenit ei, qui episcopi vices sustinet, ex officio quaestum facere, & lites superfluis tricis & dilationibus fouere. Item ordinibus ecclesiasticis, saltem prima tonsura, debet esse initiatus, qui ad vicarii munus eligitur. Nec eligi debent in vicarios, qui sunt de eadem dioecesi, item nec regulares ex ordine mendicantium, *Clement. 1. de regularibus*, nec clerici coniugati, aut digami, nec minores viginti quinque annis, nec episcopi consanguinei, nec qui animarum curam habent.

§. VIII. Iure communi vicarius generalis aliquam dignitatem habere videtur, *cap. 11. de rescriptis in 6, Clement. 2. de rescriptis*. Et quoniam iure decretalium dignitas non tantum iurisdictione, verum etiam honoris praerogatiua censetur; hinc vicarius generalis in synodis, processionibus & choro omnes canonicos praecedit, nisi canonicus etiam sit, velitque quotidianas distributiones lucrari; nam in hoc casu in stallo suo inter canonicos sedere & procedere debet. Haec vero dignitas officio videtur adhaerens, nec in beneficium, nec in titulum possidetur, quo differt ab aliis dignitatibus, & cum alia dignitate recte retinetur, & cum ipso vicarii officio finitur.

§. IX. Vicarius generalis semel constitutus pluribus modis esse definit, nec enim perpetuo titulo officium exercet.

varitia & tricis & versutiis forensibus notati. Certe Petrus Blesensis, scriptor saeculi decimi secundi, viuis coloribus eorum malos mores depingit *ep. XXV. Tota officialis intentio est*, inquit, *ut ad opus episcopi suae iurisdictioni commissas miserimas oves, quasi vice illius tondeat, emungat & excoriet. Isti enim sunt episcopi sanguisugae, euomentes alienum sanguinem, quem biberunt*. Deplorat quoque eorum versutias & tricas forenses, quasi qui ad perdendam iustitiam instituti essent. *Officium officialium hodie est iura confundere, suscitare lites, transactiones rescindere, innectere dilationes, suppressere veritatem, fouere mendacium, quaestum sequi, acquitatem vendere, iniungere exactionibus, versutias concinnare*. His aliisque rationibus Blesensis non illepida adlusione officialium nomen interpretatur: *credo, huiusmodi officiales non ab officio nomine, sed ab officio verbo mutasse vocabulum*.

exercet. Ergo expirat vicarii potestas mortuo episcopo, aut alias episcopatu abeunte, item mandati reuocatione ab episcopo facta; constitutio enim vicarii etsi ordinariam iurisdictionem largiatur, tamen nudum mandatum est, id habens peculiare, quod etiam rebus non integris recte soluatur. Vbi vero contingit, vicarium ab episcopo potestate exui, reuocatio euulganda est, & ipsi vicario denuntianda, alias interim gesta viribus constant, etsi reuocatio illi innotescat. *Garcias de benef. par. V. cap. 8.* Vicarius quoque esse desinit, si ipse officio renuntiauerit.

C A P V T XII.

De iudicibus delegatis.

§. I. **O**rdinario iudici opponitur delegatus, qui iurisdictionem non proprio iure, sed alterius mandato & beneficio exercet: atque ideo nihil proprii habet, sed eius, qui mandauit, vice fungitur. Sic ab interpretibus decretalium index delegatus describitur, qui tamen in iure Romano iudex, cui mandata est iurisdictionis, saepe dicitur. Sunt vero mandatarii iurisdictionis vel generales, vel particulares, quatenus vel vniuersa iurisdictionis, vel species vna, seu pars iurisdictionis mandatur, veluti in certas personas, aut certa causarum genera, aut in quamdam specialem causam, *L. 16. & seq. D. de iurisdictione*. Si vniuersa iurisdictionis mandetur, omnia, quae iure magistratus competunt, translata censentur, non item quae speciali legis beneficio conceduntur: si pars tantum mandata sit, quatenus mandatum est, transit.

§. II. Ius delegandae iurisdictionis iis praecipue competit, qui constituendi creandique magistratus potestatem habent, a quibus iurisdictionis tamquam a proprio fonte dimanat; itemque ipsis magistratibus, quorum propria iurisdictionis est. Hinc certi iuris est, episcopos, metropolitanos, patriarchas, summum pontificem iurisdictionem mandare posse suam, *can. 29. C. 11. q. 1.* Item ipsi archi-

chidiaconi & decani, postquam ordinaria iurisdictione aucti sunt, eam suis officialibus mandarunt. Ceterum moribus praesentibus delegati pontificii frequentiores sunt, reliquorum vero iudicum ecclesiasticorum ferme desierunt, quod Espenius *par. III. tit. 5. cap. 2.* obseruat: & vicarii generales tantum quosdam actus, puta testium examen, non iurisdictionem delegant.

§. III. Delegati pontificii ferme dantur ad decidendas causas singulares, quae ex regulis nouae disciplinae magno numero ex toto Occidente, siue per appellationem, siue primo iudicio in aulam Romanam confluebant (a). Tales delegati plena donantur iurisdictione; a se enim delegatos iudices iisdem praerogatiuis pontifices auxerunt, quibus a principe delegati iure civili utebantur. Ergo habent adfessores, & in causis delegatis iudices dant, etiam episcopos: poenas irrogant, & coercitionem exercent, ut ea, quae ad causam faciunt, expediant, *cap. 4. & seq. ex. de officio delegati*: item sententiam exsequuntur suam, & hoc amplius post latam sententiam retinent per integrum annum potestatem, quo facilius eam executioni mandent, *cap. 26. ex. eodem*. Praeterea delegati a pontifice in causis sibi commissis non tantum iudicem dant, verum etiam sibi mandatam iurisdictionem, siue in totum, siue pro parte alteri mandare possunt, quod *subdelegare* dicitur, nisi ipsa personae qualitas electa fuerit, *cap.*

(a) Nempe in noua disciplina appellationes a synodis provinciarum ad pontificem admissae sunt: ipsa sedes Romana ordinarius iudex omnium exemptorum de episcopali potestate euasit: & porro admodum creuit causarum numerus, quae primo iudicio apud pontificem, qui ordinarius in vniuersa ecclesia iudex putabatur, agitari poterant. Tot causis discutiendis aula Romana impar erat, immo nec Romae ob locorum distantiam, a quibus probationes peti debebant, facile instrui poterant. Ergo necesse fuit, causas iudicibus in partibus delegare: quae disciplina saeculo decimo secundo antiquior non videtur; supponit enim causas ecclesiasticas Occidentis, etiam minimas, siue per appellationem, siue primo iudicio apud sedem apostolicam tractari.

cap. ult. ex. de off. delegati, in quo delegati pontificii distant a principum delegatis, qui tantum iudicem dare poterant, *L. 5. C. de iudiciis*, non item sibi mandaram iurisdictionem, ne pro parte quidem, alteri mandare. Franc. Florens *comment. ad tit. de off. delegati*.

§. IV. Iure decretalium iudices a summo pontifice delegati nullis specialibus qualitatibus aucti esse debebant, atque ideo etiam simplicibus clericis pontificis iurisdictioni mandabatur: quod dignitati sedis apostolicae parum conveniebat. Ergo Bonifacius VIII. statuit, vt tantum dignitate aut personatu praeditis, aut ecclesiae cathedralis canonicis causae ab apostolica sede eiusque nuntiis delegari possint, *cap. 11. de rescriptis in 6.* Et quoniam inter designatos a Bonifacio etiam esse poterant minus idonei ad iudicandum, statuit synodus Tridentina *ses. XXV. de ref. cap. 10.*, vt in synodo provinciali aut dioecessana designentur aliquot personae, quae habeant qualitates per Bonifacium expressas, & alias idonei sunt, quibus tantum & locorum ordinariis sedes apostolica eiusque nuntii causas delegandas committant. Atque hi sunt iudices sic dicti *synodales*, quod in synodo designandi sunt, quorum saltem quatuor in singulis dioecesium esse debent, electorumque nomina ad sedem apostolicam transmittenda sunt. Quod vero hodie synodi admodum raro celebrantur, episcopi ex venia sacrae congregationis cum consensu capituli iudices designant. V. Benedict. XIV. *de synodo dioec. lib. IV. cap. 7.*

§. V. Iudices a summo pontifice delegati ex sententia Innocentii III. non *ultra duas dietas* a dioecesium litigantium constitui possunt, *cap. 28. ex. de rescriptis. Dieta*, seu iter unius diei iure civili continet viginti milliaria, *L. 3. D. de verbor. signific.*, at in hac causa potius locorum mores inspiciendos glossator monet, & dierum itinera peculiaribus moribus aestimanda. Verum deinceps Bonifacius VIII. voluit, vt si actor & reus sint eiusdem dioecesis, aut civitatis, extra ipsas causa non committatur, nisi in paucis speciebus: & si actor & reus sint diversarum dioeceseon edixit, vt causa committatur in rei dioecesi, vel in alia actoris non propria, modo locus iudicis delegati *ultra iter unius diei a dioecesis rei finibus*
non

non absit, *cap. 11. ex. de rescriptis in 6.* Ita vbi extra Romanam curiam causae delegantur, nam alias iure decretalium liberum est, de iisdem Romae iudicium institui (b).

§. VI. Mos fuit summorum pontificum ad causas decidendas vnum aut plures, certos tamen, iudices dare. Et plures quidem vel simpliciter nulla adiecta clausula, qua mandatum modificaretur, vel definite certis adiectis clausulis, quae procedendi modum constituerent. Si plures simpliciter delegati constituti sint, coniunctim dati censentur, nec vnus sine altero recte procedit, *cap. 16. & 22. ex. de officio delegati*, nisi vnus alteri delegato, vel alij vices suas commiserit, *cap. 6. ex. eodem.* Sed si pluribus definite & adiectis modificationibus causa commissa sit, delegatio ex clausulis iudicanda est, & secundum eas apparebit, an omnes, an vero duo, vel vnus sine altero possit iudicare, *cap. 13. ex. de rescriptis, cap. 8. de officio delegati in 6.*

§. VII. Delegatus mandati fines seruare tenetur, nec enim proprio iure, sed ex alterius delegatione iudex sedet, *cap. 13. & 15. ex. de officio delegati.* Ergo ante omnia de mandato constare debet, eiusque exemplum citatorii litteris inseri debet, & delegatio vltra expressas personas, vel articulos produci non potest, nisi ex communi partium praesentium consensu, nec enim sufficit, per procuratorem consentire, *cap. 32. ex. eodem.* Hoc ipso

(b) Ius hoc decretalium in multis regionibus non seruatur: etenim in Gallia, Belgio, Hispania causae pontificiae cognitionis necessario per iudices in prouinciis delegatos tractandae & finiendae sunt; in his enim regionibus non siquant recepti mores, aut populis concessa privilegia, vt ciuium causae extra prouinciam, aut regnum pertractentur, praestoque est regia potestas ad emendandam abusionem, si quis citerur, vt extra prouinciam, aut regnum se sistat. Itaque decretalis Bonifacii, quae habet, in dioecesi, aut non vltra iter vnus diei iudices in causis dari debere, ea moderatione obtinet, modo iudices in prouincia, aut regno instituantur. V. *Esper. par. III. tit. 5. cap. 3.*

ipſo tamen haud vetatur delegatus de connexis cognoſcere, aliaque peragere, ſine quibus ipſa delegatio ad exitum perducere nequit, *cap. 38. ex. eodem, cap. 13. de offic. delegati in 6.*

§. VIII. Delegati officium non eſt perpetuum, ſed certis modis finitur. Ita finitur morte delegantis re adhuc integra, *cap. 30. ex. de officio delegati*, ſeu ſi citatio nondum facta ſit, *cap. 20. ex. eodem*; nam lite iam coepta delegatorum iurisdictione euadit perpetua. Praeterea finitur delegati morte, item finito negotio, & ſi delegatio ad totam cauſam a pontifice facta ſit, ſententiae executione, *cap. 9. ex. eodem*: nam ſi iudex ab ordinariis, puta epifcopo, delegatus eſt, ſententiae prolatione eius officium deſinit. Franc. Florens *in tit. de officio delegati*. Finitur quoque delegatio lapſu temporis, quo ineluſa eſt, niſi communi partium conſenſu prorogetur, *cap. 4. ex. eodem*: item reuocatione, quae principi deleganti ſemper permiſſa eſt, *cap. 28. §. 2. ex. eodem*: & demum reuocatione propoſita & admiſſa, *cap. 5. eodem in 6.*

§. IX. Praeter pontificias delegationes, quae expreſſo mandato nituntur, datur etiam delegatio vi ipſa canonis, ſine ſpeciali delegatione, qualem delegatam poteſtatem exercent epifcopi in pluribus caſibus, quos noua diſciplina pontifici addixit, vt videre eſt in decretis concilii Tridentini, in quibus ſaepe epifcopis conceditur, vt tamquam apoſtolicae ſedis delegati procedant (c). In his caſibus appellationes ab epifcopis ad ſummum pontificem proponuntur, vicarii generalis vi generalis mandati non pro-

(c) Specioſum ſane iuris eureka, quod patribus Tridentinis Sebaſtianus Pighinus, vnus ex Rotae Romanae auditoribus, ſuggeſſit. Multiplicatis exemptionibus, ſive monachorum, ſive eccleſiarum, ſive clericorum de epifcopali poteſtate, plura incommoda in rem eccleſiaſticam irreperunt, & epifcopalis poteſtas ad anguſtos terminos reducta eſt. Ergo in comitiis Tridentinis de abolendis exemptionibus tractatum eſt, & inter contraria ſtudia medium illud tandem electum eſt, quo, ſaluis exemptionibus, epifcopi tamquam apoſtolicae ſedis delegati de exemptis cognoſcerent & iudicarent.

572 INSTITVT. IVRIS CAN. PARS III.
procedunt, & demum vacante sede haec delegata iurisdic-
tio ad capitulum non deuoluitur.

C A P V T XIII.

De fidei inquisitoribus.

§. I. **I**Nter iudices, qui praesunt ecclesiasticae iurisdic-
tioni, in noua disciplina censentur fidei inquisi-
tores: & idcirco ratio susceptae tractationis postulat, vt
etiam fidei inquisitionem enarremus; non quod in hoc
Neapolitano regno inquisitio ista vrgeat, sed vt eius ori-
go, ingenium & procedendi methodus cognoscatur, &
inde iudices ecclesiastici sibi caueant. Episcopi ex Chri-
sti institutione sunt primigenii fidei inquisitores, ratione
enim sibi commissi regiminis, id in primis curare debent,
vt in sibi commissis ecclesiis fides catholica vigeat, & ab
omni erroris labe pura & integra conseruetur. Et pro-
fecto per duodecim ferme saecula praeter episcopos eccle-
sia nullos alios cognouit inquisitores, nullam specialem
audientiam, cui id negotii datum esset, vt extraordina-
riis modis in haereticos inquireret, detectosque magistra-
tibus puniendos traderet.

§. II. Verum enimvero post saeculum decimum secun-
dum exorta est noua fidei inquisitio, qua ex auctoritate
pontificis fratres Dominici aut Franciscani vna cum e-
piscopis in causis fidei iudices constituti sunt, & modis
plane singularibus procedunt. Tempore Innocentij III.
permulti haeretici ecclesiam Occidentis nouis doctrinis la-
cerabant, praesertim vero Albigenes, quorum errores
fauore comitis Tolosani late per Franciae regiones perso-
nabant. Quapropter Innocentius ad hanc hydrain fortius
obtruncandam, Tolosam legatos misit, in primis vero
opus novorum dogmatum extirpandorum commissum S.
Dominico eiusque familiae, quae tum primum ad opus
fidei promouendum & haereticos persequendos instituta
est. Sed Dominici initio nulla aucti sunt iurisdictione,
tan-

tantumque ciuitates circumibant, contra haereticos voce & scriptis utebantur, quam muneri suo addidui essent episcopi, inquirebant, & principes & populos ad perdendos haereticos concitabant.

§. III. Noua haec contra haereticos inquisitio incrementum & feneritatem suam praesertim debet Friderico II. imperatori, qui anno MDCCCXIV. Patavii immania edicta contra haereticos edidit, & in regionibus imperii valere praecepit. His edictis imperii magistratibus praecepit, ut haereticos ab ecclesia iudicatos punirent; obstinatis mortis poenam & ignem proposuit; haeresim inter publica crimina recensuit; poenas aduersus perduelles & maiestatis reos ad haeresim produxit, & idcirco bonorum publicationem & memoriae damnationem haereticis irrogauit. Fidei quoque inquisitores tuendos recepit, eos enixe commendauit, praecepitque omnibus imperii episcopis, ducibus & magistratibus, ut eos omni auxilio fouerent, & ab insidiis haereticorum tuerentur.

§. IV. Iam vero audiencia inquisitionis (vulgo *tribunal S. Officii*) certis regulis ordinata & perpetua iurisdictione instructa, praecipue ab Innocentio IV. instituta est, qui leges Fridericianas contra haereticos confirmavit, Dominicanos & Fratres Minores, qui fidei & ecclesiae vtilissimam nauasse operam videbantur, eximia armavit auctoritate, & episcopis, quibus cognitio de haeresibus competebar, adiunxit; simul etiam magistratibus mandauit, ut iudicio episcoporum & inquisitorum apparitores conducerent, a quibus haeretici in carcerem compingerentur, & eorum bona occuparentur. Hac forma Innocentius in Lombardia & adiacentibus prouinciis inquisitores ex ordine Dominicanorum instituit, quorum officio sustinendo ad rectores & consilia earum ciuitatum anno MDCCCLII. bullam dedit, qua vnum supra viginti capita continentur, omnia ad explicandum inquisitionis officium spectantia. Ex Lombardia perpetua & ordinaria fidei inquisitio in alias Occidentis prouincias & regna permeauit, sed non vbique parem fortunam experta est.

§. V. Fidei inquisitio origine sua tantum in haereticos & fidei causas iurisdictione armatur. Et ut tantam prouinciam curis aliis soluti, eo melius inquisitores pro-

cura-

curarent, vetiti sunt de diuinationibus & sortilegiis quæ-
rere, modo hæresim manifeste non saperent; itemque
de quaestionibus vsurarum aliisque criminibus, quæ a
pertinaci in fidem errore longe absunt, *cap. 8. §. 4. seq. de
hæreticis in 6.* At lapsu temporis hæresibus ferme con-
fossis inquisitores iurisdictionem suam produxerunt ad alia
crimina, quæ re vera ab hæresi longe distabant, ma-
chinis vero & interpretatione inquisitorum hæresis macu-
la, aut suspicione adsparguntur, qualia blasphemiae con-
tra Deum & sanctos, etsi ira, ignorantia, aut malo ha-
bitu prolatae, sortilegia, diuinationes, nocturnae com-
potationes & digamia, quæ omnia potius ignorantia &
humana fragilitate, quam pertinaci in fidem errore com-
mittuntur. Inquisitionis vero iurdictio in omnes christia-
nos quacumque dignitate eminentes se extendit, tantum-
que exempti sunt nuntii pontificii, episcopi & alii quæsi-
tores; vbi vero episcopi de hæresi suspecti sunt, inquisi-
tores ad papam referre tenentur, *cap. 16. eod. in 6.*

§. VI. Ordo iudiciarius, qui in foro inquisitionis ob-
tinet, omnino singularis est, & ab ordinariis iudiciorum
regulis recedit, quod in gratiam fidei receptum est. Prin-
cipio non desideratur libellus, seu sollemnis accusatio,
nec accusator in crimen inscribit: quin, quod accusatio
litibus implicat, ex *Directorii inquisitorum* placitis tantum
denuntiatione, aut inquisitione iudicia instituenda. Ipsa
accusatio aut delatio, etsi alias libera, in causa fidei e-
vadit necessaria: & hinc quilibet tenetur accusare, aut
deferre, etiam fratrem, uxorem, patrem, filium. Raro
adhibetur citatio, & si id fiat, causa citationis non ex-
primitur. Non requiritur litis contestatio: confuso exa-
mini reus subiicitur, admoneturque generatim, vt con-
scientiam suam excutiat, & sponte fateatur, si quod cri-
men contra religionem admiserit: interim vero inquisi-
tores adhibent blanditias & dolos ad confessionem eruend-
am: & si rei conuicti sint, & fateri nolint, aut vehe-
menti suspicione grauantur, tormentis subiiciuntur. No-
mina accusatoris & testium publicari non solent, admit-
tuntur ad testimonium omnes, etiam excommunicati, so-
cii criminis, periuri. Et contra sententiam nullum re-
medium, ne appellationis quidem, competit. Quæ &
alia

alia huius furfuris, quae iudicio inquisitionis insunt, singulari opere *de singularibus in fauorem fidei* Ioannes Royas exsequitur.

§. VII. Sic instructo iudicio ad sententiam deuenitur, quam inquisitor vt plurimum adhibito episcopo, vel eius vicario generali in antecessum disponit, variasque poenas irrogat, prout noua disciplina in haereticos, aut de haeresi suspectos iubet animaduertendum. Sententia pronuntiatur in loco publico & magno sollemnitatum apparatu, quem viuis coloribus Limborchius *hist. inquisit. lib. IV. cap. 41.* depingit. Atque hoc est, quod dicunt *actum fidei*, (Hispanice *auto de fe*) quem vt. multo celebriorem reddant, ad multos annos differunt, vt plures rei haberi possint, qui pompam faciant celebriorem (a). Pronuntiata sententia abiurantur errores, excommunicati absoluantur, relapsi, etiamsi poenitentes sint, itemque pertinaces magistratibus, qui praesentes sunt, traduntur, addita

(a) Sollemnitas actus fidei haec ferme est. Ordinatis omnium sententiis certum diem festum habendae tragoediae inquisitor dicit: pridie vero eius diei comam & barbam rei deponunt, vt ita demonstretur, haereticos in eam formam, in qua nati sunt, hoc est in filios irae, rediisse. Dicto die post solis ortum ecclesiae cathedralis maior campana sonat, omnesque ad spectaculum inuitat. Inde notarius S. Officii nomina reorum recitat eo ordine, quo singuli in processione ire debent, simulque vades ex honoratioribus ciuibus designat, qui eorum latera cingant. Pompae Dominicani cum vexillo inquisitionis praeiunt, magnus est populi concursus, comitatur clerus, item ciuitatis magistratus, quin & regius senatus, si ibi sit. Rei procedunt ordine suo nudi pedibus & caputibus, & peculiari veste induti; gestant nimirum poenitentes vestem suboscram ante & retro crucibus distinctam, nigram vero pertinaces, quae flammam & diabolos habet depictos. Vbi ventum est ad locum, qui ecclesia aliqua, aut locus ei proximus esse solet, inquisitore cum suis ministris pro tribunali sedente, sollemnis habetur sermo de fide & officio inquisitionis, in quo actus fidei praecipue consistere dicitur, & demum sententiae pronuntiantur.

addita intercessione, qua inquisitor & episcopus magistratus exorant, vt citra mortis periculum sententiam morderentur. Discedunt inquisitores, & traditi rei statim in flammis vltices ex sententia legum imperialium auctoritate magistratuum coniiciuntur: praestoque est excommunicatio, nisi magistratus statim leges exsequantur; vt hinc constet, intercessionem meram formulam esse, non ex animo adhiberi.

§. VIII. Officium inquisitionis in haereticos, etsi nomine ipso sanctitatem praeferat; tamen viris piis & sapientibus, etiam inter catholicos, christianae mansuetudini aduersum reputatum est. Quae enim aequitas, quae iustitia esse potest, vbi indiscriminatim omnes ad accusandum, vbi omnes ad dicendum testimonium admittuntur? vbi accusatores vel testium nomina ad defensionem reis aperiri non solent? vbi miseris contra sententiam negatur appellatio? Auget horrorem immanitas tormentorum, quibus plerumque contra veritatem quidquid inquisitoribus libet, miseri & innocentes rei, vt se cruciatibus eximant, fateantur. Nec tacendi doli, fraudes & simulata humanitas, quibus quaesitores deludere solent reos, vt confiteantur, quae numquam admiserunt. Nec minus odio est inquisitio seueritate poenarum, flammis vlticibus & multitudine reorum, qui tragoediam tristiorrem faciunt.

§. IX. Audientia inquisitionis suis singularibus instructa in pluribus Occidentis prouinciis recepta est, saepe non sine Regum consensu & petitione, sed non vbique pari forma & seueritate procedit. Venetiis a Nicolao iv. pontifice S. Officium institutum est, quod tamen a Romana inquisitione non pendet, nec soli inquisitores procedunt; in vrbe enim tres senatores, extra urbem rectores ciuitatum in iudiciis adhibendi sunt. Hispanica inquisitio summo rigore & seueritate armata exclusis episcopis iurisdictionem exercet in omnes Hispaniae regiones Regi catholico subiectas, & solum Regem superiorem habet; nullum enim ius in eam inquisitionem pontifici relictum dicitur, nisi quod generalem inquisitorem a Rege nominatum confirmet. Hispanicae inquisitioni similis est Lusitanica. Sed splendore non minus quam auctoritate

tate ceteras longe praestat Romana inquisitio, quae *Congregationis S. Officii* nomine venit (b).

§. X. Quamvis vero in his aliisque prouinciis audientia inquisitionis instituta sit; in aliis tamen reiecta est, aliquando non sine publicis motibus, quos singularia inquisitionis & poenarum acerbitas exciuerunt. Certe Gallia admissam inquisitionem non diu retinuit, vixque hodie tanti facinoris vestigium superest. Belgae Carolo v. & Philippo ii. Hispaniarum Regibus non sine omnium ordinum commotione S. Officium omnino reiecerunt: quin inde nata occasio, vt post tot bella Belgae Hispanicam dominationem excuterent. Et Mediolanenses itidem Philippo ii. Rege passi non sunt, inquisitionem Hispanicae similem Mediolanum inuehi, etsi Rex ipse eius receptionem iussisset.

§. XI. Quod vero mirum videri debet, Neapolitani stabilem inquisitionem numquam receperunt: quin regno ad Aragonenses Hispanos translato odio plus quam Vatiniano sanctam inquisitionem coeperunt auersari, & ad eam patriis finibus excludendam tamquam pro aris & focis sibi pugnandum decreuerunt (c). Ergo aperta vi re-

Pars III.

O o

flite-

(b) Romae etiam post receptam in aliis regionibus inquisitionem nulli fuerunt peculiare & stabiles iudices negotii fidei praepositi, sed ipse pontifex in haereticos inquirebat, adscitis pro arbitrio ministris & adiutoribus, quod tradit Card. de Luca in *relat. curiae Roman. disc. XIV. n. 3.* Inde exorta haeresi Lutherana, Paulus iii. congregationem cardinalium instituit, quae summa potestate de haeresi similibusque criminibus cognosceret. Institutam congregationem sequentes pontifices Pius iv. & Pius v. nouis praerogatiuis auxerunt: eique Sixtus v. inter reliquas congregationes principem locum dedit. Atque haec est congregatio S. Officii, quae etiam libros expendit, censura dignos proscribit, aut a doctrinis noxiis expurgat, itemque veniam legendi libros proscriptos concedit. Neapoli tamen huius congregationis auctoritas non agnoscitur.

(c) Causa tanti odii non illa fuit, quod Neapolitani nolent haereses extirpari, & haereticos puniri; (legitimam formam nusquam repperunt) sed potius ab abnormi procedendi forma

stiterunt Petro de Toletto, qui vice regia in regno imperabat, & iussu Caroli v. inquisitionem inferre studebat; cui animorum obstinationi Reges nostri cesserunt, & Neapoli stabilis inquisitio numquam instituta. Interim Romana inquisitio ministerio episcoporum, aut missis delegatis iurisdictionem in regno exercebat, donec tandem Carolus vi. anno MDCCCXIX. omnem inquisitionem aboleuit missis litteris, quibus praecepit, vt in causis fidei tantum locorum ordinarii & ordinaria forma, in aliis delictis & causis ecclesiasticis consueta, procedant. Sed sanctam inquisitionem eiusque singularia, quae in aliquibus foris supererant, anno MDCCCLVI. Carolus olim Rex noster omnino contriuit, & ne nouarum rerum timor deinceps esset, edixit, vt episcopi reos haeresis, aut alterius criminis ecclesiastici non citent, aut carceri tradant, nisi ipse Rex visis prius informationis actis citationem aut prehensionem concedat; nec inde plene instructo iudicio sententiam exsequantur suam, nisi iterum visis actis Rex annuat.

C A P V T XIV.

De arbitris.

§. I. **N**on solum per iudices, sed etiam per arbitros lites finiri consueuerunt. Arbitr in libris iuris ciuilibis saepe est iudex a praetore datus, quandoque
ab

forma & seueritate poenarum, quibus Hispanica inquisitio saeuebat. V. Iannon. *hist. ciuil. regni Neapolit. lib. XXXII. cap. 5.* Nec sane erat, cur aliter cogitare possent maiores nostri, apud quos facile reperiiebantur, qui odio & vili quaestus falsa testimonia deponerent: atque ita intelligebant, arcanam inquisitionem ad euertendas omnium fortunas & flammis excitandas inferuire. Sic animo conceptus horror veluti hereditate ad posteros transit, & creuit eundo.

ab iudice distinguitur. V. Briffon. *de verbor. signif. v. arbitri*. Verum in praesenti arbitrorum nomine veniunt iudices extraordinarii ad cognoscendas & decidendas lites litigantium voluntate electi, siue electio ista ex libera partium voluntate, siue ex iuris dispositione fiat. Hinc arbitrorum alii sunt voluntarii, alii necessarii seu iuris, quorum illi ex libera partium voluntate, nullo cogente, eliguntur: isti sumuntur quidem ab ipsis partibus, sed legis iussu praecedente.

§. II. Arbitri sic dicti voluntarii ad lites cito finientes partium compromisso sumuntur, & hinc *compromissarii* dicti sunt. *L. 4. D. de tutoribus*. Eos eligere possunt quicumque rerum suarum liberam habent administrationem. Compromissum vero, quo arbitri sumuntur, est conuentio, qua uterque litigantium promittit, se stare sententiae, quam electus arbiter dixerit. Promissio ista iure civili & stipulatione & nudo pacto fieri consuevit, *L. 11. §. 3. D. de receptis, qui arbitrium*, *L. 5. C. de receptis arbitris*, addita quoque ex partium arbitrio poena pecuniaria, qua compromittentes fidem suam vinculo firmiore adstringunt. Item iure Romano iurisiurandi religione compromissa munebantur, tum id fieri Iustinianus vetuit, ne homines, qui stare arbitrio sua interesse non putarent, peierare cogerentur. *Novel. LXXII. cap. 11.* Iure decretalium poena compromisso addi potest, itemque iusiurandum, ut ei maior vis concilietur, *cap. 2. & 9. ex. de arbitris*.

§. III. Omnes, qui iudices esse non prohibentur, ferme in arbitros ex partium compromisso eligi possunt, nisi quod iure civili etiam libertinus & infamis in arbitros eligi possint, *L. 7. D. de receptis, qui arbitrium*, & filius in causa patris, *L. 6. D. eodem*. Itaque iure civili vetantur esse arbitri serui, pupilli, minores, item mulieres, quamvis iure decretalium mulieres arbitrium possint recipere, si ordinaria iurisdictione augeantur, *cap. 4. ex. de arbitris*. Laici quoque in causis ecclesiasticis & spiritualibus vetantur in arbitros eligi, *quia non decet, ut laicus in talibus arbitretur, cap. 8. ex. eodem*.

§. IV. Compromitti potest tam in vnum, quam in plures, & si in plures, consultius est, ut in impares nu-

380 INSTITVT. IVRIS CAN. PARS III.

mero compromittatur, vt si dissentiant, plurimorum sententia litem finiat. Si in plures compromissum sit, non adiecta clausula, vt si vnus absit, reliqui procedant; iure ciuili omnes coniunctim iudicare debent, *L. 17. §. 7. D. de recept. qui arbitrium*; at iure decretalium eo modo facta electione possunt praesentes arbitri in causa procedere, si vnus citatus, nec impeditus, adesse nolit, idque placuit, vt controuersiis celerius finis imponatur, *cap. 2. de arbitris in 6.* Quod si duo arbitri sumti sint, & in iudicando inter se dissentiant, iure ciuili tertium in compromisso designatum eligunt; nam eo non nominato nullum censetur compromissum, quia possent arbitri in eligendo dissentire, *cit. L. 17. §. 5. & 6.* Verum moribus praesentibus semper licet arbitris, quo casu in iudicando non conueniant; alium arbitrum, etsi a partibus non nominatum, sumere.

§. V. Tantum vero in causis, quae priuati arbitrii sunt, quaeque priuata cognitione componi possunt, non generatim in omnibus causis licet arbitros sumere: quae enim tantum a iurisdictione dependent, aut ad ius publicum spectant, non admittunt arbitri notionem. Ita nullum est compromissum in causis restitutionis in integrum, item in causis status, videlicet ingenuitatis, libertatis, natalium, vtpote quae iurisdictionem, qua arbitri destituuntur, requirunt, *L. 34. §. 7. D. de receptis, qui arbitrium, cap. 9. ex. de arbitris.* Nec in causis matrimonialibus, nec criminalibus, quae criminaliter aguntur, licet compromittere; nec enim pro arbitrio suo licet compromittentibus matrimonio abire, & imperii est poenas irrogare. Nec valet compromissum de statu ecclesiae, veluti de exemptione, quia de iure alieno, pontificis nempe, agitur, *cap. 5. ex. de arbitris.*

§. VI. Compromisso electus arbiter tantum volens recipit, seu acceptat arbitrium, est enim haec res libera & soluta, & extra necessitatem iurisdictionis posita, *L. 3. §. 1. D. de receptis, qui arbitrium.* Videtur vero arbiter arbitrium recepisse, qui iudicis partes suscepit, finemque sua sententia controuersiis, impositurum pollicetur. Semel vero receptum arbitrium necessario implendum est; & si arbiter implere detrectet, magistratus iurisdictione com-

compellitur, *L. 32. §. 12. D. eodem*, nisi iusta causa subfit recepti arbitrii abiiciendi, veluti si compromissum nullum, aut incertum sit, si litigantes arbitrum infamauerint, si spreta eius auctoritate ad alium arbitrum iuerint. *V. Huber. praelect. ad pandectas lib. 4. tit. 8. n. 5.*

§. VII. Arbitri quocumque modo partium compromisso summi nullam sic proprie dictam habent iurisdictionem, nec proprie iudices sunt, sed partes iudicis suscipiunt, *L. 13. §. 2. D. de receptis, qui arbitrium*, & ab eis dicta sententia proprie sententia non est, sed ab iurisconsultis vocatur *arbitrium*, *L. 9. D. qui satisfacere coguntur*, & praesenti usu fori laudum audit, idque a laudare, quod sequiore latinitatis aeuo erat iudicare. *V. Hotom. de verb. feudalib.* Nec arbitrium in rem iudicatam abit, nec inde datur actio iudicati, nec irrogatur infamia. Itaque arbitri puram notionem habent, qua de causa cognoscunt & arbitratur: notio vero ista & potestas ex compromisso pendet, nec aliud iis facere licet, quam quod ibi compromissum est, & quatenus placuit, *L. 32. §. 15. D. de receptis, qui arbitrium*. Ceterum etsi arbitri iurisdictione destituantur; tamen arbitria ferme sollemni iudiciorum more instituuntur.

§. VIII. Quamvis vero arbitri sententia rei iudicatae auctoritatem non consequatur, nec inde iudicati actio detur; tamen tenentur compromittentes arbitrio stare, siue illud aequum, siue iniquum sit, *L. 27. §. 2. D. de receptis, qui arbitrium*; sibi enim debent imputare, qui compromiserunt, danturque propterea actiones, quibus illi per indirectum arbitrio stare compelluntur. Ergo iure Romano si stipulatione compromissum initum sit addita poena, ex stipulatu ad poenam agitur; poena vero non adiecta, agitur in incertum, hoc est, ad id, quod interest, *cir. L. 27. §. 7.* Et Iustinianus, compromisso per nudum pactum inito, dedit actionem in factum ad sententiae executionem, itemque exceptionem, modo decem dierum spatium partes expresse vel tacite eam probauerint; nondum vero elapsis decem diebus licere voluit utrique parti impune resilire, *L. 5. C. de receptis arbitris*. At iure canonico vi maiore arbitria donantur; etenim si poena adiecta sit compromisso, eius metu partes sententiae stare coguntur,

cap. 4. C. 9. ex. de arbitris : sin minus, & actio in factum ad eius executionem, & exceptio statim dantur, *cap. 5. C. 9. ex. eodem*, etiamsi nudo pacto compromissum sit.

§. IX. Quacumque vero actione compromittentes arbitrio stare coguntur, appellationis auxilio non iuuantur; non enim ab arbitri compromisso sumti sententia datur appellatio, quod non minus iure civili, quam canonico cautum est, *L. 1. C. de receptis arbitris, can. 33. C. 2. q. 6.*, repugnat enim rationi, qua itur ad arbitros, appellatio; (itur nempe ad arbitros, ut lites cito & compendio expensarum finiantur) itemque sibi imputare debet, qui compromisit, & veluti transigit, si minus æquum arbitrium videatur. Ceterum usu fori passim receptum est; ut sententia arbitri, si iniqua videatur, reducatur ad arbitrium boni viri: quae reductio parum ab appellatione distat, & ita arbitria apud iudicem ordinarium deferuntur.

§. X. Haec de arbitris voluntariis, dicendum nunc de arbitris iuris, qui citra compromissum a partibus eliguntur, at iussa legis seu canonis, qui eos sumendos iubet. Ita iure civili si delegati iudices suspecti esse dicantur, eligi debent arbitri, qui de ipsa principe causa cognoscant, *L. 16. C. de iudiciis*. Et in ecclesia Africana, ubi placuit, quotannis non celebrari synodum vniuersalem, eligi debebant arbitri, qui de appellatione a sententia synodi provincialis cognoscerent, *can. 96. C. Afric.* Et iure decretalium si delegati iudices tamquam suspecti reſiciantur, eligi debent arbitri, qui de suspicione, non de causa cognoscant, *cap. 39. ex. de off. delegati*, licet contra iure civili cautum sit.

§. XI. Arbitri iuris utpote iussu legis, seu canonis ab ipsis partibus constituti, veri iudices sunt, censentur enim ab eo, qui electionem iussit, principe nempe, aut praetore dati, *L. 16. C. de iudiciis*. Hinc veram habent iurisdictionem, & eorum sententia rei iudicatae auctoritatem consequitur, & ab eis recte appellatur: quod & civili & decretalium iure cautum est, *L. 9. D. qui satisfacere coguntur, L. 23. D. de appellationibus, cap. 11. de off. delegati in 6.* Sed si ita est, cur arbitri dicuntur, non iudices? quia scilicet consensu partium eliguntur, ideo

arbitri

arbitri nomen datur, quum tamen veri iudices sint, ut arbiter pro socio, tutelae. V. Cuiac. in L. 16. C. de iudiciis.

CAP V T XV.

De iudiciis & eorum ordine generatim.

§. I. **L**Eges in republica & canones in ecclesia nullius essent usus, nisi per iudicia ad dirimendas controuersias applicarentur. Iudicii nomine venit legitima discussio inter actorem & reum apud iudicem competentem litis finiendae, vel maleficii puniendi causa. Conuenit haec definitio non minus ciuili, quam ecclesiastico externi fori iudicio; nam in foro interno ex noua disciplina tantum iudex & reus iudicio adsunt. Ita in quolibet externi fori iudicio iudex, actor & reus interueniunt; at certe iudicia dicta sunt a iudicibus, qui iuris inter partes controuersi disceptatores legitimi sunt.

§. II. Multae sunt iudiciorum species pro varia negotiorum, quae disceptantur, indole, & pro varia, qua instituuntur, ratione. Principio iudicium aliud est ecclesiasticum, aliud saeculare. Ecclesiasticum in foro ecclesiae disceptat causas ecclesiasticas, siue illae natura sua spirituales sint, siue temporales, puta causae clericorum ciuiles. Saeculare iudicium est, in quo apud saeculares iudices causae temporales disceptantur. Vtrumque veluti participat misti fori iudicium, in quo ecclesiasticus, aut ciuilis iudex, qui praeuenerit & causam veluti occupauerit, cognoscit, cuius generis iudicia antiquitati ignota sunt.

§. III. Praeterea iudicia alia sunt ciuilia, alia criminalia, omnia enim iudicia aut distrahendarum controuersiarum, aut puniendorum maleficiorum causa reperta sunt. Ciuilia ad priuati iuris, siue commodi & priuatae iniuriae persecutionem spectant; criminalia vero crimina persequuntur, & poenam in publicae pacis violatae violationem irrogant. Sed ecclesiastica criminalia iudicia ori-

gine sua non tam ad publicam vindictam, quam ad reorum conuersionem spectant.

§. IV. Iudicium quoque diuiditur in *petitorium*, & *possessorium*, vt receptis vocibus vtat. *Petitorium*, quod *dominii litem* iurifconsultus appellat, L. 18. D. de *usu-ris*, est, in quo de proprietate agitur, vel de alio iure in rem ipsam competente. Iudicium *possessorium*, quod per interdicta iure ciuili exercetur, in sola possessione versatur, quaeriturque, vtrum quis possideat, an non; item de adipiscenda, retinenda, vel recuperanda possessione, quaestione *dominii* seu *iuris* ad maturius examen reiecta. Itaque finito possessionis iudicio, & vni data possessione, onus victo incumbit ius suum in proprietatis iudicio probandi, quo non probato, res manebit apud possessorem, §. 4. *instit. ciuil. de interdictis*.

§. V. Sed a forma procedendi iudicium aliud est *ordinarium*, aliud *summarium*. Illud acta omnia & sollemnia, quae in iudiciis leges praescribunt, seruat, tam circa ea, quae pertinent ad intrinsecam iudicii naturam, quam circa sollemnia. Hoc vero, ommissis sollemnibus, ea tantum seruat, quae intrinseca iudiciis sunt, ea nempe sine quibus de veritate & iustitia non constat. Inde vero dictum videtur *summarium*, quod in legibus Romanis iudices saepe praecipuntur *summatim* procedere, L. 5. §. 8. D. de *adgnosendis & alendis liberis*, L. 15. §. 4. D. de *re iudicata*.

§. VI. Iudiciales disceptationes ordine procedere debent, confusione enim obscurantur potius, quam explicantur partium iura. Ordo iste *iudicium* etiam dicitur, passim *processus* audit; est vero idonea dispositio actorum iudicialium semet praescripto modo subsequendum, vt in lite coram iudice mota omnis confusio euitetur, veritas factorum eruatur, & suum cuique tribuatur. Et profecto ordo iudiciarius est legibus praescriptus, iudicisque est ordinem procedendi dirigere per interlocutiones, ne partes a tramite iustitiae declinent, cap. 19. ex. de *iudicis*, cap. 22. ex. de *accusationibus*; qua in re nihil pro arbitrio, sed omnia auctoritate legum & canonum iudex constituere debet.

§. VII. Iam vero iudicia canonica, in quibus agebatur

tur de criminibus puniendis, olim ex legum ciuiliū forma ecclesia ordinare consueuit. V. Petr. de Marca *de conc. sacerdotii & imperii lib. IV. cap. 20. n. 7.* & Feuret. *de abusu lib. I. cap. 9.* Sane Iulius papa *epist. ad Orientales* nullam esse contendebat damnationem Athanasii in Tyrio concilio peractam, quod absente reo, idest non euocato ad testium prolationem; aduersus ordinem legibus constitutum decreta esset. Et Gregorius M. *lib. XI. epist. 54.* sententias ab episcopis Hispanis latus nullas esse probat, quod non seruatis legum sollemnibus prolatae essent. Sequebatur vero ecclesia in re criminali ordinem iudicarium legibus probatum in iis, quae intrinseca iudiciis erant, quaeque ab ecclesia in vsum verti poterant; nam tormenta & quaestiones in foro ciuili receptas olim ecclesia numquam vsurpauit, vtpote quae erant ab ecclesiastica mansuetudine alienae.

§. VIII. Sed quod spectat ad iudicia ciuilia, ea in veteri disciplina posthabitis legum sollemnibus ex bono & aequo apud episcopos peracta sunt. Nimirum in causis pecuniariis episcopi potius vt arbitri, quam iudices cognoscebant, idque curabant vnum, vt sedatis animorum motibus litigantes cito in concordiam redirent. Vetus haec iudiciorum forma exstat apud auctorem constitutionum apostolicarum *lib. II. cap. 47.*, qui iudicia ex bono & aequo procul fori ambagibus ab episcopo inter presbyteros sedente expeditas exhibet. Stetit eadem iudicandi forma etiam postquam clerici in causis ciuilibus de magistratuum iurisdictione exempti sunt: Iustinianus enim tanti priuilegii auctor edixit, vt episcopi sine scriptura sollemni & de more sacerdotum causas pecuniarias clericorum celeriter definirent, idque ne illi litibus implicati ab altaris ministerio auocarentur, *nouel. LXXXIII.*

§. IX. Sed decursu temporis methodus, qua in causis tractandis ecclesia utebatur, pro maxima parte mutata est, & ordo iudicarius in ciuilibus per forenses ambages explicari coeptus est, in criminalibus vero nouas multasque adiectiones admisit. Tanta mutationis causam praesertim praebuit studium iuris ciuilis, quod in Italia saeculo decimo secundo florebat & in academiis publice docebatur. Huic enim studio in primis operam
de-

dederunt clerici, qui legum scientia non contenti eas in vsum deducere voluerunt, atque ita ordinem iudicarium ipsis legibus, saepe etiam earum glossis, inaedificarunt. Operi perficiendo accesserunt Romani pontifices, qui Romanas leges statim amplexi sunt, & earum auctoritate uti coeperunt, qua de re conqueritur S. Bernardus *lib. I. de consid. cap. 4.* in aula pontificis quotidie personare leges Iustiniani, non Christi. Et profecto Alexander III. & Innocentius III. & deinceps successores earum legum peritia imbuti, inde responsa dederunt, inde ordinem iudiciorum distarunt, multa innouarunt, saepe etiam contra expressas leges statuerunt. Hinc bona pars libri primi decretalium Gregorii IX. & integer liber secundus nihil aliud continent, nisi modum & formam causas civiles instruendi & decidendi (a).

§. X. Iam ex regulis Romani iuris causae civiles triennio, criminales vero biennio a die contestationis fini

(a) Ordo iudiciarius decretalium auctoritate procusus non solum in ecclesiastico, sed etiam pro maxima parte in civili foro receptus est, quod Cuiacius *praef. in lib. IV. decretalium* obseruat. Nimirum apud gentes, quae in Occidente noua regna fundarunt, non tricis forensibus iudicia constabant, sed potius veritas demonstrari credebatur vanis probationibus per aquam calidam, frigidam, ferrum candens, duellum aliosque consimiles modos, quibus miraculo opus erat ad eruendam veritatem; obtinebantque probationes istae non minus in re criminali, quam civili. Sed demum populi deliria ista respuerunt, eorumque loco formam iudicandi in foris ecclesiasticis, quam cognitam habebant, adoptarunt, praesertim quando ecclesiasticae formae ipsi laici, qui in plerisque causis media aetate apud episcopos conueniebantur, erant adueti. Eo etiam contulerunt clerici, qui ubi desueuerunt vulgares probationes, iudicibus laicis in iure dicundo adseffores accesserunt: iudices enim laici, utpote milites & nobiles, nulla litterarum & legum peritia imbuti erant, & idcirco clericos necessario adsciscebant in consilium. Fleury *iur. eccles. par. III. cap. 6. n. 1.* Et ita clerici iudicibus laicis adfidentes decretalium formulas in civile forum intulerunt.

niri debent, quibus spatiis exactis instantia iudicii perimitur, *L. 13. C. de iudiciis, L. 3. C. ut intra certum tempus*; interest nimirum reipublicae, lites & odia diutius non differri. Iure decretalium eadem iurisprudencia repetita videtur, *cap. 20. ex. de iudiciis*, quamvis ex ipsis decretalium placitis vix erat, ut instantia triennio, aut biennio finire posset; decretales enim ab omni grauamine & quauis interlocutione appellari permittunt, & porro multa alia impedimenta ad lites in longum trahendas proponunt. Itaque Tridentini patres *ses. XXIV. de ref. cap. 20.* statuerunt, ut causae omnes fori ecclesiastici coram ordinariis locorum saltem biennio a die motae litis terminentur. At regula ista in vsum deducta non videtur: & in ipso ciuili foro ob litium multitudinem lapsu temporis instantia non perimitur.

C A P V T XVI.

De ordinario iudicio ciuili ecclesiastico, in primis de citatione.

§. I. **O**Rdo iudiciarius in decretalibus statutus ab iuris canonici tironibus non debet ignorari, licet alias forenses tricae a purioribus disciplinae regulis longe distent. Iudicium ciuile late sumtum ab in ius vocatione, seu citatione exordium sumit. Est autem in ius vocatio, seu citatio iure ciuili nouo actus iudicialis (a), quo

(a) Veteri Romano iure *in ius vocatio* & *citatio* differebant. Actor ipse reum priuata auctoritate in ius vocabat, eumque, nisi confestum iret, aut vadimonium promitteret, vi facta in ius rapiebat. V. Heinec. *antiq. lib. IV. tit. 6. §. 14. seq.* Sed citatio fiebat iussu iudicis per praeconem, interdum etiam per edictum; nec tantum reus, verum etiam actor, patroni & testes in iudicium citabantur. Briss. *de verbor. signif.* At laebentibus annis, vbi iura democratiae penitus interciderunt, potestas

quo ad instantiam actoris a iudice competente ex causa adiecta reus vocatur in iudicium litis instituendae & peragendaе causa. Omni autem iudicio inest citatio, & ad eius intimam naturam pertinet, *L. 4. C. de sentent. & interlocutionibus*, vetat enim non minus naturalis, quam ciuilis ratio, quemquam indefensum & inauditum damnari.

§. II. Instantia actoris in causis ciuilibus libello conuentionali continetur. Libellus est breuis scriptura, qua actoris petitio clare & distincte proponitur. Veteri iure Romano actiones certis & sollemnibus formulis erant inclusae, easque antequam actores agerent, a praetore debebant impetrare: inde iure nouo formulae earumque impetrationes sublatae sunt, *L. 1. & 2. C. de formulis sublatis*, & genus futurae litis libello comprehendere coepit, in quo speciem, genus & nomen actionis necesse erat exprimere, si vera Cuiacius in *cap. 6. ex. de iudiciis* obseruat. At iure decretalium non admodum desideratur expressio nominis actionis, & satis est pure & simpliciter factum ipsum enarrare, & in factum agere, congrua tamen ipsi facto adiecta petitione, *cap. 15. ex. de iudiciis*. Debet vero ita concipi libellus, vt inde reus de causa plene instruat, eoque edito deliberet, vtrum cedere velit, an contendere. Hinc libellus clarus, certus & aptus esse debet, quas qualitates interpretes pluribus enarrant. Ceterum libellus in omnibus ciuilibus causis adhibendus est, nisi sint leuiiores ac breuiiores, quae summario iudicio tractandae sunt. *Clement. 2. de verbor. signif.*

§. III. Iam in ius vocatio seu citatio alia simplex est, alia peremptoria. Simplex continet merum praeceptum, vt reus intra certum tempus iudici se sistat, nec ante reum facit contumacem, nisi tertio repetatur, quod legis

testas in ius vocandi actori ablata est, & noua inualuit in ius vocandi ratio, quae sit auctoritate iudicis, quaeque eadem est ac citatio. Latius vero patet citatio, quam in ius vocatio; illa enim vsurpatur in quouis iudicii parte, dum singuli actus iudicarii litigantibus manifestantur, haec vero restringitur ad primam citationem, vnde iudicium incipit. *V. Vinn. ad §. 3. inst. de poena temere litigantium.*

gis mansuetudo introduxit. Contra peremptoria praestituto die reum comparere iubet, eumque, si non veniat, facit contumacem; in peremptorio enim comminatur iudex, etiam absente parte aduersa se cogniturum, nec passurum, ut aduersarius ultra tergiversetur, *L. 31. D. de iudiciis, cap. 6. ex. de dolo & contumacia*. Edictum peremptorium iure civili post tres simplices citationes impetratur, aliquando post vnam & alteram, aliquando statim, quod appellatur *unum pro omnibus*; pendetque ab arbitrio iudicis pro causae, personae, aut temporis conditione ordinem & compendium edictorum moderare, *L. 70. & L. 72. D. eodem*. Intervalla vero inter vnam & alteram citationem iure decretalium arbitrio iudicantis pro locorum & temporum ratione statuuntur, *cap. 7. ex. de dolo & contumacia*.

§. IV. Ut vero citatio legitima sit, plura debet continere, nomen nempe iudicis citantis, diem & locum, quando & quo reus se sistere debet, nec causa citationis omittenda est. Et iudicis quidem nomen decreto citationis contineri necesse est, tum quia in ius vocatio iure nouo ab iurisdictione descendit, tum etiam ut videat reus, num' ad proprium iudicem vocetur. Quoniam vero delegatus iudex alienam exercet iurisdictionem, citationis decreto inferendum est exemplum litterarum, quibus ei mandata causa est, *cap. 2. ex. de dilationibus*, nec enim alias de eius iurisdictione reo constare potest. Quod si iudex in ius vocans incompetens sit, debet etiam reus comparere, privilegia sua allegaturus: iudicis enim est aestimare, num' sua iurdictio sit, *L. 5. D. de iudiciis*, nisi manifestum sit, iudicem esse incompetentem, quo casu vocatus non tenetur se iudicio sistere.

§. V. Certus quoque locus, quo reus venire, & se sistere iudici praesentem debet, litteris citationis exprimendus est: quod praecipue obtinet, si iudex delegatus sit, non item si sit ordinarius; hic enim suum certo loco tribunal habet, ille non habet. Sed si ordinarius iudex, vellet extra locum solitum ius dicere, locum etiam oportet designari, *L. 59. D. de iudiciis*. Locus vero, in quem reus vocatur, ipsius citantis iurisdictioni subiectus esse debet, & praeterea ipsi citato tutus: contra naturam enim

enim videtur esse, cogi reum ad locum non tutum venire, *Clement. 2. de sententia & re iudicata*, quod idem ius est, si locus, per quem reus transire debet, tutus non sit, *cap. 4. ex. ut lite pendente nihil innouetur*. At inquires, ubi tutus non est iudicii locus, potest reus per procuratorem respondere. Video, sed hoc ipso excusatur reus, quod ei per se respondere non licet.

§. VI. Praeterea dies, quo reus iudici se sistere praesentem debet, certus sit oportet, eumque arbitrato viri boni iudex ipse praestituet, spectatis locorum, temporum & personarum adiunctis. Praestitutus vero dies feriatum esse non debet. Feriati dies sunt, quibus lite vacant aures, seu quibus fora conquiescunt, eorumque alii religionis causa, alii ad humanum usum sunt instituti, quorum hi sunt seriae messis & vindemiarum, illi sunt dies deuotionum, seu festi dies, quibus religioni vacandum est. Acta iudicialia in feriis humanis ex partium consensu recte expediuntur; in feriis vero religionis omnino nulla sunt, etsi partium consensu expedita, *L. 1. §. 1. D. de feriis*, *L. 2. in fin. C. de feriis*, *cap. ult. ex. de feriis*. Sed summus pontifex etiam ipsa dominica die acta iudicialia recte expedit, *cap. 6. ex. de dolo & contumacia*, *cap. 15. ex. de accusationibus*.

§. VII. Item in litteris citatoriis causa, cur reus vocatur, exprimi debet, ut ille deliberare possit, num cedere, an contendere velit. Veteri iure Romano ubi demum in ius, seu apud praetorem ventum erat, edebatur actio, & ita causa vocationis reo innotescebat. *V. Heinec. antiq. lib. IV. tit. 6. §. 19.* Inde iam sublato veteri in ius vocationis ritu, edixit Iustinianus, ut in ipsa vocatione libellus conuentionalis reo tradatur, *novel. LIII. cap. 3.*: & ita in ius vocatio & actionis editio in vnum iudiciale actum coaluerunt. Iure decretalium non admodum necessarium est vocationis causam exprimere, aut simul libellum reo offerre: at iam paene omnium locorum statutis cautum est, aut usu fori receptum, ut causa citationis decreto ipso exprimatur, vel libellus simul reo offeratur.

§. VIII. Decreta per iudicem in ius vocatio reo manifestanda est, quae denuntiatio apparitoris, seu publici
nuntii

nuntii opera solet expediri. Denuntiatur autem vel in ipsam rei faciem, vel ad domum: in faciem, si rei copia haberi possit, alias ad domum, ubi habitat, aut si plures domos habeat, in qua frequentius residet, aut residere tenetur. Quod si reus absit, & ubi sit ignoretur, per edictum publico loco adfixum euocandus est, *cap. 10. ex. de dolo & contumacia*, ut ita reus absens per propinquos aut amicos, quibus edictum patet, admoneatur. Si vero reus degat in alieno territorio, auctoritate iudicis illius loci opus est ad citationem faciendam. Quacumque vero ratione citatio facta sit, nuntius id in acta referre debet, & quidem die, loco, modo factae citationis aliisque adiunctis expressis.

§. IX. Iure facta citatio plures effectus producit. Sane facit, ut causa coram iudice, qui in ius vocavit, pertractanda sit, etsi reus, postquam adesse iussus est, alterius fori esse coeperit, *L. 7. D. de iudiciis, cap. 19. ex. de foro competenti*, item perpetuat iudicis delegati iurisdictionem etiam post delegantis mortem, *cap. 20. ex. de officio delegati*. Item citatio praescriptionem triginta annorum usurpat, *L. 3. & 7. C. de praescriptionibus trig. annorum*, & litis pendentiam inducit, modo in ea talia sint expressa, unde reus plene de causa instrui possit, *Clement. 2. ut lite pendente*. Hinc facta citatione res evadit litigiosa, nec potest alienari, *cap. 3. ex. ut lite pendente*, nec aliquid aliud usque ad causae finem innouandum.

C A P V T XVII.

De contumacibus.

§. I. **I**udici legitime vocanti parendum est, nisi vocatus contumaciae notam subire velit. Contumacia est contemptus & inobedientia, qua quis iudici praecipienti suae initio litis, suae in persecutione non obtemperat, qualis censetur, qui tribus edictis, aut vno pro tribus in iudicium vocatus, venire neglexerit, *L. 53. §. 1. D. de*

de re iudicata, item qui impedit, ne citatio ad reum possit peruenire, *cap. 5. §. 1. ex. vt lite non contestata*, item qui venit in iudicium, at iudici obtemperare recuset, *L. vn. D. si quis ius dicenti non obtemperauerit*, aut sine illius venia susceptum iudicium deserat, *cap. 4. ex. de dolo & contumacia*.

§. II. Non minus reus, quam actor esse potest contumax: quin actoris contumacia maior & foedior censetur quam ipsius rei, cuius est fugere & subterfugere iudicium. Vtrique autem impune non ferent, quod iubenti iudici non obtemperauerint. Et actor quidem iure decretalium si eo termino, ad quem aduersarius citatus est, iudici se sistere negligat, condemnatur in expensas, & ad aliam citationem non admittitur, nisi praestita cautione de iudicio silli, *cap. 1. de dolo & contum. in 6.* Immo si citatus actor non compareat, ad causam proceditur, & definitiua sententia profertur, *cap. 3. ex. de dolo & contumacia*. Quod si contestata iam lite actor contumax euaserit, eius procurator, si quem reliquerit, appellatur; vel si neminem reliquerit, aut procurator venire contemserit, ipse absens per edictum domui eius adfixum vocatur, & inde causa expeditur, *cit. cap. 3.*

§. III. Quod vero spectat ad reum contumacem, interest, num is nondum contestata lite, an vero postea contumax fiat. Si primum in actione in rem actor mittitur in possessionem bonorum, de quibus quaestio est; in actione personali mittitur actor in possessionem bonorum mobilium ipsius rei, vel immobilium, si forte mobilia desint, pro debiti quantitate. Quae quidem possessio non tam possessio est, quam custodia, vt taedio affectus reus veniat responsurus. Intra annum veniens contumax cautione praestita iudicio silli, & resectis expensis possessionem recuperat: qua cautione intra annum non oblata, actor nouo decreto verus possessor constituitur, *cap. 5. §. 6. ex. vt lite non contestata*. Si alterum, nempe si reus contestata lite contumax euadat, & ex actis liqueat de causa, iudex sententia sua litem definiet; si non liqueat, actor in veram possessionem mittitur, salua reo dominii lite, *cap. 4. ex. de dolo & contumacia*. Sed in causis beneficiariis ob rei contumaciam missio in possessio-

CAP. XVIII. DE EXCEPTIONIB. ETC. 593

sessionem non decernitur, ne in beneficia vitiosus detur ingressus, *cap. vn. de eo, qui mittitur in posses. in 6.*

§. IV. Sunt aliae poenae, quibus iure decretalium contumacia praesertim rei coërcetur, quales multae dictio, sequestratio possessionis, condemnatio in expensas, in primis vero excommunicatio, quae tum praecipue locum habet, si causa talis sit, in qua missio in possessionem decerni non possit, *cap. 3. ex. de dolo & contumacia*. Ex poenis vero iure in contumaces propositis vnam, quae magis timeri debeat, initio iudex seligat, ad aliam nihilominus processurus, si proteruitas contumacis mereatur, *cap. 5. §. 8. ex. ut lite non contestata*. Verum novissimo Tridentini iure in *ses. XXV. de ref. cap. 3.* tum demum reus contumax excommunicatione coërcetur, si persona aut re coërceri nequeat.

C A P V T XVIII.

De exceptionibus & mutuis petitionibus.

§. I. **Q**Uod si reus vocatus in iudicium veniat, velitque litigare, se defendere debet, idque fit, vel negando actionis fundamentum, vel causam fatendo quidem, sed exceptione adiuncta. Exceptio proprie & strictè sumpta est actionis exclusio, *L. 2. D. de exceptionibus*, seu clarius est defensio rei, quae actioni alioquin constitutae opposita eam ob aequitatem elidit. Ita exceptio supponit efficacem actionem, quam impugnat & inefficacem reddit, veluti si actioni ex stipulatu metus obii-ciatur, actio alioquin iure civili efficax eliditur, *§. 1. inst. civil. tit. de exceptionibus*. Ceterum allegationes, quibus ipso iure actio denegatur, veluti compensationis, solutionis, exceptiones lato sensu dici possunt.

§. II. Sunt vero exceptiones duplicis generis, aliae dilatoriae & temporariae, aliae perpetuae & peremptoriae. Dilatoriae principalem causam non perimunt, sed ad tempus differunt, quales exceptiones iudicis incompe-

Pars III.

P p

tentis,

tentis, feriarum, libelli obscuri, petitionis ante diem. Contra peremptoriae semper agentibus obstant, & causam omnino perimunt, quales exceptio doli mali, metus, pacti de pecunia omnino non petenda. Sed peremptoriarum aliae esse dicuntur *litis finitae*, aliae simpliciter *peremptoriae*, quarum illae impediunt litis ingressum, quales transactionis, rei iudicatae; hae litis contestationem non impediunt, quales exceptio doli, metus.

§. III. Exceptiones dilatoriae inter exordia litis, hoc est ante litem contestatam opponendae sunt, quae vtriusque iuris regula est, *L. 12. & seq. C. de exceptionibus, cap. 20. ex. de sentent. & re iudicata*: contra peremptoriae opponuntur quandocumque ante latam sententiam, *L. 4. & 8. C. de exceptionibus*: immo quae appellantur *litis finitae*, etiam post sententiam in actione iudicati recte opponuntur, veluti si opponatur, rem alias fuisse iudicatam. V. Cuiac. in *cap. 29. ex. de testib. & attestacionibus*. Sed inter dilatorias prima opponi debet praescriptio fori, nam si sciens, iudicem tibi incompetentem esse, aliam prius opponas, iam hoc ipso in eum consentis, & eius iurisdictio prorogatur, *L. 1. & seq. D. de iudiciis*, nisi clericus in laicum iudicem consentiat, *cap. 12. ex. de foro competenti*. Aliquando tamen etiam post litem contestatam dilatorias opponere licet, si exceptiones ipsae, vel earum notitia post contestationem suboriantur, *cap. 21. ex. de officio delegati*. Sed ne reorum malitia lites in longum trahantur, debet iudex certum dilatoriis exceptionibus opponendis diem dare, post quem illae tantum rite opponentur, quas reo noua obtulit causa, quales reus sibi non fuisse cognitae iuratus dixerit, *cap. 4. ex. de exceptionibus*; itemque illae, quae omissae iudicium nullum reddunt, *cap. 4. ex. de procuratoribus*, & quae grauamen perdurans continent, veluti exceptio loci non tuti, *Clementin. 2. de sentent. & re iudicata*. Sola exceptio maioris excommunicationis in quacumque litis parte opponi potest, quod iure singulari cautum est, ne quis cum periculo animae suae cogatur cum excommunicato communicare, *cap. 12. ex. de exceptionibus, cap. 1. eodem in 6.*

§. IV. Quemadmodum vero reus ad excludendam actionem

tionem exceptione utitur; ita quoque fas est actori replicatione exceptionem a reo propolitam excludere, & suam actionem confirmare. Est enim replicatio exceptionis exclusio, *L. 2. D. de exceptionibus*: atque ideo quamvis a parte actoris veniat, tamen potius est exceptio, quam actio, quia excipienti reo opponitur, reus vero in exceptione actor est, ut recte Vlpianus *L. 1. D. eod.* observat. Item si contra actoris replicationem aliquid opponere reus habeat, duplicationem proponit, atque ita deinceps ex regulis iuris civilis triplicationes & quadruplicationes usurpantur. Verum in foro ecclesiastico duplicationibus, aut triplicationibus locus non est, sed iudex ex officio iis modum imponit.

§. V. Nec tantum exceptionibus, verum etiam mutuis petitionibus contra actorem reo uti licet in sui defensionem. Mutua petitio seu reconventio est actio, quae a reo conuento in eodem iudicio contra actorem instituitur, idque siue actione in personam, siue actione in rem reus conuentus sit, siue eadem, siue diuersa causa sit. Hinc mutua petitione reus non excludit actoris intentionem, quod proprium exceptionis est; sed potius intendit specie quadam compensationis se tueri, & ipsam actionem retundere. Proposita ante litem contestatam reconventio, utraque causa simul tractatur; at si iam contestata lite proponatur, prorogatur quidem iudicis iurisdicctio, ut de mutua petitione cognoscere possit, at utraque causa vno iudicio non tractatur. Gonzalez in *cap. 1. ex. de mutuis petitionibus*.

§. VI. Reconuenire licet omnibus, quibus agendi ius est: est enim reconventio vera actio, quam reus contra actorem intendit. Hinc excommunicatus inutiliter magno agit: quamvis enim recte contra actionem excipiat, ne indefensus damnetur; non tamen eidem agere licet, *cap. 5. ex. de exceptionibus*. Actoris autem & rei mutuo agentis par esse conditio debet; atque ideo si actori ex rescripto pontificis iudex datus sit, qui remota appellatione cognoscat; delegatus iudex etiam sine appellatione in causa mutuae petitionis cognoscere debet, *cap. 2. ex. de mutuis petitionibus*; non enim debent actor & reus diverso iure iudicari, *L. ult. C. de fructibus & litium expensis*.

§. VII. Proponenda est reconuentio apud eundem iudicem, apud quem instituta actio est, siue iudex ordinarius, siue delegatus sit, *cap. 3. de rescriptis in 6.*, quod certo iure comprehensum est ea ratione, quod aequum est, vt actor reconuentus eundem habeat iudicem, *cuius in agendo obseruat arbitrium, L. 14. C. de sententiis & interlocutionibus*, seu quem ipse sponte sua contra reum adiit. Hinc clericus, qui apud iudicem laicum actiones suas proposuit, apud eundem recte reconuenitur, licet alias clericus in laicum iudicem vetetur consentire; reconuentio enim non tam clerici consensu, quam legum auctoritate nritur. Verum apud iudicem delegatum tum recte mutuo agitur, quum ille datus est ad preces reconuenti; non item si *motu proprio*, vt dicitur, electus fuerit, quum actor iudicem istum non elegerit, sed fortuito sortitus sit. V. Gonzalez in *cap. 1. ex. de mutuis petitionibus n. 10.*

§. VIII. Sunt vero multae causae, quibus mutuae petitiones obiici nequeunt, siue quod natura sua seorsum tractandae sunt, siue quod iudex conuentionis in reconuentione iudex omnino esse vetatur. Tales sunt causae criminales, nam innocentia, non relatione criminis reus purgatur, *L. 5. D. de publicis iudiciis*: causa depositi, *cap. ult. ex. de deposito*, tanta est depositi fides: causae, quae coram arbitris ex compromisso aguntur, *cap. 6. ex. de arbitris*: & causae super interdicto vnde vi, siue de restitutione spoliatorum, vt habent decretales: etenim qui vi possessorem deiecit, conuentus frustra mutuo agit, nec quidquam habere prius debet iudex, quam vt per vim deiectum restituat, *cap. 1. ex. de restitutione spoliatorum*. Et demum non licet reconuenire de re spirituali apud iudicem laicum, cuius iurisdictio ad spiritualia proferri nequit.

sitiones ex libello deductae, & iudici ab actore oblatae, ut reus ad singula libelli momenta speciatim respondeat. Oblatis positionibus utraque pars iureiurando interrogatur, an vera credat, quae thesibus illis comprehensa sunt. Facta responsione causae status distincte constituitur, & lis perfecte contestatur, *cap. 2. ex. de iuramento calumniae*. Ceterum ad litem contestandam saltem iure decretalium utriusque partis praesentia opus esse non videtur.

§. III. Litis contestatio ex principiis iuris initium & fundamentum iudiciorum est, & negotium ante non proprie lis, sed controuersia censetur. Per contestationem enim status controuersiae definitur: & nondum constituto causae statu, quid iudicium esse potest? Ergo nulla est sententia, si litis contestatio non praecesserit, *L. 4. C. de sententiis & interlocutionibus*. Interim sunt quaedam causae, quae expressam litis contestationem non desiderant, quales summariae, causae appellationis, item quae sine libello recte expediuntur, & ubi ius agentis contra certam personam non dirigitur. Sed ubi litis contestatio requiritur, eam ultra viginti ab oblato libello dies actor differre non debet.

§. IV. Iam litis contestatio plures & insignes effectus producit. Sane malam fidem omnino inducit, *L. 25. §. 7. D. de petitione hereditatis*, *L. 10. C. de acquirenda possessione*, interruptit usucapionem & praescriptionem, *L. 10. C. de praescriptione longi temporis*, hoc saltem effectum, ut si usucapio post litem contestatam impleatur, reo non proficiat, si condemnator; exceptiones dilatorias praecidit, iudicisque recusandi potestatem adimit, *L. ult. C. de exceptionibus*, nisi postea causa suspicionis emerferit; & mandatam iurisdictionem facit perpetuam, *cap. 19. ex. de officio delegati*. Item litis contestatione quasi contrahitur & nouatio fit, *L. 19. §. 1. D. de nouationibus*, qui enim in iudicium consentiunt, etiam praesumuntur velle stare iudicis sententiae, atque ideo quasi contrahere. Hinc actio temporalis fit perpetua, morte peritura transit in heredes, & poenalis fit rei persecutoria, *L. 6. §. ult. D. de re iudicata*.

C A P V T XX.

De iureiurando propter calumniam.

§. I. **P**ost litem contestatam iusiurandum de calumnia praestandum est, quo litigantes ipso iudice deferente profitentur, se in causa ex fide bona procedere, & ideo litigare, quod causam suam bonam esse putant, *L. 2. C. de iureiur. propter calumniam*, itemque se nullam probationem exacturos, nisi eam, quam pro causa adstruenda necessariam duxerint, *auth. in isto C. eodem*. Sic descriptum sacramentum generale est; at datur praeterea calumniae iusiurandum speciale, quod in singulis actis iudicialis, prout iudici videbitur, deferitur, eoque iurans adfirmat, se non ex calumnia petere damni infecti cautionem, aut describendi testamenti facultatem. Atque hoc iusiurandum *malitiae* a Bonifacio VIII. dictum est, *cap. 2. §. 2. de iuramento calumniae in 6.*, ut ita a sacramento generali calumniae distingueretur.

§. II. Iusiurandum propter calumniam non pro commodo privatorum, sed pro communi utilitate introductum est, *L. 2. §. 4. C. de iureiur. propter calumniam*, ut nempe injecta sacramenti religione captiosa consilia & versutiae a foro procul arcerentur. Hinc iure civili iusiurandum hoc per iudicem exigere necessitatis est, *cit. L. 2. §. 4.*, eoque omisso iudicarium ordinem vitari boni legum interpretes docent. Verum iure decretalium tacite omitti potest, eoque tacite omisso ordo iudicarius viribus constat, *cap. 1. §. 1. de iuram. calumniae in 6.* Nisi velit actor iurare, protinus causa cadit, nisi velit reus, confessi & iudicati loco est, *cit. L. 2. §. 6. & 7., cap. ult. §. 1. ex. de iuramento calumniae*. Ceterum moribus praesentibus in multis provinciis de calumnia non iuratur, quod bene & sapienter introductum est.

§. III. Praestant vero calumniae sacramentum non modo ipsi litigatores, verum etiam eorum aduocati, pro-

curatores, tutores, curatores. V. Gonzalez *ad cap. ult. ex. de iuram. calumniae*. Clerici etiam iurant de calumnia: at opus est venia summi pontificis, si episcopi, antistitis vero proprii, si inferiores clerici iurare debent, *cap. 1. ex. eodem*. Videtur vero necessaria superioris venia, si clerici per se iurare velint, non item si iurandi officium aliis demandent. Hoc distat a clericis laici, quod hi *taetis*, illi *propositis* tantum euangelis iurant, *cap. ult. ex. eodem*. Quicumque vero sint, qui iurare tenentur, iure decretalium etiam per procuratorem id facere possunt, modo specialis procurator constituatur, *cap. 3. eod. in 6.*: qua in re discesserunt decretales ab iure ciuili, quo propter calumniam ab ipsis litigantibus iurandum est, *L. 2. C. de iureiur. propter calumniam*. V. Oldekopius *de iureiur. in alterius animam*. Ceterum moribus praesentibus aduocati & procuratores de calumnia non iurant.

§. IV. Iurari debet de calumnia in omnibus causis, in quibus probationes requiruntur, *L. 1. C. de iureiur. propter calumniam*, quod ad integritatem iudiciorum sacramentum hoc iure ciuili spectat, quamuis non desint iuris interpretes, qui in causis criminalibus sacramentum de calumnia non praestandum teneant, idque quia in criminalibus sufficit inscriptio accusatoris in crimen, & reo conseruandae salutis causa omnia honesta sunt. V. Cuiac. *in cap. 1. ex. de iuram. calumniae*. In causis spiritualibus olim de calumnia iuratum non videtur, *cap. 2. ex. eodem*, sed deinceps placuit Bonifacio VIII. etiam in spiritualibus de calumnia iurari, quod experientia constaret, etiam in spiritualibus calumnias frequenter adhiberi, *cap. 1. §. ult. eodem in 6.* Porro de calumnia etiam in causis appellationis iurandum, etsi alias primo iudicio iuratum fuerit, *cap. 2. eodem in 6.*

C A P V T XXI.

De probationibus.

§. I. **L**ite contestata & sacramento calumniae vtrunque praestito, probationes faciendae sunt, quibus de veritate facti controuersi constet; nec enim iudici sententiam ferre licet, nisi cognita factorum veritate, *can. 10. C. 30. q. 5.* Est in hac causa probatio actus iudicialis, quo iudici per argumenta idonea facti controuersi veritas demonstratur. Probatio plerisque interpretibus alia plena seu perfecta, alia semiplena seu imperfecta est. Plena facti veritatem euincit & extra dubium ponit, quatenus in re iudiciaria sufficit. Semiplena dubiam rem relinquit, potestque esse maior, vel minor, prout magis minusue ad plenam probationem accedit.

§. II. Probari vero debent facta dubia, si controuersiae finiendae inseruiant, idque siue adfirmantur, siue negentur: etenim non minus probare debet, qui adserit, sibi centum deberi ex mutui causa, quam substitutus, qui petit hereditatem, quod scriptus heres eam non adierit. Probantur vero negantes propositiones non directo, quia negationi nulla subest causa, atque ideo *per rerum naturam rei factum negantis probatio nulla est, L. 13. C. de probationibus, cap. 11. seq. ex. de probationibus*; sed tramite quodam occulto & ab adiunctis temporis, loci & qualitatis ducto argumento, aut ex propositionibus adfirmantibus, quae saepe negantibus insunt, veluti si dicatur, filium non esse in patris potestate, probata emancipatione etiam probatum habetur, filium non esse in potestate. Tantum negatio pura, *indefinita* vulgo dicta, seu quae nullis loci, temporis, aut alterius adminiculi adiunctis circumscribitur, natura sua omnem probationem excludit: qui enim generaliter negat, nihil ponit, quo negationis ratio reddi possit.

§. III. Iam vero probandi onus illi incumbit, qui
ad-

adferit, proponitque quaestionem facti dubiam, cui veluti stabili fundamento petitio & conclusio innititur; quisque enim suae petitionis fundamentum probare debet. Hinc regulariter actor, non reus probare debet, quae vtriusque iuris regula est, *L. 2. D. de probationibus, cap. 23. §. 2. ex. de electione*, actor enim est, qui adfirmat, seu tamquam vera proponit facta dubia, quibus petitio innititur; reus vero saepe proposita facta tantum negat. Quin actoris est probare non tantum ea, quae adfirmauerit, verum etiam quae negauerit, si negatio fundamentum petitionis contineat, *cap. 5. ex. de renuntiatione, sup. ult. ex. de praesumptionibus*. Quod si reus non simpliciter neget, sed simul contra actoris petitionem excipiat, eius est exceptionem probare, *L. 19. D. de probationibus*, reus enim excipiendo aliquid adfirmat, aut negat, quod suae exceptionis fundamentum constituit.

§. IV. Species probationis, seu argumenta, quibus facta dubia probari possunt, censentur confessio alterius partis, testes, instrumenta, iusiurandum, praesumptiones, & ocularis inspectio. Et confessio quidem siue rei, siue actoris potissima est probationis species; quid enim expressius optabiliusque esse in iudicio potest, quam eum confiteri, quem negare oportebat? Hinc confessum pro iudicato esse, seque sua sententia quodammodo damnare Paullus adfirmat, *L. 1. D. de confessis*. Confessio autem tum plene probat, si fiat coram iudice competente, *cap. 24. ex. de iudiciis*, & ex certa scientia & libertate. Quod vero partes confessione seiplos quodammodo damnant, hinc iure decretalium introductae sunt *positiones*, seu breues quaedam propositiones, quibus actor & reus scripto exprimunt facta in iudicio allegata, vt super iis pars aduersa iureiurando in iudicio respondeat. Si qui iussus est respondere, recuset, seu per contumaciam absit, super articulis, in quibus noluit respondere, pro confesso habetur, *cap. 2. de confessis in 6.* Verum non tenetur litigator respondere positionibus obscuris, captiosis, dubiis, aut ad causam non pertinentibus; pertinetque ad iudicis officium videre, num positiones admittendae sint, an potius reiiciendae. Facta responsione, qui positiones exhibuit, ab onere probandi ex parte leuatur, prout pars ad-

versa

versa in ipsis positionibus adfirmauerit, aut negauerit.

§. V. Frequentissimo iudiciorum usu ad probanda facta a partibus allegata testes adhibentur, personae nempe fide dignae, quae facti controuersi veritatem possint manifestare. Ad probandum in iudicio ad minimum duo testes requiruntur, *L. 12. D. de testibus, cap. 23. ex. de testib. & attestationibus*, modo idonei sint & concordēs. Vnus testis, quamuis omni exceptione maior, non probat, tantumque facit, ne quid fiat, quod temere fieri sine flagitio non potest, *can. 112. D. 4. de consecr., cap. 23. ex. eodem*. Quod si leges & canones in aliquibus causis maiorem testium numerum requirant, praescriptus numerus adhibendus est, *cit. L. 12., cap. 23. ex. eodem*. Interim quod testium fides ex parte potest debilitari, prohibitum non est, immo saepe expedit, ad firmiorem probationem plures testes adhibere, modo superflua testium multitudo non producat, quo aduersarius sumptibus fatigetur. Hinc iure civili iudicis est pro prudentia sua numerum testium moderari, *L. 1. §. 2. D. de testibus*, & iure decretalium vetitum est, ex utraque parte testes supra quadraginta produci, *cap. 37. ex. eodem*.

§. VI. Telles in iudiciis tum plene probant, si fide digni sint, hoc est, si necessaria scientia & probitate praediti sint: qui enim fide digni non sunt, iure ad dicendum testimonium prohibentur. Et quidem multi vetantur in iudiciis esse testes tamquam omnino inhabiles in omnibus causis, alii vero in certis tantum causis & contra quasdam personas. Tamquam omnino inhabiles repelluntur amentes, impuberes, minores viginti quinque annis in criminalibus, item Iudaei, ethnici, haeretici contra catholicos, excommunicati, petiuri, infames, serui, & liberi fortuna tenues. Quin iure decretalium a testimonio repelluntur criminosi, etsi nondum damnati, siue quod accusati sint, siue quod de crimine conuincti possint, *cap. 10. & 34. & ult. ex. de testibus & attestationibus*. Mulieres iure civili in criminalibus testes esse vetantur, si corpore quaestum faciant, *L. 3. §. 3. D. de testibus*; at iure decretalium generatim vetantur esse testes in criminalibus; nisi veritatem alias eruere non licet, & nisi agatur de criminibus atrocioribus, qualia haeresis, simo-

simonia, in quibus alias inhabiles ad testimonium admittuntur. V. Gonzalez in *cap. 3. ex. de testibus & attestationibus*.

§. VII. Praeterea multi vetantur esse testes in certis causis, & contra quasdam personas. Ita nemo idoneus testis esse potest in causa propria, *L. 3. D. de testibus*, seu vnde sperat emolumentum: nec testes esse possunt, qui sunt de familia, nisi probatae sint fidei & opinionis, *L. 3. C. de testibus, cap. 24. ex. de testibus & attestationibus*, vel nisi agatur de re, cuius veritas vix per alios haberi possit, veluti si agatur de probanda cognatione, legitimis natalibus, aetate. Nec porro dicunt testimonium amici & inimici in causis amicorum & inimicorum, *L. 3. D. eodem*. Laici quoque contra clericos a dicendo testimonio in causis criminalibus iure decretalium repelluntur, *cap. 14. & 23. ex. eodem*, quod ex receptis iamdiu moribus solent esse clericis infesti, *can. 5. C. 2. q. 7*. Item clerici & monachi in rebus profanis testimonia coram laico iudice non dicunt, nisi alias veritas commode demonstrari non possit, quo casu ex sui antistitis venia testes admittuntur, aut eorum testimonia iudex ecclesiasticus recipit.

§. VIII. Fide digni testes legitime examinandi sunt, quo eorum testimonia fidem in iudicio mereantur. Ergo probaturus testes producit, quos inde competens iudex debet aduocare, vtroneo enim testi non creditur. Citanda insuper pars ex aduerso, *cap. 2. ex. de testibus & attestationibus*, cui integrum est exceptiones contra testes proponere. Inde producti & citati testes ab ipso iudice interrogari & examinari debent, nisi ex iusta causa venire ad iudicem impediatur, quo casu mittetur ad eos, qui interroget, *L. 15. D. de iureiurando, cap. 8. ex. eod.* Antequam vero testes dicant testimonium, iudice deferente, iurare debent, se non ex amore, aut odio, aut commodo aliquo veritatem dicturos, *L. 9. C. de testibus*; iniuratis enim testibus non creditur, nisi eis iusiurandum aduersarius remittat, *cap. 31. ex. eodem*. Sic vero iurati testes tam in civilibus, quam in criminalibus praesente aduersario interrogabantur, *L. 19. C. eodem, cap. 2. ex. eodem*. Guizac. in *cir. cap. 2*. At iamdiu obtinet in foro,

CAP. XXI. DE PROBATIONIBVS. 605

vt testes clam ab iudice interrogentur, tantumque prius citatur aduersarius, vt adsit, quando iurant (a).

§. IX. Testes ad dicendum testimonium citati, si testificari recusent, cogi possunt. Veteri Romano iure in causis criminalibus testes ad dicendum testimonium cogebantur; in civilibus sponte sua deponere solebant, *L. 4. & L. 19. D. de testibus*. Inde Iustinianus imperator statuit, vt etiam in causis pecuniariis testes cogi possint, *L. 16. & L. 19. C. de testibus*. Quod vero vim facere proprium erat ciuile imperii, Romana ecclesia testes hortari & monere consuevit, non cogere, *cap. 1. & 3. ex. de testibus cogendis*. Tantum ecclesiasticus iudex inuito testimonium dununtiat, si is odio, vel gratia, vel timore testari renuat, *cit. cap. 1.* atque alia probatio deficiat, *cap. 5. & vlt. ex. eodem*. Cogit vero iudex ecclesiasticus laicos inuitos ad testimonium excommunicatione (b), clericos vero suspensione ab officio & beneficio, itemque excommunicatione, aut depositione, si contempta suspensione venire recusauerint, *cap. 1. 2. 5. & vlt. ex. eod.* Quod si quis non dicturum testimonium iuratus promiserit, nulla sacramenti vis est, *cap. 18. ex. de testib. & attestationib.*

§. X. Instrumentis quoque in iudiciis probatio fit, quae vbi legitime confecta sunt, aequalem cum testibus vim probandi habere censentur, *L. 15. C. de fide instrument.* Nomine *instrumenti* generaliter veniunt omnia, quibus

(a) Fortasse hic abnormis vsus originem habuit ex male intellectis Zenonis imperatoris verbis in *L. 14. C. de testibus, intrare testes iudicantis secretum*, hoc est tribunal & iudicii locum, vt bene Polletus *histor. fori Romani lib. V. cap. 12.* interpretatur. At interpretes ignorantia Latini sermonis inde concluderunt, testes secreto interrogandos & examinandos.

(b) In regno nostro vetantur ecclesiastici iudices sine laici iudicis venia testes laicos ad dicendum testimonium in rebus temporalibus vocare: nec possunt in citationibus excommunicationem contra laicos comminari: & si laici venire ad dicendum testimonium detrectent, ministerio magistratus compellendi sunt: quod regis litteris pridie nonas Ianuarii anno MDCCCCLXX. ad archiepiscopum Hydruntinum comprehensum est.

quibus causa instrui possit, atque ideo etiam testimonia, *L. 1. D. de fide instrumentorum*; at in specie instrumenta sunt scripturae ad fidem faciendam idoneae. Sunt instrumenta seu scripturae aliae publicae, aliae priuatae. Publicae proprie sunt, quae publica auctoritate a personis ad id deputatis conficiuntur, quales censuales tabulae, acta iudicialia, instrumenta rite per publicos tabelliones confecta, scripturae ex publico archiuo desumptae & a persona publica confectae. Publica quoque censentur instrumenta, quae sigillo publico & authentico signata sunt, veluti episcopi, capituli, vniuersitatis: in quem censum etiam referuntur libri parochiarum, in quibus baptismata & contracta matrimonia describuntur, itemque tituli lapidibus, columnis & monumentis inscripti. Contra priuatae scripturae a priuatis conficiuntur, quales chirographi debitorum, apochae, antapochae, codices rationum a mercatoribus confecti, epistolae.

§. XI. Publica instrumenta ex forma & sollemnitate iuris confecta plenam faciunt probationem, modo authentica ipsa, seu originalia producantur, *cap. 2. ex. de fide instrumentorum*: exemplo enim non facile creditur, nisi legitime cum authentico conferatur, constetque cum eo probe conuenire, *cap. 1. ex. eodem*. Contra priuatae scripturae tantum contra scribentem probant, modo de scriptura constet, & causa debiti expressa sit, *L. 25. §. ult. D. de probationibus, cap. 14. ex. eodem*. Excipitur ab hac regula liberatoria confessio, ubi creditor profitetur, sibi fuisse solutum; haec enim probat contra scribentem, etsi causa adiecta non fuerit, *L. 40. D. de pactis*. Porro libri mercatorum ex receptis hodie moribus etiam pro scribentibus saltem minus plene probant, si qui illos producant, viri integrae vitae sint, rationes propria ipsorum manu conscriptae, & causa obligationis expressa fuerit: quod ad faciliorem commerciorum explicationem inductum est.

§. XII. Species quoque probationis habentur etiam praesumptiones, seu antecedentes de re dubia opiniones ex causarum adiunctis & indiciis plus minusue euentibus desumptae. Earum duae sunt species, una *hominis*, seu *iudicis*, altera *iuris*. Praesumptiones hominis nulla certa

certa lege consignatae sunt, sed pro hominis recte iudicantis arbitrio ex factis & indiciis hauriuntur, probantque plus minusue, prout sunt indicia, quibus innituntur. Contra praesumptiones iuris certa lege vel canone consignatae sunt, & extra iudicis arbitrium positae: sed pro diuersa ratione, qua proponuntur, aliae *iuris tantum*, aliae *iuris & de iure* esse dicuntur. Illae per leges & canones probantur, & tamquam verae proponuntur, donec contrarium probetur, atque hinc verbis *videri, existimari, intelligi, censi* proponi solent, cuius generis est, filios ex iustis nuptiis natos censi legitimos, *L. 6. D. de his, qui sui, vel alieni iuris sunt*. Illae ita certae reputantur, ut in contrarium probationem non admittant, qualis iure decretalium est praesumptio de iam contracto matrimonio, ubi quis concubuit cum muliere, cum qua prius sponsalia contraxerat, *cap. 30. ex. de sponsalibus*.

§. XIII. Praeterea vim probandi in iudicio habet iurandum, quod iure civili maximum remedium ad lites expediendas existimatur. Dirimuntur lites iure civili iureiurando, vel ex pactione ipsorum litigatorum, vel iudicis auctoritate delato sacramento, *L. 1. D. de iureiurando*. Huc pertinet iusiurandum, quod nulla litigantium pactione praecedente, ab iudice in dubiis causis deferretur, *L. 31. D. eodem, L. 3. C. de rebus creditis*; quod sacramenti genus *suppletorium* dici solet, nam eo semiplena probatio suppletur. Dubiae causae ex saniore sententia sunt illae, in quibus semiplene probatum est, puta quod testes omni exceptione maiores non sint, aut graues praesumptiones adsint, quae tamen non per omnia concludunt. Deferretur iusiurandum ei, qui semiplene probauit, modo personarum & causae ratio habeatur, *cap. ult. ex. de iureiurando*: & si utrimque aequè semiplene probatum sit, deferretur reo, quod in re dubia rei causa potior habetur, *L. 125. D. de regulis iuris*.

§. XIV. Probationes in iudicio aliquando ipsa iudicis inspectione constant, quod nempe alias de re dubia certum iudicium ferri nequeat. Eius praecipuus vsus est in iis, quae oculis subiiciuntur, veluti in iudicio finium regundorum, in noui operis nuntiationibus, in aetate ex habitu corporis finienda, aut ubi de vi coniugum ad con-

iu-

iugium dubitatur. Sed in his caussis iudex non solus rem ipsam oculis iustrat, sed viros eius rei, de qua agitur, peritos adhibet, aut iis solis iudicium committit. Quin iudicium de coniugum impotentia necessario peritis viris & matronis bonae opinionis & in opere coniugali expertis committendum est: atque ideo virum medici, mulierem honestae matronae & obstetrices inspicunt, *cap. 4. & 14. ex. de probationibus, cap. 6. & seq. de frigidis & maleficiatis.*

§. XV. Iam ad faciendas probationes certa dilatio, seu terminus dari consuevit, qui iure decretalium determinatus non est, sed ab iudice finiendus inspectis causarum, personarum & locorum adiunctis, *cap. 24. ex. de off. delegati, cap. 15. ex. de sententia & re iudicata.* Ergo qui probare intendunt, intra terminum in eam rem datum nomina testium vna cum articulis iudici debent exhibere. Sunt articuli facta praecipua, quae clavis & conceptis verbis expressa probari debent: tantumque in eo distant a positionibus, quod super istis ipsi litigantes interrogantur, super illis testes deponunt. In caussis ecclesiasticis, aut civilibus super iisdem articulis regulariter produci noui testes possunt etiam tertia vice, raro vero quarta, *noel. XC. cap. 4., cap. 15. ex. de testibus & attestationibus.* Verum instrumentorum productio etiam post litem contestatam vsque ad conclusionem in causa fieri potest, *cap. 9. ex. de fide instrumentorum.*

§. XVI. Absoluto ab vtraque parte testium examine, recepta testimonia citatis partibus, & die praefixo publicari debent, quae deinceps partibus communicantur. Facta publicatione integrum est partibus de veritate, aut falsitate testimoniorum disputare, *cap. 15. ex. de testibus & attestationibus:* in quam rem adiuncta loci, temporis, scientiae, quibus illa circumscribuntur, argumenta suppeditant; nec enim iure decretalium facta publicatione licet contra personas testium excipere, eosque veluti criminosos & infames reiicere, quamuis receptus fori vsus aliter habeat. Inde sequitur *conclusio in causa*, eaque iudex decernit, causam satis instructam esse, nec aliud requiri, quam vt sententia proferatur.

C A P V T XXII.

De summario iudicio.

§. I. **M**ulto brevius ordinario est summarium iudicium, in quo ferme omnia, quae tamquam sollemnia in iudiciis reputantur, omittuntur, tantumque adhibentur, quae iudiciis sunt intrinseca. Itaque initio exhibetur qualiscumque actoris petitio, quam excipit rei conuerti citatio. Inde si reus per contumaciam absit, contumaciae arguitur, & iudicium ulterius procedit: & idcirco singuli actus absenti, tamquam praesenti, ad valvas curiae nuntiantur. Veniens reus exceptiones pro iure suo proponit, nec eidem vetatur in ipso litis exordio contra actorem mutuo agere. Adhibetur calumniae iusjurandum, praesertim si a partibus petatur. Probationes inde faciendae sunt praemissis positionibus & articulis: daturque in eum finem certa dilatio, nisi aliud inter partes placuerit. Iudex etiam siue ad instantiam partium, siue ex officio, quandocumque id aequitas suadeat, partes interrogare potest, & testium reprobationem partibus petentibus iure concedit. Deinceps citatis partibus, licet nullo expresso peremptorio, iudex stans, vel sedens in scriptis sententiam profert, idque etiam, si ei videbitur, non facta conclusione.

§. II. Contra quae sollemnitate sunt, in summario iudicio omittuntur, atque ideo non desideratur libellus sollemnis & in scriptis, sed sufficit qualiscumque petitio, quae actis inseritur. Non desideratur litis contestatio, sollemnis utique & ordinaria, nam alias audiendus est reus, eiusque qualiscumque responsio pro contestatione est. In feriis ad humanas necessitates institutis iudicium licet agitare, ut exceptio feriarum nihil obturbet. Lis, quantum fieri potest, abbreviatur, & inde exceptiones altioris indaginis excluduntur, nec admittuntur dilatoriae appellationes. Sollemnis quoque testium citatio omitti-

Pars III.

Q 9

tur,

tur, eorumque superflua multitudo per iudicem cohibetur: nec necessaria est sollemnis actorum publicatio, nec conclusio in caussa, nec requiritur, vt iudex sedens sententiam ferat: *Clementin. 2. de verbor. signif.*

§. III. Quod vero spectat ad caussas, quae summario iudicio tractari debent, eae vel iure tales sunt, vel extrinsecus tales fiunt. Et iure quidem summariae causae censentur, quae moram ferme non admittunt, quales iure civili sunt causae alimentorum, missionis in possessionem, item de testamentis exhibendis, de adeunda suspecta hereditate, de vilibus rebus aut personis, aliaeque multae in libris iuris recensitae, *L. 1. & seqq. D. de feriis, L. 3. §. 4. D. de Carboniano edicto, L. 5. §. 15. D. de ventre in posses. mittendo*. Iure decretalium summario iudicio tractandae causae electionum, postulationum, beneficiorum, nuptiarum, decimarum, vsurarum, *Clement. 2. de iudiciis*, quamuis recepto fori vsu in aliquibus locis eiusmodi causae ordinario iudicio tractari soleant. Extrinsecus ordinarii iuris causae summariae tractantur pontificis seu principis rescripto.

C A P V T XXIII.

De veteri iudicio criminali ecclesiastico.

§. I. **O**Rdo iudiciarius ecclesiasticus in re criminali, quousque vetus disciplina stetit, ferme idem fuit cum eo, qui iure Romano obtinebat. Ergo accusatio seu querela scriptis consignata episcopo vel synodo pro accusati qualitate exhibebatur: neque enim vetus ecclesia sine accusatore & libello iudicia instituebat. *August. hom. L. libri quinquaginta homiliar. Optat. Milenit. lib. VII in fine*. Tantum si crimina publica essent, aut criminosi fronte sua delictum faterentur, & se deferrent, ecclesia sine accusatore procedebat. Accusare vero poterant omnes, modo essent idonei, & recte fidei & bonae famae, qui non humanis adfectibus, sed potius pro ipsius
ac-

accusati & ecclesiae bono accusationes instituerent.

§. II. Accusatio autem non recipiebatur, nisi scripto proposita, & inscriptione & subscriptione in crimen instructa, non secus ac iure civili de accusationibus cauebatur. Iure civili inscriptione profitebatur accusator, se ex hac vel illa lege Titium deferre, cauebatque, se persequeretur in accusatione usque ad sententiam: subscriptione vero se adstringebat ad talionis seu reciproci poenam, nisi delata crimina probaret. Vbi in republica omnibus permissum erat accusare, inscriptionis & subscriptionis metu deterri debebant homines, ne temere ad accusandum prodirent. Simili iure utebatur ecclesia, in qua etiam omnibus accusare licebat: & inde Eusebius Dorylaei episcopus Eutychetis accusator in synodo Constantinopolitana 1. sancti Flauiani *act.* 1. libello se paratum exhibuit, *illum conuincere falso habere catholicum nomen, & alienum omnino esse a recta fide: idemque act.* V. etiam vereri se non obscure ostendit, ne per fraudem Eutychetis poenam talionis subeat. Et in synodo Chalcedonensi *act.* III. Theodoro diacono, qui Dioscorum accusauerat, poena talionis intimatur, si obiecta crimina non probauerit. Subscriptione excludebatur procurator, atque ideo accusator ipse praesens accusationem peragere debebat: in quo etiam forum ecclesiasticum cum civili conueniebat.

§. III. Recepta accusatione delatus vocandus erat, nec enim quemquam inauditum damnare licebat, qua in re canones etiam cum iure civili conueniunt. Vocabatur vero reus tribus vicibus: quin aliquando etiam quarta euocatio decreta est, ut videre est in synodo Ephesina, quae quater Nestorium euocauit. Conc. Ephes. *act.* I. Vocabantur vero episcopi per episcopos, saltem duos, clerici per clericos, laici per laicos. V. Christ. Lupum *append. ad Ephes. Latrocinium act.* I. Si vocatus adesse detrectaret, prehensio non decernebatur; ecclesia enim imperio destituta, nec ius prehendi, nec carceres ad reorum custodiam habebat; interim accusatus in contumaciam damnabatur. Vocatus vero reus ipse debebat comparere, nec admittebatur procurator, qui illius vices ageret, nisi ad reorum absentiam excusandam: in quo

etiam inter ecclesiasticum forum & civile conueniebat.

§. IV. Iam praesente reo, aut in contumaciam absente, iudicium instruebatur, in quem finem recipiebantur testes, instrumenta & concurrentia indicia. Praesens reus de criminibus, quorum delatus erat, interrogabatur, respondebatque: contra se productos testes audiebat, instrumenta inspiciebat, & si quid excipiendum haberet, libere proponebat (a). Inde ubi satis instructa erat causa, ferebatur sententia, quae sollemniter solebat publicari, & reo absenti per litteras insinuabatur. Interim dum instruebatur iudicium, praesentes notarii omnia dicta, siue a iudicibus, siue a partibus distincte suis ipsorum verbis per notas scribebant: quae acta apud episcopum adseruabantur, ut apud posteros de iudicii integritate constaret.

CA-

(a) Plena probatio etiam contra ipsos episcopos duobus, aut tribus idoneis testibus constabat, & ad irrogandam poenam sufficiebat; *can. apost. LXXV.*, conc. Bracar. 11. *can. 8.*, *ap. Grat. can. 1. C. 2. q. 4.* Hinc mirum videri debet, quod duo concilia Romana, vnum sub Siluestro pontifice, & alterum sub Leone IV. abnormem in damnandis clericis testium numerum requirunt: edicunt enim, episcopum nisi septuaginta duobus testibus, presbyterum nisi quadraginta quatuor, diaconum cardinalem urbis Romae nisi viginti septem, reliquos vero clericos nisi septem damnari non debere, *can. 2. & seq. C. 2. q. 4.* Verum concilium Romanum sub Siluestro fictitium est: quo etiam vitio laborant Sinuessanae synodi acta, ubi dicitur, ad damnandum Marcellinum pontificem septuaginta duo testes adhibitos fuisse. Vnde vero falsarii miscelliones eam abnormem disciplinam hauserint, non facile dictu est. Crediderim tamen septuaginta duos testes contra episcopos desumptos fuisse ex numero septuaginta duorum iudicum, qui ad damnandos episcopos aliquando adhibiti sunt. V. Iac. Gothofr. in *L. 20. C. Tb. quorum appellat. non recipiantur*. Falsarii scilicet vererem disciplinam non intelligentes, (mediis saeculis in Occidente episcopi damnabantur in synodis prouincialibus etiam multo minus, cum numero) ex numero septuaginta duorum iudicum numerum testium ad episcopos damnandos interpretati sunt, & inde habita ratione de numero testium ad reliquos clericos damnandos eundem.

C A P V T XXIV.

De purgatione canonica & vulgari.

S. I. **E**cclésiasticus iudiciorum in criminalibus ordo habentibus annis novas crimina probandi rationes admittit, purgationes nimirum, siue canonicas, siue vulgares. Purgatio in re ecclesiastica est propriae innocentiae super obiecto crimine demonstratio, qua non tantum culpa remouetur, verum etiam factum ipsum negatur, & falsum esse ostenditur. Eius duplex species, alia canonica, alia vulgaris. Et canonica quidem purgatio sic dicta, quod canonum auctoritate probata fuerit, est sollemnis praestatio iurisiurandi, quo in inopia probationum innocentia ab obiecto crimine demonstratur. Vulgaris vero erat demonstratio innocentiae, aut alterius facti controuersi, quae modis vulgi auctoritate receptis peragebatur, veluti duello, ferro candenti: & inde vulgaris dicta est.

§. II. Et quod spectat ad canonicam purgationem, ea moribus christianorum videtur inualuisse; iure enim Romano in causis criminalibus usurpatum non videtur fuisse iusiurandum, quo casu plena probatio deerat, ut eius pondere semiplena probatio suppleretur. V. Ant. Matth. *de criminib. lib. XLVIII. D. iit. 15. cap. 7.* Nimirum inde a quarto saeculo sepulcra & reliquiae martyrum etiam miraculis celebrata sunt, sensimque communis perccebut opinio, ad martyrum reliquias occulta quaeuis vi diuina detegi & palam fieri. August. *epist. LXXVI. nouae edit. Paris. Gregor. M. hom. XXXII. in euangelia*. Hac opinione vndique diffusa & in dies crescente, facile christianis fuit, ad sanctorum reliquias sacramenta usurpare, quibus occulta veritas detegeretur (a):

Qq 3

quem

(a) Pluribus veterum patrum testimoniis constat de vi illa
ma-

quem vsum episcopi & pontifices de vi miraculorum non dubitantes probarunt. Ita recepta in probationem sacramenta, tamquam diuina iudicia, quibus Deus veritatem demonstraret, habita sunt: Hinc vt esset locus sacramento ad innocentiae probationem, non requirebatur aliqua criminis, licet imperfecta, probatio; sed sufficebat vel solus sinister rumor, vel accusatio, *can. 5. & seq. C. 2. q. 5.* Sed labentibus annis sine reliquiis sacramenta praestita sunt, quod generatim videtur inualuisse, vbi opinio de vi reliquiarum decreuerat.

§. III. Principio soli laici de criminibus accusati ad innocentiam sacramento demonstrandam adstricti fuisse videntur, non item clerici, qui ex veteris ecclesiae institutis nec saeculo quinto iurare solebant; sed deinceps etiam clericis necessitas imposita est, sibi iniecta crimina sacramentis eluere. Nimirum ex veteribus regulis clericos vitae integritate & puritate conspicuos esse oportebat, haetenus vt nedum aperta vitia, sed ne criminis suspicionem in iis ecclesia toleraret, *cap. 2. ex. de purgat. canonica*. Ergo vbi clerici alicuius criminis infamia laborabant, nec conuicti erant, opportunum visum est, eos ad martyrum reliquias iurare, vt innocentiam demonstrarent suam, quod canones probarunt, *can. 5. & 7. C. 2. q. 5., cap. 5. & 10. ex. eodem*: quamuis summi pontifices de criminibus accusati sponte sua, non aliquo

maiori, qua ad martyrum reliquias occulta sacramentis reuelari credebantur. Nos nouimus, inquit Augustinus *epist. LXXVI.*, Mediolani apud memoriam sanctorum, vbi mirabiliter & terribiliter daemones consistunt, furens quemdam, qui ad eius locum venerat, vt falsum iurando deciperet, compulsus fuisse confiteri furtum, & quod abstulerat, reddere. Et apud Gregorium Turonensem *lib. II. de mirac. cap. 19.* litigantium vnus ad exortam inter eos litem finiendam ita alterum prouocat: *Vsque quo vterque contendimus? sub iudicio omnipotentis Dei ponamus. Eamus ad tumultum martyris, & quod sub sacramento interpositione dixeris, discernat virtus sancti patroni.* Quin persuasum erat, sanctos, ad quorum reliquias iurabatur, mox peritiorum vindices futuros.

quo canone iubente id facere solerent, *can. 10. C. 2. q. 5.* Ceterum non semper clerici macula criminis adpersi iurabant, sed aliquando mera responsione ad tumultos martyrem facta criminis infamiam eluebant, *can. 8. seq. eod.*

§. IV. Quoniam vero, qui iureiurando se a criminis suspicione eluebant, veluti in propria causa sedebant iudices, ac propterea facile erat, ut ad debitas poenas evadendas peierarent; mos inductus est, ut etiam alii testes adhiberentur, qui iurarent, se credere, infamatum vera iurasse. Adhibiti testes dicebantur *compurgatores, coniuratores, sacramentales*, eiusdemque cum reo ordinis, conditionis & viciniae esse debebant, ac porro viri honesti ac boni, ut verisimile videretur, eos nolle amore, odio, aut lucri spe peierare, *can. 12. & seq. C. 2. q. 5. cap. 7. 9. & 11. ex. de purgatione canonica*. Compurgatores erant tres, quinque, aut septem; interdum etiam plures, si qui se purgabat, laicus esset, aut clericus, qui magni alicuius criminis infamia laboraret; *cap. 1. & 10. ex. eodem*: quo spectant illae formulae in antiquis monumentis frequentes, *tertia, quinta, aut septima manu iurare*, hoc est adhibitis tribus, quinque, aut septem sacramentalibus. V. Car. Dufresne *gloss. medige & inf. laimit. v. iurare*. Iurantes vero sacramentales non adseverabant, innocentem esse infamatum, sed potius se credere, illum vera iurasse, *can. 17. C. 2. q. 5., cap. 5. ex. eodem*. Lapsu temporis canonica purgatio ob periurii periculum in plerisque ecclesiis desuevit.

§. V. Canonicam purgationem excipiunt vulgares, modi nimirum vulgi auctoritate recepti, nulla vero ratione suffulti ad veritatem in causis dubiis detegendam, quales praecipue fuerunt *duellum, ferrum candens, aqua calida & frigida*. Per duellum innocentia demonstrari credebatur, si qui se innocentem dicebat, indicto duello victor remaneret: contra reus habebatur, si victus cecidisset. In iudicio ferri candentis suspectus de crimine nuda manu ferrum ignitum stringebat, quae si illaesa ab igne remaneret, innocens; si adusta, nocens habebatur. In iudicio aquae feruentis suspectus de crimine nudum brachium in aquam feruentem immittebat, quod si illaesium extraheret, innocens; si contrarium, reus censeba-

tur. Probatio per aquam frigidam hoc modo fiebat, accusatus in aquam magna copia conclusam mergebatur, & si enataret, reus; contra si in imum descenderet, omni culpa vacuus pronuntiabatur. Ne vero in aqua merfis periculum vitae crearetur, probandi fune ligabantur, vt si in imum descenderent, tempestiue extrahi possent, teste Hincmaro Remensi *de diuortio Lotharii*.

§. VI. Vulgares isti probandi modi ethnicam sapiunt superstitionem, & a barbaris populis, qui quinto & sequentibus saeculis in Occidente religionem christianam receperunt, in occupatas prouincias illati sunt (b). Nimirum barbarae gentes miris probandi modis aduetae, eos ad Christum conuersae non deposuerunt, quin potius ex moribus tum apud christianos receptis auxerunt, & certiores reputarunt. Ea tempestate Occidentis prouincias tetra ignorantiae nox occupabat, iamque christiani supra modum miraculis tangebantur. Hinc noui christiani ex patriis institutis plura retinuerunt ipsius Christi doctrinae parum conuenientia, quae sensim ex genio saeculi magis magisque propagata sunt, & a rudibus populis veluti manifesta signa, quibus Deus occulta manifestaret, habita sunt. Atque inde vulgares omnes probationes *iudicia Dei dicta*

(b) Miras occulta demonstrandi rationes apud ethnicos fuisse receptas a viris doctis probatum est. Testis est Eustathius *de amorib. Ismeniae lib. VIII. & IX.* Artycomide & Daphnopoly fontes fuisse, quibus virginum pudicitia probabatur. Cetae quoque iudicia per aquam vsurpabant: praesertim verò Rhenensis tractus accolae in more habuisse dicuntur, infantes recens natos flumini imponere, qui si enataissent alueum, legitimi habebantur; contra illegitimi, si aquis & flumini cederent, quod Barthius *in Claudian. lib. II. in Rufin. v. 100.* obseruat. Item cognita & vsurpata gentibus erant iudicia per ignem; constat enim ex Sophocle *in Antigone*, occulta scelera per ferrum candens manibus impositum detegi consueuisse. Et vt alia multa mittam, apud Germanos aliasque septemtrionis gentes receptissima erant iudicia per duellum ad occultam veritatem deregendam, qua de re Basnage multa congescit in historico de duellis tractatu lingua Gallica scripto.

dicta sunt, etiam ipsum duellum, quod a Christi doctrina quam maxime abhorret. V. Car. Dufresne *gloss. med. & infim. latinis. v. iudicium Dei*. His moribus instructae barbarae gentes, deinde scriptis legibus vulgares probationes confirmarunt, easque tamquam plenas probationes in iudiciis siue criminalibus, siue ciuilibus adhibuerunt. Et ne quid deesset ad barbariem & superstitionem confirmandam, accessit peculiare synodorum & multorum episcoporum auctoritas, qua deliramenta illa probata sunt, *can. 15. C. 2. q. 5.*

§. VII. Quoniam vero per vulgares probationes Deus ipse editis signis veritatem demonstrare credebatur, facile earum vius facer euasit, & ante iudicium variis sacri ritus adhibiti, tamquam si negotium omne ex Dei voluntate susciperetur. Itaque iudicio aquae, aut ignis innocentiam suam probaturus, post trium dierum ieiunium ad ecclesiam adducebatur, ibique super eum in genua pro-volutum & orantem plures per sacerdotem recitabantur preces: tum missa celebrabatur in hanc rem propria, quae *missa iudicii* dicebatur. Inde iudicium subito corpus & sanguis Christi dabatur, & quidem speciali formula, quae habebat, corpus & sanguinem Christi ei in purgationem esse. Expleta missa, sacerdos aquam benedicebat, pergebatque ad locum, ubi iudicium fieri debebat, & ex illa probaturus bibebat. Tum aquae, aut ferri fiebat adiuratio, ad fugandam ab illis omnem diaboli potestatem, & simul ad vim diuinam, qua veritas demonstraretur, communicandam. Inde probaturus propriis vestibus se exuebat, euangelium & Christi crucem exosculabatur, aqua benedicta adaspergebantur omnes praesentes, & iudicium fiebat. Suis etiam consimilibus sacris ritibus instructa erant reliqua Dei iudicia, etiam ipsum duellum: quos ritus & orationes Delrio, Baluzius, Martene, Goldastus alique collegerunt.

§. IX. Vulgares probationes in iudiciis mediae aetatis receptae nedum vanae erant, verum etiam religioni christianae aduersabantur, utpote quae Deum ad edenda miracula, ubi nulla erat necessitas, cogeant. Hinc ea ipsa aetate, qua christiani his deliramentis capiebantur, non defuerunt, qui iudicia Dei tamquam vana explosere-
rant,

runt, veluti Agobardus Lugdunensis archiepiscopus & Ludouicus Pius. Exstant quoque apud Gratianum fragmenta sub nomine Gregorii M. & Stephani v. pontificum, quibus iudicia per aquam calidam & frigidam & ferrum candens tamquam superstitiosa & vana reprobantur, nec amplius fieri permittuntur, *can. 7. & 20. C. 2. q. 5.* Sunt quidem monumenta ista falso pontificibus adscripta, at interim demonstrant, fuisse viros in religione instructos, qui recepta deliramenta reiicerent. Verum haec tanti non fuerunt, vt recepta iudicia christiani desererent. Tandem vbi litterarum & legum Romanarum studia florescere coeperunt, adnitentibus Romanis pontificibus, Alexandro III., Innocentio III. & Honorio III. vulgares probationes tamquam vanae & superstitiosae reiectae sunt, *cap. 10. ex. de excessib. praelatorum, cap. 3. ex. de purg. vulgari*, inualuitque in iudiciis criminalibus & civilibus noua iudicandi methodus rationi & legibus Romanis conformior.

C A P V T XXV.

De hodierno iudicio criminali ecclesiastico.

§. I. **I**vre decretalium tribus ferme modis iudicia criminalia instituuntur, *accusatione* nempe, *denuntiatione* & *inquisitione*. Accusatio est criminis alicuius apud competentem iudicem ad publicam vindictam scripto seu libello accusatorio facta delatio. Libellus clare & distincte concipiendus, eoquē comprehendere debent iudicis, accusatoris & accusati nomina, itemque criminis species, locus & dies, quo delatus se crimine obstrinxit: nec omittere inscriptionem & subscriptionem in crimen, *cap. 16. ex. de accusationibus*, quarum illa ex forma veterum legum accusator profiteatur, se Seium vel Titium de aliquo crimine deferre, eumque peracturum reum; hac vero se ad actionis, seu reciproci poenam obstringit, nisi obiectum crimen probauerit. Verum moribus praesentibus subscriptio

ptio & poena talionis defueuerunt; tantumque calumni-
sis accusatoribus & tergiuersatoribus pro iudicis arbitrio
poena solet irrogari.

§. II. Accusatio etiã iure decretalium publica cen-
setur, & inde omnes, qui expresse per leges & canones
non prohibentur, possunt accusare. Prohibentur vero ac-
cusare infames, criminosi, excommunicati, impubes,
mulieres: item haeretici, Iudaei, ethnici, quibus fideles
accusare omnino non licet. Nec porro liberi aduersus
parentes, nec fratres aduersus fratres & sorores ad accu-
sandum admittuntur. Item iure decretalium ab accusan-
do arcentur inimici capitales, *cap. 7. ex. de accusationibus*,
& laici clericos accusare prohibentur, *cap. 14. ex. de tes-
tibus & attestationibus*: quod demum auditum est, ubi
inualuit doctrina, laicos clericis infestos esse, *can. 1. seqq. C. 2. q. 7. (a)*. Praeterea status conditio clericis & mo-
nachis accusare non permittit, praesertim in criminibus
grauioribus, quae poena sanguinis puniuntur, *cap. 9. ex.*

ne

(a) Laicos ab antiquis vsque temporibus infestos clericis fuisse Bonifacius VIII. docet, *cap. 3. de immunit. ecclesiarum in 6*. Et tamen per plura saecula inter clericos & laicos mira fuit concordia, mutuus inter utrosque amor: nec alias poterat euenire, quamdiu clerici spiritualis curae laicorum tantum solliciti fuerunt. In falsis decretalibus opera Isidori Mercatoris euulgatis primum fortasse occurrit, clericos quibusdam laicis odio esse, *can. 5. & 14. C. 2. q. 7*. Quo tempore putidae Mercatoris merces prodierunt, hoc est noni saeculi initio odia inter clericos & laicos occoeperant ob malos clericorum mores, & fortasse etiam ob ecclesiastica bona iure quodam feudi a laicis possessa, quae ubi nullae erant reipublicae necessitates, ecclesiis restitui debere aequum videbatur. Labentibus annis irarum causae & odia increbuerunt, praesertim ubi exorta sunt inter sacerdotium & imperium dissidia, & iura sua a clericis usurpata laici repetere coeperunt. Item odii materiam suppeditauit fastus beneficiariorum, qui res ecclesiae tamquam proprium patrimonium procurabant, & in pauperes parum, aut nihil conferebant. Verum receptis moribus odia ista refrixerunt, & clerici plerisque laicorum sibi deuinctos habent.

ne clerici vel monachi, ne morte vel mutilatione secuta a canone sint alieni. Hi omnes tantum ad publicam vindictam accusare vetantur, nam ad iniurias sibi illatas persequendas omnes alias inhabiles (non tamen excommunicati) ad accusandum admittuntur, modo si clerici sint, expresse edicant, se sanguinis poenam non intendere.

§. III. Quicumque vero sit, qui accusat, etiam iure decretalium per se reum deferre tenetur, non per procuratorem. Nimirum per litis contestationem procurator fiebat dominus litis, *L. 12. seq. de procuratoribus*, atque hinc tamquam principalis accusator in crimen inscribere tenebatur, & talionis poena se obstringere, si crimen non probaret, quod poenarum fini repugnat, *cap. 5. ex. de procuratoribus*. Quod si de crimine ciuilitur agatur, accusatio procuratorem non excludit, *cit. cap. 5.*, idque etiam locum habet, si per denuntiationem, quae ad emendationem spectat, crimen deferatur, *cap. 16. ex. accusationibus*. Quod vero praesenti fori vsu subscriptio in crimen ferme desuevit, & fictio dominii litis per contestationem adquisiti nullius effectus est, accusatio etiam per procuratorem non reiiicitur.

§. IV. Moribus praesentibus non promiscue omnibus licet in publicam vindictam accusare, sed in utroque foro publicum accusandi munus minister, seu *promotor fiscalis* sustinet, & institutas accusationes exsequitur: quod munus posteriore demum aetate institutum est, quando vix erat, ut stare possent leges Romanae, quae ex principiis democratiae deductae omnibus accusandi potestatem faciebant. Accusat minister fiscalis ferme in omnibus criminibus, tantumque iure municipali nostro excipiuntur stuprum & adulterium, in quibus sine partis offensae querela iudicium institui vetitum est, ne familiarum status turbetur. Quod vero fiscalis ex officii necessitate accusat, in crimen subscriptio & poena talionis cessant, tantumque extra ordinem punitur, si commissa sibi potestate in priuatorum perniciem abutatur.

§. V. Alter in criminalibus procedendi modus iure decretalium denuntiatio est, qua occulti criminosi etiam secreto & sine libello ad episcopum deferuntur, non ad poenam irrogandam, sed ut eius admonitionibus ad bonam

nam frugem conuertantur. Quisque potest denunciare; etsi alias accusare vetetur; delator ad criminis probationem non adstringitur; & sollemnis in crimen inscriptio cessat, *cap. 16. ex. de accusationibus*. Instituitur vero denuntiatio post priuatam & christianam admonitionem, eaque accepta episcopus causa cognita non procedit, sed denuntiatum clam corripit, nec ultra procedit, si ille in negando persistat, nisi de impediendo futuro crimine agatur, *cap. 13. ex. de desponsat. impuberum*. Verum moribus praesentibus iudicia criminalia etiam per denuntiationem instituuntur; illa enim habetur loco diffamationis, & iudici ad inquirendum ex officio viam aperit. Sic mutata scena denuntiatio accedit ad accusationem, & fieri debet a personis non suspectis, & quidem de ipso crimine, additis in specie adiunctis & argumentis, quae gravare possunt denuntiatum.

§. VI. Tertius iure decretalium causas criminales instituendi modus inquisitio est, qua iudex ecclesiasticus sine ullo accusatore ex officio inquit in veritatem criminis admissi, cuius quis per publicam famam insimulatur, *sap. 24. ex. de accusationibus*. Ignota hoc sensu inquisitio veteribus patribus fuisse videtur; vetus enim ecclesia non facile quemquam sine accusatore damnabat, *can. 18. C. 2. q. 1.*, nisi crimen esset manifestum, aut sponte ab ipso met reo delatum. Fortasse primus Innocentius III. inquisitionem inuexit, eique causam dedisse videntur corrupti clericorum mores, contra quos non facile accusatio poterat institui, tum propter subscriptionis discrimen, tum etiam quod laici clericos accusare vetarentur. Verum moribus hodiernis modus procedendi per inquisitionem censetur ordinarius, quod publici accusatores non solent nisi praeuia inquisitione accusationem instituere.

§. VII. Iure accusatione, aut alias criminis delatione recepta, seu alias patrati criminis fama existente, iudex audito fisci patrono in crimen inquit, quod forensi voce *informatio* audit. Hac autem praeuia inquisitione duo ad liquidum iudex redigere debet, delictum nempe fuisse admissum, & quisnam illud admiserit, quorum illud *delictum in genere*, hoc *in specie* forenses dicunt. Quae duo iudicii criminalis fundamenta sunt, quorum vnum si defi-

deficiat, iudicium nullum esse potest. Nisi constet, crimen fuisse admissum, nihil est, quod iudex iudicium instituat, *L. 1. §. 24. D. ad senatusc. Silanianum, cap. 13. ex. de desponsat. impuberum*: quin nec locus poenae esse potest, etsi reus crimen fateatur, *L. 24. D. ad L. Aquilianam*: & deinde crimine probato, nisi eius auctor innotescat, frustra iudex ulterius procedet.

§. VIII. Praeuiis inquisitionibus expletis, iudicis est decernere, vtrum reus in carcerem detrudi debeat, an fideiussoribus vel sibi committi, an potius tantum citari, vt in iudicium se exhibeat, *L. 3. C. de exhibendis reis*. Id vero iudex decernit spectatis criminis admissi & probationum qualitate, rei ipsius dignitate & fortunarum modo, *L. 1. D. de custod. rerum*. Quod si ex criminis & personae qualitate aliisque adiunctis iudici videatur, reum non esse capiendum, tum decernitur citatio, quae vsu fori alia *personalis* est, alia *simplex*: in quarum illa iudex decernit, reum citari ad informandum & capi, in hac vero tantum vocari vt veniat: quae omnia, vt & formulae adhiberi solitae, vsu fori melius innotescunt.

§. IX. Reus iure citatus intra terminum ei datum in iudicio se sistere praesentem debet, nec admittitur, si absens velit per procuratorem respondere: iure enim civili & decretalium procurator litis contestatione fit dominus litis, *L. 22. C. de procuratoribus, cap. 13. ex. de procuratoribus*, atque ideo in eum sententia profertur, *L. 1. C. de sentent. & interlocutionibus*: quod ab iudiciis criminalibus, vbi poena criminum auctores tenere debet, alienum est. Non tamen repellendus, si quis etiam sine mandato veniat absentium excusationes allegaturus, *L. 13. §. 1. D. de publicis iudiciis*. Tantum illustribus personis iure civili concessum est, vt in causis iniuriarum accusare & se tueri possint per procuratores, *L. ult. C. de iniuriis*. Et iure regni nostri in causis criminalibus licet vniuersitatibus & mulieribus nuptis siue ad accusandum, siue ad se tuendum vicaria alterius opera vti, *const. generalia iura sit. vt vniuersitas accusata*: itemque recte ad defensionem absentium procurator interuenit, si plures quam decem de eodem crimine accusentur, exceptis tamen haereticis & laesae maiestatis criminibus, quod a Rege

Rege Roberto in *cap. eodem studio* statutum est.

§. X. Iure citatus reus, nisi intra conditos dies sui praesentiam faciat, nec interim excusetur, contumax declaratur, & in contumaciam punitur. Iure Romano absentibus per contumaciam pecuniariae poenae, vel quae existimationem contingunt, decerni poterant usque ad relegationem; non vero si quid grauius irrogandum fuisset, veluti in metallo, aut capitis poena, *L. 5. D. de poenis*. Verum iure ecclesiastico absentes in contumaciam damnari consueuerunt, quod Gratianus *post can. 13. C. 3. q. 9.* obseruat. Et iam moribus inualuit, vt in causis fidei & reliquis fori ecclesiastici rei citati, si per contumaciam absint, excommunicentur etiam pro ipsa principali causa.

§. XI. Reus in iudicio constitutus legitimum examen subire, suoque iudici iure interroganti debet respondere: nec enim quemuis praesentem, vel manifesti criminis reum, damnare licet, nisi prius illum iudex audiat, *L. 6. §. 1. D. de custodia reorum*. Ante examen reo iusiurandum de veritate dicenda ab iudice deferri solet, etsi multi hunc usum minus probent, quod periuriis viam patrat. Instituitur examen praesente fiscali ministro: reus vero sine vlla mora interrogationibus tenetur respondere, neque datur aliqua dilatio ad deliberandum; vsuque obtinuit, vt reus examinetur, antequam dentur defensiones, aut indicia in eum congesta manifestentur. Quod si crimen admisisse reus neget, & grauiora in eum indicia vrgeant, ea omnia ei deteguntur, quibus mendacii & periurii coarguitur, & simul monetur, non minus humano, quam diuino iure adstringi ad veritatem iudici aperiendam. Absoluto examine lis inter fiscum & reum sollemniter contestatur, quorum ille adfirmat, reum constitutum crimen admisisse, hic vero negat.

§. XII. Lite contestata testes, qui in inquisitionibus praeuiis auditi sunt, rursus debent examinari & quidem ex integro, tamquam si alias testimonium non dixissent. Etenim testes, qui in praeuia informatione inscio reo auditi sunt, nullam fidem faciunt, vtpote qui reo non citato testimonia sua deposuerunt, *novel. XC. cap. 9., cap. 2. ex. de testibus & attestationibus*. Itaque iterum testes

citantur, & inde coram ipso reo, vel alio ab ipso met substituto iurant de dicenda veritate, & inde clara reo sua testimonia deponunt. Sed fit aliquando, vt testes coram ipso reo debeant sua testimonia instaurare, veluti si testes nomen & cognomen rei ignorent, quem tamen adfirmant, se in delinquendo vidisse. Verum licet reo sine indicii vitio testium repetitioni renuntiare: quod in foro ecclesiastico *saluo iure repetendi* fieri consuevit.

§. XIII. Post depositiones instauratas reo concedendum, vt seipsum tueatur, nec enim quemquam indefensum damnare licet: in quem finem certa dilatio datur: & simul etiam publicantur acta iudicialia in reum congesta, eique communicantur, vt inde possit capita suae defensionis instruere, *cap. 24. ex. de accusationibus*. Deinceps reus articulos suae defensionis testesque examinandos producit. Iussu iudicis citantur producti testes, vti & priuatus accusator & minister fiscalis, vt testes iurare videant. Pars autem reo aduersa ius habet postulandi articulos defensionis ad concipiendas interrogationes, quibus examinandi testes cogantur respondere. Quin fiscali ministro & priuato accusatori in termino, reo ad defensionem dato, licet suas probationes augere: & hinc alii testes producuntur, quos iudex aduocat, & simul reum ad videndum eos iurare citat. Concedenda vero reo defensio est, etiamsi crimen ultro fateatur; poterit enim contra suam confessionem excipere, eamque tamquam erroneam & falsam traducere, vel probabiles ad minuendum crimen adferre excusationes.

§. XIV. Finito ad defensionem siue ad offensam pinguiorem testium examine, acta decreto iudicis publicantur. Quod si post auditas rei defensiones adhuc graua aduersus eum vrgeant indicia, in foro saeculari quaestiones seu tormenta adhibentur, quibus addictus reus vel inuitus veritatem fateri cogitur (b). Adhibentur vero quae-

(b) Non desunt viri alioquin grauissimi, qui tormentorum usum ad eruendam ab ipsis reis veritatem, tamquam iniquum & a ratione omnino alienum traducunt, quales S. Augustinus, Ludouicus Viues, Ant. Matthaeus, Montesquius & nouissime auctor

quaestiones non promiscue in omnibus criminibus, sed tantum in grauioribus, L. 1. 8. & seq. D. de quaestionibus, quae poena vltra relegationem puniendi sunt, si in reum argumenta & suspiciones vrgeant, cit. L. 1. §. 4., saltem semiplenam probationem exaequantes, quas reus auditus in suis defensionibus non diluerit. Verum multi, etsi grauiorum criminum rei, iure Romano tormentis eximuntur, quales milites, nobiles & illustres viri, decuriones ciuitatum eorumque filii vsque ad pronepotes, nisi maiestatis aut alterius criminis atrocissimi rei sint, L. 4. C. ad L. Iuliam maiestatis; item impuberes & mulieres praegnantes, quo vsque praegnantes sunt.

§. XV. Verus ecclesia ad eruendam in dubiis criminibus veritatem quaestiones non vsurpauit; erant enim ab humanissimo ecclesiae ingenio omnino alienae, nec potestate gladii spiritualis comprehensae. Et certe supposita est decretalis sub nomine Eusebii papae apud Gratianum can. 1. C. 23. q. 5., qua tormentorum vsus contra testes suspectos probatur. Sed in noua disciplina forum ecclesiasticum, inuita canonica iurisprudencia, quaestiones recepit, cui innouationi causam praesertim videntur praebuisse ficta Eusebii decretalis & Alexandri rrr. auctoritas; hic enim pontifex clericum furti pecuniae

Pars III.

R r

de-

auctor libelli Itala lingua scripti de criminibus & poenis. Et profecto a naturali aequitate & pactis socialibus omnino abhorret, cruciari quemquam, antequam constet, nocentem esse. Quum quaeritur, inquit Augustinus lib. XIX. de ciuit. Dei cap. 6., *utrum sit nocens, cruciatur: & innocens luit pro incerto scelere certissimas poenas, non quia illud commississe detegitur, sed quia non commississe nescitur; ac per hoc ignorantia iudicis plerumque est calamitas innocentis*. Porro quaestiones medium non sunt idoneum ad detegendam veritatem, vt enim recte obseruat Vlpianus L. 1. §. 23. D. de quaestionibus, plerique duritie tormenta contemnunt, alii tanta sunt impatentia, vt quiduis mentiri, quam pati tormenta velint. Haec mala, quae quaestionibus insunt, admodum graua sunt, & nescio an compensentur cum vtilitate, quam ex tormentis in rempublicam inuehi iuris interpretes praedicant.

depositae reum *duris quaestionibus* subiiciendum respondit, *cap. 1. ex. de deposito*. Receptis in foro ecclesiastico quaestionibus, plerique interpretes tenuerunt, etiam clericos posse torqueri; licet exemplo militum clericos non posse torqueri Gonzalez *in cit. cap. 1.* contendat.

§. XVI. Confessio tormentis elicitā ut satis sit ad reum condemnandum, debet extra tormenta confirmari; vis enim aspera tormentorum vim adimit confessioni, quae propterea confirmatione extra tormenta opus habet. Iul. Clarus *pract. crim. lib. V. §. fin. q. 64. n. 4.* Itaque saltem post viginti quatuor horas interrogatur reus, an quae dixerit in tormentis, vera sint: & si persistet in confessione, ex recepto fori vsu alius terminus, ut se defendat aduersus confessionem in tormentis elicitam, datur. Quod si extra tormenta interrogatus, quae in tormentis confessus sit, negauerit, iterum atque tertio torquebitur, ut in confessione persistat. Interim si reus in tormentis obdurato animo crimen admisisse negauerit, aut iterum tortus ut in confessione tormentis elicitā perseueret, etiam negare pergat; liberari debet: quae est communis sententia, quod vrgentia indicia per torturam satis diluta credantur & infamia absterfa, nisi post superatas quaestiones vrgentiora prioribus indicia emerferint, aut nisi ab initio satis graua essent indicia, & tortus corporis firmitate valeat: nam in his casibus tenent multi rerum forensium magistri, quaestiones repetendas.

§. XVII. Quod si indicia & argumenta adsint, quae simul congesta reum negantem plane conuincant, quaestionibus quidem locus non est; at disputatur inter doctos, an inde reus damnari possit. Communis interpretum schola ferme negat, reos ex indiciis indubitatis damnari posse: alii vero tenent, in his casibus extraordinarias poenas esse irrogandas. Contra Ant. Matthaeus, Gilckenius aliique docent, reos indiciis & argumentis convictos ordinaria poena plecti posse: quae sententia aperte in legibus confirmatur, *L. vlt. C. de probationibus, L. 24. C. ad L. Iul. de adulteriis*. Interim inuita iuris prudentia communis interpretum sententia in plerisque prouinciis praeualuit, receptumque, non licere ex indiciis indubitatis reos damnare. Apud nos vero iure cautum est,

est, ut regiae Audientiae prouinciales, collegia iudicum & Magna Curia Vicariae ex indiciis indubitatis ordinariam poenam possint irrogare, non item alii inferiores iudices, etiam regii, *pragm. XIII. de off. iudicis*. Et quod spectat forum ecclesiasticum, non desunt, qui tenent, ex congestis & indubitatis argumentis recte censuras infligi.

C A P V T XXVI.

De sententia & re iudicata.

§. I. **I**Am partibus auditis & causa perorata, per competentem iudicem sententia pronuntianda est. Nomine sententiae iure decretalium generatim venit iudicis pronuntiatio, quae causam siue principalem, siue incidentem definit. Hinc sententia duplex est, alia *definitiva*, alia *interlocutoria*: quarum illa principalem controuersiam absolutione vel condemnatione perimit; haec vero perimit articulos, qui principali controuersiae incidunt, ordinatque iudicii seriem. Sed iure ciuili sententia est ipsa pronuntiatio, quae principalem controuersiam perimit: cetera vero iussa & mandata iudicis, quae articulos incidentes definiunt, & iudicii seriem ordinant, *interlocutiones* ferme dicuntur. Hinc titulus *C. de sententiis & interlocutionibus*.

§. II. Prolatam semel sententiam iudex reuocare vetatur, potest vero reuocare interlocutiones, quod Vlpianus docet, *L. 55. D. de re iudicata*. Non de magistratu, sed de iudice pedaneo loquitur iurisconsultus: iudex nimirum pedaneus notionis causa datus erat, eiusque officium dicta sententia expirabat; & inde sententias reuocare non poterat, reuocabat vero interlocutiones, quod his dictis iudex esse non desinebat. Iurisprudencia de iudicibus pedaneis nec iure decretalium, nec praesentibus moribus obtinet; & tamen in decretalibus leges confirmantur, valetque regula, qua vetatur iudex sententiam retractare, non vero interlocutiones, quas interpellatus

628 INSTITVT. IVRIS CAN. PARS III.

recte reuocat, idque etiam post appellationem, *cap. 60. ex. de appellationibus, cap. 10. eodem in 6.*, nisi fortasse appellationem admiserit, vel superior iudex cognitionem inhibuerit. Conf. Gonzalez *in cit. cap. 60.*

§. III. Sententiam dicturus iudex, rem in vtramque partem prius debet expendere, rationes vtriusque adductas inspicere, & tum non ex amore & odio, sed ex legibus & canonibus iudicare: etenim iudices sunt meri legum exsecutores & custodes, non arbitri. Itaque iudex ubi lex perspicua est, etsi aliquanto asperior videatur, secundum eam debet pronuntiare: & si illa aliquid dubitationis habeat, & locus est interpretationi, se legis interpretem praestabit, praeferetque semper summo iuri aequitatem. Quod si caussa ipsa vtriusque admodum dubia sit, sententia pronuntianda est, prout in ea specie leges iudicare praecipiunt, veluti si vtriusque in caussa civili aequales probationes adsint, reus absolvendus est, quod ita legibus canetur, *L. 128. D. de regulis iuris, cap. 3. ex. de probationibus.*

§. IV. Nec tantum ex legibus, aut canonibus iudices sententiam ferre debent, verum etiam *secundum acta & probata*, alioquin illa contra *ius litigatoris* lata dicitur; actis enim ad liquidum deducuntur facta controuersa, ex quibus partium iura promanant. Quod si acta priuatae iudicis conscientiae aduersentur, multi tenent, iudicem magis ex priuata scientia, quam ex actis debere iudicare. Sed cuius effectus erit eiusmodi sententia? Nullius sane, quippe quae mox per appellationem secundum acta reformabitur. Iudici quoque extra acta non creditur; & si eius conscientiae in iudicando standum esset, nulla profecto foret iudiciorum sanctitas, nam obtentu priuatae conscientiae liceret iudicibus, prout vellent, iudicare. Nec tamen probauerim, iudicem iudicare contra conscientiam, fatiisque videtur, vt ex bono & aequo litigantes componere satagat, vel rem ad iudicem superiore deferat, & sententiam ferre superseseat; vel falsitatis actorum victum certiore faciat, vt hic saltem in iudicio appellationis falsitatem detegere valeat.

§. V. Ferri autem debet sententia ex scripto, & sine scripto prolata *ne nomen quidem sententiae meretur*: quae
vtriusque

utriusque iuris regula est, *L. 3. C. de sententiis ex periculo recitandis, cap. ult. de sent. & re iudicata in 6.*, fortasse ob eam rationem recepta, quod verba ore pronuntiata menti illudant, non item quae litteris consignata sunt: periculosum vero est, iudicem in definienda causa labi, quod sententiam semel latam corrigere, vel mutare vetatur. Hinc iudex deliberatione prius habita de negotio sententiam concipit, conceptamque in libellum seu breuem chartam, referre debet, *L. 2. C. de sententiis ex periculo recitandis*. Sed si causae sint breues & maxime vilium personarum, aut episcopus cognoscat inter suos subditos, scripturae necessitas remissa est, quod Iustinianus statuit, *novell. VII. cap. 3., auth. nisi breues C. eodem*, licet hodie iam mutata disciplina etiam episcopi inter suos subditos iudicantis sententia ex scripto recitanda sit. *V. Espen. par. III. tit. 9. cap. 3.* Nec necessaria est scriptura in interlocutionibus, quas iudici ore proferre licet, inde vero actuarius in scripturam rediget.

§. VI. Redacta in breviculum sententia ab ipso iudice pronuntianda, & quidem partibus praesentibus, aut saltem in eam rem vocatis, quae est sententia iuris civilis, *L. 2. C. de sententiis ex periculo recitandis*, in decretalibus confirmata, *cap. ult. de sent. & re iudicata in 6.* Tantum praefectis praetorio aliisque illustribus magistratibus iure civili concessum est, ut per officia sua sententias ex tabella recitent, *cit. L. 2.* Et ad exemplum illustrium magistratuum Bonifacius VIII. episcopis concessit, per alios sententiam proferre, *cap. ult. de sent. & re iudicata in 6.* Sed iam ferme obtinet, ut sententiae non ab ipso iudice, sed ab eius officiis, iudice tamen praesente, recitentur, teste Gudelino *de iure nouiss. lib. IV. cap. 12.*

§. VII. Praeterea ex regulis iuris civilis iudex sedens sententiam ferre debet, idque ad denotandam iudicis auctoritatem videtur inductum. Etiam decretales ab iudice sedente proferri sententiam iubent, & praeterea addunt, sententiam ab iudice non sedente dictam nullius momenti esse, *cap. ult. de sent. & re iudicata in 6.* quod numquam leges civiles statuerunt. Tantum in iudiciis summariis sedendi necessitas iudici remissa est, *Clement. 2. de*

verbor. signif. Sedere vero debet iudex sententiam dicturus publice non in secreto, nulliusque effectus sententia est, si in secreto dicatur, *L. 6. C. de sententiis & interlocutionibus*. Et magistratus quidem pro tribunali sedet, non vero iudex datus seu pedaneus, qui tribunal non habebat. V. Pollet. *hist. fori Rom. lib. I. cap. 6*. Tribunal erat locus editus in hemicycli speciem introrsum curuatus, quo per gradus adscendebatur. Ecclesia in suis iudiciis tribunali caruit, ferebantque olim episcopi sententias in presbyterio sedentes, nec iure decretalium umquam episcopis tribunal tribuitur.

§. VIII. Lingua vero, qua sententiam concipere oportet, ea iure Romano tantum Latina erat, *L. 48. D. de re indicata*: quippe qua leges ferebantur, & acta publica concipi solebant. Nec tantum in vrbe, verum etiam in prouinciis hoc ius obtinuisse videtur, etsi popularis sermo diuersus esset. August. *de ciuit. Dei lib. XIX. cap. 7*. Inde Arcadii & Honorii rescripto magistratibus prouinciarum facultas facta est, ut tam Latina, quam Graeca lingua sententias proferre possent: *L. 12. C. de sentent. & interlocutionibus*. Ecclesia tamen etiam ante Arcadium in iudiciis suis siue Latino, siue Graeco sermone vsa est, prout popularis loquendi vsus postulabat; perrexitque etiam ecclesia Occidentalis sententias Latine dicere, etiam postquam popularis Latini sermonis vsus defecit. Et quod mirum videri debet, forum saeculare in multis locis linguam Latinam, etsi prorsus inconditam & barbaram, vsurpat.

§. IX. Sententia definitiua, vtpote quae absolutione aut condemnatione controuersiam definit, generalis esse debet, & per omnia partium disceptationem perimere. Hinc non tantum super negotio principali, sed etiam super accessoriis, qualia sunt expensae in litem factae, & fructus percepti, pronuntianda est: post absolutum enim dimissumque iudicium nefas est, litem alteram exoriri ex litis primae materia, *L. 3. C. de fructibus & litium expensis*. Et quia pars causa cadens, praesumitur iniuste litem mouisse, communis regula est, victum victori in expensas condemnandum, *L. 5. C. eodem*, praesertim si constet, victum per calumniam litem mouisse, aut peruenisse

venisse ad reluctandum. Condemnatio vero ad restitutionem fructuum eos praecipue spectat, qui post litem contestatam percepti sunt, aut percipi poterant, nam ex quo res in iudicium deducta est, omnes incipiunt malae fidei possessores esse, *L. 2. C. eodem.*

§. X. Sententiae latae & publicatae effectus est res iudicata, quae demum facit, ut illa executioni mandari possit. Res iudicata definitur Modestino iurisperito, *quae finem controuersiarum pronuntiatione iudicis accipit, L. 1. D. de re iudicata*; res enim iudicata proprie est, quae controuersiae finem imponit, non item sententia, quae tantum condemnat, vel absoluit. Transit sententia in rem iudicatam, si legitimo dierum spatio non appelletur: qui enim intra legitimum tempus non appellauit, iam latae sententiae videtur adqueuissse. Tantum in rem iudicatam abit sententia, non item interlocutiones, etiamsi praeiudicium principi causae faciant, *cap. 60. ex. de appellationibus, cap. 12. eodem in 6.* Quod vero res iudicata controuersiae finem imponat, inter ipsos litigantes ius facit, *L. 2. C. quibus res iudicata non nocet*, & pro veritate habetur, sententia censetur bene prolata, nec facile potest retractari.

§. XI. Sunt vero multae causae, in quibus sententiae in rem iudicatam non transeunt, etsi non appelletur, & idcirco recte retractantur. Ita carent rei iudicatae auctoritate sententiae nullae, quae scilicet ab incompetente iudice dictae sunt, aut a competente quidem, sed contra solitum iudiciorum ordinem, quaeque contra expressam iuris constituti dispositionem proferuntur, *L. 1. §. 2. D. quae sentent. sine appellatione rescindantur*, veluti si dixerit iudex, ad tutelae excusationem numerum filiorum non prodesse. Non valet quoque ipso iure, & in rem iudicatam non transit sententia, quae prolata est contra priorem, quae abiit in rem iudicatam, *L. 1. C. quando prouocare non est necesse*. Rei quoque iudicatae non donantur sententiae ex falsis instrumentis vel testimoniis latae, si iudex circumuentus eorum fidem secutus fuerit, *L. 3. C. si ex falsis instrumentis*; item quae ab iudice pecunia corrupto dictae sunt, *L. 7. C. quando prouocare non est necesse*; item sententiae criminales, in quibus

bus rei condemnati sunt, si vel maxime poenae, quae restitutionem admittit, subiecti fuerint; & ex communi doctorum doctrina nec transeunt in rem iudicatam sententiae de vi matrimonii, quibus illud valere, vel non valere pronuntiatur.

C A P V T XXVII.

De sententiae executione.

§. I. **Q**uemadmodum leges in republica nullius sunt utilitatis, si in vsum non deducantur, ita sententia inutilis erit, nisi executioni demandetur. Ergo ubi sententia in rem iudicatam transit, intra tempus ab iure statutum eius executio facienda est. Et quidem in actione in rem statim fit executio, si res ipsa, quae exstat, tradi possit: at in actione in personam iure civili imperatoris Iustiniani quatuor menses conceduntur, qui a die condemnationis, vel si prouocatum fuerit, a die confirmationis sententiae numerantur, *L. 2. C. de usuris rei iudicatae*, quae quadrimestres induciae etiam fideiussoribus & mandatoribus profunt, *L. ult. C. eodem*. Iure decretalium eadem quadrimestres induciae probatae sunt, *cap. 26. ex. de off. iudicis ordinarii*, nisi tamen iudex duxerit praescriptum tempus producere vel coarctare, *cap. 15. ex. de sentent. & re iudicata*.

§. II. Iam rem iudicatam exsequitur iudex, qui sententiam dixit, si habeat iurisdictionem; executio enim sententiae aliquam coactionem inuoluit, atque ideo est pars illi imperii, quod iurisdictioni cohaeret, *L. 3. D. de iurisdictione*. Hinc iudex ordinarius & iudex a principe, vel summo pontifice datus rem iudicatam exsequuntur, utpote qui plena donantur iurisdictione: quin delegati a summo pontifice eam post sententiam integro anno retinent, ut facilius rem iudicatam exsequantur, *cap. 7. & 26. ex. de officio delegati*. Item iudex, cui a magistratu mandata est iurdictio, suam ipse exsequitur senten-

tentiam, mandata enim iurisdictione, etiam imperium mistum transit, *L. 5. D. de officio eius, cui mandata est iurisdiclio*. Sed datus iudex & arbiter, quod nudam notionem habent, rem iudicatam non exsequuntur, sed ab eis lata arbitria magistratus exsequitur, *L. 15. D. de re iudicata*. Vtitur vero index rei iudicatae exsequendae gratia officiis, seu apparitoribus, quos inde *exsecutores litium* appellant.

§. III. Ordo executionis iure communi statutus hic est, ut si quis rem certam restituere damnatus sit, ea ipsa, si exstet, auferatur etiam manu militari, si necessarium videatur, *L. 68. D. de rei vindicatione*. Quod si res ipsa perierit, aut propter debitam pecuniam executio facienda sit, mobilia primum capiuntur, inde immobilia, postremo iura & nomina debitorum, semper pro debiti mensura, *L. 15. D. de re iudicata*. Iure vero speciali cauetur, ne executio, nisi in subsidium, fiat in stipendia, arma & equos militum, *L. 4. C. de execut. rei iudicatae*: item iure speciali executio fieri vetatur in instrumenta ad agriculturam necessaria, *L. 7. C. seq. C. quae res pignori obligari possunt*.

§. IV. Quod si neque bona, neque nomina debitorum reperiantur, quibus iudicato satisfiat, extremum contra iudicatos remedium erit, ut in carcerem detrudantur. Iudicati autem in carcerem detrusi, tantum in custodia, donec iudicato satisfecerint, detinentur, nec creditoribus servire coguntur. Quo spectare videtur constitutio Diocletiani & Maximiani, ob *aes alienum servire liberos creditoribus iura compelli non patiuntur*, *L. 12. C. de obligationibus & actionibus*. Solae mulieres iure novissimo Iustiniani carceri nequeunt mancipari, ut in re civili iudicato satisfaciant, *novel. CXXXIV. cap. 9.* quod ius hodie non aequè in omnibus provinciis obtinet.

§. V. Sed non deest debitoribus carceris declinandi facultas, si nempe bona sua omnia creditoribus cedant, quod est extraordinarium beneficium ex commiseratione per legem Iuliam introductum, *L. 4. C. qui bonis cedere possunt*: quae cessio ex lege Theodosii sola professione & nuda voce etiam sine iudicis venia peragi potest, *L. 6. C. eodem*. Cessis bonis facultas est creditoribus ea iudicis

eis auctoritate vendendi, vt ex eorum pretio, seruata temporis & creditorum praerogatiua, singulis satisfiat. Tantum cessio prodest debitoribus, ne iudicati detrudantur in carcerem: namque si creditores ex bonis venditis solidum non acceperint, illi non liberantur: & idcirco si deinceps alia bona adquisierint, etiam creditoribus satisfacere tenentur, sed quatenus commode facere possunt; enim quotidianis alimentis priuari debent, *L. 6. D. de cessione bonorum*. Beneficium hoc ex commiseratione concessum est, & inde eo tantum iuari possunt, qui infortunio suis bonis ceciderunt, non item decoctores, & qui bona sua in fraudem creditorum dissipant, nec qui dolo cum suis creditoribus vsi sunt, vtpote qui sciebant, se solvendo non esse. Henr. Zoësius *ad cit. tit. D.*

§. VI. Sunt nonnulli, qui ad euitandum carcerem cessione non indigent, quod speciali aucti sunt priuilegio, vt vltra id, quod facere possint, non teneantur: quod *beneficium competentiae* dicunt. Tales iure ciuili sunt parentes, patroni, socius, maritus ad dotis restitutionem ab vxore, & donator a donatario conuentus; §. 37. *Or seq. instit. ciuil. de actionibus*. Idem priuilegium etiam clericis Gregorius ix. concessit quodam rescripto, vbi mandat, vt Odoardus clericus, qui suis creditoribus soluere damnatus, & ob rerum inopiam ad solutionem impar a suo episcopo excommunicatus erat, a censura absoluator, *recepta prius ab eo idonea cautione, vt si ad pinguiorem fortunam deuenierit, debita persoluat, cap. Odoardus 3. ex. de solutionibus*. Ex hoc rescripto docent interpretes, clericis competere beneficium, vt tantum in id, quod facere possint, damnentur; nec requiri, vt illi prius bonis cedant, quod Fagnanus *ad cit. cap. 3. n. 58.* probat, etsi ex antiquis interpretibus aliqui tenuerint, cessionem esse necessariam.

§. VII. Antiqua est ecclesiae disciplina, qua ecclesiastica potestas ad exsequendas canonicas sententias in reos damnatos auxilium a ciuili potestate petere consuevit, si quando opus esse intelligeret, contumacibus vim adhiberi. Enfeb. *lib. VII. cap. 30.*, conc. Antioch. *can. V., can. 53. Or 67. C. Afr.* Nimirum ecclesia tantum gladio spiritali armata vim per se facere non potest, ac propte-

rea, ubi vi opus erat, eam a civili potestate debebat implorare. Lapsu temporis etiam cogendi facultas ecclesiae accessit, eaque utitur saltem contra clericos. Verum civilis potestatis officium est imploratam operam non denegare; sic enim civilis potestas Deo seruit, *can. 20. C. 23. q. 5.* & ecclesiae matris spiritalem gladium munus & sustentat.

C A P V T XXVIII.

De appellationibus.

§. I. **R**Ei iudicatae auctoritas suspenditur per appellationem, quae contra sententiam victis ordinarii remedium suppeditat. Venit nomine appellationis provocatio ab inferiore iudice ad superiorem, ut is de causa amplius cognoscat, & prius latam sententiam corrigat, & in melius reformet. Diuiditur vero appellatio iure decretalium in *iudicalem*; & *extraiudicalem*, quarum illa aduersus actum iudicalem interponitur, postquam iudicium citata parte incoepit; haec vero interponitur a grauamine per priuatos, vel per iudicem extra iudicium illato, vel inferendo, veluti si priuatus alimenta neget, aut si iudex de facto non causa cognita iudicet. Si appellatur a grauamine per partem illato, potius provocatio ad causam, quam vera appellatio est, *cap. 5. ex. de appellationibus*; accedit vero ad veram appellationem provocatio, quae aduersus actum iudicis extra iudicium grauantis interponitur, *cap. 8. de appellationibus in 6.*

§. II. Secundum veteris disciplinae regulas a sententia episcopi in causis ecclesiasticis prouincialis synodus iure ordinario appellabatur. Conc. Nicaen. *can. V.* Verum per appellationem ad synodum prouinciae delatae causae, & ibi definitae, ad maiorem synodum noua interposita appellatione non deferrebantur: idque verum erat, etiamsi episcopi primo iudicio accusati & damnati essent: sic enim ferebat primorum saeculorum disciplina, ut in pro-

prouinciis exortae caussae ibi finirentur. Sane synodus Antiochena edicit, vt si in damnando episcopo synodus prouincialis non conueniat, vicinae prouinciae episcopi aduocentur, qui cum episcopis comprouincialibus exortam quaestionem finiant; at si concordibus synodi suffragiis episcopus damnetur, *is ne amplius ab aliis iudicetur, sed prouinciae episcoporum firma maneat sententia*. Conc. Antioch. *can. XIV. & XV.* Praeterea tamquam a synodo Nicaena cautum docent Africani patres, vt caussae omnes ecclesiasticae, vbi ortae sunt, finiantur, nec ab ipso pontifice iterum tractentur. *Can. 138. C. Afr. V. Dupin. diff. II. de antiq. eccles. discipl. cap. 1. & seq. (a).*

§. III. Disciplina, quae habet, a synodo prouinciae iure ordinario maiorem synodum non appellari, in ecclesiis Orientis stetit vsque ad synodum Constantinopolitanam anno CCCLXXXI. celebratam, in qua ecclesia Orientalis in quinque dioeceses diuisa est, & vnicuique dioecesi proprius patriarcha seu exarchus datus, qui in synodo episcoporum dioecesis negotia administraret, ita tamen vt primum caussarum de episcopis iudicium in synodo prouinciae ageretur. Conc. Constantinop. *can. II.* Ita in Oriente receptum, vt a synodo prouinciali synodus dioecesana ordinario iure appellaretur. Noua haec disciplina per synodum Chalcedonensem confirmata est, sed

(a) Vno tantum casu in synodo prouinciali finitae caussae in maiori synodo videntur potuisse retractari, si id diuinalibus seu imperatoriis rescriptis concederetur, quod pluribus exemplis constat. Ita Athanasii & Marcelli Ancyрани episcopi causa in synodo Sardicensi iussu imperatorum Constantii & Constantis iterum iudicata est, quod constat ex epistola synodica ad Iulium papam. Item Photinus in synodo Sardicensi, velut nouae haereseos auctor damnatus, a Constantio imperatore obtinuit, vt iterum causa in synodo Sirmienti ageretur. Epiph. *haer. LXXI.* Et qui alias poterat maius concilium celebrari, nisi id imperator concederet? quarto enim saeculo tantum in adsiduam & ordinariam iurisdictionem synodi prouinciales abierant, maiores vero sine principis concessione non poterant celebrari. V. Petr. de Marca *conc. sacerdotii & imperii lib. VII. cap. 2.*

sed non sine aliqua mutatione; arbitrio enim conquerentium permissum, ut metropolitani vel apud suae dioecesis exarchum, vel apud thronum Constantinopolitanum deferantur & accusentur. Conc. Chalced. *can. IX. & XVII.* Et Iustinianus in *novel. CXXIII. cap. 22.* habet, ut causae episcoporum in synodo prouinciali iudicentur, appellatio vero ad patriarcham deferatur.

§. IV. Magna interim controuersia est inter viros doctos, an ex veteri disciplina in causis ecclesiasticis siue episcoporum, siue clericorum, quae in synodis prouincialibus & dioecesanis iudicabantur, receptae erant ad summum pontificem appellationes. Petrus de Marca, Lau-noius, Gerbasius, Quesnellus, Dupinus alique negant, veteri iure appellationes ad pontificem fuisse usurpatas. Contra cardinales Bellarminus & Perronius, item Dauidius, Christianus Lupus, Natalis Alexander alique plures eas veluti consecaneum primatus Romani pontificis tuentur: & inde tenent, semper licuisse in iudiciis ecclesiasticis pontificem appellare, praecipue si de episcoporum causis ageretur. Quaestio ista salua fide, qua christiani sumus, agitur: & modum quidem excessit Lupus, vir alioquin multae, sed indigestae, eruditionis, qui veluti profanos & nouatores traducit, quotquot appellationes ad pontifices ex veteris disciplinae regulis non admittunt. Quod ad me attinet, libens adgnosco, ius appellandi Romanam sedem a synodorum inferiorum iudiciis, tamquam consecaneum primatus Romani pontificis in vniuersam ecclesiam haberi posse; est enim Romanus pontifex ceteris episcopis superior: naturalis vero ratio dicat, ab inferioribus ad superiorem appellandum.

§. V. Verum enimvero non semper hoc iure appellationum sedes apostolica vsa est: ecclesiastica disciplina constitui coepta est eo tempore, quo per persecutiones iura omnia primatus explicari non poterant: disciplina vero semel constituta longo tempore deinceps stetit. Et profecto quarto saeculo recepta videtur fuisse sententia, quae habebat, causas in synodis Orientalibus iudicatas non posse in synodis Occidentis, multo minus a solo pontifice, retractari. Conc. Antioch. *ep. ad Iulium papam.* V. Petr. de Marca *de concordia sacerdot. & imperii. lib. VII.*

cap.

638 INSTITVT. IVRIS CAN. PARS III.

cap. 4. Synodus quoque Chalcedonenſis *can. IX.* gradus eccleſiaſticae iurisdictionis recensens, aduerſus ſententiam ſynodi dioceſanae aut ſedis Conſtantinopolitanae nullum damnatis proponit remedium, propoſitura proſecto, ſi alium ſuperiorem iudicem damnatisliceret appellare, quem admodum fecit in cauſſis clericorum & epiſcoporum, qui a ſuo epiſcopo vel metropolitano laeſi erant. Et Iuſtinianus *noſel. CXXIII. cap. 22.* conceptis verbis edicit, ab iudicio ſynodi dioceſanae omnino non dari appellationes. Et vt alia multa mittam, ex monumentis eccleſiae Africanae aperte conſtat, in veteri diſciplina pontificem appellari non conſueuiſſe; canones nimirum Africani damnant eos, qui ad tranſmarina appellandum putauerint, *can. 28. C. Afr. (b).*

§. VI. Iam vetus diſciplina, qua cauſſae eccleſiaſticae in ſynodis prouinciarum finiebantur, in ſynodo Sardicenſi mutata eſt, ex qua mutatione data eſt occaſio, vt tandem appellationes ad pontificem reciperentur. Sane ea ſynodus ſtatuit, vt ſi damnatus epiſcopus ſibi iniuriam illatam autumet, ſcribatur epiſcopo Romano, vt ſi is putauerit, concilium renouandum, det iudices, & quidem vicinae prouinciae epiſcopos, ita tamen vt pontifex legatum quoque mittere poſſit nouo iudicio praefuturum, ſi ipſi viſum fuerit, aliquem mitti oportere: contra ſi putauerit, negotium iterum tractari non debere, res

(b) Verba canonis Africani ſunt: *ad tranſmarina qui putauerit appellandum, a nullo intra Africam in communionem ſuſcipiatur, ſicut & de epiſcopis ſaepe conſtitutum eſt.* Exſtat hic canon in concilio Mileuirano, ſeu potius Carthaginenſi, quod anno ccccxviii. celebratum eſt, ſed omiſſis verbis vltimis, quae cauſſas epiſcoporum complectuntur, *can. 125. C. Afr.* Sed verba illa addita videntur in concilio ſexto Carthaginenſi, *can. 28. C. Afr.*, vbi canones antecedentium Africanarum ſynodorum reſecti & probati ſunt. Tranſmarina eccleſia Africanis Romana erat: & certe riſum mouet exceptio, quam mox zelato canoni Gratianus adiecit, *niſi forte Romanam ſedem appellaueris*, *can. 25. C. 2. q. 6.*, quaſi Aſri ad tranſmarina appellantes, aliam quam Romanam ſedem appellarent.

res iudicata suum robur obtineat. Conc. Sard. *can. III.*
¶ VII. Renouatio iudicii ex verbis canonum fieri debet
 per iudices vicinae prouinciae, at hac sententia non ex-
 cluduntur episcopi prouinciae, qui primo iudicarunt, sed
 potius ex vtrisque ad causam tractandam synodus coa-
 lesceat. Ita per canones Sardicenses non ius appellandi
 pontificem confirmatur, aut instituitur, sed potius eidem
 conceditur ius decernendi, an iudicium in prouincia re-
 nouandum sit. V. Petr. de Marca *lib. VII. de concordia*
sacerd. & imperii cap. 3. & Dupin. *de antiq. ecclesiae di-*
scipl. diff. II. cap. 1. §. 3. Huic vero nouae disciplinae
 statuendae causam praebuere iudicia quaedam in synodis
 Orientis in episcopos orthodoxos vi & iniuria agitata,
 quale Athanasii & sociorum eius iudicium.

§. VII. Disciplina per canones Sardicenses statuta in
 ecclesia Orientali numquam recepta est, & in ipso Oc-
 cidente sero tandem admissa. Sane ecclesia Africana ini-
 tio quinti saeculi Sardicenses canones, quos Zosimus pa-
 pa in causa Apiarii tamquam Nicaenos laudauit, cogni-
 to errore, reiecit, & canonibus Nicaenis adhaesit, *can.*
138. C. Afr. Similiter in Hispania saeculo sexto adhuc
 vigeat vetus disciplina, qua causae episcoporum synodi
 episcopalis iudicio finiebantur, & quidem accitis finitimis
 episcopis, si prouinciae episcopi inter se non conuenirent,
 vt constat ex Martino Bracarense *cap. XIII.* Et ecclesia
 Gallicana similiter longo tempore canones Sardicenses i-
 gnorauit, & ex antiquis canonibus a iudiciis synodalibus
 appellari non licere professsa est: quod multis Quesnellus
diff. V. in S. Leonis M. opera cap. 14. & seqq. probat.
 Adhaerebant vero ecclesiae receptae disciplinae, etsi Ro-
 mani pontifices obseruantiam canonum Sardicensium num-
 quam non vrgerent (c).

§. VIII.

(c) Sed contra haec dicta proferri solent multa iudicio-
 rum exempla, in quibus vel ante, vel post synodum Sardicen-
 sem damnati episcopi, tam ex Oriente, quam ex Occidente
 sedem Romanam appellarunt. Ita Athanasius primum in sy-
 nodo Tyria, inde in Antiochena damnatus ad Iulium papam
 confugit. Similiter Chrysostomus in synodo damnatus Inno-
 centium

§. VIII. Verum enimvero saeculo sexto & sequentibus canones Sardicenses in ecclesiis Occidentis sensim in auctoritatem admissi sunt, idque opera Romanorum pontificum, qui eorum obseruantiam vrgebant. Quin pontifices sic canones Sardicenses interpretati sunt, quasi in sua esset potestate causas per appellationes ad sedem apostolicam delatas Romae iudicare, vel in prouinciis iudicandas transmittere, misso a latere legato. Gregor. M. lib. II. ep. 6. & 47. Item post saeculum decimum vltius

eum i. appellauit. Eutyches quoque in Constantinopolitana S. Flauiani synodo damnatus ad iudicium maiorum episcoporum, in primis Leonis M. protocauit: ad quem etiam confugerunt S. Flavianus patriarcha & Theodoritus episcopus Cyri, quos synodus Latrocinii Ephesini damnauit. Quibus aliisque multis exemplis Gelasius pontifex in *epist. ad episc. Dardaniarum* docet, sedem apostolicam potestate auctam esse de causis per synodos iudicatis cognoscere.

Longioris esset operis, si haec & alia, quae adferri solent, appellationum ad summum pontificem exempla sigillatim expendere vellem: tantum generales quasdam obseruationes proponam, vnde facile constet, cuius ponderis eiusmodi appellationes fuerint. Principio ab exemplis canonicis appellationum vsus vix erui posse videtur, quando canones exstant, qui antiquam iudiciorum formam eam fuisse demonstrant, vt causae in prouinciis finiri debeant. Praeterea in veteri disciplina episcopi damnati saepe confugiebant ad pontificem, non proprie appellantes, sed potius eius auxilium implorantes, utpote qui in synodis per vim damnati erant, vt Arianasii & Chrysostomi exemplis constat: & hinc non ad solum pontificem recurrabant, sed ad aliarum magnarum sedium episcopos, vt omnes veluti coniunctis viribus oppressos ruerentur. Item appellati ab episcopis damnatis pontifices de causa proprie non iudicabant, nec latas sententias rescindebant; sed illas saepe improbant, veluti quae contra canones latae ipso iure nullae erant, quod non solum praesidi apostolico facere licet, sed & cuicumque pontifici, vt Gelasius papa *epist. ad Faustum* loquitur. Demum appellati pontifices id agere solebant, vt per principes generalia concilia cogerentur, in quibus latae sententiae possent retractari, vt in causa Chrysostomi videre est.

rius res processit; nam etiam inferiorum clericorum appellationes ad pontificem admissae sunt, & praeterea causae depositionis episcoporum synodis provincialibus ablatae primo iudicio sedi Romanae cesserunt. Tanta mutatio putidis Isidori Mercatoris mercibus debetur, in quibus edicitur, clericos omnes Romanam sedem libere posse appellare, *can. 4. & 8. C. 2. q. 6.*, & praeterea de causis episcoporum statuitur, episcopos inconsulta Romana sede non esse damnandos. Ex qua doctrina deinceps in summis saeculi decimi & sequentis turbis episcoporum depositiones summo pontifici reſeruatae sunt. Gregor. vii. *dict. cap. 3.*

§. IX. Iure ciuili tantum a sententia definitiua licebat appellare, non item ab interlocutionibus, nisi istae vim sententiae haberent, aut graue & irreparabile damnum inferrent, *L. 39. D. de minoribus, L. 2. D. de appellat. recipiendis, L. 18. C. Th. quorum appellat. non recipiantur*. At iure decretalium & a sententia & a quavis interlocutione etiam simplici, qua acta iudicialia ordinantur, admittitur appellatio, *cap. 12. ex. de appellationibus*. Quin eodem decretalium iure vltius res processit, & appellationes etiam admissae ab actibus extraiudicialibus, *cap. 8. de appellat. in 6.* Frequentia ista appellationum ecclesiasticae disciplinae ruinam promouit: inde enim in longum lites productae, grauissima scelera praesidio appellationum nec emendata, nec castigata, & neruus censurarum fractus: quae incommoda S. Bernardus *lib. III. de considerat.* & Hildebertus Turonensis *ep. LXXXII. ad Honorium II.* recensent & deplorant.

§. X. Licentia appellandi etiam ab omnibus interlocutionibus diu stetit, tandem vero in concilio Tridentino saltem ex parte emendata est edito decreto, ne appellationes ab ordinariis interpositae a superioribus recipiantur, nisi a definitiua, vel definitiuae vim habente, & cuius grauamen per appellationem a definitiua reparari nequit. Trident. *ses. XXIV. de res. cap. 20.* Ita sublatae appellationes a quacumque interlocutione, passimque tradunt interpretes, hac in parte ius canonicum ad terminos iuris ciuilis redactum esse. Verum quis crederet! etiam post hoc decretum frequentia appellationum inter-

Pars III.

Sf

pre-

pretatione prudentum seu potius imprudentum remansit. Etenim quum synodus Tridentina ab interlocutionibus, quae grauamen inferrent per sententiam haud reparabile, appellari permetteret; interpretes plus aequo regulam hanc extendentes, docuerunt, idem ius esse, si damnum per sententiam reparari quidem possit, sed cum magna difficultate, aut partis praeiudicio, aut tantum ex parte. V. *Espen. par. III. tit. 10. cap. 1.*

§. XI. Multum vero interest inter appellationem a definitiua & ab interlocutione. Principio appellatio a definitiua iudicis, vnde appellatum est, omnino iurisdictionem suspendit, *L. 3. C. de appellationibus, cap. 7. de appellationibus in 6.*; at appellatio ab interlocutione iudicis inferioris non suspendit iurisdictionem, nisi hic interpositae appellationi detulerit, aut iudex superior litteras inhibitionis dederit, *cap. 5. Et 7. eodem*, aut interlocutio damnum irreparabile contineat. Item in appellatione a definitiua causam, cur appellatum sit, exprimi non est opus, *L. 2. D. de appellationibus*, in appellatione ab interlocutione causa exprimenda est, *cap. 59. ex. de appellationibus*. Item appellatio a definitiua, si in continenti fiat & apud acta, etiam nuda voce & simplici verbo appello fieri potest, *cit. L. 2.*, contra appellatio ab interlocutione omnino in scriptis proponenda est, *cap. 2. eodem in 6.* Porro qui appellat a definitiua, etiam non expressas causas prosequitur, & appellationem nouis probationibus instruit; at qui appellat ab interlocutione, non potest alias causas prosequi quam in appellatione dumtaxat expressas, *Clement. 5. de appellationibus*, nec nouis probationibus utitur.

§. XII. Licet vero appellare non tantum damnato, aut alias iniqua iudicis sententia grauato, verum etiam omnibus, quorum interest, sententiam latam non esse, *L. 4. D. de appellationibus, cap. 16. ex. de electione*. Ita si emtor de proprietate victus est, & cesset, venditori licet prouocare: nam eius causa agitur, quum emtori possit esse contra venditorem regressus: qua eadem ratione, iure appellat fideiussor, si principalis debitor victus cesset. Quilibet quoque potest appellare pro eo, qui capite damnatus est, etiam si damnatus perire festinans, ap-
pella-

CAP. XXVIII. DE APPELLATION. 643

pellationi reluctetur, *L. 6. D. eodem*; ratio enim communis officii ab hominibus poscit, ciues in discrimine vitae positos in iudiciis ueri.

§. XIII. Appellatio inter appellatoria tempora proponenda & peragenda est, quae tempora etiam *fatales dies* dicuntur, quod eorum lapsu veluti fato quodam illa perimatur. Sunt vero eiusmodi appellatoria tempora quatuor, vnum est tempus ad appellandum, alterum ad petendos libellos dimissorios, tertium ad introducendam appellationem apud iudicem superiorem, & quartum ad eam prosequendam & finiendam. Et quod spectat ad primum iure ciuili imperatoris Iustiniani appellari debet intra decem dies a *sententiae recitatione* numerandos, *no. vel. XXIII. cap. 1.*, quod ius Innocentius III. confirmavit, *cap. 15. ex. de sent. & re iudicata*. Ait quidem Iustinianus, appellandum esse intra decem dies a *sententiae recitatione*; at id tempus nequaquam currit ignoranti, nec ei, cui interim deest, coram quo appellet, *L. 1. §. 7. & ult. D. quando appellandum*. Et fortasse id statuit imperator, quod partes sententiae recitationi praesentes supponeret. Currit vero concessum tempus a momento ad momentum, & idcirco potest euenire, vt decimus dies in vndecimum desinat.

§. XIV. Appellatione proposita appellans petere debet dimissorios libellos, seu litteras, quae ab iudice inferiore ad superiorem dantur, quibus scribens significat, a sententia, quam ipse dixit, fuisse appellatum, & simul causam ad superiorem dimittit. Libelli dimissorii etiam *apostoli* dicti sunt, quasi libelli missi, *L. vn. D. de libellis dimissoriis*. Apostoli intra triginta dies *ex die latae sententiae* petendi sunt, & ab iudice, vnde appellatum est, litigatoribus exhibendi: quod & ciuili & decretalium iure cauetur, *L. 24. C. de appellationibus, cap. 6. de appellationibus in 6*. Verba vero illa *ex die latae sententiae* multi ita accipiunt, quasi scriptum sit, *ex die scientiae latae sententiae*, quae doctrina verior est. Sed potest iudex, vnde appellatum est, certum tempus ad petendos & recipiendos apostolos litigantibus statuere, *Clement. 2. de appellationibus*, modo legitimum tempus contrahat. Intra hoc tempus litigator *instanter & saepius*

pius petere apostolos debet, ne appellationi renuntiasse videatur. Sed moribus praesentibus praesertim in foro saeculari ferme nullus est apostolorum vsus, & appellatio proponitur apud iudicem superiorem, qui recepta appellatione iudici inferiori praecipit, ne vltius in causa procedat, & acta transmittat.

§. XV. Acceptis litteris dimissoriis, qui appellauit, adire maiorem iudicem debet, & apostolos offerre: idque iure ciuili pro varia locorum & iudicum ratione non eodem temporis spatio faciendum erat, *L. 1. 2. & vlt. C. de temporibus appellationum*. Sed hoc varium tempus gentium moribus vix seruari potuit: nec ea de re aliquid certi in decretalibus habetur. Itaque id tempus iudex, vnde appellatum est, pro arbitrio suo spectatis locorum & temporis adiunctis praestituet, *Clement. 4. de appellationibus*. Exhibitis vero iudici maiori libellis dimissoriis, appellans instat, vt appellatio recipiatur, pars aduersa ad certum terminum citetur, & iudex, vnde appellatum est, inhibeat.

§. XVI. Introducta apud maiorem iudicem appellatio iure ciuili & decretalium anno, & ex iusta causa biennio instrui & finiri debet, *L. vlt §. 4. C. de temporibus appellationum, cap. 5. ex. de appellationibus*. Vnde id tempus incipiat, non conuenit inter iuris ciuilis interpretes; at iure decretalium ab interposita appellatione incipit, *cap. 8. ex. eodem, Clement. 3. de appellationibus*. Sed nimia causarum frequentia fecit, vt praescripto tempore causae appellationum finiri nequeant.

§. XVII. Appellatio iure interposita iudicis, vnde appellatum est, iurisdictionem suspendit, & causam ad maiorem iudicem deuoluit, *L. 32. §. 4. C. de appellationibus, cap. 55. ex. de appellationibus*. Et hinc pendente appellatione iudex inferior nihil potest innouare: & si quae innouauerit, a maiore iudice ante omnia in pristinum reducuntur, *L. vn. D. nihil innouari appellat. interposita, cap. 7. de appellationibus in 6.* Suspenditur vero iudicis inferioris iurisdicatio, si a definitiua appelletur; nam appellatio ab interlocutione tum id operatur, si maior iudex illi prohibuerit, ne vltius in causa procedat, *cit. cap. 7.* Verum aliquando nec appellatio a definitiua in-

CAP. XXVIII. DE APPELLATION. 645

inferioris iudicis iurisdictionem suspendit, veluti si appelletur a sententia irrogatarum censurarum, *cap. 53. ex. de appellationibus, cap. 20. de sent. excommunicationis*, itemque si appelletur in causis emanationis morum, nisi formam in talibus seruandam antistites excefferint, *cap. 3. ex. de appellationibus*. Et in his casibus appellatio dicitur habere effectum *deuolutiuum*, non vero *suspensiuum*.

§. XVIII. Ex regulis iuris ciuilibus ante Iustinianum receptis semel tantum in vna eademque causa licebat prouocare. At ex lege Iustiniani vni eidemque litigatori in eadem causa & in iisdem articulis semel, atque iterum appellare concessum est, non item tertio, *L. vn. C. ne liceat in vna eademque causa*: quae regula in decretalibus confirmatur, *cap. 39. ex. de appellationibus*. Et certe qui tertio prouocat ab eadem sententia, videtur malam causam sustinuisse, & praeterea modum aliquem litibus esse oportebat. Quod vero vnicuique litiganti semel & iterum licet prouocare, in vna eademque causa quatuor appellationes possunt interponi, quod vbi fiet, ea sententia executioni datur, quae bis confirmata est.

§. XIX. Appellatio autem interponi debet ab iudice, qui sententiam dixit ad superiorem, & quidem proximum: appellationes enim gradatim interponendae sunt, & si appelletur per saltum omissio iudice intermedio, ad eum remittitur appellatio, qui appellari debuisset, quod iure ciuili cauetur, *L. 21. D. de appellationibus*. Semel enim recepti iudicium & iurisdictionis gradus custodiendi sunt, ne iudicia incerta fiant. Nec aliter habent pontificum decretales, si de iudiciis pontifice inferioribus agatur, *cap. 66. ex. de appellationibus*: nam eodem decretalium iure ad summum pontificem eiusue legatum omissis iudiciis intermediis appellationes permittuntur, *cap. ult. ex. de foro competentis, cap. 7. ex. de appellationibus, cap. 1. ex. de officio legati (d)*.

S I 3

§. XX.

(d) Praerogativa ista summi pontificis primum proposita videtur in falsis decretalibus sub nomine Sixti, Marcelli, Zephyrini ac Iulii pontificum, *can. 4. seqq. C. 2. q. 6.*, quibus edicitur, licere omnibus in sui defensionem libere sedem apostoli-

cam

§. XX. Sunt vero nonnullae caussae, in quibus appellare non est necesse, aliae in quibus appellatio iure denegatur. Et quidem toties superfluum est appellare, quoties sententia est ipso iure nulla: quod enim nullum est, rescindi nequit: & omnis appellatio supponit sententiam valere, & aliquod grauamen inferre, licet sit iniqua. Interest quippe an sententia sit nulla, an iniusta; nam illa iure non consistit, ac ideo rescissione non indiget; haec vero iure valet, & hinc per appellationem rescindenda venit. Ergo superfluum est appellare, si sententia ab incompetente iudice lata sit, *L. ult. C. si non a competente iudice*, aut si a competente quidem, sed contra receptum iudiciorum ordinem, *L. 4. C. de sententiis & interlocutionibus*, aut si directo contra leges prolata expressum iuris errorem contineat, veluti si iudex dixerit, testamentum ab impubere conditum valere, *L. 1. §. 2. D. quae sententiae sine appellatione*. Ita contra sententias nullas sufficit nullitates proponere, vel contra eas de nullitate excipere.

§. XXI. Causae vero; ubi appellationes non recipiuntur, sunt illae, in quibus moratoria potius, quam ex causa iniquitatis appellatio interposita videtur. Ergo denegatur appellatio in notoriis, *cap. 5. §. ult. & cap. 13. ex. de appellationibus*, a sententiae executione, nisi in ea modus excedatur, *L. 5. C. quorum appellationes, cap. 15 ex. de sententia & re iudicata*, & in causis disciplinae & emendationis morum, *cap. 3. & 32. ex. de appellationibus*, nisi nimius excessus adsit. Item non auditur appellans, qui testibus & argumentis conuictus crimen fatetur, *L. 2. C. quorum appellati. non recipiantur*: item qui ob veram contumaciam damnatus est, *L. 1. C. eodem*: item qui sententiam quoquo modo probauit, *cap.*

2.

cam appellare, quae veluti communis mater omnes excipit, & ab oppressionibus tutos facit. Tota vero ista appellandi ratio ad pontificem omisso medio ex Espenii sententia originem habet ex doctrina illa, quae habet, Romanum pontificem esse ordinarium ordinariorum, siue auctoritatem etiam episcopalem & metropolitancam in omnes particulares ecclesias habere.

CAP. XXIX. DE IN INTEG. REST. 647

2. ex. de offic. delegati, vel se non appellaturum iuravit, cap. 2. ex. de appellationibus, nec recipitur eius appellatio, qui tribus conformibus sententiis damnatus est, L. un. C. ne liceat in una eademque causa, cap. 65. ex. de appellationibus.

C A P V T XXIX.

De in integrum restitutione.

§. I. **Q**ui appellationis remedio destituuntur, auxilio restitutionis in integrum contra iudicis sententiam iuvantur, non tamen omnes, nec semper, sed qui id beneficium intra legitimum tempus petere possunt. Restitutio in integrum est redintegrandae rei, vel causae actio, quae laesis beneficio magistratus ob iustam causam conceditur. Sane restitutio in integrum decreto magistratus ex causa datur, & quidem ubi aliud remedium non suppetit; nam si actus ipso iure non subsistit, aut alias praesto est civile remedium ordinarium, in integrum restitutio dari non solet, L. 16. D. de minoribus, L. 2. C. de filiosam. minore. Atque hinc patet, cur restitutio in integrum remedium extraordinarium dicatur, quatenus nempe in subsidium & aliis actionibus deficientibus conceditur.

§. II. Restitutio in integrum iure Romano ex causa conceditur laesis tam in iudicio, quam extra iudicium. Et quod spectat ad in integrum restitutionem, quae laesis iudicio conceditur, (restitutio competens laesis extra iudicium non est huius loci) ea iuvantur minores, qui sententia iudicis, vel in iudicii cursu se laesos ostenderint. Iure minoris censentur respublica, ecclesia, hospitalia & alia loca pia ecclesiastica, quae ubi laesa sunt, in integrum restituuntur. L. 4. C. quibus ex causis maiores, L. 3. C. de iure respublicae, cap. 1. & 3. ex. de in integrum restitutione. Conf. Gonzalez in cit. cap. 1. Restituitur ecclesia & contra priuatos homines & contra aliam ecclesiam, modo quae restitutionem petit, agat de

damno vitando, altera de lucro captando, *cap. 2. & seq. ex. eodem*: nam si vtriusque par sit conditio, vna ecclesia contra aliam non restituitur.

§. III. Peterè debent in integrum restitutionem minores intra quadriennium continuum, ex quo minores esse desierint, *L. ult. C. de tempor. in integr. restitutionis*, ecclesia vero & aliae societates, quae iure minorum censentur, intra quadriennium a tempore cognitae laesionis, *cap. 2. de restitut. in integrum in 6.* Quod si legitimum tempus elapsum sit, ecclesia non restituitur, nisi praevocationis, aut manifestae fraudis commentum interuenisse probet, aut aliam causam alleget, quae iudicem ad restitutionem concedendam mouere possit, *cap. 1. eod. in 6.* Currit vero tempus, tam si actione, quam si exceptione restitutio petatur, *cit. cap. 1.*, quamuis enim regulariter omnes exceptiones perpetuae sint; tamen haec regula locum non habet in iis, quae per modum actionis proponi possunt.

§. IV. Effectus postulatae in integrum restitutionis est, vt omnia in suo statu stare debeant, donec cognitio finiatur, *L. vn. C. in integrum restitut. postulata, ne quid noui fiat*: ideoque impeditur sententiae executio, perinde ac si appellatio interposita fuisset. Restitutione inde impetrata, omnia in pristinum statum reducuntur, laesio aboletur, & quisque quae sua sunt, recuperat, *L. 24. §. 4. D. de minoribus*; etenim restitutio impetrata non tantum impetranti prodest; verum etiam ei, contra quem conceditur, sua iura restituit.

C A P V T . XXX.

De apostasia.

§. I. **C**Rimina ex regulis nouae disciplinae vel ecclesiastica, vel civilia, vel mista sunt. Ecclesiastica fidem & religionem directe laedunt, eorumque natura ex canonibus determinatur, qualia apostasia, haeresis, schisma,

isma, simonia, sacramentorum profanatio, sigilli sacramentalis fractio, & huius generis alia. Ciuilia sunt, quae directe laedunt rempublicam, nec aliquid habent spirituale, nisi criminis in foro interno absolutionem & poenitentiam, qualia homicidium, peculatus, plagium, furtum. Et demum mista, quae eodem tempore rempublicam & religionem laedunt, qualia esse dicuntur adulterium, concubinatus, sodomia, sacrilegium, sortilegium, crimen vsurarum. In veteribus canonibus & decretalibus Gregorii ix. ferme de omnibus criminibus tractatur, sed quatenus spectat canonicas poenas, & eas quae in iudiciis ecclesiasticis irrogabantur. Nos hic tantum de praecipuis ecclesiasticis criminibus agemus, non vero de ciuilibus & mistis: ecclesiastica enim crimina propria sunt iuris canonici, eorumque natura tantum ex canonibus aestimatur & definitur.

§. II. Maximum inter ecclesiastica crimina apostasia est. Generatim apostasia est desertio, apostata vero desertor: at speciali notione praesertim apud Graecos patres apostasia denotat a fide christiana, quam quis in baptismo professus est, desertionem. Quin latiore sensu apostasiam etiam admittere censebantur catechumeni, qui a catechesi desciscientes, ad aras & templa transibant, *L. 2. C. Th. de apostasia*; licet longe maius crimen esset illuminatorum seu fidelium apostasia. Nempe in veteri disciplina catechumeni edito christianae religionis suscipiendae desiderio generale christianorum nomen consequabantur, eorumque multi etiam finito catechesis tempore baptismum usque differebant, & interim tamquam christiani in multis rebus habebantur. Vt vero apostasia admitatur, sufficit christianam religionem reliquisse, nec requiritur ad aliam transitus: & profecto apostatis peiores videri possunt, qui Christo relicto nullam deinceps religionem profitentur, Deum non esse impie delirantes.

§. III. In veteri ecclesiae disciplina apostatae duplicis generis erant, alii enim sponte sua & taedio christianae religionis adfecti, alii metu coacti a Christo deficiebant. Et quod spectat ad vltroneos apostatas, ii vel ad ethnicos, vel ad Iudaeos, vnde ad Christum conuersi erant, vt plurimum transibant. Qui ad ethnicam superstitionem

nem reuertebantur, a magistratibus vocati, vt plurimum Deorum imagines venerabantur, & Christo maledicebant: quae erat eiuratio christiana religionis ab ethnicis exigi solita, vt ex Plinio Iunior *lib. X. ep. 97.* constat, qui de christianis, qui sponte sua ad idola transierant, ita ad Traianum refert: *Omnes & imaginem tuam deorumque simulacra venerati sunt, ii & Christo maledixerunt.*

§. IV. Qui deserta christiana religione ad Iudaeos transibant, non omnes eiusdem conditionis erant. Alii nempe, christiana religione prorsus eiurata, Iudaicam amplectebantur. Alii christianam religionem non penitus abiiciebant, sed eam cum Iudaica commiscebant, & inde veluti hybridam religionis speciem comminisciebantur, quod Cerinthianos, Nazaraeos, Ebionaeos aliosque haereticos fecisse Augustinus *de haeresib. cap. VIII. seqq.* testatur. Alii demum nullum Iudaicae religionis dogma amplectebantur, sed in remotioribus quibusdam ritibus & consuetudinibus Iudaeis adhaerebant; ac ita in sabbato otiabantur more Iudaico, conuiuia cum Iudaeis agitant, eos adibant ad recipienda philacteria & amuleta pro morbis curandis, in quibus Iudaei peculiarem & potentiorum artem possidere credebantur.

§. V. Venio nunc ad eos, qui metu coacti & vi tormentorum oppressi a religione christiana desceſcebant, & proprio nomine lapsi dicebantur. Erant lapsi alii *thurificati*, alii *sacrificati*, alii *libellatici*: quae vocabula in operibus Cypriani saepe occurrunt. Thurificati dicebantur, qui diis *thure & vino supplicauerant*, vt Plinius Iunior *lib. X. ep. 97.* habet: thuris enim suffitus & vini libatio duae erant partes sacrificiorum, quae diis offerebantur, & inde euident deserta christiana religionis signum thurificatio habebatur. Sacrificati erant, qui *sacrilegis contactibus manus suas atque ora maculassent*, vt Cyprianus *ep. XV. al. XX. ad clerum Roman.* loquitur, hoc est carnes diis immolatas comederant: signum enim idolatriae erat idolothyta, seu res idolis immolatas, praesertim in templo comedere. Sed non omnes siue thurificati, siue sacrificati eandem apostasiam admittebant, maius enim, aut minus crimen ex adiunctis censebatur: intererat enim, utram laeta & vestibus pretiosioribus induti,

duti, & primo impetu fracti, an potius toti ad moestitiam compositi, & longioribus tormentis compulsi a Christo defecissent.

§. VI. Libellatici nec thure, nec sacrificiis professam religionem deserebant, at rei erant apostasie, quod libellis religionem abnegarent. Eorum tres species ex receptiore sententia videntur fuisse. Nonnulli magistratibus se non esse christianos aperte profitebantur, religionem suam vel voce, vel libellis negantes, seque idolis sacrificare paratos esse adfirmabant, si a magistratu iuberentur. Alii nec abiurabant, nec libellum abiurationis ipsi exhibebant, sed vel amicum ethnicum, vel seruum imitabant, ut ipsorum nomine sacrificaret, & hoc ipso libellum securitatis a magistratu ipsis impetraret, quasi fecissent, quod ipsorum nomine alii fecerant. Alii demum aperte Christum profitebantur, & perspicientes, quod praesidis ira pecunia & muneribus extinguí posset, muneribus datis sibi libellos securitatis impetrabant, in quibus dicebatur, quod iam sacrificauerant, etsi id nunquam fecissent. Primi & secundi generis libellatici veri apostatae erant; at qui professi christiana religione iram iudicis pecunia exstinguebant, rei tantum erant, quod in libello diceretur, illos iussu praesidum sacrificasse. V. Kortold. *de persecut. eccles. primit. cap. VIII. §. 10. (a).*

§. VII.

(a) Apostatis proprie sic dictis accedebant, qui superstitiosos gentium ritus adiuuabant, vel imitabantur; hi enim idololatriae rei quodammodo erant, & veluti susceptae religionis prodictores. Tales erant christiani, qui flaminis seu sacerdotis ethnici munus in se recipiebant, conc. Illiber. *can. III.*; flaminis enim munus erat populo exhibere ludos & spectacula, quae in deorum cultum edebantur, & ritibus idololatricis scatebant. Item omnes scenici, histriones, aurigae, qui currus in publicis spectaculis agitabant, tamquam fautores & adiutores idololatriae habiti, conc. Illib. *can. LXII. Arelat. 1. can. 4. & 5.*, theatrum enim & publici ludi partes erant pompae & cultus Satanae, cui christiani in baptismo renuntiabant. Eodem crimine se adstringebant idolorum artifices, quique aedificabant, vel ornabant gentium aras, & qui victimas & thus ad idololatriae usum vendebant. V. Bingham. *orig. eccles. lib. XVI. cap. 4.*

§. VII. Quod vero spectat ad poenas in apostatas ab ecclesia decretas, ii praesertim si idololatriae rei essent, ante Cypriani aetatem non solum ecclesia eiecti; verum etiam in fine vitae communione seu absolutione donari non solebant; quae seuerissima disciplina in ecclesiis Romana, Hispaniensi & Africana seruabatur. Tertullian. *de pudicitia cap. V.*, Conc. Illiber. *can. I.* Hac seueritate fideles ecclesia admonitos voluit, vt a lapsu summopere sibi cauere; tempore enim persecutionis necessarium visum est intendere rigorem, *ne communionis concessa facilitas homines de reconciliatione securos non reuocaret a lapsu*, vt Innocentius I. papa loquitur *epist. III. ad Exuperium*. Sed deinceps ab hac seueritate ecclesia desciuit, & apostatis, qui poenitentia ducti ad religionem reuertebantur, absolutionem dedit. Hinc in canonibus varia poenitendi tempora longiora, aut breuiora praescripta sunt; quae varietas a varietate criminis & adiunctorum, quae illud comitabantur, dependet. V. Bingh. *orig. eccles. lib. XVI. cap. 4. §. 5.*

C A P V T XXXI.

De haeresi.

§. I. **H**AERESIS Graecum nomen est, quod sectam denotat, eaque voce Graeci & Latini scriptores etiam ecclesiastici & in bonam & in malam partem vultur. At frequentiore vsu in ecclesiasticis monumentis male sonat; quid vero proprie sit, difficile visum fuit veteribus patribus definire. Aug. *lib. de haeresib. in praef. (a)*. Interim expensis omnibus, quae haereticum ho-

(a) Huius difficultatis ratione idem Augustinus *ep. CXXII. ad Quodvultdeum* putat euenisse, cur Philastrius Brixienis episcopus & Epiphanius de haeresibus scribentes, de haereseon numero non conuenerint. Ille enim haereses populi Iudaici ante
natum

hominem constituunt, sic haeresis describenda videtur, est error in rebus fidei, quo homo christianus sciens prudens doctrinam aliquam, quam ecclesia catholica tamquam fide diuina credendam proponit, deserit, nouamque doctrinam sibi effingit. Tria ergo ad haeresim constituendam necessaria sunt. Vnum, christianus homo debet errare in fide: alterum, doctrina, quae negatur, debet esse ab ecclesia catholica ad credendum proposita: tertium, necessaria est scientia & pertinacia, qua christiana doctrina ab ecclesia proposita reiciatur.

§. II. Quod spectat ad primum, vt haeresis dici possit, requiritur error in iis, quae doctrinae & fidei christianae sunt. Ergo ante omnia videndum, quae sit christiana doctrina, vt quidquid ei aduersatur, tamquam haeresis materia haberi possit. Continetur christiana doctrina in verbo Dei scripto, vel tradito; apostoli enim non omnia scripto consignarunt, sed multa etiam ore docuerunt, quae quasi per manus ecclesia accepit, & omni tempore docuit. Sed non omnia, quae continentur in verbo Dei, pertinent ad doctrinam religionis, sed tantum ea, quae ad dogmata fidei & morum regulas spectant: in rebus enim naturalibus verbo Dei comprehensis Deus locutus est linguam filiorum hominum: nec inde res physicae, geographicae, astronomicae, medicae certo deciduntur. V. Murator. *de moderat. ingenior. lib. I. cap. 23.*

§. III. Praeterea error in rebus fidei tum haeresis est, si pars illa verbi Dei, quam errans impugnat, ab ecclesia catholica tamquam fide diuina credenda proposita sit. *Illud omne & solum est de fide catholica*, inquit Veronius in *reg. fidei cathol. cap. I. §. 1.*, *quod est reuelatum in verbo Dei, & propositum omnibus ab ecclesia catholica fide diuina credendum.* Nimirum quum verbum Dei interpretatione indigeat; nequaquam haeresis dicenda est, si quis dis-

natum Christum viginti octo numeravit, post Christum vero centum viginti octo: hic vero vtriusque temporis haereses octoginta recensuit. Et tamen Epiphanius Philastrio doctior erat. Itaque in ea disceptatione, quid sit haeresis, non idem ambobus videbatur.

diffentiat ab aliqua doctrina fidei verbo Dei comprehensa, quando adhuc ecclesia catholica, cui doctrinae depositum concreditum est, illam non declarauerit & credendam proposuerit. Ex qua doctrina veteres patres tamquam veros haereticos habebant, quotquot conciliorum generalium definitionibus non adquiescebant, quod ecclesiae catholicae iudicium ex comitiis illis habebatur. Et quoniam depositum fidei integrius seruabatur in ecclesiarum principibus & apostolicis, maxime in ecclesia Romana hinc mos fuit veteribus, eos catholicos dicere, qui cum ecclesiis Romana, Alexandrina & Antiochena in fide consentirent, *L. 2. C. Th. de fide catholica (b)*.

§. IV. Item ad haeresis constitutionem pertinacia requiritur, ut nempe quis sciens prudens doctrinam, quam ecclesia catholica veluti in verbo Dei comprehensam credendam proponit, abiiciat, & in oppositam sententiam pertinaci animo feratur. Nam si quis in fide per simplicitatem aut ignorantiam erret, putans esse de fide & ecclesiam ita tenere, nec dici, nec iudicari potest tamquam haereticus, *can. 29. C. 24. q. 3*. Quo spectat Augustini sententia, *errare possum, sed haereticus non er* quia scilicet non ero in errore pertinax, sed eo cognita in sinum matris me coniciam. Hinc recte synodus Lateranensis sub Innocentio III. damnatis abbatibus Ioachimi opinionibus, ipsum nihilominus ab haeresi absoluit: Ioachim enim omnia scripta sua iudicio sedis apostolicae approbanda, aut corrigenda supposuit, *cap. 2. ex summa Trinitate & fide catholica*.

§. V. Nec tantum haeretici sunt, qui pertinaci animo

(b) Atque ex his omnibus intelligitur, cur olim complures patres dogmata nonnulla tenuerint, quae verbo Dei aduersantur, nec tamen inter haereticos relati sint. Sane ante exortam haeresim Arianam quidam ex patribus de Christo & sacrosancta Trinitate minus caute scripserunt; itemque multi veterum doctrinam de regno Christi mille annorum in terris tenuerunt. Nimirum ecclesia catholica nondum omnia ad Christum eiusdem regnum pertinentia ventilauerat, nec apertis conceptisque formulis doctrinam christianam proposuerat.

mo doctrinis fidei contraria sentiunt, verum etiam qui in fide dubitant. *Dubius in fide infidelis est*, inquit Stephanus papa, seu quisquis sub eo nomine later, *cap. 1. ex. de haereticis*. Sane qui sciens dubitat de fide ecclesiae catholicae, hoc ipso ex pertinacia peccat in fidem, quae docet, extra dubitationem esse, quae catholica ecclesia veluti fide diuina credenda proponit. Dubius vero in fide non tantum dicitur, qui de vniuersa christiana doctrina dubitat; verum etiam qui aliquem fidei articulum in dubitationem adducit.

§. VI. Praeter crimen haeresis datur etiam crimen suspecti de haeresi, cuius rei sunt, qui ex coniecturis & indiciis in fide obstinato animo errare praesumuntur. Est vero suspicio de haeresi triplex, levis, vehemens & violenta. Levis deducitur ex signis externis operum, vel verborum, ex quibus raro admodum haeresis praesumi potest, veluti si quis semel haereticorum conuenticulis interfuerit. Vehemens desumitur ex argumentis saepe concludentibus, quae proinde iuris praesumptionem inducunt, & nisi contrarium probetur, fere plenam efficiunt probationem, veluti elus carniū die prohibito, & errorum prolatio in rebus fidei. Violenta demum suspicio operatur iuris & de iure praesumptionem, contra quam nulla admittitur probatio, & sufficit, vt quis tamquam haereticus damnetur, veluti si quis haereticorum conuenticula frequentarit, & si qui suspecti de haeresi nolint iureiurando se purgare, vel haeresim abiurare, & inde excommunicati per annum in excommunicatione persistant, *cap. 13. §. 2. ex. de haereticis, cap. 7. eodem in 6.*

§. VII. Multae in haereticos poenae tam ab ecclesia, quam a civili potestate statutae sunt. Et ecclesia quidem sollemne anathema in haereticos dixit, eosque christiana communione priauit. Id autem fecit ecclesia, vt christiani melius sibi ab haereticis cauerent; nam alioquin haeretici errorum monstris & peruicacia sua ab ecclesiae communione separationem fecerant. Praeterea ex ecclesiae regulis haeretici, si clerici sint, omnibus officiis ecclesiasticis priuantur, & perpetuo deponuntur: & generatim haeretici sunt a canone alieni, siue in haeresi baptizati sint, siue post baptismum in catholica fide acceptum

ptum in haeresim inciderint; reuersi enim in catholicam ecclesiam tamquam laici recipiuntur, sacri ministerii in perpetuum expertes. Conc. Illiber. *can. LI.*, Innocent. I. *ep. XVIII. ad Alexandr. Antioch.* Quin iure decretalium etiam liberi haereticorum paternae lineae vsque ad secundum gradum, maternae vsque ad primum ab omnibus ecclesiasticis beneficiis excluduntur, si parentes haeretici persistant, aut in haeresi decesserint, *cap. 15. de haereticis in 6.*

§. VIII. Poenae civiles a summis imperantibus in haereticos decretae plures sunt, & varii generis, nec omnes in cuiusvis sectae haereticos latae sunt. Generatim vero ex legibus Romanis haeretici infamia notati, item intestabiles facti, id est testamenti condendi in quamcumque personam criminis societate coniunctam, vel ex aliorum testamentis capiendi facultate spoliati. Item donandi, donationesque capiendi iure multi haereticorum privati: multi quoque poenae pecuniariae subiecti, nisi ad catholicam ecclesiam redirent. Et vt alias consimiles poenas mittam, iure Romano etiam nonnulli haeretici ultimo supplicio adfecti, quales Encratitae, Saccophori & Hydroparastatae, qui omnes Manichaeorum erroribus conspurcati erant, *L. 9. C. Th. de haereticis*: item qui quemquam de ministris ecclesiae catholicae rebaptizarent, tum & ipsi rebaptizati, si criminis per aetatem capaces essent, *L. 2. C. ne sanctum baptismum iteretur*. Auxit vero in haereticos seueritatem Fridericus II. imperator, qui haereticos omnes morte & igne persecutus est, si in haeresi essent peruiaces, haeresim inter publica crimina recensuit, & eorum bona publicari iussit, vt ex edictis apud Petrum de Vineis & Goldastum constat (c).

§. IX.

(c) Huiusmodi constitutiones ad imperium pertinent, at praeterea Fridericus peculiarem constitutionem in regno Siciliae vulturam edidit, qua easdem poenas contra haereticos proposuit. Exstat haec peculiaris constitutio in libris constitutionum regni sub titulo *de haereticis & patarenis*. Friderici aetate haeretici Occidentis generali nomine *Patareni* seu *Patarini* dicebantur, fortasse a patiando, quod dura quaeuis pati vellent ad suorum dogmatum defensionem; licet alii alias originationes praeferant.

§. IX. Quamuis vero poenae, quae salua vita in haereticos irrogantur, vtilis esse possint (d); tamen poena mortis cum ecclesiae doctrina & humanitate parum conuenit. Ecclesiae est dispersas oues Deo lucrari, ac proinde potius spatium ad poenitentiam & conuersionem haereticis deprecari, quam eorum accelerata morte spem conuersionis omnino amputare. *Nullis bonis in catholica ecclesia hoc placet*, inquit Augustinus *lib. III. contra Crescon. cap. 50.*, *si usque ad mortem in quemquam, licet haereticum, saeuatur*. Quod si olim ob haeresim aut alias ecclesiasticas causas magistratus reos capite damnarint, aut imperatores legibus suis in haereticos poenam mortis statuerint; iudicia & leges istas numquam ecclesia probauit. Et si in posteriori disciplina ecclesiastici iudices reos haeresis magistratibus morte puniendos tradere consueuerint, vitia ista sunt hominum; non ecclesiae.

§. X. Iam si haeretici poenitentia ducti in sinum catholicae ecclesiae reuerti velint, recipiuntur quidem, sed ante omnia ex veteribus institutis peruersam doctrinam debent eiurare, & catholicam fidem profiteri. Conc. Nicaen. *can. VIII.*, conc. Constantinop. *1. can. 7.* Facta eiuratione, qui in haeresi nati & baptizati erant, recipiebantur non per poenitentiam, sed per manuum impositionem, & si in haeresi chrismate vncti non essent, etiam per sacri chrismatis vnctionem. V. Petr. de Marca *not. in conc. Claramont. can. XXVIII.* Ex veterum enim sententia baptismi apud haereticos suscepti efficacia in su-

Pars III.

T t

sponso

(d) Nimirum haeretici harum poenarum metu perterriti melius in rationes suorum dogmatum inquirunt, & ira doctiores facti in sinum ecclesiae reuertuntur. Constat quidem, multos inter angustias & afflictiones bonam mentem induisse, quod malis veluri excitati acius in res suas animum intenderint, easque nullo fundamento nixas inuenerint. Ipse Augustinus, qui vim adhiberi ob errorem Donatistis initio aequum non esse putabat, inde experientia victus agnouit; vtilis esse contra haereticos poenas pecuniarias. August. *epist. L. ad Bonif. & epist. LXVIII. ad Ianuar.*

spenso erat, & tum demum operabatur, si haeretici, depositis erroribus, ad ecclesiae vnitatem reuerterentur. August. *de bapt. lib. VI. cap. 9.*, Gregor. M. *lib. IX. ep. 61.* Hinc vbi in haeresi baptizati ad ecclesiam catholicam transibant, per baptismi olim suscepti vim gratia implebantur, nec poenitentia indigebant. Contra qui baptizati & educati in fide catholica in haeresim lapsi essent, si in catholicam reuertebantur, per poenitentiam recipi solebant. Bingh. *orig. eccles. lib. XVI. cap. 6. §. 17. seqq.*

C A P V T XXXII.

De schismate.

§. I. **S**chisma etiam Graecum nomen est, & scissuram seu diuisionem denotat. At in re ecclesiastica schisma stricte sic dictum est dissociatio vnitatis ecclesiasticae ex intestinis discordiis contingens, integra tamen christiana doctrina remanente. Hinc Pelagius papa recte ait, schismaticos *corpus Christi, hoc est sanctam ecclesiam, lacerare*, *can. 43. C. 23. q. 5.* Quod vero schisma integram relinquit ecclesiae doctrinam; hinc schismatici proprie haeretici non sunt, *can. 26. C. 24. q. 3.* at schisma; si diu ecclesiam dilaceret, in haeresim solet degenerare; nam peruicaciae continuatio ecclesiae auctoritatem contemnit, ipsique schismatici obstinato animo profitentur, extra ecclesiae vnitatem esse posse salutem: quod ecclesiae catholicae doctrina non patitur. Quin Hieronymus *cit. can. 26.* obseruat, schismaticos proprium aliquod dogma sibi conficere solere, vt recte ab ecclesia recessisse videantur.

§. II. Quod vero schisma ecclesiae vnitatem abrum-
pit, & vnitas ecclesiae in eo consistit, quod cum sua quisque ecclesia, & ecclesiae ipsae particulares inter se coniunctae & subordinatae esse debent; hinc veluti duo schismatis genera constitui possunt, internum vnum, alterum externum. Et internum quidem, si quis ab ecclesia

eclesia sua secessionem faciat, eamque excitatis turbis in diuerfos coetus dissoluat. Ita dissidii interni reus censetur presbyter, qui contempto episcopo suo seorsum congregationem faciat, & aliud altare figat, *can. apost. XXXII.* Separationem istam presbyteri ab episcopo suo *schismaticorum ortus atque conatus* Cyprianus *ep. LV. al. LIX. ad Cornel.* appellat. Tum vero ex veterum sententia schismaticus est presbyter, qui ab episcopo suo seorsum congregationem facit, si ob contemptum, aut inuidentiam, aut auaritiam separatio contingat; nam si episcopus in pietate & iustitia peccet, christiani a peccatore praeposito recte se separabunt. *Cypr. ep. LXVIII. al. LXVII.*

§. III. Externum schisma est, ubi ecclesiae particulares, quae mutuis foederibus & subordinatione inter se connexae sunt, communionem inter se propter intestinas discordias abruptunt, nec amplius vnā maiorem ecclesiam componunt, sed potius tot coetus, quot sunt ecclesiae, inuicem dissidentes. Atque hoc schisma tum vniuersale est, si ecclesia aliqua, seu aliqui christiani ab unitate totius ecclesiae catholicae recedant, quales fuerunt olim Donatistae. Censentur vero recessisse a communione totius ecclesiae, qui recedunt ab omnibus, aut maxima parte particularium ecclesiarum, quae ecclesiam catholicam componunt. Qua ratione Optatus Mileuitanus *lib. I. aduers. Parmenian.* Donatistas schismaticos esse probat, quod ab ecclesiarum totius orbis communione discesserant. *Videndum est, inquit, quis in radice cum toto orbe manserit, quis foras exierit (a).*

T t 2

§. IV.

(a) Quoniam vero ecclesia Romana centrum est ecclesiasticae unitatis, eiusque antistes reliquorum episcoporum caput est constitutus ad schismatum occasiones tollendas, ut habet veterum patrum doctrina; profecto schismatici dici non possunt, qui summo pontifici tamquam capiti totius ecclesiae adhaerent, & ei communione iunguntur; & contra schismatici audiunt, qui ab eo unitatis centro recedunt. Sed si qui cum ecclesia Romana, ut particularis ecclesia est, non communicant, nequaquam tamquam vniuersalis schismatis rei argui possunt, modo cum aliis ecclesiis communionem foueant, quod Nicolius de unitate eccles.

§. IV. Quod spectat ad poenas contra schismaticos, ecclesiae canones de schismate & haeresi eodem ferme modo loquuntur, & utrosque iisdem ferme poenis addiunt. Etenim licet schisma possit esse sine haeresi, tamen ut plurimum haeresim coniunctam habet, aut in eam erumpit. At si schisma purum est, canones apostolici deponunt clericos, qui ab episcopo suo separationem faciunt, laicos vero extra ecclesiae communionem proiciunt, *can. apost. XXXII.*, nec desunt canones, qui clericos schismatis reos excommunicatione plectunt, *can. 43. C. 23. q. 5.* Ordinationes quoque a schismaticis & haereticis factas, & dignitatum & beneficiorum concessionem, & alienationes bonorum ecclesiasticorum ecclesia transiit, & omni effectui carere voluit, *cap. 1. ex. de schismaticis.*

C A P V T XXXIII.

De simonia.

§. I. **P**roximum haeresi crimen ecclesiasticum simonia est, qua res spirituales & sacra officia non gratis, sed per pecuniam conferuntur nefario prorsus commercii genere, quo Dei dona inaeestimabilia in turpem quaestum adducuntur contra expressam Christi sententiam, qua voluit, ut gratis accepta spiritualia dona apostoli gratis elargirentur: *gratis accepistis, gratis date.* Originem habet hoc crimen a Simone mago, qui ab apostolo Petro Spiritus sancti dona sibi emere volebat, deinceps ve-

ro

eccles. lib. II. cap. 10. & Espenins part. III. tit. 4. cap. 2. docent. Quo sensu schismatice fuisse non videntur Arianae ecclesiae, quae ob dissidium de tempore celebrationis paschae ab ecclesiae Romanae communionem per Victorem pontificem exclusae sunt. Etenim etsi Aiani non communicabant cum ecclesia Romana, tamen cum plerisque aliis ecclesiis etiam Occidentis in communionem perstiterunt.

semper infecit ecclesiasticos: praesertim post datam christianis pacem, quando ecclesia diues, potens & honorata euasit, simonia frequentior facta est; nam tribus primis saeculis quando nullis diuitiis, auctae erant ecclesiae, & officia ecclesiastica plus oneris, quam commodi inuehebant, admodum rara esse debuit simonia.

§. II. Communis est apud doctores nostros simoniae partitio in eam, quae perfecta vtrunque est, conuentionalem, & mente conceptam. Quae perfecta vtrunque est, admittitur, si reapse per pecuniam spiritualia data sint, & pecunia itidem numerata. Conuentionalis pacto constat, vt si pactum initum sit de danda re spirituali non gratis, & nulla vel tantum ex vna parte traditio accesserit. Mente vero concepta est simonia, si quis per simulationem officii rerum spiritualium dispensatori aliquid offerat spe beneficii ab eo impetrandi: quae simonia quum interius lateat, solum Deum vindicem habet, cap. 33. *¶ seq. ex. de simonia (a).*

§. III. Quando autem vt simonia admittatur, spiritualia per pecuniam dari debent, quid rei spiritualis, quid pecuniae nomine in hac causa veniat, explicandum est. Et rei spiritualis nomine veniunt proprie sic dicta spiritualia, qualia dona miraculorum, Spiritus sancti gratia, potestas ecclesiastica, & sacramenta, quibus Deus salutem nostram operatur. Item spiritualia sunt consecratio ecclesiarum, sacrarum virginum, professio religiosa, sepultura ecclesiastica, ministeria ecclesiae suis redditibus instructa, & sacra omnia officia. Praeterea inter spiritualia censentur, quae tantum lato sensu spiritualia dici possunt, & veluti per reductionem, veluti pallii archie-

T t 3

pisco-

(a) His speciebus addunt simoniam, quae per confidentiam fieri dicitur, veluti si beneficium recipiam eo pacto, vt fructus illius alteri reddam, aut certo post tempore titulum restituam, aut si vsque ad certam infantis aetatem in amici alicuius fide beneficium deponam, vt illud adulto resignet: in omnibus his speciebus pacto, fiducia quadam innixa, continetur, & de rebus spiritualibus pacisci simoniacum censetur, cap. 5. *ex. de rer. permutatione.*

piscopalis datio, & in beneficiis electio & praesentatio. Tam late patet notio rei spiritualis, atque ideo qui vel spiritualia proprie sic dicta, vel spiritualibus adnexa pretio elargitur, vel adquirere praesumit, simoniacus est (b).

§. IV. Nomine pecuniae in caussa simoniae non venit tantum pecunia numerata, sed quidquid pretio aestimatur; semper enim verum est, rem spiritualement non gratis dari, vbi non propter merita accipientis, sed propter aliquod temporale commodum confertur. Hinc veteres patres in primis Hieronymus & Gregorius M. docuerunt, tria esse, quae in materia simoniae pecuniae nomine veniunt, *munus a manu, munus a lingua & munus ab obsequio*, can. 6. C. 8. q. 1. & can. 114. C. 1. q. 1. Sane horum quodlibet vel ipsa pecunia est, vel eius vicem subit. Et quidem munere a manu continetur pecunia stricte sic dicta, seu omne id, quod homines in terra possident. Munus a lingua fauor est, veluti si aliquid spiritualis eis detur, *pro quibus maiorum quisquam rogauerit*, vt loquitur Hieronymus in *cit. can. 114.* Fauor autem & gratia apud homines & maxime potentes pretio & quidem summo aestimatur; experientia enim compertum est, saepe plus valere gratiam & fauorem potentiorum, quam summos & honestos labores. Munus ab obsequio est seruitus indebite impensa: seruitia vero pretio

(b) Quamuis vero tam late pateat simoniae materies; tamen nullibi frequentius virium hoc admissum est, quam in sacris ordinationibus & ecclesiasticis beneficiis: saeculi enim commoda inhiant in ecclesia homines profani, quae praesertim ex sacris ordinibus & beneficiis consequi posse credunt. Interest autem inter veterem & nouam ecclesiae disciplinam: namque in veteri disciplina damnantur simoniacae ordinationes, nulla ferme facta beneficiorum mentione: contra in noua saepe damnatur simonia in beneficiis, raro in factis ordinationibus. Nimirum per decem ferme priora saecula clerici in ordinatione ius ad prouentus ecclesiasticos adquirebant: inde ordinatio ministrorum a beneficii collatione separata est, & ordinatio tantum potestatem spiritualement contulit; ius vero ad temporalia beneficio adhaesit.

tio aestimantur. Itaque si spiritualia dentur, siue propter pecuniam, siue ad fauorem potentiorum promerendum (c), siue propter indebita seruitia, semper verum est, non gratis, sed per pecuniam data fuisse.

§. V. Verum serio distinguenda sunt sponte oblata ab iis, quae in eum finem dantur, vt recipiantur spiritualia. Sponte oblata in rerum spiritualium administratione recte accipiuntur, quod Thomassinus *de vet. & noua eccles. discipl. par. III. lib. 1. cap. 69. seq.* pluribus exsequitur; sunt enim potius medium, quo sacri ministri vitam sustentant, quam rerum spiritualium pretium. Christus apostolos suos ad praedicandum euangelium misit, postquam illi terrena omnia reliquissent. Hinc voluit, vt de euangelio viuerent, non quod eis temporalia, quasi sui ministerii merces, iure deberentur; sed potius quod defutura non essent media, quibus viuere possent. Ex qua doctrina siue in administrandis sacramentis, siue in aliis ecclesiasticis officiis sponte oblata quouis tempore sine vitio ecclesia recepit. Eodem cum sponte oblati iure censentur redditus ecclesiastici, quos propter officium ecclesiae ministri percipiunt; sunt nimirum redditus isti media vitae sustentandae, non pretium rerum spiritualium, nec merces laborum, qui in ecclesiae ministeriis impenduntur. Quae quum ita sint, certe profani sunt clerici illi, qui redditus ecclesiasticos sibi debitos pro laboris mercede credunt.

§. VI. Quamuis autem sponte oblata in administrandis sacramentis & reliquis sacris officiis accipere simoniacum non sit; tamen omnis auaritiae turpisue quaeestus suspicio ab altaris ministris procul esse debet. Hinc sy-

T t 4

nodus

(c) Quod si preces potentiorum tantum moueant antistites, vt in merita commendatorum inquirant, & inde tantum ob vera merita conferant ecclesiastica officia, alias non daturi, nulla est simonia, quamuis preces intercesserint: quae est S. Thomae doctrina 2. 2. q. 110. Qui etiam recte tenet, simoniacum apud Deum esse, qui confert quidem digno res spirituales, si id faciat potius fauore precum, aut timore rogantis, quam meritis accipientis.

nodus Illiberitana *can. XLVIII.* statuit, ne de more catechumeni tempore baptismi numos in concham mitterent, ne sacerdos, quod gratis accepit, pretio distrahere videatur. Non malum, sed mali species canoni dedit occasionem: adeo scilicet ab omni avaritiae & turpis lucri suspitione ecclesiae ministri liberi & immunes esse debent. Qua ratione Tridentini patres in sacris ordinationibus nec sponte oblata ab episcopis eorumque ministris accipi voluerunt. Trident. *ses. XXI. de ref. cap. 1.* Cui disciplinae adhaerens S. Carolus statuit, ne quis presbyterorum pro administrandis sacramentis ne obtentu quidem eleemosynae quidquam accipiat, teste Iussano in *vit. S. Caroli lib. VIII. cap. 4.* Et bene profecto esset, si legitima auctoritate saltem in ecclesiis, quae statos redditus possident, abolerentur consuetudines omnes, quae in administrandis sacramentis, in danda mortuis sepultura & aliis sacris officiis aliquid offerre praecipiant.

§. VII. Iam vero ut admittatur simonia, non requiritur, ut accipiens spiritualia datae in eum finem pecuniae conscius sit; sed sufficit, ut collator spiritualium illam acceperit, quicumque tandem sit, qui donet, *can. 3. C. 1. q. 5.* Hinc electio aliaue collatio beneficii ipso iure nulla est, si quocumque modo simoniaca fuerit, etiam si ipse beneficiarius vitium ignoret, *cap. 27. ex. de simonia.* Sane semper verum est, non gratis dari ecclesiae ministeria, si collator aliquid acceperit, etiam inscio beneficiario, qui in hac specie tantum nullius culpa reus est. Verum si qui dederint temporalia, id fecerint in fraudem & dispendium eius, qui eligendus erat, electio sustinetur, quum malitiis hominum non sit indulgendum, *cit. cap. 27.*, licet alias qui temporalia acceperint, simoniae rei sint.

§. VIII. Nunc sophismata & laruas, quibus simoniaci suam pravam agendi rationem tegere studuerunt, aperiamus oportet: profani enim homines, qui alias in simoniam proclives sunt, ne nundinationis donorum divinorum facile conuincerentur, mysteria quaedam verborum & laruas excogitarunt, quibus seipsos excusarent, & simoniam, ut nostri loqui amant, *pallarent.* Sed sophismata ista pereunt omnia ad Christi doctrinam colla-

ta, gratis accepistis, gratis date. Harum astutiarum illa videtur antiquissima, qua sub specie pietatis tegitur simonia, ubi videlicet temporalia pro spiritualibus accipi dicuntur, ut illa in usus pietatis, veluti in eleemosynas & ecclesias aedificandas, impendantur. At qui ita spiritualia administrat, licet alias pietatem intendat, certe non gratis elargitur. Et deinde non licet peccata gravissima admittere, ut pietas exerceatur. Ut enim recte Gregorius M. observat, *aliud est propter peccata eleemosynas facere, aliud propter eleemosynas peccata committere, can. 27. C. 1. q. 1.* Illud nempe tamquam iustum & pium semper commendavit ecclesia; hoc vero tamquam nefarium semper damnavit.

§. IX. Non minus speciosa est illa simoniae larva, qua temporalia dari dicuntur non propter ipsa sacra ministeria, sed pro opibus & redditibus, qui inde percipiuntur. Ita quidam capellani Gothofredi ducis apud Petrum Damianum *lib. I. ep. 13. & lib. V. ep. 13.* se non esse simoniacos dicebant, quod non ipsum sacerdotium, sed possessionem praediorum pecunia redemerant. Sed quum redditus ecclesiastici sacro ministerio adhaereant, & inde pendeant; (beneficium datur propter officium) qui pecuniam pro ipsis redditibus donat, & pro ipso ecclesiastico officio dedisse censetur. *Quisquis horum alterum vendit, inquit Paschalis papa in can. 7. C. 1. q. 3., sine quo nec alterum provenit, neutrum invenditum derelinquit.*

§. X. Praeterea non desuerunt scriptores, qui nullam simoniae labem esse docuerunt, si pecunia non tamquam pretium rei spiritualis, sed potius tamquam honorarium, vel tamquam causa impellens detur, nimirum ut dispensator spiritualium ad dandum excitetur & moveatur. Sed apage manifestas iniquitates. Sane admissa hac doctrina, in ecclesia prorsus nulla esset simonia: quilibet nempe daret non tamquam pretium, sed potius ad impellendum collatorem, & ad gratum animum demonstrandum. Ad haec, rationes, unde moveri debent ecclesiae ministri ad dispensanda spiritualia, non sunt lucra temporalia, sed personarum merita & ecclesiae utilitas. Et qui spiritualia ex doctrina ecclesiae procurant, a Deo tantum procurationis suae praemium debent expectare.

§. XI. Inter laruas, quibus simonia tegitur, etiam referri solet redemptio vexationis, qua temporalia dari dicuntur, ne ad obtinendam consecrationem siue beneficium opponatur impedimentum. Hac in re videtur distinguendum, num ille, qui impedimento est, ius habeat, vel non habeat ad spiritualium collationem. Si primum, vera est simonia; pecunia enim datur ei, qui partem habet in rei spiritualis administratione, *cap. 23. ex de simonia*. Si alterum, nulla videtur esse rerum sacrarum nundinatio: etenim qui alteri, a quo spirituale non consequitur, pecuniam dat, ne impedimento sit ad rei spiritualis acquisitionem, gratis accipit, maxime si ius perfectum adquisierit; licet ille, qui ne impedimento sit, pecuniam accipit, iniuste faciat. Quoniam vero in hac specie latere simonia potest, & periculosum est, nos in re nostra iudices sedere, scite S. Carolus nemini licere statuit, *ad redimendam vexationem ne in casibus quidem iure permissis pecuniam dare, quidquamue pacisci, aut transigere, nisi episcopi consensus accesserit*. Conc. 1. Mediol. tit. de constitut. contra simoniacos.

§. XII. Poena contra simoniacas ordinationes secundum veteres canones est depositio contra clericos, tum ordinantes, tum ordinatos; excommunicatio vero contra laicos tanti criminis sequestres & interpretes. Conc. Chalced. can. II., Aurelian. II. can. 4., Trullan. can. XXII. Sed vnus ex sic dictis canonibus apostolorum etiam ab ecclesiae communione ordinantem & ordinatum exturbat, *can. apost. XXX*. Depositio ista clericorum perpetua erat, nec per poenitentiam licebat simoniaco amissos gradus recuperare, *can. 5. C. 1. q. 7*. Et quid quaeso iustius, quam vt gradu & ordine suo perpetuo caderet, qui illum in quaestum abiecit, & existimauit, sacerdotii gratiam per pecuniam posse adquiri? Sic vero depositi simoniaci in monasterium sub perenni poenitentia detrudebantur, *can. 7. C. 1. q. 1*. idque ex veteri disciplina, quae depositos clericos monasteriis ad poenitentiam includebat.

§. XIII. Perpetua depositio in antiquis canonibus proposita proprie spectabat simoniacas ordinationes, quibus olim beneficia erant adnexa; at vbi beneficia seorsum ab ordinibus conferri coepta sunt, depositio etiam adprehendit

dit simoniacas beneficiorum collationes, eoque veteres canones extenſi ſunt, *can. 9. C. 1. q. 3.* Quin collationes beneficiorum per ſimoniam omnino nullae ſunt & inanes, *extrauag. 2. de ſimonia inter communes* : idque locum habet, tam ſi vtrimque ſimonia perfecta ſit, quam ſi conventionem nitatur, *can. 5. C. 1. q. 3.*, ac ſiue pecunia ab ipſo electo, ſiue ab eius amicis & parentibus eo ignorante data ſit, vel promiſſa, *cap. 27. ex. de ſimonia*. Hinc tenentur ſimoniaci dimittere beneficia, quae nullo iure tenent, & ſuos non faciunt fructus, ſi quos interim percipiant.

§. XIV. Vetus de poſitionis poena, qua ordinantes & ordinati per ſimoniam perpetuo adſciebantur, in noua diſciplina deſuevit, eiſque loco ſuſpenſio ſucceſſit. Et ordinantes quidem iure decretalium ſuſpenderentur a quorumcumque ordinum collatione per triennium; ordinati vero ab ordinis ſuſcepti uſu, quouſque veniam a ſummo pontifice impetrauerint, *cap. 45. ex. de ſimonia*. At ex decretali Pii v. *cum primum* qui ordinati ſunt per ſimoniam, ab ordinum exercitio ſunt ipſo iure ſuſpenſi per decennium, & carceribus ad annum mancipantur. Item in noua diſciplina ſimoniaci omnes, etiam tanti criminis ſequeſtres, excommunicationi latae ſententiae ſummo pontifici reſeruatae ſubiiciuntur, *extrauag. 2. de ſimonia inter comm.* Remiſſus fuit de poſitionis rigor ex frequentibus indulgentiis, quas in magna peccantium multitudine ſummi pontifices & epiſcopi conceſſerunt, vt per ſimoniam ordinati gradus ſuos recuperarent, quod Chriſt. Lupus *diff. de ſimonia cap. ult.* obſeruat.

C A P V T XXXIV.

De poenis & cenſuris eccleſiaſticis generatim.

§. I. **E**cclēſia, quae hominum ſocietas eſt ad ſpiritualem animarum ſalutem inſtituta, certe iure diuino poteſtatem habet poenas fini ſuo congruas irrogandi.

di. Sane apertis constat apostoli verbis, in ecclesia esse regimen aliquod a Christo institutum, & apostolis demandatum, *Act. XX. 28.*: regimen vero omni coactione destitutum nullius usus est. Deinde Christus conceptis verbis ecclesiae suae ius infligendarum poenarum concessit, dum ei clauces communicauit, quibus solueret & ligaret, & in fontes animaduerteteret. *Matth. XVIII. v. 15. seqq (a).*

§ II. Verum enimvero poenae ecclesiasticae longe differunt a poenis ciuilibus, quae hominibus nequam in ciuitate irrogantur: illae spirituales sunt, utpote quae tantum animarum & ecclesiae salutem respiciunt; istae vero corporales sunt, & praesentis vitae commodis priuant. Ex societatum finibus poenas, quibus illae reguntur & sustinentur, metiri oportet. Qui in ciuitatem coalescunt, praesentis vitae commoda intendunt & securitatem: qui vero coalescunt in ecclesiam, alterius tantum vitae, quae tota spiritualis est, acquisitione tanguntur. Hinc ciuiles poenae terrorem & dolorem in delinquentes inferunt, atque bonis, aut iure ciuitatis, aut vita priuant, & per equuleos, ungues, laminas, laqueum, carnifices exercentur. Contra ecclesiasticae animam, non corpus adficiunt, & quae iis inest coactio, potius in priuatione alicuius boni ad religionem pertinentis, quam in irrogatione corporei mali consistit (b). Et recte spirituum

(a) Atque ex his constat, diuinae institutioni aduersari Pfaffium & Boëhmerum, qui contendunt, ecclesiam nulla iurisdictione, nullo sacro imperio ex Christi institutione ad poenas irrogandas auctam esse, poenasque ecclesiasticas initio veras poenas non fuisse, sed potius pœnitias, ex confoederata disciplina pendentes, qua initis pactis christiani se adstringebant ad societatis leges sancte seruandas, eosque iure fraternitatis & officio priuandos, qui ex regulis societatis non uiuerent.

(b) Itaque coactio, quam in puniendo adhibet ecclesia, non est proprie sic dicta vis externa, sed potius vis indirecta, qua boni spiritualis priuatione delinquentes coguntur. Ecclesia, utpote ciuili imperio destituta, vim facere non potest. Hinc hortatur, suadet, docet; & ubi exhortationes ad frangendam contumaciam non sufficiunt, contumaces extra communionem prouocit,

lūm poenarum ratione ecclesiae potestatem Cyprianus *gladium spirituale* dixit *ep. LXII. al. IV. ad Pompon.* Itaque poena ecclesiastica natura sua est irrogatio mali spiritualis, quod iure sacerdotii infligitur christianis inuitis ob delictum admissum in punitionem & emendationem delinquentis, & ecclesiae salutem.

§. III. Poenae ecclesiasticae alio nomine *censoe* dictae sunt (c), & origine sua continentur omnes in priuatione ecclesiasticae communionis, qua ex veteribus regulis delinquentes vel in totum ecclesia, tamquam ethnici & publicani, eiiciuntur, aut sacro ministerio in perpetuum, vel ad tempus cadunt, aut alias communibus precibus & eucharistiae participatione prohibentur. Item poenitentiae, quae peccatoribus inuitis irrogantur, sunt vere

iicit, & Satanae relinquit: quae proiectio per indirectum coactionem continet. Nihil quippe tam debet formidare christianus, quam priuari iure fraternitatis, quae ecclesiastica omnia bona impertitur. Atque ex hac doctrina intelligendi sunt veteres patres, qui hoc inter reges & episcopos discrimen ponunt, quod illi *uolentibus*, hi vero *uolentibus* imperent. Hieronym. *epist. III. ad Nepotian.*, Chrysost. *hom. ult. ad Hebraeos*. Nimirum ideo uolentibus ecclesiam imperare veteres patres tenent, quod illa vi externa destituitur; nam alias ecclesiasticae poenae sui generis coactionem continent.

(c) Si rem in origine sua attentius spectemus, apparebit, poenis ecclesiasticis *censoe* nomen potius conuenire. Censura apud Romanos in priuatione iuris, vel dignitatis consistebat; etenim notatio censoria procedebat, ut qui senator esset, senatu eiiceretur, qui eques equum publicum perderet, qui plebeius in Caeritum tabulas referretur. Nota ista censoria species erat poenae, seu coactionis, quae ad vitia legibus non interdicta spectabat, eratque in ciuitate recte instituta omnium magistratum sententiis acerbior, quod Bodinus *de republ. lib. V. cap. 26.* obseruat. Huiusmodi naturae origine sua sunt poenae ecclesiasticae, quae vel iure fraternitatis, aut communione precum & eucharistiae, aut dignitate omnino priuant. Ceterum in ecclesia praeter censuras non erant aliae poenae canonibus comprehensae, quae in re a republica ecclesia distabat.

verae poenae, iisque peccatores communibus precibus & eucharistiae participatione excludebantur. Poenalia vero opera libenter suscepta & tolerata verae poenae dici vix poterant, iisque potius ipsius criminis malitia eluebatur, quam delinquentis frangebatur contumacia: poena enim id natura sua postulat, vt imponatur inuitis.

§. IV. Suis finibus adstricta diu stetit potestas ecclesiastica, atque ideo spiritualibus poenis contenta a civilibus abstinuit. Hinc si quando intelligebant episcopi, opus esse civilibus poenis, vel ad cohibendos haereticos, vel ad clericos & laicos in officio continendos, eiusmodi poenas ab imperatoribus exorare consueuerunt, *can. 62. & 93. C. Afr.* Verum labentibus annis licena mutata est, & in ecclesiasticis regulis passim additae poenae civiles, quibus delinquentes infamia notantur, aut priuatione civilis dignitatis puniuntur: cuius generis poenae in falsis decretalibus saepe occurrunt (d). Quin nonnullae poenae ecclesiasticae speciem civilium poenarum induerunt, idque sensim contigit, postquam ecclesiasticae poenae in foro externo per iuris ambages irrogatae sunt.

§. V. Apud veteres patres admodum simplex & plana de poenis & censuris ecclesiasticis loquendi ratio: nec illi poenas a censuris & irregularitatibus scrupulose distinguunt, quin potius censuras & poenas promiscue solent vsurpare. At postquam scholastica philosophia rebus sacris intexta est, de poenis & censuris ecclesiasticis per logicas subtilitates disputari coeptum est, inualuitque tandem

(d) Videtur huic mutationi multum contulisse canon synodi Carthaginensis anno cccci. celebratae, qui in alienum sensum detortus est. Genninus canon exstat in *C. Afric. can. 62.*, & ab imperatoribus petendum decernit, vt poena damni, pecuniae atque honoris statuatur in eos, qui damnatos clericos defenderent. At canon iste a falsariis mediae aetatis corruptus est, & quod petendum erat a principibus, veluti a synodo decretum exhibuit. Hinc factum docet Petrus de Marca *de collect. canon. cap. VIII. n.6.*, vt plures mediae aetatis pontificum constitutiones damno honoris & priuatione dignitatum adficiendas inbeant, qui suis decretis veluctati fuerint.

dem doctrina, poenas ecclesiasticas strictè sic dictas distinguì a censuris; censuras esse tantum tres, excommunicationem, suspensionem & interdictum; irregularitates esse impedimentum canonicum, non censuras. V. Morin. *de ministr. poenit. lib. VI. cap. 25. n. 12.* Huic nouae doctrinae causam videtur Innocentius III. dedisse, qui interrogatus quidnam nomine *censurae* in rescriptis apostolicis intelligeretur, respondit, per eam non solum interdicti, sed & suspensionis & excommunicationis sententiam intelligi, *cap. 20. ex. de verbor. signif.*

§. VI. Hac recepta distinctione solliciti fuerunt theologi scholastici & decretalium interpretes, propriis notis & characteribus poenas ecclesiasticas & censuras describere, qua in re inter omnes non conuenit. Communior tamen & receptior sententia ita habet, poenam ecclesiasticam esse priuationem bonorum spiritualium, quae in criminis punitionem fontibus infligitur; censuram vero esse priuationem aliquorum spiritualium bonorum, quae ad rei emendationem irrogatur. Ita inter se conueniunt poena ecclesiastica & censura, quod utraque priuat usu spiritualium bonorum; distant vero, quod illa in punitionem & vindictam criminum; ista vero imponitur in emendationem & medicinam; item illa natura sua perpetua est; haec vero, utpote in emendationem imposita, ab ecclesiastica potestate iure ordinario tolli potest. Ex quibus notis constat, censuras degenerare in poenas, si non in emendationem, sed in punitionem criminum irrogentur.

§. VII. Poenae ecclesiasticae ex veteribus regulis in eodem foro, quo christiani a criminibus soluebantur, irrogari solebant. Ut enim rectè vidit Morinus, forum ecclesiasticum, quod ad criminum punitionem eiusque medelas spectat, in veteri disciplina vnum fuit, in quo idem siue episcopus, siue presbyter poenas irrogabat, & a peccatis & irrogatis poenis soluebat, idque vi potestatis clauium, quae sacerdotio cohaerebat. Sed ubi forum externum ab interno & sacramentali separatum est, irrogatio censurarum earumque relaxatio ad forum externum coepit pertinere: & simul receptum, auctoritatem fori externi & iudicialis nec rationem sacramenti, neque remissionem culpae in foro interno attingere, sed tantum ad
ligamen

ligamen & relaxationem in foro externo spectare; & absolutum in sacramento poenitentiae adhuc remanere fori externi vinculis irretitum, donec in foro iudiciali censura relaxetur. Cumque tantum inter se distarent duo ista ecclesiae fora, theologi etiam docuerunt, forum internum potestate ordinis stricte sic dicta nisi; forum externum sola iurisdictionis potestate armari; nec ad exercendam iurisdictionem satis esse, ut quis in foro interno remittendi & retinendi peccata habeat potestatem.

§. VIII. Quando autem irrogato censurarum in nova disciplina potestati clauium, quae in foro exteriori exercetur, adhaeret; illi tantum censuras licet infligere, cui vel proprio iure, vel alterius delegatione iurdictio ecclesiastica in foro exteriori competit. Ita dubium non est, posse episcopos, licet non consecratos, sed tantum confirmatos censuras ferre, quod secundum nouam disciplinam confirmatio episcopis iurisdictionem tribuat. Quin potestas irrogandarum censurarum etiam simplici clerico, utpote qui ecclesiasticae iurisdictionis capax est, competere potest, veluti si ab episcopo vicarius generalis constituitur. Quod vero ordinis clericalis omnino expertes exercitii spiritualis potestatis, quae ab iure clauium descendit, omnino incapaces sunt; nec laici, nec feminae, etsi alias in ecclesiastica dignitate constitutae, potestate irrogandarum censurarum umquam possunt augeri, quod doctores communiter docent post Innocentium III., qui ita rescripsit, *licet beatissima virgo Maria dignior & excellentior fuerit apostolis vniuersis; non tamen illi, sed istis dominus clauis regni caelorum commisit, cap. 10. ex de poenit. & remissionibus.*

§. IX. Censuris obstringi tantum possunt homines baptizati, qui grauioris criminis rei sunt, & potestati eius, qui censuras irrogat, subiecti. Itaque ethnici, Iudaei, ac etiam catechumeni censuris non innodantur. *Quid enim mihi de iis, qui foris sunt, iudicare?* inquit apostolus 1. ad Cor. V. v. 12. Sane per censuras communio ecclesiastica, siue in totum, siue pro parte prohibetur, & qui foris sunt, qui extra communionem abiici possunt? Sed in haereticos, schismaticos & apostatas recte ecclesia censuris animaduertit, ut ita ad fidem & obedientiam,
a qua

a qua defecerunt, reuertantur. Quod si in eos, qui subditi non sunt, censura feratur, nulla & irrita est defectu iurisdictionis. Ne vero propter exemptiones de iurisdictione episcoporum censurae episcopales a regularibus contemnuntur; statuit synodus Tridentina *ses. XXV. de regularibus cap. 12.*, vt censurae & interdicta ab ordinariis lata ex mandato episcopi a regularibus in suis ecclesiis publicentur atque seruentur.

§. X. Quaeres, num christianis in ecclesiae communione defunctis possint anathema & censurae irrogari, si constiterit, eos, dum adhuc erant in viuis, crimina admisisse, quae censuris plecti deberent. Et quidem si agatur de censuris proprie sic dictis; eae in mortuos nequeunt irrogari; non enim ecclesiastica communione siue in totum, siue pro parte recte excluduntur, qui amplius inter viuos non versantur. At non vetatur ecclesia mortuos execrari & detestari ob ea, quae viucentes plane senserant, vel fecerunt: quo sensu iam mortui anathemate feriuntur, & eorum memoria in ecclesia non celebratur. *Cypr. epist. LXVI. al. 1. ad cler. Furnit., can. 81. C. Afr. V. Dupin. de antiq. eccles. discipl. diff. III. cap. 2.* Dum vero mortui anathemate seriebantur, eorum nomina a diptychis seu libris mortuorum ecclesia eradebat, vt ita eorum nomina non amplius inter synaxes recitarentur, nec pro iis oblatio fieret.

C A P V T XXXV.

De excommunicatione.

§. I. **P**otissima censurarum species excommunicatio est, vnde veluti totidem riui suspensiones & interdicta manarunt. Excommunicatio vi nominis eadem est ac eiectio de ecclesiae communione, diciturque etiam in antiquis monumentis *segregatio*, *abstentio*, *abiectio* aliisque vocibus, quae separationem significant. Communio autem ecclesiastica consistit in exercitiis religionis, quibus

Part III. V v chri-

christiani, tamquam vnius ecclesiae membra, inter se communicant, & in vnam societatem coalescunt. Sunt religionis exercitia sacramenta & reliqua ecclesiastica officia, a quibus christiani vel in totum, vel pro parte possunt excludi. Ecclesiae item particulares inter se mutuo communicant, ex qua communione ecclesia catholica oritur. Explicabatur vero communio ista inter ecclesias duobus praecipue modis, litteris nempe formatis, quas episcopi sibi mutuo dabant, & admissis ad sacra officia alterius ecclesiae christianis, qui litteris communicationis instructi extra suas ecclesias peregrinabantur. V. Dupin. *de antiq. eccles. discipl. diff. III. cap. 1.*

§. II. Quoniam vero communio ecclesiastica suos habet gradus, variae quoque in veteri ecclesia excommunicationis species fuerunt, quae tamen ad duas referri possunt, excommunicationem nempe *maiolem*, & *minorem*. Maior excommunicatio, quae *mortalis* & *anathema* veteribus dicebatur, christianos ecclesiae communione prorsus exturbat, ferturque in reos criminum grauiorum, qui ecclesiam admonentem non exaudiunt. Minor excommunicatio veteribus *medicinalis* dicta ferebatur in eos, qui peccata sua agnoscebant, & poenitentiam & pacem postulabant; hi enim, accepta poenitentia, communibus precibus & communione eucharistica ad tempus remouebantur tam in medicinam, quam ad exemplum aliorum; non vero ab ecclesia tamquam ethnici & publicani pellebantur. August. *lib. post collat. contra Donatist.* Et recte obseruat Morinus *de administ. poenit. lib. VI. cap. 25. n. 13.* tot olim fuisse species medicinalis excommunicationis, quot erant publicae poenitentiae gradus.

§. III. Species quoque minoris seu medicinalis excommunicationis illa etiam veteribus erat, qua episcopi aut ecclesiae se a mutua communione separabant, atque inde non mittebant, aut missas reiciebant litteras formatas; nec a se excommunicatae ecclesiae filios in suam communionem admittebant, etsi litteris commendatitiis sui episcopi instructi venirent. Locum habebat haec excommunicatio, si ecclesia aut episcopus in altera ecclesia aliquid peruersum vel in fide doceri, vel in disciplina fieri arbitraretur. Ita Epiphanius Ioannis episcopi Hieroso-

rosolymitani reiecit communionem, quod Origenis errores illum defendere sciret. Epiph. *epist. LX. inter Hieronymum*. Interim haec ecclesiarum mutua excommunicatio, si ecclesiae sibi inuicem subiectae non essent, proprie censura ecclesiastica non erat, sed potius nuda communionis subtractio, quam vna ecclesia alteri non subiecta poterat denegare.

§. IV. Hae & aliae minoris excommunicationis species apud veteres occurrunt, quae labentibus annis mutata ecclesiastica disciplina nullius usus euaserunt. At in noua disciplina minor excommunicatio ea dicitur, qua innodatus sacramenta suscipere vetatur, nec ad beneficia potest promoueri. Contrahitur haec excommunicatio, ubi quis cum excommunicato & prorsus ecclesia eiecto extra crimen communicat. Ignota veteribus fuit hoc sensu minor excommunicatio, & forte de ea primus Gregorius ix. loquitur in *cap. vlt. ex. de cleric. excomm. ministrante* & *cap. 59. ex. de sententia excommunicationis*; stante enim veteri disciplina, qui cum excommunicato communicabat, eandem omnino excommunicationem incurrerat. Sed excommunicationis istius in plerisque locis vix aliquis reliquus usus est.

§. V. Iam vero in veteribus monumentis generali excommunicationis nomine saepe medicinalis, aut alia partialis intelligitur; veteres enim canones & patres, dum aliquem excommunicatum dicunt, aperte indicant, eum tamquam ethnicum & publicanum ecclesia eiectum non esse, sed tantum communibus precibus & eucharistiae communionem prohiberi, *can. 12. C. 3. q. 4., can. 41. C. 11. q. 3.* Maior seu mortalis excommunicatio a veteribus proprio nomine *anathema* dicta est, eaque percussus *anathematizati*. Anathema usu scripturarum rem execrabilem & exitio dignam denotat, & qui ecclesia tamquam ethnici & publicani eiekti erant, execrabiles & flammis aeternis digni censebantur. V. Dupin. *de veteri eccles. discipl. diff. II. cap. 2.* Verum in noua disciplina desuetis excommunicationis medicinalis speciebus excommunicatio simpliciter dicta mortalem designat, *cap. 59. ex. de sent. excommunicationis*: & inde quae excommunicatio a Christi corpore non separat, minor dicta est.

§. VI. Hac inducta vocum noua significatione excommunicationis simpliciter dicta seu maior sensim a theologis & canonistis veluti diuersa ab anathemate haberi incepit, creditumque fuit, per anathema ipsam excommunicationem intendi & veluti augeri. Ita ex eorum sententia excommunicationis est, quae fertur sine vlla sollemnitate: anathema vero, si sollemnitas addatur, atque ita anathematismus est veluti auxesis & aggregatio detestationis, quae excommunicationem auget, non vi separationis, sed potius maiorum execrationum horrore. Exstant huius nouae disciplinae vestigia in quadam Caelestini III. seu Clementis III. decretali, *cap. 10. ex. de iudiciis*. Et in pontificali Romano triplex excommunicationis species proponitur, *minor, maior & anathema*.

§. VII. Praeterea in noua disciplina excommunicatio alia est *ferendae*, alia *latae sententiae*, seu alia *hominis vel iudicis*, alia *canonis vel iuris*. Illa ministerio iudicis per sententiam irrogatur: haec vero ipso facto siue admissione delicti absque iudicis sententia ab ipso canone inferitur, incurriturque ipsa canonis transgressione. Ex formulis, quibus canones vtuntur, quae sit *ferendae*, quae *latae sententiae* excommunicatio facile dignoscitur: illa enim his similibusue formulis exprimi solet, *excommunicetur, segregetur, vel praecipimus sub poena excommunicationis*; haec vero, *sit ipso facto excommunicatus*, vel, *ipso iure excommunicationem incurrat*. Excommunicatio latae sententiae ignota veteribus fuit, & demum circa saeculum decimum secundum coepit innotescere, at temporis decursu mire percrebuit (a).

§.VIII.

(a) In tota Gratiani Concordia, quae saeculo decimo secundo medio in lucem prodiit, vix vnum excommunicationis latae sententiae exemplum occurrit, modo verba illa *anathematis vinculo subiaceat*, quibus synodus Lateranensis sub Innocentio II. plectit clericorum & monachorum dolosos percussores *can. 29. C. 17. q. 4.*, latae sententiae excommunicationem contineant. Deinceps vsque ad annum *MDCCCXVIII.*, quo Sextus Decretalium editus est, ex Nauarri supputatione ferme triginta sex eius excommunicationis exstabant exempla, quae tamen

§. VIII. Iam vero mortalis seu maioris excommunicationis iure diuino effectus est omnimoda ab ecclesia separatio, ita vt eiectus eius membrum amplius non reputetur. Fratrem contumacem *tamquam ethnicum & publicanum* Christus ipse habendum edixit. Matth. XVIII. 15. *seqq.* Ethnici autem & publicani, vtpote a sacris Iudaeis alieni, a synagogis seu sacris Iudaeorum conuentibus excludebantur (b). Itaque excommunicati in ecclesia tamquam ethnici & publicani habendi sunt, & inde omni iure, quod per baptismum adquisierant, cadunt, sacramentis, sacris officiis, ecclesiastica potestate, suffragiis communibus totoque fraternitatis commercio priuantur (c).

V v 3

In-

men ad viginti sex redigi possunt. Porro eodem supputante Nauarro, solus Sextus Decretalium habet exempla triginta duo, Clementinae quinquaginta; & ita porro innumera alia exempla recentiores canones & decretales inuenerunt.

(b) Ethnici Iudaeis erant gentes omnes, quae Iudaica sacra non profitebantur: publicani vt plurimum erant equites Romani, qui publicas res conducebant, in priuatis tributorum & vassalium exactiones. Hinc Cicero *pro lege Manilia cap. II. & VII.* publicanos *honestissimos viros & fundamentum ceterorum ordinum* appellat. Ethnici Iudaeis de more gentis antiquo erant odio: publicani vero, etsi Romae summo honore haberentur; tamen gentibus omnibus, quae erant in imperii prouinciis, odio habebantur, & praesertim Iudaeis, qui eos tamquam pestem reipublicae & generis humani propudium abominabantur: nec fortasse iniuria propter vexationes, quas in exigendis tributis inferebant.

(c) Apostoli fideles excommunicatos, aut ad humilem poenitentiae locum redactos *Satanas in interitum carnis* tradere solebant, 1. *ad Cor. V. 5.*, 2. *ad Cor. XII. 21.* & 1. *ad Timoth. I. 20.* Qua traditione excommunicati ex saniorum interpretum sententia potestati Satanae obiciebantur, a quo veluti obsidebantur, & variis cruciatibus vexabantur. Et sane ipse apostolus indicat, etiam carnis interitum & macerationem passos esse, qui ab eo Satanae traditi erant; & hoc sensu Hieronymus, Augustinus, Chrysostomus alique veteres Satanae traditionem intellexerunt. V. Grot. in 1. *ad Cor. V. 5.* & Bingh. *orig. eccles. lib. XVI. cap. 2. §. 15.* Sed hoc donum fuit extraordinarium, quod cum ipsis apostolis cessauit.

Interim bene ecclesia aut christiani pro excommunicatis orare possunt ad eorum conuersionem, quod id non est in sacris communicare, sed potius misericordiae officium, quod S^t Thomas in *IV. sentent. dist. 11. q. 1. art. 4.* obseruat.

§. IX. Apud Iudaeos ethnici & publicani synagoga seu sacris conuentibus, non item ciuili societate excludebantur. Hinc vi verborum Christi excommunicatio mortalis sacris conuentibus, non ciuili commercio officiisque priuat. Verum ab ipsa apostolorum aetate ad aliorum exemplum & ad maiorem excommunicati confusionem receptum est, vt quaedam ciuilia officia excommunicatis denegarentur, qualia profecto fuerunt officia libera, veluti amicitia, salutationes, mutuus conuietus, Ioan. *epist. II. v. 10. seq.*, 1. *ad Cor. VII. 11.*, *ad Rom. XVI. 17. (d).* Nam vt scite Dupinus *de antiq. eccles. discipl. diff. III. cap. 3.* obseruat, officia ciuilia, quae necessitate iuris debentur, veluti coniugum habitatio, parentum in liberos, liberorum in parentes officia, magistratibus debita obedientia, & huius generis alia non videntur excommunicatis per apostolos denegata. Sane praecipit apostolus, vt christiani principibus, etsi infidelibus, obediant; item edixit, ne mulier fidelis virum infidelem relinquat; & vult, vt serui fideles dominis seruiant suis: quia scilicet haec omnia officia erant necessaria.

§. X. Verum enimvero lapsu temporis haec excommunicatorum in ciuilibus officiis deuitatio latissime extensa est, vt etiam in ciuilibus officiis necessariis locum haberet. Itaque inculcatum, neminem posse in ciuili conuersatione quauis ratione communicare cum excommunicato, ne uxorem quidem, liberos, domesticos: neque excommunicato licere iura sua in iudicio experiri: excommunicatum quoque omni honore & muneribus publicis cadere, & subditos a subiectione & fide regibus extra ecclesiam proiectis debita solutos esse, *can. 4. & 5. C. 15. q. 6.* Inualuit tantus excommunicationis rigor post sae-

(d) Descendit quidem ab apostolorum doctrina deuitatio excommunicatorum in officiis ciuilibus liberis; at docent theologi id humano potius, quam diuino iuri deberi. V. Dupin. *loc. cit.*

saeculum decimum, vbi frequentiores factae sunt excommunicationes, iisque episcopi & pontifices vsi sunt, ad tuenda sua iura etiam temporalia contra principes eorumque magistratus. Nimirum vt ex voto negotia cederent, visum est, interdictionem in ciuilibus latissime extendere, vt excommunicati omnibus iuribus & officiis priuati, episcopis necessario obedirent. *Espen. tract. de censur. cap. VII. §. 3.*

§. XI. Conuersatio cum excommunicato siue in sacris, siue ciuilibus stetera poena puniebatur; etenim qui commercia cum excommunicatis fouebant, eadem censura ligabantur: quae disciplina primum obtinuit, vbi quis in sacris cum excommunicato communicabat, tum extensa est ad eos, qui colloquia & conuiuia agitent (e). Sane qui conuersabantur cum excommunicatis, ecclesiae auctoritatem parum curare videbantur, contumaciae proiectorum vim addebant, & praeterea peccandi periculo se exponerent; malorum enim consuetudo corrumpit bonos mores. *Recedendum est a delinquentibus*, inquit Cyprianus *de vnit. ecclesiae, vel immo sugiendum, ne dum quis male ambulantis iungitur, & per itinera erroris & criminis graditur, a via veri itineris exerrans, pari crimine & ipse teneatur*. Scabiosum istud contagium ex veteri disciplina tantum eos videtur infecisse, qui cum ipso excommunicato communicabant: inde vltius serpere coepit, & in infinitum productum est, quo factum, vt vna excommunicatio saepe plures inueheret.

§. XII. Disciplina, quae commercium cum excommunicatis etiam in ciuilibus officiis necessariis prohibebat, & contagiosum contagium in infinitum extendebat, vbi excommunicationes euaserunt frequentiores, rempublicam

V v 4

non

(e) Et sane canon apostolicus xiii., synodus Antiochena *can. II.* & Carthaginienfis *iv. can. 73.* tantum abstinere iubent quotquot cum excommunicatis orauerint, aut eos in ecclesiam receperint: at recentiores synodi, veluti Toletana *i. can. 15.* Epaoensis *can. XIV.* & Antissiodorensis *can. XXXIX.* etiam iis abstinentiam minantur, qui colloqui & conuiuari cum excommunicatis deprehenduntur.

non minus, quam ecclesiam turbauit. Itaque ad euitanda maiora mala, saeculo vndecimo & sequenti rigor interdicti ciuilis commercii moderatus est in pluribus casibus, qui ad tres restringi possunt: nempe permissum est cum excommunicato conuersari, si officium aliquod iure debitum sit; aut si necessitas & vtilitas, siue ipsius excommunicari, siue aliorum commercium exigit; itemque si aliquem esse excommunicatum ignoretur, *can. 103. C. 11. q. 3. Espen. tract. de censur. cap. VII. §. 4. (f)*. Mitigatum quoque est scabiosum commercium, quo cum excommunicatis commercia exercentes, eadem lepra adfiebantur; statutumque, vt tantum minorem excommunicationem incurrat, qui extra crimen cum excommunicato communicaret, *cap. ult. ex. de cleric. excomm. ministrante, cap. 59. ex. de sent. excommunicationis*, nec ulterius scabiosum contagium procederet.

§. XIII. Porro in noua disciplina mitigatus est magna ex parte rigor excommunicationis etiam eo nomine, quod non omnes excommunicatos & in diuinis & in humanis euitare oportet; sed tantum eos, in quos excommunicationis sententia est *a iudice publicata vel denunciata specialiter & expresse*, itemque eos, qui sacrilegas manus in clericos palam iniecerint, qui etiam ab iudice denunciati non sint, euitari debent. Cautum id est in quadam decretali, quam veluti a Martino v. in concilio Constantiensi editam primus S. Antoninus in *sum. par. III. tit. 25. cap. 3.* exhibuit, & ex eius fide vniuersa ecclesia recepit. Hinc inductum discrimen inter excommunicatum *vitan-*
dum

(f) Gregorius vii. primus rigorem excommunicationis hac ratione imminuit, & quidem in specie particulari, hoc est quousque maia ob anathema Henrico imperatori dictum ecclesiam & rempublicam concutiebat: inde in constantem regulam abiit: quod factum viderur opera Grariani, qui temporarium illud decretum concordiae suae inseruit.

Exceptos ab excommunicatione ob commercium cum excommunicatis scholastici his versiculis expresserunt:

.... *Vtile, lex, humile, res ignorata, necesse:*

Haec quinque soluant, anathema ne possit obesse.

dum & toleratum, & inde illius in diuinis & humanis, non vero istius communicatio vetita est. Vt vero quis tamquam vitandus habeatur, necesse est, vt sententia ab indice *publicata vel denuntiata sit specialiter & expresse*, id est nominatim lata sit, & praeterea ipsi excommunicato denuntiata. Vtrumque enim requiri docent theologi & canonistae, qui ideo vocem *vel* pro coniunctione accipiunt (g). Valet eadem regula etiam in interdicto & suspensione, quod ipsius decretalis verbis comprehensum est. Quo tempore frequentiores euaserant censurae, praesertim latae sententiae, necessaria erat ista moderatio, alias in tanto excommunicatorum numero viros bonos angi necesse erat, si nulla praecedente saltem declarante sententia, euitare in sacris & ciuilibus deberent, quos ipso iure canones extra communionem proiecissent.

§. XIV. Quando autem excommunicatio mortalis a Christi corpore omnino abscindit, certe maxima est inter poenas ecclesiasticas. Et quid quaeso peius christiano homini potest euenire, quam ecclesiae communionem tamquam ethnicum & publicanum omnino excludi, atque ideo sacramentorum vsu & totius fraternitatis commercio priuari, & in eum statum coniici, in quo constituti homines spe aeternae salutis destituuntur. *Summum*, inquit Tertullianus *apol. cap. XXXIX.*, *futuri iudicii praedictum erat, si quis ita deliquerat, ut a communione orationis & conuentus, & omnis sancti commercii relegaretur.* Hinc ex patrum sententia nihil tam debet formidare homo christianus, quam ab ecclesia separari: & inde Augustinus *de corrept. & gratia cap. XV.* excommunicationem poenam *grauissimam* dixit.

§. XV. Quae quum ita sint, non debet profecto excommunicatio decerni, nisi ob grande crimen: & qui leuibus ex causis anathema infligit, abutitur ecclesiastica

po-

(g) Particula *vel* apud scriptores mediae aetatis saepe pro coniunctione vsurpatur: quod Iac. Gothofredus in *glossar. ad C. Theodosianum*, Io. Chiffletius in *Anastasi Childerici cap. VII.* & Petr. de Marca *de conc. sacerdot. & imperii lib. IV. cap. 5.* obseruarunt.

potestate, non secus ac si magistratus ob leues culpas noxios morte puniret. *Anathema*, inquit synodus Mel-
densis apud Gratianum *can. 41. C. 11. q. 3.*, est aeter-
nae mortis damnatio, & non nisi pro mortali debet imponi
crimine. Et synodus Aruernensis apud eundem Gratia-
num *can. 42. eodem*, nullus sacerdotum quemquam rectae
fidei hominem pro parvis & leuibus causis a communione
suspendat. Quod si antiqua monumenta aliquos ob leues
causas excommunicatos memorant, id non de mortali
excommunicatione accipiendum est, sed de medicinali,
quam veteres simpliciter excommunicationem dicebant.

§. XVI. Nec tantum graue sit oportet delictum ad
irrogandam excommunicationem; verum etiam manife-
stum, aut per iudicem legitime probatum; separat enim
illa christianum ab ecclesiae consortio. *Vbi peccatum non
est euidens*, inquit Origenes *hom. XX. in Iosue*, eicere ab
ecclesia neminem possumus, ne forte eradicantes *xizania*,
eradicemus & *triticum*. Et Augustinus *lib. L. homiliar.
hom. vlt.* docet, neminem plecti posse aut medicinali,
aut mortali excommunicatione, nisi aut sponte confessum,
aut in aliquo siue saeculari, siue ecclesiastico iudicio no-
minatum atque conuictum. Hinc multoties in canonibus
praecipitur, excommunicationem non irrogari, nisi cau-
sa probata, aut alias manifesta fuerit, *can. 11. C. 2. q.
1., cap. 48. ex. de sent. excommunicationis*.

§. XVII. Praeterea nec vbi crimen graue & proba-
tum est, decerni facile potest excommunicatio, nisi adsit
contumacia, qua criminofus obstinato animo in peccatis
haereat: quod in euangelio aperte edicitur; fratrem enim
criminosum tum deum, tamquam ethnicum & publica-
num habendum Christus docuit, si post duas priuatas ad-
monitiones, nec ecclesiam admonentem audierit. *Matth.
XVIII. v. 15. seqq.* Inde vsu receptum, ante excommu-
nicationem criminofum semel, iterum, atque tertio ad-
moneri debere: quam trinam admonitionem secundum sa-
cros canones esse synodus Chalcedonenfis docet. Et quo-
niam trina ista admonitio satis erat ad probandam con-
tumaciam, hinc *competens & canonica dicta est, cap. 48.
ex. de sentent. excommunicationis, cap. 5. eodem in 6.* Con-
cessit quidem synodus Lugdunensis sub Gregorio x. iudi-
cibus

cibus siue tres admonitiones, siue vnam pro omnibus adhibere; at haec vna admonitio instar omnium erat; nam aliquot dierum intervalla synodus adhiberi voluit, nisi facti necessitas ea suaderet moderanda, *cap. 9. eodem in 6.* Quod vero lapsa ecclesiastica disciplina iudices ecclesiastici etiam non admonitos excommunicarent, synodus Tridentina *ses. XXV. de res. cap. 2.* tam immane arbitrium coërcuit, & saltem duas monitiones statuit praemittendas.

§. XVIII. At hic nodus vindice dignus occurrit, etenim trina admonitio iure diuino ad irrogandam excommunicationem necessaria, non bene viderur conuenire cum excommunicatione latae sententiae, qua innodamur nulla praemissa admonitione statim ac crimen sub ea poena vetitum committimus. Vidit difficultatem Gersonius, eamque euasurus docet, excommunicationem latae sententiae id tantum operari, vt iudex probato crimine statim possit excommunicationis sententiam publicare, nulla alia adhibita sollemnitate. Alii vero respondent, satis esse contumacem, qui legi seu canoni praecipienti non obtemperat; lege enim ipsa continuo admonemur, & impellimur ad officium. Verum nescio, an responsiones istae nodum soluant: Christus enim praeter peccatum in legem, requirit animi obstinationem in peccato & expressam repetitamque admonitionem. Illud verum est, excommunicationes latae sententiae lapsa demum ecclesiastica disciplina fuisse inuectas, & potius vsu ecclesiae, quam Christi sententia niti.

§. XIX. Porro etsi causa legitima & contumacia adsit, non tamen gladius spiritualis statim exferendus est, & criminofus fraternitatis consortio exturbandus; sed tum demum cum dolore & aegritudine putrescentis membri abscissio decernenda est, si omnia alia remedia ad sanationem necessaria adhibita fuerint, & ab excommunicatione maius malum in ecclesiam erumpere non videatur. Ita ex veterum sententia ad excommunicationem non facile licet excurrere, si excommunicandus sociam habet multitudinem, ne inde schisma in ecclesia generetur. August. *lib. III. contra epist. Parmen. cap. 2.* Similiter ob maioris mali periculum non facile reges & magistratus

excommunicari possunt; nam illi si parum pii sint, aut alias faciles ad iram, sacris eiekti plus mali, quam boni in ecclesiam inferre solent, praefertim si ob temporales causas excommunicentur, qua in re mediis saeculis episcopi peccarunt. Quis enim nescit, turbas & bella quae rempublicam non minus, quam ecclesiam agitarunt, quod magistratus & principes subiude extra ecclesiae communionem proiekti sunt?

§. XX. Si excommunicatio iusta causa destituatur, & idcirco qui censura tamquam nocens obstringitur, reuera innocens est, haec excommunicatio *iniusta* a doctoribus appellatur, nec per eam christianus coram Deo ligatur; ministri enim ecclesiae potestatem non habent in caelis aliquem ligandi, qui non prius proprio crimine se obstrinxerit: quod veteres patres in primis Origenes & Augustinus docent, *can. 4. C. 24. q. 3. & can. 87. C. 11. q. 3.* Hinc euenire potest, vt ille, qui foras pellitur, intus sit; & ille foras, qui intus retineri videtur. Interim iniusta censura christiano etiam timeunda est, perinetque ad eius officium videre, an sua culpa, quam ipse non satis adprehendit, talem poenam commeruerit. Quo sensu intelligenda sunt verba Gregorii M. apud Gratianum in *can. 1. C. 11. q. 3.*, *sententia pastoris siue iusta, siue iniusta semper timeunda est*, vt ex integro homiliae Gregorianae contextu constat. At si censura reapse iniusta sit, & iniustitia omnibus innotescat, tum regula Gelasii papae locum habet, *sed si iniusta sit, tanto eam curare non debet, quanto apud Deum & ecclesiam eius neminem potest iniusta grauare sententia*, *can. 46. eodem.*

§. XXI. Ex veteris disciplinae regulis excommunicatio nullo certo sollemnique ritu, nec specialibus conceptisque formulis ferebatur; sed episcopus in presbyterio peccatores contumaces non sine dolore ecclesia eiiciebat, *const. apost. lib. II. cap. 37. seq.* Verum postquam lapsu temporis censurae ob frequentiam & parum iustas causas contemni coeptae sunt, ad earum auctoritatem sustinendam certi ritus & formulae diris & execrationibus plenae inductae sunt, quibus sollemni apparatu excommunicatio infligeretur, vt videre est in pontificali Romano *tit. de ordine excommunicandi*. Non tamen in omni excom-

CAP. XXXV. DE EXCOMMVNIC. 685

communicatione praescripta sollemnitas adhibetur, sed tantum in ea, quae in noua disciplina *anathema* dicitur. Illud interim inest omni excommunicationi, vt non nisi scripto & causa expressa ferri possit, *cap. 1. de sent. excomm. in 6.*

§. XXII. Lata excommunicationis sententia ab vna ecclesia in aliis quoque seruanda est, vt habet vetustissima regula saepe in synodis confirmata. Conc Nicaen. *can. V.*, Antioch. *can. VI.* Id cerre postulabat mutuum foedus & harmonia, quae inter ecclesias intercedebat, quaeque id operabatur, vt vnaquaeque ecclesia rata haberet omnia disciplinae acta, quae in fontes aliae ecclesiae fecissent. Excommunicationes quoque facile contemnebantur, si ab vna ecclesia eiecti ab aliis impune recipi possent. Hinc mos inoleuit, vt ecclesiae de iis, quos extra communionem proiecerant, alias scriptis litteris encyclicis seu circularibus facerent certiores. Socrat. *lib. I. cap. 6.* Conc. Tolet. *l. can. 11.* Nec alia est hodierna disciplina, vt videre est in pontificali Romano (b).

CA-

(h) Excommunicationes, seu a sacris eiectiones apud omnes ferme gentes religiosas in usu fuerunt; naturale enim erat, vt sacris eiicerentur, qui ex regulis receptae religionis non vivebant, licet interdum eiectio a sacris etiam ciuili commercio priuaret. Et Iudaei quidem duplicem excommunicationem habuerunt, minorem scilicet, a Rabbinis *Niddui* dictam, qua delinquens a synagoga & ciuili aliorum commercio ad tempus prohibebatur, vt a via sua mala resipisceret: & maiorem *Cherem* dictam, quae horrendis instructa diris a synagoga & reipublicae communione omnino exturbabat: eaque irrogabatur, si intra tempus legitimum minori excommunicationi subiectus absolui non curasset, vel si delicti qualitas statim maiorem postularet. Apud Graecos homicidae, adulterae, militiam detestantes alique criminosi a cunctis templis & sacris arcebantur. Apud Romanos aqua & igni interdicti & a ciuili commercio & a sacris excluderentur. Et apud Gallos Druidae scelestos & commercio religioso & ciuili eiiciebant: quae poena apud Gallos grauissima habebatur, teste Caesare *de bello Gallico lib. VI.* Quas omnes excommunicationes Seldenus *de synedriis lib. I.* pluribus exsequitur.

C A P V T. XXXVI.

De interdicto.

§. I. **I**nterdictum stricte sumtum & ab excommunicatione. & suspensione distinctum, est censura ecclesiastica, quae in emendationem priuat vsu quarumdam rerum sacrarum, qua res sacrae sunt & fidelibus communes. Nimirum tum rerum sacrarum interdictus vsus inter censuras numeratur, si in emendationem & resipiscentiam irrogetur: nam si in vindictam criminis decernatur, potius poenae, quam censurae ex regulis nouae disciplinae rationem habet. Interdictum quoque sic stricte dictum priuat vsu rerum sacrarum, qua vsus est; nam si res sacrae spectentur veluti quaedam communicatio cum fidelibus, interdictus vsus potius excommunicatio est. Nec interdictum priuat vsu omnium rerum sacrarum, sed tantum earum, quae in canonibus exprimuntur: quo etiam distat ab excommunicatione. Et demum interdictum priuat vsu quarumdam rerum sacrarum, quatenus fideles omnes iis uti possunt: quo distat a suspensione, quae priuat vsu rerum sacrarum, sed uti ipsis clericis proprio. Descriptio ista interdicti tot logicis subtilitatibus instructa nouae disciplinae debetur; nam ex veterum simplicitate interdictum veluti species excommunicationis habebatur.

§. II. Multae sunt interdicti species, aliud enim est *personale*, aliud *locale*, aliud *mixtum*. Personale personas directe adicit, easque vsu quarumdam rerum sacrarum, quocumque eant, priuat: & hinc dici solet *ambulatorium*. Locale directe fertur ad locum, tantumque in eo res sacras celebrari vetat. Mixtum vtrimque participat, & personis & locis vsu rerum sacrarum interdicat. Personale autem & locale interdictum vel generale, vel particulare est, prout collegium aliquod personarum, puta clerus, populus, aut quidam peculiare christiani vsu rerum sa-

sacrarum prohibentur; itemque prout regnum, prouincia, dioecesis, ciuitas, aut ecclesia aliqua interdicto supponatur (a). Sed si interdicto populus subiiciatur, eo nomine clerus non venit; nec si sacris clero interdicatur, populus comprehensus censetur, *cap. 16. de sent. excommunicationis in 6.* At si interdicto supponatur ciuitas, aut ecclesia, etiam suburbia, & capellae & coemeterium ecclesiae adiacentia interdicto continentur, *cap. 17. eod.* Item, non secus ac excommunicatio, interdictum vel est ferendae, vel latae sententiae, prout scilicet vel sententia iudicis, vel ipso iure vsus rerum sacrarum prohibetur.

§. III. Interdicta non nisi ex graui causa & cum magna prudentia decerni debent, praesertim si generalia sint; nec enim exiguum malum est, in ecclesiis sacra officia cessare, & sacramenta fidelibus non administrari. Quia interdictum etiam ob aliena crimina irrogari consuevit, veluti si ob peccatum patris, aut paucorum ciuium

(a) Quae fuerit origo generalis interdicti, quo ob vnus aut paucorum crimina pluribus ecclesiis, aut integris ciuitatibus, aut regnis sacra interduntur, non vna est omnium sententia. Habertus in *archierat.* scribit, generalia interdicta quarto saeculo apud Graecos cognita fuisse, idque auctoritate S. Basilii, qui *epist. CCXLII.* respondit, pagum a precibus & orationum communione debere prohiberi, quod raptorem cum rapta suscepit, nec reddiderat. Alii exeunte saeculo sexto interdictorum generalium usum incepisse docent; aliquot enim Gregorius Turonensis refert exempla, quibus ob paucorum crimina ciuitatibus aut ecclesiis sacrarum rerum celebratione interdictum est. Verum eiusmodi exempla rara sunt, & praeterea eius aetatis interdicta ferme in peculiare ecclesias ferebantur. Hinc rectius Dupinus de *antiq. eccles. discipl. diff. III. cap. 2.* docet, interdicta generalia, quibus integrae prouinciae & regna rebus sacris prohibentur, tempore Gregorii VII. in usum frequentem abiisse. Certe Iuo Carnotensis *epist. XCIV.* interdictum *remedium insolitum* appellat, quod scilicet tum primura in usu esse inceperat. Deinceps vero generalia interdicta in controuersis inter imperium & sacerdotium semper adhibita sunt; at post Paulum V., qui Venetorum rempublicam interdicto supposuit, exemplum ferme nullum occurrit.

vium vniuersae familiae, aut pago, aut ciuitati sacris interdicatur. Porro interdictum iisdem sollemnibus, quibus excommunicatio ferri debet, scilicet praemittendae tres monitiones, & sententia scripto pronuntianda & caussa exprimenda; irrogatur nimirum in emendationem & contumaciam supponit.

§. IV. Iam interdicta illa, quibus ob paucorum crimina & praesertim ob peccata a regibus & magistratibus admissa integrae provinciae & regna vsu rerum sacrarum priuantur, vix defendi posse videntur. Etenim non patitur recta ratio, ob vnius aut paucorum peccatum vniuersas societates puniri. Qua ratione Augustinus *epist. LXXV.* carpit Auxilium iuniorem episcopum Africanum, qui ob crimen a patre admissum vniuersam familiam excommunicauerat. *Doceat, quomodo recte anathematizetur pro patris peccato filius, aut pro mariti uxor, aut pro domini seruus.* Deinde ex veterum patrum sententia censurarum vis cessare debet, nec gladius spiritualis exserendus, si ex censuris schisma, aut aliud graue malum in ecclesiam immineat. Et si S. Basilius in integro pago, qui raptorem cum rapta receperat, nec reddiderat, preces & orationes haberi vetuerit; id fortasse recte fieri potuit, quod plerique illius pagi ciues peccauerant: deinde aliud est vnum pagum, aliud integras provincias & regna interdicto supponere.

§. V. Interdicta generalia origine sua id efficiebant, vt in ecclesiis interdicto subiectis diuina omnia officia, vno serme excepto paruulorum baptismo & morientium poenitentia, cessarent. Hinc plus damni, quam vtilitatis ecclesiae & reipublicae adferre consueuerunt, praesertim si longo tempore stetissent: quae mala ipse Bonifacius VIII. recenset: *tunc excrescit indeuotio populi, pullulant haereses, & infinita pericula animarum insurgunt, ac ecclesiis sine culpa earum debita obsequia subtrahuntur, cap. ult. de sentent. excomm. in 6.* Nec a ratione videtur alienum, quod de quodam loco in Marchia, qui diu interdicto obstrictus fuerat, se audiuisse auctor glossae *in cit. cap. ult.* testatur, quod facta relaxatione homines triginta & quadraginta annorum, qui numquam audierant missam, sacerdotes celebrantes deriderent.

CAP. XXXVI. DE INTERDICTO. 689

§. VI. Quae quum ita sint, Romani pontifices de malis interdictorum experientia edocti, eorum seueritatem in diem emollierunt. Ergo praeter paruulorum baptismum & morientium poenitentiam Innocentius III. permisit, vt tempore interdicti praedicatio euangelij ad populum fieret, & confirmatio paruulis baptizatis daretur, *cap. 43. ex. de sententia excommunicationis*. Item concessit sepulturam ecclesiasticam clericis, qui seruauerant interdictum, sed nullis adhibitis sollempnibus; & poenitentiam crucis signum suscipientibus & sanctorum limina visitantibus, etiamsi bene valerent, *cap. 11. ex. de poenitentiis & remissionibus (b)*. Inde Gregorius IX. etiam permisit, vt in vnaquaque hebdomada celebraretur privata missa, verum silentibus campanis, voce submissa, ianuis clausis, & excommunicatis & interdictis exclusis, vt corpus domini, quod decedentibus in poenitentia non negatur, conficeretur, *cap. 57. ex. de sent. excommunicationis*. Et demum Bonifacius VIII. poenitentiam sanis omnibus dari permisit, & diuina omnia officia portis clausis & silentibus campanis quotidie celebrari, exceptis festis Natalis Christi, Paschae, Pentecostes, & Assumptionis B. Virginis, (quibus festum Corporis Christi eiusque octauam Martinus V. addidit) in quibus etiam concessit diuina officia sollempniter celebrari, sed exclusis excommunicatis, & admissis interdicto subiectis, modo qui causam

Part III.

X x

sam

(b) Crucem adsumere dicti sunt, qui ad sacra bella profecturi crucis symbolum palliis suis adfuebant & adfgebant, in signum votiuae illius expeditionis: cuius rei origo concilio Claramontano adscribitur, in quo expeditio Hierosolymitana decreta est. Sacrae expeditiones inde etiam contra haereticos, immo aliquando & contra principes indictae. Verum peregrini non eadem ratione in omnibus expeditionibus crucem vestimentis suis adfixere. Eam in expeditione Hierosolymitana in dextris scapulis posuere: in expeditione contra Albigenes & contra Mauros Hispanos in pectore: in alijs alia ratione cruce signati prodierunt. V. Dufresne *gloss. med. & infim. Latinis. v. crucem adsumere*.

sam interdicto dederint, altari non appropinquent, *cap. ult. de sent. excomm. in 6.*

§. VII. Violantes interdictum ex iusta & canonica causa & ordine legitimo latum grauis criminis rei sunt, vtpote qui ecclesiae auctoritatem in re graui transgrediuntur. Clerici vero, qui in loco interdicto celebrant, a canone sunt alieni, nec ad eligendum cum aliis admittuntur: cuius irregularitatis tantum summus pontifex veniam potest indulgere, *cap. 18. §. 1. de sentent. excommunic. in 6.*, vbi etsi tantum sermo sit de sola celebratione; tamen celebratio illa ex interpretum sententia complectitur officia omnia, quae tempore interdicti celebrari vetantur. Item qui interdicto subiectos in loco sacro sepeliunt, ipso facto in excommunicationem incurrunt, cuius relaxatio episcopo reseruata est, *Clement. 1. de sepulturis*. Excommunicantur quoque regulares etiam exempti, qui interdictum generale aut locale a pontifice, vel ab episcopo latum non seruauerint, *Clement. 1. de sent. excommunicationis*.

§. VIII. Interdictum ex regulis nouae disciplinae distat a cessatione a diuinis, quae inter censuras non censetur. Per cessationem a diuinis ipso iure vetantur diuina officia celebrari in ecclesia, quae homicidio, aut adulterio, seu alio admissa crimine polluitur, *cap. ult. ex de consecr. ecclesiae*, vt populo salutaris terror & criminis horror incutiatur. Non ergo infligitur in emendationem: at diuina officia nequeunt celebrari, nisi ecclesia reconcilietur. Violatio cessationis a diuinis grauis culpa est, at non facit a canone alienos, *cap. 18. ex de sent. excommunic. in 6.*, excommunicantur vero regulares, qui in ecclesia, vbi a diuinis cessatur, celebrauerint, *Clement. unic. de sent. excommunic. in 6.*

C A P V T XXXVII.

De suspensione.

§. I. **S**uspensio, quatenus ab excommunicatione & interdicto distinguitur, est censura ecclesiastica, qua clericus in emendationem exercitio potestatis ecclesiasticae, quam ratione officii vel beneficii habet, salua dignitate, abstinetur. Ita distat ab excommunicatione, quae priuat ecclesiastica potestate, non quod competat ratione officii aut beneficii, sed potius quod communio- nem cum reliquis fidelibus contineat. Item suspensio distat ab excommunicatione, quod haec & in clericos & in laicos, illa tantum irrogatur in clericos, quibus solis exercitio ecclesiasticae potestatis officio aut beneficio ecclesiastico cohaerentis potest interdici. Porro suspensio distat ab interdicto, hoc enim clerici prohibentur usu rerum sacrarum, sed qua istae fidelibus omnibus communes sunt; quando suspensis usu earum interdicitur, quod ab officio aut beneficio dependent.

§. II. Tres suspensionis species distingui solent, una ab officio, altera a beneficio, & tertia simul ab officio & beneficio. Suspensio ab officio clericum abstinet ab omnibus officiis ecclesiasticis, quae vel ab ordine, vel ab iurisdictione dependent, modo sit vera officia ecclesiastica; nam ea, quae clericis & laicis communia sunt, qualia ingressus in ecclesiam, sacramentorum susceptio, suspensis ab officio non prohibentur. Suspensio a beneficio clericum excludit a fructuum beneficii perceptione & aliis inde pendentibus, non item ab officio; odiosa enim stricte esse accipienda doctores tradunt. Suspensio demum ab officio & beneficio clericum & a sacris officiis & perceptione fructuum beneficii priuat. Num vero suspensio ab officio etiam beneficio, quod propter officium datur, absterenti intelligantur, disputant doctores: cuius quaestio- nis ratione factum est, ut iudices ab utroque suspendere

692 INSTITVT. IVRIS CAN. PARS III.

Volentes, verba *ab officio & beneficio* sententiae inferant.

§. III. Praeterea quaevis suspensionis species vel irrogatur in totum, vel pro parte, vel in perpetuum, vel ad tempus, quin etiam ad certum locum potest limitari pro culpae admissae ratione. Clerici suspenduntur in totum, si omni functione clericali; pro parte, si tantum missae celebratione, aut habendis ordinationibus prohibeantur. Perpetua est suspensio, quae salua dignitate perpetuo sacris officiis celebrandis interdicat: temporaria quae ad certum tempus limitatur, veluti si episcopus per annum ab ordinum collatione suspendatur. Suspensio restricta ad certum locum facit, ut clerici in eo loco officia, a quibus sunt absenti, nequeant exercere; at in aliis locis non prohibentur sacris operari, aut iurisdictione uti. Suspensio porro cuiusvis speciei alia est ferendae, alia laeae sententiae, quarum illa iudicis sententia, haec vero auctoritate iuris ipso facto irrogatur, non secus ac de excommunicatione dictum est.

§. IV. Censurae stricte sic dictae ex regulis nouae disciplinae in emendationem, non in poenam criminis irrogantur. Hinc non omnis suspensio censura est, sed ea tantum, quae nulla temporis limitatione coercetur, utpote quae in emendationem infligitur: quae vero perpetuo, vel ad certum tempus decernitur, potius poena, quam censura reputatur. V. Suarez *de censur. disput. VII. sect. 1.* Hinc suspensio tamquam censura irrogata non tollitur, nisi per canonicam relaxationem, quae tum concedi debet, si absensus resipuerit: contra suspensio ad certum tempus coacta ultra tempus non profertur, sed eo elapso expirat ipso iure sine relaxatione: quae inter doctores recepta sententia est. Quin obseruat auctor glossae in *Clement. 1. de decimis*, suspensionem hac formula latam, *donec satisfecerit*, ipso iure sine alia relaxatione evanescere, statim ac iudex satisfactum fuisse declarauerit (a).

§. V.

(a) Quidquid vero de suspensione siue tamquam censura, siue tamquam poena habet noua disciplina, id etiam apud veteres obtinuit. Clerici enim omni aetate siue in totum, siue pro

CAP. XXXVII. DE SVSPENSIONE. 693

§. V. Iam clerici sacris officiis, aut ecclesiasticis stipendiis suspensi dignitatem seu beneficium non amittunt, sed tantum ordinis seu dignitatis suae functionibus, seu perceptione fructuum beneficii & aliis inde pendentibus abstinetur. Cyprian. *ep. XVI. al. X.*, Conc. Ancyr. *can. I.*, Neocaesar. *can. IX.* Ita suspensio licet perpetua differt a depositione, quae non tantum ab executione officii & beneficii prohibet, verum etiam depositum omnino ab altaris ministerio exturbat, & officio & beneficio omnino priuat, titulumque aufert, adeo vt sine noua collatione & titulo ad officium vel beneficium redire nequeat. V. Espen. *par. III. tit. 11. cap. 10.*

§. VI. Quod vero suspensio siue ab officio, siue a beneficio poena ecclesiastica est, sine causa non debet irrogari, quamuis non adeo grauis culpa requiratur ad suspensionem, ac ad excommunicationem & interdictum. Nimirum suspensio est partialis excommunicatio, qua clerici ecclesiastica communione, quae strictius accepta tantum clericalia officia complectitur, pro parte aut in totum priuantur. Et reapse in veteri disciplina saepe occurrunt excommunicationes seu suspensiones pro leuibus culpis clericis irrogatae, *can. LVI. & seq. apostol.* Sed si suspensio tamquam censura ferendae sententiae decernatur, debet praecedere contumacia & competens admonitio.

X x 3

Item

pro parte, siue ad tempus, siue in perpetuum sui ordinis exercitio prohibiti sunt, saluo gradu & dignitate, qua aucti erant. Item in veteri disciplina occurrunt clerici, qui, sui ordinis retentis officiis, tantum reddituum portione sibi debita, seu stipendiis & sportulis clericalibus, abstinetur. Cyprian. *epist. XXVIII. al. XXXIV. ad cler.*, conc. Carthag. *iv. can. 48. & seq.* Tantum apud veteres suspensio, quae nunc tamquam propria censurae species reputatur, erat veluti medicinalis excommunicatio, qua clerici ecclesiastica communione, quae illis propria erat, plus minusue pro ratione culpae excluderantur, quod Albaspinæus *observat. l. b. I. 2.*, Habertus *in archierat.* aliique observant. Hinc suspensio in antiquis monumentis *του απορισμου separationis & excommunicationis* nomine designatur. V. Sui-
ext. thes. eccles. v. απορισμος.

Item suspensio, non secus ac excommunicatio & interdictum, in scriptis ferenda est, & quidem expressa causa, ob quam irrogatur, *cap. 1. de sentent. excomm. in 6.*

§. VII. Si clerici in suspensione functiones ordinis, aut beneficii, unde suspensi sunt, exercent, a canone sunt alieni, *cap. 1. de sent. & re iudicata in 6.* Immo si presbyter ab ordine suspensus minorum ordinum functiones exercent, ex sententia Fagnani *ad cap. 2. de clerico excomm. ministrante* etiam a canone alienus censendus est; functiones enim minorum ordinum sacerdotio insunt, & inde veluti totidem riuuli a fonte manarunt, modo tamen functiones illas suspensus presbyter exercent tamquam clericus, cui functio propria est. Hinc quod in plerisque ecclesiis functiones ordinum minorum a clericis necessario ordine insignitis aut etiam a laicis solent exerceri; presbyter ab ordine suspensus non videtur a canone alienus, quod functiones minorum ordinum obeat, nam functiones exercet, tamquam si ab ordine non penderent.

C A P V T XXXVIII.

De absolutione a censuris.

§. I. SEmel irrogata censura non tollitur, nisi per absolutionem seu relaxationem, *cap. 28. ex de sent. excommunicationis*: quum enim per censuras iuridica & canonica ecclesiae potestate christiani a communione siue in totum, siue pro parte prohibeantur, non videntur nisi eadem potestate in externam ecclesiae communionem restitui posse. Absolutio a censuris, quae *pax, relaxatio, venia, communio* in antiquis monumentis dicitur, est relaxatio poenae, siue vinculi secundum ecclesiae formam concessa. Forma vero ecclesiae id ante omnia postulat, vt adempta communio non facile restituatur, sed vbi de emendatione constat, *can. 33. C. 23. q. 4.*

§. II. Ex veteris disciplinae regulis, quibus vnum erat

erat ecclesiae poenitentiale forum, internum nempe, relaxatio censurarum etiam vna erat, & eiusdem interni fori pars habebatur, & ab eodem siue episcopo, siue presbytero, qui poenitentiis praeerat, concedi solebat. V. Morin. *de administr. poenit. lib. I. cap. 10. (a)*. Sed ubi duplex in ecclesia forum inualuit, internum nempe, & externum, & irrogatio censurarum ad externum devoluta est; duae species absolutionis a censuris distinctae sunt, vna in foro interno, quae Deo reconciliat, altera in foro externo & contentioso, quae praecedente iudicis sententia externam pacem restituit. Vtraque proprii fori limitibus coercetur, nec ulterius operatur: quin saepe contingit, ut qui potest censuras in foro externo relaxare, in foro interno absolvere nequeat, & e contrario. Hinc absolutio in foro interno etiam vi Iubilaei data ad tollendos actus fori iudicialis satis esse non censetur. Necessaria vero est relaxatio in foro externo in iis praecipue casibus, quibus censura ab iudice fertur & denuntiatur, alias interna relaxatio sufficit. Espen. *tract. de censur. cap. XI. §. 2.*

§. III. Iam a censuris ab episcopo seu alio iudice ecclesiastico per sententiam latis ille iure absoluit, qui eas irrogavit, conc. Nicaen. *can. V.*, vel eius in munere successor, aut eius delegatus, *cap. 20. ex. de off. ordinarii*, aut denique superior, veluti metropolitanus, si querela de iniquitate censurae ad ipsum deferatur. Sed metropolitanus nemini potest pacem impertiri, nisi legitime & plene ipsi constiterit de episcopalis censurae iniquitate: contra si certum appareat, excommunicationem esse iustam, superior iudex excommunicatum ad iudicem, qui

(a) Quamvis autem relaxatio excommunicationis interni fori pars esset; tamen seorsum & diuersa formula a peccatorum absolutione dabatur; excommunicati enim in pacem recipiebantur in ipsa poenitentiae datione, peccata vero remittebantur per absolutionem sacramentalem, quam demum emensis poenitentiae spatiis peccatores accipiebant. Relaxabatur vero excommunicatio non sine sollemnitate, quam synodus Arausicana proponit, *can. 108. C. 11. §. 3.*

excommunicauit, remittere debet, non vero pacem dare, nisi periculum in mora sit, vel excommunicator requisitus absolutionem satisfacere parato per malitiam denegat. Quod si dubitetur, an censura iusta sit, superior eam relaxare bene potest, quamuis rectius sit, si ad proprium antistitem remittat, *cap. 7. §. 3. de sent. excommunic. in 6.*

§. IV. Quod vero spectat ad censuras latae sententiae, haec regula recepta est: si summus pontifex aut canonis conditor earum relaxationem sibi expresse non reseruauerit, absolui vnusquisque potest vel a proprio episcopo, vel a proprio sacerdote, *cap. 29. ex. de sententia excommunic.* Nomine proprii sacerdotis etsi parochus veniat; tamen in hac caussa etiam tamquam proprius sacerdos habetur quisquis confessionibus praeest. Quod si summus pontifex aut alius canonis conditor absolutionem sibi reseruauerit, ipse aut etiam alius sacerdos ex eius delegatione relaxat censuram. Censentur vero aucti delegatione ad relaxandas in foro interno censuras papae, aut episcopis reseruatas etiam illi, qui ab iisdem absoluendi a peccatis reseruatis generalem potestatem habent.

§. V. Sunt interim casus, in quibus generalis censurarum reseruatio cessat, & relaxatio etiam sine speciali delegatione ab inferioribus ministris conceditur. Et sane episcopi in foro conscientiae rite absoluunt subditos suos a casibus occultis etiam papae reseruatis. *Trid. sess. XXIV. de ref. cap. 6.* Praeterea episcopi relaxant censuras papae reseruatas, vbi censura obstricti impares sunt ad Romanum iter, quales sunt mulieres, senes, valetudinarii, *cap. 13. ex. de sententia excommunic.* Et generatim cessat omnis reseruatio, & presbyteri quique absoluunt, si mortis periculum urgeat, *Trident. sess. XIV. de sacr. poenit. cap. 7.*, quamuis inde euanescente periculo sic absoluti Romano pontifici vel eius legato se sistere debeant, eius mandata accepturi, alias in eandem censuram incidunt, *cap. 22. de sent. excommunic. in 6.*

§. VI. Relaxatio censurarum cognita veteribus patribus vna & absoluta erat, quae post emendationem, aut finitam causam dabatur; at in noua disciplina datur etiam absolutio *ad cautelam*, vt vocatur, quod ad maiorem

CAP. XXXVIII. DE ABSOLVT ETC. 697

rem cautionem dari consuevit. Ea locum habet, vbi de vi latae censurae dubitatur, daturque petenti de illius validitate adhuc pendente controuersia, *cap. 40. ex. de sentent. excommunicationis*; item praemittitur absolutioni sacramentali ab omnibus sacerdotibus, qui foro interno praesunt, idque ne absolutio sacramentalis ob censuram iure illatam & ignotam frustranea sit: & porro inseritur omnibus bullis & rescriptis apostolicis, vt eo salutari remedio concessa gratia impetrari possit (b).

§. VII. Est & alia species absolutionis a censuris prior non absimilis, & antiquis quoque ignota, quae dicitur *ad reincidentiam*, quae, vbi de censura certo constat, datur ad definitum tempus, aut ad certum actum, vt illo tempore elapso, aut actu peracto sic absolutus rursus incidat in censuram. Solet haec absolutio concedi sub certo modo seu obligatione, videlicet satisfaciendi parti laesae, vel exercendi certum pium opus, aut itineris Romani suscipiendi: qui modus intra praefixum tempus impleri debet, alias tempore elapso, & modo non impleto censura vim suam resumit, nisi per absolutum non steterit, quominus modum impleret, nec eius noua culpa adsit.

§. VIII. Nec tantum relaxantur excommunicationes, dum adhuc excommunicati viuunt, verum etiam post mortem; fieri enim potest, vt excommunicatus, qui signa poenitentiae & emendationis dederat, ante acceptam pacem moriatur; aut etiam vt quis post mortem excommunicetur. Pax post mortem in veteri disciplina facto potius

(b) Absolutio ista ad cautelam demum post saeculum decimum inuenta est, vbi excommunicationes frequentiores esse, & illarum causae per fori ambages tractari coeperunt; durum enim visum est, tamdiu extra ecclesiae communionem manere; & ita recepta disciplina, vt pendente quaestione de vi censurarum absolutio ad cautelam daretur. Inde censuris latae sententiae eatenus multiplicatis, vt saepe nesciant fideles, an censuris obstricti sint, necesse fuit, absolutionem ad cautelam sacramentali absolutioni praemittere, & omnibus gratiae rescriptis inferi. V. *Espen. tract. de censur. cap. XI. §. 3.*

tius (c), quam conceptis precibus dabatur; sed labentibus annis eo res deuenit, vt in vtraque ecclesia certa verborum formula tribueretur, *can. 28. ex. de sent. excommunic.* Quin a nonnullis falso creditum, per istam absolutionem mortuos ab aliquibus poenis liberari; excommunicationes enim & absolutiones mortuis datae eorum animabus nec prodesse, nec nocere possunt, sed eorum tantum memoriae. V. Dupin. *de vet. eccles. discipl. diff. III. cap. 2. (d).*

CA-

(c) Veluti si mortuorum execratorum nomina in sacris diptychis, ex quibus antea expuncta fuerant, iterum restituerentur; itemque si oblationes mortuorum nomine factae ab ecclesia acciperentur. Bingh. *orig. eccles. lib. XVI. cap. 3. §. 12.* Quo facto iterum mortuorum nomina in sacris precibus recitabantur, & ecclesia pro eorum dormitione deprecationem faciebat.

(d) Fuit in veteri disciplina absolutio, quae oeconomia quadam dabatur excommunicatis, qui in gratiam apud reges recepti aut regiae mensae participes facti erant: quod synodus Toletana xii. *can. 3. de iis, qui contra regem, gentem vel patriam egerant, decernit.* Idem vero veluti in capitularibus generatim de omnibus excommunicatis cautum luo Carnotensis *decr. par. XVII. cap. 344.* testatur, quamuis in eam sententiam nullum hodie exisset capitulare. Mos iste obtinuit in Germania, Francia, Hispania & Anglia: quod Seldenus *de synedr. lib. I. cap. 10.* probat. Nimirum id obsequii ecclesia tribuit principibus, vt censuras suas relaxaret, si illi in suam gratiam excommunicatos recepissent. Etiam apud gentes homicidii reus, qui & a sacris & a communi consortio arcebat, expiatus seu absolutus tum demum maxime habebatur, si a rege quopiam exceptus hospitio purgaretur. V. Selden. *loc. cit.*

C A P V T XXXIX.

De depositione & reliquis poenis ecclesiasticis.

§. I. Satis de censuris, nunc de poenis ecclesiasticis scribere sic dictis agendum, inter quas principem sibi locum *depositio* vindicat, Graecis *καταψοσις* dicta. Definitur poena ecclesiastica, qua clerici propter crimen in perpetuum ordinum exercitio, sacris functionibus & beneficiis in totum exuuntur. Vna erat in veteri disciplina *depositio*, quae etiam *degradatio* dicebatur; at ex regulis nouae disciplinae *depositionis* duae sunt species, vna simplex seu verbalis, quae *depositio* stricto sensu dicitur; altera sollemnis & actualis, quae *degradationis* nomine venit. Simplex *depositio* per nudam iudicis sententiam clericum gradu suo nulla adhibita sollemnitate exturbat: sollemnis vero & actualis verbis & re peragitur, est enim actus ipse seu sollemnis caerimonia, qua clericus sola sententia prius depositus reapse sacris indumentis & insignibus spoliatur, & ad laicos abiicitur.

§. II. Multa inter *depositionem* & *degradationem* intercedunt discrimina; praecipua vero sunt: depositus adhuc retinet privilegia clericalia, degradatus vero ea omnino deperdit, & deinceps velut laicus reputatur: depositus item ablegatur ad poenitentiam, degradatus traditur iudici saeculari puniendus: depositus denuo deponi nequit, at potest degradari. Discrimina ista sunt ex noua disciplina, quae inter *depositionem* & *degradationem* distinguit: nam secundum veteres regulas per ipsam *depositionem* clerici privilegia clericalia vna cum ordinum exercitio amittebant, & statim ad laicam communionem transibant: depositi clerici magistratibus puniendi ab episcopis non tradebantur; nec poterat euenire, vt depositus degradaretur.

§. III. Inter *depositionem* & *degradationem* distinctio inualuit, vbi clerici de magistratum iurisdictione etiam

iam in ciuilibus delictis omnino exempti sunt, & respublica atrociores & sanguinis poenas, quae in nouis Europae regnis frequentes non erant, receperat. Nimirum in hoc rerum statu aliquando clerici canonicis poenis in officio retineri non poterant: atque ideo in delictis atrocibus magistratibus puniendi tradi debebant, ne in ecclesiae & reipublicae perniciem nequiores euaderent. Ita non sufficebat, clericum deponi per nudam sententiam, quae eum nec clericalibus priuilegiis spoliabat, nec foro saeculari addicebat. Ergo necesse fuit inter simplicem, & sollemnem depositionem distingui, vt depositi clerici per degradationem ad laicos redacti magistratibus tradi possent (a). Eiusmodi discrimen aut induxit, aut iam inductum exeunte saeculo decimo secundo Clemens III. seu Caelestinus III. probauit, *cap. 10. ex. de iudiciis*.

§. IV. Ex regulis veteris disciplinae episcopi in synodo prouinciali, presbyteri & reliqui inferiores clerici a proprio episcopo in ecclesiae senatu deponebantur. Conc. Antioch. *can. IV. & XV.* Sed Africani patres in re tanti momenti solum episcopum in presbyterio sedentem vix sufficere putantes, in deponendis etiam diaconis & presbyteris plurium episcoporum praesentiam adhiberi voluerunt. Itaque statuerunt, vt diaconus a tribus vicinis episcopis cum proprio episcopo arguatur, presbyter a sex; episcopus vero a duodecim episcopis damnetur, *can. 3. & seqq. C. 15. q. 7.* Tum vero haec disciplina obtinuisse videtur, si contingeret, extra sollemne habendae synodi tempus episcopum deferri, & negotium moram non pateretur; nam alias etiam secundum Africanos canones episcopi

(a) In veteri disciplina etiam deponebantur clerici, antequam pro delictis ciuilibus a magistratu punirentur. Iustin. *novel. LXXXIII. in praef. §. 2.* Verum depositio ista non eo spectabat, vt illi in iudiciis laici potestatem transirent; sed potius ad eos altaris ministerio exturbandos; integra tum erat in clericos communium criminum reos magistratuum iurisdictio; atque ideo non poterat euenire, vt episcopi ipsi reos magistratibus puniendos traderent, vt mittam quod tum eiusmodi traditiones ecclesiasticae mansuetudini aduersae censebantur.

scopi in ordinariis synodis deponerentur, *can. 4. eodem*.
Disciplina ab Africanis patribus statuta etiam in aliis Occidentis ecclesiis recepta est.

§. V. Verum labentibus annis depositiones siue episcoporum, siue presbyterorum & diaconorum per alios iudices ab iis, qui in antiquis canonibus designantur, factae sunt. Et quidem depositiones episcoporum vna cum reliquis causis maioribus ad summum pontificem deuolutae sunt. Huius nouae disciplinae primordia debentur falsis decretalibus, quae initio noni saeculi opera Isidori Mercatoris vulgatae sub nomine Eleutherii, Iulii aliorumque pontificum edicunt, non licere synodis prouincialibus praeter sententiam Romani pontificis episcopos damnare: quod veteribus canonibus & veteris disciplinae vsui adueriatur; synodi enim prouinciales per plura saecula episcopos inscio pontifice damnarunt. Quae noua doctrina diu dubia haesit; tandem vero exeunte decimo saeculo & deinceps vna cum falsis decretalibus in Occidente recepta est: & quia synodi prouinciales rariore euaserant, eo deuentum, vt episcoporum causae, tamquam maiores, primo iudicio sedi apostolicae reueruarentur: quod supra *cap. VIII.* vberius expositum est.

§. VI. Quod vero spectat ad meram depositionem maiorum clericorum, eam etiam a tribus aut sex episcopis vna cum proprio episcopo Bonifacius VIII. fieri voluit; tantumque permisit, vt clerici in minoribus ordinibus constituti possent sola proprii episcopi sententia exauctorari, *cap. 2. de poenis in 6.* Quod vero in aliquibus prouinciis legitimus episcoporum numerus ad depositionem vix haberi poterat, statuit Tridentina synodus *ses. XIII. de ref. cap. 4*, vt liceret episcopo, siue per se, siue per vicarium generalem clericos etiam maiores deponere, modo loco episcoporum adhibeantur totidem abbates, qui vsu mitrae & baculi habeant, si in ciuitate, aut dioecesi inueniri & commode interesse possint; alioquin aliae personae in dignitate ecclesiastica constitutae, quae aetate graues sint, & iuris scientia commendentur.

§. VII. Sollemnitas, qua degradatio in noua disciplina peragitur, exemplo rei militaris videtur instituta; dum enim exauctorabantur milites, insignia militaria iis detra-

hebantur, *L. 12. C. de dignitatib. lib. 10.* sicque castris & consortio militum eiekti militaribus priuilegiis cadebant. Itaque clericus degradandus sacris vestibus indutus ac manu habens librum, vel aliud sui ordinis instrumentum, periunde ac si in officio sollempniter ministrare deberet, adducitur ad episcopum, cui adhaerent alii episcopi seu abbates, alijque, qui in sententia depositionis interfuerunt. Episcopus singula ornamenta ipsi sigillatim eripit, incipiens ab eo, quod in ordinatione postremum fuit, & desinens in eo, quod primo datum est: tum iubet, caput omne abradi, ad delendam coronam clericalem, ne ullum supersit clericatus vestigium. Dum vero singula ornamenta episcopus detrahit, ad terrorem verba iis contraria, quae in ordinatione adhibita sunt, usurpat, & in detractioe vestis clericalis, addit veluti sententiam, qua degradatum omni ordine, beneficio & priuilegio clericali exuit, & ad laicos reducit, *cap. 2. de poenis in 6. (b)*. §. VIII. Depositiio autem, vtpote poena grauis, tantum ob delictum debet irrogari, quo clericus indignus sacro ministerio fiat. Delicti autem nomine ex veteris ecclesiae regulis non solum graua crimina tam ecclesiastica, quam ciuilia veniebant; verum etiam delicta ipsa minora, quae clericum nota quadam infamiae adiciebant, aut alias contra canones & clericale officium admittebantur. Et sane depositio manebat clericos, qui aleis & e-

(b) Clerici degradati aut deppositi ex regulis decretalium aliquando caractere impresso notantur, quo ab aliis possint internosci, *cap. 3. ex de crimine falsi*. Fuit haec poena ciuilibis, qua calumniatorum fronti apud Romanos K littera ex lege Remmia inurebatur, vt ita designaretur, iniustum esse calumniatorem; veteres enim *Kalumniam* scribebant. Seruis quoque delinquentibus & praesertim fugitiuis ardenti ferro inscribi solebant litterae aut stigmata; vt deinceps suo se titulo prouiderent. Inde Constantinus M. non licere statuit, faciem hominis signare aut nota aliqua maculari; quod facies hominis ad similitudinem caelestis pulchritudinis efformata sit, *L. 17. C. de poenis*. Hinc mirari subit, pontifices eo seueritatis deuenisse, vt clericos grauiorum criminum reos stigmatibus notarent, praesertim quod notatio ista infamiam irrogaret.

brieratibus vacarent, si admoniti bonam vitam non induissent, *can. XLI. apostol.* Item praesto erat depositio, si clerici in sui officii exercitio negligentes essent, *can. LVIII. apostolorum, can. 8. D. 81.* Quod si quando occurrant clerici ob grauiora crimina a gradu in perpetuum non deiectioni, sed aliis minoribus poenis castigati; id arguit, ecclesiam censuras suas pro varia temporis & personarum ratione moderasse.

§. IX. Quod vero spectat ad degradationem, qua clerici degradati magistratibus puniendi traduntur, ea, quod primum tempore per summos pontifices probata est, propter magna crimina tum demum irrogabatur, si omnibus remediis & poenis canonicis praemissis clerici contumaces & rebelles persisterent, *cap. 19. ex. de iudiciis, cap. 2. ex. de clerico excomm. ministrante.* Interim conciliorum canonibus & pontificum decretalibus sensum quaedam crimina expressa sunt, quae etiam sine reorum contumacia degradatione vindicari placuit. Talia crimina sunt haeresis, & apostasia a fide, saltem si quis in illam relapsus, aut in ea pertinax sit, falsificatio litterarum apostolicarum, assassinium, crimen nefandum non semel admissum & cetera huiusmodi, quae Benedictus XIV. *de synodo dioecese. lib. IX. cap. 6.* recenset.

§. X. Depositio autem ex veteris disciplinae regulis perpetua est: semel enim depositus in perpetuum gradu suo excidebat, nec spes ferme supererat ulla, qua in pristinum honorem restitueretur. Conc. Antioch. *can. V. can. 2. & 4. D. 50.* Praesertim vero nulla erat spes restitutionis, si clerici depositi ex veterum legum sententia curiae addicti fuissent; curiae enim addicti ad clericatus gradum adspirare vetabantur. Verum Augustinus depositionem tum perpetuam videtur habuisse, si depositi condignam poenitentiam non agerent, *can. 23. D. 50.* Quidquid vero huius rei sit, in noua disciplina depositis post poenitentiam tantum indulgentia sedis apostolicae, accedente proprii episcopi consensu, restitutionem sperare licet.

§. XI. Iam vero clerici perpetuo depositi ex regulis antiquis deinceps tantum laicam communionem recipiebant. Siric. papa *epist. ad Himerium Tarracon.*, conc. Agath. *can. L.*, conc. Arelat. III. *can. 2. V. Albaspin. obser-*

uat.

nat. lib. I. 4. Sed quae fuerit laica communio, non conuenit inter doctos. Bellarminus *de eucharist. lib. IV. cap. 24.* laicam communionem fuisse docet communionem sub vna tantum panis specie. Contra Lindanus *panopl. lib. IV. cap. 58.* & Vossius *thes. theol. disput. XXIII. th. 5.* ad laicam communionem clericos redactos sentiunt, quod depositi sacram eucharistiam non in sanctuario, sed extra cancellos inter laicos perciperent. Rectius Albaspinæus, Petrus de Marca, cardinalis Bona aliique tenent, clericos depositos ad laicam communionem fuisse redactos, quod deinceps tamquam veri laici cum ecclesia communicarent, nullius iuris aut functionis clericalis participes: quo sensu laica communio opponebatur *communioni ecclesiasticae* strictæ sic dictæ, quae functiones ordinum & iura clericalia complectebatur. Sane depositi clerici vestem clericalem cum laica commutabant: tonsuram clericalem deponebant, & eorum nomina ab albo clericorum expungebantur: non tamen vi depositionis ab ecclesia tamquam ethnici & publicani eiciebantur. Sed ubi depositio a degradatione distincta est, non sola depositio, sed potius degradatio ad statum laicorum redegit.

§. XII. Sed perpetuo depositi clerici in veteri disciplina addicebantur curiae, aut ordini suo, prout natales, aut facultates eorum erant, *L. 39. C. Th. de episc. & clericis, L. 53. §. 1. C. de episcopis.* Curia in vetustis monumentis est collegium ciuitatum inferiorum, eique addicti erant curiales seu decuriones, qui honoribus quidem curiae fruebantur, at vna cum substantia & posteritate sua eius muneribus & expensis erant obnoxii. Itaque depositi clerici dicebantur curiae tradi seu addici, quod ab altaris obsequiis eiecti, & ad laicos redacti ad ciuitatis curiam transibant. V. Iac. Gothofr. *ad cit. L. 39.* Addictio ista poenae loco videtur fuisse; & hinc depositi curiae adscripti necessitatibus publicis obligabantur, & saepe in humili conditione & officio curiae seruiebant, honoribus curialium fortasse expertes. Hoc sensu accipitur traditio curiae etiam aetate posteriore, vt videre est in falsis decretalibus, in quibus dicitur, vt depositus clericus curiae tradatur, cui diebus vitae suae deseruiat, *can. 31. C. 11. q. 1., can. 18. eodem.* Itaque traditio curiae

in veteri disciplina non eo spectabat, ut clerici a magistratibus punirentur, sed potius ut illi perpetuo curiae deferuissent.

§. XIII. Verum lapsu temporis, ubi clerici de iurisdictione magistratus per omnia exempti sunt, & respublica seueriores sanguinis poenas in usum adsiduum recepit, inualuit, ut clerici depositi & sollemniter degradati magistratui puniendi traderentur: quo sensu formula *traditur curiae*, ubi ciuitatum collegia desierant, accepta est, quod ex Luone Carnotensi *ep. LIII. & LXVI.* constat: Traduntur vero clerici magistratibus certo quodam ordine: nam primum deponuntur, deinde si in malitia perseuerent, excommunicantur; postea crescente contumacia, anathemate feriuntur, hoc est, nouis adhibitis excommunicationibus excommunicantur; & demum ubi in profundum malorum venerint, degradantur, & magistratibus puniendi traduntur, *cap. 10. ex. de iudiciis*. Haec tradendi forma initio generalis fuit, tum ad ea crimina restricta est, quibus ipso iure degradationis poena non irrogatur. Quod vero ecclesia abhorret a sanguine, episcopus degradatum magistratui traditurus, statim pro eo intercedit, ut citra sanguinis effusionem sententia moderetur: qua facta intercessione episcopum non fieri a canone alienum, receptum est, *cap. 27. ex. de verbor. significatione*, etsi interim integrum sit magistratui ad mortem usque saeuire. Ceterum moribus hodiernis depositiones vix vsurpantur & multo minus degradationes.

§. XIV. Inter poenas ecclesiasticas proximum a depositione locum tenet *regradatio*, quae est depositione minor. Militare vocabulum Latinis erat *regradatio*, quo denotabatur militis in inferiorem militiam reiectio, *L. 3. D. de re militari*. Itaque *regradari* dicebantur clerici, qui de suo in inferiorem ordinem, aut ordine suo retento, ad vltimum sui ordinis locum deiciebantur: cuius poenae exempla passim in veteribus monumentis occurrunt. V. Alteser. *de eccles. iurisd. lib. IX. cap. 9.* Sic vero *regradati* clerici tantum in inferiore ordine ministrabant, & alieni officii vsurpatio erat, si officia ordinis, vnde deiecti erant, attentarent.

§. XV. Item inter poenas in veteri disciplina ab episcopis infligi solitas erant verbera, quibus iuniores clerici

ab episcopis addici solebant. Conc. Agath. *can. XXXVIII. & XLI.*, Epaeon. *can. XV.*, Matiscon. 1. *can. 3. al. 5.* Satis moderata eiusmodi coërcitio videtur fuisse, & potius ad emendationem, quam ad vindictam spectasse. *Qui modus coërcitionis*, per virgarum nempe verbera, inquit Augustinus *ep. CLIX. ad Marcellinum*, *a magistris artium liberalium & ab ipsis parentibus, & saepe etiam in iudiciis solet ab episcopis adhiberi.* Et sane flagellationis & verberum hic modus fuisse videtur, ne ultra triginta novem ictus excurreret, conc. Mariscon. 1. *can. 5. al. 8.* qui erat verberum modus in lege Mosaica praescriptus, quamvis si crimen atrox esset, post aliquot dies verbera repeti possent. Etiam apud monachos obtinuit verberum coërcitio; constat enim in monasteriis fuisse flagella, quibus monachi iuvenes, & qui protervius aliquid fecissent, castigabantur.

§. XVI. Alia poena canonica, quae clericis in veteri disciplina irrogabatur, erat *communio peregrina*, cuius synodi Regensis *can. III.*, Agathensis *can. V.* & Ilerdensis *can. XV.* mentionem faciunt. Quid vero fuerit communio ista peregrina clericis in poenam indicta, varie explicatur, omniumque sententias Binghamus *orig. eccles. lib. XVII. cap. 3.* refert & expendit. Illa videtur probabilior sententia, clericos in sua ecclesia ad communionem peregrinam redactos vixisse quidem de bonis ecclesiae, at interim omnibus officiis clericalibus & precum communione exclusos fuisse. Sane communio ista a peregrinis, seu christianis, qui extra suam ecclesiam versabantur, nomen accepit. Peregrini vero litteris formati, quibus de eorum fide & moribus constaret, destituti, si pauperes essent, ab ecclesia alimenta accipiebant, non tamen in precibus & eucharistia communicabant, *can. XXXIV. apostol.* Synes. *epist. LXVI.* Hinc peregrina communio clericis irrogata genus poenae fuit, qua illi in sua ecclesia ad conditionem peregrinorum reducebantur; atque ideo sportulas tamquam clerici accipiebant, at interim suorum ordinum exercitio & ipsa precum & eucharistiae communione prohibebantur. Ceterum clerici in hanc conditionem redacti per poenitentiam facile pristinum

num gradum recuperabant, conc. Agath. *can. II*, in quo a laica communione peregrina distabat.

§. XVII. Præterea detrusio clericorum in monasterium ad agendam poenitentiam frequens fuit apud veteres; ibi enim ceterorum hominum oculis subducti facilius poenitentiae exercitationes subibant, & peccatorum occasiones euitabant. Includebantur vero clerici delinquentes in monasteriis, tam si ad tempus officio suo abfenti essent, *nouel. CXXIII. cap. 2.*, conc. Hispal. *can. III.*, quam si perpetuo depositi in laicam communionem rediissent, conc. Agath. *can. L.*, Epaon. *can. XXII.* Perpetua vero detrusio in monasterium præsertim obtinere debuit, postquam clerici de imperio magistratus etiam in criminibus ciuilibus exempti sunt: nec enim æquum erat, vt ob publica crimina ab officio depositi deinceps in ciuitate cum reliquis ciuibus versarentur, quo Innocentius III. spectare videtur, *cap. 6. ex. de poenis*. Verum hoc poenae genus in vsu esse desiit, tum ob monachorum repugnantiam, qui exemptionibus aucti episcopis monachos in monasteria relegantibus non parebant; tum etiam quod non satis tuta erat in monasteriis detentorum custodia; & periculum etiam erat, ne malis clericorum moribus monachi ipsi corrumperentur.

§. XVIII. Nec tantum vetus ecclesia clericos in monasteria ablegabat, verum etiam eos siue ad tempus, siue in perpetuum poenitentiae causa custodia strictiore & veluti carcere coercerebat. Cui vsui inseruiebant diaconica & sacrorum vasorum aeraria, & quandoque etiam catechumenia, seu loca in altum naus ecclesiae elaborata. Gregor. II. *epist. ad Leonem Isaurum*. Quin patres Tolentani memorant *ergastulum*, in quo clerici depositi perpetuo includebantur, *can. 30. C. 23. q. 8.* Et in ipsis canonicorum monasteriis erant loca secretiora, quo peruicaces & inemendabiles detrudebantur. Ex his moribus sensim inualuit, vt episcopi carceres haberent, in quibus siue in perpetuum, siue ad tempus clerici delinquentes in poenitentiam coerceri possent, *cap. 27. §. 1. ex. de verbor. significatione, cap. 3. de poenis in 6.* Hinc distat inter ciuile & canonicum, illo enim carcer non ad poenam, sed in reorum custodiam institutus est, hoc vero

etiam in poenam decernitur, quod ad agendam poenitentiam initio habitus est. Interim clerici delinquentes coercendi non sunt publicis & civilibus carceribus, qui apta loca ad poenitentiam non sunt, sed carceribus ecclesiasticis, qui tacito saltem civilis potestatis adsensu permittuntur.

§. XIX. Inter poenas ecclesiasticas censetur etiam multae dictio, seu poena pecuniaria, quae ex eleemosynis, quae semper in poenitentiam consueuerunt irrogari, originem ducit. Nimirum ubi forum externum ab interno separatum est, iudices ecclesiastici consuetudine quadam fori, exemplo fortasse iudicum saecularium, multas decernere coeperunt, occasione ab eleemosynis, quae in foro interno imponebantur, arrepta. Probauit hunc usum synodus Tridentina *ses. XXIV. de res. cap. 3.*, ubi permittitur iudici ecclesiastico, ut in causis civilibus ad ecclesiae forum pertinentibus multas etiam laicis irrogare possit. Interim multae in foro externo pristinum eleemosynarum ingenium retinuerunt: & hinc sicuti sacerdotes confessionibus praepositi solliciti cauere debent, ne ex eleemosynis in poenitentiam iniunctis utilitati suae consulant; ita cautum, ne iudices ecclesiastici multas in totum, vel pro parte in usum suum convertant, *cap. 13. §. 2. ex. de officio ordinarii*. Et synodus Tridentina *ses. XXV. de res. cap. 3.* statuit, ut multae per iudices ecclesiasticos inflictae in eleemosynas, aut aliud pium opus impendantur. Verum non facile poenae pecuniariae irrogandae, ubi crimen aliam poenam canonicam requirit: & scite obseruat Fagnanus *in cap. 3. ex. de poenis*, aristites, qui facile poenas pecuniarias exigunt, vehementem exhibere avaritiae praesumptionem. Infligunt vero iudices ecclesiastici moribus hodiernis multas tantum in clericos, non item in laicos: & certe nec alibi, nec apud nos recepta sunt decreta Tridentina, quibus datur episcopis, multas in laicos irrogare.

§. XX. Videamus modo, num ecclesia pro iure suo possit exilio damnare. Exilium supponit territorium, extra quod rei pellendi sunt: quum vero ecclesia territorium non habeat, nec ius pellendi in exilium potest habere, quod multis iuris canonici locis comprehensum est, *can. 43. C. 23. q. 7., cap. 10. ex. de iudiciis, cap. 2. ex. de*

CAP. XL. DE EXEMTIONIBVS ETC. 709

de clerico excommunicato ministrante (c). Interim recte potest episcopus clericos alienos, qui in sua dioecesi morantur, ob malos mores ad proprios episcopos dimittere: dimissio enim ista exilium non est, sed potius pertinet ad canonum executionem, qui clericos suis episcopis addi-
cunt, nisi per beneficium alteri ecclesiae adscripti sint.

C A P V T XL.

De exemptionibus de potestate episcoporum.

§. I. **I**N veteri disciplina, vbi limites ecclesiarum constituti sunt, & singulis pastoribus portio gregis celsit, quam vnusquisque regeret & gubernaret, christiani omnes vna ecclesia comprehensi suo parebant episcopo, & ei adhaerentes vnā particularem ecclesiam componebant. *Ecclesia*, inquit Cyprianus *ep. LXIX. al. LXVI. ad Papiam.*, est plebs sacerdoti unita, & pastori suo grex adhaerens. Vnde scire debes, episcopum in ecclesia esse, & ecclesiam in episcopo: & si qui cum episcopo non sint, in
Y y 3 eccle-

(c) Huic doctrinae, quae habet, ecclesiam iure pellendi in exilium carere, obstat Gregorius M. *lib. XI. epist. 71.* vbi cuidam episcopo mandat, vt hypodiatonum calumniatorem officio deiiciat, & verberibus publice castigatum faciat in exilium deportari: obstant etiam falsae decretales, quae contra episcoporum persecutores & sacrilegos praediorum ecclesiasticorum inuadentes exilium irrogant, *can. 9. C. 3. q. 4. & can. 13. C. 17. q. 4.* Verum Gregorius M. mandauit episcopo, vt calumniatorem hypodiatonum in exilium faciat deportari, vtique a magistratu, cuius potestatem episcopus debebat implorare. Et sane male in *cap. 1. ex. de calumniatoribus* ita Gregorii verba exhibentur, vt ipse pontifex veluti proprio iure exilium videatur irrogare. Nihil vero moror falsas decretales, vtpote quae ab homine confarctatae sunt, qui tenebat, ecclesiam poenas ciuiles damni & honoris posse irrogare.

ecclesia non esse. Cui doctrinae concinunt veteres cano-
nes, qui ab episcopo non pendentes congregationes tam-
quam schismaticas traducunt, & clericos earum auctores
deponunt, laicos vero extra ecclesiae communionem pro-
iiciunt, *can. apost. XXXI.* Et inde episcopi dicti *prin-*
cipes populi, vel *ecclesiae*, & *πρωτοπρεσβυτεροι* *praefecti*, quasi qui
vniuersae ecclesiae praesiderent. At in noua disciplina ab
hae regula descitum est, & monachi, collegia canonico-
rum, immo & singulae personae priuilegiis aucti sunt,
quibus de potestate episcopi exempti vni Romano ponti-
fici subsunt.

§. II. Initio vitae monasticae episcopi in monachos,
vtpote in solitudine & monasteriis sepultos, speciali po-
testate vsi non videntur, sed ea tantum, qua cura ani-
marum continetur. Sed deinceps quum monachi conti-
nuis egressionibus coepissent ecclesiam & rempublicam
turbare, synodus Chalcedonensis *can. IV.* eos suggerente
Marciano imperatore curae speciali & potestati episcopo-
rum subiecit. Quae disciplina deinceps & legibus ciuili-
bus & multis canonibus & regum Francorum capita-
libus confirmata est, *L. 44. §. 1. C. de episcopis, can. 16.*
¶ seqq. C. 18. q. 2. Hinc regula iuris canonici: epi-
scopus habet fundatam iurisdictionem in regulares suae
dioecesis, nisi probetur exemptio, *cap. 7. de priuileg. in 6.*

§. III. Potestas episcoporum in monachos disciplinam
monasticam & bona monasteriorum episcopis subiciebat,
eaeque vti oportebat episcopos vt pastores animarum,
vnice monachorum salutem spectantes. At episcopi tan-
ta potestate saepe abusi sunt, & res monasteriorum tem-
porales variis nominibus inuaserunt. V. *Elpen. par. III.*
tit. 12. cap. 2. Sane ex oblationibus monasterio factis par-
tem vnā sibi adserebant, idque quod in diuisione redi-
tuum ecclesiasticorum in tres aut quatuor partes vna ad
episcopum spectaret; in abbatum benedictionibus, in con-
secratione altarium & oratoriorum dedicatione, in mo-
nachorum pro seruitio monasterii ordinationibus, in vi-
sitandis monasteriis, in chrismatis & olei sancti largitio-
ne a monachis exigebant temporalia. Exigebant quoque
cathedraticum seu *synodaticum*, pecuniae nempe summam,
quae in cathedrae honorem pendi consueuerat. His a-
liisque

liisque nominibus multi episcopi monachis graues euaserunt, immo non defuerunt, qui monachos seruili operi manciparunt, & monasteria in proprias possessiones verterunt. Conc. Tolet. iv. can. 52.

§. IV. Iam vero saeculis sexto & sequentibus monachi exemptiones de episcopali potestate meruerunt, quae a certis oneribus, vel omnibus monachos liberabant, sed integra remanente in ipsos monachos canonica episcopi potestate. Sane exemptiones a Gregorio M. pluribus monasteriis concessae tantum ad onera & abbatis liberam electionem spectant; at episcopis in monachos aperte reseruant *diligentiam disciplinae*, hoc est, canonicam auctoritatem. Gregor. M. lib. VII. ep. 15. & lib. VI. ep. 12. Et sollemnis concedendi monasteriis priuilegii formula apud Marculphum lib. I. form. 1. exemptionem ab oneribus & liberam abbatis electionem continet, integram vero relinquit episcopi in monachos potestatem. Ipsi fundatores ut plurimum petebant huiusmodi priuilegia, eaque proprii episcopi concedebant, & quo firmitiora essent, saepe in synodis vel a Romano pontifice probabantur, accedebatque etiam regia confirmatio, ut plenius monachis conluleretur.

§. V. Huiusmodi partiales exemptiones disciplinae monasticae non aduersabantur, nec monstrosam faciebant ecclesiam; at post saeculum decimum etiam plenae exemptiones, quae etiam de canonica episcoporum potestate liberant, & soli pontifici Romano subiiciunt, monachis concedi coeptae sunt (a). Non episcopi, sed Romani

Y y 4

pon-

(a) Sane ante saeculum vndecimum, aut decimum secundum distinctio inter monasteria exempta & non exempta in synodis & genuinis monumentis illius aetatis non occurrit; sed generatim de veteri regula monasteria episcoporum potestati subiecta dicuntur. Item ante illa saecula nullae occurrunt aduersus abbatum & monachorum exemptiones querelae, quae saeculo vndecimo & sequentibus frequentes & graues fuere. Quae duo magno argumento sunt, post decimum saeculum incepisse exemptiones, quibus monachi de canonica episcopi potestate subtra-

pontifices haec plenaria concesserunt priuilegia (b), idque plerumque episcopis aut inscientibus, aut inuitis. Quae quidem exemptionum priuilegia semel vsurpata labentibus annis adeo fuerunt multiplicata, vt omnia ferme monachorum monasteria & singuli ordines eadem obtinuerint. Ipsi fratres minores, qui prae ceteris alieno ab exemptionibus animo esse debebant, earum fuerunt auidissimi. Certe S. Franciscus hoc vno gloriabatur priuilegio, se *nullum habere priuilegium*: & fratribus suis per obedientiam praecepit, ne vmquam a Romano pontifice priuilegia peterent. Sed hac in caussa fratres minores sanctissimo patri obedientiam denegarunt, & duce Elia eiusdem ordinis sodali, qui non diuino spiritu, sed prudentia carnis nitebatur, vt Baronius *ad ann. 100CLXXVI.* obseruat, multa & plenissima impetrarunt exemptionum priuilegia, quae etiam in functionibus hierarchicis, in administrandis sacramentis & in habendis praedicationibus de episcopali potestate exemerunt (c).

§. VI.

Eti sunt, aut saltem ante illud tempus non adeo fuisse multiplicatas, vt multorum querelas excitarent.

Circumferuntur quidem ante saeculum decimum multa priuilegia, quae monachos subtrahunt de episcoporum potestate, & vni pontifici addicunt: at eorum pleraque sunt supposititia, cuius generis est priuilegium, quod monasterio S. Medardi a Gregorio M. dicitur concessum: item illud, quod monasterio S. Martini Turonensis ab Adeodato papa datum fertur: alia vero genuina quidem sunt, sed admodum pauca, & praeterea non inuitis episcopis concessa sunt, quale est, quod Zacharias pontifex Fuldeni monasterio dedit apud Baronium *ad ann. 100CLV. n. 29.*

(b) Huiusmodi plenas exemptiones *emancipationis* nomine S. Bernardus *de consider. lib. III. cap. 4.* dixit, idque quia sicut emancipatio filios de patris potestate, ita exemptiones de canonica episcopi potestate monachos liberabat.

(c) Hoc eodem tempore, quo monachi episcopis subtraherantur, episcopi ipsi priuilegia exemptionis de suorum metropolitano potestate obtinebant. *Subtrahuntur*, inquit S. Bernardus *de consid. lib. III. cap. 4.*, *abbates episcopis, episcopi archie-*

§. VI. Nec tantum monachi, sed etiam collegia canonicorum praesertim cathedralium potestatem episcoporum excusserunt, & vni Romano pontifici subiecta sunt. Quae quidem canonicorum exemptiones saeculo decimo tertio & sequentibus sensim inualuerunt: fortasse praetextu immunitatis in temporalibus & correctionis, quam capitulum vel decanus habebat, dissimulantibus subinde episcopis, aut etiam consentientibus, vt inde liberiores euaderent in ecclesia administranda. Quin malo religionum & canonicorum exemplo etiam singulares personae siue saeculares, siue regulares variis titulis sibi exemptionem & libertatem de episcopi potestate impetrarunt: quod multis in locis indicant Tridentini patres, & praesertim *ses. XXIV. de ref. cap. 11.* vbi deplorant, eiusmodi exemptiones episcoporum iurisdictionem perturbare, & exemptis occasionem laxioris vitae praeferre.

§. VII. Sunt vero exemptiones vel personales, vel locales, vel mistae. Personalis dicitur, qua particularēs tantum personae eximuntur, nulla habita loci ratione, ac proinde quocumque cant, exemptae censentur. Locales vero conceduntur locis, veluti monasteriis aut ecclesiis, ita vt personae tantum respectu loci exemptione fruuntur. Et mistae demum & locis & personis, quae ad illa loca pertinent, concessae sunt: quales ferme sunt exemptiones monasteriis & monachis concessae. Cuius vero generis sit exemptio, ex verbis priuilegii iudicandum est.

§. VIII. Plures vero adferri solent causae, quae ad monachos & regulares de potestate episcoporum eximendos pontifices impulerunt (d). Sed praecipuae & ab ipsis mo-

archiepiscopis, archiepiscopi patriarchis siue primatibus. Longe ante hoc tempus in ecclesiis Orientis fuerunt episcopi nulli metropolitano subiecti, sed proxime sub patriarcha constituti. V. Bingham. *orig. eccles. lib. 11. cap. 18. n. 3.*

(d) Praecipuam causam, qua monachi de potestate episcoporum exempti sunt, fuisse abutū potestatis episcopalis in monachos Tamburinus *de iure abbat. tom. 1. disp. 15. q. 3.* arbitratur. Et constat quidem, reapse aliquando coactos fuisse monachos ad exemptiones confugere, vt ab impotenti episcoporum do-

monachis & a pontificibus videntur repetendae. Monachi bonis aucti, & abbates infulis episcopalibus condecorati, indignum reputarunt episcopis obedire: & hinc etiam ingenti auri perfoluto pondere exemptiones sibi parare studuerunt: quod S. Bernardus *epist. XLII. ad Henricum Senonensem* testatur (e). E contrario mendicantes ipsa paupertas fecit priuilegiorum appetentes, & praeterea celebritas & fama, quibus eorum ordines inclarescebant, speciali fauore dignae videbantur. Ipsa quoque monachorum sub vno generali capite consociatio non parum exemptiones promouit, ne potestas episcoporum in monachos eorum hierarchiam turbaret (f). Porro saeculis vndecimo & sequentibus intererat Romanorum pontificum sibi per omnem ecclesiam speciales filios & subditos parere, vt ita ordinariam & veluti episcopalem in vniuersam ecclesiam potestatem facilius exercerent, & novorum filiorum multitudine episcopos veluti in officio continerent (g). Capitula quoque ecclesiarum ad exemptionem proclamauerunt, quod ab episcopis suis iniqua dominatione preme-

dominatu se munirent; verum haec ratio non videtur generalis: & praeterea abusus potestatis vnius episcopi non facit, vt successores ingenita summo sacerdotio priuentur potestate.

(e) *Spoliant ecclesias*, inquit de abbatibus S. Bernardus, *vt emancipentur, redimunt se, ne obediant.*

(f) Ex his aliisque causis tanta exemptionum cupido monachos incessit, vt multi bullis adulterinis eas sibi pararent: quod Petrus Blefensis *epist. LXVIII.* testatur: & multa spuria, quae adhuc supersunt, priuilegia demonstrant. Argumenta quibus bullae pontificiae ad spuria ablegantur, Innocentius III. *in cap. 5. ex. de crimine falsi* proponit. Et Lucius III. addit, fidem non esse adhibendam bullis, in quibus occurrunt errata grauiora aduersus syntaxim, *cap. 11. ex de rescriptis.*

(g) S. Bernardus *de consider. lib. III. cap. 4.* ex plenitudine pontificiae potestatis exemptiones repetere videtur: *Bona ne species haec? Mirum si excusari queat, vel opus. Sic facitando probatis vos habere plenitudinem potestatis; sed iustitiae forte non ita. Facitis hoc quia potestis; sed utrum debeat, questio est.*

merentur, & vt liberius suis cupiditatibus inseruirent.

§. IX. Multiplicatae monachorum & capitulorum de episcopali potestate exemptiones sexcenta incommoda non minus in ecclesiam, quam in ipsos exemptos inuexerunt. Atque hinc eas optimi monachi, in primis sanctus Bernardus & sanctus Franciscus improbarunt: & episcopi semper eas aegre tulerunt. Sane dissoluto inter episcopos & monachos nexu potestatis & subiectionis monachi euaserunt dissolutiores, pauperiores & in episcopos contumaces: quod S. Bernardus *de consider. lib. III. cap. 4.* & Petrus Blesensis *epist. LXVIII.* testantur (h). Et de fratribus minoribus Aluarus Pelagius *de planctu ecclesiae lib. II. cap. 60.* observat, eos in superbiam se erexisse & in contumaciam contra omnes praelatos. Exemptiones quoque ecclesiasticam turbaverunt hierarchiam, & monstro similes fecerunt gradus ecclesiasticos: nam inferiores gradus a suis proximis superioribus diuulsi capiti coniuncti sunt; non secus ac si digitus, non manui, sed capiti coniungeretur, vt ipse S. Bernardus observat. Quam confusionem auxerunt mendicantes impetratis priuilegiis, vt in ipsis sacris functionibus, & sacramentorum administratione ab episcopis non penderent. Canonici vero ecclesiae cathedralis exemptionibus senatum ecclesiasticum dissoluerunt, & episcopos in ecclesia administranda fecerunt liberiores.

§. X. Iam exemptiones de ordinariorum iurisdictione, vtpote quae ab iure communi recedunt, & tot incommodis aditum aperuerunt, ex communi & recepta sententia inter ea, quae dicuntur odiosa, censentur. V. Zypaeum *consultat. I. de priuilegiis.* Quod vero odia restringi & fauores conuenit ampliari, *cap. 15. de regulis iuris in 6.*, certe exemptio concessa non intelligitur, nisi apertis verbis nitatur. Proinde litterae, quae pontificiam protectionem concedant, non arguunt etiam concessam exemptionem, *cap. 8. & 18. ex. de priuilegiis*; protectio enim non facit, vt qui in tuitionem recepti sunt, de iurisdictione proprii iudicis eximantur; sed tantum ab iniuriis

(h) Haec epistola sub nomine Richardi Cantuariensis ad Alexandrum III. dirigitur, sed Petri Blesensis stilo exarata est.

iniuriis tuetur (i). Nec census apostolicae sedi quotannis pendendi solitus arguit exemptionem, praesertim si dicatur, eum in signum protectionis exsolui, *cit. cap. 8., cap. 10. ex. de privilegiis in 6.* Quin si privilegium in aliquibus causis concedat libertatem, & clausula de annuo censu persolvendo sequatur; tum exemptio tantum spectat ad concessas libertates, & in reliquis articulis salva manet ordinarium iurisdictio, *cit. cap. 10.* Tum census persolutio exemptionem probat, si dicatur, illum Romanae ecclesiae pendendi, ad receptae libertatis argumentum.

§. XI. Sed si constet de exemptionis privilegio, verba illius benigna interpretatione non sunt a casu ad casum extendenda, sed prout sonant, intelligenda, *cap. 7. & 8. ex. de privilegiis.* Quo fit, ut si exemptio localis sit, puta monasterio concessa, monachi censeantur exempti tamquam ipsius monasterii membra, non item si delinquant, aut contrahant, aut res in loco non exempto sita sit, *cap. 1. eodem in 6.* Et si exempti plures personas sustineant, exempti sub vna qualitate, exempti sub alia non censentur: quod ex *cap. 16. ex. eodem* recte advertunt canonistae. Ita si exemptio canonicis & eorum ecclesiis data sit, ad parochi & sacramentales functiones non pertinet, utpote, quae potius ecclesiasticae, quam canonicales sunt. Et regulares exempti privilegia sua includere debent ad ea, quae ipsis ut regularibus competunt, quaeque ad disciplinam & regimen regulare spectant: quod recte Elpenius *par. III. tit. 12. cap. 5.* observat. Quod si verba privilegii dubia sint, aut de titulo exemptionis plena probatio facta non est, recte ordinarius sua iurisdictione utetur, quousque exemptio plene probetur, *cap. 7. de privilegiis in 6.*, nisi monasterium aut capitulum esset in exemptionis quasi possessione: nam in hac specie exempti a quasi possessione exturbandi non sunt, donec iure & ordine

(i) Fundatores monasteriorum & ecclesiarum litteras protectionis solebant expetere, quibus quieti monachorum tam in temporalibus, quam in spiritualibus prospicere, non eos vero de iurisdictione episcoporum eximere intendebant.

CAP. XL. DE EXEMTIONIBVS ETC. 717

dine demonstretur, quasi possessionem esse vitiosam & idoneo titulo destitui.

§. XII. Exemptio etiam plena subtrahit quidem ipsos exemptos de episcopi suae ordinarii iurisdictione; at locum exemptum ab episcopi dioecesi non separat. Quapropter loca exempta, & ipsi exempti manent in dioecesi tamquam eiusdem membra, licet privilegiis aucta: quae est communis sententia. Et recte post alios Fagnanus ad *cap. 19. ex. de offic. ordinarii n. 10.* obseruat, ecclesiae exemptas hoc ab ecclesia nullius dioecesis differre, quod ecclesiae exemptae in dioecesi esse dicantur; ecclesiae vero nullius dioecesis neque sint de dioecesi, neque in dioecesi. Hinc exempti ita se gerere debent, & suis privilegiis ea moderatione uti, ut nec ipsa membrorum unitas dissoluatur, nec episcopale regimen impediatur. Et exemplo filiorum emancipatorum etiam reuerentiam & honorem episcopis exhibere: quae est etiam communis & recepta sententia.

§. XIII. Abusus & excessus exemptorum in immensum excreuerant, quo tempore synodus Tridentina indicta est: Hinc plures ex patribus exemptiones omnino abolendas, alii vero saltem moderandas exclamarunt (k). Sed sancta synodus multis additis limitationibus exemptiones

stare:

(k) Episcopi non minus Germani, quam Hispani summa libertate censuerunt & exoptarunt, ut a synodo Tridentina exemptiones omnes de potestate episcoporum reuocarentur, & monachi & canonici suis episcopis restituerentur. Sed Galli aliquas tantum abolendas, omnes vero exemptiones moderandas perierunt. Celebris in primis eo nomine est Brachius Martellus episcopus Fesulanus, qui contra privilegia regularium & praesertim ordinum mendicantium, maxime pro ea parte, quae spectat ad hierarchicas functiones, summo zelo & grandi oratione declamauit, ubi inter alia dixit: *Nimirum habent suum illud, quod dicitur ingens mare & immensum: cuius fragore nihil est, quod perhorrescat pontifices: non enim eius fluctibus ecclesiae sanctae nauicula obrui potest, quamuis hoc tempore tot tempestates, tot procellas concitauerit perditorum nequitia aliorum.* Prostat haec oratio tom. XIV. concilior. general. col. 1638. edit. Labb.

stare passa est. Principio statuit, vt loci ordinarii tamquam apostolicae sedis delegati secundum canones visitarent, punirent & corrigerent clericos exemptos & regulares extra monasterium degentes, seu non *conuentualiter* sub superiore viuentes, si delictum aliquod admittant. Trident. *ses. 6. de ref. cap. 3.* Et de iisdem regularibus exemptis, qui viuunt in monasterio, & extra illud adeo palam delinquunt, vt populo sint offensionis, statuit, vt instante episcopo & intra tempus ab eo limitandum a suo superiore seuere puniantur, & superior de iam facta punitione episcopum faciat certiore: sin minus, a suo superiore officio priuetur, & delinquens ab episcopo puniri possit. Trident. *ses. XXV. de regul. cap. 14. (1).* Item cautum est a patribus Tridentinis, vt monasteria monialium sedi apostolicae ~~apertis~~ subiecta ab episcopis tamquam apostolicae sedis delegatis gubernentur. Trident. *ses. XXV. de regul. cap. 9.* Quibus eadem potestate delegata commissa est omnium monialium clausura. Trident. *loc. cit. cap. 4.* Episcopis quoque eadem potestate delegata subiecta sunt monasteria omnia exempta, quae in congregationem aliquam non fuerint aliis monasteriis adunata. Trident. *loc. cit. cap. 8.*

§. XIV. Quod vero spectat ad capitula cathedra-
lium & aliarum maiorum ecclesiarum exempta, statuit
sancta synodus, praerogatiuam loci sedisque semper epi-
scopo deberi, eumque ad res ecclesiasticas tractandas pro
arbitrio indicare posse capitulum, modo suae vtilitatis res
non sit, quam tractandam proponit, praecipuamque in
omnibus rebus esse episcopi auctoritatem. Trident. *ses.*
XXV. de ref. cap. 6. Item potestatem fecit episcopis &
aliis maioribus praelatis, quoties opus fuerit, *etiam apostoli-*
ca auctoritate visitandi & corrigendi capitula exempta ca-
nonicosque omnes per se ipsos, vel illis, quibus sibi vi-
debi-

(1) Cui decreto ne fraus fieret, Clemens VIII. in bulla *su-
scripta regiminis* statuit, ne superiores regulares in alia suorum
ordinum monasteria extra dioecesim monachos delinquentes ab-
legarent.

CAP. XL. DE EXEMTIONIBVS ETC. 719

debitur, adiunctis. Trident. *ses. VI. de ref. cap. 4.* Synodus quoque concessit episcopis etiam extra visitationem poenas sumere de canonicis delinquentibus cum consilio & adfensu duorum canonicorum, quos capitulum ad id munus initio cuiusque anni designabit, nisi agatur de criminibus incontinentiae, & de aliis maioribus delictis, ubi de fuga timetur, in quibus ad summariam informationem & necessariam detentionem initio solus episcopus procedit, deinceps duorum canonicorum consilium adhibiturus. Trident. *ses. XXV. de ref. cap. 6. (m).*

§. XV. Plura alia exstant Tridentina decreta, quibus regulares & canonici exempti in iis, quae nec ad disciplinam monasticam, nec canonicalem pertinent, episcopis subiiciuntur; veluti si habeant curam personarum saecularium episcopo subiectarum, aut si habeant curam & administrationem hospitalium, capellarum, aut piorum locorum, quae sub episcopi potestate sunt. Trident. *ses. XXI. de ref. cap. 8. & ses. XXII. de ref. cap. 8. & 9.* Quod vero magis promouit ecclesiasticam disciplinam, illud profecto fuit, quod in hierarchicis functionibus monachi omnes subiecti fuerunt episcopis; statutumque, vt regulares sine approbatione & venia episcopi confessiones non

(m) Ita quamplurima decreta condita sunt de exemptionibus in synodo Tridentina, in quibus datum fuit episcopis, vt *samquam sedis apostolicae delegati*, vel *etiam auctoritate apostolica* visitarent exemptos, aut alias in eos procederent. Nimirum ubi priuilegia & exemptiones de episcoporum potestate omnino aboleri arduum & difficile visum fuit, inter contraria studia exco- giratum est euerina, quo saluis exemptionibus, episcopi saltem potestate delegata in monachos aliosque exemptos augerentur. Sebastianus Pighinus vnus ex rotae Romanae auditoribus salutarem formulam suggessit: & reapse condita fuerunt plura decreta, quibus vel *delegata potestate*, vel *etiam auctoritate apostolica* episcopi in exemptos armantur. Quarum formularum prima tantum delegatam potestatem episcopis concedere videtur, altera vero apostolicam auctoritatem episcopali adiungit. Sed e re ecclesiastica magis fuisset, ex sententia episcoporum Germaniae & Hispaniae priuilegia & exemptiones omnino abolere.

non audirent, nec in suis ecclesiis praedicarent. Trident.
ses. XXIII. de ref. cap. 15. & ses. XXIV. de ref. cap. 4.
 Et generaliter statutum est, ut in anniuersariis sacris,
 in sollemni pompa sacrorum & ritibus ecclesiasticis regu-
 lares omnes dioecesis, ubi degunt, mores obseruent: id-
 que ne in cultu Dei publico una ecclesia a se ipsa sit dis-
 formis. Trident. *ses. XXV. de regularib. cap. 12.*

F I N I S.



INDEX RERVM PRAECIPVARVM,

721

Numerus paginam significat, littera
adnexa subiectam notam.

A

- A**bbacomites qui 239. d.
Abbates qui 235. habent vestes pontificales 233. itemque quaedam pontificalia iura 254. perpetui sollemniter consecrantur 240.
Absolutio a censuris quid 694.
 Eius species 695. Qui a censuris absoluit 695. seq. Absolutio *ad cautelam* 696. seq. & *ad reincidentiam* 697.
Absolutio sacramentalis qua formula datur 319. Olim data post emensiam poenitentiam 318. seq. Et quibusdam peccatoribus etiam in fine denegata 302. b.
Accusatio quid 618. continet inscriptionem & subscriptionem ib. Qui accusare ventantur 619.
Acolythi qui 117. Eorum officia ib.
Actus fidei 575. eiusque sollemnitas ib. *a.*
Adfinitas quid 345. Eius quasi gradus 346. inter quos nuptias impedit ib.
Administratio redituum ecclesiae fiebat ab episcopo 416. seq. ministerio diaconorum vel oeconomi 417. Fiebant quatuor partes ib.
Aduocati munus clericis vetitum 195.
Adulterium quando nuptias impedit 348. g.
Aetas ad ordines necessaria 137.
Africani canones confusi 22.
Agapae quid 300. abrogatae ib.
Agapetae quae 186. a. prohibentur ib.
Alba vestis a neophytis accepta 269.
Alea quid 187. clericis vetita ib.
Alienatio bonorum ecclesiasticorum vetita 420. quid alienationis nomine veniat 421. quae res non alienantur ib. ex iusta causa & sollemnibus adhibitis possunt alienari 422. Poenae contra alienantes 423.
Altare quomodo positum 373. plura altaria in noua disciplina ib. consecrantur 374. Differentia inter ecclesiam & altare 469.
Ambo quid 372.
Amortizatio quid 402. seqq. qua ratione inducta 402.
Anathema quid 675. auget excommunicationem detestationis horrore 676.
Angariae & parangariae 485.
Annatae quid & an licitae 448.
Anulus pronubus 332. a.
Apocrisarius alias dictus

Z z

fpon.

ſponſalis 93.
Apoſtaſia quid 649. duplicis generis ib. *Lapſi* & eorum ſpecies 650. poenae in apoſtatas 652.
Apoſtoli miſſi pari poteſtate 63.
Appellatio quid 635. appellabatur ab epiſcopi ſententia ſynodus prouincialis 635. ſeq. Appellatio ad ſummum pontificem 637. ſeq. A qua ſententia appellatur 641. ſeq. Qui appellant 642. Appellationis dies fatales 643. Efectus appellationis 644. Quoties licet appellare 645. Appellatur gradatim 645. cauſae, in quibus appellatio ſuperflua 646. & in quibus reiicitur ib.
Arbitri qui 578. ſeq. alii voluntarii, alii neceſſarii 179. Voluntarii eliguntur conpromiſſo 579. in cauſis priuatis 580. Qui poſſunt eſſe arbitri 579. Eleſti volentes acceptant arbitrium 580. non habent iuriſdictionem 581. Eorum arbitrio partes ſtare coguntur ib. & ab eorum arbitrio non appellatur 582. Arbitri iuris ſunt vel iudices ib.
Arcani diſciplina 259.
Archidiaconus princeps diaconorum 112. Eius poteſtas ampla 113. creſcit in ordinariam ib. Erat ex ordine diaconorum, tum creatus ex presbyteris 114. presbyteri archidiacono ſubiiciuntur 113. ſeq. c.

Archipresbyter princeps presbyterorum 109. quando inſtitutus ib. *Vrbani*, vel ruralis 110. vtriuſque officia ib. Archipresbyter iudex ordinarius 563.

Aſcetae qui 203. Eorum variae ſpecies 204. Fuerunt etiam apud gentes 203.

Aſylum quid 377. Eius conſtituendi ius ib. Qui aſylo non gaudent 378. 381. Loca aſyli 378. 382. Abductio rei ab aſylo 379. Iudex in cauſis aſyli ib. Modus procedendi in cauſis de aſylo 380.

Atrium eccleſiae 373.

Attritio quid 306. quae ſufficit ad ſacramentum poenitentiae ib.

B

Baptiſmus quid 251. proſelytorum apud Iudaeos 251. ſeq. a. Baptiſmi materia & forma 252. ſeq. miniſter 254. Haeretici & infideles valide baptizant 255. ſeq. Suſcipientes baptiſmum 257. ſeq. Adulti baptizantur praeuia catecheſi 258. ſeqq. Modus conferendi baptiſmi 261. ſeq. tempus 263. ſeq. b. *Locus* 264. ſeq. Effectus baptiſmi 265. ſeq. neceſſitas 267. Baptiſmus aquae, ſanguinis & flaminis 268. Baptiſmus ſemel ſuſcipitur 268. ſeq. Ritus poſt baptiſmum adhibiti 269. ſeq.

Baptiſteria quid 264. Erant extra eccleſias ib. non omnes eccleſiae illa habebant 264. ſeq.

Be-

- Beneficia ecclesiastica** quid 424. Eorum origo 424. seq. requisita ad beneficium 425. seq. adhaerebant ordinationi 426. separantur ib. Beneficia varii generis 427. seq.
- Beneficia omnia natura sua obligant ad adfuitatem** 429. nisi iustae causae excusent 431. Poenae contra beneficiarios absentes ib. Pluralitas beneficiorum vetita 432. Quae beneficia simul possunt haberi 433. Beneficia *compatibilia & incompatibilia* 433. seq. Indulgentia ad habenda plura beneficia 435. seq.
- Beneficii collatio** quid 436. Eius species ib. Cuius est conferre beneficia 436. seq. Collatio fit peculiari actu 438. Beneficia integre conferenda 439. intra certum tempus 438. & postquam vacauerint 439. Collatio quando deuoluitur ad superiorem 438. seq.
- Beneficia, quibus conferenda** 461. seqq. Parochiae conferendae per concursum 465.
- Beneficiorum & ecclesiarum coniunctio** quid 466. quotuplex ib. facienda ab ecclesiastico superiore 466. seq. ex legitimis causis 467. & certo ritu 468. Paroeciae adnexae monasteriis & capitulis 469. Non omnia beneficia vniri possunt 468.
- Beneficiorum & ecclesiarum divisio** ex iusta causa facienda & superioris auctoritate 470.
- Beneficiorum commendae** v. *Commendae*.
- Beneficiorum renuntiatio**. V. *Renuntiatio*.
- Bona ecclesiastica varii generis** 393. Eorum rectus vsus 412. seqq. a quibus procurantur 416. seq. vetantur alienari 420. seq. V. *Alienatio*.
- Breuiarium canonicum Cresconii** 24.
- Breuiatio canonum Fulgentii Ferrandi** 23.
- Bulla** quid 41. c. Decretales recentiores dictae *bullae* ib.
- Bullarium Romanum** 42.
- Burchardus canonum collector** 29.

C

- Campanae** 373.
- Caelibatus clericis proprius** 196. Clerici maiores post ordinationem nuptias non contrahunt 197. non vero initio vetiti ab vsu vxorum antea ductarum ib. In Oriente iidem ferme vtuntur vxoribus pridem ductis 199. seq. non item in Occidente 200. Num in synodo Nicaena tractatum de caelibatu clericorum 198. d. Caelibatus minorum clericorum 201. Poenae contra clericos incontinentes 202. Mediis saeculis in Occidente clerici maiores parum caelibes 202.
- Canon** quid 2. Eius variae acceptiones ib. Canonum origo 3. Canones sic dicti apostolici apocryphi 3. Eorum numerus & quando col-

- lecti 3. seq. c. Canonum species multae 6. seq. Canones disciplinae, vt obligent, recipiendi 13.
- Canonici sic strictè dicti 121. quando instituti sunt ib. Breui propagati ib. quomodo creati 121. relinquunt vitam communem 122. & partuntur communia bona 123. Canonica vita restituta & votis adstricta 122. Et canonici alii *regulares*, alii *saeculares* ib. Canonici, qui sunt in dignitate 123. Canonico- rum officia 123. Qui lucran- tur distributiones 124. Obligan- tur ad assiduitatem, nisi ex causa excusentur 124. seq. Canonici ecclesiae ca- thedralis senatum ecclesiae constituunt 126.
- Cantores praeibant in cantu 118. d.
- Capella quid 371. Capella regia ib.
- Capellaniae laicales 426.
- Capitularia regum Francorum 28.
- Capitula canonicorum vel in cathedralibus, vel in colle- giatis 123. Qui suffragium habent in capitulo 125. Ca- pitulum ecclesiae cathedralis 126. Eius potestas sede vacante 126. seq. quae bene- ficia confert 438.
- Capitula Hadriani papae 28. f.
- Capitulum quid 236. a. Ca- pitula monachorum, quibus constant ib. Capitula vel provin- cialia, vel generalia 237. seq.
- Carcer in ecclesia receptus 707. seq.
- Cardinales qui 89. erant in omnibus ecclesiis ib. Cardi- nales Romani vel episcopi, vel presbyteri, vel diaconi 89. seq. Eorum numerus 91. di- gnitas ib. insignia & tituli 92. Cardinalium consistorium ib. Cardinales iudices in con- ciliis generalibus 538.
- Castitas monastica 228.
- Catechistae qui 259. vbi doce- bant ib.
- Catechumeni qui 258. eorum gradus ib. quomodo institue- bantur 259. seq. quando no- mina dabant 260.
- Cathedraticum quid 555.
- Causae ecclesiastici fori pro- priae 520. seq.
- Causae ferme omnes laicorum ad forum ecclesiae deuolu- tae 501. seq.
- Censura quid apud Romanos 669. c. Poenae ecclesiasti- cae proprie dictae *censurae* ib. c. Censurae a poenis di- stinctae 671. sunt nume- ro tres ib. irrogantur in fo- ro externo ib. a quo 672. in quos 672. relaxantur v. *absolutio*.
- Cessatio a diuinis quid 690.
- Cessio bonorum prodest ad e- vitandum carcerem 633.
- Character quid 247. imprimi- tur in tribus sacramentis 247. seq.
- Character, qui degradatis im- primebatur 702. b.
- Chorepiscopi qui 101. viden- tur fuisse ex ordine presby- te-

- terorum ib. *b.* Eorum officia & iura *102.* Non ordinabant diaconos & presbyteros ib. *c.* vsurpant omnia episcopalia officia *103.* esse desierunt ib.
- Chorus quid *372. f.*
- Chrisma quid *271.* quo tempore conficitur ib.
- Christiani alii clerici, alii laici *50.* alii saeculares, alii ascetae *53.* itemque alii iusti, alii peccatores ib. Omnes alternatim in ecclesia psallebant *361. c.* Perfecti non litigant *497.*
- Citatio quid *587.* differt ab in ius vocatione ib. *a.* duplex *588.* quae debet continere *589.* reo manifestanda *590.* Eius effectus *591.*
- Citatio in re criminali *622.*
- Clerici per clericos citabantur *611.*
- Clausura monialium *224.*
- Claues ecclesiae apostolis per Petrum datae qua ratione *64. a.*
- Clementinas *36.*
- Clerici qui & vnde dicti *50.* seq. *c.* a laicis iure diuino distincti *51.* seq. *d.* Eorum variae diuisiones *58.*
- Clerici minores quando instituti *116.* educti a diaconatu ib. eorum numerus in ecclesia Latina ib. in aliis ecclesiis *118. d.* Olim plures clerici minores & diaconi quam presbyteri *118.* seq. Eorumque officia ferme desueta *119.*
- Clerici primae tonsurae qui *120.* quando instituti ib. habent fori priuilegium *514.*
- Clerici debent esse sancti *185.* & de se male suspicandi nullam praebere debent occasionem *186.* Verantur aleis ludere, ebrietatibus vacare & theatri interesse *187.* & exercere saecularia negotia *192.* Debent gerere habitum & tonsuram clericalem *191.*
- Clericorum caelibatus. V. *Caelibatus.*
- Clerici viuunt de altari *412.* moderate tamen *413.* ad diuites patrimonio suo recte viuunt de altari *414.*
- Clerici a litibus rerum temporalium alieni *504.*
- Clerici habent fori priuilegium *514.* eo in pluribus casibus excidunt *515. 517.* seq. & in multis casibus coram laico iudice conueniuntur *528.* seqq. An fori priuilegio recte renuntient *518.* Clerici coniugati quando habent fori priuilegium *516.* seq.
- Coadiutores qui *90.* alii dantur ad tempus, alii vero cum spe successionis ib. cum spe successionis tandem improbat *100.* a quo constituuntur *102.*
- Codices canonum varii generis *18.* Ecclesiae celebriores proprios canonum codices habebant *18.* seqq. Codex Dionysii Exigui *21.* Ioannis scholastici *19. a.* Martini Bracarenensis *23.* Isidori Mercatoris suus Peccatoris *24.* item Burchardi, Iuonis similium *29. i.*

- Cognatio sic proprie dicta quid 342. constat lineis & gradibus ib. Graduum computatio 343. Quae impedit nuptias 343. seq.
- Cognatio civilis inter quos impedit nuptias 345.
- Cognatio spiritualis unde exoritur 267. 276. inter quos contrahitur ib. hodie inter quos nuptias impedit 345.
- Collatio beneficii . V. *Beneficii collatio.*
- Commendae beneficiorum quid 449. versae in ecclesiae perniciem ib. mala inde exorta 450. a synodo Tridentino sublatae, sed ferme sine effectu 451. verbis distant a beneficiis ib. a quo dantur 452.
- Communio ecclesiastica quid 673. seq. suos habet gradus 674. Sacramentum poenitentiae olim dictum *communio* 302. a.
- Communio laica quid 704. & peregrina 706.
- Competentiae beneficium quibus competit 634.
- Competentia pastoralis . V. *Portio congrua.*
- Compilatio decretalium Gregorii IX. 35.
- Concilia quid 536. Eorum species variae 537. a. sunt apostolicae institutionis 538. Iudices in conciliis ib. Clerici & laici in conciliis praesentes 539. Eorum materia 540. locus & forma celebrationis 540. seq. Finita per acclamationes 541. Enarrantur singulae conciliorum species 542. seq. Concilium generale an repraesentet supremum ecclesiae auditorium 545.
- Concilium Tridentinum 39. seq. Decreta reformationis vel omnino reiecta, vel non omnia recepta 40. seq.
- Concordata inter pontifices & reges 44.
- Concordia Gratiani . V. *Gratianus.*
- Concubinae clericorum 202. &
- Concursus in conferendis parochiis 465.
- Confessio sacramentalis quid 306. ab ipso Christo praecipita 306. quomodo facienda 307. e. Cui confessio facienda 322. Praeceptum annuae confessionis 326.
- Confessio iudicialis potissima probatio 602. tormentis elicit debet extra tormenta confirmari 626.
- Confirmatio electionis quid 155. facta a metropolitano praeuia causae cognitione 156. petenda certo tempore ib. Eius effectus 156. seq. Hodie fit a pontifice in consistorio 157.
- Confirmatio sacramentum quid 271. Eius nomina ib. materia & forma 273. minister ib. effectus 374. quibus datur 274. seq. Eius necessitas 275. data olim statim post baptismum ib. Eius sponsores 276. Ritus sequentes ib.
- Consecratio episcopi distincta a confirmatione 155. facienda a tri-

RE RVM PRAECIPVARVM. 727

a tribus episcopis 162. qua
die celebratur 177.

Consecratio ecclesiae . V. *Eccle-
sia.*

Consociatio monasteriorum 237.
non est eadem in omnibus
ordinibus ib.

Constitutiones sic dictae apo-
stolicae apocryphae 4. quan-
do collectae ib.

Consuetudo quid 6. vniuersa-
lis vel particularis 9. quae
vtriusque vis 9. seq.

Contritio quid 305. Eius ef-
ficacia ib.

Contumacia quid 591. Et ac-
tor & reus esse possunt con-
tumaces 592. Poenae contra
contumaces 592. seq.

Copiatæ qui 118.

Correctores Romani 32.

Crimina clericorum quomodo
distincta 510.

Curiales qui 128. erant a ca-
none alieni ib.

D

Decanæ quid 110.

Decimæ quid 405. quæ iure a
Iudæis debitæ 406. & quo
iure debitæ a Christianis ib.
Sunt triplicis generis 407.
debentur ecclesiae parochiali
407. iure feudi laicis concessæ
407. seq. acquisitæ etiam
canonicis & monachis 409.
Decimæ *noxtales* & *minutæ*
ib. seq. Qui tenentur præ-
stare decimas 410. Eæ spon-
te præstandæ 410. seq. &
quidam secundum receptos
mores 411.

Decretales pontificum quid 8.

recentiores dictæ *bullæ* 41.
e. condebantur in synodo Ro-
mana 8. aliae generales, a-
liae particulares ib.

Decretales Isidorianæ quo tem-
pore prodierunt 24. quid
præcipue continent 25. seq.
Earum historia 26. Sunt sup-
posititiae 27. Argumenta sup-
positionis 27. seq. Compo-
sitæ inficis pontificibus 26.
c. inducunt disciplinae mu-
tationem 26.

Decretalium quinque collectio-
nes ante Gregorianam 34.

Decretales a Gregorio IX. col-
lectæ 35.

Decretales de rebus civilibus
37. seq.

Dedicatio ecclesiae 373. *b.*

Degradatio . V. *Depositio.*

Delegati (iudices) qui 567.
a quibus constituuntur 567.
seq. Delegati a summo pon-
tifice 568. ampla iurisdic-
tione aucti ib. Eorum quali-
tates 569. ubi constituendi
569. seq.

Delegati potestas 570. seq. fi-
nitur 571.

Delegati a canone 571.

Denarius S. Petri quid 400.

Denuntiatio quid 620. hodie
ad accusationem accedit 621.

Depositio quid 699. alia sim-
plex depositio, alia degra-
datio ib. seq. Iudices depo-
sitionis 700. seq. Solemni-
tas degradationis 702. De-
positio ob delictum irroganda
702. perpetua est 703. De-
positi olim tradebantur cu-
riae 704. Degradati magi-
stra-

- stratibus traduntur 705. Et
 caractere notati 702. *b.*
 Detrusio in monasterium 707.
 Diaconi qui 110. ab apostolis
 instituti 58. Eorum nume-
 rus 110. *a.* causa institutio-
 nis ib. officia 111. 112. &
 119. *c.* Num consecrandae
 eucharistiae habuerint pote-
 statem 112. *b.*
 Diaconiae quid 90.
 Diaconicum seu vestiarium 373
 Diaconissae quae 114. Earum
 consecratio 114. *d.* qualita-
 tes 115. officia ib.
 Dicta sanctorum patrum 9.
 Digami qui 134. irregulares
 ib. qua ratione 134. seq. Di-
 gami ab interpretatione 135.
 & a similitudine 136.
 Dimissoriae litterae olim quid
 48. quid in noua disciplina
 166. quibus & a quibus conce-
 duntur ib. Earum duratio ib.
 Disciplina ecclesiae stricte sic
 dicta quid 1.
 Disciplinae & morum summa
 corruptio 38. seq.
 Distributiones quotidianae quid
 124. cedunt praesentibus in
 choro ib.
 Diuortium quid 532. apud gen-
 tes licitum 352. *a.* Christo
 concessum quale 353. Le-
 ges principum christianorum
 de diuortiis 354. In ecclesia
 Latina nec ob adulterium
 permittitur verum diuortium
 354. Legitimum matrimo-
 nium dirimitur, si coniux al-
 ter conuertatur ad fidem
 355. & ratum dirimitur mo-
 nastica professione 355. seq.
 Diuortium imperfectum qui-
 bus causis conceditur 356.
 Dominica in albis 269.
 Dona annua regibus ab eccle-
 siis exhibita 491. seq.
 E
 Ebrietas a clericis vitanda
 187.
 Ecclesia proprie quid 45. v-
 num corpus constituit ib. E-
 ius finis spiritualis 46. Vi-
 sibilis est ib. & societas in-
 aequalis 46. Eius attributa
 47. Ecclesiae particulares in-
 ter se connexae 47. seq. E-
 ius potestas spiritualis 46.
 494. versatur circa tria 1.
 Habet potestatem remitten-
 di peccata 302.
 Ecclesia a republica diuersa 48.
 sed civili lege probata mul-
 tas consequitur praerogati-
 vas 49. & auxilium civilis
 potestatis implorat ib.
 Ecclesia alia Orientalis, alia
 Occidentalis 61.
 Ecclesia Romana olim solos Ni-
 caenos canones adgnouit 20.
 Ecclesiae regimen a Christo
 institutum 1.
 Ecclesiae suburbicae 82. *d.*
 Ecclesia improprie locus est
 369. Eius nomina ib. *a.* Ec-
 clesiarum prima origo 370.
 species ib. Ecclesia non ae-
 dificatur sine episcopi con-
 sensu 371. Ecclesiae partes
 interiores 372. seq. Eccle-
 siae consecratio 373. seq. E-
 ius interior ornatus 374. Ec-
 clesia polluta reconcilianda
 375. Ecclesia quomodo pol-
 luitur 375. seq. Non licet in
 ec-

- ecclesia polluta celebrare divina officia 356. Ecclesia instauranda & reparanda ib.
- Electio sacrorum ministrorum a populo facta 140. quibus rationibus 141. degenerat in turbas & factiones ib. Cessant populares electiones 142. Electio episcoporum transit ad capitulum ecclesiae cathedralis 142. & inde in summum pontificem 146.
- Electio summi pontificis 144. ab imperatore confirmata 149.
- Electiois formae scrutinium, compromissum & diuina inspiratio 143. ante electionem iusta praelato perfolvenda 144. qui vocandi ad electionem ib. ubi electio celebranda 145. & intra quod tempus ib.
- Electiones Episcoporum indigebant regio consensu 148. qui desit adhiberi 153.
- Electiois confirmatio. V. *confirmatio.*
- Episcopalis potestas alia ordinis, alia iurisdictionis 64. 495. initio nullis finibus inclusa 65. inde restricta est ib. & vetiti episcopi in aliis parocciis eam exercere 65. nisi urgeat necessitas 66.
- Episcopatus in parvis oppidis non constituuntur 60. seq. Cuius est eos instituere 62. seq.
- Episcopatus continet sacerdotii plenitudinem 63. quae ab ipso Christo descendit 64. a.
- Episcopus quis 54. episcopi apostolorum successores 62. a presbyteris iure diuino distincti 55. Vnus episcopus in vna ciuitate 57. Episcoporum officia 67. seqq.
- Episcopi olim arbitri electi in libris laicorum 499. inde euaserunt veri iudices 500. seq. & iurisdictionem ferme in omnibus causis laicorum extenderunt 501. seq. quam demum amittunt 503.
- Episcopi aucti iurisdictione in causis ciuilibus clericorum 505. debent iudicare sine sumtu & scriptura sollemni 506. iurdictio ista demittitur 507.
- Episcopi in synodis prouincialibus iudicabantur 533. sed inde eorum maiores causae ad pontificem deuolutae 535.
- Episcopi titulares qui 181. d.
- Error personae vitiat matrimonium 336. seq. vitiatque error seruilis conditionis 347.
- Eucharistia quid 277. quando instituta ib. Materia & forma 277. seq. Minister qui eam consecrat 281. qui eam dispensat 282. qui eucharistiam possunt suscipere 284. data olim sub vtraque specie 284. in missa tempore communionis 385. domum delata 285. c. & cum mortuis sepulta 285. Effectus Eucharistiae 286. probatio eius receptioni praemittenda 286. seq. Necessitas 287. seq. quoties sumenda 289. Praeceptum ecclesiae de sumenda eucharistia ib.
- Examen ordinandorum spectat ad ordinantem 115. versatur

tur circa mores & scientiam
154.

Examinatores synodales 555.

Exceptiones quid 593. Earum
species 593. seq. quando op-
ponendae 594.

Excommunicatio quid 673. E-
ius species 674. seqq. Effec-
tus minoris excommunica-
tionis 675. Effectus maioris
iure diuino 677. Excommu-
nicatio maior priuat etiam
civilibus officiis 678. seq.
sed non in omnibus casibus
680. Excommunicatio publi-
canda & denuncianda specia-
liter & expresse 680. seq. Con-
uersatio cum excommunica-
to qua poena punitur 679.
seq. Excommunicatio maxima
poena 681. irroganda ob graue
crimen 682. seq. probatum
682. & in contumaciam ib.
& praecedente canonica mo-
nitione 682. seq. non sem-
per irroganda 683. Excom-
municatio iniusta 684. Ri-
tus ferendae excommunica-
tionis ib. Lata aliis ecclesiis
denuntiatur 685. Excommu-
nicatio apud Iudaeos & gen-
tes recepta ib. b.

Exedrae ecclesiae 373.

Exemptiones de episcopi pote-
state monachis initio ex par-
tae concessae 711. inde fue-
runt generales 711. seq. Con-
cessae etiam canonicis & sin-
gularibus personis 713. Ex-
emptionum species ib. Caus-
ae concessarum exemptionum
713. seq. Incommoda ab ex-
emptionibus 715. Exemptio-

nes odiosae 715. ac proin-
de stricte accipiendae 716.
seq. Decreta Tridentina de
exemptionibus 718. seqq.

Exigui (Dionysii) cognomen
21. e.

Exilium an iure ab Ecclesia
irrogatur 708.

Exomologesis 310. i.

Exorcistae qui 117. Eorum of-
ficia ib.

Exsequiae defunctorum vbi ce-
lebrandae 385.

Expectatiuae gratiae quid 440.

Extravagantium collectiones 36

Extrema vnctio quid 327. Eius

materia & forma 327. seq.

Minister 328. Infirmi eam sus-
cipiunt 329. Partes vngen-
dae 327. Dispositio suscipien-
tis 329. seq. Extrema vn-
ctio veluti poenitentiae com-
plementum 330. Effectus ib.

F

Fatales dies in appellatione
643.

Feriatii dies qui 590.

Fermentatus panis in eucharis-
tia adhibetur a Graecis 277.
Etiam apud Latinos olim
adhibitus 277. seq. b. Sum-
mebatur ex populi oblatio-
nibus 392.

Festi dies alii mobiles, alii im-
mobiles 359. alii celebriores,
alii minus celebres 360. Cu-
ius est festorum institutio ib.
Sanctificatio dierum festorum
361. seq. In diebus festis
cessant opera seruilia 361.
seq. & actus iudiciales 362.
& spectacula ib. Festi dies
numero aucti 362. seq.

Few-

Fenda ab ecclesiis quaesita 400.

Inde exorta mala 400. seq.

Foedera inter particulares ecclesias 48.

Formatae litterae 47. seq.

Forum competens 519. Ecclesia forum proprium habet 520. illudque olim vnum, iure nouo duplex, internum & externum ib. Causae propriae fori ecclesiastici 520. seqq. Crimina fori ecclesiastici 524. seq. Forum ecclesiae in causis civilibus clericorum 525. Quisque in proprio foro conueniendus ib. Forum proprium quibus modis efficitur 525. seq.

Fori privilegium clericis in causis civilibus quando datum 505. confirmatur & augetur 306. seq. deminuitur 507.

Fori privilegium in causis criminalibus quomodo inualuit 511. seqq. iuris diuini esse creditum est 513. deminuitur ib. quatenus legibus regni nostri probatum est 513. seq.

Fori privilegio qui gaudent 514. seq. Qua ratione concessum 514. seq. a. Quibus conditionibus retinetur & quando amittitur 115. seq. An fori privilegio renuntiari possit 518. seq.

Frigidi qui 342. b.

G

Gratia in sacramentis confertur 246. ex opere operato ib. *physice*, an *moraliter* 246. seq. i.

Gratianus quis 30. Eius Concordia discordantium canonum ib. in tres partes tributa ib. confusione laborat 30. vnde collecta ib. Quaedam loca inscribuntur *Palea* 30. seq. Errata Gratiani ib. Concordia Gratiani recepta 32. Emendatur ib. an vim iuris canonici habeat 33. promouit disciplinae mutationem ib.

H

Habitum clericorum civilis initio communis 189. a. inde proprius ib. seq. Clerici priuantur fori privilegio, si habitum & tonsuram clericalem non gerant 191.

Haeresis quid 653. requisita ad haeresim 653. seq. Dubius in fide haereticus est 655. Suspecti de haeresi ib. poenae ecclesiasticae in haereticos 655. seq. civiles 656. seq. Haeretici reuersi quomodo recipiuntur 657. seq.

Hierarchia quid 54. Iniuria haeretici respuunt vocem *hierarchiae* 54. a. Initio omnes ecclesiae non habuerunt integram hierarchiam 56. seq.

Homicidium inducit irregularitatem 131. non tamen casu aut in sui defensionem admissum 132. Homicidium coniugis quando nuptias impedit 348. seq.

Honorarium missae vnde exortum 296. Est loco piae oblationis ib.

Horae canonicae 361. b.

Hospitalarii qui 213. translati in

- in Melitam 214.
 Hospitalia quae 389. varia eorum nomina ib. & species 390. Olim episcopis subiecta ib. Hospitalia exempta ib. Decreta Viennensia & Tridentina de Hospitalibus 391. Sacramenta in hospitalibus a quibus administranda 392. Officiales reddunt rationes ib.
 Hypodiaconi qui 116. Olim erant inter ordines minores ib. Eorum officia ib. creuerunt inter maiores 116. b.
- I**
 Ieiunia monachorum frequentia 229.
 Ieiunium quid 363. differt ab abstinentia ib. Ieiunii species ib. Ieiunium quadragesimae 364. & feriarum quartae, & sextae seriae & sabbati 364. seq. item quatuor temporum per annum 365. b. vigiliarum 365. seq. Ieiunii natura 336. Hora legitima soluendi ieiunii 367. Semiieiunia ib. *Collatio* quae & quomodo recepta est 368. b. Omnes in quadragesima ieiunare tenebantur 368.
 Illegitimi a canone alieni 138.
 Imagines sanctorum in ecclesiis quarto saeculo positae 374. k. Colendae cultu religioso 375.
 Imperii Romani partitio in prouincias & in dioeceses 59.
 Impositio manuum vnde descendit 159. b.
 Impotentia coeundi impedit nuptias 342. quid si dubia sit ib.
 Inclusi & reclusi qui 210.
 Indulgentiae quid 315. Aliae plenariae, aliae partiales ib. Eorum ministri 315. Ex causis concedendae 316. & moderate 318. Indulgentiae *stationariae* 316.
 Infamia facit a canone alienos 131.
 Informatio quid 621.
 Inquisitio fidei quando instituta 573. Eius potestas 573. seq. ordo iudiciarius 574. sollemnitas *actus fidei* 575. *n.* Inquisitio non bene audit 576. In multis regionibus recepta 576. seq. in aliis & praesertim in regno Neapolitano reiecta 576. seq.
 Inquisitio modus instituendi causas criminales 621.
 Inquisitores fidei qui 572. Eorum artes 576.
 Inspectio ocularis 607. seq.
 Institutio stricte accepta quid 454.
 Institutio corporalis 439.
 Instrumentum quid 605. seq. aliud publicum, aliud priuatum 606. instrumenta quando probant ib.
 Interdictum quid 686. Eius species ib. seq. Origo interdictorum generalium 687. a. Interdictum ex graui causa ferendum 687. & adhibitis sollemnibus 688. Effectus interdictorum generalium ib. Eorum rigor emollitus 689. Violatio interdicti grauis culpa 690.

- Interstitia ad ordines recipiendos olim satis longa 172. iure nouo breuiora 173. ab episcopo contrahi possunt 174.
- Interventorepiscopus quis 142.
- Inuestitura quid 401. c. Ex inuestituris nata mala ib. inuestiturae abolerentur 402. c.
- Irregulares olim dicti *a canone alieni* 129. Irregularitas quid 128. ex quibus fontibus exoritur 129. Vicio animi olim irregulares criminosi publici & occulti 129. hodie vero ferme soli occulti, & quibus iure nouo expresse irrogatur irregularitas 130. seqq. Item irregulares immites, non tamen omnes 132. seq. digami 134. infcii litterarum 136. neophyti ib.
- Irregulares vitio corporis 137. Et ratione externae conditionis, quales serui, milites, reddendis rationibus addicti, curiales 138. Irregularitatis effectus 139. Irregularitas quomodo tollatur 140.
- Isidorus Mercator, seu Peccator homo incertus 24. auctor falsarum decretalium 25. quo consilio eas consarcinavit 25. b.
- Iudex quis 562. ordinarius, aut delegatus ib. ordinarius iure officii sui habet iurisdictionem ib. delegatus vero eam habet alterius mandato 567.
- Iudicium quid 583. Eius species 583. seq. Ordo iudicii legibus statutus 584. Iudicia canonica criminalia olim ferre ex legum civilium forma ordinabantur 585. 610. seq. Iudicia civilia olim ex bono & aequo ab ipsis episcopis composita 685. tum forensibus ambagibus inuoluta 685. seq. Ordo iudiciarius decretalium in foro civili receptus 586. a. Tempus quo iudicia civilia finire debent ib.
- Iudicii civilis ordo qualis 587. seqq. Iudicii criminalis ordo vetus 610. seq. iudicii hodierni criminalis ordo 618. seqq.
- Iudicium Dei quid 616.
- Iudicium summarium quid 609. Causae tractandae summario iudicio 610.
- Iura honorifica quae 461.
- Iuocarnotensis auctor Decreti & Panormiae 29.
- Iura parochialia 395.
- Iurisdictio ecclesiastica quid 493. alia propria & sacerdotio cohaerens, alia extrinseca ib. Propria tora spiritalis est 494. in christianos omnes exercetur 495. seq. Potestas ordinis & iurisdictionis 495.
- Iurisdictio ecclesiastica extrinseca 497. seq.
- Ius ecclesiasticum vel diuinum, vel humanum 5. Species iuris diuini ib. Humanum quid & eius species 6.
- Ius canonicum quid 2. a. a theologia distinctum 2. aliud scriptum aliud non scriptum 6. Species iuris scripti 6. seq. Species iuris non scripti 9. Iuris canonici tres aetates 17. seq.

seq. Codices iuris canonici veteris 18. seqq. Codices iuris canonici noui 24. seqq. Codices recepti iuris canonici noui 29. seqq. Ius canonicum nouum quibus rationibus creuit 33. o. Iuris canonici noui auctoritas etiam in rebus civilibus 37. seq.
 Ius canonicum nouissimum 38.
 Iusiurandum propter calumniam quid 399. inductum pro publica vtilitate ib. necessario praestandum ib. qui iurant 399. seq. causae, in quibus iuratur de calumnia 600.
 Iusiurandum suppletorium 607.
 Ius patronatus quid 454. Eius origo ib. species 456. seq. quomodo acquiritur 455. seq. transfertur 457. iura patronis debita 457. seqq.
 Iusti qui 53. primis saeculis sua repetebant ecclesiastico iudicio 498.
 L
 Laici qui 51. a clericis iure diuino distincti 51. seq. d. multa beneficia conferunt 452. quo iure 453. clericos non accusant 619. a.
 Lapsi qui 650. triplicis generis 650. seq.
 Lectores qui 118. eorum officium ib.
 Legati qui 93. ab omnibus ecclesiis missi ib.
 Legati pontificii alii *missi*, alii *nati* 93. missi ad principes dicti *apocrisarii* & *responsales* 93. seq. legati nati qui 94. Eorum iura ib. Legati o-

mnnes pontificii integram relinquebant episcoporum & metropolitanoꝝ potestatem 95. Missi alii simpliciter *missi*, alii *a latere* ib. Legati missi augentur potestate 95. quomodo eam explicabant 96. Iure decretalium iura legatorum 96. seq. Eorum fastus 97. Potestas legatorum decreuit 98. Legatio apostolica regibus Siciliae competens 97.
 Leges humanae publicandae 10. leges ciuiles etiam inuitos obligant 13. d.
 Leges principum de rebus ecclesiasticis quo iure nituntur 15. seq. confirmant fidem & disciplinam 16. & aliquando constituunt disciplinam ecclesiasticam 16. seq.
 Lex *iurisdictionis* & *diocesana* 495. a.
 Libellatici qui 651. triplicis generis ib.
 Libelli martyrum 316. a.
 Libellus quid eiusque qualitates 588.
 Libri poenitentiales 311.
 Litis contestatio quid 597. fundamentum iudicii 598. Illius effectus ib.
 Liturgia y. *missa*.
 Lutherus ecclesiam dilacerat 39.
 M
 Maleficiati qui 342. b.
 Mandata de prouidendo quid 440. continebant tria praecepta 441. sublata 447.
 Manus ecclesiae a seruitiis immunis 488.
 Matrimonium quid 334. Origine

gine sua contractus, cui accessit religio sacramenti ib. legitimum, ratum, consummatum 334. seq. Eius materia, forma, minister 335. Consensu matrimonii contractus contrahitur 335. Matrimonio praemittendae proclamationes 337. Matrimonii benedictio 338. Matrimonium clandestinum 338. Consensus patris in nuptiis filiorumfamilias 336. Matrimonium errore contractum ib. metuae 337. Sollemnia nuptiarum quo tempore celebranda 339. Effectus matrimonii 339. an omnes natura habiles tenentur nuptias inire 340. Matrimonii impedimenta vel dirimentia, vel impediencia 340. a quo constituuntur 140. seq. enarrantur 341. seqq. relaxantur 351. seq.

Medicina clericis vetita 196.

Mendicantes qui 214. eorum ordines ib. b. cadunt a suo instituto 215. & instaurantur ib. Qui eorum statos reditus possident 216. Mendicantes auctoritate pontificis sacra administrant 233. Quod emendatur ib. 68. 223. & 323.

Metropolitanus qui 73. aliis nominibus appellatus ib. Metropolitanorum institutio ib. a. Ius regendae prouinciae olim penes synodum prouincialem, hodie penes metropolitanum 74. Iura metropolitana ib. decrescunt 75. Metropolitanus potestas in prouinciā

non est episcopalis ib. Metropolitanus iudicatus in synodo prouinciae 533. in Oriente post institutos patriarchas vel apud exarchum dioecesis, vel apud sedem Constantinopolitanam 534. b.

Militia clericis vetita 94.

Miracula ad martyrum sepulcra 613.

Missae quid 290. Graecis dicta λετουργια ib. variae liturgiae 291. Liturgia Romana in Occidente recepta ib. Missa vulgari lingua celebrata 292. Missa catechumenorum & fidelium 292. publica & priuata 293. & solitaria 292. Missa continet proprium nouae legis sacrificium 294. pro quibus offertur 294. seq. f. & quatenus prodest 295. Missae stipendium quid 296. Missarum legata ib. Non licet pro pluribus stipendiis vnā missā celebrare 296. Praeceptum audiendae missae 297. Dies liturgici 298. vno die plures missae ab eodem sacerdote celebratae 298. seq. Locus celebrandae missae 299. & hora 300.

Missae iudicii 617.

Missi dominici 73. c.

Monachi qui 206. eorum prima origo apud christianos 207. propagatio 208. Feminae amplectuntur monasticam vitam 25. b. Monachi vel solitarii, vel coenobitae 208. Essentia vitae monasticae 209. Monachi vivebant

labore manuum 211. quem deinceps ferme abiecerunt ib. Monachi adquirunt fundos & statos redditus 211. mortui mundo 224. obligati ad stabilitatem ib. & ad vota monastica 226. seqq. an possunt de vno ad alium ordinem transire 225. Monachi incorrigibiles 225. Monachorum exercitia & ieiunia 228. seq. non manducabant carnes, nec bibebant vinum 229.

Monachi initio laici 230. Inde multi adsumti in sortem domini 231. Et hinc alii clerici, alii laici ib. Monachorum sacra priuata 232. inde publica 232. seq. Monachi adquirunt pontificalia 233. seq.

Monachi ex monasteriis ad regendas ecclesias adsumti 234.

Monachorum superiores 235. habent monasterii & monachorum regimen 236. & irrogant poenas ib. quomodo eliguntur 238. ex quibus 339. sunt vel perpetui, vel temporarii 240.

Monachi diu fuerunt vnius ordinis 212. in Occidente instituta ordinum diuersitas ib. Noui monastici ordines clericales, militares, mendicantes & pii operarii 213. seqq. Monasteria initio in solitudinibus aedificata, inde etiam ipsis in ciuitatibus 209. 387. aedificanda cum episcopi ad sensu 209. & ex certa forma 388. olim episco-

pi subiecta ib. Monasteria duplicia verantur 228. b. Monastica vita lapsa & restituta 211. seq. Munera publica & ciuilia clericis vetita 194.

N

Neapolitani S. Officium non admittunt 577. seq. c. Negotiatio quaeuolua clericis vetita 192.

Neophyti qui 136. erant a canone alieni ib.

Nominationes episcoporum a regibus factae 149. seq. damnatae 151. iure nouo ferme restituae 153.

Nomo-canon quid 18.

Nomo-canon Io. Scholastici 20. & Photii ib.

Nouitiatus. V. *Probatio.*

Nuptiae. V. *Matrimonium.*

Nuptiae secundae permiffae 357. etsi a patribus parum probatae ib. sine infamia contrahuntur intra annum luctus 358.

O

Obedientia vnum ex votis monasticis 227. qualis esse debet ib. Obedientiarum praepositi 235.

Oblatio filiorum infantium ad monachatum monachum faciebat 222. iure nouo abrogata est ib.

Oblationes triplicis generis 393. seq. quae fiebant ad altare 295. 393. Inde natum missae honorarium 296. Oblationes a quibus accipiebantur 394. ferme erant spontaneae largitates 395. a Spectant

- stant ad ecclesiam parochialem 395. seq.
- Oeconomus quis 417. hodie eligitur sede vacante 127.
- Officium diuinum 360. b.
- Olei vsus apud Iudaeos & ethnicos 161. c.
- Opera seruilia diebus festis vetita 361. seq.
- Opificia fordida clericis vetita 193.
- Opus manuum monachis proprium 211.
- Orbis Christianus 542.
- Ordinarii locorum 104. Ordinarius index 562. seqq.
- Ordinatio quid 158. distat ab ordine ib. Ordinatio episcoporum, presbyterorum & diaconorum est sacramentum 158. Ordinationis materia & forma 158. seqq. Tractatio instrumentorum 160. Vnctio in ordinatione 161. Locus ubi celebratur ib. Effectus ordinationis 170. seq.
- Ordinationis sacrae minister episcopus proprius 162. ex quadruplici titulo 163. seq. Italo-Graeci a quo episcopo ordinandi 165. Regulares a quo episcopo ordinandi 165. seq. Episcopus non proprius ordines tribuens 167.
- Ordinatio ad titulum quid 178. Tituli ordinationis 178. seq. Effectus ordinationis ad titulum 179. Titulus patrimonii 180. seq. Ordinatio sine titulo vacua 181.
- Ordinationis tempora 175. seq. Olim ordinatio postea celebrata 177. d.
- Ordines monastici quando inducti 212. 237.
- Ordines mendicantes 214. seqq.
- Ordines militares 23. seq.
- Ordines gradatim suscipiendi 172. an aliqui omitti possint 173.
- Ordinum interstitia 172. ex indulgentia contrahuntur 174.
- Ordinum susceptores qui 167. seq. debent consentire 169. a Deo vocandi 170. Olim etiam inuiti ordinati 169.
- Ordo quid 158. Alii maiores, alii minores ib.
- Origo in causa ordinationis qualis 164.
- Osculum in sponalibus 332. b.
- Ostiarius quis 118. Eius officia ib.
- P
- P**aleae quid apud Gratianum 31.
- Pallium quid 75. seq. Patriarchae de consensu imperatoris pallium dant metropolitani 76. Pontifices illud dabant praesertim vicariis apostolicis ib. Metropolitan omnes pallium necessario petunt 77. b. Pallii virtus 78. c. Quomodo petendum 79. personae cohaeret ib.
- Panis triticeus materia eucharistiae 277. nullo studio parabatur 278. abijt in tenuem formam 279.
- Panormia vox ibrida 29. b.
- Paphnutii historia defensa 198. d.
- Parochi qui 108. quando instituti 108. seq. Eorum officia 109.
- Parceciae vox explicatur 65. c.

Pascha quando celebratur 359.
Eius indicio in veteri disciplina ib. *a.* Annotinum quid 270. a.

Pastor primitivus quis 470.
Patriarchae qui 79. Eorum institutio 80. a. iura 80. Patriarchatus Constantinopolitani & Hierosolymitani institutio 81. seq. Fines Romani patriarchatus 82. & Constantinopolitani 83.

Patronus quis 454. Eius iura 457. seqq. pauper alendus ab ecclesia 460.

Paupertas religiosa 227. seq.
Peccata mortalia etiam occulta per publicam poenitentiam olim expiata 308.

Peccata reservata 323. seq.
Peccatores publici exclusi ab eucharistia 284.

Peculium clericorum quid 480.
Clerici non sunt domini bonorum profectitorum 480. seq. atque ideo de iis iure testari nequeunt 381. Quomodo recepta de iis bonis testamenta 482. seq.

Peculium monachorum vitae monasticae aduersum 228.

Pensio quid 476. Eius origo 476. a. natura 476. ex iusta causa conceditur 477. a superiore 478. quantitas ib. non est proprie beneficium 479. extinguitur ib. Mala ex degeneribus pensionibus 477.

Permutatio beneficii olim ignota 471. quomodo recepta 472.

Personae & personatus quid 422. seq. d.

Picturae in ecclesiis quando po-

sitae 374. k. Earum finis 371.
Pluralitas beneficiorum. V. *Beneficia.*

Poenae ecclesiasticae quid 669. pro iure suo ab ecclesia irrogantur 667. seq. differunt a poenis civilibus 668. continentur in communione ecclesiastica 669. olim dictae censurae 669. a censuris distinctae 671. irrogantur in foro externo ib. explicantur 699. seqq.

Poenalia opera poenitentibus imposita qualia debent esse 311. imponebantur ex canonibus ib. canonicae poenitentiae intermissae 314. & arbitrio sacerdotis imponuntur ib.

Poenitentes quomodo accipiebant poenitentiam 310. g. deponebant omnia saecularia negotia, quae peccatis erant occasione ib. *b.*

Poenitentia vitrus quid 301. quous tempore homini necessaria ib.

Poenitentia sacramentum quid 301. Eius varia nomina 301. seq. a. Quasi materia sacramenti poenitentiae tres poenitentis actus contritio, confessio & satisfactio 304. Enarrantur 305. seq. Ex multorum sententia materia sacramenti poenitentiae manuum impositio 304. c. Forma sacramenti poenitentiae 318. Effectus 320. Minister 321. seq. Poenitentiarius generalis 321. seq. Subiectum sacramenti poenitentiae 324. Eius necessitas 326.

Poe-

- Poenitentia denotat satisfactio-
nem 308. Est vel publica,
vel priuata ib. Gradus pu-
blcae poenitentiae 309. Pu-
blica poenitentia vna 311.
Non omnes subibant publi-
cam poenitentiam 312. Pro
quibus peccatis publica poe-
nitentia peracta 308. Publica
poenitentia pro criminibus
occulis desueta 312. seq.
Publica poenitentia aut pu-
blica stricte sic dicta, aut sol-
lemnis 312. k.
- Poenitentiarum sic dictae re-
demptiones quid 399.
- Politia ecclesiae externa ad ex-
emplum ciuilis efformata 59.
sed non semper 61. & ciui-
lem politiam plerumque se-
quebatur 62.
- Polygamia, qua simul plures
vxores habentur, iure euan-
gelico verita 357. etsi apud
Iudeos & gentes recepta ib.
- Pontifex Romanus primatum
habet in vniuersam ecclesiam
86. Eius primatus natura 85.
Et inde dici potuit episco-
pus oecumenicus 86. a. Iu-
ra primatus 87. seq. Sum-
mus pontifex conciliis par-
ticularibus non subiectus 88.
hodie relaxat impedimenta
matrimonii 351. praestit concilii
generalibus cum relatio-
nis & suffragii praerogativa
544.
- Portio congrua parochorum
470. quanta ib.
- Positiones quid 602.
- Possessionis causae de rebus ec-
clesiasticis tractantur in foro
- saeculari 522. seq.
- Postulatio quid 145. a supe-
riore admittenda ib.
- Praebendae quid 425.
- Praedia a quo tempore & qui-
bus titulis ab ecclesiis quae-
sita 396. seqq.
- Praedicatio praecipuum episco-
porum officium 66. seq. prae-
dicatores a quibus constitu-
vntur 66. seq. Mendicantes
sine episcopi venia vetantur
praedicare 68.
- Praelati inferiores qui 104. sunt
triplicis generis ib. Quibus
modis instituti 105. Qui ha-
bent pontificalia ib. Eorum
potestas 106.
- Praepositi obedientiarum 235.
- Praesentatio ad beneficium quid
458. competit patronis ib.
intra quod tempus facienda
ib. Laicus patronus plures
potest praesentare ib. Prae-
sentatus debet esse idoneus
459.
- Praesumptio quid 606. Eius duae
species 606. seq.
- Praeuentio quid 444. quando
inducta ib.
- Presbyteri proprie sic dicti qui
107. in omnibus penitent ab
episcopis 107. seq. ex episco-
pi delegatione excipiunt con-
fessiones 322.
- Presbyterium eiusque potestas
108.
- Primates qui & quando insti-
tuti 84.
- Primatus S. Petri super apo-
stolos 85. in quo consistit ib.
descendit in Romanos pon-
tifices 86.

- Primicerius eiusque officium 120. erat ex clericis inferioribus 121.
- Primitiae quid 411. quo primario spectant ib.
- Principes quam habent potestatem in res sacras & ecclesiam 15. aliquando fines suae potestatis egressi 17. b.
- Probatio virae monasticae praemittenda 216. seq. fit sub seniore 217. quanto tempore durat ib. qua veste facienda 218. interea licet redire ad vitam saecularem ib.
- Probatio iuridica quid 601. quae probanda ib. quis probat 662. species probationis 602. seqq. intra certum tempus facienda 608.
- Procuraciones quid 71. Earum origo 72. b.
- Procurator non admittitur in causis criminalibus 620.622.
- Professio monastica quid 219. facienda sponte 220. ab iis, qui iure monachi fieri possunt 221. & aetate praescripta 221. seq. facienda gratis 223. Effectus professionis 224. seq.
- Promotor fiscalis 620.
- Publica honestas inter quos nuptias impedit 346. seq.
- Publicani qui 677. b.
- Publicatio ad vim legis & canonis necessaria ro. quomodo canones publicandi 11. non publicandi sine adfensu ciuilis potestatis 11. seq. ante publicationem expendendi 13. seq.
- Publicatio actorum iudicialium 608.
- Purgatio quid 613. Canonica, vel vulgaris ib. Canonica quomodo inducta 613. seq. Qui se purgabant 614. Adhibiti sacramentales 615. Vulgaris quid 615. Eius species 615. Eius usus sacer 116. Reprobata & tandem desuetata 617. seq.
- Q
- Quadragesima 364.
- Quaestiones seu tormenta adhibentur in foro saeculari 624. quando 625. grauibz argumentis impugnatae 624. b. alienae ab ingenio ecclesiae 625.
- Quaestores eleemosynarii 317.
- Quarta funeraria 386.
- Quatuor temporum ieiunia 365.
- R
- Raptus quid 348. quando impedit nuptias ib.
- Raymundus decretalium collector 35.
- Rebaptizatio vetita 268. seq.
- Reconciliatio ecclesiae 376.
- Reconuentio quid 595. quibus licet reconuenire ib. apud quem iudicem proponenda 596.
- Redemptio altarium quid 469. vetita ib.
- Reditus ecclesiastici confluiebant in vnam massam 416.
- Reditus ecclesiarum & beneficiorum vacantium ad pontificem deuoluti 419. seq.
- Regalia quid & vnde exorta 419. c.
- Regia potestas ante publicationem

- tionem expendit novos canones 14. directe nihil posset in res spirituales 496. condit leges in fidei & disciplinae confirmationem 15. seq. relaxabat matrimonii impedimenta iure humano inducta 351. pro iure suo punnit crimina omnia in ciuitate admissa 509.
- Regia potestas in electiones episcoporum 148. seqq. in synodos olim satis ampla 556. seqq. deminuitur 560. seq.
- Regimen politicum imperii Romani 60.
- Regradatio quid 709.
- Regressus ad beneficium quid 475.
- Regulae Romanae Cancellariae quid 43. extinguuntur pontificis morte, licet inde reuiuiscant 43. seq. non in omnibus prouinciis receptae 43. Regula *de uerisimili notitia* 445.
- Regulae monachorum olim peculiare & mutabiles 210.
- Renuntiatio beneficii quid 471. Eius species ib. Simplex non vetita ib. ex causa permutationis vetita, sed sensim admissa 471. seq. in fauorem item vetita 472. Omnis renuntiatio ex causa facienda & auctore superiore 472. seq. Qui possunt renuntiare 474. Infirmi quomodo renuntiant ib. Renuntiatio publicanda ib. *b.* Effectus renuntiationis 475.
- Renuntiatio episcopatus vetita 183. ex causa permissa 183. seq. Cuius auctoritate facienda 184.
- Replicatio quid 595.
- Res ecclesiasticae temporales ferme triplicis generis 393. vetantur alienari. V. *Alienatio.*
- Res iudicata quid 631.
- Rescripta pontificum quid 8. quam vim habent ib.
- Reseruationes beneficiorum 441. sunt multiplicis generis ib. extenduntur 442. seq. regulis Cancellariae inclusae 443. *b.* abrogatae in synodo Basileensi 446. Nouae reseruationes 447.
- Restitutio in integrum quid 647. quibus & intra quod tempus datur 647. seq. Eius effectus 648.
- Reus in civili iudicio citandus 588. in iudicio criminali quando citatur 622. non damnatur, nisi prius audiat 623. conuictus indicis & argumentis ordinaria poena damnatur. 626. seq.
- S
- Sabbati ieiunium 365. ab in abstinentiam 667.
- Sacella priuata quid 299.
- Sacerdotii & imperii fines 14. seq.
- Sacerdotii plenitudo continetur in episcopatu 63. seq. quae a Christo ipso descendit 64. *a.*
- Sacerdotium propagatum inter monachos ecclesiasticam mutat disciplinam 232.
- Sacramentum proprie quid 242. Sacramenta vel veteris, vel

- noui testamenti 143. Veteris quae ib. quibus necessaria ib. morte Christi obligare desierunt ib. Noui testamenti quot 244. Constant materia & forma ib. Forma condicionalis 246. Sacramentorum effectus, gratia & character 246. seq. quomodo gratiam conferunt 246. *i.* Eorum necessitas 248. Minister ib. Eius intentio qualis 249. Serio administranda 250. Sacramentorum susceutores 250. Ritus sacramentales 251.
- Sacrificati qui 650.
 Sacrificium missae offertur soli Deo 294. quibus & quatenus prodest 295.
 Sal catechumenorum 260.
 Sanctum Officium. *V. Inquisitio*.
 Sanctum sanctorum quid 372.
 Sarabaitae qui 208. seq. *c.*
 Satisfactio quid & qualis *v. Poenitentia*.
 Schisma quid 658. Eius species ib. poenae 660.
 Schola catechetica 259.
 Scrutinia 260.
 Secretarium quid 373.
 Secretum iudicis 605. *a.*
 Seculares qui 53. Canonici saeculares. *V. Canonicus*.
 Senatus ecclesiasticus 108. translatus in capitulum cathedrale 126.
 Series in Africa dicti metropolitani 73.
 Sententia quid 627. duplex ib. Definitiva ab iudice qui eam dixit non reuocatur 627. debet esse generalis 630. quomodo ab iudice proferenda 628. seq. Effectus sententiae latae & publicatae 631. Quae sententiae non transeunt in rem iudicatam 631. Sententiae exsecutio intra quod tempus facienda 632. a quo iudice 632. seq. quaratione 633.
 Septa ecclesiae 378.
 Sepultura mortuorum duce natura inducta 383. Varii ritus sepeliendi ib. *a.* Sepulturae apud Romanos extra vrbes 383. apud christianos demum receptae in ecclesiis 383. seq. *c.* Sepultura pars ecclesiasticae communionis 384. Christiani ubi sepeliendi ib. qui carent sepultura 386. Iura funeraria 385. seq.
 Serui contrahebant contubernia 347. iure nouo nuptias ib. Sextus decretalium 35. seq.
 Sigillum confessionis sancte seruandum 307. seq.
 Simonia quid 660. eius species 661. Res spiritualis quid in causa simoniae 661. seq. pecunia quid 662. Sponte oblata non incurrunt in vitium simoniae 663. etsi ob mali speciem aliquando verita 664. Sophismata ad tegendam simoniam 664. seqq. Poenae contra simoniacos 666. seq.
 Sordida munera quid 485. a quibus ecclesiae exemptae 487. Spectacula in diebus festis iure ciuili verita 362.
 Spolia clericorum quid 480. iure spectant ad ecclesiam 481.

481. deuoluta ad pontificem
483. De iisdem transactio
484.
 Sponialia quid 331. Contra-
 huntur consensu ib. confir-
 mantur benedictione, dona-
 tionibus, osculo 332. a. b. a
 quibus contrahuntur 331. In-
 de nata obligatio 332. seq.
 quomodo dissoluuntur 333.
 Statuae sanctorum in ecclesia
 quando receptae 375. k.
 Stipendium missae. V. *Hono-*
varium.
 Suffraganei episcopi qui 74.
 Superindictum quid 485. eccle-
 siae a superindictis exemptae
487.
 Superiores regulares. V. *Mo-*
nachorum superiores.
 Susceptores in baptismo qui
262. in confirmatione qui
276. Eorum officia 262. seq.
 Suspensio quid 691. Eius spe-
 cies 691. seq. antiquo poe-
 na ecclesiastica 692. Eius ef-
 fectus 693. non irroganda si-
 ne causa ib. Violatio su-
 pensionis 694.
 Synodaticum quid 555.
 Synodus. V. *Concilium.*
 T
 Talliae quid 489. c.
 Templarii qui 213. ex-
 tincti ib.
 Testamentum clerici condunt
 de bonis propriis 480. &
 nouis moribus etiam de quae-
 sitis ab ecclesia 482. seq.
 Testes qui 603. quot ad pro-
 bandum requiruntur ib. quan-
 do probant ib. qui vetantur
 esse testes 603. seq. citandi

604. & legitime examinan-
 di 604. cogi possunt 605.
 Testium numerus in dam-
 nandis episcopis 612. a. Tes-
 tes reo, constituto iterum
 examinandi 623.
 Testes synodales 555.
 Thesaurus ecclesiae 317.
 Thurificati 650.
 Tituli olim dictae ecclesiae
178. Minores tituli 110.
 Tonsura clericalis quid 190.
 Olim simul cum ordine da-
 ta 120. inde separatim ve-
 luti proprius ordo data ib.
 Tonsura monastica 220.
 Tormenta v. *quaestiones.*
 Translationes episcoporum &
 clericorum vetitae 182. sed
 ex iusta causa admissae 182.
 seq. cuius auctoritate 184.
 Poena contra episcoporum
 translationes 183.
 Transubstantiatio quid 280.
 Tributum quid 485. Eius spe-
 cies ib. Ecclesiae & clerici
 iure gentium soluent tribu-
 ta 486. Exemptae vel in to-
 tum vel pro parte 487. seqq.

V
 Vacare apud sedem aposto-
 licam quid 442.
 Vasa ecclesiae initiata an ven-
 di possint 422.
 Venatio clericis vetita 193.
 Vestis clericalis. V. *Habitus.*
 Viaticum quid 283. datur in-
 firmis etiam non ieiunis ib.
 Vicarius generalis quis 364.
 constituitur ab episcopo ib.
 quae iure facit 365. qui e-
 ligi debet ib. habet dignita-
 tem 366. quomodo esse de-
 finit

finit [567.](#)
 Vicarii foranei qui [553.](#)
 Vicarii perpetui sunt veri pa-
 rochi [470.](#)
 Vicarius capitularis [127.](#)
 Vigiliae quid [365.](#)
 Virgines & viduae ecclesiae
 204. seq. Qua aetate vir-
 gines olim edebant professio-
 nem 204.
 Vis, quae nuptias nullas facit
[337.](#)
 Visitationis dioecesis ab episcopo,
 ni si legitime fuerit impedi-
 tus, facienda [69.](#) Finis visi-
 tationis [70.](#) quoties facienda
[71.](#) quae subest visitationi
 ordinaria potestate [70.](#) quae
 delegata [71.](#) Episcopis visi-
 tantibus debentur procura-
 tiones [72.](#)
 Visitator episcopus quis [142.](#)

Visitatores monastici [238.](#)
 Vita communis & regularis
 clericorum quando inducta
[121.](#) propagata [121.](#) deser-
 ta ib.
 Vita clericorum sancta [185.](#) &
 omnibus virtutibus instructa
[188.](#)
 Vita Monastica. V. *Monachi.*
 Vita solitaria apud Iudaeos &
 gentes [206.](#) seq. [4.](#)
 Vnctio in ordinandis episcopis
 & diaconis [161.](#)
 Vocatio diuina praecedere de-
 bet sacerdotium [170.](#)
 Vota monastica [226.](#) seqq.
 Votum sollemne castitatis irri-
 tat nuptias, non simplex [349.](#)

X

X Enodochium quid [389.](#)







